



c

710.14.

22. 11. 74





D E
CAPELLA REGIS
UTRIUSQUE SICILIÆ
ET ALIORUM PRINCIPUM
S E U
DE SACRIS AULICIS REBUS
LIBER UNUS
A U C T O R E
J O S E P H O C A R A F A
N U N C
E P I S C O P O M I L E T E N S I

Editio altera auctior & emendatior.



N E A P O L I M D C C L X X I I .
E X T Y P O G R A P H I A R A Y M U N D I A N A
S U P E R I O R U M F A C U L T A T E .

2

1. The first part of the paper is devoted to a discussion of the general principles of the theory of the structure of the atom.

2. The second part of the paper is devoted to a discussion of the general principles of the theory of the structure of the atom.

3. The third part of the paper is devoted to a discussion of the general principles of the theory of the structure of the atom.

4. The fourth part of the paper is devoted to a discussion of the general principles of the theory of the structure of the atom.

5. The fifth part of the paper is devoted to a discussion of the general principles of the theory of the structure of the atom.

6. The sixth part of the paper is devoted to a discussion of the general principles of the theory of the structure of the atom.

7. The seventh part of the paper is devoted to a discussion of the general principles of the theory of the structure of the atom.

8. The eighth part of the paper is devoted to a discussion of the general principles of the theory of the structure of the atom.



Neapolitanum Regnum, agrorum ubertate, aeris salubritate, locorum amantitate, amplitudine, opibus, incolisque nobilissimum, ab annis supra biscentum, suorum Principum præsentia destitutum, & in Provinciarum conditionem, formamque redactum, ætate nostra suos accepit Reges in hac Civitate principe commorantes; quorum præsentia, Legibus, Magistratibus, Judiciis, Militiæ, Ecclesiasticis negotiis, ac rebus fere omnibus; veluti nova facies est comparata. In harum rerum numero recensendum est tum sacrum, tum civile Aula Neapolitanæ ministerium; cui quidem tantum accessit splendoris, & ornamenti, quantum inter Reges Proregesque discriminis intercedit; ut proinde merito sanctæ memoriæ Pontifex Benedictus XII. edita Constitutione, pristina jura Capellæ Palatinæ nostrorum Principum, & vetera privilegia Capellani Majovis hujus Regni, nedum confirmaverit, ac rata habuerit, verum etiam novis auxerit beneficiis. Hinc mihi enata est occasio scribendi de Capellâ Regis utriusque Siciliæ; ut olim Turturetus libellum scripserat de Sacello Hispano, & Peiratius de Oratorio Regis Galliæ: quo consilio, ac exemplo, veterem dignitatem, ordinem, & jura Capellæ Regum utriusque Siciliæ in medium proferre statui; simulque hanc sacrarum rerum, & rituum partem, quæ ad Aulas Summorum Principum spectat, illustrare, quam nulli bucusque, data opera, versarunt. Neque enim in sola nostrorum Principum Aula hæreo, sed ad sacra domestica Imperatorum, Regum Galliæ, Hispaniæ, Lusitanæ, Sardinie, & aliorum Principum excurreo; tum ut inde constet, quibus in rebus Neapolitanorum Regum Aula cum cæteris consentiat, ac præstet; tum quia, cum plurima

apud

apud nos sacra, ob recentem Principis præsentiam, nondum certa lege, & norma definita sint, facile inde ordinari possunt, perspecto aliorum Principum more; tum denique, ut omnibus, si quid valeo, servirem. Hæc vero omnia brevissime expedio; & eam ob rem, non mediocrem cum Lectore me iniuvisse gratiam censeo, quod plurima paucis complexus, insigniores omnes sacras Aulicas caeremonias tradiderim. At ne quis mihi vertat vitio, quod minutissima quædam de loco, sede, & aliis hujusmodi, sæpe adnotaverim; baud enim temere id a me factum; siquidem perspectum est in caeremoniis sive civilibus, sive ecclesiasticis sapissime ob hujus generis negotia, quæstiones gravissimas, difficultatesque excitari, quæ nulla sane meliori ratione componi possunt, quam prolatis exemplis, vel ab antiquorum, vel ab exterorum moribus haustis. Porro in hisce caeremoniis describendis, Latini sermonis elegantiam minime servari potuisse; nonnullas quoque usurpandas fuisse voces, quæ Latinam puritatem minime sapiunt, æquus, & sapiens quisquis facile intelliget, veniamque dabit. Addo in hujus Operis calce indicem Majorum Capellanorum Regni Neapolitani, quotquot e variis monumentis invenire potui, cum primus illorum seriem ediderim. Denique cum nulla jam superessent exemplaria hujus Libri Romæ editi anno MDCCXLIX. ex typographia Antonii de Rubéis, statui novam hanc editionem magis auctam, meliusque ordinatam dare. Atque hæc pauca præfari æquum duxi.

I N D E X

C A P I T U M.

C A P U T I.

DE CAPELLA PALATINA.

An Principes Ethnici. II. Et an Judei habuerint domestica Oratoria. III. Hac quam antiqua & usitata apud Christianos in Oriente. IV. Et in Occidente. V. De Oratorio Palatino Imperatorum Orientis. VI. Et Imperatricum. VII. Et Regum Francorum primæ stirpis. VIII. Capelle vocabulum unde deductum. IX. De Capella Regum Gallie. X. Hispaniæ. XI. Angliæ. XII. Lusitanie. XIII. Ducum Braganzinorum. XIV. Ducum Sabaudie. XV. De Capella Palatina Panormitana sub Normannis. XVI. Suevis. XVII. Aragoniis & Austriacis Siciliæ Regibus. XVIII. De Capella Palatina Neapolitana, regnantibus Andegavensibus. XIX. Aragoniis. XX. Et Austriacis Neapolitanis Regibus.

pag. I

C A P U T II.

DE CLERO PALATINO.

Capellani unde dicti. II. De Clero Imperatorum Orientis. III. De Clero Palatino Regum Francorum primæ stirpis. IV. Et secundæ stirpis. V. Et tertiæ stirpis. VI. De Capellanis seu Eleemosynariis Regum Gallie. VII. De Capellanis Regum Hispaniæ. VIII. De Clero Palatino Normannorum Sicilia Regum. IX. Et Suevorum. X. Et Aragonum. XI. Et Austriacorum. XII. De Clero Palatino Regum Neapolitanorum Andegavensium. XIII. Cui plures docti viri adjugebantur. XIV. De numero & stipendio Capellanorum sub Andegavensibus. XV. De eodem Clero, regnantibus Aragoniis. XVI. Et sub Austriacis. XVII. De eorum numero, & officio. XVIII. De Consecrario Regis. XIX. De Eleemosynario. XX. De Concionatore Aulico. 27

C A P U T III.

DE MAGNO CAPELLANO.

De Protopapa Palatii Imperatorum Orientis. II. De Archicapellano Imperatorum Occidentis. III. De Abbate Oratorii Palatini Regum Francorum primæ stirpis. IV. De Archicapellano Regum Francorum secundæ stirpis. V. Archicapellanus Episcopus precedebat. VI. Quodnam fuerit ejus ministerium. VII. De Magno Eleemosynario Franciæ sub Regibus tertiæ stirpis. VIII. Quenam sint ejus munia in Aula Regum Gallie. IX. Et quanam ejus partes in sacro ministerio. X. De Magno Eleemosynario Regine. XI. De Magno Capellano Regum Hispaniæ. XII. Et Regum Lusitanie. XIII. Et aliorum Principum. XIV.

De Magno Eleemofynario Regum Sardinia, Ducumque Sabaudia. XV. Magnus Capellanus Aulicus debet ex Episcoporum Ordine esse. XVI. Potest etiam Cardinalatus honore frui. XVII. De Magno Capellano sub Normannis Sicilia Regibus. XVIII. Et quodam fueris ejus officium. XIX. De eodem, regnantibus Suedis. XX. Et Aragoniis. XXI. Deque ejus tunc temporis ministerio. XXII. De eodem, imperantibus Austriacis. XXIII. De Magistro Regalis Capellae sub Andegavensibus Neapolis Regibus. XXIV. Quae fuerint illius munia. XXV. De Capellano Majore, regnantibus Aragoniis. XXVI. Is ex Episcoporum numero erat. XXVII. De Capellano Majore sub Austriacae gentis imperio. XXVIII. De variis hujusce dignitatis titulis. 54

C A P U T IV.

DE PRIVILEGIIS CAPELLAE REGIAE, CLERI PALATINI, ET MAGNI CAPELLANI

- I. De origine, & progressu privilegiorum. II. In Regno Neapolitano. III. De privilegiis ad Capellas & Capellanos Regios pertinentibus. IV. De hisce privilegiis in Anglia. V. Et in Aula Regum Galliae. VI. De iisdem in Gallia. VII. Praesertim de Cleri Palatini exemptione a residentia legibus. VIII. De privilegiis Magni Eleemofynarii Franciae. IX. Vetera jura Capellani Majoris, & Capellanorum Regum Hispaniae a Leone X. confirmata. X. Tum ab aliis Romanis Pontificibus aucta, & renovata. XI. Ea Paulus V. innovavit, auxit, ac perpetua esse declaravit. XII. Privilegia Capellani Majoris Regum Lusitaniae. XIII. Et ejus Cleri Palatini. XIV. Privilegia Magni Eleemofynarii Regum Sardiniae a Benedicto XIV. concessa. XV. Dubia, & Declarationes ejusdem Pontificis circa haec privilegia. XVI. Alia itidem Dubia, & Declarationes aliae. XVII. Album exemptorum in Aula Regum Sardiniae. XVIII. Antiqua jura Cleri Palatini nostrorum Principum quoad exemptionem a legibus residentiae. XIX. Et a solvendis decimis. XX. Antiqua jura Majoris Capellani Regni Neapolitani. XXI. Quae consuetudine potissimum innitebantur. XXII. Quod vero iis saepe reluctabatur, ea confirmavit, auxitque Benedictus XIV. 83

C A P U T V.

DE FACULTATIBUS CAPELLANI MAJORIS REGNI NEAPOLITANI.

- I. Regum nostrorum plura sunt in Ecclesiam merita. II. Omnia Divina Officia celebrari possunt in Capella Regis, Sacramenta, & Sacramentalia assevari. III. Regibus fas est cuilibet Presbytero officium, jurisdictionemque Capellani Majoris committere. IV. Quae loca completitur hujus jurisdictio. V. Et quas personas. VI. Ea jurisdictio est ordinaria. VII. Ad ipsum spectat Clericos, Capellanosque constituere pro Sacro Aula ministerio, Arcium, & Exercitus. VIII. De horum numero. IX. Deque horum exemptione ab Ordinariorum jurisditione. X. Concionatores Aulici a Capellano Majore facultatem, & benedictionem accipere debent. XI. Clerici & Scholares Regiae Capellae & Ecclesiae S. Sebastiani possunt ab eo ad sacros Ordinis pro-

mo-

moveri . XII. Presbyteri ad audiendas Confessiones sacramentales in Aula , Arcibus , & Exercitu ab eodem habent facultatem & approbationem . XIII. Horum tamen auctoritas extendi nequit ad alia loca aliasve personas . XIV. Bene vero Avlici , Militisque possunt Sacramenta suscipere a Presbyteris ab Episcopo Diocesano approbatis . XV. Avlicis , & Militibus Sacramenta omnia administrare potest Capellanus Major , vel per se , vel per alios . XVI. Idem permittit tum opera servilia , diebus festis ; tum carnea cibaria , diebus jejunii . XVII. De facultatibus Capellani Majoris quoad milites in statione . XVIII. Et quoad eosdem dum sunt in expeditione . XIX. Alia quedam privilegia addita recensentur . XX. Quam ampla sit Capellani Majoris auctoritas .

106

C A P U T VI.

DE ALIIS PRÆROGATIVIS CAPELLANI MAJORIS REGNI NEAPOLITANI.

Capellanus Major est supremus Rector Gymnasii Neapolitani . II. Rem litterariam ordinat . III. Jurisdictionem habet in Professores , Auditoresque . IV. Nulli sine ejus testimonialibus litteris possunt consequi Doctoris gradum . V. Nec ulli publice docere , neque libri eâi possunt sine illius auctoritate . VI. Sententiam dicit an Romanis Scripturis sit concedendum Regium Exequatur . VII. Quo ordine negotiorum hoc absolvatur . VIII. Imminet Beneficiis seu Ecclesiis omnibus Regii juris . IX. Quaestiones de Patronatu Regio , vel Feudali examinat & definit . X. Jus reddit in Causis ad hæc Beneficia spectantibus . XI. Curam habet vacantium Ecclesiarum Regii juris , idoneosque Rectores proponit Regi . XII. Speciali modo præest nonnullis Ecclesiis Regiis . XIII. Piarum , Confratrarum Regulas approbat , & quaestiones ad illas spectantes decernit . XIV. In negotiis Ecclesiasticis ad Regem delatis suam sententiam dicit . XV. De Consultore ejus Curie . XVI. De Appellatione ab hujus Curie decretis .

121

C A P U T VII.

DE LITURGIA PALATINA.

De Liturgia in Oratorio Palatino Imperatorum Orientis . II. Ordo Divinorum Officiorum . III. Et celebrandæ Liturgiæ . IV. Et celebrandæ Magnæ Hebdomadæ . V. Et curandæ strumas in Capella Regis Christianissimi . VI. Ordo agendi Divina Officia in Capella Regis Catholici . VII. Et Sacrum solemne celebrandi . VIII. Ritus , qui ibi observantur in Magna Hebdomada . IX. Ac in aliis quibusdam festis . X. Ordo Sacrarum rerum in Capella Regis Lusitania . XI. Et Sacrum solemmniter faciendi . XII. Quonam ritu alii festi dies inibi celebrentur . XIII. Ordo Liturgiæ in Aula Lusitana , qui nunc temporis obtinet . XIV. Et de festis diebus , qui ibi celebrantur . XV. Ordo Liturgiæ in Capella Regis Sardinia . XVI. Normanni Sicilia Reges quam fuerint Divinis Officiis addicti . XVII. De ritu acclamationum Regi , deque Collecta pro Rege in Liturgia . XVIII. De Sacris solemnibus sub aliis Sicilia Regibus . XIX. De permissu agendi opera servilia in nonnullis diebus festis . XX. Ordo solemnibus Liturgiæ in

Si-

Sicilia, presente Prorege. XXI. Neapolitani Reges Andegavenses, quam studuerint celebrandis Officiis Divinis. XXII. Item Reges ex Aragonia familia. XXIII. Quo ritu ageretur sollemnis Liturgia in Capella Palatina, regnantibus Aragoniis. XXIV. Et quinam fuerit ordo sedendi, ac decantandi sollemniter Vesperas. XXV. Rursus is Ordo explicatur. XXVI. Proregum tempore, quinam mores vique- rint. XXVII. Ritus, qui modo observantur in Capella Palatina. XXVIII. De Regia mensa in magnis sollemnibus. XXIX. De benedictione Regiæ mensæ. XXX. Cæremoniæ olim usitatæ in mensa Regum Neapolitanorum.

134

C A P U T VIII.

DE CORONATIONE REGUM.

Ordo coronandi Imperatores Orientis. II. De triplici Coronatione Imperatorum Occidentis. III. Ordo hujus Coronationis. IV. Et Imperatricis. V. De Coronatione Regum Gallie. VI. Ritus hujus sacræ cæremoniæ. VII. Ritus coronandi Gallie Reginam. VIII. De proclamatione Regum Hispaniæ. IX. Et Regum Lusitaniæ. X. Ordo coronandi Reges Poloniæ. XI. Angliæ. XII. Sveciæ. XIII. Daniæ XIV. Borussia. XV. Et Imperatorem Moschorum. XVI. De Coronatione Regum Siciliæ. XVII. De eorum Regio titulo. XVIII. Rursus de eorum benedictione. XIX. De Coronatione Regum Neapolitanorum. XX. De eadem, regnantibus Andegavensibus. XXI. Quæ fuerint Regia insignia Regum Neapolitanorum. XXII. De usu Dalmaticæ, et scissione Evangelii in Missa. XXIII. De Coronatione Alphonsi II. Neapolitani Regis. XXIV. Ordo hujus Coronationis. XXV. De proclamatione Regum qui succedere. XXVI. Ordo Coronationis Caroli Borbonii Regis utriusque Siciliæ.

167

C A P U T IX.

DE BAPTISMO REGUM.

In Palatiis Principum Baptismus sollemni ritu administrari potest. II. Ordo administrandi sollemnis Baptismi in Aula Imperatorum Germanorum. III. De usu miscendi aquam Jordanis Fontis Baptismali. IV. Ordo sollemnis Baptismi in Aula Regum Gallie. V. De usu Cerei et Chrismalis in Baptismo. VI. Ritus, quo Rex Christianissimus aliquem suscipit e sacro fonte. VII. Ordo sollemnis Baptismi in Aula Regum Hispaniæ. VIII. Et in Aula Regum Lusitaniæ. IX. Ritus Aula Lusitana offerendi Deo natum Infantem cum aliis cæremoniis. X. De Baptismo in Aula Regum Siciliæ. XI. De festis in Regum natalibus. XII. Ordo sollemnis Baptismi in Aula Neapolitana, regnante Carolo Borbonio. XIII. De titulo, quo donabantur primogeniti nostrorum Regum sub Normannis. XIV. Et sub Svecis, aliisque Siciliæ Regibus. XV. De eodem titulo sub Andegavensibus Neapolitanis Regibus. XVI. Et sub Aragonis, Austriacisque Regibus.

CA

C A P U T X.

DE NUPTIIS REGUM.

Regum Conjugia celebrari solent in Capella Palatina. II. Ordo benedicendi Nuptias in Aula Imperatorum Germanorum. III. Et in Aula Regum Gallia. IV. Vel si matrimonia fuerint alibi per Procuratorem celebrata. V. Expenduntur nonnulli ritus nuptiales Aulae Gallicanae. VI. De Conjugiis in Aula Regum Hispaniae. VII. Et in Aula Regum Lusitaniae. VIII. De iisdem in Aula Regum Neapolitanorum. IX. Ordo celebrandi Nuptias, regnantibus Aragoniis. X. Rursus is Ordo describitur sub iisdem Regibus. XI. Et ritus benedictionis Nuptiarum in solenni Liturgia. XII. De felicissimis Conjugiis Caroli Borbonii, & Mariae Amaliae de Saxonia: Ferdinandi IV. & Mariae Cavolinæ Austriacæ Regum utriusque Siciliae.

215

C A P U T XI.

DE RITU CONFERENDI ORDINES EQUESTRES,

Ritus inaugurandi Equites Velleris aurei in Hispania. II. Et agendi festum diem S. Andreae Apostoli tutelaris Ordinis. III. De Ordine Equestri sub patrocinio SS. Conceptionis nuper à Carolo Borbonio Hispania Rege instituto. IV. Ritus cooptandi Equites in hunc Ordinem. V. Ritus creandi Equites Spiritus Sancti in Gallia. VI. Et ejus sollemnia celebrandi. VII. De Ordine Equestri Periscelidis in Anglia. VIII. Et Aquila Nigræ in Borussia. IX. Ritus armandi Milites olim apud Neapolitanos Reges usitatus. X. Societates Equestres olim à Neapolitanis Regibus conscriptæ. XI. Statuta Equestris Ordinis Spiritus Sancti, Ludovico Tarentino Neapolitanorum Rege auctore. XII. Equites huic Societati adscripti. XIII. Ritus creandi Socios dell' Armellino sub Aragoniis Neapolitanis Regibus. XIV. Ritus inaugurandi septem Supremos Proceres Neapolitani Regni. XV. De Regali Ordine S. Januarii instituto à Carolo Borbonio. XVI. Ordo creandi Equites S. Januarii. XVII. Et Officiales ejusdem Societatis. XVIII. Et agendi festum diem S. Januarii. XIX. De Ordine Constantiniano. XX. Ritus hujusmodi Equites initiandi.

230

C A P U T XII.

DE RITU PRÆSTANDI SACRAMENTA.

De juramentis, quæ olim Episcopi in Gallia præstabant. II. Ritus hujus cæremonia describitur. III. De quibusdam aliis sacramentis, quæ in Aula Regum Gallia præstantur. IV. Ritus jurandi à Gallia Regibus inita fœdera. V. De præstando hominio, & juranda fidelitate Principi Asturicensium in Hispania. VI. Ordo hujus cæremonia narratur. VII. De sacramento edendo à Clericis Aulae Hispaniae. VIII. Et quo Reges Hispania se obligant fœderibus custodiendis. IX. Ritus jurandæ fidelitatis Regi Lusitaniae. X. Et Regi Sardinia. XI. De hujusmodi sacramentis in Sicilia. XII. Ritus ea edendi. XIII. De iisdem in Neapolitano Regno. XIV. Ordo juratæ fide-

1a

tatis Carolo Borbonio Regi . XI. De ritu, quo olim Barones fidelitatem Regi jurabant . XVI. Formula hodierna hujus juramenti . 258

C A P U T XIII.

DE SACRIS QUIBUSDAM ALIIS CÆREMONIIS PALATINIS.

De Rosa aurea a Romano Pontifice benedicta . II. Ritus, quo ea Summus Principibus datur . III. De Ense & Pileo pariter a Romano Pontifice benedictis . IV. His donati fuere nonnulli Neapolitani Principes stirpis Aragonia . V. Ordo hujus cæremonia describitur . VI. De eadem rursus . VII. De Cardinalatus insignibus . VIII. De usu mittendi ad absentes Cardinalatus insignia . IX. Ordo hujus cæremonia in Gallia . X. Et in Hispania . XI. Et in Lusitania . XII. Et in Aula Neapolitana regnante Carolo Borbonio . XIII. Referuntur Pontificis de hac re Litteræ . XIV. Et ipsa cæremonia enarratur . 276

C A P U T XIV.

DE REGUM FUNERE.

Ordo Regii funeris in Aula Imperatorum Germanorum . II. Quo olim ritu sepelirentur Reges Gallia . III. Ordo Regii funeris in Aula Regum Gallia . IV. Quas partes in hac re habeat Magnus Electosynarius . V. Ordo Regii funeris in Aula Regum Hispania . VI. Et in Aula Regum Lusitania . VII. De eadem re apud Lusitanos . VIII. De Regii funeribus in Anglia, Svecia, Polonia, Moscovia, Borussia . IX. De Regum exequiis in Sicilia . X. Et in Neapolitano Regno . XI. Imperantibus Austriacis . XII. Et regnante Carolo Borbonio . 294
Capellani Majores Regni Neapolitani . 310
Constitutio Benedicti XIV. de jurisdictione & facultatibus Capellani Majoris Regni Neapolitani . 319
Breve ejusdem Pontificis ad Carolum Emanuelem Regem Sardinia de de juribus Magni Electosynarii , 332


Die 4 mensis Januarii 1772.

Reimprimatur, regiis jurebus, legibus, moribusque Regni semper salvis.

Vargas Macciucca .

Carulli .





C A P U T I.

DE CAPELLA PALATINA.

An Principes Ethnici. II. Et an Judæi habuerint domestica Oratoria. III. Hæc quam antiqua, & usitata apud Christianos in Oriente. IV. Et in Occidente. V. De Oratorio Palatino Imperatorum Orientis. VI. Et Imperatricum. VII. Et Regum Francorum primæ stirpis. VIII. Capellæ vocabulum unde deductum. IX. De Capella Regum Gallia. X. Hispania. XI. Angliæ. XII. Lusitanæ. XIII. Ducum Briganthinorum. XIV. Ducum Sabaudia. XV. De Capella Palatina Panormitana sub Normannis. XVI. Svevis. XVII. Aragoniis, & Austriacis Sicilia Regibus. XVIII. De Capella Palatina Neapolitana, regnantibus Andegavensibus. XIX. Aragoniis. XX. Et Austriacis Neapolitanis Regibus.



Christianorum plurima instituta cum Judæis, Ethnicisque communia fuerunt, quin id vitio dari possit; ut enim optime agebat Hieronymus contra Vigilantium exprobrantem cereorum usum tamquam ab Ethnicis desumptum: illud fiebat idolis, & idcirco detestandum; hoc fit Martyribus, & idcirco recipiendum. In harum rerum numero recentent nonnulli domestica Oratoria, quæ similia Ethnici habuere, ubi eorum Manes, & Dii, & Heroes colebantur: Lararia dicta, quod Diis Laribus sacris essent consecrata. Hæc nedum in privatorum domibus, sed & in Imperatoriis Aedibus extitisse, testatur Lampridius scribens de Alexandro Severo, hunc matutinis horis rem divinam fecisse in Larario suo, ubi Deorum, & Heroum effigies servabantur, quibus etiam addidit Abrahami, & Christi simulacra. Suetonius memorat Augusti Imperatoris Sacrarium: & enarrans Livie cum Tiberio dissidium, refert illam desumpsisse codicillos quosdam e Sacratio Augusti. Sacrarii autem nomine, etsi aliqui opinantur Secretarium denotari, ubi res secretæ recondebantur: tamen videtur aliis, idem

idem plane fuisse Sacrarium cum Larario, locum nempe ædium a profanis usibus sejunctum, sacris rebus dicatum, ubi imagines Deorum, & sacra omnia servabantur. Sunt qui, præter domestica Oratoria, domesticos quoque Sacerdotes iisdem Imperatoribus adscribunt, quos Palatinos Sacerdotes, antiqui Scriptores dixerunt: & Flamines Augustales, Trajanales, Flaviales, autumant dictos, quod in Aula apud hosce Imperatores sacris operarentur. Sacerdotem etiam Palatualem, qui Palatuz Deæ, cujus tutelæ commissum erat Palatium, sacrificabat, arbitrantur sacrum fuisse Aulæ ministrum. Verum enimvero Palatini Sacerdotes dicebantur, non ab Ædibus Imperatoriis, sed ab ea Urbis regione, quæ mons Palatinus dicta est, ubi & Templum erat Apollinis Palatini: Flamines autem Augustales, Trajanales, Flaviales, non qui in horum ædibus sacra faciebant; sed qui his Imperatoribus, ceu Diis, sædissima adulatione immolabant. Ad regionem quoque Palatinam spectat Dea Palatua, sacrificium Palatual, Sacerdos Palatualis: cujus quidem meminit Varro libro sexto de lingua Latina, quo tempore, nondum Cæsaris domus, Palatium dici cœperat; cum ab Augusti imperio, qui primus in Palatinam Urbis regionem migravit, domus Imperatoris vocari cœpit Palatium. Non ita proinde constat, in Aula Cæsarium aliquos fuisse a sacris domesticis, quemadmodum constat ibidem Lararia extitisse.

II. Neque id de Judeorum Regibus compertum est: quamvis libro quarto Regum, ubi Salamonis familia describitur, inter cæteros Aulæ ministros enumerentur Sadoc, & Abiathar Sacerdotes, Zabul filius Nathan Sacerdos, & amicus Regis; qui e domesticorum cœtu fuisse videntur, uti Ahia Scriba, Josaphat Historiographus, Ahisar Præpositus domus, alique. At nullibi Scriptura indicat Sacerdotes, qui in Aula Regum sacra facerent, quod minime silentio præterisset: ibi vero Abiathar Sacerdos dicitur, quod eo munere olim fungeretur, in cujus locum, Salomonis jussu, Sadoc fuerat subrogatus. Uterque non in Aula, sed in Templo sacris operabatur. Quoad Zabul attinet, hunc non Sacerdotem, sed filium Mathan Sacerdotis, legendum esse plurimi censent: aliis vero placet, Sacerdotis nomine juxta versionem Septuaginta, nonnisi Principem designari. Observat tamen ad hanc rem Turretus lib. de Sacello Hispano cap. 2. Reges quidem Judæorum non habuisse in Aula domesticum Templum, cum in Republica Judaica nonnisi unicum esset Templum a Salomone constructum, neque fas esset alio in loco, Deo immolare: attamen Regiam domum Templo propinquam fuisse, ut inde Regibus facile esset iter ad Templum, Cæterum loco Oratoriorum Judæis fuisse Proseuchæ, & Synagogæ, ubi extra Templum, ad preces conveniebant. Hanc vicinitatem Templi, & Aulæ comprobatur locus, ubi necem subiit Athalia, nempe extra septa Templi, & in porta equorum Regiæ domus. Denique cum Salomon, peracta dedicatione Templi, Sacerdotes & Levitæ in quasdam classes distributos, statuisset in orbem sacro ministerio vacare; si qui in Aula debuissent sacris operari, eo loci innuisset.

III. Apud Christianos domestici Oratorii originem adeo antiquam facit Gatticus in egregio libro de his Oratoriis nuper edito, ut ad Apostolorum referat ætatem, quum domi sæpe peracta sunt sacra Mysteria: & Lupus scribens in canones Trullanos, ad persecutionum tempora, quum mos erat Christianis, domi suæ Eucharistiam asservare. At sævientibus persecutionibus, etsi certum sit Eucharistiam in pri-

privatis domibus celebratam, & asservatam fuisse: attamen vix esse potuerunt Christianis domestica Oratoria fixa, & solis rebus divinis consecrata, ne se, & sacra facile Gentilibus proderent. Hinc Tertullianus monebat uxorem, ne sciret conjux infidelis, quid secreto ante omnem cibum gustaret: & Cyprianus memorat servatam Eucharistiam in arca. Cum tamen adhuc, diuque post pacatam Ecclesiam, perduraverit usus celebrandæ, asservandæ, & fumendæ domi Eucharistiæ; hinc domestica Oratoria invaluerunt, & longe lateque in usu recepta sunt. Sæculo sexto Justinianus Imperator Novella 58. vetuit in domesticis Oratoriis sacra Mysteria celebrari: permittit tamen illorum usum, solius orationis gratia, dummodo non ibi sacra fierent, utpote quæ in Ecclesiis solis essent peragenda. Et alia Novella sua, quæ est 131, noluit ad hæc Oratoria Presbyteros, Clericosque ordinari; sed ex iis, qui jam ordinati erant ad Ecclesias publicas, jussit delegari aliquos, qui in domesticis Oratoriis sacra ministrarent. Verum Trullani Patres can. 31. facultatem celebrandi sacra, & baptizandi in hisce Oratoriis fecere; dummodo tamen adesset consensus Episcopi loci. Deinde Leo sapiens Imperator Novellis 4. & 15. cuicumque Sacerdoti liberum fecit, in domesticis Oratoriis rem divinam facere; asserens jam non Optimates tantum, sed & mediocris fortis homines Oratoria suis in ædibus habere. Exinde, ut testatur Balsamon in commentariis ad canones Trullanos, non jam Græci requirebant Episcopi sui consensum; rati implicitum adesse Episcopi consensum, quod in domesticis Oratoriis sacra Mysteria agerentur, modo in mappis ab Episcopo consecratis. Tamque apud ipsos crevit Oratoriorum numerus, ut cum exinde negligerentur Parochiales Ecclesiæ, Alexis Patriarcha Constitutionem ediderit, quæ extat in Jure Orientali, ne Magnates ad Oratoria sua turbas hominum admitterent, neve Baptismata, & sacra Mysteria ibi ministrarentur, nisi festis diebus. Conjicit doctissimus Thomassinus de Benef. p. 1. lib. 2. cap. 96. hanc Oratoriorum frequentiam apud Græcos derivatam, quod apud eos olim nonnisi unum esset altare, & in uno altari nonnisi una Missa eodem die celebraretur. Qua de re cum ex tanta hominum multitudine plures sacrificio adesse non possent, excitabant sibi Oratoria, ubi divinis rebus vacarent.

IV. Neque minus obvia occurrunt in Occidente. Gregorius Magnus in suis epistolis sæpe memorat Oratoria, quæ suis in domibus Magnates construxerant: & ep. 43. lib. 6. jubet Episcopum Syracusanum sacra facere in ædibus Venantii Patricii, ut cum eo rediret in gratiam. Concilium Aurelianense IV. sexto sæculo celebratum can. 26. diserite memorat Ecclesias in Magnatum domibus constructas, quæ Parochiarum loco erant, & quarum ministerio Clerici serviebant. Sequentibus sæculis, cum neglectis jam publicis Ecclesiis, domestica Oratoria nimium frequentarentur; statuit Carolus M. in suis Capitularibus, ut fas non esset ea adire Dominicis, festisque diebus; utque ne ibi sacra Mysteria conficerentur sine Episcopi auctoritate. Eo res venerat sæculo nono, ut in Gallia, nobilis fere quisque, suum apud se Presbyterum, Capellanumve haberet, qui sibi & Mysteria celebraret, & Divina recitaret Officia. Hujus rei testis est Agobardus Lugdunensis in tractatu de privilegiis & jure Sacerdotum, ubi graviter conqueritur, quod hi domestici Sacerdotes in humanis etiam officiis intervirent. Eodem sæculo Ticinense Concilium ægre tulit, ob nimiam domesticorum Oratoriorum frequentiam, nobiles personas rarius ad Ecclesiam accedere.

4
Et in Germania mos erat apud nobiles viros donandi libertate quemdam e servis suis, eumque Presbyterum instituendi, ut in Oratorio suo divina ministraret, cujus moris meminit canon Concilii Althheimensis relatus Cap. Nullus de Servis non Ordinandis. Tandem in Neapolitano Regno, domestici Oratorii usum plurimum vixisse, indicat testimonium Hugonis II. Guidardii in Provinciali Synodo Beneventana anni 1374. tit. 12. cap. 8. ubi *Permittitur cuilibet privato habere Oratorium privatum in domo sua, & ibi orare; sicut habet communis harum Partium observantia; sed multum cavere deberent sic facientes, ne in cameris suis, aut locis ubi tenent; & faciunt Oratoria, quidquam inhonestum, aut turpe exercerent. In talibus autem Oratoriis privatorum fidelium, non debet Missa celebrari sine auctoritate Episcopi, & propter necessitatem, & tunc sine præjudicio juris Parochialis Ecclesie; nec in festis præcipuis, sed aliis diebus, & hoc debet continere licentia, quando conceditur a Diocesano.*

V. Oratorii Palatini initia a Constantini Magni piissimi Imperatoris Aula, sunt repetenda; quem habuisse in Palatio Ecclesiam, ubi Scripturas meditabatur, & preces Deo fundebat, scribit in ejus vita Eusebius lib. 4. c. 17. *In Palatio quamdam veluti Ecclesiam Dei constituit . . . Præibat cunctis, qui in Ecclesiam illam erant adscripti, & sacros Codices in manus sumens, oracula a Deo edita, attento animo meditabatur, posthac solemnes preces cum Aulicorum cætu recitabat.* Aderant sacri Ministri in ejus Aula: nam Eusebius lib. 4. cap. 18. testatur, Diaconos, atque Deo consecratos Ministros, vitæ gravitate, & reliquis virtutibus ornatos, totius domus custodes constituisse. Addit Sozomenus lib. 1. cap. 8. Oratorium quoque portatile, religiosissimum Principem ad castra deferre solitum; Sacerdotes etiam, qui rem divinam facerent, quos in bellicis expeditionibus volebat comites sibi adhiærere. *In Palatio extruxit Oratorium, & Tabernaculum Ecclesie figuram exprimens, cum contra hostes praelio contenderet, secum circumferre consuevit, ad eum finem, ut neque sibi in solitudine vitam agenti, neque exercitui deesset ædes sacra, in qua quidem deberent Deum laudibus efferre, & sacra Mysteria percipere. Nam Sacerdotes & Diaconi, qui secundum Ecclesie institutum ista munera obirent, Tabernaculum assiduo secuti sunt.* Subdit Principis exemplum cæteros imitatos esse milites, ita ut quisque Numerus cujusque Legionis, & Tabernaculum habuerit, & Clericos ad sacra munia obeunda. Socrates etiam lib. 1. cap. 18. enarrat pugnaturum Constantinum adversus Persas, secum detulisse castrense Oratorium ex variis, pictisque velis confectum, ut in locis desertissimis rei divinæ vacaret. Jam tum itaque Oratorium Palatinum fuit ad instar Ecclesie compositum, ubi cujuslibet ordinis Clerici, & in celebrandis sacris Mysteriis, & in persolvendis divinis Officiis, solemnî ritu deservirent. Constantini filios ab ea tanti parentis pietate minime discessisse, testatur ibidem Eusebius lib. 4. cap. 52. scribens, quod non tam paternis monitis, quam sua sponte incitati præcepta Parentis sui alacritate animi superarunt, quippe qui Divinæ Religionis observantiam semper præ oculis haberent, & sanctos Ecclesie Ritus in ipso Palatio cum universis Domesticis custodirent. Simile Oratorium habuisse Theodosium juniorem colligitur ex quotidianis pietatis officiis, quibus ipsum operam dedisse, refert Socrates lib. 1. Hist. cap. 22. *Palatium suum sic instituit, ut a Monasterio non multum discreparet; matutino tempore ipse una cum Sororibus suis. hy-*
mnos

mnos in Dei laudem alternis recitare consueverat. Memorat Theophanes Capellam Palatii, ubi Imperator Heraclius cum conjugē suā, corona Imperatoria redimitus est; ubi & nuptiæ celebratæ fuerunt. Antequam Imperatoriam Sedem conscenderet Justinianus construxerat in suo Palatio Oratorium D. Petro dictum, cuius ipse meminit in epistola ad Hormisdam Papam, quem exoravit *quatenus Reliquiis Sanctorum Apostolorum, tam Nos, quam Basilicam eorum hic in domo nostra sub nomine prædictorum venerabilium constructam illustrare, & illuminare large dignemini*. Hanc Basilicam dictam fuisse Sancti Petri in Hormisda, Scriptores testantur: atque eandem fortasse cum Oratorio Palatino S. Petri, cuius meminit Anastasius in vita Agathonis Papæ; ubi refert Legatos hujus Pontificis susceptos fuisse a Principe in *Oraculo S. Petri intra Palatium extante*. Oraculum enim idem significat ac Oratorium, seu locum orationi deputatum. Aliud Oratorium in Palatio Mauritius Imperator D. Paulo Apostolo consecravit: quod Constantina Augusta, Sancti Apostoli Reliquiis ditari a Gregorio Papa exoptabat; ut is testatur lib. 3. ep. 30.

• VI. Imperiales etiam scemina, quibus Palatia distincta ædificabantur, domestica habuerunt Oratoria. Theophanes enim refert Pulcheriam extruxisse Oratorium S. Stephani in Palatio, & in eo collocasse S. Protomartyris Reliquias. Idem narrat in Domo Marinæ celebratas nuptias Dementiæ filiz Phocæ Imperatoris cum Prisco Patritio. Cedrenus etiam meminit Palatini Oratorii, ad an. 19. & 20. Theodosii junioris, ubi non raro coronabantur Imperatores, eorumque filii. Suum quoque Oratorium domesticum habuit Placidia Augusta: cuius altare subvertere ausus est Paulus Pseudo-Patriarcha, ut injuriam irrogaret Apostolicæ Sedi, uti refert Anastasius in vita Martini Papæ. Hoc Placidinianum Oratorium dicitur ab Anastasio *Oraculum & Altare Sedis Apostolicæ*; quia in domo Placidiz, Legati sedis Apostolicæ recipiebantur: imo Vigilius Pontifex se in Placidiana domo habitasse scribit in epistola ad Ecclesias. Quotidiana pietatis officia, quibus vacabat mater Alexis Imperatoris indicant, eidem fuisse domesticum Oratorium. De eamque scribit Anna Comnena neptis, quod noctu diuque, stans horis, divinis persolvendis officiis, & Liturgiæ vacabat. Cum igitur Imperatores & Imperatrices sibi excitarent Oratoria; hinc plura fuerunt in Aula Constantinopolitana Oratoria Palatina, sicuti plura erant Imperialia Palatia. Fusc de his Oratoriis agit Clarissimus Cangius in Constantinopoli Christiana lib. 4. Insigne præ aliis fuit, quod in magno Palatio a Theophilo Imperatore constructum refert Continuator Theophanis lib. 3. cap. 43. Aliud dictum *Deiparæ Phari* ædificavit illius successor Michael prope triclinium Palatii, ubi imperialia sponsalia aliquando celebrata narrat lib. 4. Theophanes. Basilium Macedonem quinque Oratoria in Palatio excitasse, eorumque præcipuum Oratorium S. Pauli a Mauritio olim ædificatum, scribit in illius vita Porphyrogenitus. Qui idem commemorat Palatina Oratoria Deiparæ Virgini, S. Petro, S. Clementi, S. Michaeli ab eodem Basilio consecrata. Leo Sapiens construxit in Aula ædem sacram S. Annæ, ut testatur Continuator Theophanis lib. 3. Et Isaac Comnenus in Palatio extruxit Ecclesiam in honorem S. Theclæ, ut refert Anna Comnena lib. 3. Alex. Ab aliis Imperatoribus alias sacras ædes Palatinas excitatas enarrat Cangius in laudato Opere: ex quo illud etiam constat, consuetudinem celebrandi in Cappellis Imperialibus, usque

ad

ad Orientalis Imperii interitum perseverasse. Sed de Clero Imperatorio, & de Liturgia Palatina in Oriente alibi dicendum erit.

VII. In Occidente, omnium antiquissima Capella Palatina occurrit in Aula Regum Francorum. Hos primæ stirpis Reges Oratorium in Aula habuisse, conicit Clar. Thomassinus p. 1. lib. 2. cap. 109., ex eo quod Clodoveus plures in suum consilium adhibuit Episcopos, Clericosque, ut illum monuerat Remigius: & Stephanus Leodiensis in vita S. Modoardi Trevirensis plures è consilio Dagoberti II. Episcopos nominat. Verum, quod a consiliis essent Episcopi Regibus, non inde emergit, quod eisdem fuerint a sacris domesticis. Sunt tamen alia hujus rei argumenta: siquidem Gregorius Turonensis lib. 8. Hist. Franc. cap. 44. meminit Oratorii Guntramni Regis; & lib. 10. cap. 18. alterius Oratorii Childeberti Regis, ubi matutinis Officiis interesse consueverat. Mabillonius in libro de Re Diplomatica exhibet nonnulla Placita Theodorici & Childeberti Regum, ubi mentio fit Oratorii Palatini; in quo Capella S. Martini servabatur. In actis S. Desiderii Episcopi Cadurcensis apud Cointium in ann. Franc. ad an. 617. legitur, illius fratrem, & prædecessorem Rusticum fuisse Abbatem Regii Oratorii, Nonnulli etiam memorantur Capellani Regum primæ Dynastiæ, quos Oratorio Palatino mancipatos fuisse conjicere licet. Monachus Inculismanus Episcopatum datum a Clodoveo Aptonio Capellano suo. Aigilbertus Episcopus Cenomanensis, qui floruit regnante Childerico, Archicapellanus dicitur in ejus actis. Cangius in Glossario laudat Bertharium sub Clotario, & Riculphum sub Dagoberto Archicapellanos. Denique Gregorius Turonensis lib. 8. Hist. cap. 29. memorat Clericos Fredegundæ Reginæ: & Gregorius M. lib. 9. ep. 120. Syagrium Episcopum indicat additum obsequio Brunehildis Reginæ. Præterea certum est, Reges Francorum primæ stirpis in Palatio suo servasse S. Martini Reliquias, quas in bellicis expeditionibus secum deferabant, & ad quas sacramenta fidelitatis persolvebantur. Id enim constat ex laudatis Placitis Theodorici, & Childeberti, & ex formulis Marculphi. Servabantur etiam in eorum Palatio aliæ Sanctorum Reliquiæ. Meminit namque Marculphus in quadam formula lib. 1. cap. 40. Reliquiarum, quas Rex varias in Provincias deportari faciebat, ut ad eas præstarentur sacramenta fidei, quæ sibi, filioque deberentur. Et Peiratus lib. 1. de Orat. Reg. Gall. cap. 4. 5. & 6. probat in more fuisse apud Francorum Reges Merovingiæ stirpis, Sanctorum Reliquias domi suæ custodire, easque deferre cum hostibus congressuros; atque ita factum a Clodoveo I., Childeberto I., Clotario I., aliisque. Jam vero ex hac religione erga Sanctorum Reliquias, causa etiam emergebat habendi Oratorium, & cœtum Clericorum, qui divina Officia persolveret. Nam solemne fuit Veteribus, ut ubi Sanctorum præsertim Martyrum, quiescerent Reliquiæ, ibi sacra peragerentur. Hinc nedum deputabantur Custodes Martyrum, & Monumentorum; sed & ordinabantur Clerici, qui ibi sacris operarentur. Quod ipsum indicat Concilium Chalcedonense can. 6. vetans aliquem ordinari, nisi in Ecclesia civitatis; pagi, aut in Martyrio, aut in Monasterio. Concilium Aurelianense II. can. 13. hos eisdem vocat Martyrarios. Et a Concilio Epaonensi can. 25. expresse statutum est, non esse collocandas Martyrium Reliquias in Oratoriis, nisi Clerici deputarentur: *qui sacris cineribus psallendi frequentia famulentur.*

VIII. A Capa illa S. Martini Turonensis, quam in Oratorio Palatino asservatam, & in castris delatam innumus, Oratoria dici caperunt Capellæ: ut in Placito Childeberti apud Mabillonium, Oratorium Regis nuncupatur Capella S. Martini. Hanc huius vocis etymologiam tradit Monachus Sangallensis lib. 1. de vita Caroli Magni, ubi ait: *De pauperibus supradictis quemdam optimum dictatorem & scriptorem in Capellam suam assumpsit, quo nomine Francorum Reges propter Capam S. Martini, quam ad bella portabant, Sancta sua appellare solebant.* Eandem assignat Valafridus Strabo de Reb. Eccles. cap. 31. *Dicti sunt primitus Capellani a Capa B. Martini, quam Reges Francorum ob adiutorium victoriæ in præliis solebant secum habere.* Eadem est sententia Honorii in Gemma animæ cap. 128., & in sermone de S. Martino: qui subscribunt Baronius, Cangius, Thomassinus, Mabillonius, alique. Neque audiendus Joannes Filesacus scribens in quer. Eccl. Gallic. Græcam esse illius vocis originem, quæ concavitationem denotat: cum inauditam esse eam vocem apud Græcos, Joannes Meursius testetur. Pariter rejiciendæ sunt interpretationes Glossographi, qui in cap. *Concedimus*, de Consecr. Dist. 2. dictam putat Capellam, quod caprarum pellibus tabernacula tegerentur; & eorum, qui ejusdem dictionis originem accerserunt a verbo Capio. Itaque Capellæ vocabulum primo occurrit in Marculpho, qui medio sæculo septimo floruit, lib. 1. formul. cap. 38. ubi refert, Francorum Proceres jurasse manu posita in Palatio super Capellam Domini Martini. Hic Capellæ vox Reliquias ipsas denotat: uti & in Charta quadam edita a Mabillonio lib. de re. Dipl. ubi Theodoricus Rex anno 680. ait: *Sua mano . . . in Oratorio nostro super Capella domini Martini, ubi reliqua Sacramenta percurrant, hæc debirent conjurare.* At in altera Childeberti Regis anno 710. ipsum Oratorium nuncupatur Capella; Sic ab ipso viro Grimaldo fuit judicatum, ut sex homines de Verno, & sex de Latiniaco bone fideus in Oratorio suo, seu Capella S. Martini immemorata hominis debirent conjurare. Quid vero ea fuit D. Martini Capa? Non alia sane juxta Gangii sententiam in Glossario, quam illius brevis tunica. Atqui tamen Hieronymus Bignonius in notis ad Marculphi formulas lib. 1. cap. 38. censet, non ullam D. Martini vestem denotari; sed Capsam, seu Capellam, aut thecam, ubi ejus recondebantur Reliquiæ. In eadem est sententia Peiratius lib. 1. de Orat. Reg. Gall. cap. 1. & 2. eo ductus momento, quod qui S. Martinum laudarunt Paulinus Nolanus, Severus Sulpitius, Gregorius Turonensis, nullam illius Capæ, seu tunicæ mentionem injecerint: imo ex epistola quadam Theodomari Abbatis Casinensis ad Carolum M. infert Capæ vocem, tunicam quamdam denotentem ab Italis, non a Francis derivatam. Hæc tamen non adeo valida sunt, ut Gangii sententiam convellant: præsertim cum Veteres Capam, non Capsam dixerint B. Martini. Quod vero hujus Capæ nulla occurrat mentio apud antiquos; causa esse potuit, ut optime advertit Gatticus cap. 2. §. 4., quod ea ætate, nondum illud vestimenti genus Capa diceretur, quo nomine donari coepit sæculo septimo adolescente. Memorant tamen Sulpitius, & Fortunatus, brevem, hispidamque Beati Martini vestem, quæ nudis brachiis, pectus solum ampiebat. Quoad Theodomari epistolam lib. 1. Chron. Casin. cap. 12. ibi sermo est de Cappa, seu Cucullo Monachorum, quod vestimenti genus, totum corpus contegentis, diversum sane est a Capa, de qua agimus. Atque

que hæc est illius dictionis Capellæ origo, quo nomine deinceps omnes sacræ Ædes donatæ sunt. Quin & ipsa sacra suppellex ad rem divinam faciendam dicta est Capella. Hoc sensu Carolus M. in suo testamento apud Eginhardum, vetuit dividi Capellam suam: & hoc sensu etiam non semel usurpat vocem Capellæ S. Everardus Comes in suo testamento apud Cangium in Glossario. Sed & Cancellaria Principis dicta est Capella; eo quod in Oratorio Palatino Archivum, Diplomata, & Regni monumenta asservarentur. Hinc in Concilio Francofordiensi an. 794. can. 3. Carolus M. post condonata delicta Thassiloni Duci Bojorum, iussit, ut unum Diploma hujus veniæ deponeretur in sacri Palatii Capella. Et de Anglia, testatur Spelmanus, Archivum Regium in Capella custodiri, quæ proinde dicitur Capella Rotulorum. In Statutis Davidis II. Regis Scotiæ leguntur litteræ, quæ emanarunt de Capella Regis. Unde qui. describendis Regiis publicisque instrumentis addicebantur, Capellani olim audiebant. Denique illud notandum est cum Peiratio lib. 1. cap. 8. Capellam Regis proprio & stricto sensu sumptam, non esse sacram Ædem ipsam in loco aliquo constructam; sed cœtum Clericorum, qui Regis sunt a sacris domesticis. Qua de re ubicumque Rex fuerit, sive in civitate, sive in castris, domi forisque, terra marique, habet Capellam suam: quemadmodum ubi Rex, ibi Aula.

IX. Regnante Carolo Magno sacrarum rerum amantissimo, & ejus stirpe, haud facile est dictu, quantum Capella Palatina splendoris, & dignitatis acceperit. Ordo Romani Officii, quem Pipinus invexerat in Galliam, quemque Carolus M. egregie promoverat, & propagaverat, ibi potissimum vigeat. Sangallensis Monachus lib. 1. de eccl. cura Caroli Magni cap. 33. ipsum exhibet, ut ducem & moderatorem cantus ecclesiastici, lectionum, & Officiorum, quæ celebrabantur in Capella Palatii: in qua nec ullum sinebat adscribi Clericum, nisi qui & litteras sciret, & cantum. Refert idem Scriptor, quibus ille se muniret vestibus, cum nocturnis adesset Officiis, & quanta circa ipsum esset Clericorum frequentia. Et Eginhardus in illius vita testatur: *Ecclesiam mane, & vespere, item nocturnis horis, & Sacrificii tempore, quoad eum valetudo permiserat, impigre frequentabat.* Hinc Palatina Ecclesia, veluti omnium exemplar habebatur, ad quam se ceteræ omnes conformarent, & tamquam magistræ æmulerentur. Quare cum: voluit Leo III. ut in Gallia recitaretur Symbolum more Romano, sine particula *Filioque*; hortatus est Missos Caroli M. ut in Regia Capella recitaretur, cujus exemplo se ceteræ Ecclesiæ accommodarent: Nec una erat Francorum Regibus Capella Palatina; imo cum plura eis essent Palatia, plures quoque ipsi habuere Capellas: omnium vero famosissima dicitur a Gaufrido in vita S. Bernardi, Capella Palatii Aquisgranensis; quam a Carolo M. excitatam Leo III. consecraverat. Plura de hac sacra Æde scribit Eginhardus in vita Caroli Magni: eamque pluribus Sanctorum Reliquiis ditatam constat ex sermone Caroli de illius fundatione, quem refert Miræus in Cod. piar. donat. cap. 11. Ibi enim ait Imperator, se Pignora Apostolorum, Martyrum, Confessorum, Virginum, ex variis Regnis, præcipue Græcorum, collegisse, atque in eam Capellam intulisse. Hujus instar, aliam inchoavit Imperator Ludovicus Pius in Theodonis-Villa, cujus meminit Continuator Reginonis ad an. 939. Neque enim minori erga Divina Officia studio afficiebatur; unde eum Davidi assimilat Theganus,

nus, atque plus nimio indulgisse Consiliariis suis, quod psalmodiz, & lectioni totus vacaret. Et cum ad ipsum scriberet Agobardus de multis, quæ imperium illius sedarent, non potuit non iustis laudibus afficere studium & assiduitatem ipsius ad Divina Officia frequentanda. Successores Reges secundæ & tertiæ stirpis habuisse Capellas Palatinas, habuisse & Capellanos plures, qui in Aula rem divinam facerent, cui ipsi sæpissimè intererant, constat ex Peiratio, toto libro de Orat. Regum Galliz. Inter eos eminere in omni pietatis genere Robertus & S. Ludovicus; quos Divina frequentasse Officia, noctu diuque in Capella sua; plures ad sacrum ministerium Clericos aluisse; præcipuas anni solemnitates summa coluisse religione; Oratorio etiam portatili usos esse ad sacra Mysteria conficienda, ubi iter agerent; & alia plurima pietatis argumenta referunt Helgaldus, Nangius, Gaufridus de Bello-loco, Scriptores illorum vitæ. Testis est Peiratius lib. 1. cap. 4. nulla fere a Regibus Palatia constructa, ubi non esset Oratorium ad sacra peragenda: Robertum excitasse in Palatio Ædem D. Nicolao sacram; Ludovicum VII. in Aula Sacellum B. M. Virgini consecrasse; & Sanctum Ludovicum in honorem Spinæ Christi Coronæ, quam a Balduino Orientis Imperatore acceperat, Sanctam Capellam Parisiensem cum Clericorum cœtu construxisse. Nam etiam Regibus secundæ & tertiæ stirpis mos fuit Sanctorum Reliquias in Aula custodiendi, ut idem tradit Peiratius lib. 1. cap. 6. & 7. Ita Hugo Capetus Sanctorum Maglorii, Sansonis, & Maglovii Corpora in Capellam intulit Palatinam; quam etiam Parochiali jure donatam voluit. Et de Roberto ejus filio scribit Helgaldus, quod *juvundobatur in Sanctorum Pignoribus a se auro & argento bene ornatis*. Refert Cangius in Glossario verbo *Capella* Chartam Caroli Simplicis, ubi Rex ait se Reliquias B. Virginis Walburgis collocasse in Capella Palatii Attiniaci, & duodecim ibi deputasse Clericos: *qui diu noctuque Divina horis competentibus frequentent Officia*. Has Reliquias deferri consuevisse cum in hostes castra movebantur, diserte constat ex Concilio Lipitinenfi anni 742., & ex Capitularibus Caroli M. lib. 7. cap. 103. ubi statutum fuit, ut nullis Clericis fas esset in hostem una cum exercitu pergere, nisi iis, quibus opus erat ad sacra munia obeunda, & ad Sanctorum Pignora portanda. Regnantibus vero tertiæ stirpis Regibus, celebre vexillum dictum Auriflammeum, ex ara B. Dionisii sumptum, summa religione, in hostes ferebatur. Iidem fere mores obtinere in Oriente, cujus Imperatores congressuri cum hostibus, & Reliquiis Sanctorum, & Auriflammeo utebantur. Tandem Capellæ Palatinæ Regum Galliz, nedum Sanctis Pignoribus instructæ erant, verum etiam splendidissima sacra suppellectile. Ut enim constat ex repertoriis Regis Roberti apud Helgaldum, & Ludovici Grossi apud Sugerium, & Caroli VI. apud Peiratium lib. 2. cap. 4. & 5. ibi recensetur Calices, Cruces, Evangeliorum libri, Candelabra, thuribula, simulacra, & alia sacri ministerii instrumenta, magno in numero, ex auro vel argento conflata: ornamenta etiam Sacerdotalia miri operis, summiq; pretii. Atque ex his satis superque patet, quam antiqua, & quam splendida fuerit Capella Palatina in Aula Regum Francorum. Et nunc temporis habent Galliz Reges Capellam, nedum in Parisiensi Palatio, verum in Palatio Fontisbellaquei a Francisco I. excitatam, & in Versaliensi a Ludovico XIV. constructam; quas describit Martinierius in suo Dictionario Geographico.

X. In Aula Hispana a Suevorum Regum ætate Sacellum extitisse Palatinum, conjicit Turturetus in libello ad hanc rem edito. Nam Concilium Lucense anno 567., regnante Theodmiro celebratum, dum suas singulis Episcopis Dioceses attribuit, Episcopo Dumienſi Regiam familiam assignat: *Ad sedem Dumienſem familia Regia*. Ex quo colligit ille, ita habuisse Hispanos Reges propriam Ecclesiam Aulæ, & Aulicos Sacerdotes, uti Aulæ Antistitem: rejicitque Garcíæ Loaisæ sententiam, qui nomine familiæ Regiæ denotari cenſet Monachos Dumienſis Monasterii, quod Regii erat juris. Addit, in Historia gentis Hispanæ par. 2. cap. 4., jussu Alphonsi Sapientis conscripta, Regiam Domum subditam dici Episcopo Dumienſi, hocque idem asserere Lucam Tudensem, & Ambrosium Morales Hispanos Scriptores. Regnantibus deinde Gothis, nullam quidem expressam mentionem occurrere Capellæ, & Capellanorum Aulæ Hispanæ; vestigium tamen ejus rei deprehendi in Concilio Toletano VII. cap. 1. ubi memorantur Sacerdotes, qui adstringebantur juramento, Regi se se fidos fore. Horum nomine cenſet Turturetus Aulicos Sacerdotes indigitari. Eugenium quoque Toletanum Antistitem e numero fuisse Palatinorum Sacerdotum opinatur, quod ab Idelfonso Toletano lib. de vir. illustr. cap. 14. dicatur Clericus Regiæ Ecclesiæ: *Qui cum Ecclesia Regia Clericus esset egregius*. Quamvis Hispani Scriptores nomine Ecclesiæ Regiæ, non Ecclesiam Palatinam, sed Toletanam interpretantur; quod amplissima Civitas illa olim diceretur Urbs Regia, Si vera tamen narrat Julianus, vel si vera a majoribus accepit, fuit Gothis Hispaniæ Regibus Capella Palatina, ubi S. Leocadiæ Corpus tumulatum erat. Is enim scribit in suis advers. n. 289. *Accepi simul a majoribus in S. Leocadiæ Sacello Regio, Corpus sepultum fuisse in Aula Sacello, & prope Sepulcrum Virginis, in pariete locatum thronum fuisse Regis Recesvinti, Gothorum more purpura tectum*. Sub tertia Regum Hispaniæ Dynastia, Regum nempe Legionis & Castellæ, non obscuris argumentis Ecclesia Palatina asseritur. Ferdinandus cognomento Magnus Legionis & Castellæ Rex omnibus intererat nocturni diurnique Officii Horis, concinens & ipse cum Clericis, quin & agens quandoque partes Præcentoris. Ita de eo narrat Rodericus lib. 6. de reb. Hisp. cap. 13. ad an. 1063. *Ecclesiam vespere, & mane, nocturnisque horis, & Sacrificii tempore frequentabat, interdum cum Clericis in Dei laudibus modulando, interdum etiam vices Cantoris explebat*. Atqui hanc Ecclesiam nonnisi Palatinam fuisse, illud suadet, quod Rex singulis noctibus, singulis quoque diebus, mane, & vespere, Aula egredi, & ad Ecclesiam pergere, haud facile potuisset. Idem dicendum est de Joanne Aragonum & Siciliæ Rege, quem etiam quotidie Divinis affuisse Officiis, testis est Marinæ Siculus lib. 21: *Quotidie rebus divinis & sacris interfuit*. Narrat & idem Auctor, Isabellam Castellæ & Aragoniæ Reginam nusquam defuisse Divinis Officiis, quæ in Regia ejus Capella decantabantur; si quid vitiose pronuntiaretur, ipsam emendavisse; Horas quoque Canonicas ipsam quotidie perfoluisse: *Semper enim sacris rebus, & Divinis Officiis adebat. In quibus si quis forte Sacerdotum suorum, qui sibi rem divinam celebrabant, aut Horas Canonicas, & Psalmos canebant, errasset in syllaba, persentiebat, & tamquam Magistra discipulum admonerat. Quæ præter multas extraordinarias & votivas orationes, Horarium quoque, Sacerdotum more, quotidie perfolvebat*. Tandem, cum in

non-

nonnullis privilegiis ab Alphonso VI. concessis Antistiti Compostellano, medio fere duodecim sæculo; atque in Lege Hispana ab Alphonso IX. edita, mentio fiat Capellanorum Aulae Hispanæ, jam hærendum non est, quin antiquis Hispaniæ Regibus fuerit Palatina Ecclesia. Quam vero nunc temporis habent, describit Turturetus Philippi IV. Capellanus in libro de Sacello Regio cap. 4. de cuius Clero, & Liturgia inferius dicendum erit. Sed præter hanc Ecclesiam Palatinam, alia sunt in Aula Hispana Sacella, ubi privatim a Capellanis Aula, sacra Mysteria conficiuntur, Rege præsentē.

XI. Est etiam hoc loco commemoranda Capella Palatina Regum Angliæ, quod olim sacrarum rerum cultu, & Clericorum frequentia plurimum effulserit, & ad hæc usque tempora illius supersint vestigia. Sane Alfredum Regem, qui nono imperabat sæculo, habuisse in Aula sua Capellam, indicat Willelmus Neubrigenfis lib. 2. de gest. Regum Angliæ. Narrat enim illum horas diei cuiuslibet ita tripartiri solitum, ut lectioni & orationi octo dicaret, totidem Regni disponendis negotiis, totidem humanis necessitatibus explendis. Erat in illius Capella ceruus, qui noctu ardebat interdiuque, & horas demonstrabat singulas, de qua re ipsum Capellani commonebant. Librum quoque Officiorum Ecclesiæ, sinu suo semper gestabat, ut ad ea se conferret, quoties ei id esset otii. Alii etiam antiquis Angliæ Regibus non defuisse in Aula Oratorium, ubi rei divinæ vacarent, vel ex hoc uno conjici potest argumento, quod illorum decem enumerat Matthæus Paris in Henrico III, in Sanctorum Albo relatos. Nec defuit Regibus ejusdem Regni, qui succedere. Nam Willelmus ille, qui sæculo undecimo Angliam subegit, ut scribit Malmesburiensis lib. 3: Reg. Angl. *Religionem Christianam, quantum secularis poterat, ita frequentabat, ut quotidie Missa assisteret, vespertinos, & matutinos hymnos audiret.* Cui adjungendus est clarissimus Angliæ Rex Richardus, quem primum semper omnium surgere solitum, & in Ecclesiam pergere, ut Divinis omnibus adesset Officiis, narrat Rogerius. Adjungendus quoque est Henricus III, quem tribus quotidie Missis sollempnibus interesse solitum, præter alias, quæ submissa voce recitabantur, scribit Walsinghamus ad an. 1273. Quotidiana hæc pietatis officia, non alibi facile potuissent Reges, noctu diuque explere, nisi in Ecclesia Palatina. Ibi itaque Divinis Officiis, & Missarum sollempniis vacabant: ibi præcipuas anni festivitates agebant, quas summa religione & pompa coluisse in Aula sua Anglos Reges, indicat non semel in Historia sua Froissartus. Et a Polydoro Virgilio lib. 8. Hist. duæ præcipuæ memorantur in Aula Anglicana sacræ cæremoniæ; quarum una spectat ad curandas strumas, quod festis quibusdam diebus, multiplici ritu præstabant Angliæ Reges: altera vero fuit, annuli contra comitalem morbum benedictio, quæ in die Parasceves agi consuevit. Porro ad rem divinam faciendam numerosum in Aula alebant Clerum; adeo ut non semel Romani Pontifices ægre tulerint tot Episcopos, Clericos, Monachos a suis avelli Ecclesiis, & Aulae addici. Id etiam ægre tulit Petrus Blesensis ep. 14. ad Clericos de Capella Regis data, qua graviter eos hortatur, ut exemplo suo, se se ab Aula periculis subducerent: qui tamen ep. 150. mitigavit asperius dicta in Aulicam vitam, fastius expedire Ecclesiæ, ut Clerici aliqui in Aula versentur, dummodo non officio suo defint, non Aula vitii maculentur. Causa etiam erat, cur minus probaretur illorum in Aula

frequentia, quod non tam sacris rebus, quam temporalibus negotiis tractandis incumbere: cum Reges officia fere omnia Aulae, & Regni, Clericis committere consueverint. E numero autem Clericorum Capellæ Regis fuit Magnus Eleemosynarius: quo munere functus est Eduardus Foxius sub Henrico VIII., & Wilhelmus Biel sub Regina Elisabetha, ut refert Peiratus lib. 1. cap. 29. ex eo Capellam Anglicæ Regum inferens, ad Capellæ Regum Galliæ normam, compositionem fuisse. Nunc etiam temporis in ipsa Aula Anglicana etiam miscerando schismate a Romana Ecclesia disjuncta antiqui moris vestigia supersunt. Ut enim constat ex Dumontio & Rouffetio in Cæremoniali Angliæ cap. 1. §. 3. est in Palatio Regio Capella, cui qui præest, Decanus dicitur, plerumque ex Episcoporum numero, eique nonnisi Rex imminet. Spectat ad Decanum inferiores Capellæ Ministros designare, atque hi sunt: Vice-Decanus, duodecim Ecclesiastici ad rem divinam faciendam, viginti Cantores laici, qui dicuntur Capellæ Clerici, duodecim Scholares ad rem musicam, Custos Capellæ, tresque Caduceatores, qui argenteam virgam ferunt. E numero Clericorum Capellæ sunt, Magister artis musicæ, duoque Organistæ. E cœtu autem Ecclesiasticorum, unus spirituales gerit curam Aulicorum; quippe qui mane quolibet preces ipsis indicit; si qui ægrotant, ad eos invensos, monendosque accedit; si quid in re divina illis obscurum, dubiumque occurrit, explanat. In ea Capella ter singulis diebus preces aguntur; singulis vero Dominicis, & festis duæ conciones habentur; resque Divina celebratur cum cantu, musicisque instrumentis. His diebus Rex Ordinis Periscelidis torquem gestat, uti etiam in anniversarii nativitatibus, & inaugurationis suæ: atque ad Liturgiam nummum offert aureum, quem Byzantium vocant, quod ibi cusus fuerit primum, porrigente oblationem Supremo Regiæ Domus Præfesto. Atque id quidem in Nativitate Domini, Pascha, Pentecoste, festo omnium Sanctorum: siquidem in aliis nonnullis diebus festis aurum offertur: in Epiphania vero aurum, thus, & myrrha. In præcipuis etiam solemnibus, atque prima cujuslibet mensis Dominica, solet Rex cum Aulicis suis Eucharistiam sumere. Ad conciones habendas in Palatina Capella, constituti sunt quadraginta octo Capellani, quorum quatuor in orbem singulis mensibus, verba faciunt. Sed Quadragesimæ tempore, (quod etiam non jejunii, attamen majoris fovendæ pietatis tempus habetur in Ecclesia Anglicana) frequentiores sunt conciones; nempe singulis diebus Dominicis, feriisque quarta & sexta. Et primo quidem in die cinerum, Decanus Capellæ conciones exorditur; tum sequenti feria sexta, Decanus Ecclesiæ S. Pauli; & die Dominica, Episcopus aliquis concionatur. Deinde hoc ordine sequuntur conciones, ut feria quarta a Capellano aliquo Regis; feria sexta ab aliquo e Decanorum cœtu; Dominica autem ab Episcopo sit concionandum; in die Palmarum ab Archiepiscopo Cantuariensi; in Pascha a Magno Regis Eleemosynario. Habet quippe Aula Anglicana Magnum Eleemosynarium, cujus munus est stipem distribuere in magnis præsertim solemnibus, feria quinta Magnæ Hebdomadæ lotionem pedum vice Regis agere, & stipendia solvere veteranis Aulicis, vel eorum viduis. Denique præter hanc Ecclesiam Palatinam, habent Angliæ Principes privatum Oratorium, ubi sacris rebus privatim vacent, ibique sacra moderatur Theologus, quem vocant Clericum cybiculi. Is curam gerit animæ Regis, cum adjuvat in

in agendis rebus divinis, is etiam benedicit Regiam mensam. Huic alii duo subfunt Clerici, qui eo absente, easdem partes impleant.

XII. Capellam Aulæ Lusitanæ vetustissimam esse tradit Antonius Caietanus Sousa Teatinus Lib. 4. Cap. 178. Historiæ Regum Portugalliæ. Nam Alphonso I. regnante, Ecclesiæ S. M. de Oliveira Capellæ Regiæ dignitate ornabatur; tum etiam in Civitate Conimbricensi, ubi aliquando Regium fuit domicilium, Ecclesiæ Sanctæ Crucis, & S. Michaelis, eadem insignitæ sunt prærogativa. Regibus in Santyremi Civitate degentibus Capella Regia fuit Ecclesiæ S. M. de Alcacova; & in Civitate Ulyssiponensi, Ecclesiæ S. Bartholomæi, S. Martini, & Sanctæ Mariæ de Escada. At Dionysius Rex Portugalliæ Capellam in Palatio suo excitavit S. Michaeli Archangelo sacram; & ibi S. Elisabeth Regina Divinis vacabat Officiis, quæ a Capellanis plurimis perolvebantur, uti ex ejus Actis apud Bollandum die quarta Julii. Ibi enim cap. 6. habuisse dicitur Capellam nobili, & numerosa instructam suppellectile, ubi Missarum solennia, ubi Divina Officia a Capellanis suis celebrabantur, & ubi piissima Regina singulis diebus oblationem ad altare faciebat. Et cap. 10. dum ejus vivendi ratio describitur defuncto coniuge, rursus memoratur Palatina Capella; memoratur & privatum Regiæ Oratorium. Nam in privato Oratorio, Divinum recitabat Officium, una cum nonnullis Monialibus, quas secum habebat; tum audito Sacro, se conserebat ad Capellam Palatinam, ubi a Clericis, Capellanisque Liturgia, & Divina Officia absoluebantur; ac in diebus festis conciones quoque habebantur. Capellam Regum Lusitanæ pluribus donarunt privilegiis Romani Pontifices, uti suo loco dicturi sumus. Olim fuisse Ecclesiam S. M. de Escada asserit Sousa lib. 4. cap. 12. deinde ab Emanuele Rege, anno 1587. excitata est Palatina Capella D. Thomæ Apostoli Indiarum Protectori consecrata, hac posita inscriptione: *D. O. M. Sub favore Divi Thomæ Apostoli: Hic Rex Emmanuel Capellam Regiam dicavit & translata fuit. An. MDLXXXI. Locum profanari vetat Religio.* Eam anno 1710. perente Joanne V. piissimo Portugalliæ Rege, sacrarum rerum amantissimo, Clemens XI. Bulla *Apostolicus ministerio* constituit Collegiatam Ecclesiam cum insigni Clericorum coetu ex sex Dignitatibus, decem & octo Canonicis, duodecim Beneficiatis, octo Mansionariis conflato; quos quidem omnes Rex tamquam Patronus nominaret, Capellanus maior institueret. Tum anno 1716. ab eodem Pontifice Capella Regia aucta est dignitate Cathedralis, & Patriarchalis Ecclesiæ sub titulo S. M. in Cælum assumptæ, divisa Provincia, & Diocesi Ulyssiponensi in partes duas Orientalem, & Occidentalem; quarum prima veteri subesset Archiepiscopo, alteram Magnus Capellanus, idemque Patriarcha administraret. Sed ex Clementis XII. Constitutione anno 1737. Patriarchæ Ulyssiponensi conjuncta est perpetuo dignitas Cardinalitia. Canonicis quoque Capellæ Regiæ seu Patriarchalis Ecclesiæ, qui Principales dicuntur, privilegia plurima collata sunt, tum a Romano Pontifice, tum a Rege, cujus decreto die 24. Decembris anno 1716. parem honoris, & dignitatis locum cum cæteris Episcopis Regni acceperunt. Aliis deinde Constitutionibus Pontifex idem majora beneficia in eam Ecclesiam effudit, quartam insuper partem proventuum Episcopatum Lusitanæ eidem Ecclesiæ addixit, Rege petente. Quibus omnibus novum robur addidere Innocentius XIII. Bulla *Rationi congruit* anno 1721. & Cle-

Clemens XII. Bulla *Religiosa Christianorum Principum* anno 1738. Tura a Religiosissimo Principe conscriptus est insignis, ac numerosus Clerus in Presbyteros, Protonotarios, Suddiaconos, Acolythos, Canonicos, Beneficiatos, aliosque Ordines distinctus ad sacrum ejusdem Ecclesiæ ministerium. Tandem, quod ex ea divisione Dioecesis, & Civitatis Ulyssiponenſis in partes duas, plura sequerentur incommoda, Constitutione Benedicti XIV. anno 1740. incipiente his verbis *Salvatoris nostris*, ea sublata, constituta est una, eademque Ecclesia Cathedralis, & Patriarchalis totius Civitatis, & Dioecesis Ulyssiponenſis, Capella scilicet Palatina, ita ut antiquæ Cathedrali servaretur dignitas Collegiata Ecclesiæ, sub titulo S. Mariæ. Nunc itaque in Aula Regum Lusitanæ Capella Regia est simul Cathedralis, & Patriarchalis Ecclesia, ob Ministrorum copiam, & dignitatem, sacræ suppellectilis magnificentiam, sacri ministerii cultum, ac splendorem, obque jura, & privilegia plurima, quibus fulget, præstantissima: idque debetur eximie pietati, summoque erga res sacras studio Joannis V. Regis, quem proinde merito Benedictus XIV. anno 1749. donavit titulo *Regis Fidelissimi*.

XIII. Ex his paret Regum Lusitanæ Capellam insigniorem assecutam esse dignitatem, splendoremque, cum Brigantini Duces ad imperium pervenerunt. Horum namque summa semper fuit erga res sacras religio; ut proinde nobilissimam habuerint in Palatio Ducali Civitatis Vecæ (*Villa-Vicosa*) Capellam S. Hieronymo dicatam, privilegiis pluribus a Romanis Pontificibus cumulatam. Ut enim refert idem Antonius Cajetanus Sousa lib. 6. Hist. Lusit. Paulus III. Romanus Pontifex anno 1534. Theodoro I. Duci Brigantino potestatem fecit habendi in Capella sua Clericos plures, qui Divina Officia ritu Romanæ Ecclesiæ perfolverent; eisque Julius III. anno 1552., & Gregorius XIII. anno 1575. Sacerdotia plurima contulere, quæ Præbendarum loco essent. Oratorium domesticum Brigantini Ducibus concessit Pius V. & facultatem ministrandi ibi Baptismi eorum filiis. A Gregorii XIII. Pontifice, Brevi dato, die 20. Decembris, anno 1576. sacræ illæ pro expiandis defunctis Indulgentiæ, quas Romæ in Ecclesia S. Gregorii lucrantur Fideles, communicatæ sunt Capellæ Palatinæ Ducum Brigantinorum, ita ut Sacrum ibi in Ara Principe (quam idcirco privilegiatam nuncupant) celebratum pro defuncti expiatione, hunc absolveret satisfactionis necessitate. Alio insuper Brevi ejusdem Pontificis die 22. Aprilis, anno 1581. Clericorum illius Capellæ Collegio addita est Decani Dignitas, quem Princeps præsentaret Archiepiscopo Eboræ, is vero institueret, quique residentiæ vinculo adstringeretur; Divinis præset Officiis, & curaret Statuta servari a Principe lata. Tum quoque idem Pontifex signato Brevi, die 8. Augusti, anno 1581. Thesaurarium, secundam a Decano Dignitatem in eadem Capella constituit; litteras quoque dedit in forma Brevis, die 30. Augusti, anno 1581. ut quotidianæ distributiones iis denegatæ Clericis, qui Divinis perfolvendis Officiis defuissent, Capellæ fartis testis concederentur. Denique privilegio ejusdem Pontificis fas erat in ea Capella Divina omnia Officia solemniter celebrari, Eucharistiam aservari, eademque statim quibusdam diebus publicæ adorationi exponi. Successores deinde Pontifices nova, & insignia in Capellam, Capellanosque Brigantinorum Ducum beneficia adjungere. Nam ex Bre-

vi Sixti V. die 10. Januarii, anno 1590. Clericis prædictæ Capellæ permittuntur quotidianæ distributiones, si alibi eis commorandum esset, ut Principi famularentur. Quod privilegium eisdem firmavit, extenditque Clemens VIII. die 13. Augusti, anno 1592. Quin etiam ab eodem Clemente VIII. Pontifice, die 18. Septembris, anno 1601. potestas Duci Brigantino facta est, ut sibi adjungeret Clericos quamvis residentiz legibus adstrictos ad civilia, & secularia munia exercenda, dummodo ne in criminalibus negotiis jus redderent. Hucusque tamen Capellæ, & Capellanis Brigantinorum Principum imminabat Archiepiscopus Eboræ; tamquam Diocesanus; at Clemens VIII. Breve edidit anno 1601. die 18. Septembris, quo Decanum, Capellanos, aliosque Clericos Capellæ S. Hieronymi in Civitate Vecæ immunes, exemptosque declaravit ab Ordinarii jurisdictione, ita ut nec visitari nec censuris innodari ab eo possent; neque vel ratione contractus, aut delicti, aut Beneficii ullo modo ei subessent, ubicumque versarentur; sed soli Apostolicæ Sedi immediate subicerentur. Hujus privilegii executio demandata est Decio Carasæ Archiepiscopo Damasceno, Pontificio in Lusitania Ministro, deinde Cardinali, & Archiepiscopo Neapolitano: & Sousa lib. 6. Hist. Lusit. pag. 502. plura profert exempla vindicatæ a Pontificiis Ministris exemptionis illorum Capellanorum ab Ordinaria auctoritate. Præterea eodem Clemente VIII. annuente, litteris datis die 10. Martii, anno 1604. Divina Officia Majoris Hebdomadæ in ea Capella noctu celebrari; & ex litteris Urbani VIII. die 20. Februarii, an. 1616. Sanctissimam Eucharistiam asservari fas erat. Denique Brigantino Duci a Clemente VIII. Brevi emanato die 11. Decembris, anno 1591. potestas facta est eligendi sibi Confessarium, quem maluisset ex adprobatis ad audiendas Confessiones, qui crimina, & censuras, quarum absolutio esset Apostolicæ Sedi reservata, etiam in Bullis Pontificiis, relaxaret; & lætici-
norum usum permetteret iis diebus, quibus illorum efus fuerat interdictionis. Ex his itaque Romanorum Pontificum privilegiis facile colligitur, quanta dignitate excelluerit Capella Brigantinorum Principum; cui Decanus, Thesaurarius, Capellani sexdecim, alique plures Clerici, & Cantores quotidiana Divinorum Officiorum celebratione inserviebant. Illud etiam ex his colligitur, summam semper fuisse Brigantinorum Principum religionem, pietatemque in sacris domesticis rebus colendis, augendisque: quo nomine a Clarissimo Sousa lib. 6. Hist. Lusit. præsertim laudantur Brigantini Duces Jacobus IV. & Joannes I. utpote qui Capellam, Capellanosque suos opibus, privilegiis, splendidissima sacra suppellectile cumularunt, & sacris caeremoniis, Divisque Officiis rite, ac magnifice in Capella sua agendis summo studio incubuerunt.

XIV. Olim Duces Comitessque habuisse in Comitatu suo Capellam, & coetum Clericorum, notat Altaferra de Ducibus lib. 3. cap. 8. Omnium vero præclarissima fuit Capella Divionensis Ducum Burgundiz, quam anno 1172. fundavit Hugo III. Dux Burgundiæ, uti ex præcepto foundationis constat edito ab Auberto Mirzo. Meminit hujus Capellæ, & Canonicorum ei deservientium Innocentius III. in Cap. *Cum Capella*, de Privilegiis. Atque ibi originem duxit amplissimus Ordo Equestris velleris aurei; ibi etiam quotannis habebantur Comititia societatis, & S. Andreæ Apostoli tutelaris solemnia agebantur. Nunc vero temporis, insignis est Ducum Sabaudiz Capella, quam

in Aula sua habuisse, antequam Sardiniae Regno potirentur; colligitur ex Francisco Ranchino in Europae descriptione inter Geographica Opera Davity. Scribit enim, Sabaudiae Ducibus suam esse Capellam, iidem donatam privilegiis, quibus Capellae Regiae fruuntur, & ex Magno Eleemosynario, quatuor inferioribus Eleemosynariis, pluribusque Capellanis, Clericis, & Cantoribus constatam. Sane sub Philiberto Sabaudiae Duce, Gaspar Caprius, electus Astensis Episcopus anno 1550., egerat Eleemosynarium & Cancellarium magni Ordinis Sabaudiae, uti testatur Ughellius. Qui idem in Episcopis Niciensibus recenset Joannem Baptistam Provanam, creatum anno 1548. Niciensem Praesulem, ex Magno Eleemosynario Ducis Sabaudiae, & Canonico Taurinensi. Et Joannes Franciscus de Sales Episcopus Chalcodonensis, S. Francisci Salesii frater, successorque in Sede Genevensi, fuit Eleemosynarius, & Magnus dicti Ordinis Cancellarius, apud Carolum Emanuele Ducem, uti referunt Sammarthani to. 2. Galliae Christianae. Verum paucis abhinc annis, plurimum ornamentis & splendoris accessit Capellae Ducum Sabaudiae, qui & Sardiniae Reges, ineunte hoc saeculo, dici coeperunt. Palatinam quippe Capellam auxit Victorius Amedeus anno 1729., favente Benedicto XIII. Parochiali dignitate, quae Aulam, Aulicosque complecteretur: mox eandem, anno 1745, pluribus cumulavit privilegiis suo loco adducendis, gloriosissimus Pontifex BENEDICTUS XIV., quem summi honoris causa nominamus. Clerus Capellae Regum Sardiniae constat ex Magno Eleemosynario, qui sacris rebus in Aula praest, ut alibi dicendum erit; quatuor inferioribus Eleemosynariis, quorum unus vicarias partes agit Magni Eleemosynarii; eorum singuli, alternis vicibus, spatium trium mensium in Aula ministrant, nempe Regias benedicunt dapes, stipem erogant, Regem adeuntem Ecclesias adspargunt sacris aquis: sex Capellani, qui Sacrum faciunt in Capella: tribus alii Capellani, qui curae animarum incumbunt, unde Vice-Parochi dicuntur: tribus Capellanis Honorariis: duobus Clericis, & altero super numerum. Habet praeterea Rex in villaribus & rusticis Domibus Regiis ad delicias & voluptatem extructis Capellas plures; praefertim vero in Palatio Veneriae, cui contigua est insignis Ecclesia, eaque est Aula, & Aulicorum Parochia: quae omnes, & illarum Clerici, & Vice-Parochi, tamquam membra sunt urbanae Palatinae Capellae. In earum quoque numero est recensenda Ecclesia Supergae, tribus millibus passuum a Taurino distita, quam ad tumulanda Sabaudorum Principum corpora inceperat Victorius Amedeus, perfecit vero anno 1731. Carolus Emanuel gloriosissimus Princeps. Ibi Divina perfolvantur Officia a duodecim Presbyterorum Collegio, qui inter Capellanos Regios Honorarios adscribuntur, & nonnisi Magno Eleemosynario, uti etiam alii ejusdem Ecclesiae Clerici, subiecti sunt.

XV. Jam vero adeunda nobis est Aula Regum Siciliae primae stirpis, seu Nortmannorum; ubi Palatina occurrit Ecclesia, vetustate aevi, operis excellentia, sacrarum rerum cultu, Canonicorum coetu, ministrorum copia, Parochiali dignitate, Regum beneficiis, Sanctorum denique Reliquiis, omnium praestantissima. Neque enim in his, quae ad pietatem, & ad rem divinam spectant, Siciliae Reges ullis umquam Regibus concessere. Sane apud Nortmannos Duces, qui pulsis Longobardis & Sarracenis eximia virtute Apuliam, Siciliamque occuparunt, receptum fuisse morem habendi Capellas suas, suadent mo-

monumenta illa, in quibus eorum Capellani memorantur, quæ nos alibi proferemus. In illorum numero Robertus Guiscardus, ejectis anno 1071. Panormo Sarracenis, recepta Urbe, restitutis sacris rebus, constructis mœnibus, in arce ipsa Palatina, ubi suum erat domicilium, Sacellum musivo & vermiculato opere edificavit, quod Hierusalem dicebatur. De qua re Fazellus *Rer. Sicul. Decad. 2. lib. 7. cap. 1.* scribit: *Igitur in pristinum Christianitatis statum cum summa celebritate omnia rediere. Tempia, Fana, ac Ædes Christo & Divis excitata, supplicationes Deo decreta publice, privatimque, gratulationes cum effusa lætitia factæ His rite patratis, urbem Robertus & Rogerius firmis mœnibus ac præsiidiis, duplici arte, altera ad mare, a quo adhuc cognomen habet, altera ad Occidentem, Ædeque sacra musivo ac vermiculato opere ab Hierusalem cognominata, erectis, mirifice exornarunt. Verum Palatinæ illius nobilissimæ Ecclesiæ, quæ ad hæc usque tempora extat in Aula Panormitana, auctor fuit Rogerius Primus Siciliæ Rex, post composita Regni negotia, post res plurimas feliciter gestas, Regisque dignitatem sibi assertam & vindicatam. Hunc clarissimum & piissimum Principem, inter alia plurima Tempia, quæ Deo & Divis consecraverat, excitasse in Palatio suo miræ structuræ Ecclesiam D. Petro Apostolo sacram, narrat his verbis Fazellus *Rer. Sicul. Decad. 4. lib. 8. cap. un.* describens Aulam Panormitanam: *Artem ipsam ingredientibus Sacellum musivo a Roberto Guiscardo structum, Hierusalem nuncupatum, a fronte occurbat. Quod deformatum mea ætate ad profanos mutatum est usus. Sed & ad dexteram hodie in vestibulo, Templum est D. Petro Apostolorum Principi sacrum a Rogerio Siciliæ Rege a fundamentis erectum: prout Petrus Archiepiscopus Panormitanus & Canonici, eorum diplomate dato Panormi an. sal. 1132., ejusdem regni anno secundo, testantur, & ipsius Rogerii Regis privilegio dato Panormi mense Martio an. sal. 1143. & sui Regni 12. constat.* In eo diplomate Rogerius, post enumerata divina erga se beneficia, se eam ædificasse Ecclesiam, opibus, & privilegiis pluribus donasse dicit, quibus nemini fas esset obistere: *Aspirante itaque nobis septiformi Salvatoris gratia, cujus misericordia, nostra prosperantur in melius, in honorem B. Virginis Mariæ, omniumque Sanctorum, & titulo B. Petri Apostolorum Principis intra nostrum Regale Palatium, quod est in Urbe Panormi, Ecclesiam summa cum devotione fabricari fecimus.* Id Sacellum sua pulchritudine, & rerum pretiosissimarum apparatu cæteris, quæ in Italia nunc usque extant, seu veteribus, seu novis longe præstare, jure merito asserit Fazellus, singulas illius partes describens. At vero nedum operis magnificentia cæteris Capellis Palatinis Principum præfertur; sed etiam sacrarum rerum dignitate. Nam primo Ecclesiam hanc Palatinam, in gratiam Rogerii Regis, Petrus Archiepiscopus Panormitanus, anno 1132., Parochialem constituit Ecclesiam Regii Palatii. Refert diploma Roccus Pirrus tom. 2. Siciliæ sacræ, novissimæ editionis, in notitia hujus Ecclesiæ: *Rem benignissime, vestris postulationibus devotis annuentes Capellam vestram in honorem S. Petri Apostolorum Principis infra Castellum superius Panormitanum fundatam exaltare, & Parochiali dignitate irrefragabiliter munire decernimus; præsertim cum jam dicta Capella tam Canonicali honore, quam etiam reliquis beneficiis per vestram majestatis munificentiam decorata realiter resplendeat.* Nos igitur voluntati vestra sincera providentes, Canonicoꝝ nostrorum, & Capituli commu-*

ni consensu, concedimus, & præsentis privilegii auctoritate firmamus, supranominatæ Capellæ vestræ, Ecclesiæ S. Andreae, quæ sita est juxta murum Panormi cum cæmeterio sufficienti, habendam illi, ac possidendam, & ejusdem Capellæ Canonicis per hujus traditionis paginam, jure perpetuo. Adjuicimus quoque ei in Parochiam totum Castellum Panormitanum cum universo Regali Palatio, ac omnibus in ea degentibus Capellanis, Clericis omnibus Capellæ, & servientibus Capellæ domesticis suis. Solemnis hujus Ecclesiæ dedicatio peracta fuit anno 1140. die 18. Aprilis decimo anno Regis Rogerii, pluribusque Indulgentiis cumulatâ: cujus rei diploma subscriptum a Latinis Græcisque Sacerdotibus, qui rei sacræ interfuere, narrat Pirrus. Eodem anno pingues reditus a Rogerio concessi sunt Capellæ suæ: & in concessionis tabulis memoratur Capellâ Alviræ Reginæ, ejus conjugis; unde patet, Reginam quoque Clericos suos habuisse ad rem divinam faciendam. Sed & numerosum insignemque Clerum piissimus Rex adscripsit Palatinæ Ecclesiæ, qui divino incumberet ministerio. Ut enim refert Pirrus: In prima fundatione constituti sunt, Magister, seu Capellanus Major, duæ Dignitates, Cantor, & Thesaurarius, duodecim Canonici, tres Personatus, Subcantor, Magister scholarum, & Terminator, & duodecim Sacerdotes, quos Chorodatos vocamus, duo Sacristæ, & quatuor Clerici. Denique, ut Divinis persolvendis Officiis in Palatina Capellâ accuratius fieret satis, curavit Rogerius Horologium ibi constitui, quo designarentur horæ singulæ, ad agenda Divina Officia statutæ. Id indicat vetus inscriptio in ea Capellâ, quam referunt Pirrus, & Fazellus: Hoc opus Horologii præcepit fieri Dominus & Magnus Rex Rogerius an. Incarn. Domin. MCXLIII. mense Martio Ind. 5. anno Regni ejus XIII. feliciter. Tum Græcis & Saracenis litteris additur: *O spectaculum novum. Fortis Dominus Rogerius Rex, ex Deo sceptrum tenens, luxum frangat fluentis substantiæ, cognitionem distribuens a peccato immunem horarum temporis. Jam vero nil addi potuisse videtur, ad illius Ecclesiæ Palatinæ dignitatem, & ornamentum. Atqui tamen successores Normanni Reges novis eam beneficiis cumularunt. Præ cæteris Willelmus I. Rogerii filius, de quo scribit Romualdus Guarna Archiepiscopus Salernitanus, auctor cœvus, & qui in Aula aderat, in Chronico: Divino Officio exiit multum intentus, & personas est ecclesiasticas multum veneratus. Capellam S. Petri, quæ erat in Palatio, mirabilis musibii fecit pictura depingi, ac ejus parietes pretiosi marmoris varietate vestivit, & eam ornamentis aureis, & argenteis, & vestimentis pretiosis ditavit plurimum, & ornavit. Clericos in ea multos, & præbendas instituit, & Divinum in illa Officium decenter, & tractatim, & cum Dei reverentia & timore celebrari disposuit. Videas quam in ipso sui exordio Capellâ Palatinâ nostrorum Regum privilegiis, opibus, ornamentis, & Divino ministerio essulserit.*

XVI. Suevi Reges Normannis succedere, qui cum Romano Imperio simul præsent, Capellæ Imperialis dignitatem eidem Ecclesiæ contulerunt. Ab iisdem novo donata sunt robore privilegia omnia a Normanis Regibus Palatinæ Capellæ concessa, uti ab Henrico anno 1195, & a Friderico II. anno 1225, Imperatoribus ac Regibus Siciliæ factum esse, Pirrus testatur. Et ab Henrico statutum est, ut inibi singulis annis, defunctorum Regum primæ stirpis Rogerii, Willelmi I, & Willelmi II dies anniversarii celebrarentur. Verum turbulenta & ærumnosa horum Principum tempora; frequentia insuper illa.

illorum in Apuliam, Germaniam, Palæstinam, & varias Italiæ regiones itinera, ac expeditiones, impedimento fuisse videntur, quominus novis honoribus, & ornamentis Capellam Palatinam augerent. In eam rem propensissimum fuisse Manfredum Regem, etsi turbis gravissimis commotum imperium administraret, indicat datum ab eo diploma anno 1256. Foggiz, die 4. Aprilis, quo immunes voluit Capellanos suos ab iis exactiõibus, quæ collectarum nomine a cæteris solvebantur. Exstat hoc diploma to. 2. Siciliæ sacræ, novissimæ editionis: *Ecclesiam Capellæ sacri Palatii nostri Panormitani volentes amplius honorare; quod Prædecessorum nostrorum, & nostra reputetur Camera spiritalis: Capitulum, & Clericos omnes ipsius Capellæ, tam illos, qui residentiam faciunt, Domino serviendo, quam alios de gremio ipsius Ecclesiæ, qui nostram sequendo Curiam, deputati sunt Capellæ nostræ serviis, a collectis, & exactiõibus gratiose eximimus, & volumus esse immunes.* Capella Palatina in hisce Mamfredi litteris *Camera spiritalis* Regum nuncupatur; ex eo fortasse, quod ad instar Cameræ, ubi thesaurus Regis servabatur, spiritalium rerum copiam Regibus suppeditaret. Camera enim dicta est conclavis ad Regios thesauros asservandos designatus; quo sensu in Capitularibus Caroli M. tit. 21. cap. 14. *Pensam argenti, quam ex Camera nostra accepit; & in Testamento Caroli M. apud Eginhardum: Quidquid in Camera atque vestiario ejus eo die fuisset inventum: unde & hîcus Imperatoris, aut Regis, Camera dicebatur; qua notione passim occurrit hæc vox apud Scriptores mediæ ævi.* Qua de re, cum Sacramenta, & alias spirituales opes in Capella Palatina Reges perciperent; hinc non immerito ea dici potuit illorum Camera spiritalis. Vel potius eo sensu Camera appellatur, quod Regis propria esset, illique subiecta. Nam olim Cameræ dictæ sunt Provinciæ, Urbes, Ecclesiæ, quæ immediate Principi suberant, & fisci propriæ erant. Hoc sensu Matthæus Paris anno 1242. de Urbe Santonenfi dicit: *Quia ab antiquo jure specialis proprietas Regis Angliæ esse dignoscitur & Camera: & in vita Benedicti XII. apud Bolquetum Cameracensis civitas dicitur Camera Imperii.* Sed & in Chronico Casaurienfis lib. 4. de Lothario Imperatore legitur: *Cum cognovisset, quod ipsa Abbacia (Casaurienfis) ab antiquo fuisset Imperialis Camera, promissit se cum D. Augusta venire ad Monasterium, & ei restituere omnia jura sua: rursusque alio in loco de Willelmo Rege Siciliæ: Mandavit, ut dimitteret quietam Abbatiæ S. Clementis, Cameram suam propriam, beneficium cumulatam sui genitoris.* Ita Rigordus anno 1185. Monasterium S. Dionysii propriam Cameram Regis Franciæ vocat: & ita quoque Petrus de Vineis lib. 5. ep. 82. lib. 6. ep. 9. Goldastus to. 1. Constat Imper. pag. 265. Petrus Diaconus lib. 4. Chronici Casinenfis, aliiq. passim hanc vocem usurpant. Itaque Cameram suam appellat Mamfredus Palatinam Ecclesiam, quod propria esset Regis Ecclesia. Hujus Ecclesiæ Clerici aliqui, quum Regi alio migrandum erat, Aulam, & castra sequebantur, ut sacra ministrarent. Hinc duplex erat Regibus Capella, una quidem in Palatio fixa, cui Clerici plurimi deserviebant; altera portatilis & castrensis, cui etiam a pluribus Clericis sacrum ministerium exhibebatur; sicuti jam de Constantino diximus habuisse Oratorium Palatinum, & Oratorium Castrense; Clericos itidem, qui in Palatio, & qui in castris facerent rem divinam. Denique in Mamfredi litteris Palatium nostrorum Regum dicitur Sacrum; quod ex antiquif-

tiquissimo more, nostris Principibus solemne fuit. Nam Palatia Longobardorum Principum Beneventi, & Salerni, passim inscribuntur Sacra, & Sacratissima, in pluribus illorum privilegiis, quæ exhibet Ughellius.

XVII. Mamsredo in Beneventano prælio superato, & extincto, Carolus Andegavensis, favente Clemente IV, imperio potitus est: qui etsi Neapoli statuisset Regium domicilium: attamen Capellam Palatinam Panormitanam suis etiam complexus est beneficiis. Nam dato Neapoli diplomate, anno 1270, die 19. Octobris, alteroque Panormi, anno sequenti, rata habuit, confirmavitque privilegia, & jura omnia a prædecessoribus Regibus illi Ecclesiæ concessa. Mox occupata ab Aragoniis Sicilia ultra Pharum, excussoque Andegavensium jugo, famosa clade Vesperarum Sicularum; qui deinceps Aragones Principes illic imperarunt, nedum vetera jura Capellæ Regiæ Palatinæ illesa servarunt, sed & nova addiderunt. Præ cæteris Rex Martinus anno 1361, die 25 Junii, petente Bernardo de Figuera Magistro Capellano, rata habuit privilegia omnia, & donationes, quibus prædecessores Reges Ecclesiam S. Petri de Palatio cumulaverant; quam insuper amplissimis ditavit proventibus. Atque ita, tot, tantisque, a Siciliæ Regibus, beneficiis acceptis, diu multumque excelluit Palatina Ecclesia, Divini cultus assiduitate, Ministrorum numero & dignitate, opibus & privilegiis: quo usque extincta Aragonum Regum progenie, illius Regni imperium ad Austriacos pervenit Hispaniæ Principes. Eo siquidem temporis, tum ob Regum absentiam ab Aula Panormitana, tum ob seditionem Claramontanorum, tum ob injuria temporum, tantam subiit calamitatem, ut nulli jam ei essent annui redditus, nullæ Canonicorum præbendæ, non ibi Divina perfolverentur Officia, pauci superessent Canonici, nomine potius quam officio, utpote qui nonnisi quater in anno ad sacra facienda accederent, ac denique unus esset Capellanus, qui Palatinis administraret Sacramenta. Hæc erat illius Ecclesiæ facies anno 1582, cum Franciscus de Puteo Visitatorem egit Regni, auctoritate Regis: hos enim Visitatores statuunt Siciliæ Reges, ut olim Missi Dominici a Francorum Regibus in Provincias ablegabantur, qui una cum Episcopis consulerent rei ecclesiasticæ. Ille vero mente revolvens Ecclesiam hanc Palatinam obligationis vinculo, tituloque oneroso, ob beneficia a Deo accepta, & ad expiationem manium defunctorum Regum, a Normannis constructam, & ditatam; auctor fuit Philippo II. Hispaniarum Regi, & Marco Antonio Columnæ Proregi, ut eam ad pristinum revocaret statum, designatque Ministris ad sacra munia obeunda, congruis etiam præbendis eisdem constitutis, Ecclesiam Palatinam splendori pristino restitueret. Quare anno 1584. mandato Regis, Proregisque cura, statuti sunt sacri Ministri, qui in ea Ecclesia inservirent, statuti & eorum annui proventus ex fructibus & spolio Ecclesiarum suis Pastoribus viduatarum. Eodem anno Gregorius XIII. privilegiatum altare, & Indulgentias plures eidem Ecclesiæ concessit: quam deinde successores Hispaniæ Reges novis pluribusque beneficiis cumularunt. Ea leguntur to. 2. Siciliæ sacræ, in notitia hujus Ecclesiæ, quam a Rocco Pirro elucubratam, aliis auctam monumentis edidit rerum Sicularum peritissimus Canonicus Mongitore. Ibi & leguntur litteræ Victorii Amedei Ducis Sabaudie datæ anno 1714. ad ejusdem Palatinæ Capellæ dignitatem fovendam. Is enim cum Siciliæ Regno potitus est

an-

anno 1713, eam frequentare consuevit, ibique plurima pietatis protulit argumenta. Anno 1634. confirmatum ei fuerat jus Parochiale, quod a primæva institutione illi inerat, a Cardinali Jannettino Doria Archiepiscopo Panormitano: cujus rei tabulas refert Marcus Serrius in Bulla Clementis VIII. pro Parochiis Panormitanis; simul aduertens jus illud extra Palatii limites minime porrigi. Est itaque Capella Palatina Panormitana, Ecclesia Parochialis, Aedes Regias complectens: numerosum & insignem habet Clerum, de quo dicemus Capite sequenti. Habet & plures Ecclesias suffraganeas, quarum index legitur citato to. 2. Siciliæ sacræ. Habet plurimas & insignes Christi Domini, Apostolorum, pluriumque Sanctorum Reliquias, quas magna ex parte e Palæstina advectas verisimile est. Nam frequentissima fuisse Normannorum & Siculorum in Palæstinam itinera ad rem Christianam adjuvandam. Willelmus II. illuc quadraginta triremes ad Saladinum ab obsidione Tyri amovendum misit, ut narrat Fazellus dec. 2. lib. 7. cap. 5. Henricus Imperator & Rex Siciliæ pariter validissimam classem, Asiam versus navigare iussit, ad Joppen, aliaque oppida Christianis vindicanda. Et Fridericus successor, Gregorii IX. minis excitatus, Brundisio solvens anno 1228. in Syriam venit, ubi Hierosolymam & alia oppida suæ ditioni subiecit. Sed longum esset singulas in Palæstinam expeditiones recensere. Præterea non semel Siciliæ Reges mutua conjugia cum Hierosolymorum Regibus inivere. Ex his itaque crebris Siculorum in Palæstinam navigationibus, facile fuit, in Capellam Palatinam, tot & tantas, uti ex illarum longo indice to. 2. Siciliæ sacræ colligitur, sacras Reliquias adportari. Ac videas morem apud Orientales Imperatores, & Francorum Reges usitatum, asservandi in Oratorio suo Palatino sacras Reliquias Sanctorum, etiam in Aula Regum Siciliæ viguisse.

XVII. Redendum nobis est ad Andegavenses Principes, qui Neapoli Regiam fedem collocarunt. Hi sane, nedum sua erga Divinum cultum religione, qua plurimum valuere; non exemplis tantum prædecessorum Siciliæ Regum primæ & secundæ stirpis; sed & exemplo Regum Francorum, quibus sanguine conjuncti erant, hunc servarunt morem habendi in Aula sua Oratorii. Id quidem Carolus Andegavensis a S. Ludovici Galliarum Regis fratris sui Aula, ubi & insigne exstabat Oratorium, & numerosus alebatur Clerus, & Divinum ministerium egregie peragebatur, in Neapolitanam transfudisse Aulam, uti & alia plurima Francorum instituta, verosimilimum est. Fuit itaque Andegavensibus Regibus Palatina Capella, fuere & Capellani plurimi ad rem divinam, ut alibi dicemus: idque indicant litteræ quædam Roberti Regis, a Wadingo in Annalibus FF. Minorum ad annum 1338. prolata. Ibi enim mentio fit cujusdam Oratorii a Regiis Aedibus non longe distiti, sub titulo S. Mariæ ad Crucem, quod Robertus Rex anno 1328. Capellæ Palatinæ adgregavit. Quo in loco deinde a Sancia Regina piissima, Roberti conjuge, constructum est Clarissimum Cænobium sub invocatione S. Mariæ de Cruce. Roberti Diploma ita se habet: *Universis presentes litteras inspecturis, tam presentibus, quam futuris. In Majestatis æternæ laudem & gloriam, & præcellsum Divinitatis Mysterium dignanter offerimus, & pro summa reverentia Virginis, quam debemus, præcipua devotionis instinctu ad ipsam Virginem gloriosam, cujus merito & dignatione filii vivimus, & nostris populis feliciter præsidemus, novum Oratorium, sive locum S. Mariæ ad Cru-*
cem

cem situm intra moenia, prope pontem, loco, qui dicitur . . . Miraculorum, cujus signa potentia sunt evidenter, & notoria, & manifesta, ut eo potius crescat in illo cœpta jam populi devotionis affectus, quo successive fiunt favores nostri culminis . . . cum oblationibus, fœntibus, obventionibus, redditibus, & proventibus ejus omnibus, siqui sunt, & utcumque in antea fuerint, Capellæ Regiæ Domus nostræ, in perpetuum ex nunc in antea de certa nostra scientia . . . tenore præsentium concedimus. Ita quod Oratorium ipsum, seu locus quomodocunque fieri, vel edificari contingeret, per omnia, tamquam unum de specialibus membris dictæ Capellæ Regiæ habeatur de cætero, ac etiam censeatur, declarantes tenore præsentium, ac etiam decernentes, quod Capellani & Clerici prædictæ Capellæ Regiæ, nobis, vel hæredibus, & successoribus nostris in Neapolitana Civitate morantibus, & nunc in antea, singulis annis, in eodem Oratorio, siue loco, quolibet festo ipsius Virginis gloriöse ad Divinum Officium celebrandum, tam in Missa, quam Vespers solemniter teneantur, quodque fructus, redditus, oblationes, ac proventus omnes, & singuli prædicti Oratorii, siue loci, percepti jam, & sicut antea percipi successive contingat, conferantur, & distribuuntur, inter Magistrum prædictæ Capellæ, aliosque Capellanos & Clericos ejus, pro rata, & portione debita, unumquemque ipsorum rationabiliter contingente, sicut de oblationibus & obventionibus aliis jam dictæ Capellæ nostræ est nunc usque servatum, & in antea nos, ac ipsi hæredes & successores nostri providemus observandum. In cuius rei fidem perpetuamque memoriam, præsentibus nostras litteras fieri, & pendenti sigillo Majestatis nostræ munimus. Datum Neapoli per manus . . . juris Civilis Professoris Vicemgerentis Protonotarii Regni Siciliae. Anno Domini MCCCXXVIII, die prima Junii, undecimæ Indictionis, Regnorum nostrorum anno vigesimo. Erat itaque in Regiis Aedibus Capella, cui plurimi Capellani & Clerici deserviebant; erat & Magister Capellæ, qui cæteris præminebat. Huic Capellæ adgebantur aliæ Ecclesiæ, ita ut illius essent veluti membra: & ad eas Capellani Palatini quandoque accedebant, ut Divina persolverent Officia. Habebat Capella Domus Regiæ suos proventus, qui inter Magistrum Capellæ, cæterosque Clericos distribuuntur. At vero præter Ecclesiam Palatinam erat Roberto Regi piissimo Oratorium privatum, ubi noctu dique Divina persolvebantur Officia, quibus ipse sæpissime intererat, a Franciscanis Cœnobitis, quibus erat addictissimus. Rem narrat Wadingus in Annalibus ad annum 1343. postquam retulisset, cogitasse Robertum Regem de abdicando imperio, & Minorum Instituto suscipiendo; plura tamen obstitisse, quominus voti compos fieret: Ut vero, pergit, aliquo modo suo possetur desiderio, intra Palatium Sacellum amplum in interiori recessu constituit, in quo duodecim Minoritæ Divinum persolvebant pensum, cum quibus ille sæpissime conveniebat, & nocte media ad Matutinum surgebat, Minoritico habitu indutus. Aliquoties cum consorte Sancia accessit ad magnificum S. Clare Monasterium ab ipsis constructum, & ille Fratribus in suo refectorio habitu Minorum indutus, illa Monialibus in earumdem triclinio & veste inserviebat . . . Oñiduo ante mortem, quod ante octennium voluit, sed non potuit, habitum Minorum suscepit ex manibus Ministri Terræ Laboris, & coram eo in infirmitate decumbens solemnem emisit professionem. Egregia sane hæc sunt pietatis argumenta: & merito de Roberto Neapolitanorum Rege dici posset, quod

de Theodosio juniore a Socrate dictum retulimus; Palatium nempe suum sic instituisse, ut a Monasterio non multum discreparet. Neque Religiosos dumtaxat viros suis in Aedibus alebat; sed & Moniales, quæ Joannam neptem sanctæ & piæ instituerent. Ita refert Trifstanus Caracciolus in vita Joannæ I. quam inter Scriptores Italicarum rerum edidit Muratorius: *Aderant & Moniales, quas Sanctimoniales nunc vocamus; eas ad hoc Rex, impetrata a Pontificibus venia, e claustris evocaverat, ut essent, quæ Divinis Officiis, Christianisque careremoniis caste pureque neptem instruerent.* Tanto optimi Principis studio erga res sacras, tantaque Sanciæ conjugis in Deum pietate, fieri non potuit, quin in Aula Neapolitana Divinus Cultus plurimum effloresceret, & Ecclesiastica omnia Officia religiosissime tractarentur. Ad eam rem asservabatur etiam in Oratorio Palatino Divina Eucharistia, uti colligitur ex epistola quadam Sanciæ Reginæ, anno 1331. scripta Ministro Generali Ordinis Minorum, cæterique fratribus Franciscanæ familiæ Perpiniani congregatis ad Comiticia celebranda. Cum enim in his Comitibus ageretur de Franciscanæ vitæ severitate lenienda, Sancia Franciscani Instituti amantissima, cujus filiam, matrem, servamque se passim inscribebat, gravissimam conscripsit epistolam, ne quidquam veteri severitati derogaretur. Exhibet hæc litteras Wadingus ad annum 1331. ibique inter alia sic dicitur: *Cum ego sim peccatrix, & insufficiens, & illiterata, & loqui litteraliter nesciam, nisi ex gratia Dei & consuetudine, & nihil confidam de me, die Jovis XVIII. Aprilis, intravi Capellam parvam juxta Cameram meam in Castro novo de Neapoli, ubi bene per tres candelas ante diem, clausa porta, sola cum corpore Christi, quod erat super Altari, recommendavi me sibi, & postea incæpi scribere, sicut Dominus ipse ministravit mihi, sine alicujus consilio humano vel terreno.* Divina igitur Eucharistia asservabatur in Capella Palatina, regnantibus Andegavensibus, eaque Regio cubiculo erat proxima: perolvebantur & ibi Divina Officia, quibus Reges ipsi sæpissime aderant. Ita quoque rem se habuisse, imperantibus cæteris Regibus ejusdem stirpis, colligitur tum ex litteris Joannæ II. datis anno 1422. Gentili de Sancto Angelo de Fasanella Magistro Regalis Capellæ suæ, quibus constituit, ut Capellani octo Divinis celebrandis Officiis in Capella Palatina vacarent, tum ex aliis monumentis sequenti Capite proferendis.

XIX. Aragonios itidem Reges, qui in Neapolitano Regno imperarunt, habuisse in Aula sua Capellam, & cætum Clericorum, qui Divina agerent Officia, disertissime testantur litteræ datæ ab Alphonsio I. anno 1445. die 29. Junii, Prælati, & Magistratibus Regni, ut Dominicum de Xachis Aragonem, Majoremque suum Capellanum, Oratorio Palatino præficeret. Eas exhibet Chioccarellus to. 2. MSS. *Ut temporibus nostris, & sub felici nostro regimine Divinus Cultus in nostra Regali Capella resplendeat, & bonorum Retributor omnium, debitis orationum suffragiis honoretur; Venerabilem in Christo Patrem Fratrem Dominicum de Xachis de Aragonia, Majorem Capellanum nostrum in Magistrum prædictæ Regalis Capellæ nostræ ordinavimus; ac quamplures Capellanos, tam in dicta nostra Regali Capella commorantes, quam alibi fecimus, & per nostras litteras statuimus, ut dicti Capellani ad requisitionem dicti Magistri Capellæ nostræ servire in eadem nostra Regali Capella, & vacare in celebratione Missarum, & Divinorum Officiorum possint temporibus opportunis.* Inde patet, in Capella Palatina Aragonum

num nostrorum Regum, Sacra Myſteria, & Divina Officia, ſumma religione, celebrari conſueviſſe. Ut vero nil deeſſet, quod ad ſacrarum rerum in Aula celebrationem, & Divini Cultus ſplendorem augendum ſpectaret; ſplendidiffima ſacra ſupelleſtile Rex Alphonſus Capellam ſuam adornavit. Pontanus enim, qui diu in Aragonum Regum Aula egit epiftoiarum Magiſtrum, in libro de Apparatu cap. 4. ſcribit Alphonſum Regem ornaſſe & Regiam, in qua habitabat, & Templum, ubi ſacra faciebat, vario & nobiliſſimo ornamentorum genere. Rurſumque in lib. de Magnific. cap. 13. laudat Alphonſi magnificentiā in agendis ſacris ſolemniis, atque in omni ſacrarum rerum inſtrumento: *Suis temporibus Rex Alphonſus vicis omnes atatis illius Reges, tum in iis comparandis, atque exhibendis, quæ ad Sacrificiorum apparatus, & Sacerdotum ſpectarent ornatum, tum in Deorum ac Dearum ſtatuis, quas plurimas, & in iis duodecim Apoſtolorum ex argento conſtatas habuit; nihil atas illa, aut ſacris ſolemniis, aut publicis ludis ab eo editis vidit magnificentius.* Atque ex inſigni hac, & pretioſiſſima ſupelleſtile, quæ Sacerdotalia indumenta, ſacra vafa ad rem divinam faciendam, ſimulacra Sanctorum magno in numero, magnique pretii complectebatur, conſpicere licet, quam regnantibus Aragoniis effuſerit Capella Palatina. Neque in Aula ſolum, ſed & in caſtris etiam Alphonſo Regi ſuit Capella; fuere & Capellani ad divinum miniſterium peragendum. Cuius rei teſtis eſt Panormita lib. 3. de reb. geſt. Alph. n. 50. *Erat Rex in vico Juliano rem divinam ſolemniſter & devotiſſime de more rituque agens rei divinæ cultum, gloriæ, ac vitæ præponens, non prius, quam peractis ſacrificiis, capere arma contra hoſtes juſſit.* Qui idem lib. 2. n. 25. narrat Alphonſum Regem ſtatim ab accepta victoria in Samnio, jejunum, deſatigatum, armatum, ſacræ rei celebrationem imperaſſe: unde patet ſacros Miniſtros, atque portatilem ad caſtra deſerre conſueviſſe. Succellentes Reges iſdem exemplis adhæſere: ſiquidem conſtat ex Diariis manuſcriptis Joannis Brocharti Præſecti cæremoniæ ſub Alexandro VI. inferius exhibendis, in Capella Palatina Alphonſi II. Regis rem divinam celebratam fuiſſe ſolemni ritu, cum cantu, muſicique inſtrumentis. Et ibi ad Liturgiæ ſolemniſ celebrationem, una cum Rege, interfuſiſſe tres Cardinales Legatos Romani Pontificis Agrietiſem, de Aragonia, & Montereſgalenſem. Ibi etiam nuptiæ inter Sanciā Alphonſi II. filiam, & Joſſredum Borgiam Papæ conſanguineum, benediſtione Eccleſiæ conciliatæ fuerunt. Ibi quoque Joſſredus Borgia Magnus Protonotarius Regni, & Virginius Urſinus Magnus Comæſtabulus, Officii ſui inſignia accepere.

XX. Porro noſtrorum Regum Eccleſia Palatina in Arce Nova, ubi Andegavenſium, & Aragonum Regum fuit domicilium, ſita erat. Arcem illam excitavit Carolus Andegavenſis anno 1283. quam novis deinde munivit propugnaculis Alphonſus I. Ibi Eccleſia eſt operis Gothici, Deiparæ in Cælum aſumptæ, D. Sebaſtiano, & D. Barbaræ conſecrata: eaque eſt Parochia complectens Arcem ipſam, Regias Œdes, & Stationem Navium ac Tirremium. Selectiſſimis ornatuſ picturis, quas inter eminent Caroli Andegavenſis, & filiorum ejus, in Abſide Eccleſiæ, effigies depictæ. Prope erat Regum domicilium, quocum Eccleſia conjugitur ſcala in orbem aſcendente. Hanc olim fuiſſe Regum Capellam Palatinam, patet ex Diariis Joannis Brocharti, ubi hæc ipſa Eccleſia indigitatur. Scribit enim, peracta cæremonia benedi-

ditionis nuptiarum Sanciæ filiæ Alphonſi II., & Joſſredi Borgiæ in Capella Palatina, Regem, Legatum, & conjuges, cum univerſo comitatu Aulico aſcendiſſe per eam ſcalam ad Regias Ædes : *Deſcendit deinde Legatus, & Rex de thalamo, & ſponſam inter ſe recipientes : ſponſo, & aliis, ordine ſuperius diſto, incedentibus, aſcenderunt Caſtrum per lumacham prope Altare conſtitutam, ubi Legatus permanſit illa die.* In his Regiis Ædibus Cœleſtinus V. Sanctiſſimus Pontifex, anno 1294., hoſpitio exceptus eſt a Carolo II. Rege : ibi plures in Cardinalium Ordinem adſcivit, atque in eorum numero Willelmum Pongo Bergomatem Regis Cancellarium : ibi tandem, inaudito exemplo, abdicavit ſe ſupremo Eccleſiæ Episcopatu. Hunc proinde Pontificem pluries in Capella Regis ſacris operatum fuiſſe verosimillimum eſt. In his etiam Regiis Ædibus, S. Franciſcus Paulanus Ferdinandum I. Regem graviter admonuit, ne nimis exactionibus ſubditos premeret ; in cujus facti memoriam extat Sacellum. Sed præter hanc Eccleſiam Regio domicilio conjunctam, alteram habuere Neapolitani Reges Eccleſiam veluti Palatinam, Ædibus ſuis proximam, ſub titulo S. Mariæ Coronatæ. Eo in loco Carolus II. Andegavenſis Ædes conſtruxerat Magiſtratibus ad juſ dicendum : at cum anno 1331. die 21. Maii, quæ ſacra erat Pentecoſtes, ibi a Cardinale Bracarenſi Clementis VII. Legato, Joanna I. & Ludovicus Tarentinus ejus conjux inunçti fuerint Reges ; in hujus celebritatis memoriam, Joanna eas Ædes in Eccleſiam Spineæ Chriſti Coronæ dicatam, cujus fruſtulum ibi aſſervabatur, & eximiis Giotti picturis adornatam, opibus etiam plurimis ditatam, commutavit. Meminit hujus Eccleſiæ Franciſcus Petrarca in epiſtola quadam dicens : *Si terram eneas, Capellam Regis intrare non oſiſeris, in qua conterraneus olim meus Giottus Picſor noſtri avi princeps, magna reliquit manus & ingenii monumenta.* Meminit & Pontanus lib. de Conviv. cap. 1. ubi refert Neapolitanos Reges conſueviſſe quotannis in hiſce Ædibus ſplendidum convivium exhibere. Atque in hac Eccleſia frequenter Regum noſtrorum Coronationes & Conjugia, uti dicendum erit, celebrari conſueverunt. Nunc vero temporis ſpéciet ea Eccleſia ad Carthuſianos Monachos, quorum vice plures Sacerdotes, & nonnulli Clerici in ea miniſtrant. Ibi in Paraſceve fruſtulum Spineæ Chriſti Coronæ publicæ adorationi exponitur. Altera inſuper fuit Capella Palatina Andegavenſium in Caſtro Lucullano, ſeu Arce Ovi ſita ubi inſignem Spiritus Sancti Societatem Equeſtrem conſcripſit Ludovicus Tarentinus : ubi & quotannis Socii conveniebant, ad agenda Comitia & ſolemnia Societatis. Sed de hac re alibi. Quoad Eccleſiam in Arce Nova poſitam, hanc, regnantibus Auſtriacis, Clemens VII. nonnullis privilegiis ornavit. Nam Bulla edita anno 1526. die 21. Novembris, adprobavit Conſratriam quamdam ei Eccleſiæ addiçtam : Clericos ejuſdem Eccleſiæ auxit facultate adminiſtrandi Sacramenta Conſratribus etiam extra Arcem degentibus, eoſdemque vita ſunçtos deducendi conſueto ritu, etſi extra Arcem, ad ſepulturam : Arcem, Arciſque Eccleſiam, generali Interdicti ſententia, minime adſtringi declaravit : fideles, quolibet Sabbato, religionis cauſa erga Deiparam, adeuntes Eccleſiam, centum dierum Indulgentia, & Plenaria in feſto S. Sebaſtiani, cumulavit. Rurſum ab eodem Pontifice die 23. Decembris, eodem anno, inſtante Ludovico Icart Arcis Præſecto, confirmata ſunt privilegia hæc omnia : illud etiam additum, ut cuilibet Sodali fas eſſet, ulque ad numero ducentos,

tos, quemlibet Presbyterum ex utroque Clero a Confessionibus habere, & ab eo absolvi etiam quoad crimina, quorum absolutio esset reservata: Episcopis vero Consentino, Surrentino, & Stabienfi delegata est cura hujus Pontificiæ concessionis vindicandæ. Extant hæ Pontificis litteræ e publico Tabulario desumptæ tom. 2. MSS. Chioccarelli, ubi etiam leguntur litteræ Ugonis Moncadæ Proregis, ut Pontificiam concessionem custodirent universi. Hucusque igitur illa Ecclesia fuerat Palatina Regibus, & Proregibus. At anno 1540. jubente Petro Toletio Regni supremo Moderatore, constructæ sunt extra Arcem Ædes ad Proregum domicilium; quas deinde Palatium vetustum dixerat: ibique Palatina fuit Capella, eo loci, ubi ad nostra usque tempora debebant Scribæ Regii Ærarii. Hanc magnifice splendideque adornavit Joannes Zunica Preteperhenfium Princeps, & anno 1579. Neapolitani Regni Prorex; litteras insuper obtinuit a Gregorio XIII. datas anno 1581. die 15. Martii, quibus in Proreges, ejusque confanguineos, & domesticos, eam adeuntes Capellam, singulis Quadragesimæ diebus, Indulgentias Stationarias transtulit easdem, quas ii consequuntur, qui ad Urbis Basilicas diebus Stationum accedunt. Refert hoc Pontificium Diploma Parrinus in Theatro Proreg. Neapol. tom. 1. pag. 327. Verum, anno 1602. novæ eaque amplissimæ, & nobilissimæ Ædes Regiæ, opera Dominici Fontanæ Architecturæ peritissimi, jubente Ferdinando de Castro Lemosenfium Comite, qui Regnum moderabatur, construi coeperunt; in iisque novis Ædibus Regiis, novam excitarunt Palatinam Ecclesiam Proreges, qui succedere: eamque a Medinenfium Duce inchoatam, perfecit anno 1646. Rodricus Ponz de Leon Dux de Arcos: picturis denique & marmoratis ornavit anno 1656. Garfias de Haro Castriliensium Comes. Itaque ex inveterato more nunquam intermisso, Regibus, & Proregibus in id operam suam conferentibus, habuit Aula Neapolitana Capellam suam: & eam quidem præclarissimam, sive Regum spectes pietatem, sive Divini cultus frequentiam, sive Ministrorum copiam, sive sacrorum ornamentorum elegantiam, sive denique alia quæcumque Capellæ Regiæ dignitatem extollunt. Nunc vero temporis longe præclariorem, quod CAROLUS BORBONIUS & MARIA AMALIA; tum FERDINANDUS IV. & MARIA CAROLINA AUSTRIACA, omnium retro Principum gloriosissimi, Regnum administrent. Quemadmodum enim ex illorum imperio suavissimo, & sapientissimo, Neapolitanæ Aulæ, & Reipublicæ; ita ex illorum pietate, ac religione, Capellæ Palatinæ, & Divino Cultui, plurimum accessit, acceditque in diem splendoris, dignitatis, & ornamenti.



C A P U T II.

DE CLERO PALATINO.

Capellani unde dicti. II. De Clero Imperatorum Orientis. III. De Clero Palatino Regum Francorum primæ stirpis. IV. Et secunda stirpis. V. Et tertiæ stirpis. VI. De Capellanis seu Eleemosynariis Regum Galliæ. VII. De Capellanis Regum Hispaniæ. VIII. De Clero Palatino Normannorum Sicilia Regum. IX. Et Suevorum. X. Et Aragonum. XI. Et Austriacorum. XII. De Clero Palatino Regum Neapolitanorum Andegavensium. XIII. Cui plures docti viri adiungebatur. XIV. De numero, & stipendio Capellanorum sub Andegavensibus. XV. De eodem Clero regnantibus Aragoniis. XVI. Et sub Austriacis XVII. De eorum numero, & officio. XVIII. De Concessario Regis. XIX. De Eleemosynario. XX. De Concionatore Aulico.

CLerici, qui in Oratoriis Palatinis Principum, sacris rebus vacabant, Capellani dicti sunt; quod Capam S. Martini in Palatio custodirent, & in Castris deferrent. Hanc illius vocis originem tradunt Valafridus Strabo lib. de Reb. Eccles. cap. 31., Honorius in Gemma animæ cap. 128. Durandus in Rationali lib. 2. cap. 10. quibus consentiunt Auctores recentiores. Atque ab hujusmodi sacrarum Reliquiarum cura, quæ eis incumberebat, Custodes quoque nomine Capellanorum nuncupati fuere. Anastasius enim in vita Leonis I. ait: *Hic constituit super sepulcra Apostolorum Custodes, qui dicuntur Capellani ex Clero Romano*: idest, qui ex officio sibi injuncto Apostolorum Corpora custodirent. Qui iidem Martyrii, & Custodes Martyrum dicebantur. In nonnullis tamen Anastasii editionibus illi appellantur Cubicularii: verum idem fuisse munus Cubiculariorum & Custodum, ostendit in Glossario doctissimus Cangius. Idque totum firmatur ex Hincmaro in libello de Ordine Palatii cap. 16. ubi Capellanum vocat Custodem Palatii: non quod illi commissæ esset Palatii custodia, quo munere laici fungebantur; sed quia Custos esset Palatinæ Capellæ, & sacrarum Reliquiarum, quæ ibi asservabantur. Neque tamen hoc unum erat Capellanorum officium: siquidem & Divina persolvebant Officia in Oratorio Palatino; & in Aula, & in Castris Divinum ministerium peragebant. Utrumque hoc illorum munus indicant Synodus Liptinensis anno 742. cap. 2. & Carolus M. lib. 5. Capitul. 2. ubi statuunt, ut non alii pergerent ad bella Clerici, quam qui designati essent *propter Divinum ministerium, Missarum scilicet solemniam adimplenda, & Sanctorum Patrocinia portanda*. Verum enimvero præter sacrarum Reliquiarum custodiam, & Divinarum rerum celebrationem, Capellani sæpissime temporalia negotia in Aula administrarunt. Nam agebant sæpissime Principum Cancellarios, Notarios, Consiliarios, Legatos, supremos quoque Regni moderatores. Quinimo olim Cancellarii dicebantur Capellani, quod plerumque Capellani id

muneris committeretur : & quod Cancellaria olim dicta fuerit Capella, quia mos erat asservandi in Capella, Regia diplomata, & monumenta. Hoc sensu Monachus Sangallensis lib. 1. de Carolo M. cap. 4. refert hunc Imperatorem adscivisse in Capellam suam Clericum quemdam, qui optime noverat dictare, ac scribere. Hinc etiam innu-mera leguntur privilegia a veteribus Regibus concessa, quibus Capellani subscibunt. Ita legitur apud Pirrum in notitia Panormitanæ Ecclesiæ, concessio eidem a Rogerio Duce, filio Roberti Guiscardi facta anno 1086., & signata *per manum Raynaldi Capellani mei*. Similia exempla passim apud Veteres occurrunt. Clerici igitur Palatini, quos Capellanos dixere, sacra, & temporalia implebant sæpissime : & hinc non exiguus erat illorum in Aula numerus, nec exigua dignitas, & auctoritas.

II. Ita quidem res se habuit in Aula Constantini Imperatoris, cui plures adhæsisse Episcopos, Presbyteros, Diaconos ad sacra obeunda, jam diximus ex Eusebii, Sozomeni, & Socratis testimonio. At vero illorum opera piissimus Imperator non ad sacra dumtaxat munia utebatur. Nam Eusebius in illius vita lib. 4. cap. 18. eum scribit sacros Ministros omnibus ornatos virtutibus constituisse totius Domus Custodes. Et cap. 56. refert in bellicis expeditionibus, Episcoporum necum preces, sed & consilia implorasse : *Constantinus militares Ordines eduxit, & de expeditione cum Episcopis, quos secum habebat, communicabat, existimans oportere ex his aliquos ad pietatis officia maxime idoneos perpetuo sibi adesse. Illi vero libenter quidem se secuturos, nec vestigium ab eo discessuros, sed una militiam obituros, & apud Deum supplicibus votis se pugnaturos excipiebant. Hac ille voluntatum & studiorum professione vehementer delectatus, totius expeditionis quasi vestigia eis expressit.* Constantini exemplo, qui successere Imperatores, adhæserunt. Frequens enim apud Græcos Scriptores mentio occurrit Clericorum, qui Divinis persolvendis Officiis in Palatio vacabant : & Palladius memorat Presbyterum Palatii oppressum in tumultu contra S. Joannem Chrysostomum excitato. Hi Clerici ante Leonis Armenii tempora, extra Palatium debebant, in Ædibus quisque suis; & tertia noctis vigilia ad Palatium conveniebant, ut Matutina Officia decantarent. Verum cum contigisset, ut illis permittitur in Imperatoris necem conjurati, Aulam noctu ingressi, Leonem in Oratorio Palatino hymnum præcinentem interfecerint; impetu primum facto in Phonasium, seu Cleri Magistrum, qui Imperatori similis erat facie, statura, & capitis tegumento; ea causa fuit constituendi in Aula ipsa domicilium Cleri Imperatorii, & quidem non longe ab Imperatoris cubiculo. Rem narrant Cedrenus & Zonaras in Leone Armenio. Nec exiguus erat illorum in Aula numerus, ut ex Codino constat in libro de Officiis Ecclesiæ, & Aulæ Constantinopolitanæ. Præcipui tamen suere, Protopsaltis, quem dicit Exarchum Cleri Imperatorii; Domesticus, quem dicit Exarchum Cleri Imperatricis; Protopapas, qui sæpe unus erat in Ecclesia, & in Aula; Magister Canonarchas, ita dictus a decantandis quibuscumque hymnis; Lampadarius, cujus erat Imperatori lampadem præferre; Archidiaconus denique, quem non habebat Ecclesia, sed Aula. Ab eo Clero præcipue festi dies magna cum pompa in Palatio celebrabantur; quandoque etiam in magna Ecclesia, si ad eam se contulisset Imperator; Ad Protopapam spectabat Imperatorem singulis mensibus inungere; ejul-

ejusdem mensam in magnis solemnibus benedicere; & aquam in Epiphania consecrare, si non adesset Patriarcha. Archidiacono quoque, aliisque primoribus Cleri Imperatorii sua erant officia propria, quæ apud Codinum legi possunt. Qui idem cap. 6. & 7. indigitat illorum indumenta, nempe camisiam, seu tunicam lineam cæteris vestibus superinjectam; ita tamen ut Protopsaltæ & Domestici candidis uterentur camisiis; Lampadarius, Magister, & Cantores purpureas vestes induerent. Illud etiam ex Codino colligitur, Imperatricem scilicet suum habuisse Clerum, cujus princeps dicebatur Domesticus. Jam vero nedum in Aula Clerus Imperatorius sacra peragebat, sed etiam in castris. Nam illorum munus erat, deferre ad castra sacras Reliquias, & Imagines; quod Græcis solemnè fuisse tradit Lupus in Dissertatione de antiqua Disciplina Christianæ militiæ. Inter eas præcipua fuit Imago Christi ad Abagarum missa, quam Philippicum Mauritiæ Imperatoris Ducem adversus Persas, & Heraclium adversus Chosroen detulisse referunt Cedrenus & Theophanes. Vel celebrem quamdam Beatæ Mariæ Virginis Imaginem deferabant, quam quotannis summa religione in Palatio expositam in Magna Hebdomada, narrat Codinus cap. 12. Hanc contra Balduinum Flandriæ Comitem detulit Alexius Imperator, ut refert Nicetas: & ad eandem veluti ad asylum confugit Anna Imperatrix Andronici vidua, cum a Joanne Cantacuzeno simul in ordinem redigi, ut ipsemet scribit Cantacuzenus. Præterea Clerus Imperatorius, ante prælium ineundum, solemnè ritu vexilla conferabat: cujus rei testis est Leo Imperator in Tactico, seu libro de re militari cap. 13. & 19. Hunc vero Clerum magnæ dignitatis & auctoritatis in Aula fuisse, non obscuris colligitur argumentis. Archidiaconus enim Palatii, etsi principem inter eos locum minime occuparet, attamen seligebatur ex amplissimo ordine Exocatacælorum, seu quorundam Diaconorum, qui una cum Patriarchis sedebant in Synodis, & eorum unus Chartophylax dictus, primus erat post Patriarcham Clericus. Proinde selectissimi Clerici adscribebantur in Clerum Imperatorium. Idque diserte testatur Nicephorus Gregoras in sua Historia scribens, solitos fuisse Imperatores adgregare Clero Palatii sui doctos & pios viros, quos deinde Ecclesiis præcicerent. Nam frequentissime e Clero Imperatorio creatos Patriarchas, & Episcopos, observat Thomassinus p. 1. lib. 2. cap. 111. de Beneficiis. Idem apud Imperatores plurimum valebant gratia & auctoritate. Hinc Photius, ut gratiam sibi conciliaret Basilii Imperatoris, adhibuit operam Theophanis Clerici Palatini, postea Cæsariensis Episcopi, uti narrat Nicetas in vita Ignatii. Nec minore pollebat auctoritate apud Leonem Armenum Protopsaltæ Palatii, utpote qui illum incitavit, teste Zonara, contra sacrum Imaginum cultum. Et Nicephorus lib. 5. cap. 6. memorat tres Clericos Palatinos, qui Michaelæ Paleologo imperante, una cum Beco Patriarcha omnia Imperii negotia administrarunt. Ex his perspicuum est, Clerum Imperatorium in Oriente in magno honore, ac existimatione fuisse.

III. Jam ex iis, quæ dicta sunt de Oratorio Palatino Regum Francorum primæ stirpis, & de Capa S. Martini eo loci aservata, consequens est, plures illis Regibus in Aula adhæsisse Clericos ad sacra faciendâ. In illorum numero recensendi sunt Aptonius & Capellano Clodowzi I. Episcopus Inculismentis; Fortunatus & Clerico Radegundis Reginæ, Episcopus Pictaviensis, & alii plures, quos e Palatio Dago-

berti II. ad regendas Ecclesias prodiisse, scribit in vita S. Modoaldi Episcopi Trevirensis apud Surium, die 12. Maii, Stephanus Leodiensis. Clericos Fredegundæ Reginæ memorat Gregorius Turonensis lib. 8. Hist. cap. 29. & lib. 7. cap. 7. Ac verisimile est, Syagrium Episcopum Augustodunensem fuisse a sacris domesticis Brunchildis Reginæ. Nam Gregorius M. lib. 7. ep. 115. huic scribens, dicit, se curam convocandæ Synodi commississe Syagrio, *quem vestrum proprium novimus*. Hujusmodi Regum & Reginarum Clerici, qui deinde Capellani dicti sunt, potuere tum sacra Oratorii, tum profana Aulæ munia obire. Sane piissima Bathildis Regina utebatur S. Genesii postea Lugdunensis Antistitis opera ad plurima pietatis officia; uti legitur in illius vita apud Surium, die 26. Januarii. Ex his videas, illius stirpis Reges consuevisse sibi præclarissimos Clericos in Aulam adsciscere, quos deinde Ecclesiis præficiebant. Idque adeo familiare erat, ut cum Clotarius II. restituit electionum a Clero & populo faciendarum libertatem, attamen sibi reservaverit jus nominandi aliquem ex Palatinis. Ita refert Petrus de Marca lib. 8. cap. 5. de Concord. Sacerd. & Imperii.

IV. Verum sub secunda Regum Francorum stirpe longe major fuit Cleri Palatini numerus, dignitas, & auctoritas. Adgregabantur Capellæ Regiæ Clerici e quolibet ordine; & alii quidem Regis, alii Reginæ obsequio addicti erant. Unde inter Hincmari epistolæ legitur una inscripta: *Presbyteris, Diaconis, Subdiaconis, & cæteris Clericis, in Palatio Domino nostro Regi, & Domnæ Reginæ, ac illorum fidelibus, Ecclesiastico ministerio consulentiis*. Et hinc Concilium Moguntinum anno 813. can. 22. in tres classes distinct universos Clericos; alios nempe sub Episcopi cura degentes; alios Abbatibus subjectos; alios *in servitio Domini Regis constitutos*. Quoniam vero ex hac Clericorum in Aula frequentia, fieri facile poterat, ut improbi illuc confugerent, vel qui a sacris Ordinibus dejecti essent, illic ministrarent; hinc Concilia Meldense anno 845. can. 58. & Aquigranense II. anno 836. lib. 2. cap. 2. a Regibus exoptarunt, ne ulli in Capellam Regiam admitterentur sine sui Episcopi approbatione; sicque & Capellæ Regiæ dignitati, & disciplinæ Ecclesiasticæ consulebatur. Neque ex solis Clericis conflatus erat Clerus Palatinus: imo etiam ex plurimis Monachis. Ut enim observat Thomassinus p. 1. lib. 2. cap. 111. de Benef. cum Monasteria præstantissimis pietate & doctrina viris adfluere, adgebantur quodammodo Reges, ut illorum aliquos in Aulam accerferent. Hincmarus & Ludovicus e Monasterio Sandionysiano, Benedictus Abbas Ananiz, Adelardus & Vala Abbates Corbeienfes, diu versati sunt in Palatio Ludovici Pii, & Caroli Calvi. Idem ipsum tradit Peiratus lib. 1. cap. 10. de Orat. Reg. Gall. ubi inter Monachos Palatinos recenset S. Ansbertum sub Theodorico, Alcuinum sub Carolo Magno, Hilduinum & Amalarium sub Ludovico Pio, Ansegisum sub Lothario Ludovici filio. Addit, Regibus tertiæ stirpis etiam plures Monachos adhæsisse; ut colligitur ex Bullis Nicolai III. Clementis V., & Clementis VI., quibus Confessario Regis fit potestas permittendi eum carnum Monachis Aulicis. Jam vero peripicuum fit, Clerum Palatinum sub secunda stirpe viris undequaque doctissimis claruisse. Hujusmodi fuere sub Carolo Magno Alcuinus ejus magister, Adelardus, Angilbertus, Eginhardus; & sub Ludovico Pio Hilduinus, Helisacharus, Rabanus Maurus; & sub Carolo Calvo Æneas, Parisien-

siensis postea Episcopus, aliique. Horum quippe nomina ob editos libros preclarissima habentur. Quin etiam viris pietate præstantissimis Clerus Palatinus adfluebat. Nam in Aula aliquandiu versati sunt sanctissimi Episcopi plures, uti S. Vedastus sub Clodoveo; S. Germanus sub Childeberto; S. Medardus sub Clotario; S. Modaldus sub Dagoberto; S. Ludgerus sub Carolo Magno: & alii plures, quos laudat Peiratus lib. 1. cap. 26. & 27. Atqui tamen nedum doctrina, nedum pietate effulgabant Clerici Palatini, sed etiam generis nobilitate. Hoc nomine Peiratus lib. 1. c. 30. laudat Sanctum Romanum Clericum Clotarii II., SS. Vandogefilum, Audoenum, Ansbertum Clericos Regis Dagoberti; Nithardum, Hincmarum, Fulconem Remenses Antistites, & Ebroinum Episcopum Piclavensem, Clericos Ludovici Pii & Caroli Calvi, ex amplissimo genere procreatos. Imo Regiæ stirpis Clerici, ut Arnulphus Episcopus Metensis, Modoaldus Trevirensis, Fulradus, Drogo cooptati sunt in Clerum Palatinum. Cum igitur tot tantisque titulis emineret, hinc habebatur uti primum, & præcipuum in tota Gallia Clericorum Collegium. Observat Peiratus lib. 1. cap. 24. ex antiquis nonnullorum Regum monumentis, olim Capellanos Regum subsignasse horum Diplomata, quod non exigui honoris est argumentum, Archiepiscopos inter Episcoposque. Hinc quos voluissent Reges magno honore prosequi, hos declarabant suos Capellanos. Ita Pipinus, cum superatis Longobardis, adiit Cassinense Monasterium, honoris causa Monachos constituit suos Capellanos, uti legitur lib. 4. cap. 113. Chronici Cassinensis. Pariter Carolus M. eodem honoris titulo ornavit illius Monasterii Abbatem, uti legitur ibidem lib. 4. cap. 109. Verum non solis honorum titulis clarebat Capellanorum dignitas, cum amplissima Regni & Aula officia iisdem committerentur. Frequentissime enim fuere a Consilio Principis, ita ut Adelardus in libro de Ordine Palatii asserat, Consilium Principis constatum esse ex Clericis laicisque. Fufe de Clericis Consiliariis Principum agit Thomassinus de Benef. p. 3. lib. 3. cap. 24. Frequentissime etiam agebant in Aula Cancellarios, Notarios, epistolarum Magistros, quæ munia a Caroli M. ævo usque ad sæculum decimumquintum, non in Gallia solum, sed ubique sere, ut tradit Thomassinus, Clerici ut plurimum administrabant. Hinc in vita Hadriani I. apud Anastasium, donatio facta a Carolo M. Romanæ Sedi, dicitur exarata *per Ætherium religiosissimum ac prudentissimum Capellanum & Notarium suum*. Et passim leguntur antiqua Regum Diplomata a Capellanis Clericisque subscripta. Nec raro Clericis Aulicis amplissimæ Legationes demandabantur. Id probat Peiratus lib. 1. cap. 57. adductis exemplis Rodigandi & Fulradi, quos Pipinus Legatos ablegavit ad Romanum Pontificem, quocum agerent de Longobardico bello: & Alcuini, qui Legatum egit apud Leonem III. & Offam Anglorum Regem: Amalarii, & Valæ, quos Carolus M. & Ludovicus Pius Romam misere, ut Romanam Liturgiam in Galliam transferrent. Fufe Thomassinus p. 2. lib. 3. cap. 37. tradit quam crebras, quam graves Regni Legationes obierint Clerici. Legatis adjungendi sunt Missi Dominici, quos in varias Provincias ablegabant Francorum Reges, ut una cum Episcopis confulerent, ne quid disciplina Ecclesiastica detrimenti caperet: hi enim non raro e Clero ipso Palatino seligebantur. Tandem plurimum facit ad hujus Cleri dignitatem, quod ex eo cætu omnes sere Episcopi crearentur.

Idque

Idque adeo usitatum erat Francorum Regibus, ut cum Carolus Calvus in Concilio Tullenſi Eccleſiam Senonenſem contuliſſet Ganeloni Clerico Capellæ ſuæ, dixit, ſe id feciſſe *juxta conſuetudinẽ prædeceſſorum meorum Regum*. Hunc morem a primis Galliæ Regibus derivatum ad ſua uſque tempora probat Peiratus lib. 1. cap. 34. & 35. ita ut Clerus Palatinus ad inſtar fuerit Seminarii, e quo innumeri, & præclariffimi ad regendas Eccleſias educerentur Epifcopi: etſi quandoque Epifcopi Galliæ, præſertim Hincmarus Remenſis, in hæ frequentiffimas Palatinorum promotiones inſurgebant, quod convellet electionum libertatem, & aliquando indignos obruderent tanto miſterio.

V. Sub tertia Regum Francorum ſtirpe, neque tanta fuit Clericorum in Aula copia, neque dignitas tanta. Quamvis enim Roberto Regi piiffimo Clerici ſupra centum, ut ſcribit Helgaldus, in Capella miniſtraverint; attamen ſucceſſoribus Regibus longe inferiores numero in Aula ad hæſere. Ex his vero adhuc nonnulli occurrunt, qui dignitate vel doctrina præſtarent. Nam Helgaldus in vita Roberti Regis recenset inter illius Capellanos Theodonem Regis conſanguineum. Et Peiratus lib. 1. cap. 5. teſtatur Diplomata quædam Henrici I. & Philippi I. ſubſignata legi ab Epifcopis, Capellanisque. Is idem cenſet, Sugerium Abbatem Sandionyſianum, qui ſupremum egit Regni moderatorem, & Ludovi Groſſi vitam litteris conſignavit, e Capella prodiſſe Ludovici VI. & VII. utpote quia ab his Regibus, titulo fidelis ac familiaris donabatur. Rigordus Scriptor rerum a Philippo II. geſtarum, & Guillelmus Carnotenſis Capellanus S. Ludovici, & Scriptor illius vitæ. Pariter Carolum V. & VI. nonnullos doctos viros in ſuam Capellam adſciviſſe, teſtatur Peiratus, qui ipſe Eleemoſynarium egit in Aula Henrici IV. & Ludovici XIII. Regum Francorum. Verum nonniſi Francisco I. imperante, Capella Regum Galliæ, non modo priſtino reſtituta eſt ſplendori, ſed etiam novis honoribus aucta, & in eo honorificentia gradu collocata, quo nunc temporis eſſulget. Ille enim (præter Magnum Eleemoſynarium, de quo alibi dicendum eſt) duo Capellæ Regiæ addidit ampliffima officia, anno 1523. nempe primi Eleemoſynarii, & Magiſtri Oratorii. Primus Eleemoſynarius vicarias agit partes Magni Eleemoſynarii eo abſente, hinc illius Vicarius natus dicitur a nonnullis. Hinc etiam illius officium magno in honore habetur, & plerumque Epifcopis, non ſemel Cardinalibus committi conſuevit. Magiſter Oratorii tertium a Magno & Primo Eleemoſynariis locum obtinet magnæ quoque dignitatis, quam præclariffimi Epifcopi, vel Cardinales occuparunt. Præſt Oratorio Regis conſtato ex uno Capellano ordinario: octo Capellanis in orbem deferentibus: octo Clericis Oratorii in orbem pariter deferentibus: duobus Veſturiis dictis *Sommiers* a ſerendis ſaumis ſeu ſareinis. Capellanos munus eſt, ſingulis diebus Sacrum facere ſubmiſſa voce, Rege præſente: ſi illi deſint, id muneris ſpectat ad Capellanos ordinarios. Clericis vero Oratorii incumbit cura præparandi quidquid ſpectat ad Sacrum coram Rege celebrandum, ſedem & pulvinaria Regi apponendi, ſacramque ſuppelleſtilem cuſtodiendi. Illorum unus ſummo mane adest in ſalutatorio Regis cubiculo, ut illic ab Eleemoſynario audiat qua hora, quo in loco Rex accedat ad Sacrum audiendum. Veſturiis denique imminet cura adſportandi omne inſtrumen-

mentum ad eum locum, quo Rex se confert ad rem divinam faciendam. Sunt & alii Capellani ad Sacrum peragendum coram Aulicis, quos *S. Rocci* vocant, quod grassante lue, Aulici hos sibi Clericos constitui a Rege petiissent. Hi etiam dicuntur Eleemosynarii *du commun*, vel *de la maison*, quia nonnullas largitiones distribuunt; illi tamen minime sunt de Capella Regis. In hac vero insignem honoris gradum occupant octo Eleemosynarii dicti *servans*, aut *de quartier* quia per orbem Regi adhærent, & ministrant in rebus divinis. Horum originem repetit Peiratus lib. 1. cap. 76. a Caroli VIII. ævo. Nam prædecessoribus Regibus unus fuit Eleemosynarius, & unus itidem Sub-Eleemosynarius, seu Clericus eleemosynæ: cumque Carolo VIII. imperante, ille Magnus Eleemosynarius dici cœperit, hinc aliis Clericis antiquum Eleemosynarii titulum communicarunt. Horum plures in Aula sua habuisse leguntur Ludovicus XII, Franciscus I, Henricus II, Carolus IX. Verum ab Henrico IV, & successoribus Regibus, nonnisi octo ad id muneris adscisci in more fuit.

VI. Ad hos itaque spectat, absentibus Magno & Primo Eleemosynariis, omnia illorum munia obire, sive in Capella Palatina, sive in alia Ecclesia, quo Rex accedat, sive in Liturgia, sive in Coronatione Regis, sive in aliis omnibus sacris caeremoniis. Quamobrem, surgente de lecto Rege, adesse debet Eleemosynariorum unus, qui supposito illius genibus pulvinari, flectens & ipse genua prope Regem, recitet preces matutinas; tum audito, qua hora, quo in loco sit Sacrum faciendum, id Clerico Oratorii significat, ut omnia præsto sint. In Ecclesia, is etiam adhæret Regi a dextris, illius servat pileum, & chirothecas, eidem porrigit libellum precum, vel Psalmos alternatim cum Rege recitat, & ad Missæ finem, eundem adspersit aqua benedicta. Is etiam ad Regis prandium, cenamque, benedictionem, & gratiarum actionem pronuntiat; aliisque apud Regem officiis fungitur, uti perspicuum fiet ex iis, quæ dicemus de Liturgia, & sacris caeremoniis Palatinis. In diebus solemnibus Rocchetto & Mantelletta induti adfunt rei divinæ, & uti refert Dumontius in Cærem. Galliæ lib. 3. cap. 1. §. 6. & titulo ornantur Consiliarios Regis. Ob hæc vero præstantissima illorum apud Regem munia, habentur veluti Clerici de latere Regis, ut ajunt: & hinc cum in Henrici IV funere, sibi deberi post Episcopos primum locum, Regio cadaveri propinquiorem contenderent Abbates præ Eleemosynariis; sententia Cardinalis Perronii Magni Eleemosynarii, Iocum post Episcopos honoratiorem Eleemosynariis ordinariis adjudicatum fuisse testatur Peiratus lib. 1. cap. 76. Alii sunt, qui honoris causa Eleemosynarii Regis dicuntur, sed qui solo fruuntur titulo, nullam vero operam in Aula præstant. Olim de Capella Regis fuit cœtus Clericorum dictus *Chapelle de plein chant*, qui singulis diebus Divina Officia persolverent, quibus præerat Magister, seu *Maître de Chapelle de plein chant*, hocque officium etiam Franciscus I. constituerat. Verum sub Henrico III. id institutum desiit. Non ita tamen de Musicorum cœtu, *Chapelle de Musique*, quem etiam Franciscus I. Capellæ Regis, anno 1543, adgregraverat, cui qui præest, Magister Cantorum, seu *Maître de la Chapelle de Musique* appellatur. Huic subfunt duo Sub-Magistri, sex pueri, seu Scholares artis Musicæ, duo istorum Præceptores, alique plures usque ad numero quinquaginta Paltrii & Cantores. Cæterum longe ante Francisci tempora, viguit

res musica in Aula Regum Francorum. Viguit enim in Aula Clodovæi; utpote qui Citharædum sibi ad hanc rem mitti curavit a Theodorico Rege Gothorum, uti constat ex epistola quadam Theodorici ad illum data apud Cassiodorum lib. 1. var. ep. 41. Et in vita S. Ansberti apud Surium, mense Febuario, legitur, quod is in Aula musicis instrumentis pie delectabatur. Viguit in Aula Pipini, & Caroli Magni: & a Stephano Papa inventam scribit Strabo lib. de exord. rer. Eccles. cap. 25. *Cantilenæ perfectiorem scientiam, quam pene jam tota Francia diligit.* Et Carolus M. ab Adriano Papa petiit, obtinuitque Cantores, qui Galliz Ecclesias Romano cantu instituerent. Merito proinde Peiratus affirmat lib. 1. cap. 23. a Capella Regis ad cæteras Galliz Ecclesias rem musicam profluxisse. Hanc itaque in Aula obsoletam Franciscus I. restituit. Jam vero ex his omnibus habeas, Capellam Regum Galliz hos complecti sub Magni Eleemofynarii auctoritate, Primum Eleemofynarium, Magistrum Oratorii, Confessarium Regis, octo Eleemofynarios, Confessarium, quem vocant *du commun*, octo Concionatores, Capellanum ordinarium, octo Capellanos, octo Clericos Oratorii, Vecturarios duos, Magistrum Cantorum, duos Sub-Magistros, sex adolecentulos, Præceptores duos, & plures Psaltrios & Cantores. Quoad privilegia Capellanorum Regum Galliz, hæc alibi expendemus.

VII. Pergimus ad Aulam Hispanam, cujus Capellani quanto olim studio, quanto delectu essent constituendi, indicat Lex Hispana iussu Alphonfi IX. edita, lib. 3. tit. 9. p. 2, statuens, neminem ad eum gradum cooprandum, qui non doctrina, prudentia, pietate, fide, & rerum ecclesiasticarum notitia polleret: *El Capellán deve ser muy letrado, e de buen seso, e leal, e de buena vida, e sabedor de uso de Iglesia.* Quibus eximiis animi dotibus, cum nil addi posse videatur, ad summas quasque Ecclesie dignitates assequendas, non obicuro conficitur argumento, jam tum Capellanorum Ordinem magno in honore, atque existimatione fuisse. Sane idipsum suadent disertissime, præclara illa munia, quæ Lex Hispana Capellanis adscribit. Addit enim, illum non mediocri litterarum scientia ornatum esse oportere, quæ valeat in iis, quæ ad Scripturarum & spiritualium rerum cognitionem spectant, Regem instruere: *E letrado es menester sea para que entienda bien las horas, e las escrituras, e las saga entender al Rei, e le sea dar consejo de su anima, quando se le confesare.* Postremis hisce verbis illud etiam innuitur, Capellanum Regi ministrasse non in Divinis tantum recitandis Officiis, aut Scripturarum sensibus aperiendis, verum etiam in sacris Confessionibus excipiendis. Hinc & secreti tenacem, fidumque, quod arcana nosceret Regis, illum esse oportebat: *E orro si deve ser de buen seso, e leal, porque entienda bien como le debe tener poridad de lo que dixere en su confesion.* Nec frustra cautum id Hispana Lege, quod in Aula Jacobi I. Regis Aragonum contigisse narrat Mariana lib. 13. de reb. Hisp. cap. 6. Nam Gerundensis Episcopus Regis Confessarius, Therefiam Reginam non servatz a Rege conjugalis fidei, quod sacra Confessione noverat, consciam reddidit; quare violati arcani pœnas gravissimas luit. Neque satis erat, si doctrina, si prudentia, si fidelitate Capellanus polleret: adjungenda enim erat his omnibus ea morum innocentia, quæ Sacerdotem decet sacra Mysteria conficientem, & quæ, ut ait Lex Hispana, Regi, Aulicisque exemplo esse possit. Tandem rituum eccle-

clericalium peritum Capellanum, Lex eadem esse jubet; quod ejus muneris sit, & Divina Officia apud Regem persolvere, & ut ab aliis, qua decet religione, persolvantur, incumbere. Sive igitur legem de cooptandis Capellanis, sive illorum officia spectes, fieri non potuit, quominus selectissimi Clerici ad id muneris accerferentur, idemque in amplissimo honoris gradu haberentur. Observat vero Turturetus de Sacell. Hisp. cap. 5. Lege quidem Hispanica ad cooptandos Sacellanos nil de generis nobilitate decerni; attamen Gregorium Lupum ejusdem Legis Glossographum disertis verbis asserere, debere Aulæ Regiæ Sacellanum inter nobiles viros recenseri: & Hispaniæ Reges, etsi quandoque ad hunc honoris gradum aliquos assumant insigniores virtute, quam genere, consuevisse tamen primariæ nobilitatis viros in Clerum suum cooptare. Idem Turturetus testis est, non olim dumtaxat, sed sua quoque ætate, Capellanos Aulicos magno in honore haberi. Cujus rei non unum est argumentum, quod nempe sedeant in Capella, præsentem Rege, e Magnatum regione, & capita operiunt, iuduti vestes lineas, quæ superpelliceæ vocantur; quod in publicis supplicationibus, in quibus Rex adest (nam si abesset, neque ipsi adessent) medii incedunt inter Regios Senatores: quod inter Canonicos amplissimæ Ecclesiæ Toletanæ sedeant, si Rex eam adierit Ecclesiam, ad sacra faciendâ; quod non temere eligantur; sed Magnus Capellanus referat ad Regem, vel Senatus Aragonicus, aut Italicus, cum de creandis harum regionum Capellanis agitur: neque ullus ex illegitimo conjugio, aut ex atavis Judæis, vel Hæreticis potest in hunc Clerum cooptari. Sed uberiora sunt illorum dignitatis argumenta: siquidem certum est, Hispanos Reges consuevisse gravissimis viris hunc honorem conferre, eisdem sæpe Legationes, aut alia Aulæ officia committere, & amplissimis Ecclesiis eosdem præficere. Illorum aliquot memorat Turturetus, nempe Joannem de Tordesillas Capellanum Henrici I, & Joannis II, eorumque apud Romanum Pontificem Legatum, & Segobiensem Episcopum: Rodericum Sancium Capellanum Henrici IV, ejusque Oratorem apud Paulum II. Pontificem, tum Ærarii Pontificii supremum Præfectum, & Episcopum Palentinum, plurimum librorum auctorem: Didacum Henricum a Castello Capellanum ejusdem Regis, Consiliarium, & Historiographum: Clementem Cajetanum Caroli V. Capellanum, & Philippo filio a secretis in supremo Italicarum rerum Senatu: Lucium Marinum Siculum Capellanum Ferdinandi, & Caroli V. & Historiographum: Cæsarem Marulum e Capellano Philippi II. Archiepiscopum Panormitanum: Ariam Montanum virum doctissimum, Philippi II. Capellanum: Joannem Baptistam Azevedum ejusdem Regis Capellanum, Indiarum Patriarcham, Episcopum Vallisoletanum, Supremum Fidei Quæsitorem, & Castellæ Præsidem. Sed omnium præclarissimus pietate, doctrina, dignitate in Capella Caroli V. & Ferdinandi Catholici ministravit Joannes Petrus Carafa Neapolitanus, Archiepiscopus Teatinus, & Teatinæ Familiæ una cum S. Cajetano Thienzo Institutore, deinde Cardinalis & Archiepiscopus Neapolitanus, tandem supremus Ecclesiæ Pontifex Paulus IV. Neque silentio prætereundi sunt Hieronymus Cardinalis Seripandus, & Archiepiscopus Salernitanus, & Marcus Antonius Columna ejusdem Ecclesiæ Antistes, e Capellanis Philippi II: itidem Fabritius Antinorus Capellanus Philippi III. Archiepiscopus Acheruntinus. Nam frequenter Capellanis collata Sacerdotia testatur Turtu-

retus : & ex Pirro in notitiis Ecclesiarum Sicilienſium , atque Ughel-
lio in Episcopis Regni Neapolitani compertum eſt , regnantibus Au-
ſtriacis , innumeros ſere e Capellanis Aulæ Hiſpanæ creatos Episco-
pos , Abbatēſque . Quoad Capellanorum diſtinctionem ſpectat , tradit
Turturetus , alios dici Capellanos *de Honor* , ſeu *de Banco* , alios Ca-
pellanos *de Altar* , ſeu Cantores . Horum primi magno in honore ha-
bentur , uti dictum eſt ; & in Capella Palatina , quoties Rex ſacris re-
bus adeſt ſolemni pompa , ſedent in ſcamno e regione Magnatum :
rem divinam faciunt in privatis Aulæ Sacrariis , ubi Rex vel Regina
adſint , vel qui ſunt de cognatione Regia : benedicunt Regiam men-
ſam : Regis itinera , & expeditiones ſequuntur quotquot deſtinati
ſuerint a Magno Capellano : comitantur Regia funera , & proximum
locum Regio cadaveri occupant : miniſtrant Prælatiſ , qui in magnis
ſolemnibus , Sacris operantur coram Rege , aut in Capella Palatina ,
aut in aliis Eccleſiis . Hinc patet , hos Capellanos , eſſi Honorarii di-
cantur , tamen non ex illorum eſſe numero , qui honoris cauſa tan-
tum , hoc titulo donantur ; ſiquidem reiſſa operam ſuam in Aula præ-
ſtant , ac vere ſunt Regis familiares , & domeſtici . Cappellani vero
de Altar , ſeu Cantores nuncupantur , qui in Capella Palatina , Divina
Officia perſolvunt . Denique præter Capellanos hoſce , ſpectant ad Ca-
pellam Regis , Præfeſtus Regiſ cortinis , Receptor Capellæ , Juridicus ,
Concionatores , Muſici , & Pſaltrii plures .

VIII. Quæ hætenus diximus de Clero Palatino in Oriente , in
Gallia , in Hiſpania ; iis conſona ſunt , quæ de noſtrorum Regum Au-
licis Clericis dicturi ſumus . Enimvero Normanniſ Principibus ex anti-
quo more Capellanos plures , & honoratiſſimo apud eos loco , adhæſiſ-
ſe , ſuadent privilegia plurima ab illis conceſſa , quibus inter Episco-
pos , Procereſque , Capellani ſubſcribunt . Taſſonus in libro de Ante-
fato exhibet donationem S. Brunoni factam a Comite Rogerio , ubi
Fulco nominatur Comitſ Capellanus : & Pirrus in notitia Eccleſiæ
Paſtenſis profert diploma ab eodem Comite datum anno 1094 . in gra-
tiam Liparitani Cænobii , quod exaratum dicitur *in præſentia Goffridi
Miſitenſis Episcopi , & Fulconis Medici & Capellani , qui hanc char-
tam manu propria ſcripſit* . Proinde Fulco triplici munere apud Roge-
rium ſungebatur , Capellani nempe , Scribæ , & Medici : quod ea tem-
peſtate viri ampliſſimi rei medicæ operam dabant ; hinc & Romualdus
Guarna Archiepiſcopus Salernitanus , & Berardinus Caracciolus Archie-
piſcopus Neapolitanus , medendi artem noviſſe leguntur . Aliud ejuſdem
Comitſ privilegium in favorem Monafterii S. Lucię de Montaneis
ſubſcribitur a Guillelmo , & Guanna illius Capellaniſ . Pariter diplo-
mati foundationis Monafterii Ciſterciienſis S. M. Roccamatoris prope
Meſſanam a Bartholomæo Comite Paternionis conſtructi anno 1193 .
ſubſcribunt tres Presbyteri Capellani Domini Comitſ . Monachos etiam
Capellanorum cœtui adgregatos , indicant dno diplomata Hugonis Meſ-
ſanenſis Episcopi , data anno 1131 , imperante Rogerio , apud Pirrum
in notitia Meſſanenſis Eccleſiæ , quibus ſubſcribit : *Ego R. Monachus
Capellanus Domini Regis* . Etiam Græcis Magnatibus familiare erat
ea tempeſtate Capellanos ſibi a Monachis accerſere , uti teſtatur Bal-
ſamon in comm. ad can. 4. Conc. Conſtant. addens non inde violari
canones , quod non cupiditati , ſed charitati illi famularentur ; quam-
obrem a Patriarcha Luca factam Monacho Sacerdoti poteſtatem , ut
perpetuo verſaretur cum Logotheta Curſus (idem fuit ac Cancellari-
us)

rius) & scribæ officio apud illum fungeretur: majorem vero adesse rationem Regibus, ut Clericos aut Monachos sibi adjungant ad ministeria, quæ serviunt publicæ utilitati. Hæc Balsamon de Græcorum moribus, quæ similes apud Normannos obtinuerunt. Nam Capellani non raroungebantur officio Cancellarii, Notarii, & Scribæ, uti evincunt privilegia plurima a Capellanis conscripta. Hujusmodi est diploma quoddam Rogerii Ducis anno 1086. in gratiam Panormitanæ Ecclesiæ apud Pirrum, exaratum *per manum Raynaldi Capellani mei*: & diploma aliud Rogerii Regis anno 1139. in gratiam Monasterii S. Philippi de Agyrio scriptum *per manum Gualterii nostri Capellani*. Quibus omnibus perspicuum fit, plures in Normannorum Comitatu adfuisse Capellanos, hosque tanto in honore, ut Episcopos inter & Proceres subsignarent illorum diplomata; vel ea ipsimet exararent, quod Cancellarii munere præstantissimo fungerentur. Nil mirum proinde, si quandoque Capellanis suis munus Magni Cancellarii Regni, Normanni Reges concessere. Ita Robertus de Urbe Capellanus Comitibus Rogerii anno 1093, fuit & Magnus Regni Cancellarius, ut testis est Pirrus in Chronologia Regum Siciliæ. Cui adjungendi sunt Richardus Palmeri Anglus, genere & virtute præclarissimus, electus Antistes Syracusanus, Cancellarius, & Consiliarius Willelmi II, & Orator apud Henricum Anglorum Regem: Bartholomæus Ophamilus Anglus summo loco natus, Willelmi II. familiaris & Vice-cancellarius, Oratorque apud Imperatorem Byzantinum, & Episcopus Agrigentinus: Stephanus dictus Cancellarius ab eo munere, quo sanctus est sub Willelmo II. cujus erat familiaris, Archiepiscopus Panormitanus. Hi amplissimi viri, de quibus plura habet Pirrus in notitia Ecclesiarum Siciliensium, & Clero Palatino Regum Normannorum prodire. Ut etiam Robaldus Archiepiscopus Amalphitanus & Lapellano Willelmi Regis; & Sergius Freccia Archiepiscopus Sipontinus, fuerat a secretis Regis Rogerii, quos memorat Ughellius. Neque silentio prætereundum est, Clericos Palatinos quandoque vicario nomine imperium administrasse. Ita sub Willelmo I. Henricus Aristippus Archidiaconus Catanensis, & Richardus electus Syracusanus: & sub Willelmo II. Romualdus Guarna Archiepiscopus Salernitanus, vir doctissimus, scriptor rerum a Normannis gestarum, magnæque apud Margaritam Reginam, & Willelmum II. filium auctoritatis. Aderant quoque in Aula Clerici plurimi, qui Sacra facerent in Ecclesia Palatina. Diximus enim, a Rogerio Rege in prima Ecclesiæ Palatinæ fundatione constitutos magistrum Capellæ, seu Magnum Capellanum, Cantorem, Thesaurarium, duodecim Canonicos, Subcantorem, Magistrum Scholarum, Terminatorem, duodecim Sacerdotes Chorodatos dictos, (seu Choristas, Choraes, Chorarios) duos Sacristas, Clericos quatuor. Et de Willelmo II. refert in Chronico Romualdus Guarna, adornasse illum Palatinam Ecclesiam, & Divinum Cultum summo opere fovisse: *Clericos in ea multos, & præbendas instituit, & Divinum in illa Officium decenter, & tractatum, & cum Dei reverentia & timore celebrari disposuit*. Testis est Pirrus in notitia Regiæ Capellæ S. Petri, regnante Willelmo II. Canonicos dictos fuisse Regis Familiares. Sane in illorum numero fuit Gualterius ille Anglus, cui scripsit Petrus Blefensis, & qui Præceptorem, Cancellarium, Consiliarium egit Willelmi II. tum Panormitanam sedem conscendit, de quo redibit sermo, cum de Magno agemus Capellano. Tandem inter Palatinos Clericos Normanno-

rum

rum Regum merito recensendus est Petrus Blesensis Archidiaconus Bathoniensis in Anglia, utpote qui Willelmum II. puerum instituit litteris & pietate, ut ipsemet testatur in litteris ad Gualterium datis: ob cuius & Sicilia discessum, Willelmus *abjectis libris ad orium se consulit Palarinum*, ut ipse scribit ep. 66. & 90. Qui idem librum edidit *de Institutione Episcopi*, ut Siculos Antistites, quod neglectis Ecclesiis suis in Aula versabantur, ad meliorem frugem revocaret. Sed hæc satis de Cleri Palatini sub Normannis Principibus numero, officio, & dignitate.

IX. Sub Svevis Regibus, iisdemque Imperatoribus, Clero Palatino non potuit is dignitatis & honoris locus denegari, quem jamdiu obzinebat apud Germanos Imperatores. Compertum enim est, Germanis Imperatoribus plures adhæsisse Capellanorum nomine Clericos, genere & virtute ornatissimos, eo præsertim, quod vigentibus investituris, Sacerdotia amplissima consequerentur. Id diserte testantur Willelmus Tyrius lib. 1. Hist. cap. 13. & Auctor vitæ S. Ottonis Episcopi Bambergensis, Apostoli Pomeranorum, apud Surium die 2. Julii, his verbis: *Multi nobiles, & præstantes viri, cognati & filii Principum, Imperatoris aulam sequebantur, Capellanorum ei ministerium exhibentes, spe alicujus Episcopatus obtinendi*. In horum numero fuere S. Otto Capellanus Henrici IV, S. Anno Archiepiscopus Coloniensis & Capellano Henrici V, Willigisus & Capellano & Consiliario Ottonis II. Archiepiscopus Moguntinus, aliique plures. Augebatur Capellanorum dignitas, quod plerumque ii agerent Imperatorum Cancellarios, ita ut Archicapellanus esset simul Archicancellarius, inferioresque Capellani essent Cancellarii. Hinc ab Henrici VI. Imperatoris, & Siciliæ Regis Capella prodiit Gualterius de Palena, five de Paleariis, Episcopus primum Trojæ in Apulia, deinde Panormitanus, consanguineus Imperatoris, ejusque in Regno Siciliæ Magnus Cancellarius; cui Innocentius III. Friderici II. pueri tutelam delegavit. Plura de eo Pirrus in notis. Eccl. Panor. & Catanensis. E Capella etiam Svevorum Principum prodiit Philippus Matera Cosentinus, Consiliarius, & Cancellarius Friderici II. Imperatoris, variisque functus legationibus, tandem Episcopus Marturanensis, uti testatur Ughellius in Episcopis Marturanensibus. Ibi donationem exhibet factam Richerio Episcopo Melfiensi anno 1220. cui Philippus de Matera *Scriniarius* subscribit: hoc enim donabantur nomine, qui publica scripturarum scrinia curabant, epistolas scribebant, instrumenta consiciebant, præsertim in Ecclesia Romana, cujus plures erant scrinarii. Sed & Magnum Siciliæ Cancellarium egisse Philippum evincunt alia monumenta ab Ughellio relata. Alium Friderici II. Imperatoris Capellannum, Rogerium nempe Porcastellum memorat Fazellus Decad. 2. lib. 8. cap. 2. cujus opera concitatum in se Pontificem emollire, ejusque gratiam sibi conciliare studuit Imperator. Ita enim Fazellus: *Cum tandem Fridericus per Berardum Panormitanum Archiepiscopum, Florentinum, & Rheginum Episcopos, & Thaddæum Snessanum magnæ Regiæ Curie Judicem, & Rogerium Porcastellum Capellanum frustra Pontifici omnia ejus acta & improbandi & execranti reconciliari studet, contemptis omnibus diris, ac religione ipsa neglecta, obvius intra Romanæ Urbis portas utriusque ordinis cruce signatos in crucem adegit, discerpsitque, ac jam opprimendi etiam ipsius Pontificis consilio, Romanæ proxime castra admovit*. Adhærebant quippe Regibus in expeditionibus

bus Capellani, quorum pietate & sapientia non raro ad pacem conciliandam utebantur. Hinc cum Mamfredus immunes voluit a solvendis vectigalibus Clericos Capellæ suæ, eos quoque complexus est, qui castra sequerentur: *Capitulum & Clericos omnes ipsius Capellæ, tam illos, qui residentiam faciunt, Domino serviendo, quam alios de gremio ipsius Ecclesiæ, qui nostram sequendo Curiam deputati sunt Capellæ nostræ servitiis, a collectis & exactionibus gratiose eximimus, & volumus esse immunes.* Ut proinde unum idemque haberetur Cleri Palatini Collegium, e quo alii in Capella Palatina, alii in castris sacrum ministerium exhiberent. Cœtum hunc Clericorum Svevos Reges plurimum fecisse indicant privilegia multa ab Henrico, Friderico, Manfredo concessa; quæ tom. 2. Siciliæ sacræ legi possunt, in notitia Regiz, & Imperialis Capellæ S. Petri: ibi & litteræ quædam leguntur Friderici Imperatoris, ex quibus colligitur, Palatinos Clericos e claro genere eligi consuevisse.

X. Brevis eo tempore, quo Carolus Andegavensis imperium tenuit Siciliæ ultra Pharum, duo occurrunt Capellani Regii, iidemque Magni Siciliæ Cancellarii, Joannes Masnelius Cantor Capellæ Panormitanæ, de quo alibi dicturi sumus, & Magister Guillelmus de Forumvilla, Decanus ejusdem Capellæ, & anno 1274. Regni Siciliæ Vicecancellarius. At longum esset recensere Aragonum Siciliæ Regum Capellanos, qui virtute & dignitate excelluerunt. Horum plurimi e Cœnobiiis accersebantur, quod ibi potissimum pietatis & doctrinæ ornamenta splenderent, quæ Capellani, Confessarii, Elemosynarii, Preceptores summorum Principum in Aulam primum, tum in Ecclesias, quibus non raro præficiebantur, transfunderent. Cephaleditanus Episcopus juncta Capellanum egerat Petri Siciliæ Regis, & eo quidem honoris titulo gloriabatur, uti constat ex quadam illius Charta anni 1285. apud Pirrum in notit. Eccles. Cephaléd. *Nos juncta permissione divina Cephalédensis Episcopus, ac ejusdem Regis Capellanus, & familiaris.* In illum graviter exarsit Honorius IV, quod Jacobum Petri filium, una cum Philippo Squillacensi, & Tancredo Neocastrensi Episcopis, Regem inunxerint. Jacobus de Narnia ejusdem Ecclesiæ Episcopus, fuerat etiam a sacris Friderici II Regis: illique in Episcopatu successit Rogerius de Sancto Joanne, & ipse Friderici II. & Petri II Capellanus. Gregorius, qui anno 1353. Mazariensem sedem conscendit, fuerat a sacris & a consiliis Friderici II. Regis; & illius successor Franciscus de Catania, eodem functus est munere in Aula Ludovici Regis: a quo una cum Jacobo de Lamia Præfecto Domus Regiæ, & Roberto de Bonone Patrono Regiæ Curiz designatus est ad pacis fœdera inter Siciliæ Regulos concilianda. Eo e vivis sublato, Fr. Rogerius Ordinis Minorum Capellanus Ludovici III Mazariensi Ecclesiæ præficitur. Catanensi Sacerdotio claruit Fr. Simeon de Puteo Ordinis Prædicatorum e Capella & Consilio Friderici III, quem Gregorius XI. constituerat supremum in Regno Siciliæ Vindicem Fidei, uti refert Pirrus in notitia Catanensis Ecclesiæ. Ibidem memoratur Henricus Regius Capellanus, & Aprocrisiarius Pontificius in Sicilia, cui ad Melphitanum Episcopatum eVecto, Urbanus VI Simeonem Catanensem Antistitem in eo Aprocrisiarii munere subrogavit. Apud eundem Fridericum Regem, functus est Capellani, atque Elemosynarii munere Fr. Nicolaus Papalla Ordinis Minorum, deinde Melitenis Episcopus, cujus mentionem faciunt Wadingus ad annum 1372, & Pir-

Pirrus in notitia Ecclesiæ Melitenfis. Capellani itaque Regum frequentissime ad Episcopales sedes promovebantur; cum enim nonnisi gravissimi & religiosissimi viri in eum gradum cooptarentur, fieri non potuit, quin iisdem Ecclesiæ Cathedralis regendæ sæpe committerentur. Hac etiam de causa e Canonicorum Palatinæ Capellæ Collegio non raro creabantur Antistites: uti Philippus Sanchius, & Ogerius de Verxolo e Cantoribus illius Capellæ, Antistites Syracusani: & Franciscus de Vitale e Cantore pariter Regiæ Capellæ, Episcopus Mazariensis, cui Fridericus III, anno 1370, omnimodam potestatem concessit in civilibus & criminalibus negotiis, quoad Clericos omnes Regiæ Capellæ: & Bernardus de Figuera, Martini Regis Eleemosynarius, Capellanus, Cantor Ecclesiæ Palatinæ, tum Episcopus Pactensis; ad cujus preces Rex Martinus & Maria conjux omnia privilegia a prædecessoribus Regibus concessa Clero Palatino confirmarunt, & nova addiderunt.

XI. Translato deinde Siciliæ imperio ad Hispaniæ Reges, desisse Cleri Capellæ Regiæ splendorem, dignitatem & numerum ad annum usque 1586, quo temporis Philippus II. Rex Hispaniæ restituit Capellæ Palatinæ Canonicos, Clericos, ministrosque, iisque annuos constituit proventus ex spoliis Beneficiariorum, jam alibi diximus. Tum a Philippo III anno 1612, Philippo IV anno 1639, Carolo II anno 1668, & Victorio Amedeo anno 1714. aucti sunt proventus Cleri Palatini ex fructibus vacantium Ecclesiarum, & ex pensione perpetua a Catanensibus Episcopis solvenda, percipiendi. Capella itaque Palatina Panormitana habet triginta octo Ministros, Cantorem nempe, qui primum occupat dignitatis locum, omnibus præest, geritque curam animarum per Capellanum ad id muneris designatum: duodecim Canonicos, quatuor majores, quatuor minores, totidemque inferiores, optione inter eos servata: Personatus duos, Subcantorem nempe & Magistrum scholæ: octo Chorodatos, seu Choro addictos: sex Diaconos, totidem Clericos, Sacristas duos, Musicos triginta. Hi omnes Judici Regiæ Monarchiæ subjiuntur, & exempti sunt a collectis, spoliisque, quæ in Sicilia, Regi, cujus patronatus sunt omnia Regni Sacerdotia, debentur. Canonicis Palatinis concessit Urbanus VIII anno 1633 Mozzettam & Rocchettum, ad instar Canonicorum Metropolitanæ Ecclesiæ, quibus eadem insignia Paulus V anno 1609. permiserat. Cum hisce Canonicis in pari honoris ac dignitatis loco habentur Palatini, quos Pirrus similes facit Capellanis de honore Aulæ Hispanæ. Chorodatos vero comparat Capellanis de cantu in Aula Hispana, quia Divinis perfolvendis Officiis addicti sunt; hique utuntur Almutio nigri coloris, quo antea Canonici utebantur. Ad hæc Beneficia omnia, primum Reges, deinde Proreges præsentare consueverunt; præsentatos vero primum Archiepiscopus Panormitanus, deinde Major Capellanus instituebat. At Philippi II. Hispaniarum Regis jussu anno 1591. statutum est, ut Proregi nonnisi Thesaurarium, Sacristas, Organistam, Musicos fas esset constituere: quoad vero illorum institutionem, ea ab anno 1582. spectat ad Archiepiscopum Panormitanum. Tandem in Cleri Palatini cœtum, imperantibus Austriacis, viri ornatissimi adsciti sunt. Nam Roccus Pirrus Abbas Netinus, & Silvester Maurolicus, rerum Sicularum scriptores gravissimi, de quibus videndus Mongitore in Bibliotheca Sicula, e Clero Palatino fuere. E quo etiam prodiiit Ludovicus Idelphonfus de los Cameros, olim a sacris cæremoniis Proregis Ducis Alcalesiensis, tum Cantor Ecclesiæ Palatinæ, Inquisitor in Regno Siciliæ, Judex Regiæ

giæ Monarchiæ, Episcopus Pactensis, deinde Monteregegensis, tandem Valentinus. Cæterum præter hos Clericos, sunt & alii Capellani Regii, qui honoris causa eo fruuntur titulo, sed nullum ex hibern ministerium in Capella Palatina, eisque imminet Judex Regiæ Monarchiæ.

XII. In Aula Neapolitanorum Regum Andegavensium, insignis Clericorum numerus versabatur, ad Aulæ Regniq̃e munia gerenda, ad Legationes obeundas, ad Regum filios erudiendos, ad sacra faciendâ. Ex his omnibus, etsi diversum distinctumque agerent ministerium, Clerus Palatinus coalescebat, eo præsertim, quia sæpissime iidem erant a sacris, & a temporalibus negotiis administrandis. Ita Regum Confessarius, & Regalis Capellæ Magister in Consilio Principis adsciti erant; ita quoque sedebant in Consilio Regum Capellani quamplures. Qua de re spectant ad Andegavensium Regum Capellam, Clericumque Palatinum, qui, illis imperantibus, Cancellarios egerunt. Utroque munere Cancellarii, & Consilarii sancti sunt: Guillelmus de Godonio Gallus apud Carolum Calabriæ Ducem, antequam anno 1297. Salernitanæ Ecclesiæ præficeretur: Petrus Episcopus Caputaquensis, anno 1286. e vivis sublatus: Petrus Episcopus Litterensis, & supremus Moderator Neapolitani Gynnasii sub Carolo II. Raymundus de Maufaco Ordinis Minorum, Episcopus Teatinus, apud Carolum Calabriæ Ducem Roberti Regis filium & Vicarium. Clericis quoque Magni Cancellarii munus, quod unum est e septem præcipuis Regni officiis, non raro committebatur. Nam in Chronico Cavenfis Monasterii, quod publici juris fecit Ughellus, duo occurrunt Monachi Guiczardus & Maynerius, medio fere decimo quarto sæculo, Regum Consilarii & Magni Cancellarii. Quo etiam munere claruere, Roberto Rege imperante, Ingilramnus Stella & Capellano & Consiliario Regis, Archiepiscopus Capuanus, Neapolitanæ Academiæ supremus Præfessus: regnante Ladislao, Frater Petrus de Pennis, Dominicanæ Familiæ, Scalensis Antistes: & in Aula Joannæ I. Philippus Episcopus Cabillonensis. Cancellariis adjungendi sunt Protonotarii, cujusmodi florere in Aula Joannæ I Rogerius Archiepiscopus Barenfis: & Landolphus Caracciolus & Franciscano Instituto Amalphitanus Antistes, quem Joanna Legatum in Siciliam misit, ut pacem cum Joanne Randatti Duce, Ludovici Regis patruo, Regniq̃e moderatore conciliaret; & rebus bene gestis, constituit Regni Logothetam, Protonotariumque. Nam Andegavensibus Regibus familiare fuit, Clericis suis Legationes committere. Harum plures obiit Matthæus Philamarinus sub Carolo II. & Roberto Regibus, quorum fuit Consiliarius & familiaris, Custos Regii sigilli, Neapolitani Gynnasii Præses, & electus Archiepiscopus Neapolitanus. Philippum Minutulum, Canonicum Neapolitanum, familiarem Clericum Caroli II. apud Pisanos Legationem obiisse, antequam Neapolitano Sacerdotio donaretur, testis est Chioccarellus. Nicolaum Tranensem Præfulem, Legatum ablegavit Carolus I. ad nuptias conciliandas inter Carolum II. filium & Mariam filiam Regis Pannoniæ: Joannem Capuanum, & Gysium Brundisium Archiepiscopos, Ludovicus Tarentinus, & Joanna conjux apud Romanum Pontificem Oratores miserunt: & Joanna II Manfredum Acheruntinum Pontificem, misit Oratorem ad Concilium Constantiense. Quandoque a Cœnobiis Legati sequebantur: siquidem Annales Fratrum Minorum memorant Antonium a Tassia, quem Joanna Regina ad Ferdinandum Aragoniæ Regem

misit, ob nuptias cum Joanne filio ineundas; & Antonium Valentium Oratorem Roberti Regis ad Pontificem. Et Toppius laudat Joannem Grillo Monachum Carthusianum, virum doctissimum, Consiliarium, & Legatum Joannæ I. ad Urbanum VI. Pontificem. Exploratum, persuasumque fuit Regibus, gravissima quæque Reipublicæ negotia, amplissimos honores, Clericorum, & Cœnobitarum peritæ, probitati, ac fidei tuto committi posse. Hinc eorundem opera sæpe utebantur ad instituendam Regiam sobolem litteris & pietate. In horum numero fuit Bertholdus Urfinus Prior S. Nicolai Barenfis, Consiliarius Roberti Regis, deinde Neapolitanus Antistes, cui demandata est institutio Caroli Calabriæ Ducis. Hinc etiam iidem Principes adgregabant Consilio Regio Clericos suos, Capellanosque. Hujusmodi leguntur in Italia sacra Ughelli, Stephanus Episcopus Lucerinus: & Bartholomeus Episcopus Vigiliensis, Capellani & Consiliarii Caroli Regis: Simon Episcopus Draconariæ, & Andreas de Alaneo Episcopus Minorensis, Capellani & Consiliarii Regis Roberti: Bartholomæus de Papazurris, Ordinis Prædicatorum, Teatinus Antistes Capellanus & Consiliarius Joannæ I. & Ludovici Tarentini: Gentilis de Monte Capellanus Joannæ II. & Episcopus Molsettæ. Et alii plurimi Clerici, aut Episcopi, quos longum esset recensere, Consilio Regum Andegavensium interfuere. Nec ab eo arcebantur Cœnobitæ: nam Wadingus ad annum 1321. laudat Franciscum Asculanum Regis Consiliarium; & ad annum 1329. testatur Robertum Regem in rebus arduis usum esse opera Antonii Valentini; Joannam I. adhibuisse Vesciandum Ronlandum deinde Capuanum Pontificem, ad Regni negotia difficillima. Ab eodem Wadingo ad annum 1287. memoratur Fr. Petrus e Capellano Reginæ Mariæ, Archiepiscopus Spalatenfis. Et Turtureus cap. 4. e MSS. Petri Vincentii refert Odonem de Sala Episcopum Pisanum, a Roberto Rege; & Episcopum Trojanum a Ladislao, in Capellanorum numerum cooptatos. Idem auctor est cap. 4. n. 30. Carolum Andegavensem, dum Romæ degeret, plures e Pontificio famulatio donasse titulo sui Consiliarii & Capellani; præsertim Benedictum Cajetanum, qui postea sub Bonifacii VIII. nomine Pontificatum tenuit. Ex his vero omnibus compertum est, sæpe ex Episcopis Capellanos Regum, sæpe etiam e Capellanis Regum Episcopos adlectos fuisse, hos sedisse in Consilio Principis, hos præcipua Aulæ munia gessisse.

XIII. Quæ quidem cum sint præstantissima, haud tamen omnia sunt, quæ de Capellanis Andegavensium Regum dici possunt; cum & in illum cœtum viri doctissimi fuerint adscripti. Hujus ordinis primus occurrit Blasius de Morcone, celeberrimus illius ævi Jurisconsultus, scriptor commentariorum in Leges Longobardicas, & Constitutiones Regni, Judex Magnæ Curie Vicariæ, quem Robertus Rex, anno 1338. e Præposito S. Mariæ de Atino, constituit suum Consiliarium, familiarem, & Capellanum, uti testatur Toppius in Bibliotheca Neapolitana. Huic addendus est Franciscus Petrarca, Poeta excellentissimus, quem Joanna I. anno 1344. in suum Capellanum adscivit, uti scribit Summontius in Historia Neapolitana. Raphael Maffæus, Ordinis Prædicatorum, vir doctissimus, fuit a sacris Caroli III. & ut Regem a schismate revocaret, librum edidit de vera Urbani VI. electione, etsi infelici eventu, uti narrat Mongitore in Bibliotheca Sicula. Fratrem Dominicum de Stellopardis e Prædicatorum Ordine, magni nominis Theologum, & Concionatorem, Inquisitorem in Neapolitano Re-

Regno, & Clementis VII. Pseudo-Pontificis oppugnatorem, Caroli III. & Ladislai Capellanum, laudant Fontana in theatro Dominicano, & Toppius in Bibliotheca Neapolitana. Idem memorant Fratrem Leonardum de Neapoli ex eodem Ordine, virum gravissimum, in utraque Sicilia Fidei Vindicem, Caroli III. Capellanum, & Consiliarium. Tandem a Joanna I. inter Capellanos suos adscriptus est Petrus de Aquila, Franciscanus, qui Inquisitorem egerat Florentiæ, vir amplissimus, uti testatur Wadingus ad annum 1344 ubi exhibet Joannæ litteras hujuscemodi: *Si per sepe Princeps in familiaritatis, & obsecrationis officium, ad aliorum testimonium, sibi jungit ignotos, decet eum per amplius illos assumere, quos experientia certa, propriæque scientia dignos novit. Cum igitur profunde dona scientiæ, discretorum altus morum laudabiles, & alia gratiosa virtutum merita Religiosi viri Fr. Petri de Aquila Ord. Min. sacre pagina professoris, nobis, devotionis & fidei sinceritate præclarent, ipsum in Capellanum & familiarem nostrum providimus, & duximus retinendum; volentes, & jubentes expresse, quod illis de cætero privilegiis, favoribus, honoribus, prærogativis, & gratiis poriatur, & gaudeat, quibus Capellani, & familiares nostri ceteri potiuntur. In cuius rei testimonium præsentem litteras fieri, & pendenti sigillo nostro, quo utimur, iussimus communiri. Datum Neapoli anno Domini MCCCLIV. die XII. Januarii XII. Indictione.* In hisce litteris, nedum indigitatur quanto delectu Capellani crearentur, verum etiam innuuntur plurima privilegia, pluresque prærogativæ, quibus illi fruerentur, uti suo loco, dicendum erit.

XIV. Verum tamen est, in Andegavensium Regum Capella octo Clericos Divina Officia perfolvisse, uti ex litteris Bonifacii VIII. ad Carolum II. apud Chioccarellum. Hunc Clericorum numerum constituit Joanna II. litteris datis anno 1422., Gentili de Sancto Angelo de Falanella Magistro Regalis Capellæ, apud Chioccarellum, quibus ait: *Revolentes, ac intendentes, quod in nostra Regali Capella honorifice, & decenter Divina Officia celebrentur, & quod celebratores habeant, unde victum percipiant concedentem, servireque propterea, & vacare possint in dicta nostra Regali Capella, circa celebrationem Divinorum Officiorum prædictorum, scire te volumus, quod noviter deliberavimus, quod in nostra Regali Capella retinere debeas Capellanos octo inter Cantores, & Phenoristas, & quod tu una cum dictis octo Capellanis habeatis pro vestro victu uncias centum de carolenis argenti ponderis generalis per annum, videlicet tu tamquam Magister Reginalis Capellæ pro persona tua uncias viginti; & quilibet ditorum octo Capellanorum uncias decem per annum.* Ad hos vero annuos proventus tot statuit Beneficia jurispatronatus Regii, quot eam summam conficiant. Fortasse Amanuensium errore irrepsit *Phenoristas*, cum legendum sit *Paraphonistas*. Hi autem fuere præcantatores, seu qui præcinebant Antiphonas, quorum mentio fit in Ordine Romano de schola Cantorum, & apud Monachum Sangallensem lib. 1. c. 8. exhibentem in Capella Caroli M. Paraphonistam, qui cantum moderabatur. Ad rem nostram quod attinet, numerus ille Clericorum in Capella Palatina Divina Officia perfolventium, tunc primum constitutus videtur, quemadmodum & certa illorum stipendia. Attamen longe antea, nimirum Roberto regnante, plures Capellani Clericique sacro ministerio in Capella Regis vacabant, & stipendia percipiebant. Nam constat ex Regestis Roberti Regis anni 1317. soluta fuisse stipendia

Palatinis Clericis: pro gagiis & expensis eorum, & famulorum suorum ad rationem de uncia una, tarenis novem, pro quolibet dictorum Capellanorum & de uncia una, tarenis septem, & gravis decem pro quolibet dictorum Clericorum per mensem. Constat etiam ex iisdem Regestis pecuniam numeratam: Magistro Capellæ Regalis, Eleemosynario Regio, & aliis Capellanis, Clericis, & dimidiis Clericis, ejusdem Capellæ Regalis pro stallagio equorum eorum, ad rationem de tarenis uno, & gravis decem, pro quolibet eorum per mensem. Præter hæc stipendia, immunes fuere Clerici Palatini ex Roberti Regis beneficio, anno 1339. ab iis solutionibus, quæ debebantur: ratione juris sigilli Regii pro quibusque literis propriis eorum, factis, & in antea faciendis, gratiam vel justitiam continentibus. Constat insuper ex Regestis Caroli I & II olim in Regiæ Domus tabulis adnotari consuevisse, N. N. receptus fuit in Capellanum, Clericum, familiarem, & de hospitio Domini Regis; & a Cancellario Regni datas fuisse ad hanc rem litteras: Domino Senescalpo & omnibus aliis Officialibus de Ospitio Domini Regis, ut id noscerent universi. Itaque in Palatinum Clerum Regum Ardegaventium confluebant Episcopi, Clerici, Cœnobitæ pietate & doctrina clarissimi; & ad instar Cleri Palatini Regum Francorum, præsertim Carolovingiæ stirpis, illorum nonnullis summa Aulæ munera, aliis Legationes amplissimæ demandabantur; pluribus locus erat in Consilio Principis, quibusdam Regiæ prolis institutio erat commissa, denique alii sacris rebus celebrandis operam dabant. Non ita tamen, ut non iidem sæpissime utrumque ministerium, sacrum profanumve exhiberent.

XV. Eodem fere modo res se habuit sub Aragoniis Regibus, qui succedere. Alphonsus, ejusque posteros consuevisse in Consilium suum Episcopos, Clericosque accersere, ex eo patet disertissime, quod conscripto tunc primum supremo Senatu S. Claræ, huic ille præfecerit Antonium Borgiam Episcopum Valentinum, familiarem suum, cujus opera in administrando imperio plurimum utebatur, quique sub Callisti III nomine Romanam sedem conscendit; & huic in illo munere alii plures subrogati fuere Episcopi, Gaspar de Diano Neapolitanus Præsul, Arnaldus de Rogerio Patriarcha Alexandrinus, Oliverius Carafa Cardinalis & Archiepiscopus, Joannes de Aragonia Cardinalis & Pontifex Tarentinus. Atque hi quidem in supremo Aragonum Regnum Consilio principem occuparunt locum; in quo etiam alii sederunt Clerici, uti Michael Chofal e Monacho Cisterciensi Episcopus Isclanus, Nicolaus de Miraballis e Consiliario Ferdinandi I. Antistes Amalphitanus, Bernardus & Pirrus e Caracciolorum, gente ambo Episcopi Consentini, aliique. Et Summontius in historia Neapolitana refert, morienti Alphonso I. tres adfuisse Episcopos, ejus Consiliarios, & testes supremæ voluntatis, Joannem Majoricensem, Joannem Soler Barcinonensem, & Joannem Ferdinandum electum Neapolitanum. Sed & illorum Regum Confessarii, atque Eleemosynarii plerumque fuerunt ab eorumdem Consilio. His adjungendi sunt Cancellarii, & Scribæ, quos non semel e Clericorum numero adlectos, & Ecclesiis deinde Episcopos datos reperies, uti Bartholomæus Gattula e Secretario Alphonsi I. Archiepiscopus Rhegiensis, tum Messanensis; Andreas de Cuncto e Regio Scriba Ferdinandi I. Episcopus primum Minorensis, deinde Amalphitanus; Thomas Ciprianus e Cancellario & Consiliario Alphonsi Ducis Calabriz Episco-

Episcopus Maricanus, cujus meminit Toppius in Bibliotheca Neapolitana; & Thomas Rhegalanus e secretis Ferdinandi II. Antistes Amalphitanus. Adjungendi quoque sunt e Clericorum numero Regie sobolis Præceptores. Nam Alexius Celadonius peritissimus Græci & Latini sermonis, insignis Orator, & Cardinalis Bessarionis discipulus, instituit litteris Alphonsum, & Fridericum Ferdinandum filios, antequam Gallipolitanæ primum, deinde Melphitenſi Ecclesiæ præflet. Et Frater Petrus Ranzanus Ordinis Prædicatorum, vir doctissimus, eodem officio functus est in Aula Ferdinandi I. tum Lucerino Episcopatu auctus, Legatiodem obiit in Galliam primum, deinde ad Matthiam Pannoniæ Regem, ubi librum scripsit de rebus Hungaricis, de quo plura habet Mongitore in Bibliotheca Sicula. Nam etiam Legationibus sæpe Clerici fungebantur. Ita Colantonius Valignanus Episcopus Teatinus Oratorem egit Alphonſi Regis apud Venetos: Antonius Fanensis ex Ordine Minorum illius Confessarius, apud Martinum V. Pontificem: Bartholomæus de Michaelibus Episcopus Nucerinus, apud Senensium Republicam: Franciscus Bertinus Episcopus Caputaquensis ab Burgundiæ Ducem; & Ludovicus Flonoblet Præful Anglonensis ad Romanum Pontificem, nomine Ferdinandi Regis, Legationem obiere. Quamvis ab hiſce Episcopis, Clericisve Palatinis tractarentur Aulæ vel Regni officia; nil tamen vetuit, quominus iidem sacra munia in Aula, vel Capellâ administrarent. Sane in ea solemnî Liturgia Palatina, quam regnante Alphonſo II. describit in suis Diariis Joannes Brochartus, de qua alibi dicemus, Magnus Capellanus adſtabat prope Regem Solio inſidentem, Sacris vero operabatur Matthæus de Aquino Episcopus Gravinensis, familiaris Regis, ad Licienſem ſedem deinde translatus. Atque ita sæpe contigiſſe colligitur ex eo, quod cum in ſolemnî Liturgia Capellæ Palatinæ, Magnus Capellanus adeſſe debu- rit prope Regem, ut ſingulas Miſſæ partes coram ea recitaret; hinc Sacrum faciendum fuit ab aliquo alio Episcopo, vel Clerico Palatino, & quidem e dignioribus Aulæ. Qua de re pro comperto habendum eſt, Clericos Palatinos Divinis, & humanis rebus in Aula gerendis operam dediſſe. Cæterum plurimos Clericos ſacro miniſterio Capellæ ſuæ Alphonſus I. addixerat, quorum aliqui actû deſervirent, aliis vero ſas eſſet ibidem deſervendi. Ita enim in litteris datis anno 1445. quibus conſtituit Dominicum de Xachis Magiſtrum Capellæ ſuæ, apud Chioccharellum to. 2. MSS. Rex ait: *Quamplures Capellanos tam in dicta noſtra Regali Capella, quam alibi fecimus, & per noſtras litteras ſtatuiſmus, ut dicti Capellani ad requiſitionem dicti Magiſtri Capellæ noſtræ ſervire in eadem noſtra Regali Capella, & vacare in celebratione Miſſarum, & Divinorum Officiorum poſſint temporibus opportunis.* Ibidem exhibet Chioccarellus litteras ab eodem Alphonſo Rege datas, anno 1452. univerſis Magiſtratibus, & Prælatiſ, quibus declaravit, Nicolaum de Raynaldo de Cariſſio Diceceſis Vicanenſis, ſuos inter Capellanos adſcitum, omnibuſque donatum privilegiis, quibus cæteri Capellani fruebantur, etſi in Regali Capella actû non deſerviret. Et e Regiſ Tabulariis conſtat, ab Alphonſo I. anno 1445. iſſidem ſormulis creatum Capellanum Joannem de Valentino Barulenſem Presbyterum; uti etiam a Ferdinando I. anno 1468. Marcum Figulum; & ab Alſonſo hujus filio anno 1475. Leonardum Biſone Calertanæ Diceceſis, ita ut quamvis actû in Capella Regis haud miniſtrarent, omnibus tamen juriſus privilegiſque fruerentur, quibus donati erant

erant Regum Capellani. Tandem in Capellanos Regum Aragonum doctissimi, & gravissimi Clerici, aut Cœnobitæ assumebantur. Horum unus fuit doctrina & pietate insignis Frater Andreas de Monopoli ex Ordine Minorum, quem Ferdinandus I. Capellanis suis adgregavit, die 16. Decembris, anno 1472. his litteris a Toppio relatis in Bibliotheca Neapolitana: *Illos in Capellanos nostros, & in Regali nostra Capella libere recipimus, numeroque, & consortio nostrorum Capellanorum admittimus, & adgregamus, quos clara virtus illustrat, moresque, & vita integra, & opera laudanda commendant. Sane igitur attendentes animi virtutes, mores, & integram vitam, ac laudanda opera Venerabilis viri fidelis nostri dilecti fratris Andree de Civitate Monopolis Ordinis Minorum, in aliquid testimonium suarum virtutum, & gratitudinis nostræ erga illum, tenore presentium de certa nostra scientia, motuque propria, consulto, & deliberate, eundem fratrem Andream Capellanum, & de nostra Regali Capella creamus, constituimus, & ordinamus. Ex his vero concias, quam spectatissimis viris dignitas Capellani Regii deferretur. Eadem quoque dignitate apud Joannam Aragoniam Reginam, Ferdinandi I. conjugem, claruit Frater Antonius Bonitus de Chuccaro, Franciscanus magnæ doctrinæ, ut ejus libri, quos Toppius recenset, testantur, deinde Episcopus Montis-Marani. Huic adjungendus est Benedictus Micheli de Laureto, rerum Theologicarum peritissimus, qui a sacris Confessionibus fuit Ferdinandi I. Regis. Cum itaque tam clarissimis viris Clerus Palatinus abundaret, inde consentaneum fuit, ut optimi Episcopi præficerentur Ecclesiis. Atque in hoc numero, præter eos, quos jam memoravimus, & qui recensendi sunt, cum de Confessariis, & Eleemosynariis Regum agemus, fuere Antonius Jacconia e Capellano Ferdinandi I. Episcopus Puteolanus, & Quirinus Longus e Capellano Regio Episcopus Lavellensis, aliique.*

• XVI. Progredimur ad Austriacos Hispaniæ Reges, qui a sæculi decimi sexti initiis, usque ad hujus sæculi exordia, Proregibus illorum vices agentibus, Neapolitanum imperium tenuerunt. Jam vero cum nulli essent in hac Aula Reges, nulli quoque fuere Palatini Clerici, qui Aulæ, & Regni muneribus implicarentur. At Clero Capellæ Palatinæ servata est dignitas, & auctoritas. Namque primo ex eo cœtu Episcopi plurimi educebantur, uti Jacobus Conchilles ex Episcopo Hieracensi, Antistes Catanensis; Carolus Catalanus Episcopus Cotroniensis; Joannes Jacobus Macedonius Episcopus Monopolitanus; Achilles Brancia Episcopus Bovenfis; Scipio Salernitanus Præsul Acerarum; Petrus Antonius de Capua Archiepiscopus Hydruntinus; aliique plurimi ad nostra usque tempora, qui in Italia sacra Ughelli cum additionibus Coleti occurrunt legenti. Tum nobiles doctique viri in eum cœtum coptabantur. Nam Decius Caracciolus a Toppio laudatus in Bibliotheca Neapolitana, fuit Capellanus Regius sub Philippo II. in cuius obitu orationem habuit funebrem, typis editam. Idem Toppius memorat alium Capellanum Regium, ex iis, qui Honorarii dicti sunt, Dominicum Diez Averfanum, Protonotarium Apostolicum, & causarum Patronum in foro Archiepiscopali, Juris peritissimum, auctoremque libri, cui titulus: *Emblemma legale variorum thematum practicabilium, cum brevissima inspectione in ordine judiciali, & præxi civili, sicut in foris Parthenopeis observatur.* Carolus Maranta Venusinus, Theologus & Jurisconsultus doctissimus, ut constat ex plu-

ribus libris ab eo editis, *Controversiarum Juris utriusque Responsio-
num in Foro causarum Ecclesiastico praesertim discussarum, & ad pias
causas*, fuerat ex Capellanis Honorariis Aulae Neapolitanae, antequam
Juvenacensi Sacerdotio donaretur. Et nostris haece temporibus ex eo-
dem Capellanorum coetu prodiit vir amplissimus dignitate & doctrina
Vincentius Petra Patritius Neapolitanus, qui ob eximia erga Ro-
manam Apostolicam Sedem merita, & erga rem litterariam, editis
Commentariis in Constitutiones Pontificias, a Benedicto XIII. Ponti-
fice Max. in Cardinalium Ordinem adscitus, diu multumque meruit
de Apostolica sede, & octogenario major e vivis sublatus est anno
1747. cum Episcopatum regeret Prænestinum, & Summus esset Ecclesiae
Poenitentiarius.

XVII. Quod vero spectat distinctionem, numerumque Capellanorum
Aulae Neapolitanae, alii dicuntur Capellani de Honore, alii Capellani
Ordinarii. Capellani Honorarii, numero viginti quatuor, nulla perci-
piunt stipendia, nec quotidianum ministerium in Aula praestant, com-
munia tamen habent jura & privilegia cum ceteris Clericis Capellae
Regiae. Iidem sunt Protonotarii Apostolici, & in magnis solemnibus
induti Rocchetto, & Mantelletta adesse debent Liturgiae Palatinae, se-
dent in scamno sine fulcro dorsuali, & ministrant Magno Capellano
rem Divinam facienti. Qua de re non ex illorum numero habendi
sunt, qui nudo honoris & dignitatis titulo perfruuntur, cum re ipsa
statis festis diebus, sacro Palatino ministerio interesse debeant. Crean-
tur a Principe, datis litteris *in forma Regiae Cancellariae*, atque col-
atae dignitatis possessionem incunt in Capella Palatina, praesentibus
Sacrista Majore, & coereemoniarum Praefectis, tum rem gestam con-
scribente Magni Capellani Tabellione, vulgo actorum Magistro. Ca-
pellani Ordinarii, numero octo, sacris rebus in Aula peragendis quo-
tidie operam praestant, siquidem singulis diebus Sacrum faciunt in
Oratorio privato Regis, tum in omnibus sacris functionibus Capellae
Palatinae, induti Superpelliceis sine manicis inserviunt sacro ministe-
rio, Regis itinera sequuntur, quo tempore, praeter consueta stipen-
dia, donantur symbola, nti ceteri familiares Regis, quae dicitur *men-
siglia*. Cum aliquis a Rege in hunc coetum assumitur, is, qui est a
summis imperii negotiis, dat Magno Capellano litteras, quibus eum
hujus rei conscium facit; aliisque litteris idipsum significat illis Regii
aerarii Officialibus, a quibus stipendia perfolvuntur. Absente Magno
Capellano, sacris operatur in Palatina Capella, vel senior e Capellanis
Honorariis, vel Major Sacrista, vel aliquis e Capellanis Ordinariis,
isque etiam adspersit Regem aqua benedicta, eidemque exhibet Evan-
geliorum librum, & osculum pacis. Praeter Capellanos hosce, addisti
sunt obsequio Capellae Palatinae Major Sacrista, duo coereemoniarum
Praefecti, nonnulli Clerici, & Scholares, Musici, & Psalterii quamplu-
res ad rem Divinam modis musicis faciendam. Scholarium Capellae
Regiae extat mentio ab Aragonum Regum aetate: siquidem in Alphonsi
Regis litteris ad Episcopum Acernensem anno 1443. memoratur
Janniccus de Campania Diaconus, & scholaris Regiae Capellae; & in
litteris Friderici Regis anno 1498. ad Episcopum Calvensem Matthaeus
Gallus ejusdem Capellae Scholaris nominatur. Eo donabantur nomine
Clerici, qui operam dabant Scholae Cantorum, quam Gregorius M.
instituerat, quamque Pipinus & Carolus M. in Capellam Palatinam,
& in Galliam, Germaniamque invexerant. Unde Ledradus Archiepi-
sco-

scopus Lugdunensis scribebat Carolo M. constitutas a se in Lugdunensi Ecclesia Scholas Cantorum, & psallendi ordinem *juxta ritum Sacri Palatii*. Ad instar itaque Capellæ Caroli Magni, Neapolitani Reges Capellam Palatinam instructam voluere Schola Cantorum.

XVIII. Inter Clericos Palatinos magno sunt in loco Confessarii Regum, qui olim ab Episcopis dabantur, deinde a Romanis Pontificibus, facta Regibus potestate adsciscendi sibi quemcumque vellent Confessarium, cujus rei plurima exempla affert Thomassinus part. 1. lib. 2. cap. 102. nu. 8. & alibi. Illorum antiquior mentio occurrit in vita Ansberti Episcopi Rotomagensis sub Theodorico Francorum Rege, cujus dicitur Confessor, Cancellarius, & Custos Regii sigilli. Et Baroni-
 us ad annum 631. laudat Vironem Episcopum Scotum, quem Pipinus senior sibi esse voluit a Confessionibus, & quocum graviora negotia communicabat. Verum enimvero nonnisi sub tertia Regum Francorum stirpe præclarissimum fuit in Aula Confessarii munus, cui domicilium erat in ipso Palatio, quique sacramenta fidelitatis Regi debita excipiebat, & Regem monebat de conferendis Beneficiis, deque subsignandis litteris Pontificiis circa collationem Beneficiorum, quæ proinde signabantur *ad relationem Confessoris ex parte Domini Regis*. Tradit Peiratus lib. 1. cap. 54. & 55. a Philippo Augusto usque ad Carolum VIII. Confessarium Regis præfuisse Oratorio Regio, digniorem præ Eleemosynario obtinuisse locum, amplissima auctoritate a Romanis Pontificibus instructum fuisse, ut plurimum ex insigni Prædicatorum Ordine eligi consuevisse, sæpe etiam Episcopali, vel Cardinalitia dignitate effulxisse. Et Thomassinus loco citato auctor est, Galliarum Regibus usque ad annum 1385. Confessarios fuisse e Dominicanis: at cum Joannes de Montefonio ejusdem Ordinis, quædam de Conceptione Deiparæ vulgasset, quæ censura confixa sunt, quæque etiam Confessarius Regis ex eodem Ordine Episcopus Ebroicensis retractare jussus est, eo summoto ab audiendis Regis Confessionibus, nulli deinde ex eo Ordine ad id muneris adsciti sunt. In Aula Hispana olim Capellanus idem erat, ac Regis Confessarius: deinde cum Henricus Castellæ Rex Dominicana veste indui se jussit, & ita tumultu inferri, ut narrat Mariana ad annum 1379. invaluit mos accersendi ex eo amplissimo Ordine Regum Confessarios. Pariter in Anglia, uti colligitur ex Walsinghamo in Chronicis, Confessarii Regum plerumque e Dominicanis seligebantur, & in hoc numero fuisse Joannes de Berlington Confessarius Henrici III., & Thomas Rushok Richardi II. Regis. Quod Aulam spectat nostrorum Regum, horum Confessarii, vel ex Franciscana Familia, vel ex Dominicanorum Ordine assumebantur, iidemque sæpe Episcopali fulgebant dignitate, sæpe etiam in Consilio Principis adscripti erant, & non semel eorum Legationibusungebantur. Andegaveses Principes, præsertim Robertus & Sancia conjux, Franciscanos ut plurimum a Confessionibus habuere, quorum Ordini erant addictissimi, ita ut Sancia in quadam epistola ad Michaelem Cæsenatem supremum Ordinis Moderatorem, relata a Wadingo, testata sit: *Anima nostra magis est in ipso Ordine, quem amat justissime, quam in nostro corpore, quod animat, & informat*. Hinc in eorum Aula, plurimi ex eo Ordine amplissimo versabantur, de qua re Wadingus ad annum 1343. *plurimum usi sunt etiam Minorum operarum in Consiliis, tum in conscientiis dirigendis Reges Neapolitani*. Invenio enim circa hæc tempora plerosque ex eis in Aulam adscitos:

Fr.

Fr. Franciscum Episcopum Gajetanum, prius Caroli Ducis Calabriae Confessarium: Fr. Hugonem Sueffanum Episcopum, eidem Regi a Confessionibus: Fr. Guillelmum Scalensem Episcopum, Reginae Sanciae a sacris arcanis conscientiae: Fr. Guillelmum Episcopum Puscolanum, Reginae Joannae hujus nominis primae Confessarium, vivente adhuc avo Roberto: Fr. Matthaeum Telefinum Episcopum, Confessarium & Consiliarium ejusdem Reginae, & ante assumptionem ad Episcopatum Regis Sacelli Magistrum: Fr. Andream de Valle Regia, & Fr. Petrum de Aquila ejusdem Reginae Capellanos, familiares, & fideles. Et saepe Magistri Regalis Capellae, erant & Regum Confessarii, de qua re alibi. Fuit etiam a Confessionibus Sanciae Reginae, Philippus ab Aqueriis Franciscanus, cujus consilio piissima Regina insigne construxit Monasterium S. Mariae Magdalenae ad excipiendas mulieres ad meliorem frugem redeunt. De qua re Wadingus idem ad an. 1324. Inchoatum hoc anno insigne Monasterium S. M. Magdalenae, haud longe a Castro Capuano, per Sanciam Reginam, pro recipiendis & alendis mulierculis profuturis, a peccato resipiscens. Harum lucrandarum tantus fuit piissimae Reginae zelus, ut simul cum suo Confessario Philippo ab Aqueriis, illarum domos penetraret, verbis, lacrymis, & muneribus ad meliorem vitam alliceret, atque ad sacrum a se preparatum asylum invitaret. Egregiam sane Reginae pietatem, & memoratu dignam! Hisce Regum Confessariis a Wadingo laudatis addendi sunt, Joannes Episcopus Monopolitanus, & Joannes Episcopus Gravinensis, uterque Franciscanus, uterque a Confessionibus Joannae I. Fr. Matthaeus de Capua, ejusdem Instituti, Antistes Surrentinus, Confessarius Caroli Ducis Calabriae, filii Roberti, & custos supremae illius voluntatis: Fr. Petrus Episcopus Rapollanus a Confessionibus Roberti Calabriae Ducis: Fr. Dominicus Joannes, Confessarius Ladislai Regis, & Episcopus Gajetanus, Legatus Regis ad Gregorium Papam: Joannes a Turro, Confessarius Joannae II. cujus meminit Wadingus ad annum 1487. Aragoniis vero Regibus Confessarii fuere plerumque ex Dominicorum Ordine. Ita Fr. Philippus Gambacurta fuit ab Alphonso I. Confessionibus, tum anno 1422. Ecclesiae Cephaludensis Administrator, uti narrat Pirrus. Nicolaus de Terranova ex eodem Ordine, vir doctissimus, de quo plura habet Mongitore in Bibliotheca Sicula, eodem munere functus est apud Alphonsum Regem: uti etiam Bernardus Maja, Concionator eximius, cujus ibidem meminit Mongitore. Et Pius in libro de vir. illustr. Ordin. Praedic. laudat Bernardum de Michaelem Hispanum, Episcopum Ucellensem, Consiliarium Alphonso Regis, & Confessarium Ducis Calabriae. Ferdinandus I. Alphonso filius habuit a sacris Confessionibus, & a Consilio Henricum Lungardum ex eodem Ordine, Policastrensem Praefulem, tum Acheruntinum: & Fr. Petrum ejusdem Instituti, Episcopum Montis-Viridis, quos memorat Ughellius. A Mongitore memoratur etiam Salvus Cafetta & ipse Dominicanus, eodem munere functus apud Ferdinandum Regem. Antonius Ponticorona Dominicanus Confessarium egit Ferdinandi I. Quaesitorem Fidei in Sicilia, Oratorem Alphonso Regis ad Concilium Constantiense, Episcopum Cephaludensem, deinde Agrigentinum, uti Pirrus testatur. Qui idem in Episcopis Catanensibus recenset Bernardum Margarit Benedictinum, e Confessario Ferdinandi Regis, Episcopum Catanensem. Denique in Diariis manuscriptis Joannis Brocharti nominatur Joannes Franciscus de Mirabellis Monachus Olivetanus, Confessarius

Alphonſi II. Regis, qui in coronationis Regiæ cremonia adſtabat prope Regem. Rex Carolus Bôrbonius habuit a ſacris Confeſſionibus Joſephum Bôulagnoſ e Franciſcana familia Episcopum. Niſibentem & MARIA AMALIA Regina conjux, Joannem Hildebrand e Societate Jeſus; & ex eadem Societate Joſeph Barba egit Inſtitutorem Regiæ proſis: Carolo Rege ad Hiſpaniæ imperium tranſvecto, Benediſtus Latil la e Canoniciſ Lâteranenſibus Abellinenſis Episcopuſ datuſ eſt Conſeſſariuſ, ac Inſtitutor FERDINANDO IV. Regi Clementiſſimo: illique vitâ ſuncto, ſuccceſſit Conſeſſarij loco Clariſſimuſ Præſul Philippuſ Sanſeverino, olim Neapolitani Archiepiſcopi generalis Vicariuſ; & Aliphiânuſ Antieſte, nunc Archiepiſcopuſ Nicenuſ. At apud: Reginam Glementiſſimam MARIAM CAROLINAM, Antoniuſ Gurder, Vienneniſis Ecleſiæ Canonicuſ, Præſul ornatiffimuſ, hoc munere fungitur.

XIX. Spectant etiam ad Clerum Palatinum Eleemoſynarii Regum, quos memorat Caroluſ Calvuſ in ſuiſ Capitularibuſ, eiſ commendandâ; ut, poſt obituſ ſuum erogent in pauperes, quod ipſe præceperat: *Si nos in Dei, Sanctorumque ipſiuſ ſervitio, morſ præoccupaverit, Eleemoſynarii noſtri, ſecunduſ quod illiſ commendatuſ habemuſ, de eleemoſyna noſtra decernent.* Obſervat tamen Thomaffinuſ p. 1. lib. 2. cap. 111. ex iſſdem Capitularibuſ colligi, Episcoporum quoque, & Abbatuſ, Comitum, & Nobiliuſ propriuſ fuiſſe Eleemoſynariuſ, atque hoſce nonniſi Teſtamentariuſ executores fuiſſe. Sane ſub ſecunda Reguſ Francoruſ ſtirpe, nulluſ legitur in Aula addiſtuſ præcipue huſe officio ſtipiſ erogandâ; quamvis Caroluſ Magnuſ, teſte Eghinardo, circa pauperes ſuſtentandos, & gratuitam liberalitatem, quam Græci eleemoſynam vocant, devotiſſimuſ erat, ut qui non in patria ſua ſolanti, & in ſuo Regno, eam ſacere tutaverit, verum trans maria in Syriam & Egyptum, atque Africam, Hieroſolymaſ, Alexandriam, atque Conſtantinopolim, ubi Chriſtianoſ in paupertate vivere compererat. Et Ludovicuſ Piuſ, teſte Thegano, quoridie ante cibum, eleemoſynaruſ largitionem exhibuit, & ubicunque erat, Xenodochia ſecum habebat. Atque adeo rebus pauperuſ adjuvandis Reges ſtudebant, ut ipſi, vel eoruſ Miſiſtri diem indixerint tribuendâ audientia viduiſ, orphaniſ, ceteriſ que indigentibuſ. Hinc hujuſmodi Audientia dicebatur, *Eleemoſyna Regiſ*, cujuſ mentio ſit in Concilio Vernenſi ſub Pipino anno 756. cap. 6. ubi ſtatutuſ eſt, ut Episcopuſ opem ferant Monaſteriis recurrendo ad Regem, ut in ſua Eleemoſyna hoc emendare faciat. Ubi etiam ſancituſ fuit, ut Comiteſ, vel Judiceſ ad eoruſ placita, primo viduaruſ, orphanoruſ, vel Eccleſiaruſ cauſaſ audiant, & deſinant in Eleemoſyna Domini Regiſ, & poſtea aliaſ cauſaſ cum juſtiſia judicent. Et Patreſ Concilii Remenſiſ anno 813. cap. 42. decreverunt exorandū Imperatoreſ, ut in ſua Eleemoſyna firmiter ſtatuat, ne quilibet in ſuū pergentibuſ ſervitium, ullatenuſ prohibere audeat manſionem, neque aliaſ, quibuſ neceſſitaſ incumbit. Nonniſi tamen ſub tertia Reguſ Francoruſ ſtirpe prodiit in Aula ſtipiſ Diſtributor, ſeu Eleemoſynariuſ, circa Ludovici VII. tempora, cujuſ muneris fuit, neduſ Regiſ eleemoſynaſ erogare, ſed & Regi in Capella miniſtrare, atque menſæ Regiæ benediſtionem impertiri. Tradit Peiratiuſ lib. 1. cap. 58. uſque ad Caroli VIII. imperium, Eleemoſynariuſ nec fuiſſe primuſ Aulæ Capellanuſ, nec Regiſ Conſeſſariuſ dignitate ſuperſaſ ſe, neque ſemper Preſbyteratuſ initiatuſ fuiſſe, illique ſubdituſ fuiſſe Clericuſ, qui Sub-eleemoſynariuſ, vel Clericuſ Eleemoſynæ dice-


batur. Attamen Eleemosynarii munus magno in honore fuit, ut colligitur ex monumentis a Tilletio relatis, tandemque sub Carolo VIII. eam accepit dignitatis amplitudinem, qua nunc temporis effulget. In Hispania Maior Capellanus, est idem Regis Magnus Eleemosynarius, ut testis est Turturetus. Reges Angliæ, Lusitanæ, Sardinie habent itidem suos in Aula Eleemosynarios, uti jam diximus. Fuere & Siciliæ Regibus Eleemosynarii; plerumque iidem ac Magni Capellani. Nam Pirrus in notitia Ecclesiarum Sicilienſum testis est, Nicolaum de Papalla Franciscanum egisse Eleemosynarium, & Capellanum Friderici III., & Confessarium, ac Magistrum Capellanum Mariæ Friderici III. filiæ, tum Episcopatum inivisse Melitenſem: Fr. Joannem Pino Franciscanum, & Philippum Ferrario Carmelitam, utrumque Eleemosynarium & Magistrum Capellanum Martini Regis, utrumque Episcopum Agrigentium. Idem Pirrus memorat Bernardum de Figuera a sacris eleemosynis Martini Regis, Cantorem Capellæ Palatinæ, tum Episcopum Paſtenſem: Franciscum de Velletta Eleemosynarium, & Capellanum eiusdem Regis, & Archidiaconum Agrigentinum: Andream quoque de Argento, eiusdem Ecclesiæ Archidiaconum, eodemque perſunctum munere apud Regem Martinum. Quidni Neapolitani Reges Andegavenſes & Aragonii, quorum in extruendis ditandisque Ecclesiis ac Monaſteriis, in rebus pauperum & viduarum adjuvandis, eximia fuit munificentia, præſertim vero Roberti & Sancia conjugis, habuiſſent in Aula religioſiſſimos Clericos ad id muneris designatos? Imo eorum Aulam, uti de Regibus Francorum Carolingæ stirpis dictum fuit, audiendis, ſublevandiſque miſerabilium perſonarum rebus patuiſſe, teſtantur noſtrarum rerum Scriptores. Ad hanc rem Carolus Dux Calabriæ, Roberti Regis filius, Vicariusque, memoriæ numquam interituræ, ne ullis hominum intercluderetur ad Principem aditus, ſonitu tintinnabuli ad Palatii fores apoſiti, præſto erat cuique petenti. Habuere itaque Neapolitani Principes, qui clarigendæ ſtupi incumbere, & ſæpe e Cœnobitarum numero. In quodam Inſtrumento a Wadingo relato, quo Sancia Roberti Regis conjux, Clariffarum Inſtituto nomen datura, plura ſtatuit anno 1344. circa ſuorum bonorum diſtributionem, ſubſcribit: *Petrus Eleemoſynarius Reginalis, & Magiſter Capellæ*. Toppius in Bibliotheca Neapolitana laudat Joannem Marinum Varanum Aprutinum Magnum Eleemoſynarium Ferdinandi I. Regis: & Petrum Hoſpitalarium Eleemoſynarium Caroli I. ejuſque Legatum ad Venetos, ut Balduino Imperatori Orientis opem ferrent, & ad Regem Hungariæ pro conciliandis nuptiis inter Carolum II. filium, & Mariam illius filiam. In Annalibus Fratrum Minorum, & in Italia ſacra Ughelli occurrit Antonius Bonitus a Caccharo Franciscanus, Eleemoſynarius Alphonſi, & Ferdinandi I. tum Epicoſcopus Montis-Marani, deinde Acernenſis. Wadingus etiam in Ann. Min. ad annum 1487. laudat Fr. Michaelẽ de Neapoli, Eleemoſynarium Ducis Calabriæ, ejuſque comitem individuum. In Diariis manuſcriptis Joannis Brocharti adest prope Alphonſum II. Regem coronandum, Fr. Michael de Neapoli ejus Eleemoſynarius, una cum Confeſſario, & Magno Capellano. Tandem in quodam marmore Eccleſiæ S. Joannis Majoris relato ab Engenio legitur: *Franciſcus Ciminiuſ hujus ſacræ Œdis Reſtor, Prænotariuſ Apoſtolicuſ, Federici Aragonii Regis Eleemoſynariuſ*. Cui prædeceſſorum Regum exemplo adhærens CAROLUS BORBONIUS omnium antechæ

Principum Clementissimus, habuit in Aula Magnum Eleemosynarium; Josephum Beza de Castromonte Hispanum, summo loco natum, virumque ornatissimum, olim Regis Oratorem ad Venetos, & inter Socios Regalis Ordinis S. Januarii adscriptum.

XX. Tandem de Concionatoribus Aulicis dicendum est, quod huius quoque referantur in Clerum Palatinum. Censet Peiratius lib. 1. de Orat. Reg. Galliarum ex antiquissimo more Reges Francorum concionibus interfuisse. Nam Childebertum I. frequenter conciones audivisse S. Germani Parisiensis Episcopi, colligitur ex quadam illius Charta data in favorem Parisiensis Ecclesiarum, ubi ait: *Domnus & Pater noster Germanus Parisiaca Urbis Episcopus, nobis innotuit predicatione sua, quia dum in hoc saculo habitamus, semper de futuro cogitare debemus, & admonuit nos, ut sanctarum Ecclesiarum memoriam haberemus, & semper bonis illarum posiora adderemus, ut in augmentum nobis proficeret, admonens etiam eleemosynarum largitionem non omittere, ut consuetudo illius erat.* Præsertim vero audiendis crebris concionibus S. Ludovicus addictus erat, quas, alte animo insigebat, ita ut non semel easdem repeteret, quemadmodum scribit Gaufridus de Bello-loco in illius vita. Hinc in navi ipsa, qua e Palestina in Galliam redux venerat, ter singulis hebdomadis conciones haberi iussit. Hinc etiam inter ea, quorum monuit filium Regni hæredem, illud addidit, teste Gaguino: *Sermones, qui fiunt de Deo, publice & privatim audias.* Successoribus itidem Regibus eundem morem fuisse colligitur ex Bullis Romanorum Pontificum a Tilletio relatis. Nam Nicolaus IV. in gratiam Philippi Pulchri Regis concessit, ut qui cum Rege audiendis concionibus adessent, centum dierum Indulgentias consequerentur. Et Clemens VII. anno uno Indulgentiarum eos donavit, qui conciones audivissent, quæ præsentibus Carolo VII. vel ejus conjuge haberentur. Carolus IX. & Henricus III. habuere a sacris concionibus Arnaldum Sorbinum, deinde Episcopum Nivernensem. Gaspar Dietius e Minorum Ordine, & Nicolaus Coeffetau e Dominicana Familia, eodem munere functi sunt apud Henricum IV. Galliarum Regem. Exinde Capella Regis Galliarum habuit octo Concionatores stipendia percipientes, & ad Magnum Eleemosynarium spectat Regi exhibere nomina illorum, qui ad hoc munus sunt accersendi. In Hispania Concionatores Regii recensentur inter Clericos Palatinos, uti testatur Turturetus cap. 4. *In primis etiam sacra hujus sodalitatis Palatina pars censentur Regii Concionatores, qui sedendi jus habent in scamno Capellanorum. Atque omnium fere Religiosorum Ordinum lumina agunt in Sacello Aula Hispana Christianos vere & egregios Oratores.* Addit ibidem, Capellanos & Concionatores Regios in eadem dignitate esse, atque adeo in eodem scamno sedere, & alternis se mutuo succedere, eundemque ordinem in supplicationibus servari. Quod Aulam nostrorum Regum spectat, fuisse olim jam ab Aragonum Regum ætate Concionatores Aulici. Nam Placidus Campulus Messanensis, Ordinis S. Benedicti, eo munere functus videtur apud Alphonsum Regem. De eo scribit Mongitore in Bibliotheca Sicula: *Ob eximiam prudentiam, doctrinam, eruditionem, ac virtutum omnium splendorem Alphonso Regi gratissimus fuit: eoque præsentem nonnullos dixit e suggestu sermones.* Idem Mongitore in additionibus ad Bibliothecam Siculam laudat Bernardum Maja Ordinis Prædicatorum, Theologum doctissimum, & Alphonsi Regis Confessarium, atque Oratorem, tandemque Episcopum Do-

lensem in Gallia. Fr. Simon de Leontino ex eodem Prædicatorum ³³Ordine fuit a Confessionibus & a concionibus Friderici III. Siciliæ Regis, ut idem scribit Mongitore. Cæterum cum Andegavensibus & Aragoniis Regibus tot adhæserint in Aula Cænobitæ doctissimi, verisimile est, eorandem opera sæpe Reges usos esse ad conciones habendas. Serenissimus Rex CAROLUS BORBONIUS sibi ad id munus exercendum in Capella sua Palatina adscivit Fr. Philippum Jacobum Gatti Augustinianæ Familix, doctum virum, & Theologiæ Professore in Neapolitano Gymnasio. Cui e vivis sublato successit in eodem munere Concionatoris Aulici P. D. Dominicus Andreas Cavalcante Teatinus, eximius Concionator, quique in præcipuis Italiæ Urbibus, summo cum plausu conciones habuit. Is anno 1769. Archiepiscopus Tranensis obiit supremum diem. Tum ex insignioribus Concionatoribus, iis præfertim, qui Quadragesimæ tempore hoc sacro munere funguntur, Rex confusit alicui concionandi in Aula officium demandare; idque muneris in Carmelitarum Ecclesia Casertana modo expletur, quia magnificentissimæ Casertanæ Ædes Regiæ, ubi insignis extructa est Palatina Ecclesia, nondum absolutæ sunt. Neque omittendum, in Aula nostrorum Principum, *Exercitia spiritalia* per dies decem, singulis annis, Quadragesimæ tempore, religiosissime agi.





C A P U T III.

DE MAGNO CAPELLANO.

De Protopapa Palatii Imperatorum Orientis . II. De Archicapellano Imperatorum Occidentis . III. De Abbate Oratorii Palatini Regum Francorum primæ stirpis . IV. De Archicapellano Regum Francorum secundæ stirpis . V. Archicapellanus Episcopus præcedebat . VI. Quodnam fuerit ejus ministerium . VII. De Magno Eleemosynario Francia, sub Regibus tertiæ stirpis . VIII. Quanam sint ejus munia in Aula Regum Gallie . IX. Et quanam ejus partes in sacro ministerio . X. De Magno Eleemosynario Regina . XI. De Magno Capellano Regum Hispanie . XII. Et Regum Lusitanie . XIII. Et aliorum Principum . XIV. De Magno Eleemosynario Regum Sardinie Ducumque Sabaudie . XV. Magnus Capellanus Aulicus debet ex Episcoporum Ordine esse . XVI. Potest etiam Cardinalatus honore frui . XVII. De Magno Capellano sub Normannis Sicilia Regibus . XVIII. Et quodnam fuerit ejus officium . XIX. De eodem, regnantibus Sævis . XX. Et Aragoniis . XXI. Deque ejus tunc temporis ministerio . XXII. De eodem, imperantibus Austriacis . XXIII. De Magistro Regalis Capellæ sub Andegavensibus Neapolitanis Regibus . XXIV. Quæ fuerint illius munia . XXV. De Capellano Majori, regnantibus Aragoniis . XXVI. Is ex Episcoporum numero erat . XXVII. De Capellano Majori sub Austriacæ gentis imperio . XXVIII. De variis hujusce dignitatis titulis .

Postquam de Capellis, Clericisque Palatinis egimus, ipso rerum ordine ad illum ducimur, qui cæteris omnibus imminet, quique sacrum ministerium in Aula moderatur, Magnum scilicet Capellanum. In Aula Imperatorum Orientis, præerat Clero Imperatorio Protopapas Palatii, seu primus Palatii Presbyter, cujus meminit Codinus in libro de Officiis Ecclesiæ, & Aulæ Constantinopolitanæ. Ibi etiam memorat Magnum & Minorem Sacellarium: is tamen non a Sacello, seu Oratorio Principis ita dicebatur, sed a facculo, quod esset ærarii præfectus, ut notat Gretserus in commentariis ad Codinum. Quo sensu apud Latinos quoque vox Sacellarii usurpata fuit: siquidem Gregorius M. lib. 4. ep. 34. se nominat Sacellarium Romanum, hoc est Thesaurarium, quod sacello pecuniarum præfesset. Attamen apud Græcos Magnus Sacellarius præter ærarii curam alia obivit munera: etenim, ut ipse scribit Codinus, illi incumbere cura Monasteriorum omnium, tam virorum, quam mulierum. Non is itaque fuit Cleri Imperatorii primus; sed neque Protopapales Palatii, seu primus Cantorum, quem Codinus dicit Exarchum Cleri Imperatorii, uti Domesticum dicit Exarchum Cleri Imperatricis; & hinc nonnulli

li putarunt Protopsaltē omnibus Clericis Aulicis præfuisse. At Exarchus idem erat ac Locumtenens, quare Exarchi dicti sunt, qui ab Imperatoribus Constantinopolitanis Ravennam mittebantur, ut vice sua Italiam administrarent. Præerat igitur Clero Imperatorio Protopapas Palatii, cuius munus fuit, benedicere mensam Imperatoris, eundem singulis mensibus inungere oleo sanctificato; absente Patriarcha, consecrationem aquæ peragere in die Epiphaniæ; Evangelium legere in latione pedum, & ad ejus lectionem tradere Imperatori lampadem, uti tradit Codinus. Verum in magnis solemnibus, non is, sed Patriarcha, vel e Patriarcharum numero aliquis, coram Imperatore Sacris operabatur; & si Patriarcha abesset, ejus vices Protopapas implebat. Constat insuper ex Cedreno, Protopapam Palatii venisse quandoque ad exercitum cum venerandæ Crucis ligno, quod in Oratorio Palatino asservabatur, ut juramento milites omnes adstringeret ad Religionem, ad Imperium sanguinis impendio defendendum. Idem Cedrenus narrat Patriarcham Polyæctum remisisse aliquid de eo zelo, quo communionem suam interdixerat Nicephoro Imperatori, quod commatrem suam spiritualement duxisset, postquam juravit, peiravitque Stylianus Protopapas Palatii, nihil umquam affinitatis inter Imperatorem, & Imperatricem interfuisse. Cæterum præter sacrum ministerium, non constat aliquod Aulæ, vel Regni officium Protopapæ Palatii addictum fuisse.

II. Non ita tamen in Aula Imperatorum Occidentis e Caroli M. stirpe, ubi diu viguit Archicapellani munus; & is idem erat Archicancellarius Imperii, ideoque vetera omnia Imperatorum diplomata ab Archicapellano subscripta leguntur. Translato deinde a Francis ad Germanos Imperio, perduravit adhuc Archicapellani Imperatorii dignitas, tandemque hoc donati fuerunt titulo Abbates Fuldenes: eoque nomine, anno 1184. in die Pentecostes, in Ecclesia Moguntina; quum Fredericus I. Imperator creavit Equitem, & Regem Henricum I. filium, noluit Abbas Fuldenensis Archiepiscopo Colonienfis primas concedere, quod nempe perpetuo jure esset Summus Capellanus Imperatoris, uti narrat Munsterus in Cosmographia agens de Ecclesia Moguntina. Invaluit deinde, ut Romani Pontificis apud Cæsarem Orator in Imperiali Aula moderaretur, & administraret sacra; qui mores nunc temporis obtinent.

III. In Aula Regum Francorum a Clodovæi tempore semper Episcopum aliquem, sub Aprocrisiarii nomine obisse munus Magni Capellani, scribit Adelardus in libro de ordine Palatii, cuius libri fragmenta quædam ad nos transmisit Hincmarus in epistola tertia ad Episcopos Franciæ. Cum enim Adelardi ævo, Archicapellanus gereret omnia ecclesiastica Regni negotia apud Principem; cumque jamdiu apud Imperatores Orientis, Clerici quidem Aprocrisiariorum, seu Responsalium nomine incumberent negotiis gerendis Ecclesiarum, & Episcoporum; hinc a veteribus illis Aprocrisiariis, duxit Adelardus originem Archicapellanorum. Atqui tamen non leve inter utrosque intercedebat discrimen, quod Aprocrisiarii ab Episcopis eligendi, mittendi; revocandique essent; neque unus esset communis omnibus; neque singuli singulos haberent in Urbe Regia: e contra Archicapellanus a Rege deligebatur, & a Rege commissa ei erant negotia omnia ecclesiastica Regni. In Adelardi sententiam it Peiratus lib. 1. cap. 41. asserens sub prima Regum Francorum stirpe principem Cleri Palatini dictum fuisse Aprocrisiarium: cujusmodi fuit S. Audoneus Episcopus Rotomagensis, regnante Dagoberto, ut in illius vita apud Surium die

24. Augusti; & in vita S. Austremonii Episcopi Claromontani memoratur Joseph Regis Apocrisiarius: tum etiam inter veteres epistolas Regum Francorum exstat una Childeberti II. inscripta Honorato Apocrisiario. E contra Thomassino suspecta est fidei Adelardi narratio; eo quia Gregorius Turonensis rem tanti ponderis intactam minime præterisset; sed in decurrendis tot Principum annalibus aliquid commemorasset de Episcopis illis, qui in Palatio Regum, huic officio vacarent. Ille tamen nullibi hujus rei meminit. Præterea Honoratus ille Apocrisiarius, cui scribebat Childebertus, eo fungebatur munere nomine Romani Pontificis apud Imperatores Orientis, haud vero in Aula Regum Francorum. Si qui vero Episcopi dicti sunt Apocrisarii Regum primæ stirpis, non inde fuit, quod sacris rebus in Aula ministrandis, & Palatino Oratorio incumbere, sed quod Regum Legationes, & aliqua Regni negotia obissent. Sane, qui sub prima illorum Principum dynastia, sacra munia in Aula administrarunt, Abbates dicebantur Palatini Oratorii. In vita S. Desiderii Episcopi Cadurcensis, Rusticus ejus frater, & successor in ea Sede, gessisse dicitur Abbatiam Palatini Oratorii, & Archidiaconatus officium. Bertharius postea Carnutenfium Episcopus, qui floruit sub Clotario II. dicitur in ejus vita Abbas Palatini Oratorii. Et ex vita S. Sulpitii Episcopi Bituricensis constat Clotarium Regem ad id muneris illum addidisse: *Illico Episcopum poscit, ut pro salute sua, ac exercitus sui licentiam daretur, ut vir beatus in suis castris Abbatis officio potiretur.* Quibus verbis indigitatur, officio Abbatis Regii Oratorii administrationem sacram rerum demandatam fuisse. Idque ex eo comprobari potest, quod non facile Reges tulissent sibi Episcopum aliquem, cujus non satis probata esset fides, sacra ministrare. Narrat enim Gregorius Turon. lib. 8. Hist. Franc. cap. 7. Guntramnum Regem, quadam die Dominica, in Ecclesia graviter commotum, quod Palladius Episcopus, qui illi infensus erat, Sacris operaretur; ac voluisse quidem e vestigio Ecclesia abire, nisi Episcopi, qui aderant, illum his verbis lenissent: *Vidimus eum convivio suo adesse, ac de ejus manu te benedictionem accipere, & cur eum Rex aspernatur? Si enim scissemus tibi exosum, declinavissemus usque ad alium, qui hac agere debuisset, nunc si permittis, celebret, quæ cepit, imposterum autem si aliquid opposueris, Canonica sanctionis censura finiatur: jam enim Palladius in Sacrum cum grandi humilitate discesserat. Tunc Rex jussit eum revocari; & sic quæ agere cœperat expedivit.* Ne itaque Antistes aliquis ipsis invivis sacrum ministerium eis præstaret; facile Reges ad Divina faciendâ, usi sunt opera Abbatis Oratorii sui Palatini. Sed & alii memorantur, qui apud Reges Francorum primæ stirpis hoc munere functi sunt; quos subsequens ætas Archicapellanos nuncupavit. Nam in actis S. Aigilberti Episcopi Cenomanensis, quæ protulit in suis Analectis Mabillonius, dicitur Aigilbertus nedum Archiepiscopus, quod honore Pallii donatus esset, sed & Archicapellanus, tum princeps Episcoporum, & Magister totius Regni cunctorum Episcoporum. Floruit vero ille regnantibus Childerico, & Theodorico filiis Clodovei. Et Ricolus, alias Ricolinus sub Dagoberto, in hujus Regis diplomate quodam Monguntia dato, quod lib. 1. Dipl. Belg. exhibet Miræus, nominatur Regis Archicapellanus. Pro comperto itaque habendum est, jam a primis Francorum Regibus fuisse in Aula, qui Capellis, Clericisque Palatinis, & sacro ministerio præesset.

IV. Is vero sub secunda Regum Francorum stirpe, nomine Archicapellani, praestantissimum in Aula & Regno dignitatis, & auctoritatis locum occupabat. Ut enim in laudato libello de Ordine Palatii testatur Adelardus, qui floruit in Aula Caroli Magni, duo erant in Palatio praecipui Ministri, Summus Capellanus, & Comes Palatii: *E quibus praecipue duo, idest Aprocrisarius, qui vocatur apud nos Capellanus, vel Palatii Custos, de omnibus negotiis ecclesiasticis, vel ministris Ecclesiae; & Comes Palatii de omnibus secularibus causis, vel iudiciis suscipiendis curam instanter habebant, ut nec Ecclesiastici, nec saeculares prius Dominum Regem absque eorum consensu inquietare necesse haberent, quosque illi praeviderent, si necessitas esset, ut causa ante Regem merito venire deberet.* Quemadmodum itaque Comes Palatii omnibus saecularibus negotiis & ministris imminerebat, ita Summus Capellanus omnibus negotiis & ministris ecclesiasticis. Et hinc post Reges, Regiique sanguinis Principes primum semper dignitatis locum obtinebat, ut idem testatur Adelardus. Hinc quoque Consilio Principis semper aderat: *Aprocrisarius, inquit Adelardus, idest Capellanus, vel Palatii Custos, & Camerarius semper intererant; & ideo cum summo studio tales eligebantur, aut electi instruebantur, qui merito interesse possent.* Quo sensu in vita S. Angilberti apud Bollandum, dicitur ille creatus a Carolo Magno Archicapellanus, & Silentarius, hoc est, Confiliarius; nam Principis Consilium, dicebatur Silentium. Quae vero essent ecclesiastica negotia Archicapellani cura commissa, tradit idem Adelardus scribens, illum sollicitudinem habuisse, *de omni ecclesiastica religione, vel ordine, nequaquam etiam Canonica, vel Monastica altercatione.* Ut proinde omnia, quae ad disciplinam Clericorum, & Monachorum spectarent, ad illum referenda fuerint, qui vel ea ipsemet definiebat, vel si gravioris essent momenti, defererebat ad Principem. Ita ex eodem Adelardo colligitur, agente eos omnes, qui Palatium adibant pro ecclesiasticis necessitatibus, ad Summum Capellanum spectasse, ut in iis solum adirent Regem, *quae sine illo plenius definiri non possissent.* Cum itaque negotia omnia Ecclesiarum, & Episcoporum ad ipsum deferrentur, erat propterea veluti Agens, & Mediator omnium Regni Praesulum apud Principem; & hinc Adelardus unum eundemque existimavit Summum Capellanum sui temporis, & veterem Apocrisarium. Quamobrem Patres Concilii Carisiacensis, uti apud Flodoardum legitur lib. 3. Hist. cap. 24. Hilduinum Archicapellatum interpellarunt, ut assentiretur electioni cuiusdam Clerici in Episcopum Lingonensem, eandemque curaret firmari Regis consensu. Et Ecclesia Senonensis suo viduata Pastore pariter ad Hilduinum confugit, ut electionis faciendae potestatem a Principe impetraret, & ut electioni jam factae accederet Regis suffragium. Cum Protarius Episcopus Tullensis eximi se caperet a quibusdam ministris exhibendis circa Aedes Regias, scripsit ad eundem Hilduinum, vel illum ea cura absolveret, vel fineret Episcopatu abire. Agobardus Lugdunensis Episcopus, ejusdem Hilduini auctoritatem imploravit, ut rescinderetur a Principe Edictum quoddam latum in gratiam Iudaeorum: Denique cum Bonifacius Moguntinus vellet sibi Coepiscopum, & successorum Lullum designari, scripsit Flurdo Abbati, & Archicapellano Pipini, ut ejus opera, & consensu id assequeretur. Quin & a Romanis Pontificibus quandoque Archicapellanus constitutus est eorum apud Principem Apocrisarius. Nam ex quadam epistola Caroli

Calvi ad Nicolaum Papam, quam refert Thomasinus de Bencf. p. 1. lib. 2. cap. 110. colligitur, Angilramnum uno eodemque tempore fuisse & Caroli Magni Archicapellanum, & Apocrisarium Sedis Apostolicæ in Gallis, uti etiam Drogonem Metensem sub Ludovico Pio: Ob hæc præstantissima Archicapellani munia, Aigilbertus dictus est *Magister*, & princeps Episcoporum totius Regni: & Hilduino scribebat Ecclesia Senonensis: *Vere sanctissimo sacris negotiis a Deo prælato*: cui eadem Lupus Ferrariensis ep. 110. dedit hos titulos: *Nobilitatis, dignitatis, & moderationis epice conspicuo Hilduino Ecclesiasticorum Magistro*. Et in vita S. Anscharii, Drogo Metensis, qui sub Ludovico Pio hoc gessit officium, dicitur *summa, sanctæque dignitatis Archicapellanus*. Immo tanta fuit Archicapellani dignitas, ut ipsum quandoque Episcopi consulerent de negotiis ecclesiasticis, quæ minime ad Principem spectarent. Ita in actis Episcoporum Cenomanensium prolatis a Mabilonio, Merolus Episcopus legitur interpellasse Angilramnum Metensem Antistitem, & Archicapellanum, an valide ordinatus esset Episcopus.

V. Nil proinde mirum, si inter Episcopos in Synodis, primum occuparet locum Archicapellanus. Ita Hildeboldus Colonienfis Archiepiscopus, & Archicapellanus subscripsit primus Moguntino Concilio sub Carolo Magno, et si præsens adestet Ricolphus Moguntinæ Sedis Antistes. Hallierius tamen lib. 4. de Ecclef. Hier. denegat Archicapellano primum in Synodis locum, quem illi concessum fatentur Peiratus, Sirmondus, Mabilonius, Baluzius. Et licet subscriperit primus omnium Moguntino Concilio Hildeboldus, non quod Archicapellanus esset, sed quod antiquior esset Episcopus, vel Delegatus Apostolicæ Sedis, uti censet Hallierius: attamen in testamento Caroli Magni apud Eginhardum, idem Hildeboldus primus subscribit ante Ricolphum Moguntinum, & Leidardum Lugdunensem Archiepiscopos. Ebroinus Pictaviensis Pontifex præfuit Concilio Vernenfi anno 844. uti colligitur ex hujus Synodi præfatione, nonnisi quia Archicapellanus erat Caroli Calvi. Grimoldus quoque Abbas S. Galli præponitur Salomoni, & Theodorico Episcopis in Actis de indulgentia Ludovici Regis Germaniæ, quod esset Regis Summus Capellanus, uti observat Baluzius. In Concilio Ticinensi sub Ludovico II. ante alios Episcopos nominatur Joseph Archicapellanus. In Synodo Ingelesheimensi anno 840. sub Lothario ad restituendum Ebbonem Sedi Remensi, primus omnium subscripsit Drogo Metensis; qui etiam primum obtinuit locum in Synodo apud Teodonis-villam anno 845, non quod e Regia esset stirpe, siquidem Hincmaro teste ep. 6. Episcopi Galliæ numquam id juris Drogoni permiserunt, sed quod Ludovici Pii esset Summus Capellanus. Huic igitur tanquam vices Principis in Concilio agenti concedebatur primus dignitatis locus.

VI. Non tamen illius officium ad sola ecclesiastica negotia nomine Principis tractanda porrigebatur; cum & hujus muneris fuerit præesse Clericis Palatinis, & res sacras in Aula administrare. Adelardus enim in citato libello inter illius munia recenset, quod præset Clero Palatino, quod Aulicorum spirituales curam gereret, quod eos a pravis operibus, vel erroribus revocaret, adfectos bono animo esse juberet, & suppellectili divino ministerio necessariz consuleret. Eapropter Hilduinus dicebatur Antistes sacri Palatii ab Agobardo Lugdunensi in quadam epistola ad ipsum data; & Drogo Me-

Metensis appellatur Archipalatinus Præful in apologetico Ebbonis; & Hildeboldus nuncupatur Archiepiscopus sacri Palatii in præfatione Concilii Moguntini; denique Angilramus dictus est ab Alcuino, Poemate 164. Pontificalis apex, Pastor, Patriarcha, Sacerdos. Administrabantur ab Archicapellano Regibus Sacramenta: siquidem Carolum Magnum morti proximum ab Hildebaldo accepisse Eucharistiam, scribit Theganus in libro de gestis Domini Ludovici: *Domium Imperatorem accepit febris post balneum, cumque per singulos dies laboribus ingravesceret, nihil comedens, neque bibens, nisi modicum, atque ad recreationem corporis, septimo die postquam laborare cepit, iussit familiarissimum Pontificem suum Hildeboldum venire ad se, ut Sacramenta Domini Corporis & Sanguinis tribueret, & exitum suum confirmaret.* Ludovicum etiam filium apud Drogonem Archicapellannum peccata sua confiteri solitum, testatur Aimonius lib. 1. cap. 19. *Sed & adebat Drogo frater Domini Imperatoris, Metensis Episcopus, necnon sacri Palatii Archicapellannus, per eum quotidie confessionis sua munus, sacrificiumque spiritus contribulati, & cordis humiliati, quod Deus non despicit offerebat. . . . iussit per manus ejus juxta morem, communionem suam sibi dari.* Spectabat quoque ad Archicapellannum benedictio Regiæ mensæ. Nam Theodulphus Aurelianensis describens illius officium ait: *Stet benedicturus Regis potumque, cibumque.* Duplex proinde fuit Archicapellani officium, quorum unum spectabat ad ecclesiastica, & temporalia Regni negotia gerenda, alterum ad Sacra ministranda; utrumque vero præstantissimum. Et hinc amplissimis viris id muneris demandabatur, aut e Regia stirpe natis, uti fuere Hilduinus & Drogo; aut insignium Ecclesiarum Episcopis, uti fuere Hildebaldus Coloniensis, Guntgarius itidem Coloniensis, Angilramus Metensis; aut Abbatibus præclarissimis, uti Fulradus, Angilbertus, Grimoaldus, quorum catalogum exhibet Cangius in Glossario.

VII. Regibus tertiæ stirpis nullos fuisse Archicapellanos, plurimi putarunt. At memoratur a Peiratio lib. 1. cap. 53. Balduinus, qui in quibusdam monumentis sub Roberto Rege, & Henrico I. dicitur sacri Palatii Apocrisarius, Cancellarius, & Archicapellannus Regis: Tum etiam in privilegio quodam concessio anno 1055. Abbatæ Sandionysianæ ab Helinando Episcopo Laudienſi, regnante Henrico I. subscribit inter alios, Alardus Cancellarius, & Archicapellannus. Deinde Archicapellani dignitatem Abbatibus Monasterii S. Maglorii, quod Hugo Capetus extruxerat, concessam fuisse sub Philippo I. & Ludovico ejus filio, censet Peiratus. In quodam enim privilegio ei Ecclesiæ a Ludovico Rege dato anno 1159. dicitur: *Et quia Abbas S. Maglorii antiquitus Capellannus Regum constitutus est,* ubi Capellannum Regum interpretatur eundem ac Archicapellannum; additque, eo officio Abbates illos sanctos usque ad Philippi III. & Philippi Pulchri ætatem. Idem Peiratus cap. 47. & 48. pluribus probat, neque Abbati Monasterii S. Germani Parisiensis, neque Abbati Monasterii Sandionysiani, collatam a Regibus, uti nonnulli affirmarunt, Magni Capellani dignitatem. Sunt qui Episcopum Silvanectensem hoc munus aliquando gessisse existimant, quod in quadam Bonifacii VIII. Bulla a Tilletio relata, illi Autistiti commissa est cura inquirendi, & vindicandi criminali Capellanorum Regis. At delegari potuit Silvanectensi Præfule ea potestas a Romano Pontifice, quin esset Regis Summus Capellannus. Certe in Aula Regum Francorum tertiæ stirpis non ulla se prodit, uti

sub Regibus Carolovingiæ stirpis, Magni Capellani eximia dignitas : & regnantibus Philippo III. Philippo Pulchro , & Philippo Longo , nonnisi duo erant in Aula , & in magno honore, Ecclesiastica officia, Confessarii nempe Regis, & Eleemosynarii. Ita ex monumentis pluribus illorum Regum affirmat Tilletius . Confessarius Regis Eleemosynario præstabat dignitatem & auctoritatem ; illique Romani Pontifices Bonifacius VIII. Clemens V. Clemens VI. quorum Bulla, exhibet Tilletius, facultatem fecere absolvendi Regem a criminibus , & censuris reservatis, audiendi Confessiones Aulicorum omnium, atque relaxandi juniorum obligationem. Præterea, ut testis est Peiratus lib. 1. cap. 54. Beneficia omnia Regii juris , non antea a Rege conferebantur , quam Confessarius Regis sententiam dixisset, sive de collatione, sive de permutatione, sive de resignatione ageretur : & hinc diplomata Regis ad hanc rem signabantur *per Dominum Regem ad relationem Confessoris*. Is etiam excipiebat sacramenta fidelitatis, quæ in Gallia ex antiquissimo more a Prælati statim post ordinationem suam Regi exhibentur . Sed regnante Carolo VIII. , Eleemosynarius dici coepit Magnus Eleemosynarius, atque tunc primum ducta sunt initia amplissimæ illius dignitatis, qua omnium primi donati fuit Joannes de Rely Episcopus Andegavensis , & Gottofredus de Pompadour Episcopus Petragoricensis. Hi tamen dicti sunt Magni Eleemosynarii Regis : nam titulo Magni Eleemosynarii Franciæ , primus omnium sub Francisco I. anno 1542. dictus est Cardinalis de Meudon, seu Antonius Sanguinus Archiepiscopus Tolosanus . Exinde Magnus Eleemosynarius præfuit Capellæ Regis, Clericisque Palatinis, atque in Archicapellani locum successit .

VIII. Nedum enim ei commissum est sacrum Aulæ ministerium , verum etiam plurima Regni negotia . Primo namque Beneficia omnia totius Regni , quæ sunt juris patronatus Regii , vel quorum collatio aliquo modo ad Regem spectaret, prævio Magai Eleemosynarii suffragio conferebantur , uti refert Peiratus lib. 1. cap. 61. Sunt qui putant, olim Magnum Eleemosynarium nominasse ad Beneficia Regii juris : verum pluribus ostendit Peiratus cap. 66. nonnisi illum ad officia Capellæ Regis, facultatem habuisse designandi ministros. Nullæ a Rege, vel pauperibus, vel locis piis, vel Cœnobiis conceduntur largitiones, eleemosynæ, beneficia, nisi de Magni Eleemosynarii sententia, & auctoritate. Is etiam sacramenta fidelitatis, quæ ab Episcopis, & Prælati Regni persolvuntur Regi, & quæ a Capellanis, Clericisque Palatinis dantur, excipit. Cum aliquis in amplissimam Equestrem Societatem Spiritus Sancti est cooptandus, Magnus Eleemosynarius inquirat, ac discutit illius vitam, moresque, & Regem ejus rei conscium facit. In magnis solemnibus, vel in primo Regis ingressu in aliquam Civitatem subactam, solet Rex Christianissimus captivis nonnullis veniam facere, & hujus rei cura spectat ad Magnum Eleemosynarium. Is quoque imminet pluribus Collegiis Regni, præsertim Collegio Navarræ, cui olim præerat Confessarius Regis : itidem Collegio Bajocensi ex Edicto Caroli V. Regis ; & ad eorum regimen potest Ministros, legesque constituere. Quin & Nosocomia, Orphanotrophia, & alia hujusmodi loca pia omnia Regni totius, jam diu, uti tradit Peiratus cap. 70. & 71. commissa sunt curæ & auctoritati Magni Eleemosynarii ; ita ut in ejus sit potestate ea omnia visitare, reformare, corrigere, si quæ reparanda sunt imperare, rationes administratio-

nis

nis proventuum discutere, leges ad eorum regimen, & disciplinam ferre, & quicquid ad ea spectat, ordinare, quemadmodum Franciscus I. anno 1535. & Henricus II. anno 1545. decreverunt. Neque hæc ilius potestas complectitur ea dumtaxat Hospitalia, quæ Reges, sed etiam quæ privati homines excitarunt. Præsertim vero incumbit Magno Eleemofynario cura Hospitalis Parisiensis quindecim annorum ætate a S. Ludovico constructi; & ex Bulla Joannis XXIII. data an. 1414. & relata a Chopino lib. 2. Monast. tit. 1. prædictum Hospitale, illiusque Capellæ, Capellani, Clericique exempti sunt ab Episcopi Parisiensis jurisdictione, & nonnisi Magno Eleemofynario subiecti, dummodo is in aliquo sacro Ordine sit constitutus, sin minus, jurisdictioni Primi Capellani Regis subijciuntur. Præterea testis est Peiratus lib. 1. cap. 58. a Francisco I. Rege Magnum Eleemofynarium constitutum esse supremum Moderatorem Academiæ Parisiensis, ita ut ad ejus munus spectaret Lectores designare, qui docendis disciplinis operam navent: & hac auctoritate Cardinalis Perronius Magnus Eleemofynarius Franciæ sub Henrico IV. addidit Sorbonico Gymnasio lectiones Theologiæ Scholasticæ, & Moralis. Ita vero hoc ipsum Magni Eleemofynarii officium describit Petrus Gallandus in vita Petri Castellani Matisconenfis Episcopi & Magni Eleemofynarii: *Est is honoris gradus omnium Ecclesiasticorum in Gallia facile princeps; quo qui donatus est, Regi somno excitato inter primos salutatores adesse solet, & de eo cognoscere, quo in loco, & tempore rem sacram peragi velit: Aula totius unicus Episcopus est: quocumque in loco per totum Regnum Rex versetur, ab eo Sacramenta petere solet: Sacello Regis ordinando, Cantoribus ejusdem, & Sacerdotibus omnibus Aulam sequentibus præest: dispensatio Regiæ in pauperos beneficentiæ. & pauperum omnium curatio, ejus unius propria est: ad ejus etiam curam pertinet per universum Regnum iis omnibus pauperum peregrinorum domiciliis, quæ sunt Prochodochia, tum Xenodochia appellant, atque etiam iis, quæ lepra infectis olim a Regibus attributa sunt, administratores idoneos præficere, præposteros, & nutulos loco movere. Quæ si etiam ab aliis quam Regibus condita primum, in eundem finem, & censu donata sunt, & præter Conditorum, & Institutorum mentem, contraque æquum & bonum, quid in iis geratur, ejusdem est omnem animadversionem ad se revocare, numerum leproforum, aut aliorum miserorum expleri; ad referendas rationes omnes Procuratorum & Administratorum genus cogere; corrupte, infideliter, aut socorditer in suo munere versatos corripere, aliosque in eorum locum subrogare: omnia quoque Sacerdoria, quæ Regiæ potestatis sunt, præter Episcopatus, & Abbatis donare, & conservare. Ad ejus quoque officium pertinet, primo quoque Regis ingressu in oppida, maleficos carceribus inclusos, Regiæ venia eis concessa laxare, & liberos impune remittere. Hunc Petrum Castellanium Thuanus in Historia dicit virum doctrina & probitate præclarissimum, atque sub Francisco I. persundum munere Magni Eleemofynarii: alii tamen censent sub Henrico II. hoc officium gessisse.*

IX. Quod vero spectat ad sacrum ministerium a Magno Eleemofynario in Aula præstandum, is in Liturgia Regem adpergit aqua benedicta, & Regi exhibet Evangeliorum librum, & osculum pacis, & hinc in Liturgia solemni sedet prope Regem, uti etiam in publicis supplicationibus proximus Regi incedit. In die Cinerum Regium Caput cinere adpergit; & feria quinta Magnæ Hebdomadæ indutus Ponti-

tificalibus ornamentis, pauperes, quibus lavandi sunt pedes, a peccatis absolvit. Sacramenta Regi administrat, uti etiam sacris aquis abluat Regiam prolem. Benedicit Regias dapes, & abioluta mentis, gratias agit. Cum a Rege aliquod jurandum est sœdus, exhibet Regi Evangeliorum librum. Denique in Coronatione, Conjugio, & Funere Regum suas habet partes, uti compertum erit, cum de singulis hîc cœremoniis Palatinis agemus. Jam vero perspicuum exploratumque est, officium Magni Eleemosynarii solis sacris rebus in Aula ministrandis haud coerceri; sed etiam ad plurima Regni negotia porrigi, etsi non in eam potestatis munerisque amplitudinem, qua olim pollebat Archicapellanus. Nihilo tamen minus Magni Eleemosynarii dignitas inter primas præcipuasque Regni dignitates habetur, ita ut a Dumontio in Cœremoniali Galliæ dicatur *Solstitium honorum*; & a Thomassino aliisque reputatur *Officium Corona*, quo nomine, & honore gaudent paucissimæ, eoque omnium toto Regno amplissimæ dignitates. Sane ad hunc honoris gradum non veniunt, nisi qui vel meritis longe clarissimi, vel generis nobilitate, vel Cardinalitia dignitate fulgent, uti videre est in catalogo Eleemosynariorum Franciæ, quem exhibent Gangius in Glossario, Morerius in Dictionario, & Petratius in libro de Oratorio Regis Galliæ. Nunc temporis Clar. Præsul Carolus Antonius de la Rocheaymon Archiepiscopus Remensis eo munere meritisime fungitur.

X. Denique prætereundum non est, Reginis quoque Galliæ suum adfuisse Magnum Eleemosynarium. Reginas quidem primæ & secundæ stirpis suum habuisse Magnum Capellanum non constat, etsi compertum sit, eas proprium Clerum habuisse. Imo Adelardus de uno eodemque Archicapellano dicit, *qui omnem Clerum Palatii sub cura & dispositione sua regebat*. Neque sub tertia Regum stirpe id moris obtinuit usque ad Carolum VIII. quo imperante, legitur Nicolaus de Dicastillo Magnus Eleemosynarius Annæ Reginæ. Deinde apud Catharinam Mediceam Galliæ Reginam, hoc officio functus est Cardinalis Salviati Episcopus Claromontanus; & apud Mariam Mediceam, Cardinalis Bonzius Episcopus Biterrensis. Cum inter Augliæ Regem, & Mariam Ludovici XIII. Regis Galliæ sororem initum est conjugium; cautum fuit, ut Reginæ fas esset Oratorium in Aula habere, ubi plures Clerici sacra facerent, eisque immineret Episcopus aliquis Catholicus, qui Reginæ diceretur Magnus Eleemosynarius.

XI. In Aula Hispana possent vetustissima indigitari exordia muneris Magni Capellani. Cum enim Concilium Lucense, uti dictum fuit, subjecisset familiam Regiam Episcopo Dumienfi, jam is egit in Aula Magnum Capellanum. Verum nonnisi post annum Christi millesimum maxime conspicua fuit hæc dignitas in Aula Regum Hispaniæ, cum nempe Alphonsus VI. pietatis & religionis causa erga S. Jacobum Apostolum, Hispaniæ tutelarem, ut magno honore afficeret Archiepiscopum Compostellanum, in cuius Diœcesi quiescunt Beatissimi Apostoli Reliquiæ, illum constituit perpetuo jure Magnum Regis Capellanum, & Legionensis Regni Cancellarium, dato diplomate anno 1140. & anno 1141. quod asservatur in Archivio Compostellano. Hanc eandem prærogativam illi confirmavit Ferdinandus II. qui se Vexilliferum inscribebat B. Jacobi Apostoli, editis ad eam rem privilegiis anno 1176. & 1178. Tum eadem jura Antifiti Compostellano collata probavit, ac rata habuit Innocentius III. in epistola quadam ad Petrum illum

Ec-

Ecclesiæ Archiepiscopum, in qua ei confirmavit *Regalem Capellaniam, & Cancellariam, quam bonæ memoriæ Alphonsus illustrissimus Hispaniæ Rex Ecclesiæ vestræ concessit, & scripti sui pagina roboravit*. Quod sane nec leve, nec obscurum est indicium, quanti jam tum temporis fieret dignitas Magni Capellani; utpote quia eo munere, Hispani Reges præclarissimum Regni Archiepiscopum, religionis causa erga Beatum Apostolum, loco non vulgaris beneficii exornarunt. Imo cum Antistes ille duplici dignitate frueretur, Summi nempe Capellani, & Cancellarii Regni; hinc eo nomine censet Turturetus, Archicapellano præstitisse. Atqui tamen Archicapellano conjuncta fuit ut plurimum dignitas Magni Cancellarii, uti tradunt Cangius in Glossario, & Peiratus, adductis exemplis Hilduini Archiepiscopi sacri Palatii, & Notarii Summi sub Lothario; Balduini Henrici I. Franciæ Regis Cancellarii, & Archicapellani; Eginhardi Archicapellani, & Notarii Imperatoris Caroli, & aliorum. Quamvis enim Adelardus innuere videatur, utrumque munus distinctum fuisse, his verbis: *Archicapellano sociabatur Summus Cancellarius, qui a secretis olim appellabatur*; attamen hæc ipsa verba hunc sensum referre possunt, nempe sociam conjunctamque fuisse dignitatem Summi Cancellarii cum dignitate Archicapellani. Illud certum est, sæpissime Archicapellanos hoc officio functos esse, ut innumera veterum Imperatorum diplomata evincunt. Sed ad Aulam Hispanam redeundum nobis est. Cum Archiepiscopus Compostellanus residentiæ legibus adstringeretur, alium sibi Reges consueverunt in Aula adsciscere, qui vicario veluti nomine, hoc munus administraret. Et leges Hispaniæ, quas Alphonsus IX. colligi edique jussit, hujus muneris excellentiam disertissime testantur. Dicitur enim lib. 3. tit. 2. par. 9. *el Capellan Mayor del Rei ha de ser de los mas honrados i mejores Prelados de su tierra*. Voluere igitur non quoslibet Antistites, sed insigniores totius Regni ad hunc honoris gradum evehendos esse. Ibidem primus dignitatis locus in Aula conceditur Summo Capellano, secundus Cancellario. *Chanceler es el segundo oficial de Casa del Rei de aquellos que tienen oficio de poridad. Ca bien assi como el Capellan entre Dios, è el Rei en fecho de su anima. Otro fecho es el Chanceler entre el, e los omes, quanto en las cosas temporales*. Qua de re jam diu quotquot apud Hispanos Reges hoc officio functi sunt ad nostra usque tempora amplissimi fuere viri, & genere, & doctrina, & dignitate, ut plurimum Episcopi, & sæpe etiam Patriarchæ, nec raro Cardinales, ut patet ex illorum catalogo, quem exhibet Turturetus. Inter eos eminent, regnante Philippo II. Joannes Martinus Siliceus Episcopus Carthaginiensis, deinde Toletanus, & Cardinalis; & doctissimus ille Garfias Loaisa, & ipso Toletanus Antistes, a quo Concilia Hispaniæ commentariis illustrata fuere. Imperante Philippo IV. Didacus Gusmanius Patriarcha Indorum, Archiepiscopus Hispaniensis, & Cardinalis; Alphonsus Peresius, itidem Indiarum Patriarcha, eo munere sancti sunt; quibus succedere alii genere, dignitate, & virtute æque præclarissimi. Nunc vero temporis Cardinalis Bonaventura Cordova Spinola de la Cerda, Patriarcha Indiarum, genere, dignitate, & virtute præstantissimus. Quod vero spectat officium Magni Capellani Regis Hispaniæ, is jurisdictionem omnem Episcopalem exercet in Aula, ubicumque locorum Rex fuerit, & quoad Aulicos omnes, & Capellanos Regis, uti ex pluribus privilegiis Romanorum Pontificum sequenti Capite adducendis, compertum est. In fo-

lemni Liturgia Palatina recitat prope Regem singulas Missæ partes, atque sacras omnes caeremonias Aulae moderatur, quas alibi opportuniore loco expendemus.

XII. Nèdum Palatina Capella, & insignis, & antiqua fuit in Aula Lusitana; verum etiam Majoris Capellani dignitas, ut pote quæ sub antiquis Lusitaniæ Regibus obtinuit, & ea ut plurimum clarissimi Episcopi donabantur. Constat enim ex decem libris Historiæ Regum Lusitaniorum a laudato Soufa editis, hanc Majoris Capellani dignitatem gessisse sub Alphonso V. Rege Joannem Manuelem Episcopum Septæ (*Ceura*) & Rodericum de Noronha, Episcopum Lamacensem, Regium Consiliarium, & Confessarium; sub Joanne II. Rege, Ferdinandum de Miranda, Episcopum Visejensem (*Viseu*) sub Joanne III. Paulum Pereira, Priorem Majoricensem; Franciscum Vasconcellos Episcopum Lamacensem, deinde Ulyssiponensem; sub Emmanuele Rege, Petrum Vaz Gaviaon Episcopum Guardensem; sub Sebastiano Rege, Ferdinandum Vasconcellos Archiepiscopum Ulyssiponensem, Julianum de Alva Episcopum Mirandæ, & Joannem de Castro Regium Consiliarium: denique sub Cardinali & Rege Henrico, Sebastiani patruo, Majorem egisse Capellanum, tum prælatum Joannem de Castro anno 1580. tum Georgium de Ataide Episcopum Visejensem, deinde supremum in Lusitania Vindicem Fidei. Sed & Decani ipsius Capellæ Regiæ ex Episcopis creabantur. Nam inter alios hoc munere functi sunt, anno 1551. Turibius Lopez Episcopum Mirandæ, Regiusque Consiliarius; & anno 1574. Emmanuel de Almada Episcopus Angræ. Mortuis Henrico, & Sebastiano Regibus, nulla superstitæ prole. Philippus II. Rex Hispaniæ Lusitano imperio potitus est; quomobrem nulli fuerunt in Lusitania Reges usque ad annum 1641. quum regnante in Hispania Philippo IV. excitata seditione, Joannem Ducem Bragantinum ex atavis Regibus progenitam, Lusitani Regem salutarunt. Eo imperante sub nomine Joannis IV. Alvarus Costa Episcopus Visejensis Majorem egit Capellanum: Joanni IV. successit Alphonfus VI. in cujus Aula Emmanuel a Cunha Episcopus Heluæ, Regius Consiliarius, circa annum 1656. Majoris Capellani munereungebatur; eodemque anno Franciscus de Sottomayor Episcopopus Targensis Decanum agebat Regiæ Capellæ. Is vero sub Petro II. Alphonfi VI. successore electus Episcopopus Lamacensis, fuit quoque Major Capellanus: cui in eodem munere successit Ludovicus de Soufa, Regius Consiliarius, & Episcopopus primus Bonæ, deinde Archiepiscopopus Ulyssiponensis, & Cardinalis. Archiepiscopopus Ulyssiponensi Majori Capellano subrogatus fuit in eo munere anno 1702. Joseph de Lencastræ Episcopopus Leirienfis, Regius Consiliarius, & supremus in Lusitania Fidei Vindex. Denique anno 1705. Nunus da Cunha de Ataide, Præfectus Regiarum Cottinarum, Episcopopus Targensis, donatus est Majoris Capellani dignitate, & anno 1712. Cardinalatu auctus. Atque hi amplissimi Episcopi sacris Aulae Lusitanæ rebus præfuerunt, ad annum usque 1716. cum a Clemente XI. Capella Regia in Patriarchalem ecclesiam erecta est, Magnoque Capellano dignitas Patriarchæ Ulyssiponentis addita fuit; qua dignitate nunc meritisime fulget Cardinalis amplissimus Franciscus de Saldanha.

XIII. Non in Aula solum Regum Galliæ, aut Hispaniæ olim Summus Capellanus aderat, sed & in Aula omnium fere Christianorum Principum. In eo enim Archicapellanorum indice, quem exhibet Can-

gius, leguntur Fridebastus Episcopus Pictaviensis Archicapellanus Pipini Regis Aquitaniz; Remigius Archiepiscopus Lugdunensis Summus Capellanus Palatii Caroli Ducis Burgundiz; Adventus Episcopus Metensis Archicapellanus Lotharii Regis Lotharingiz; & Gozaldus sacri Palatii Summus Capellanus sub Ludovico Rege Bajoariz. Quin & Duces, Comesque suum etiam Magnum Capellanum habuere, uti notat Altaferri lib. 3. cap. 8. de Ducibus. Memoratur enim ab Orderico Vitali lib. 6. Hift. Herluinus Cancellarius Hugonis Magni Ducis Francorum, & Capellæ Ducis Capellanorum maximus. Bertulfum Archicapellanium & Cancellarium Comitum Flandrensis memorat Gualterus Tarnanensis in vita S. Caroli Comitum Flandrensis. Et in notitia Ecclesiarum Belgicarum apud Goldastum occurrit anno 880. Theotmarus Archicapellanus Arnulphi Ducis Lotharingiz. Longobardos quoque Principes, qui nostris hisce in regionibus imperarunt, habuisse nono sæculo Abbatem, & Clerum Palatinum, colligitur ex Capitulari Radelchisi Principis Beneventi, cum Siconulpho Salerni Principe anno 851. edito tom. 3. Hift. Longobard. Camilli Peregrini. Ibi enim inter alia pacta divisionis Principatus Beneventani cautum legitur Art. 4. *ut singula Ecclesie suum primatum habeant integrum, sicut semper habuere in omni loco, quemadmodum decet causam Dei, exceptis Canonicis Abbatibusque ad Palatium pertinentibus: Nam Abbatum res, quæ ad Palatium pertinent, in cuius divisione res ipsæ venerint, ille eos habet in cuius fuerint parte.* Et Art. 6. ac 7. statuitur, ut omnes Clerici sint sub potestate Episcoporum suorum *exceptis Clericis, qui in Palatio serviunt. Similiter fiat de Clericis singulorum Abbatum, exceptis illis Clericis, qui in rebus Abbatum ad Palatium pertinentium morantur; qui Clerici in illius parte sint, in cuius sorte ipsæ res venerint.* Habes ex his apud Longobardos Principes Abbates, Clericosque Palatinos, aliquam etiam eorum exemptionem ab ordinaria Episcoporum jurisdictione.

XIV. Ex hoc antiquissimo more Duces Sabaudiz itidem suum Magnum Capellanum habuere. Nonnullis tamen abhinc annis Magnus Eleemosynarius Sabaudorum Principum amplissimum consecutus est honoris & dignitatis locum; cum nempe a Gloriosissimo Carolo Emanuele Rege ad id muneris designatus est anno 1747. Clarissimus Cardinalis Victorius Amedeus delle Lanze genere, & virtute, non minus quam dignitate præstantissimus. Hac occasione, cum is esset Episcopus ordinandus, Sanctissimus Pontifex BENEDICTUS XIV. pro ea summa, qua pollebat rerum ecclesiasticarum scientia, cuius testes sunt tot editi ab eo libri in reipublicæ litterariæ, & Ecclesiæ commodum, eruditissimam dedit ad eundem Cardinalem epistolam, typis editam, ut ostenderet, nil ob stare, quominus Cardinalis aliquis jam suæ Ecclesiæ Titulo alligatus, alligaretur etiam vinculo Episcopalis Ecclesiæ, quæ sita esset in partibus Infidelium. In ea epistola præfatur doctissimus Pontifex, collatum a Rege munus Magni Eleemosynarii laudato Cardinali, quod cum ab Episcopo administrari debeat, ideo eundem esse Episcopum consecrandum. Id vero ecclesiasticæ disciplinæ minime repugnare; siquidem etsi olim ea vigeret disciplina, ut neque Episcopi ad Cardinalium, neque Cardinales ad Episcoporum Ordinem facile promoverentur, ne violarentur residentiz leges, cum Episcopos suis in Ecclesiis, Cardinales in Romana Curia adhærere necesse sit; tamens jam diu desisse eam disciplinam, quod aucto Cardinalium

numero, possint jam ex iis nonnulli in Ecclesiis sibi commissis reside-
re, quin ex illorum absentia, Romanus Pontifex, aut Romana Ec-
clesia aliquid detrimenti capiat. Jam vero si Cardinalibus passim com-
mittuntur regendæ Ecclesiæ Episcopales, quibus conjuncta est actualis
residentia, quindi eis committi poterunt Episcopales Ecclesiæ, quæ
cum subjectæ sint Infidelium imperio, nullo actualis residentie vincu-
lo Pastorem adstringunt? Cardinalium quidem dignitatem Episcopali
dignitati præstare, quod illi Romani Pontificis lateri adhzreant: at
ratione Ordinis, Episcopos Cardinalibus præire, atque adeo hos ad
Episcoporum Ordinem adscitos, e superiori gradu ad inferiorem mini-
me descendere. Addit, exemplo non uno id totum evinci: siquidem
nedum subacta a Turcis Constantinopoli, Cardinales plures donati
fuere Patriarchali titulo illius Ecclesiæ, verum etiam anno 1599. cum
Cardinalis Ferdinandus de Guevara constitutus esset a Rege Supremus
in Hispania Fidei Inquisitor, illum Clemens VIII. creavit, consecra-
vitque Episcopum Ecclesiæ titularis Philippensis. Eo exemplo Ponti-
fex laudatum Cardinalem delle Lanze constituit & unxit Archiepisco-
pum Nicosiensem.

XV. Ex hac doctissimi & sapientissimi Pontificis epistola duæ
emergunt, quæ Magni Capellani dignitatem insigniter extollunt. Ho-
rum primum illud est, Magnum nempe Capellanum agere Antistitem
Aulæ: *La carica, ait Pontifex, di Grand' Elemosiniere, o sia di Capel-
lano Maggiore della Regia Capella, porta seco il Carattere Vescovile*;
adducitque mox Petri Gallandii verba in vita Petri Castellani: *Aulæ
rotius Regiæ unicus Episcopus est; quocumque in loco per totum Re-
gnum Rex versetur, ab eo Sacramenta petere solet*. Addit, ex Elec-
tornaryorum indice edito a Cangio colligi, Episcopis semper id mu-
nus collatum; & in Brevi dato 11. Augusti 1745. se decrevisse, ut
Magnus Eleemofynarius Regis Sardinie, Episcopali ornatus esset digni-
tate. Sane nedum Magni Eleemofynarii Regum Gallie tertiz stirpis,
sed etiam Archicapellani Regum secundæ stirpis ex Episcoporum nu-
mero plerumque selecti fuere. Et hi absoluebantur a residentie legi-
bus, ut non uni, sed omnibus Ecclesiis Regni, in Aula deservirent.
Proinde ubi Carolus M. petiit a Patribus Concilii Francofordiensis,
ut sibi integrum esset retinere in Palatio Hildeboldum Coloniensem
Antistitem, uti legitur can. 55. *Omnis Synodus consensit, & placuit
ei, eum in Palatio esse debere propter utilitates ecclesiasticas*. Imo Pa-
tres Concilii Carisiacensis an. 858. cap. 7. a Rege Ludovico petierunt,
ut constitueret in Palatio, qui Ecclesiarum, & Episcoporum negotiis
apud Principem gerendis vacaret. Fusc ostendit doctissimus Thomassi-
nus par. 2. lib. 3. cap. 36. commorationem in Aula Regia jussu Principis,
semper legitimam fuisse causam Episcopo non residendi. Hinc Capella-
ni, Consiliarii, Cancellarii, Legati plurimi ex Episcoporum Ordine
in Aula versabantur. Ne vero Ecclesiis sibi commissis desissent, con-
sueverunt illarum curam alicui delegare: uti ab Aigliberto Episco-
po Cenomanensi, & Archicapellano, factum legitur in ejus actis
editis a Mabillonio; illi enim adjutor, & Chorepiscopus datus est Pe-
trus, ut quando ipse preoccupatus in servitio Regali erat, prædictus
Chorepiscopus ei adiutorium procuraret aliquod, quantum a prædicto
Domino Aigliberto licite & canonice ei concedebatur. Itaque Episcopus
ut plurimum Archicapellani officium demandabatur; quandoque ta-
men Abbatibus Presbyteris, in quorum numero fuere Fulradus, Hil-
duinus, Grimoaldus, aliique plures. An etiam Diaconis, uti assermat
Ade-

Adelardus in libello de Ordine Palatii, merito in dubium revocamus. Nam id potius veteres Apocriuarios spectat, quos ille eosdem facit ac Magnos Capellanos. Apocriuarii quidem sapissime & Diaconorum numero fuere, utpote quia a Sardicensi Concilio statutum fuit, ne Episcopi ipsi peterent Urbem Regiam, sed Diaconos suos eo mitterent ad Ecclesiarum negotia pertractanda. Et sane sedis atque honoris prerogativa supra Episcopos, prima sedes inter Palatii ministros, cura & administratio summa causarum ecclesiasticarum, mira Episcoporum erga Archicapellanos observantia, ejusmodi res sunt, quæ Episcopis, aut saltem præstantissimis Presbyteris conveniant, non Diaconis. Neque facile invenias Diaconum, qui Archicapellani munus obierit; quamvis Mabillonius lib. 26. Ann. Bened. conjiciat, Angilbertum Abbatem nonnisi Diaconum fuisse, levissimo ductus argumento, quod Alcuinus in multis ad eum epistolis, numquam illum Presbyterum dicat.

XVI. Denique alterum consequitur ex laudata Sanctissimi Papæ epistola, Cardinalibus nempe Magni Capellani munus convenire; eo ipso quod Cardinalem duxerit ordinandum Episcopum, ut hoc munere fungeretur. Et id quidem scitissime. Quamvis enim regnante Henrico IV. Francorum Rege, nonnullis visum fuerit id minime convenire; hos tamen Peiratus lib. 1. cap. 63. pluribus refellit, eo præsertim, quod Reges cæteris laicis haud sint comparandi, cum illorum summa, & sacra sit dignitas, atque persona, illorum etiam plurima & gravissima sint erga Romanam Ecclesiam merita. Addit hujus rei exempla non pauca, nec nova. Nam Cardinalis de Alliaco Eleemosynarium egit Caroli VI. & Cardinalis de Boisy Magnum Eleemosynarium Ludovici XII. Cardinales le Veneur, & de Meudon, eodem munere functi sunt apud Franciscum I. tum etiam Cardinales Salviati, & Bonzi apud Catharinam, & Mariam e Medicea familia Galliarum Reginas. Subdit nedom Magni Eleemosynarii gradum, qui omnium est amplissimus, Cardinales obtinuisse; sed & inferiores gradus. Siquidem Cardinalis le Veneur egit anno 1540. Magistrum Oratorii Francisci I. & Cardinalis de Tournon Magistrum Capellæ Cantorum: Cardinales Gondi, & Retz fuere Magistri Oratorii Regii, imperantibus Henrico III. & Henrico IV. His exemplis alia addi possunt recentiora Cardinalium Perronii, Rochefocaltii, Barberini, Richelii, Bullionii, Janfonii, qui Magni Eleemosynarii officium gesserunt; & nostris temporibus ab anno 1713. functus est hoc munere in Gallia amplissimus Cardinalis Rohanius Episcopus Argentoratensis. Quodnam vero sit officium Magni Eleemosynarii prædicti Regis Sardiniae, sequenti Capite perspectum erit.

XVII. Normannis Principibus plures in Comitatu suo adhæsisse Clericos, Capellanosque, jam alibi diximus; consequens inde fuit unum aliquem cæteris præfuisse. Et ita rem se habuisse evincit diploma quoddam datum anno 1120. a Gaufrido Comitæ Rogerii filio in gratiam Catanensis Ecclesiæ, quod exhibet Pirrus agens de Anserio illius civitatis Episcopo. Huic enim diplomati subscribunt inter alios duo Presbyteri Capellani Comitæ, & Magister Capellanus, hoc est, qui cæteris Capellanis præerat: *Petrus Magister Capellanus ipsius*, & *Petrus alius Presbyter*, & *Stephanus alius Presbyter*. Magister enim vox prefectorum denotat, unde qui aliis præstabant, Magistri dicebantur. Proinde fatendum est, Majoris Capellani dignitatem in Aula nostrorum Principum, non Svevorum, aut Andegavensium duntaxat,

sed etiam Rogerii Regis ætate vetustiore. At alium Majorem Capellanum indicat alibi Pirrus, Rogerio Rege antiquiore. Is enim in notitia Ecclesiæ Agrigentinæ, primum Episcopum hujus Civitatis post ejectos Saracenos S. Gerlandum, Normannorum Principum Roberti & Rogerii consanguineum, dicit Majorem egisse Capellanum Rogerii Comitibus Siciliæ, & Calabriæ. Id vero colligit ex diplomate quodam anno 1092. ab eo Comite concessio Ecclesiæ Catanensi. Atqui tamen ibi Geraldus subscribit Capellanus: *Ego Geraldus Capellanus domini Rogerii Comitibus similiter*. Potuit tamen Geraldus sive Gerlandus dici Capellanus, quamvis Capellanorum esset primus, præcipuusque. Ita Fulradus sæpe dictus est Pipini Capellanus; cujus tamen certum est Archicapellanum fuisse, & Archipresbyterum Franciæ. Quin sub tertia Regum Francorum stirpe, obsoleta jam veteris Archicapellani denominatione, qui Sacramenta Regibus administrabat, nonnisi Capellanus dicebatur. Geraldum vero, non simplicem Capellanum, sed ex Capellanis præcipuum fuisse, conjici potest ex subscriptionis loco, quod nempe statim post Archiepiscopos Tarentinum & Consentinum subscribat, ante ipsius Comitibus filios Gaufridum, & Jordanum, ceterosque Aulæ Magnates. Id ipsum etiam suadet nobilissimum Geraldus genus, utpote quia Roberto, & Rogerio cognatione conjunctus erat. Sed an idem Geraldus hic Capellanus Rogerii, cujus extat mentio in diplomate Catanensis Ecclesiæ, ac Gerlandus Episcopus Agrigentinus, uti Pirrus censet, non ita certum, exploratumque videtur. Illud tamen certum est Rogerio primo Siciliæ Regi suum adfuisse in Aula Magnum Capellanum, qui Magister Capellanus dicebatur. Cum excitasset ille Palatinam Ecclesiæ, & numerosum Clerum addixisset sacro hujus Ecclesiæ ministerio, eandemque etiam Parochiali jure donatam voluisset; constituendus sane erat, qui cæteris præset, & qui rem sacram universam in Palatio moderaretur: Quare a prima illius Ecclesiæ fundatione ordinatos Magistrum Capellanum, seu Capellanum Majorem, Canonicos, aliosque Capellanos; testatur Pirrus e publicis Tabulariis, in notitia Palatinæ Capellæ. Hoc officio Majoris Capellani donatus est anno 1148. a Rogerio Rege Joannes de Nusco Monachus Congregationis Montis Virginis, socius S. Guillelmi, & scriptor illius vitæ. Rogerius enim, constructo prope Aulam Panormitanam insigni Monasterio, Guillelmum, cui erat addictissimus, ejusque socios ex Apulia accerferat, ut illic Monasticam disciplinam inducerent; & ab his sanctis viris, Monasterium illud dictum est S. Joannis de Eremitis. Hujus itaque Monasterii Abbatem, quam dignitatem primus gessit Joannes de Nusco, declaravit, constituitque suum Confessarium, Consiliarium, & Magnum Capellanum, dato diplomate, quod exhibet Pirrus in notitia Abbatæ S. Joannis de Eremitis. Ibi Rogerius ait: *Volentes Abbatem ipsius Monasterii inter ceteros Prælatos Regni nostri aequali speciali dignitatis privilegio gaudere; eundem, & omnes sibi succedentes canonice in officio Abbatis, Consiliarios, & familiares nostros eligimus; statuentes, ut idem Abbas semper in omnibus festivitatibus solemnibus tamquam Præcipuus Capellanus noster, quem nobis Patrem ordinavimus, & Specialissimum Confessorem, ad celebrandum Divina in Capella supradicta nostri Palatii Panormitani, Prælati Regni nostri cæteris præponatur; ut qui Nobis in nostro Palatio majori vicinitate lætatur, ampliori gaudere debeat prærogativa honoris, nec alius Prælati præter sui continentiam & consensum, vel eo invito in prædictis festi-*

viratibus in Capella prædicta celebrare præsumat. Ut itaque Abbatem illum Rogerius summo honore prosequeretur, eumque cæteris Prælati Regni parem faceret, imo speciali prærogativa augeret, illi contulit Magni Capellani dignitatem, eundem quoque in Consilium suum adscivit. Quo perpicuum sit, Magnum Capellanum Regum nostrorum, in ipso rei initio, amplissimum obtinuisse locum honoris, & dignitatis. Illud etiam ex laudato diplomate colligitur, Prælatos scilicet Regni consuevisse in magnis solemnibus in Capella Regis facere rem Divinam, id vero proprio jure spectasse ad Magnum Capellanum, ita ut nemini fas esset, nisi eo permittente. Cæterum in Aulam Regum Siciliæ, haud tunc primum Magni Capellani munus illatum fuerat. Nam eo fortasse functus est anno 1137. & 1140. Thomas quidam, cujus occurrit mentio in diplomate Rogerii Regis, in gratiam S. Guilielmi Fundatoris Montis-Virginis dato, quod legitur in ejusdem sancti Eremitæ vita a Joanne de Nusco ejus discipulo exarata, atque a Bollando edita die 25. Junii. Hoc enim diploma, cui subscribunt Guilielmus Princeps Taranti, filius Regis, aliique Proceres Aulici, dicitur: *Datum Panormi, per manum Magistri Thomæ Capellani Regis, ostrovo Kelen. Septembris, Indictione XV. Incarnationis Dominicæ anno MCXXXVII*. Similia leguntur in alio diplomate dato anno 1140. Verisimile est, hunc Thomam utroque officio, & Magistri Capellani, seu Capellani Majoris, & Cancellarii functum esse; cum hæc duo officia sæpissime copularentur.

XVIII. Nec a vero plurimum distat, Robertum illum de Urbe Capellanum Rogerii Regis, & Magnum Siciliæ Cancellarium, cujus meminit Pirrus in Chronologia Regum Siciliæ, Magnum fuisse Regis Capellanum. Jam enim adnotavimus, Summos Capellanos, quandoque simplici Capellanorum titulo nuncupari. Sane Gualterius ille, qui ex Anglia Siciliam venit una cum Joanna filia Henrici Regis Anglorum nuptura Willelmo II. Siciliæ Regi, Magni Capellani officium gessit, etiam a Petro Blesensi in ep. 10. ad eum data, nonnisi Capellanus Regis dicatur. Quæ enim illi scripsit Blesensis, hujusmodi sunt, quæ Magno Capellano conveniunt. Agebatur de Ecclesiæ Agrigentinæ Sacerdotio, quo Rex donare proposuerat fratrem Comitis Loritelli imparem tanto ministerio. Ne itaque tantam Ecclesia illa subiret calamitatem, & ne Rex tanti criminis reatu innodaretur, Blesensis gravem conscripsit epistolam Gualterio Capellano, ut pro ea qua apud Regem valebat auctoritate, officio suo faceret satis, Regemque a proposito removeret. Ita ille: *Si non annuntiaveris impio impietatem suam, ipse in impietate sua morietur, & ejus anima de tuis manibus requiretur. Ovis tua est, & in periculum tuum, ipsius custodiam suscepisti. Vide, ne alios imiteris, qui lac, & lanam quarunt de ovibus, non salutem. Periculosum est tibi, si in tonsoris officium, convertas ministerium Pastorale*. Gualterius itaque exercebat ministerium Pastorale, Rex erat illius ovis, ad illum spectabat cura animæ Regis, illius partes erant Regem ab impietate prohibere, cui officio si ille defuisset, pœnas daturus erat. Atqui hæc omnia compertum est, non simplici Capellano, sed Magno Capellano convenire: atque adeo id muneris gessit Gualterius, ejusque partes fuerunt, non modo Sacris operari in Capella Regis, sed insuper exercere ministerium Pastorale. Is vero genere nobilissimus, utpote quem nonnulli asserunt consanguineum Henrici Regis Anglorum, plurimum valuit gratia apud Willelmum Regem, magnif-

gnisfue honoribus auctus est. Nam Regis Institutor fuit; cuius rei meminit idem Petrus Blefensis ep. 66. ad ipsum data: *Scitis, quod Dominus Rex Siciliae per annum discipulus meus fuit, qui & a vobis versificatoria, atque litteratoria artis primitias habuerat, per industriam & sollicitudinem meam beneficium scientiae plenioris obrinuit.* Fuit & Regis Conflarius, ejusdem etiam Cancellarius, pluribusque donatus Sacerdotiis, ac tandem Panormitanam sedem conscendit. Jam habes in Aula Normannorum Regum Magnos Capellanos genere, vel pietate praestantissimos, qui Consilio Principis intererant, aut Cancellarios agebant, Sacris operabantur in Capella Regis, & gerebant Pastoris ministerium.

XIX. Quod Svevos attinet, in horum Principum Aula Magnum Capellanum extitisse, aserit Freccia in libro de Subfeudis, agens de Officio Magni Cancellarii, ubi ait, observasse se in *processu quodam antiquo sub Federico II. Capellanum Majorem assistentem in Cancellaria, qui praestabat juramentum partibus, si quid ultra, quam esset tantum, erogassent, aut promississent, & ubi in Cancellaria in expeditione litterarum pars opponebat, data copia, duo Judices Magistri Justitiarum sedentes legebant, & si approbabant, sigillabantur, & per sigillatorem assignabantur Capellano.* Et quidem prisci est instituti, ut coram Aulico Capellano sacramenta praestarentur, quae Regibus debebantur. Res etiam fuit usitatissima, ut Capellanis Aulicis Cancellaria Principis committeretur. Ex hoc itaque receptissimo more, Svevi Siciliae Reges, iidemque Imperatores, Magno suo Capellano Cancellarii munus addiderunt. Sed an Gualterius ille de Palena, Episcopus Trojae primum, deinde Catanensis, tum Panormitanus, cui Papa Innocentius III. Friderici pueri tutelam commendaverat, & qui sub Henrico IV. Imperatore, & Friderico filio egit Cancellarium Regni Siciliae, fuerit simul eorumdem Principum Magnus Capellanus, haud satis est exploratum. Verisimile tamen est, ita se rem habuisse, quod apud Germanos Imperatores: utrumque munus Archicapellani, & Archicancellarii conjungi, & ab eodem administrari consueverit, ut alibi diximus. Constat vero e Regiis Tabulariis Siciliae, uti legitur to. 2. Siciliae Sacrae in notitia Capellaniae Majoris S. Luciae de Milacio, circa annum 1206. Gregorium Mustaccio Majorem fuisse Capellanum Friderici Imperatoris, ac Siciliae Regis; cui Imperator concessit oppidum S. Luciae de Milacio, quod antea juris erat Ecclesiae Pactensis, quodque Imperator pro suis deliciis elegerat. Ecclesiae itaque illius oppidi, quae ante haec tempora spectabat ad Dioecesim Episcopi Pactensis, exinde subiecta fuit jurisdictioni & curae Majoris Regii Capellani; ita ut sequentibus saeculis ad nostram usque statum Abbas S. Luciae de Milacio simul esset Major Capellanus Regni Siciliae. Attamen etsi a Friderici Imperatoris aevo Major Capellanus addictus fuerit illi Ecclesiae, non inde tamen excidit jurisdictione & cura Capellae Palatinae. Id enim contigit nonnisi circa annum 1580. cum a Regio Visitarum Francisco de Puteo declaratum fuit, Majorem Capellanum adstringi residentiae legibus in sua Ecclesia S. Luciae de Milacio; exinde tum ob Regum absentiam, qui in Hispania imperium administrabant, tum ob ipsius Majoris Capellani absentiam ab Aula Panormitana, factum est, ut animarum cura in Aula Cantori Capellae Palatinae, jurisdictione vero in Clericos Palatinos Judici Regiae Monarchiae adscriberetur.

XX. Aragoniis in Sicilia imperantibus, quanti fecerint Reges Majores suos Capellanos facile conjici potest ex amplissimis muneribus, & Legationibus, quas illis sæpissime demandarunt. Damianus de Palicio Magister Capellanus Petri II. Siciliæ Regis, fuit & ejus Consiliarius, Cancellarius, ac Regni Logotheta: uti constat e privilegio quodam Petri II. concessio Ecclesiæ Catanensi, quod datum dicitur anno 1337. *Per Venerabilem Damianum de Palicio de Messana juris civilis Professore, Regni Siciliæ Logothetam, & Cancellarium, Capella nostra Magistrum Capellanum.* Extat apud Pirrum in noticia Catanensis Ecclesiæ: qui idem in Episcopis Mazariensibus narrat, Damianum de Palicio una cum Peregrino de Pactis Ordinis Prædicatorum, Majore Capellano Friderici II. Regis, Oratorem missum ad Joannem XXII. Pontificem, ut convenientibus Sedis Apostolicæ Legatis, scædus initum inter Fridericum Siculum, & Robertum Neapolitanum Reges executioni mandaretur. Ubertinum Episcopum Pactensem, Magistrum Capellanum suum delegavit Fridericus III. causa tractandæ pacis cum Joanna Neapolitanorum Regina: itidem Dionysius de Murcia, Antistes Messanensis, & ejusdem Regis Major Capellanus varias obiit Legationes ad pacem inter Joannam, & Fridericum conciliandam. Cum Maria Friderici III. filia, Regni hæres, nupsisset Martino Aragonio, cui Urbanus VI. insensus erat, & contra favebat Pseudo-Papa Clemens VII. cumque exhiinc plurima, & diuturna dissidia Regnum perturbaverint, tandem iis auctoritate Pontificia componendis, Orator mittitur ad Bonifacium Papam Simeon de Puteo Episcopum Catanensis, & Aulæ Regiæ Major Capellanus. Conjici etiam potest hujus dignitatis amplitudo apud Aragonios Siciliæ Reges, quod nonnisi amplissimis viris committeretur. Hi enim plerumque Episcopali dignitate, doctrina, pietate eminebant, uti Fr. Ubertinus de Corleone Franciscanus, Episcopus Pactensis, & Philippus Crispus Antistes Messanensis, Friderici III. Majores Capellani: Simeon de Puteo Dominicanus, Inquisitor generalis Fidei in Sicilia, Catanensis Pontifex, Major Capellanus Martini Regis: Philippus de Ferrario Carmelita magni nominis, Episcopus Pactensis, Major Capellanus Regis Martini: Dionysius de Murcia Augustinianus, vir doctissimus, Messanensis Archiepiscopus, Major Capellanus Friderici Regis, aliique plures præstantissimi viri, quorum seriem dabimus in calce hujus Operis. Ex ea serie illud perspectum erit, Majores Capellanos Aragonum Siciliæ Regum fere omnes & Cœnobii adlectos, hosque vel Episcopali jam donatos dignitate, vel mox ad Episcopatum evehentos, eisdem non raro fuisse a Regum Consilio, quandoque etiam ab eorumdem Confessionibus audiendis. Neque desit in Sicilia id amplissimum munus, quum & vivis sublato Martino II. nulla superstite prole, imperii jura ad Ferdinandum Aragoniæ Regem, qui defuncto Regi proximior erat, quique Cæsaraugustz debebat, pervenerunt. Imo cum anno 1413. Legationem obiret apud Ferdinandum Regem Philippus Ferrarius, Pactensis Episcopus, & Regni Magister Capellanus; cumque interim a Rege id muneris obtinuisset Thomas Chrysaphi Messanensis Antistes, declaratum a Rege fuit, noluisse se Pactensis Præsulis juri derogare in litteris, quas exhibet Pirrus de Episcopis Messanensibus: *Per Venerabilem in Christo Patrem, Oratorem, & Consiliarium nostrum dilectum Episcopum Pactensem fuit Majestati nostra nuper humiliter supplicatum, atque expositione narratum: ipso tenente & pacifice possiden-*
te,

Et quiesce ab annis duodecim circa, vigore Regiæ concessionis Illustrissimi Principis Domini Regis Martini nostri consobrini celebris memorie, officium Magistri Capellanatus Regni Siciliae ad vitam ipsius exponentis cursum, facta pridem nobis instantia pro parte Reverendi in Christo Patris Archiepiscopi Messanensis, qualiter dictum officium Magistri Capellanatus jam vacabat, nulla facta mentione de possessione et titulo exponentis ejusdem: Archiepiscopus, tacita veritate, nostri rescripti provisionem obtinuit a nostra Majestate, non sine gravi præjudicio juris ipsius Episcopi, et possessoris ejusdem. Ideo pro supplicante prædicto declaramus, et vobis dicimus, quod nostræ intentionis numquam fuit de dicto officio alicui providere cum juris alicui præjudicio. Ex his vero colligitur, quandoque hoc munus perpetuo alicui addictum fuisse.

XXI. Jam vero Majori Capellano incumbere sacrarum rerum in Aula administratio. Ad hanc rem Gregorius XI. has literas Avenione dedit anno 1372. in gratiam majoris Capellani Friderici Regis Siciliae, quas exhibet Wadingus in Annalibus Fratrum Minorum: *Dilecto filio Ubertino de Coriolano, Ordinis Fratrum Minorum Professore, sacrae Theologiae Magistro, Capellano nostro. Devotionis tue sinceritas promeruit, ut votis tuis, illis præsertim, quæ ad tuæ, aliorumque Christi fidelium animarum salutem cedere valeant, quantum cum Deo possumus, favorabiliter annuamus. Tuis itaque supplicationibus inclinati, ut dilecto filio Magnifico viro Friderico de Aragonia Insulam Siciliae regenti, cujus, tu, ut asseris, Magister Cappellanus es, omnibus de genere suo, et familiaribus continuis commensalibus, et Clericis dictæ Capellæ dicti Friderici in ea continue servientibus, quolibet Ecclesiæ Sacramenta libere ministrare valeas, Rectoris Parochialis Ecclesiæ, infra cujus Parochiam dicta Capella existit, vel cujuscumque alterius licentia ad hoc minime requisita, devotionis tuæ, tenore præsentium, auctoritate Apostolica, de speciali gratia indulgemus. Unde patet, consuevisse Reges a Magnis suis Capellanis Sacramenta percipere. Idem præerant Clericis Palatinis. Pirrus enim in Episcopis Panormitanis refert, Bartholomæum Antiochenum, summo loco natum, Magistrum Capellanum Friderici II. Siciliae Regis, diremisisse litem inter Guarinum Renda Canonicum, et Rainerum Clericum Capellæ Regiæ: et in notitia Mazariensis Ecclesiæ narrat, Fratri Peregrino de Pactis Majori Capellano Friderici Regis, et Episcopo Mazariensi, duos fuisse Vicarios Generales, unum regendæ Mazariensis Ecclesiæ, alterum definiendis negotiis Canonicorum, et Clericorum Regiæ Capellæ. Atque id juris Magistro Capellano vindicavit Rex Martinus datis litteris Cantanæ anno 1406. Joanni de Procidia Archiepiscopo Panormitano relatis a Pirro in notitia Capellæ Regiæ S. Petri, et in notitia Panormitanæ Ecclesiæ. In litteris testatur Rex, ex antiqua consuetudine et privilegiis prædecessorum Regum, Magistrum Capellanum Clericis Palatinis imminere, et proinde: Vos Reverendum electum Panormitanum Antistitem, et alios quoscumque Prælatos requirimus, et hortamur, quatenus eundem Michaellem unum ex duodecim Canonicis dictæ Capellæ nostræ pro quibuscumque causis, et domandis contra eum moris, et de cetero movendis ad petitionem alicujus coram vobis convenire nullatenus præsumatis, sed eum ad dictum nostrum Magistrum Capellanum, vel ejus Locumtenentem, quem propterea in dicta nostra Urbe Panormi ordinare volumus, et jubemus, protinus remittatis. Erant quoque Magistro Capellano subiecta Monasteria Regii patronatus. Hinc Archie-*

chiepiscopo Messanenſi, quod iuriſdictionem ſuam explicaret in Monasterium quoddam Monialium dictum de Baſico, ſcripſit Rex Ludovicus, ne Regii Capellani Majoris jura violaret, cujus ſcilicet poteſtati ex Pontificio diplomate ſubjectum erat Monasterium illud de Baſico, ac Templum S. Mariæ de Caſtro ad mare. Eidem ſcripſit in eandem rem Eliſabeth Ludovici mater, anno 1345. his plane verbis. *Cum ad audientiam noſtram pervenerit, quod vos Monasterium Monialium, quæ fuerunt de Baſico, conſtructum nuper in nobili civitate Meſſanæ per Majeſtatem noſtram, quod ad Capellam Regiam ſpectare dignoſciſtur, niſimini veſtræ juriſdictioni ſubmittere, & de hoc non modicum admirati, vos expreſſe requirimus, ut de dicto Monasterio, & ejus Monialibus ibi per noſtram Excellentiam conſtitutis, vos nequaquam intramittere debeatis.* Refert has litteras Pirrus in notitia Meſſanenſis Eccleſiæ. Denique Major Capellanus Regum Siciliæ neque ſolum ſacrum miniſterium in Aula exhibebat, neque præerat dumtaxt Clericis, & Monasteriis Regiis, ſed etiam plurima gerebat eccleſiaſtica Regni negotia. Cum enim Siciliæ Reges ſungerentur legatione Apoſtolice Sedis, quam Urbanus II. illis addiderat, & quam nuper eiſdem confirmavit Benedicſtus XIII. hinc eo nomine plurima eccleſiaſtica Regni negotia ad ipſos deferrebantur, quæ ad Monachos, Moniales, Clericos, Eccleſiaſque ſpectabant. Hæc vero negotia, uti e publicis monumentis teſtatum facit Pirrus in notitia Eccleſiæ Troinenſis, Siculi Reges abſolvebant per Summos Aula Regiæ Capellanos, vel per alios quandoque Præſules, aut utriuſque Juris Doctores. Abſentibus vero e Sicilia Regibus, conſueverunt Proreges eccleſiaſticas hæc quæſtiones in cauſis appellationum, plerumque viris in eccleſiaſtica dignitate conſtitutis demandare. Tandem circa annum 1570. rem promovente Pio V. ſanctiſſimo Pontifice per Cardinalem Alexandrinum, quem Legatum ablegaverat in Hiſpaniam, conſtitutus eſt Judex Ordinarius, quem vocant Judicem Regiæ Monarchiæ, a Rege deligendus, & eccleſiaſtica dignitate conſpicuus, cui in Sicilia commiſſa ſunt negotia eccleſiaſtica, nomine Regis expedienda, quod olim muneris erit Majoris Capellani. Iſ itaque, imperantibus Aragoniis, magno in honore erat, plerumque ex Epiſcoporum numero; atque res ſacras, Clerum Palatinum, Monasteria Regia, negotia plurima eccleſiaſtica moderabatur.

XXII. Ab Aragoniis ad Auſtriacos Hiſpaniæ Reges, & in Hiſpania commorantes, devolutum eſt Siculorum imperium. Adhuc Majori Capellano ſervabatur juriſdictio in Capellam Regiam, & Capellanos Palatinos, cum Ferdinandus Rex Aragoniæ, Siculo Regno potitus eſt: ſiquidem in literis datis anno 1479. ut Franciſcum de Vitale Cantorem Capellæ Palatinæ in Abbatem S. Lucie de Milatio, & Majorem Capellanum promoveret, quæ leguntur to. 2. Siciliæ ſacræ, in notitia Capellæ Regiæ, aſſerit Canonicos Palatinos illius juriſdictioni ſubjectos. Excidit tamen hac juriſdictione Major Capellanus anno 1580. cum a Regio Viſitatore Franciſco de Puteo declaratum fuit, obligari illum ad reſidentiam in ſua Eccleſia S. Lucie: ex eo enim temporis, Aulicorum ſpiritualis cura adſcripta eſt Cantori Capellæ Palatinæ, quam gerit per Capellanum ad id muneris deſignatum; juriſdictio vero in Capellanos omnes Regios adſcripta eſt Judici Regiæ Monarchiæ. Tum etiam in Capella Palatina coram Proregibus rem Divinam faciunt in magnis ſolemnibus aut Cantor, aut Judex Regiæ Monarchiæ. At non ſemel Majores Capellani, ſeu Abbates S. Lucie da Milacio ſua

sua sibi jura vindicarunt, præsertim ubi Reges, vel Regiis sanguinis Principes Siciliam adiissent. Quo casu sibi deberi sacrarum rerum celebrationem, & Regiæ mensæ benedictionem contenderunt, & obtinuerunt. Ita cum anno 1535. victor a Tunicana expeditione Carolus V. Imperator Siciliam appulisset; Hieronymus Zafferana Capellanus Major Regni, & Abbas S. Lucie, munia officii sui obivit Missas celebrando coram Imperatore, & Regias dapes benedicens, ut legitur to. 2. Siciliæ sacræ in notitia Abbatiz S. Lucie de Milacio. Anno 1650. Regnum Siciliæ moderante, nomine Philippi IV. Regis, Joanne Austriaco ejus filio; Martinus la Farina Major Capellanus institit apud eundem, ut sibi fas esset officio suo fungi: id enim nedum ad Reges, sed etiam ad Regii sanguinis Principes extendi, quemadmodum in Regnis Lusitanæ, Neapolitano, & Belgio cum Mantuanorum Ducissa, & Serenissimo Cardinale Infante actum fuisse probabat. Re delata ad Benedictum de Trelles Consultorem Regni, ut sententiam diceret, is hoc suffragium tulit die 20. Maji 1651. *Abbatia S. Lucie, & Capellania Major hujus Siciliæ Regni ab anno 1250. a Fridrico Imperatore, ac Siciliæ Rege unitæ; antiquis temporibus ob Regum in eodem Regno præsentiam Prælati, Episcopi, Archiepiscopi consecrabantur, qui Regibus eo in munere inservientes, Majoris Capellani vices gerebant, usque dum Siciliæ Regno Aragonio annexo, Regibus ut plurimum absentibus, passim id munus prisco excideret honore; ex quo quidem tempore Abbatibus conferri consuevit, quorum primus Joannes de Stefano Parci Abbas Ordinis Cisterciensis circa an. 1424. cnumeratur. Exinde igitur variis Abbatibus, virisque Ecclesiasticis, Majoris Capellani dignitas, ac S. Lucie Abbatia collata legitur, qui nedum munia Capellani obibant, sed & judicium in alios Regiæ Capellæ Ministros ferebant usque ad annum 1587. quo assumpto ad idem munus, atque Abbatiam D. Hieronymo Riggio, atque ad residentiam in propria Ecclesia coacto, jurisdictio in Capellanos Regiæ Capellæ S. Petri Judicibus Regiæ Monarchiæ cessit, ac Magistri cæremoniæ munus pro libitu a Proregibus fuit collatum: Constat id ex variis Chirographis a Comitibus de Alba, & Olivares Proregibus an. 1590. & 1595. emanatis; hinc regulariter Domini Proreges cæremoniarum Magistros sibi diligebant, jurisdictio in Regiam Capellam, ejusque Ministros per Judices Regiæ Monarchiæ exercebatur, atque S. Lucie Abbates Majores Regni Capellani propria Ecclesiæ regimini addicti ab exequendis suæ dignitatis munitis abstinere. Ex hac itaque serie, atque enarratione apparet, quæ sint officia Majoris Capellani propria, ea quidem omnia, quibus in Belgio, Hispania, & Neapoli Majores Capellani fruuntur. Sed Serenissimi Proregis discessu, rem adhuc suspensam definitivè ejus successor Dux de Infantado, Chirographo anni 1655. quo Majori Capellano restituita sunt vetera jura circa res sacras. Hinc cum Siciliam adiit anno 1714. Serenissimus Rex Victorius Amedeus Dux Sabaudiz, Franciscus Barbara, qui tunc temporis præerat Abbatiz S. Lucie, & Major erat Regni Capellanus, Sacris operatus est coram Principe, hujus mensam benedictione donavit, cæterasque officii sui partes implevit. Cæterum Abbas S. Lucie tamquam Major Capellanus in generalibus Regni Comitibus, quæ Parlamenta dicuntur, sedet undecimo loco, nempe post novem Regni Episcopos, & Archimandritam Messanensem; tum inter Episcopos numeratur, unde titulo donatur eodem, quo cæteri Episcopi, sicuti Regiis Edictis statutum est. Jurisdictionem quasi*

quasi Episcopalem exercet in Ecclesia, & oppido S. Luciae, aliisque tibi subiectis, ubi Pontificalia agit, censuras infligit, jus dicit in civilibus, & criminalibus causis, Confessarios adprobat, litteras dimissionales conscribit, dispensat in interdictis, Beneficiarios instituit, benedicit sacra instrumenta non consecranda, & violaceis vestibus tam ibi, quam alibi utitur.

XXIII. Haud facile Andegaveses Neapolitani Reges illum neglexissent morem, qui nedum obtinuerat apud prædecessores Siciliae Reges Normannos, Svevosque; verum etiam solemnis erat Francorum Regibus, a quibus originem duxerant. Quemadmodum itaque illorum Regum exemplo habuere Capellam Palatinam, & Capellanos plures, ita & Capellanorum primum, qui sacro ministerio præfesset. Is vero dicebatur Magister Regalis Capellæ, uti in Sicilia Magistrum Capellanum nuncuparunt, qui sacras res in Aula moderabatur. Idque potuit ab Aula Regum Francorum ad nos traduci: siquidem S. Ludovicus Galliae Rex, Caroli Andegavenfis Neapolitani Regis frater, excitarat circa annum 1248. Sanctam Capellam Parisiensem, in honorem Spinæ Christi Coronæ, quam a Balduino Imperatore Orientis acceperat, Capellanos quoque conscripserat, qui ibidem sacra ministrarent, horumque primus, uti testatur Peiratus lib. 1. cap. 22. dicebatur Magister Capellanus Sanctæ Capellæ. Atqui tamen, regnante Carolo Andegavenfi, occurrit in Regiis Tabulariis Joannes Masnelius Protocapellanus Regis; quem sane verisimile est eo donatum titulo, quod non solis præfesset Clericis Oratorii Regis, sed Clericis omnibus Palatinis, & Cancellarius esset Regni. Hujus sæpe meminit Pirrus tum in Chronologia Regum Siciliae, tum in noticia Panormitanæ Ecclesiæ, & in noticia Capellæ Regiæ S. Petri. Fuit enim Masnelius Magnus Regni Cancellarius, Consiliarius Regis, Cantor Capellæ Palatinæ Panormitanæ, Archidiaconus, tandemque Panormitanus Archiepiscopus. Cæterum sub successoribus Regibus stirpis Andegavenfis, qui præerant Capellæ Regiæ, dicti sunt Magistri Regalis Capellæ; & hi plerumque ex Cœnobiis accersebantur, quod hi nimirum præ cateris pietate, doctrina, & sacrarum rerum peritia præstarent, quæ necessariæ sunt ad id munus exercendum. Ita Joannes de Gallinario, Andreas de Valle Regia, Matthæus de Acquaputida e Franciscana Familia hoc munere sancti sunt apud Joannam Reginam; qui deinde ad Episcopales insulas promovebantur. Nec raro iidem erant Regum a Confessionibus audiendis. Nam Fr. Matthæus de Acquaputida, fuit Joannæ I. Confessarius, & Regalis Capellæ Magister. Joannes quoque a Gallinario, utroque officio apud eandem Reginam functus legitur: & Fr. Franciscus de Arpino, ejusdem Instituti, tum Confessarium, tum Magistrum Capellæ egit Ladislai Regis. Quod usitatum etiam Francorum Regibus tertiæ stirpis jam diximus: illorum enim Confessarii, & hi ut plurimum ex Ordinibus Mendicantium adlecti, præfuerunt Oratorio Regis a Philippi Augusti ætate usque ad Carolum VIII. Neque dubitandum est, quin sæpe Magistri Regalis Capellæ interfuerint Consilio Regum. Jam enim diximus, pluribus Capellanis Regum Andegavensium fuisse in Consilio locum; diximus etiam Andegaveses Principes non semel Cœnobitas in Consilium suum adscivisse. Illud quoque adnotavimus, Confessarios Regum nostrorum sæpe eorumdem etiam fuisse Consiliarios. Ita Fr. Petrus Episcopus Rapollanus Confessarius, & Consiliarius Roberti Ducis Calabriae; Guillelmus Episcopus

Scalensis a Confessionibus, & a Consilio Sanciæ Reginæ: Fr. Joannes & ipse Franciscanus Confessarius Mariæ Ducis Calabriz, & Regi Roberto a Consiliis, alique plures. Jam vero si Capellani, si Confessarii, si Cœnobitæ frequenter adgregabantur Consilio Principis, quindi & Regalis Capellæ Magistri? Sane Ubertinus Pactensis & Liparenfis Episcopus, ac Magister Capellæ Ladislai Regis, in quibuldam litteris datis Cajetæ die 18. Junii, anno 1392. quas exhibet to. 2. Chioccarellus, dicitur ejus Consiliarius. Et Wadingus ad annum 1343. auctor est, Fr. Matthæum Telefinum Episcopum, fuisse Confessarium, & Consiliarium Sanciæ Reginæ, atque Regiæ Capellæ Magistrum, antequam Episcopus fieret. Is idem refert privilegium concessum anno 1347. die 9. Februarii, a Joanna I. Fratri Matthæo Telefino Antisliti, signatum manu Rogerii Archiepiscopi Barenfis, Logothetæ, & Protonotarii Regni, ubi laudatus Episcopus nominatur Confessor, & Consiliarius Reginæ. Quapropter tria hæc officia præstantissima Confessarii, Consiliarii, & Magistri Regalis Capellæ, sæpe conjuncta simul fuisse, perspectum est. Nec mirum tot Cœnobitas adgregatos Capellæ Regum nostrorum, nam & Romanis Pontificibus familiare erat plurimos & Franciscano Instituto in Capellanos suos assumere; quorum numerus adeo excreverat, ut cum ex eorum privilegiis, & exemptionibus disciplina regularis enervaretur, declaravit Gregorius XI. dato diplomate an. 1373. quod refert Wadingus, hos omnes Pontificios Capellanos adhuc subesse suorum Prælatorum jurisdictioni. Præterea summa fuit religio Andegavensium, præsertim Roberti, & Sanciæ, erga Franciscanorum Institutum; & tandem facilius Cœnobita iis adfluebant virtutum meritis, quæ Magistro Capellæ suæ inesse Reges exoptabant. Nam nonni, si probatissimos viros ad id muneris designabant; uti colligitur ex litteris Joannæ I. anno 1344. relatis a Chiocarello, & Wadingo, ut Fratrem Andreæ de Valle Regia præficeret Capellæ suæ: *Tenore præsentium*, ait, *nostrum facimus universis eorum seriem inspecturis, tam presentibus, quam futuris, quod nos attendentes honestatem morum, conversationis, vitæ suavitatem placidam, devotionis promptitudinem, nec minus & probatam in Divino cultu peritiam, quæ in persona Religiosi viri Fratris Andreæ de Valle Regia Ordinis Fratrum Minorum Capellani, familiaris, & fidelis nostri ab ipso quasi nostra infantie tempore, certa nos experientia docente, concurrere novimus, & vigere: suadentibus quoque servitorum suorum laudabilibus meritis, quæ nos ad hoc excitant, pariter & inducunt, eundem Fratrem Andream Magistrum Sacratæ Capellæ nostræ, horum serie, de certa nostra scientia duximus ordinandum: volentes, & ordinantes expresse, per ipsius Capellæ Capellanos, & Clericos dicti Fratris Andreæ tanquam Magistro in omnibus, quæ id hujusmodi Magisterium spectare noscuntur, intendi de cætero efficaciter & pareri. Nos igitur litteras nostras magno pendente sigillo nostro munitas, in hujus rei testimonium, & cautelam sibi duximus concedendas. Datum Neapoli per Adinulfum Cumianum de Neapoli Juris Civilis professorem, Vice-Protonotarium Regni Siciliae, anno Domini MCCCXLIV. die vi. Jan. Regnorum nostrum anno primo.* Similes litteræ datæ sunt Cajetæ anno 1393. die 18. Junii a Ladislao Rege: *Nobili viro Fratri Francisco de Arpino Confessori, Capellano, & Oratori, & fideli nostro dilecto, quibus illum constituit Vicarium, Locumtenentem, & Substitutum Ubertini Pactensis, & Liparenfis Episcopi, Magistri Capellæ nostræ, nostrique Consiliarii, & fidelis dilecti*

a nostra Curia absentis, cum plena potestate in iis, quæ spectant ad ipsam Capellam, & cum omnibus prærogativis, ac privilegiis, auctoritate, & potestate, quibus potiretur ipse Episcopus, si præsens esset, & alii Regiæ Capellæ Magistri, vel ipsorum Locumtenentes, & Substituti soliti sunt potiri.

XXIV. Ex hisce litteris colligitur, Magistrum Regalis Capellæ præfuisse sacro Aulæ ministerio, Clericisque huic ministerio addictis, atque pluribus privilegiis, & prærogativis, plenaque potestate donatum fuisse. Quapropter Capellani Regii ad illius jurisdictionem spectabant, uti evincunt litteræ ejusdem Ladislai Regis datæ anno 1409, quibus declaravit Fr. Leonardum de Stephano Carmelitam, Capellanium, & familiarem suum, iisque omnibus privilegiis, exemptionibus, prærogativis donatum, quibus cæteri Capellani Regii fruuntur; justique, hæc jura servari a Regalis Capellæ Magistris, a Superioribus Ordinis sui, a Prælatibus omnibus, & a Regiis Magistratibus. Pariter Joanna II. Ladislai soror die 10. Maji an. 1431. adgregavit Capellanis suis Fratrem Dominicum de Montecamelo Reatinum, Ordinis Minorum, statuens ut ne de quibuscumque negotiis, coram alio Judice conveniendus esset, quam coram Magistro Regalis Capellæ. An vero sub primis Regibus Andegavensibus hæc in Capellanis Regios jurisdictionis Cancellarii potius, quam Magistro Regalis Capellæ adscripta esset, plurimi dubitarunt. Nam Marinus Freccia, cui alii e Neapolitanarum rerum Scriptoris suffragantur, in lib. de Subseudis, agens de Magno Cancellario, huic subjectos olim fuisse Clericos Palatinos scribit, & nonnisi circa Alphonso Regis tempora eam jurisdictionem in Majores Capellanos transfusam. Cum vero Magnos Cancellarios e laicorum numero adlectos crediderit, hinc eis jurisdictionem in Clericos demandatam a Regibus asseruit, vel ex concessione Pontificia, vel ex Delegatione Apostolica, quam Neapolitani Reges simul cum Regno obtinuerant. Verum enimvero olim Cancellarii e Clericorum Ordine fuerunt; uti sub Carolo II, Petrus de Ferrariis Archiepiscopus Arelatenfis, & Adamus de Dufsiaco Archiepiscopus Consentinus; & sub Roberto Ingilramus Stella Archiepiscopus Capuanus; & sub Joanna I. Philippus Episcopus Cabilonensis. Quamobrem potuit Cancellario hæc jurisdictionis in Clericos Palatinos adscribi: atque ita rem se habuisse sub primis Regibus Andegavensibus, insinuant citatæ mox litteræ Joannæ I. in quibus Capellani Regii subjiuntur Magistro Capellæ *in omnibus, quæ ad hujusmodi Magisterium spectare noscuntur*. In eo tamen recedendum est a Freccie sententia, quod is asserat, sub Aragoniis primum jurisdictionem illam ad Majores Capellanos translatam; cum tamen, regnantibus Regibus Dyrrachinis, & ante Aragonios, Capellani Regii foro Magistri Regalis Capellæ fuerint addicti. Denique præter sacrum ministerium in Aula peragendum, plurima ecclesiastica Regni negotia consuevisse Reges Magistris Capellæ suæ demandare, verisimillimum est. Fuerunt enim & Regum Consiliiarii. Tum etiam in more fuit apud Andegavenses, ut Episcopis, Clericisque, quorum probata esset fides, & peritia, negotia nonnulla expedienda committerent. Cujus rei plurima adduci possent exempla, plurima etiam legi possunt apud Chioccarellum in Episcopis Neapolitanis. Quindi sæpe ad res ecclesiasticas pertactandas, & finiendas adhibuerint operam Magistris Regalis Capellæ suæ, cujus amplissimus erat in

in Aula locus, & spectatissima virtus? Hujus itaque suffragio, & sententia, negotia ecclesiastica Regni, quæ ad Principem deferabantur, discussa, & absoluta fuisse, nullus ibit inficias.

XXV. Qui sub Andegavensium imperio Magistri Regalis Capellæ dicebantur, hi sub Aragoniis Majores dicti sunt Capellani; quod in Hispania, & in Sicilia jam is titulus invaluerat, quodque jam Capellani omnibus Regiis illi præsentent. Alphonsus I. huic gerendo muneri præfecit Dominicum de Xarach, seu de Xarth, quem Cisterciensem Monachum, & circa annum 1451. Episcopum fuisse Agrigentinum, colligitur ex Pirro in Episcopis Agrigentinis. Alphonsi litteras datas anno 1445. die 2. Junii exhibet to. 2. MSS. Chiocharellus. *Ut temporibus nostris, & sub felici nostro regimine, Divinus cultus in nostra Regali Capella resplendat; atque bonorum Retributor omnium debitis orationum suffragiis honoretur, Venerabilem in Christo Patrem Dominicum de Xarach de Aragonia Majorem Capellanum nostrum, in Magistrum Capellæ nostræ Regalis prædictæ ordinavimus, & quamplures Capellanos tam in dicta nostra Regali Capella, quam alibi fecimus, & per nostras litteras statuimus, ut dicti Capellani ad requisitionem dicti Magistri Capellæ nostræ servire in eadem nostra Regali Capella, & vacare in celebratione Missarum, & Divinorum Officiorum possint temporibus opportunis; ideoque volentes ipsos Capellanos nostros, tam illos actu servientes in ipsa nostra Regali Capella, quam alios non servientes actu, supponere, & aggregare jurisdictioni dicti Magistri Capellæ nostræ, qui debet de omnibus nostris Capellanis cognoscere, & videre, & de eis justitiam ministrare, sicut semper extitit consuetum: Vos omnes Ecclesiarum Prælatos, & Rectores, & alios supranominatos strictè requirimus; vobisque Principibus, & aliis superius nominatis expresse mandamus sub pena unciarum quinquaginta per quemlibet nostrum Fisco applicanda, toties quoties per eos factum, ac sub nostræ iræ, & indignationis incursum, quatenus ex nunc in antea, de omnibus & singulis Capellanis nostris, tam de illis, qui actu non serviunt, sed sunt tantum ad dictas nostras litteras ordinati Capellani nostri, nullatenus intromittatis, neque impediat aliquo prætextu, sed ipsos, & unumquemque ipsorum, pro quibuscumque causis ad dictum Magistrum Capellæ nostræ, tamquam eorum Judicem competentem singulis vicibus remittatis. Perspicuum fit ex illis verbis, sicut semper extitit consuetum, antequam Aragonii Regno potirentur, Magistrum Regalis Capellæ in negotiis Capellanorum omnium Regionum jus dixisse; quem morem Aragonii Reges illæsum, incolumemque servarunt. Nam idem Rex Alphonsus in litteris datis anno 1452. ut Nicolaum de Rainaldo inter suos Capellanos cooptaret, et si Capellæ Palatinæ actu non deserviret, hortatur Prælatos omnes, ne ipsum pro quacumque mora, vel movenda causa ad cujusvis instantiam cogant, nec compellant: quinimo ad Capellanum nostrum Majorem, qui nunc est, & pro tempore fuerit, quem eidem Judicem competentem damus, & assignamus, illico remittant, qui de eo omnibus ministris justitiæ complementum. Tum Magno Justitiario, aliisque Regiis Ministris dat in mandatis, ut curent hæc jura Capellanis Regiis vindicare. Pariter cum Joannem Valentinum ad Capellani Regii dignitatem evexit die 4. Aprilis, anno 1445. declaravit hunc Majoris Capellani foro additum, quamvis actu, & personaliter nobis non serviat, neque nostram Curiam continuo sequatur. Et litteris etiam datis die 2. Julii, anno 1443. hortatus est*

Acer-

Acernensem Episcopum, ne in causa cuiusdam Capellani Regii, cui nomen Jacobus de Jannico, Magistri Regalis Capellæ jura violaret. Similes litteras conscripsit Umbriaticensi Episcopo Ferdinandus Alphonfi filius die 3. Decembris, anno 1473. ut Carolum de Pycita Capellanum Regium sineret iudicio sisti Episcopi Averfani Majoris Capellani. In eandem rem scripsit die 19. Februarii, anno 1465. Episcopo Teanensi; & die 8. Junii, anno 1476. Episcopo Telefino. Ferdinandi filius Alphonfus, Calabriae Dux, anno 1473. Capellanis suis adgregavit Donatum Emitrium Martinensem, & Andream Strevatium Squillacensem, declarans hos Majori Capellano subiectos. Tandem Fridericus, postremus ex Aragoniis Neapolitanis Regibus, tum in litteris datis die 30. Januarii, anno 1497, tum in aliis etiam litteris die 23. Aprilis, 1498. declaravit, nonnisi Majorem Capellanum imminere iis, quos ipse in Capellanos Regios adsciverat. Itaque Major Capellanus potestatem habebat juris dicendi in Capellanos omnes Regios; habebat quoque potestatem ordinandi res sacras in Aula, & Divinum cultum moderandi. Hinc in Coronatione Alphonfi II. Regis Juliano Episcopo Tropejensi Majori Capellano demandata est cura, ut una cum Pontificio caeremoniarum Praefecto, & nonnullis Proceribus Aulæ, facram rem omnem ordinaret, Episcopos Regni convocaret, sacram suppellestem, & instrumentum omne praesto esse curaret, Regique adhaereret ad sacram caeremoniam peragendam. Quamobrem ille proximus erat Regi Solio insidenti, una cum Eleemosynario, & Confessario, & aliquot Aulæ Magnatibus, tota Coronationis caeremonia, Regemque a Solio ad Altare progredientem semper comitabatur. Idem ille Major Capellanus benedictione & precibus Ecclesiarum sanctificavit Sponsalia & Conjugium Sanctæ Aragoniæ filiarum Alphonfi Regis cum Joffredo Borgia Alexandri VI. consanguineo: & in solemnibus Liturgiis Capellæ Palatinæ prope Regem recitabat singulas Missæ partes, quam solemniter ritu celebrabat Episcopus Graviuensis. Eo temporisungebatur hoc officio Julianus Mirtus Frangipanus Episcopus Tropejensis Regius Consiliarius, & Supremus Moderator Neapolitani Gymnasii; isque subrogatus fuerat in locum Petri Brusca Episcopi Averfani.

XXVI. Nam imperantibus Aragoniis, sæpe Episcopi hoc munus administrarunt, quin Episcopatu cederent, quod non in Ecclesiis suis, sed in Aula illis esset commorandum. Ita quoque in Aula Regum Francorum secundæ, & tertiæ stirpis, Archicapellanos, & Magnos Eleemosynarios egerunt amplissimarum Ecclesiarum Episcopi, quin earum regimine se se abdicarent. Cujus rei causa fuit, quam suse tractat Thomassinus, legitimam esse exceptionem non residendi, quum Episcopi in Aula versantur, ut Regi, ut Regno, ut Ecclesiis omnibus famulentur. Hinc in Aulis fere omnium Principum Episcopos adnotavimus, actualis residentis vinculo annexos, Capellanos, Cancellarios, Consiliarios, Legatosque. Quandoque tamen in Aula nostrorum Principum Majores Capellani Episcopatu aucti, illo munere abierunt: idque praefertim contigit, regnantibus Andegavensibus. Nam ex Regiis Regestis constat sub Joanna I. brevi temporis spatio, ab anno nempe 1343. ad annum usque 1345. functos esse munere Magistri Regalis Capellæ Episcopum Marficatum, Fratrem Joannem a Gallinario, Fratrem Andream de Valle Regia, & Fratrem Mattheum de Acquaputida. Neque ex his alii, aliis vita functis succedere: siquidem Andream de Valle Regia, creatum anno 1344. Episcopum Larinensem, obiisse an-

no 1365. testantur Wadingus, & Ughellius : & Matthæum de Acquaputia electum Telefinum Antistitem anno 1345. e vivis excessisse anno 1348. idem scribit Ughellius . Idipsum, imperantibus Aragoniis, colligi potest ex Albo Majorum Capellanorum in huius Operis calce . Dicendum itaque est, totum hoc negotium nulla ineluctabili lege definitum fuisse, ita ut neque Magistro Regalis Capellæ necesse erat suo se abdicare munere, si ad Episcopatum promoveretur ; neque Episcopus adigebatur Ecclesiæ suæ cura discedere, si Magisterio Capellæ Regalis donaretur : sed juxta rerum, personarum, ac temporum circumstantias, vel promoti ad Episcopales insulas eo abibant munere, vel eodem adhuc Episcopi sungebantur . In Gallia olim Archicapellani munus, non fuisse perpetuo alicui addictum, insert Baluzius in notis ad Petrum de Marca lib. 4. cap. 7. ex epistola 97. Lupi Ferrariensis, data ad Hilduinum Archicapellanum, qua asserit brevem, & incertam eam dignitatem . E contra Thomassino videtur Archicapellani munus minime temporarium fuisse ; & quoad Lupi Ferrariensis epistolam, hac censet ille, designari incertissimam horam certissimæ mortis, non vero revocabilem nutu Principis dignitatem .

XXVII. Progredimur ad ea tempora, quum a Gallis, Hispanisque occupato Neapolitano Regno, dissectoque in partes duas, ejecto Frederico Aragonum Principum ultimo, postquam diu illi de totius Regni imperio decertaverint, tandem Ferdinandus Catholicus, & successores Hispaniæ Reges summa rerum potiti sunt . Qui cum remotissime degerent ab Aula Neapolitana, & Proregum opera uterentur ad imperium administrandum, jam plurima Aulae Officia, quæ, imperantibus Regibus, summo in honore habebantur, vel desiere penitus, vel nudo, solumque dignitatis nomine perdurarunt . Non ita tamen res se habuit quoad Majoris Capellani Officium, quod cum præstantissimum haberetur in Aula Hispana, hinc causa fuit, ut Magno Capellano Neapolitani Regni, major accerserit honoris cumulus, eo nomine, quod simul esset Major Capellanus Regis Hispaniæ . Quamobrem præclarissimi Episcopi hoc munere functi sunt, uti Joannes Pudericus Archiepiscopus Nazarenus, tum Tarentinus ; Joannes Russo Archiepiscopus Consentinus ; Thomas Caracciolo Antistes Triventinus, deinde Capuanus ; Vincentius Spinelli Episcopus Oppidensis, aliique . Et ut Hispanis, Neapolitanisque commune esset præclarissimum hujusmodi Officium, decrevit Carolus V. Imperator anno 1554. Capitul. 5. alternis vicibus ex indigenis, & exteris Magnos Capellanos seligendos . Quanta vero fuerit regnantibus Austriacis hujus dignitatis amplitudo, facile colligi potest ex singulis partibus ejus ministerii . Primo namque Major Capellanus imminerebat sacris rebus in Aula tractandis, Capellis, Capellanisque omnibus Regiis, Musicis, & Cantoribus Capellæ Palatinæ . Tum ei incumberebat ferre suffragium, an concedendum esset *Placitum Regium*, quod in Neapolitano Regno dicitur *Regium Exequatur* . Beneficia omnia Regii juris commissa fuerunt ejus curæ . Si quæ excitabantur quæstiones, an Beneficia essent Regiæ præsentationis, hæc illius suffragio definiebantur . Permutationes quoque, vel resignationes hujusmodi Beneficiorum ex illius sententia faciendæ erant . Sed & in quibusvis negotiis ad Ecclesias Regias spectantibus, Capellani Majoris sententia fuit expetenda . Præterea sui erat muneris invigilare, ne ulli ederentur Libri, qui Regiis juribus, aut tranquillitati Reipublicæ adversarentur . Denique ad eum spectabat administratio Neapo-

politani Gymnafii ; de quibus omnibus partibus hujus præftantiffimi Officii, erit fuo loco fingillatim dicendum. Hinc patet, quam ad veteres Archicapellanos Regum Francorum accedat dignitas Capellani Majoris Neapolitani Regni, eo præfertim nomine, quod plurima ecclefiaftica negotia ad Principem delata, Majoris Capellani fuffragio abfolvantur. In eo tamen is, & veteri Archicapellano, & Magnis Capellanis aliorum Principum præftat, quod ejus curæ, & juriſdictioni ſubdantur Capellæ, & Capellani Arcium totius Regni, Capellani itidem caſtrenſes, & maritimi, tum milites, qui terra marique, Regiis ſtipendiis aluntur, uti ex dicendis compertum erit.

XXVIII. Antequam huic Capiti finem imponamus, varii recenſendi ſunt tituli, quibus, variis in Regnis, Magnos Capellanos donarunt. In Aula Regum Francorum primæ ſtirpis, dicti ſunt Abbates Palatini Oratorii, quia inſtar Abbatum præerant Eccleſiæ Palatinæ, ejuſque Clericis. Tum ſub ſecunda ſtirpe, Archicapellani vocabantur, quod Capellanis omnibus imminerent; & hinc quandoque Summi, & Magni Capellani nuncupati fuere. Nam in epiſtola Concilii Caſtiacenſis ad Ludovicum, Fulradus nominatur Summus Capellanus Regis Pipini: & Guntharius dicitur ab Hincmaro Remenſi Magnus Capellanus Regis Lotharii. Is idem in Concilio Aquifgranenſi nominatur Archicapellanus Sacri Palatii. Angilbertus appellatur Abbas, & Miniſter Capellæ ab Hadriano Papa in epiſtola ad Carolum Magnum. Hilduinus dictus eſt Antiſtes Sacri Palatii ab Agobardo Lugdunenſi in quadam epiſtola ad ipſum data: & Drogo Metenſis Epiſcopus, Archipalatinus Præful in apologetico Ebbonis; & alibi Senior Capellanus. Primicerii quoque titulus Magnis Capellanis datus legitur, ut Angilberto, & Angilramo. Archiepſbyterum Franciæ appellat Fulradum Hadrianus I. in epiſtola quadam a Flodoardo relata. In præfatione Concilii Moguntini anno 813. legitur Hildeboldus Sacri Palatii Archiepſcopus. Cenſet tamen Fileſacus in lib. de ſacr. Epiſc. auctor. cap. 9. §. 15. pro Archiepſcopo legendum eſſe Archicapellanium. Sed potuit ille Archiepſcopus vocari, quod honoris cauſa eo eſſet ornatus titulo; nam in vita Leonis III. ſcripta ab Anaſtaſio, ille idem nominatur Archiepſcopus, & Capellanus. Angilramus quoque, etſi Metenſis eſſet Epiſcopus, tamen Archiepſcopus dicitur can. 55. Concilii Francfordienſis; non quod Archicapellanus eſſet, ſiquidem ejus prædeceſſor Godeganus dictus eſt etiam Archiepſcopus ab Alcuino, ſed quod titulo Archiepſcopali, & Pallio donatus eſſet. Conſueverunt enim Romani Pontifices honoris cauſa quibuſdam Epiſcopis Pallium, & Archiepſcopalem titulum conferre; uti Gregorius Magnus Siagrio Auguſtodunenſi, in gratiam Brunechildis Reginæ. Et hæc etiam cauſa eſſe potuit, cur Aigilbertus Epiſcopus Cenomanenſis, nuncupatur quandoque Archiepſcopus. Sub tertia ſtirpe Regum Galliæ, qui hoc munus gerebat, Capellanus, & Eleemoſynarius, deinde Magnus Eleemoſynarius dictus eſt. In Hiſpania, uti etiam in Luſitania, Majoris Capellani nomine hoc officium exprimebatur. In Aula noſtrorum Principum, olim Magiſtri Capellani, & Magiſtri Regalis Capellæ appellabantur, qui hoc munere donati erant: quemadmodum Magiſtri Juſtitiarum dicebantur, qui præerant juriſbus reddendis; Magiſtri Rationales, qui imminebant Regio Erario; Magiſtri Tabellariorum, qui præfecti erant iis, qui commutatis equis celerrime itinera conſciunt. Quin etiam in Galliæ Magiſtri titulus legitur datus Magno Capellano. Nam Lupus

Ferrariensis ep. 110. vocat Hilduinum Ecclesiasticorum Magistrum. Et Grimoldus sub Ludovico Rege, filio Ludovici Pii, dicitur Magister a Walafrido, cui is nuncupavit Poemata de Re Hortensi. Sub tertia vero Regum dynastia, Episcopum Sylvanestensem, qui circa annum 1285. Capellam Regiam moderabatur, appellatum Magistrum Capellanum Regis, testatur Peiratus lib. 1. cap. 53. Is idem lib. 1. cap. 21. scribit, olim, qui præerat Clero Sanctæ Capellæ Parisiensis, nuncupatum fuisse Magistrum Capellanum Sanctæ Capellæ. Nunc etiam temporis in Aula Regum Galliæ, qui imminet Oratorio Regis, dicitur Magister Oratorii, sicuti qui imminet Cantoribus, Magister Capellæ Cantorum. At regnantibus Aragoniis Neapolitanis Regibus, invaluit Majoris Capellani titulus, quo, ad hæc usque tempora, amplissimum hoc munus donatur.



C A P U T IV.

DE PRIVILEGIIS CAPELLÆ REGIÆ, CLERI
PALATINI, ET MAGNI CAPELLANI.

De origine, & progressu privilegiorum. II. Et in Regno Neapolitano. III. De privilegiis ad Capellas, & Capellanos Regios pertinentibus. IV. De hisce privilegiis in Anglia. V. Et in Aula Regum Gallie. VI. De iisdem in Gallia. VII. Præsertim de Cleri Palatini exemptione a residentie legibus. VIII. De privilegiis Magni Eleemosynarii Francie. IX. Vetera jura Capellani Majoris, & Capellanorum Regum Hispanie a Leone X. confirmata. X. Tum ab aliis Romanis Pontificibus aucta, & renovata. XI. Ea Paulus V. innovavit, auxit, ac perpetua esse declaravit. XII. Privilegia Capellani Majoris Regum Lusitanie. XIII. Et ejus Cleri Palatini. XIV. Privilegia Magni Eleemosynarii Regum Sardinie a Benedicto XIV. concessa. XV. Dubia, & Declarationes ejusdem Pontificis circa hæc privilegia. XVI. Alia iridem Dubia, & Declarationes alie. XVII. Album exemptorum in Aula Regum Sardinie. XVIII. Antiqua jura Cleri Palatini nostrorum Principum, quoad exemptionem a legibus residentie. XIX. Et a solvendis decimis. XX. Antiqua jura Majoris Capellani Regni Neapolitani. XXI. Quæ consuetudine potissimum invitebantur. XXII. Quod vero iis sæpè relabatur, ea confirmavit, auxitque Benedictus XIV.

Ecclesiæ disciplina, quemadmodum diversis temporibus, juxta varias locorum, rerum, & personarum circumstantias, quibus accommodanda fuit, varias subiit mutationes, quoad innumera fere ecclesiastica rei capita, ut in ordinandis Clericis, eligendis Episcopis, convocandis Conciliis, injungendis poenitentiis, relaxandis canonibus; ita quoque in privilegiis, & exemptionibus concedendis. Has omnes mutationes complectitur doctissimus Thomassinus in notissimis libris de veteri, & nova Ecclesiæ disciplina, ubi illud frequenter inculcat, serviendum esse legibus, moribusque jam receptis; actum esse de pace publica, si omnia ad antiquatas legitima auctoritate regulas revocentur; & cuique laudandam, atque sequendam esse sui temporis Ecclesiæ disciplinam. Sane pristinis sæculis vix ulla dabatur Ecclesiis, aut Monasteriis, Clericis, sive Monachis privilegia, quæ plenissimam libertatem ab omni spirituali Episcoporum jurisdictione involverent. Nam antiquissima privilegia sæculo sexto, & deinceps indulta Monasteriis, nonnisi respiciebant illorum bona temporalia, & liberam Abbatis electionem, quæ ab Episcopis turbabantur, utpote qui sibi vindicabant jura quædam in ordinatione Monachorum, benedictione Abbatum, consecratione Altarium, pro receptione Chriftatis, pro

Synodico, & Cathedralico. Monasteria insuper magnis sumptibus in visitatione gravabant, sibi que adscribebant jus Abbates constituendi. Fulse ostendunt Thomassinus p. 1. lib. 3. & Vanespennius Jur. Canon. par. 3. tit. 12. alique, vetustissima privilegia non aliud fere completi, quam exemptiones a juribus jam recensitis, liberam Abbatum electionem, & quæ ad conservandam Monasticam quietem, ac disciplinam conducere videbantur; salva tamen spiritali Episcoporum jurisdictione. Nonnulli quidem totalium exemptionum originem referunt ad tempora S. Gregorii Papæ, cui adscripta sunt privilegia quædam plenissimæ libertatis concessa Monasteriis Gallicanis S. Medardi, & S. Germani, & Xenodochio Augustodunensi: quæ tamen Launojus, alique eruditi inter supposititia recensent. Alii initium exemptionum repetunt a Synodo Carthagenensi anno 524. sub Bonifacio Episcopo; cujus mentio fit in alia Synodo Carthagenensi anno 534. sub Reparato, ibique dicitur, nil esse juris Episcopis in Monasteria, nisi quoad Clericorum ordinationem, & Altarium consecrationem. Illud tamen certum est, sæculis undecimo, & duodecimo omnimodas exemptiones Monasteriis, Ecclesiis, Capitulis, Clericorum Collegiis, Xenodochiis, Societatibus Equestribus indultas potissimum viguisse; easque majus incrementum accepisse, flagrante schismate Avenionensi: & hinc graves querelæ Bernardi, Petri Blesensis, Petri Cantoris, Joannis Sarisburiensis; tum etiam Episcoporum in Conciliis Viennensi, Constantiensi, Lateranensi, ubi actum est de iisdem libertatibus revocandis, quæ penitus enervarent ecclesiasticam disciplinam. Neque olim a solis Romanis Pontificibus annuebantur privilegia exemptionum; sed etiam ab Episcopis, & a Regibus, accedente Episcoporum consensu; uti fulse tradunt plurimis allatis exemplis Thomassinus, & Vanespennius. Idque præsertim locum habuit, cum ab ipsi Ecclesiæ, aut Monasteriorum Fundatoribus hujusmodi immunitates efflagitabantur: siquidem pluribus evincit doctissimus Thomassinus par. 1. lib. 3. cap. 31. & 34. potuisse Ecclesiæ Fundatores eas ab Ordinariorum potestate subducere, & Apostolicæ Sedi immediate subicere. Quemadmodum in Africa fuerunt plurima Monasteria in quacunque Dicecesi, vel Provincia fundata, quæ non Episcopi Dicecesani, sed illius Episcopi jurisdictioni suberant, cui illa subicere voluissent eorum Fundatores, ut plurimum vero Episcopo Carthagenensi. Similiter in utroque Patriarchatu Orientis, fas erat Monasteriorum Fundatoribus, in quacunque erigerentur Dicecesi, ea subicere Patriarchæ in ipsa illorum fundatione; tunc Episcopo Dicecesano nulla erat potestas in illa Monasteria, ne Ordinum quidem conferendorum, aut Abbatum consecrandi, aut Missæ celebrandæ. Quin id quopue juris sibi tribuebant Metropolitz, intra suam Provinciam, et si iis non raro repugnabatur.

II. In Neapolitano Regno ex antiquissimo more, Episcopi, aut iis consentientibus, Principes, libertatibus, atque exemptionibus donarunt Ecclesias, quas vel ipsi fundaverant, vel earum Fundatores privilegiis donari exoptaverant. Refert Ughellius in Episcopis Beneventanis Diploma Arechis Beneventi Ducis e Longobardorum gente, quo confirmat exemptionis privilegium latum a Joanne Episcopo in favorem Ecclesiæ S. Mariæ, & S. Martiani, quam Gardino Abbas fundaverat. Ibi dicitur: *Nostra quidem gloriosa potestas juxta membranam ipsius Joannis Episcopi in prædicta Ecclesia hoc nostrum absolutionis præ-*

ceptum firmavit ea ratione, ut tantummodo ad nostrum sacrum Palatium audientiam habere debeat, sicut & cetera nostra Monasteria in nostra sint semper potestate, ordinandi in ipsa nostra Ecclesia, qualiter nostræ eximietati placuerit, & a nullo Episcopo hujus sanctæ sedis Ecclesiæ nostræ Beneventana, vel a quibuscumque Sacerdotibus, unquam requiratur in sua jurisdictione. Datum est hoc privilegium circa annum 769. ex quo constat, fuisse ea ætate nonnullas Ecclesias, quas Principes declarabant sui juris, quæque dicebantur pertinere ad Sacrum Palatium. Simile privilegium exhibet ibidem Ughellius datum ab Atenulpho, & Landulpho Beneventanis Principibus in favorem Ecclesiæ S. Joannis: & in Episcopis Salernitanis, plura profert hujusmodi exemptionum privilegia, quæ Salernitani Episcopi, aut Principes Ecclesiis a se, vel ab aliis constructis concessere. Normannis deinde imperantibus, plurimæ Ecclesiæ exemptionibus donatæ sunt, quod essent juris Principum. Tassonius in lib. de Antef. ver. 4. obfer. 5. refert privilegium quoddam a Comite Rogerio anno 1094. S. Brunoni concessum, ubi dicitur, quod Monasterium Arsaphia Capella mea erat exempta ab Episcopali jurisdictione per Sacrosanctam Romanam Ecclesiam. Ecclesia quoque Barenfis S. Nicolai jam tum temporis exempta erat, uti colligitur ex privilegio Alexandri Comitis Copertini, jubente Rogerio, illi Ecclesiæ dato; & ex privilegio Paschalis II. dato anno 1106. Eustachio Abbati illius Ecclesiæ, petente Boemondo Antiochiæ Principe, & Domino Cari, quæ profert Ughellius. Hinc Bonifacius VIII. in Bulla data anno 1296. in gratiam Caroli II. Andegavensis, dicit hanc Ecclesiam esse Sedi Apostolicæ subjectam, ut apud Beatillum, & Chioccharellum legitur. Pariter Ecclesiam Altamuræ Fridericus II. Imperator excitavit, & exemptionis privilegio donavit anno 1232. cui consensit Innocentius IV. dato diplomate anno 1248. Eodem modo res se habuit in Sicilia; ubi insigne Messanenfe Monasterium S. Salvatoris a Comite Rogerio fundatum, & Archimandritatus titulo more Græcorum insignitum, Rex Rogerius hoc auxit privilegio anno 1130. apud Pirrum. in notitia illius Ecclesiæ: Volumus præterea, idem nostrum Monasterium esse liberum, & exemptum ab Archiepiscopis, Episcopis, & similiter ab omni persona ecclesiastica, & seculari. Ejus Prælati, & sui successores, si forte acciderit dubitatio alicui ex aliquo, volumus, quod non respondeant, nisi coram nobis, & hæredibus, & successoribus nostris. In altero vero diplomate dato anno 1134. ita statuit Rogerius: Ipsum Archimandritam ipsius Monasterii Salvatoris perpetuo confirmamus, & volumus habere dominationem, & propriam potestatem in omnibus dictis Monasteriis, & Grangiis subjectis, ac Abbatibus, & Monachis, & hominibus omnibus, Clericis, & laicis, tam in spiritualibus, quam temporalibus, & diligenter examinare, & recto judicare, & ad finem causas perducere, sicut Patet Archimandrita, & successores ejus non judicentur ab aliqua persona, neque alicui respondeant, nisi nostræ soli Celsitudini, & successoribus nostris. Unde in quadam Sixti IV. Bulla data anno 1471. & ab eodem Pirro relata, dicitur: Rogerius Rex antedictum Monasterium cum illud construxit, edificavit, fundavit, & Capitulo Ecclesiæ Messanenfis ibidem presentibus, ab omni eorum, & cujuslibet alterius Prælati, & Ordinarii superiorum exemptum esse voluerit. Patet itaque, frequentissima exemptionum privilegia ab Episcopis, vel a Regibus de consensu Episcoporum indulta Ecclesiis, quarum ipsi Fundatores

extiterant. Deinde, & progressu temporis, cum ab Episcoporum potestate Ecclesiæ illæ eximerentur, invaluit illarum Rectoribus, aut Abbatibus aliquam jurisdictionem communicare. Ita Ecclesia S. Nicolai Barenfis Priori, Ecclesia Altamuræ Archipresbytero, Monasterium Mesanenfe S. Salvatoris Archimandritæ subijciebantur. Et Abbatibus quandoque concessa est quædam jurisdictio, uti Abbati Cavenfis Monasterii, quem ajunt, a Romanis Pontificibus accepisse jura Episcopalia exercere, iis exceptis, quæ sunt Ordinis Episcopalis. Verum in nonnullis Monasteriis constituti sunt Episcopi Monasteriorum, qui nempe ea omnia ibi agebant, quæ Episcopale desiderant ministerium.

III. Jam vero quis ibit inficias, studuisse Reges Capellis, Capellanisque suis ea privilegia accumulare, quæ sæpe conferebant, vel conferri procurabant in Monasteria, aliasve Ecclesias quamplures? Atque hæc quidem exemptiones eo æquius indulgebantur, quod non tam personas, aut loca, quam Reges ipsos respicerent. Ecclesia enim quovis sæculo in gratiam Summorum Principum consuevit aliquid remittere receptis legibus, generalique disciplina, cujus rei plurima adduci possent exempla; illud vero potissimum, quod Episcopis, Clericisque veniam fecerit residendi, si Regibus, aut Regno famularentur. Hinc ubi nimis exemptionibus locorum; & personarum arctiores limites assignarunt Tridentini Patres; Capellis tamen, & Capellanis Regum pristinam immunitatem conservarunt. Cum enim decrevisset Concilium sess. 22. cap. 8. Ecclesias omnes licet exemptas visitandas ab Episcopo, tum etiam alia loca pia omnia, addidit hanc exceptionem, *non tamen, quæ sub Regum immediata protectione sunt, sine eorum licentia*. Et quoad Capellanos Regios confirmavit sess. 24. cap. 11. Decretalem Innocentii III. relatam Cap. *Cum Capella* de Privilegiis: *Quoad Capellanos Regios*, ait Concilium; *juxta Constitutionem Innocentii III. Cum Capella, subiecti existant Episcopis tanquam Sedis Apostolicæ Delegatis*. Ea Decretalis decernit servanda exemptionum privilegia Capellanis Principum data; qui tamen, si ab Episcopo præfecti sint Ecclesiis Parochialibus, quoad hanc curam animarum Episcopo subijciuntur.

IV. Ambigendum itaque minime est, quin Capellæ, & Capellani Principum, pluribus olim privilegiis affluerint, juxta cujusque temporis disciplinam. Quod in Angliâ præsertim contigisse auctor est Thomassinus p. 1. lib. 3. cap. 26. ubi ex antiquis Constitutionibus Regum Angliæ refert, Eduardum declarasse Capellas suas Regias immunes penitus ab omni ordinaria jurisdictione; Clericos earundem ab Episcopo cogi non posse, quamdiu Regis immorantur obsequiis, vel in Ecclesiis ut resideant suis, vel ut sacris Ordinibus innectantur; eo jure semper usos esse Angliæ Reges, eisque fas esse, Clericos retinere, suis devinctos obsequiis, quamdiu illis placuerit; concessisse Innocentium IV. diploma, quo Capellæ Regiæ Anglicanæ solvebantur a censuris ab Episcopo latis, & a procuracionibus solvendis, Sedique Apostolicæ immediate subijciebantur. Cangius in Glossario verbo *Capellæ* indicat Chartas Henrici II, & Henrici III. Regum Angliæ, quæ declarant Capellas quasdam Regales nulli Ordinario, sed immediate Sedi Apostolicæ subiectas. In hæc exemptiones insurgebant quandoque Episcopi; quas tamen Reges tuebantur innixi consuetudine, quæ hominum memoriam excederet. Observat proinde doctissimus Thomassinus, in hisce privilegiis Anglicanis mentionem non haberi a Regibus de Bullis anteriori-

ribus ullis Pontificum; unum astrui exemptionis fundamentum, possessionem, cujus initii nulla usquam exstat memoria: potuisse ergo solum consuetudinem, & spontaneam Episcoporum consensionem, concessionemque his libertatibus dedisse initium, quas præscriptio postea roborasset: Capellas Regias subductas Diocesani Episcopi potestati, alteri subiectas fuisse Episcopo, Regis Capellano; cumque semper adessent Regibus Episcopi quidam obeuntes munus Capellani, poterat per istiusmodi Episcopos iurisdicção Episcopalis in has Capellas exerceri, & præscribi contra Diocesanos. Ita ille disciplinæ ecclesiasticæ peritissimus. Cæterum erat quoque Archiepiscopo Cantuariensi jus, ut in singulis Diocesibus sibi subiectam haberet Ecclesiam, ubi omnia munia Episcopalia exerceret, nonnisi veteri consuetudine roboratum. Scribit quidem de hac re ad Wulstanum Episcopum Vorcestrensem Anselmus Cantuariensis lib. 3. ep. 19. *Testante omni genere hominum, qui sunt in Cantuariensi Diœcesi, & in aliis Episcopatibus, qui sunt circa eandem Diœcesim, semper Archiepiscopus Cantuariæ hanc habuit potestatem, & consuetudinem, ut intra cujusque Episcopi Diœcesim haberet Ecclesia Cantuariæ villam, aut Ecclesiam, quæ ejusdem Archiepiscopi proprii juris essent, quicquid de eadem villa, vel Ecclesia pertineret ad Episcopale officium, sive Dedicatio, sive aliquid aliud. Adhuc vivunt innumerabiles homines, qui viderunt Antecessorem meum Lanfrancum Archiepiscopum dedicare Ecclesias villarum suarum intra Diœceses aliorum Episcoporum sine calumnia. Quod etiam S. Dunstanus, & alii prædecessores mei fecisse probantur, ipsis Ecclesiis, quas dedicaverunt, adhuc stantibus. Provocabat itaque ad veterem consuetudinem, ut sua jura vindicaret. Atque adeo facile fuit, ut privilegiis Capellarum, & Capellanorum Regum antiquo usu roboratis Episcopi consentirent. Cujus rei argumentum suggerit Concilium Londinense anno 1221. a Waltero Episcopo celebratum, quod cap. 6. vetans sub gravibus poenis, ne sine Episcopi Diocesani licentia agerentur Missarum solemnia in Oratoriiis domesticis, exceptis tamen Sacerdotes illos, quas in Oratoriiis, vel Capellis Regum, seu Reginarum Angliæ, seu Librarium suorum erectis, vel erigendis Missas celebrare contigisset.*

V. Vetusissima indicari possunt initia exemptionum, quibus Capellani, & Capellæ Regum Galliæ fruebantur. Ut enim testis est Adalardus in libello de Ordine Palatii, seu Hincmarus ep. 3. ad Episcopos Franciæ, Clerus Palatinus Magno Capellano suberat: *Apocrisarius autem, quem Nostrates Capellanus, aut Palatii Custodem appellant, omnem Clerum Palatii sub cura, & dispositione sua regebat.* Et Concilium Moguntinum anno 813. celebratum can. 22. in tres classes distinctis Clericos universos, alios sub Episcopi cura, alios Abbatibus subiectos, alios in *servitio Domini Regis* constitutos: quo ipso innuit Clericos Palatinos subductos Episcoporum potestati. Hinc hujusmodi Clerici, plures sibi vindicarunt libertates, quæ cum ecclesiasticam disciplinam insigniter læderent, canonibus Conciliorum comprimebantur. Ex Concilio Francfordiensi can. 38. colligitur, illos id sibi juris asseruisse, ut communicarent cum Presbyteris, quos Episcopus communione sua privaverat; & hanc disciplinæ relaxationem vetuit Concilium, cujus inducendæ nulla alia esse potuit causa, nisi illorum exemptio. Eodemque jure excipiebant Clericos aliarum Diocesum sine proprii Episcopi consensu: unde Concilium Aquisgranense anno 836. can. 23. decrevit: *De Presbyteris, qui in Palatio morantur, ut sine proprii Episcopi*

Episcopi consensu, ibi locum consistendi non habeant, nec recipiantur; Et Concilium Meldenſe anni 845 can. 58. ſtatuit, ut ne Clericus aliquis adjungeretur Clero Capellæ Regiæ, niſcio Episcopo ſuo: Cum quilibet Canonicorum ad Regiam venerit Maieſtatem, & ſuo ſe voluerit mancipare ſervitio, conſenſu Episcopi, ad cujus Diaceſim pertinere di-gnoſcitur, cum recipiat. Et ſi in Ordine Clericali cum promovere vo-luerit, manus ipſius impoſitione ad eccleſiaſticum ordinem, ſi dignus fuerit, conſecratur. Nulli itaque Clerici, niſciis, vel invitis Episco-pis ſuis, poterant in Capellam Regiam aſſumi; etſi huius Clero ad-ſcripti, jam haberentur tamquam exempti, ideoque vocarentur liberi Clerici, quemadmodum Fauchetius in libro de Familia Caroli M. cap. 16. & Peiratius lib. 1. de Orat. Reg. Galliz cap. 16. adnotarunt. Ea phraſis, qua exemptio Clericorum Aulicorum indicatur, occurrit in Concilio Tullenſi anno 859. ubi Carolus Calvus aiebat, ſe Episcopa-tum Senonenſem contuliſſe Weniloni Clerico meo in Capella mihi ſer-vienti, qui more liberi Clerici ſe mihi commendaverat, & fidelitatem ſacramento promiſerat. Neque ſine conſenſu Episcopi excitabantur Pa-latinæ Capellæ, ut patet ex lib. 5. Capitul. Caroli M. cap. 132. Ne Capellæ in noſtro Palatio, vel alibi ſine permiſſu Episcopi, in cujus Parochia ſunt, fiant. Et tamen ex erant exemptæ: ideoque Concilium Pariſienſe an. 829. lib. 3. cap. 19. hortabatur Ludovicum Pium, ne fineret indignos in Regnis Capellis miniſtrare; & ut Aulici, ſaltem diebus ſeſtis, adeſſent Sacro. Sane cum ſumma eſſet in toto Regno Archicapellani dignitas, & auctoritas; ſummaque etiam eſſet Episco-porum in Archicapellanum obſervantia, dubitari vix poteſt, quin iis ultro conſentientibus, Archicapellanus pleniffima libertate præſuerit ſacro Aula miniſterio, & Clericis Palatinis.

VI. Poſterioribus ſæculis Romani Pontifices Capellas, Capellanos, ipſosque Reges Galliz, plurimis privilegiis cumularunt; quæ collegit, ediditque Tilletius, quæque memorantur a Chopino, Thomaffino, Peiratio, Degraſſalio, aliisque. Honorius III. Philippo Auguſto Regi ſas eſſe decrevit audiendi Sacrum, & Divina Officia in locis interdi-ctis. Alexander IV, & Clemens IV. in gratiam S. Ludovici Regis declararunt, neque Regem, neque Reginam, nec ſucceſſores adſtringi ſententia excommunicationis, aut interdicti, ſine expreſſo conſenſu Apoſtolicæ Sedis: quod & confirmavit Clemens VI, addiditque, nec Regias Capellas interdicto ſubjacere, niſi Sede Apoſtolica conſentien-te. Idem Clemens VI. Joanni Regi, ejuſque ſucceſſoribus poſteſtatem dedit ingrediendi Monaſteria tam virorum, quam mulierum, in iſſique manendi, dummodo eorum Monaſteriorum Præſules ne diſſentirent. Ab eodem Pontifice, lata Bulla Kalendis Maji, anno nono Pontifica-tus, declaratum fuit, eos omnes, qui in Aula verſabantur Joannis Regis, & ſucceſſorum, nonniſi in caſu neceſſitatis, & quoad eccleſiaſtica Sacramenta ſubjici Parochiis, & Episcopis locorum, ubi Regium fuerit domicilium. Rurſum eodem anno pluribus Bullis a Tilletio re-latis Clemens VI. auxit Confeſſarium Regis poteſtate abſolvendi Re-gem, Reginam, & ſucceſſores a criminibus, quorum abſolutio eſſet Romanæ Sedi reſervata; tum etiam ab excommunicatione Canonis, dummodo non interveſſerint ſanguinis effuſio in Clerici percuffione: poteſtate itidem abſolvendi Regem a juramentis, votisque, exceptis tamen votis peregrinationis Romanæ, Compoſtellanæ, & iu Terram ſanctam, ac voto Caſtitatis: audiendi inſuper Confeſſiones eorum om-nium,

mnia, qui Regis; aut Reginæ; & successorum Aulam comitarentur: eisdem absolviendi ab omnibus criminibus Romano Pontifici haud reservatis, & ministrandi ipsis Ecclesiæ Sacramenta: permittendi quoque esum carnum iis omnibus, qui prædictos Reges in castris sequerentur, exceptis feria sexta, Quadragesima, Vigiliis Natalis Domini, Pentecostes, Omnium Sanctorum, Assumptionis Deiparæ Virginis, S. Joannis Baptistæ, & S. Laurentii; & dummodo non ullius voti religione abstinendi ab esu carnum obligarentur: Confessariis itidem Regis, Reginæ, & successorum indulgit Pontifex carnum usum, etsi sui Instituti professione prohiberentur: tandem eisdem addidit facultatem concedendi Regi, Reginæ, & successoribus Indulgentiam plenariam, morte imminente: Verum non Confessariis tantum, sed & cæteris Capellanis Regum Galliæ, Romani Pontifices plurima privilegia contulerunt. Nam ex Bullis Clementis VI. a Tilletio editis, Capellani Regum Galliæ sive Clerici, sive Monachi in persolvendis Divinis Officiis, licite adhærere possunt Ritui Ecclesiæ Parisiensis, qui tum vigebat in Palatina Capella, neque obligantur servandis Ritibus suæ Diocesis, aut Monasterii: neque inviti subire coguntur Delegationes, aut Mandata eis ab Episcopis, vel Romana Sede commissa: licite quoque possunt a quocumque Episcopo ad Sacros Ordines promoveri: neque in excommunicationem incidunt communicando cum excommunicatis, nisi sint participes criminis: neque ab obsequio Regis divelli possunt, ut ab excommunicatione, si in eam inciderint, absolvantur. Et hinc putarunt nonnulli, Ministros Regum Galliæ haud excommunicatione innodari posse: quod tamen eo sensu intelligendum est, ut eis Romam commigrandum non sit ad censuram relaxandam.

VII. Præterea ex ejusdem Pontificis Bulla data die 20. Aprilis, anno nono Pontificatus, Capellani, Clericique Regum, & Reginarum Galliæ, licet lege residendi in suis Beneficiis eximantur, horum tamen provenus eis permittuntur. Et Tilletius testis est, Alexandrum IV. Martinum IV. Gregorium X. Joannem XX. eadem immunitate residendi donasse Clericos obsequiis addictos Regum Francorum. Illam Clementis VI. Bullam exhibent Carolus Degraffalius lib. 2. Regalium Franciæ, & Chopinus lib. 3. cap. 30. de Demanio Franciæ. Ibidem Chopinus profert Joannis XXII. Bullam, qua Pontifex Canonicis Palatinæ Capellæ Parisiensis nedum indulget exemptionem a residentia in suis Beneficiis, verum etiam ab auctoritate Episcopi Parisiensis, & Archiepiscopi Senonensis. Et Peiratus lib. 3. cap. 8. & 9. plurima adducit Regum Galliæ Edicta, ut id juris Capellanis suis vindicarent, cum a Capitulis Cathedralibus ad residentiam compellerentur. Quamvis vero a Tridentino Concilio irritæ declaratæ sint dispensationes omnes perpetuæ residendi; attamen, ut observat Thomassinus p. 2. lib. 3. cap. 72. cum non Beneficiariis ipsis, sed Regibus privilegia hæc indulta fuerint, & de iis revocandis, nulla expressa fuerit mentio facta, censendum non est, derogatum illis voluisse Patres Tridentinos. Observat etiam vir doctissimus, perpetuam non esse illam residentiam relaxationem; siquidem coarctatur ad tempus, quo illi sunt in obsequio. Addit, decretis Henrici III. statutum esse, ut expleto suo ministerio, Capellani Regii suis adhæreant Ecclesiis; coarctatum quoque fuisse exemptorum numerum, cum ex illorum copia, Ecclesiæ suis destitute ministris conquirerentur. Hanc autem residendi immunitatem porrigi etiam ad Clericos Consiliarios Senatus Regii cenfet Chopinus lib. 3.

de fac. Polit. cap. 3. quod in Bulla Clementis VI. sermo sit nedum de Capellanis, sed & de Clericis Regum, atque adeo de Clericis Consiliariis; eo præsertim nomine, quod hi Regi, & Regno interviennes censendi sint, ac si præsentibus adessent Ecclesiis suis, ad instar Cano, nicorum Episcopo interviuentium, quos immunes fecit a residentia Alexander III. Cap. *Ad audientiam*: De Cler. non resid. *Cum absentes dici non debeant, sed præsentibus, qui tecum pro tuo, & ipsius Ecclesiæ servitio commorantur*. At movent alii litem Consiliariis Clericis de hac immunitate, quorum momenta refert Thomassinus; & is, re utrinque discussa, tutissimum sibi videri dicit, neutram in partem præcipitare sententiam, suæque illos sapientiæ, & conscientiæ permittere, quorum res agitur. Cæterum ea immunitate donandi fuerunt Capellani Regum, quod iis plurima Regni Beneficia conferri mos erat. Ut enim tradit Peiratus lib. 3. cap. 9. & 10. tum Romani Pontifices, tum Reges, præsertim Carolus IX. Henricus III. Henricus IV. non pauca sui juris Sacerdotia, reservata, & affecta Capellanis Regiis declararunt. Imo cum Galliæ Reges eo jure fruuntur, ut post suam inaugurationem, ad illorum collationem spectet prima quævis Præbenda vacatura in Ecclesia qualibet Cathedrali, vel Collegiata, de qua re agit Degraffalius lib. 2. Regalium Franciæ; tum etiam, ut Regiæ collationis sit, post fidelitatis sacramentum ab Episcopo recenter ordinato emissum, quæ omnium prima in hujus Ecclesiæ conferenda sit Præbenda; has Capellanis suis concedere Reges consueverunt. Plura de hac re habet Rhenatus Chopinus lib. 2. Monasticon tit. 3. n. 21. & lib. 2. de Demanio tit. 10. n. 16. & lib. 1. de sac. Polit. tit. 7. n. 4. & 15. Denique Clerici Palatini Regum Galliæ, sive sint Capellani, sive aliis gerendis officiis Aulæ incumbant, judicem, & disceptatorem suarum litium, ac causarum habent Abbatem S. Genovefæ, ut tradit Rhenatus Chopinus lib. 2. de sacra Polit. tit. 5. n. 5. Tum etiam ex Bulla Alexandri IV, quam refert Tilletius, Abbas S. Dionysii constitutus est vindex privilegiorum, quæ Regibus, & eorum Clericis, Romani Pontifices concessere.

VIII. Quod Magnum Eleemosynarium spectat, Peiratus libro 1. cap. 62. fute probat, ipsum esse Episcopum Aulæ, quod nempe successerit veteri Archicapellano, qui certe agebat Antistitem Aulæ; quod hæc sit plurimum Auctorum sententia; quod etiam in Hispania Major Capellanus sit Episcopus Aulæ; quod ex Regestis annorum 1559. & 1560. constat, datam a Magno Eleemosynario facultatem Capellanis Regiis audiendi Confessiones, & administrandi Sacramenta Aulicis omnibus; quod Clemens VI. donaverit Eleemosynarios Regis, & Reginæ potestate absolvendi omnes illorum domesticos; quod apud Regem nonnisi ille Sacris operatur, nec ulli Prælato id fas sit, nisi eo permittente; quod denique primum inter omnes Episcopos obtinet locum, quum Rex sacris rebus incumbit. Optat tamen, ut ad hanc Magni Eleemosynarii spirituales jurisdictionem firmitus roborandam, Francorum Reges aliquam a Romanis Pontificibus Constitutionem impetrarent, ei similem, quam obtinuerunt Reges Hispaniæ. Si enim Monachis San-Dionysianis ab Episcopi Diocesani jurisdictione exemptis Stephanus III. Pontifex concessit, ut illorum unus esset loco Episcopi, tam in ipso Monasterio, quam in aliis Monasteriis eidem subiectis; quindi Regibus erit concedenda facultas nominandi Prælatum aliquem, qui Episcopale ministerium in Aula exerceat? Et eodem lib. 1. cap.

20. probat contra Tilletium, Parisiensem Episcopum haud esse Parochum Aulæ, atque nullum hujus rei vestigium in Historia occurrere: *car l'Evesque de Paris n'a jamais eu autorité dans la Cour, s'il n'a été pourvu de quelque dignité dans la Chapelle du Roy: comme le Cardinal de Gondy, quand il a été honoré de la dignité de Maître de l'Oratoire du Roy, & le Cardinal de Retz son neveu, quand il a été pourvu de la même dignité, & encore son frere Archevesque de Paris, qui exerce aujourduy la Charge de Maître de la Chapelle de Musique en la Chapelle du Roy. Nos Roys n'ont d'autre Paroisse, que leur Chapelle, la quelle est par tout ou Sa Majesté oyt le service Divin, célébré par les Ecclesiastiques de sa maison.* Addit, nullis fas esse coram Rege Sacra ministrare, nisi vel ejus Capellanis, vel Magno Eleemosynario permittente: morem quidem vigere, ut in quocumque loco Rex fuerit, quotidiana oblatio Parocho illius loci concedatur; id tamen honoris causa fieri, non quia Rex sit illius Parochianus: Cardinalem Rochefocaltium Magnum Eleemosynarium anno 1625. in ipsa Cathedrali Pariensi benedixisse nuptias inter Mariam Henrichettam Ludovici XIII. fororem, & Regem Angliæ: falso denique a Tilletio asseri, quod ad Episcopum Parisiensem spectat Regia funera moderari, cum id spectet ad Magnum Eleemosynarium, qui proinde ultimus post omnes Episcopos incedit, proximior Regio cadaveri. Peiratio suffragantur alii Scriptores. Nam Joannes Lomedus in tractatu privilegiorum scribit: *Aulicis exemptis Magnus Eleemosynarius est pro Episcopo: & Petrus Gallandus in vita Petri Castellani: Aula Regia unicus Episcopus est; quocumque in loco per totum Regnum Rex versetur, ab eo Sacramenta petere solet:* & Rovillardus in libro de Magno Eleemosynario scribit, hunc esse Episcopum Regis; etsi ipse censeat, Antistitem Parisiensem esse Parochum Aulæ. Alii tamen ab hac sententia dissentiunt, uti Pontasius in Dictionario Casuum Moralium to. 3. tit. de Simonia cas. 47. ubi. proposita questione, an sit simoniacum pretio assequi Eleemosynarii Regii munus; disputat in utramque partem, an M. Eleemosynarius sit Aulæ Episcopus. Tum Peiratii præcipua momenta convellit, quod nempe Archicapellanus olim ageret Episcopum, nonnisi ex Episcoporum consensu; quod jura ex privilegio Pauli V. concessa Majori Capellano Regis Hispaniæ, haud aliis communicari possint; quod denique Episcopi semper repugnarent Magnis Eleemosynariis, si tibi Episcopalia jura vindicassent. Addit, ætate sua Episcopum Parisiensem Sacra fecisse coram Rege cum omnibus suæ dignitatis ornamentis; eoque etiam ritu alios Episcopos, in quorum Diœcesibus Regem morari contigisset.

IX. Capellanis, & Capellano Majori Regum Hispaniæ plurima, eaque amplissima privilegia concessere plures Romani Pontifices, Sixtus IV, Innocentius VIII, Alexander VI, Julius II. in gratiam Ferdinandi Catholici, & Elisabeth ejus conjugis, & Joannæ filiz, ob præstantissima eorum in Ecclesiam merita. Ea omnia in Caroli V. gratiam confirmata fuere a Leone X. anno 1519. data Bulla, quæ incipit: *Alias felicitis recordationis*, quam e Regio Archivio desumptam exhibet to. 2. Chioccarellus. Hujus privilegii hæc est summa. Capellanus Major Regum Hispaniæ curam habet animarum eorum omnium, qui in Palatio degunt, quique Regum obsequio sunt addicti, Regis Regique familiæ, quorum omnium ReCTOR nuncupatur, ubicumque locorum Rex & Aula fuerit, sive ad breve tempus, sive causa diutius

ibi commorandi. Cum animarum curam habeat, potest Aulicis omnibus, vel per se, vel per alios ab ipso ad id muneris deputatis, Sacramenta administrare, Eucharistiam etiam in Paschate eis porrigere, eorum Confessiones audire, eos absolvere etiam in casibus Episcopo reservatis, eosdem vita functos etiam Interdicti tempore tradere ecclesiasticæ sepulture. Potest vel per se, vel per alium, nuptiis benedictionem impertiri, quæ in Regum præsentia contrahuntur; ac itidem Baptisma conferre infantibus, Judæis, aut Saracenis, qui, præsentibus ipsis, sunt baptizandi. Potest & ducentos Indulgentiarum dies Regibus, eorumque domesticis largiri. Itidem facultatem concedere Aulicis omnibus confitendi peccata sua cuilibet idoneo Sacerdoti, sive Regulari, sive Seculari. Aulicos quoque ab intestato decedentes, in quacumque Ecclesia sepulture mandare. Eorum omnium, qui Capellæ Regis sunt addicti, lites quascumque, & controversias discutere, ac definire. Hique omnes declarantur penitus exempti ab Ordinariorum potestate, nulla Ordinariis in eos jurisdictione concessa. Eosdem absolvere ab excommunicatione ob violentam injectionem manuum, citra tamen membrorum mutilationem, aut enormem lationem; nec non ab irregularitate, si in eam inciderint, ob illicitam sacri ministerii executionem. Iisdem facultatem impertiri recipiendi sacros Ordines a quocumque Catholico Episcopo, statutus tamen a jure temporibus. Denique in Capella Regia fas esse, Divina omnia celebrari Officia, etiam absentibus Regibus; quin & iis præsentibus Sacrum fieri, hora una post meridiem. Hæc itaque jura Majori Capellano Regum Hispaniæ Leo X. concessit, quæ deinde subsequentes Romani Pontifices confirmarunt.

X. Nam ea renovavit, confirmavitque Paulus III Bulla, quæ incipit: *Præclara devotionis sinceritas* anno 1535, addiditque, ut in Capella Palatina, præsentibus Regibus, fas esset Sacrum celebrari circa diurnam lucem, utque in die natalitio Regis, Indulgentias lucrarentur, qui Regiam Capellam religionis causa adirent. Tum Pius V. edito Brevis die 7. Junii anno 1569. in gratiam Philippi II, quod incipit, *Inter cætera*, declaravit, fas esse Regi, ut in absentia Archiepiscopi Compostellani Majoris Capellani nominaret Presbyterum, qui durante absentia dicti Archiepiscopi, a dicta Curia, in quibuscumque Civitatibus, Oppidis, & locis, in quibus dictum Philippum Regem, ejusque Curiam Regiam pro tempore residere contingeret, curam animarum familiarum ejusdem Philippi Regis, ac omnium, & singularum personarum, tam in ipsis Regnis, & Dominiis originem trahentium, quam extraneorum a quibuscumque Orbis partibus ad ipsam Curiam confluentium, curamque qualitatibus, gradus, status, ordinis, vel conditionis, ac præeminentiæ fuerint, Archiepiscopis tamen, & Episcopis exceptis, exercere, eosque visitare, corrigere, ac omnimodam jurisdictionem ordinariam, omniaque, & singula, quæ Archiepiscopi, & Episcopi, ac alii locorum Ordinarii in Diocesis suis de jure, vel consuetudine, vel alias quomolibet facere, & exercere consueverunt, circa tamen exercitium Pontificalium, & Ordinum, & Beneficiorum collationem exercere libere, ac licite valeant. Quod omne renovatum, confirmatumque fuit a Gregorio XIII. emanato Brevis, Cum dudum die 7. Aprilis anni 1591, illudque insuper additum: ut Capellanus Major, seu is, qui ab eo ad animarum curam fuerit deputatus, cum Sacramenta Pœnitentiæ, Eucharistiæ, Unctionis extremæ, atque Matrimonii admini-

stra-

strare debeat Aulicis omnibus, si propriam non habeat Ecclesiam, ubi sacrum exerceat ministerium, possit in ea Parochiali Ecclesia Regio Palatio contigua, quam ipse maluerit, Sacramenta administrare, vel exinde Sacramentalia sumere ad infirmos sibi subditos deferenda; ac ibidem monitiones matrimonii prævias pro suis subditis promulgare; utque fas sit in Capella Palatina Eucharistiam, & Oleum infirmorum aservare. Confessarios quoque deputare audiendis Confessionibus Palatinorum, sive seculares Clericos, sive Regulares, eosque examine probare: iisdem facultatem concionandi, ac celebrandi in Capellis Regiis impertiri, vel ubicumque Rex præsens fuerit. Tandem, ut ei sit facultas constituendi ministros, & Officiales, qui auctoritate Apostolica exerceant omnimodam jurisdictionem in Clericos, omnesque addictos sive Capellæ, sive Palatio Regis. Exhibet hæc Pontificia diplomata e Regio Tabulario Neapolitano desumpta Chioccarellus. His autem perspicuum sit jurisdictionem quasi Episcopalem in Aula, & Capella Palatina, Majori Capellano Regum Hispaniæ fuisse concessam. Excepit tamen Pius V. usum Pontificalium, & collationem sacrorum Ordinum, ac Beneficiorum; quod a simplici Presbytero, vicario nomine Archiepiscopi Compostellani, supponeret hoc officium administrari; nam eo Brevis declarat Pontifex posse Regem in absentia Compostellani Antistitis, Presbyterum aliquem ad id muneris deputare. Atqui simplici Presbytero usus Pontificalium, & Ordinum collatio jure denegatur.

XI. Cum vero hæc ipsa amplissima privilegia complecti viderentur Regum personas, quibus concessa sunt, non vero eorum successores; hinc, ut nullus superesset dubitationi locus, Philippus III. Romam ablegavit Petrum Fernandez de Navarette Capellanum suum, virum gravissimum; qui curaret renovari a Pontifice vetera privilegia Capellæ, & Capellani Majoris Regum Hispaniæ. Res cessit et voto: neque enim Regi de Ecclesia, ac de Sede Apostolica optime merito deneganda erant beneficia illa, quibus prædecessores Reges Romani Pontifices cumulaverant. Itaque Paulus V. die 17. Februarii anno 1614. Breve dedit, quod incipit: *Piis Catholicorum Regum votis*, quo Magno Capellani potestatem, antiquis, novisque privilegiis plurimum exultit. Exhibet hoc Pontificium Diploma Turturetus in libro de Sacello Hispano, & Peiratus in libro de Oratorio Regum Galliarum. Eo Brevis committitur Majori Capellano cura animarum Regiæ familiæ, eorumque omnium, qui ad Aulam spectant, ubicumque locorum Rex fuerit; & ordinaria jurisdictio, ut ea omnia vel per se, vel per suos ministros exercere licite possit, quæ Episcopi, & alii locorum Ordinarii in suis exercent Dioccesibus. Judicem illum declarat Pontifex Capellæ, Capellanorum, omniumque ministrorum, qui Regi famulantur. Facultatem ei tribuit deputandi Capellanos in ruralibus Regiis domibus. Examinandi Clericos Regalis Capellæ ad audiendas Confessiones, ad Sacrum faciendum, ad divinum verbum prædicandum, eosque approbandi ad hæc sacra munera peragenda. Concionatores designandi sive Regulares, sive sæculares, qui vel in Capella Regia, vel ubique locorum Rex fuerit, prædicare valeant divinum verbum, quin ab ullo Ordinario prohiberi possunt. Confessarios quoque nominandi ad audiendas Confessiones Aulicorum omnium, tum sæculares, tum Regulares, hos tamen de consensu suorum Superiorum. Absolvendi Capellanos, & cæteros Capellæ Ministros ab excommunicatione ob per-

percussionem Clerici latam; & dispensandi cum iis in irregularitate proveniente ex illicita divinarum rerum celebratione. Administrandi Sacramenta Pœnitentiæ, & Eucharistiæ etiam in Paschate; & alia Sacramenta Regi, Aulicisque omnibus; ita ut ei fas sit, vel de viciniori Parochia ea sumere, vel in Capella Palatina Eucharistiam, & Oleum infirmorum aservare. Conferendi etiam sacrum Baptisma, aut benedictionem nuptialem iis omnibus, qui in præsentia Regis vel baptizantur, vel matrimonio copulantur. Audiendi vel per se, vel per alios Confectiones Aulicorum omnium, eosque absolvendi etiam a criminibus Episcopo reservatis, & vita sanctos tradere sepulture, etiam vigente Interdicto. Tum exemptos declarat Pontifex Capellanos Regios ab Episcopi Diocesani potestate: *ita ut quicumque locorum Diocesani, & alii Ordinarii iudices in Capellanum Majorem, & Capellanos, & Cantores, & Scholares prædictos actu inservientes, & consuetudine stipendia percipientes, quos ab illis prorsus, & omnino eximimus, & totaliter liberamus; & quoad Majorem, Sedi Apostolicæ immediate, quoad alios vero Capellanos, Cantores, & Scholares hujusmodi dicto Capellano Majori subesse docuimus; nullam penitus superioritatem, dominium, & jurisdictionem exercere, nec se de illis quomodolibet intrinsece valeant: sed prædicti Capellani, Cantores, & Scholares coram ipso Capellano Majori, seu Legatis, aut Delegatis dictæ Sedis dumtaxat teneantur de iustitia respondere.* Annuit præterea Pontifex, ut iidem Clerici Capellæ Regiæ sacris initientur Ordinibus a quocumque Catholico Episcopo, statutis tamen a jure temporibus. Palatinis deinde omnibus fas esse dicit, consentiente Majore Capellano, quemcumque Sacerdotem ex utroque Clero habere ab audiendis Confessionibus, qui tamen Sacerdos, si Aulicus non sit, approbatus esse debet ab Ordinario. Tum etiam permittit in Capella Palatina, etiam absente Rege, omnia Divina Officia persolveri; & præsentem Rege Sacrum fieri hora una antelucana, & altera post meridiem. Excipit Pontificalium usum, collationem Ordinum, & Beneficiorum, a quibus Majorem Capellanum prohibet; quod nimirum supponat, absente Compositellano Antistite, simplici Presbytero hoc munus demandari. Ita enim ait: *Atque hæc omnia, & singula moderno, & pro tempore existenti Archiepiscopo Compositellano, tamquam dictæ Capellæ Capellano Majori, quamdiu; & quoties in dicta Curia personaliter resederit, & eo ab eadem Curia absente, seu in illa non residente, personæ in Presbyteratus ordine constitutæ per se toties, quoties tibi visum fuerit, nominandæ, & per suum Ordinarium approbandæ, quam Nos ex nunc, prout ex tunc, postquam per te nominata, & a suo Ordinario approbata fuerit, deputamus, & approbamus, quæ durante absentia dicti Archiepiscopi in Curia prædicta, in quibusvis civitatibus, oppidis, & locis, in quibus te, tuamque Curiam Regiam pro tempore residere contigerit, omniaque, & singula alia, quæ Archiepiscopi, & Episcopi, ac alii locorum Ordinarii in Diocessibus suis de jure, vel consuetudine, aut alias quomodolibet facere, & exercere consueverunt, citra tamen exercitium Pontificalium, & Ordinum, ac Beneficiorum collationem, exercere libere, ac licite, quodque omnibus, & singulis gratis, favoribus, præeminentiis, & indulgiis, quibus dictus Archiepiscopus, dum in tua Curia residet, ratione dicti officii Capellani Majoris gaudet, fruatur, & utitur, ac gaudere, uti, & frui quomolibet potest gaudere, uti, frui possit, & valeat pariformiter, & æque personaliter, ac tibi personam hujusmodi*

nominandi, & eligendi, plenam, & omnimodam facultatem Apostolica auctoritate tenore presentium concedimus, & indulgemus. Vides itaque sermonem esse de persona in Presbyteratus Ordine constituta, cui vices committuntur Compostellani Præfulis. Cæterum si Clericis Palatinis datur facultas recipiendi sacros Ordines a quocumque Catholico Episcopo, quindi ab eorum Antistite Majore Capellano, si is Episcopali dignitate fulgeret? Tum requirit Pontifex, ut approbatus sit ab Ordinario Presbyter, quem Majorem Capellanum Rex nominaverit. Hinc vero, posse Regem ad tempus alicui hoc munus demandare, colligitur ex illis verbis: *per te toties, quoties tibi visum fuerit, nominanda.* Tandem complectitur Pontifex dumtaxat Capellanos, Cantores, Scholares actu inservientes, & consueta stipendia percipientes.

XII. Refert Cabedus in libello de patronatu Regiæ Coronæ cap. 43. aliqua Leonis X. Diplomata circa jurisdictionem Majoris Capellani Emmanuelis Regis Lusitaniz, ejusque successorum. Horum primum datum est anno 1505. quo Majori Capellano subjiçit Capellanos, Cantores, Scholares Capellæ Regiæ actu servientes; ita ut eorum omnium causas quascumque etiam beneficiales ipse discutiat, atque definiat; sitque eorum judex ordinarius, quin ulli locorum Ordinarii sibi aliquam in illos jurisdictionem vindicare valeant, a quorum potestate penitus eximit, & Capellano Majori immediate subjiçit. Tum Majori Capellano facultatem indulget absolvendi eosdem ab excommunicatione Canonis; & ab irregularitate, si sacrum ministerium suspensi peregerint. Eisdem permittit a quocumque Catholico Antistite ad sacros Ordines promoveri: Divina Officia juxta Romanum ritum in Capella Regis perfolvere, etiam si Regulares sint: fructus quoque suorum Beneficiorum percipere, licet minus resideant: residentiz legibus minime obligari: nec censuris compelli posse, nisi de iis expressa fiat mentio. Capellanus vero Majorem permittit Pontifex Sacramenta Pœnitentiæ, Eucharistiæ, & alia Sacramenta Regi, & omnibus in Capella Regia servientibus, & residentibus administrare: eosdem etiam in casibus Episcopaliibus absolvere, & vita functos sepulturæ tradere: infantes, Judeos, Saracenos, præsentè Rege, sacris aquis ablueri: nuptias in præsentia Regum initas benedicere: ducentos Indulgentiarum dies in Missarum tolemoniis concedere. Alterum Pontificium Diploma datum est anno 1515. quo Pontifex constituit Majorem Capellanum ejusdem Regis, ac successorum, judicem causarum omnium tam civilium, quam criminalium, & Beneficialium Capellanorum, Clericorum, Religioforum familiarium Regis, & Curialium, ubicumque exstant, & ubicumque crimina ipsa per eos commissa, & perpetrata fuerint; quin alius judex vel ratione originis, aut domicilii, aut Beneficii, aut criminis, de iis cognoscere, ac judicare possit. Siqui jurisdictionem Majoris Capellani convellere præsumperint, censuris coerceri possunt: siqui familiares ex aliqua causa extra Curiam morantur, stipendia tamen Regis percipiunt; sique de loco in locum Curia se conferat; nihilo tamen minus jurisdictioni Majoris Capellani subjiçiuntur. Qui si Episcopus fuerit, potest etiam matrimoniales causas familiarum, & Curialium Regis discutere, ac definire. Addit Cabedus, Emmanuelem Regem nonnulla declarasse circa hanc Majoris Capellani jurisdictionem, de quibus exstat Novella Regni p. 2. tit. 4. lib. 1. & sequentibus, ubi etiam fit mentio Bullarum, quas Clemens VII. Julius III. Pius IV. circa hanc jurisdictionem emanarunt; quibus ea jurisdictio in aliquibus

calibus restricta est. Refert idem Cabedus Leonis X. Bullam anni 1514. qua Major Capellanus Regis Lusitaniz iudex declaratur *de causis tam per ipsum Emmanuelem, & pro tempore existentem Regem super quibusvis Ecclesiis, & Beneficiis ecclesiasticis, in quibus jus presentandi, vel nominandi, aut alias sibi competis, quam personas per eum presentatas, aut nominatas ad Beneficia predicta, seu eorumdem Beneficiorum possessores, aut alias quascumque personas active, & passive pro tempore moris, ac de causis tam civilibus, quam criminalibus, & Beneficialibus Capellanorum, etiam Religiosorum, ac Clericorum etiam in minoribus Ordinibus constitutorum ejusdem Emmanuelis, ac pro tempore existentis Regis familiarium, & Curialium undecumque existentium, & ubicumque crimina ipsa commissa, & perpetrata fuerint, cognoscere possit.* Prætera ex alio Leonis X. Brevis die 12. Julii 1518. apud Soufam pag. 249. statutum fuit, ut ne ullis Archiepiscopis, Episcopis, aliisque Regni Prælati fas esset Censuras proferre in Regios Magistratus, Rectoresque Civitatum, vel Provinciarum Regni (quod hi haberentur tanquam Regis familiares) nisi a Majore Capellano discussa, ac probata fuisset causa eandem infligendi. Quod & Julius III. confirmavit, datis litteris 8. Decembris an. 1551. a Soufa relatis, addita pœna, in eos, qui Regios Magistratus innodassent Censuris, quas Major Capellanus ratas minime habuisset. In eos quoque Clericos, qui in locis Regiæ venationis venarentur, Majorem Capellanum Censuras aliasque pœnas infligere posse statuit Leo X. litteris die 16. Septembris 1519. datis Episcopo Lamacensi, Majori Capellano. Cum itaque huic tot amplissima jura communicata essent; æquum, & consentaneum erat, ut nonnisi ex Episcoporum numero Major Capellanus accerferetur, ut ne cæteris Episcopis inferior esset Ordine, quibus dignitate, & auctoritate præstabat. Quamobrem cum Joannes de Castro Regius Consiliarius Majorque Capellanus tum Sebastiani Regis, tum Henrici Cardinalis, Episcopali dignitate minime fulgeret; ei tamen Pius V. Pontifex Brevis dato, die 12. Junii, anno 1571. permisit, ut jura, facultates, & prærogativas Majoris Capellani exerceret, etsi donatus non esset Ordine Episcopali. Refert Sousa Lib. 4. cap. 17. Hist. Reg. Lus.

XIII. Sed & Clericos Palatinos Regum Portugallicæ nonnullis donarunt privilegiis Romani Pontifices. Nam petente Joanne III. Rege, ut sibi iutegrum, liberumque esset Clericos Sacris innexos Ordinibus, & residentiz legibus adstrictos, & a tractandis sæcularibus negotiis prohibitos in Consilium suum adsciscere; quorum doctrina, & pietate adjuvaretur Respublica; Paulus III. Breve edidit die 28. Septembris anno 1538. annuitque, omnibus, & singulis dictorum personarum ecclesiasticarum, etiam in sacris, etiam Presbyterarum Ordinibus constitutis, etiam quacumque, quotcumque, & qualiacumque Beneficia ecclesiastica obinentibus, ut quamdiu in humanis egeris, in dicto tuo Consilio intervenire, & interesse, & civiles causas in ea pro tempore introductas, non tamen ad forum ecclesiasticum spectantes audire, cognoscere, & prout justitia suadebit, terminare libere, ac licite valeant. Tum a Pontifice Julio III. dato Brevis die 25. Mart. an. 1551. Clericis, qui in Consilio Regis sederent facta est potestas dicendi sententiam, & jus reddendi in causis criminalibus, quin irregulares evaderent, vel ullis illigarentur Censuris; eosdem, dum Regis obsequio addicti in Aula versabantur, liberos dicit a residentiz vinculo, quo si-

ve in Ecclesiis, five in Coenobiis, si fuissent e numero Monachorum, adstringebantur. Jam diu antea Joannes XXII. die 8. Mar. anno 1325. Alphonsum Portugalliæ Regem hoc donaverat privilegio, ut qui Clerici illius Aulae, & obsequiis mancipati erant, suorum Beneficiorum proventibus integre fruerentur, etsi in iis minime residerent, imo nec unquam illic residentiam fecissent.

XIV. Magnum Eleemosynarium Regum Sardiniae amplissimis donavit privilegiis Benedictus XIV. Brevi dato die 11. Augusti anno 1745, quinto Pontificatus sui, ad Carolum Emmanuelem gloriosissimum Regem. Cujus quidem Brevis, hæc sunt summa capita: Magnus Eleemosynarius, seu Major Capellanus, in Episcopali dignitate constitutus, quocumque in loco Rex etiam ad breve tempus, vel recreationis causa ibi fuerit, gerit curam animarum Regis, Regiæ familiæ, & Aulicorum omnium. Ac proinde quoad hos omnes, spirituales jurisdictionem habet totam, eamque ordinariam, uti quilibet Episcopus in sua Diocesi. Hinc ad eum spectat Capellanos ad sacrum Aulae ministerium; Confessarios ad Aulicorum Confessiones sacramentales excipiendas; Concionatores ad Divini Verbi in Aula prædicationem, quovis in loco Rex moram fecerit, constituere, & designare. Sacramenta quoque Baptismi, Pœnitentiæ, & Eucharistiæ etiam in Paschate, vel per se, vel per alios conferre Regi, Regiæ proli, Principibus Regiæ familiæ, iis etiam quos veluti ex legitimo matrimonio procreatos Rex haberi voluit, Equitibus Ordinis Beatissimæ Virginis Annuntiæ, Aulicis omnibus, five Curialibus, nec exceptis iis, qui rude donati sunt, & Militibus, qui Regis Regiæque familiæ custodiæ perpetuo sunt addicti. Quoad hos omnes facultatem habet Magnus Eleemosynarius absolviendi a quibusvis criminibus, etiam si nonnullorum absolutio sit Episcopis reservata; eosdem, Interdicti tempore, tradendi Ecclesiasticæ sepulture; Cantores, Scholaresque Regiæ Capellæ ab excommunicatione Canonis ob levem percussione absolvendi; & cum iisdem in irregularitate ob illicitam Divinarum rerum celebrationem dispensandi. Aulicorum matrimonia proclamationibus, & Sacerdotali benedictione complet; tum & matrimonia omnia inita præsentē Rege, sua benedictione, & assensu firma, ac rata efficit. Illorum omnium Oblationes in quacumque Ecclesia, Rege præsentē, recipit. Iisdem agrotantibus Sacramenta omnia ministrat, sumptis Eucharistia, Oleisque e Parochia Palatii Regis proximior; atque ad ipsum spectant jura funerum eorum omnium, qui in Aula supremum obeunt. In Missarum solemnibus, præsentē Rege, fas ei est, ducentos Indulgentiarum dies elargiri. Clericos Palatinos ad sacros Ordines promovere, servata tamen forma Bullæ *speculatores*. Omnem vero hanc jurisdictionem potest Magnus Eleemosynarius, etiam per alios exercere; imo absente Rege a sua residentia, nihilominus eadem apud Magnum Eleemosynarium viget jurisdictione quoad Regiam familiam, personasque omnes, qui in Palatio permanent. Absente vero ab Aula Magno Eleemosynario, vel e vivis sublato, fas est Regi Presbyterum aliquem, a suo tamen Episcopo approbatum, ad hujusmodi munus accerere, qui hisce omnibus utatur juribus, iis exceptis, quæ sunt Ordinis Episcopalis. Tandem declaravit Pontifex, Magnum Eleemosynarium, vel qui ejus vires gerit, soli Romano Pontifici esse subiectum. Quoad vero Capellanos, Cantores, & Scholares actu inservientes, & consueta stipendia percipientes, eosdem exemptos voluit ab Episcoporum jurisdictione,

atque Magno Eleemosynario immediate subiectos: utque Capellani Regii, numero triginta, valeant suorum Beneficiorum redditus percipere, quin residentia legibus obligentur, exceptis distributionibus quotidianis, & exceptis quoque Præoendis Theologali, ac Pœnitentiali. Denique in Capella Regis fas esse dixit aservandi Eucharistiam, Oleumque infirmorum; omnia Divina celebrandi; ac, Rege preiente, Missam hora una autelucana, alteraque hora post meridiem.

XV. Quoniam vero ex hujus Pontificiæ concessionis varia interpretatione, varia emergebant dubia, quæ nisi diluerentur, facile perturbarent ecclesiasticam disciplinam; Archiepiscopus Taurinensis, cujus res agebatur, datis litteris ad Summum Pontificem, ut propositas explanaret quæstiones, suppliciter petiit. Cui rescriptit Pontifex rerum ecclesiasticarum, præsertim Juris Canonici peritissimus, Responsum sapientissimis per Archiepiscopum Athenarum Aprocrisiarum Sedis Apostolicæ apud Sardinia Regem transmissis die 1. Novembris anno 1747. quæ communi bono edenda duximus, tum quia hujus libri argumentum insigniter illustrant, tum ne oracula tanti Pontificis, quo doctior pluribus abhinc sæculis in Petri Cathedra nullus sedit, pereant posteritati. 1. Vigilantissimus Antistes sciscitabatur, an Pontificium Diploma concederet Magno Eleemosynario jurisdictionem quasi Episcopalem, & an ea esset strictæ, vel latæ interpretationis; cui Pontifex rescriptit: *Nulla opus esse declaratione*, utpote quia certum est, jurisdictionem quasi Episcopalem, & distinctum Territorium tribui Magno Eleemosynario, intra limites tamen præfixos, & quoad personas in Brevi designatas. 11. An Magnus Eleemosynarius, cujus foro plurimi addicti sunt, possit jus dicere extra proprium Territorium, seu in Aedibus suis a Palatio Regis, ejusque viciniis disitis? Rescriptit Pontifex: *Licentiam in Brevis jam fuisse implicite concessam Magno Eleemosynario, seu Capellano Majori, apertum retinendi Tribunal in domo propriæ habitationis; sed quatenus opus, & ad abundantiore cautelam a Sanctitate Sua eadem licentia nunc pro semper conceditur retinendi Tribunal in domo habitationis suæ, & ubique locorum Regia Majestas se transferat, pro personis tantum Curialibus, & ejus servitio addictis, & infra describendis, quæ tamen licentia expirare debeat, si umquam in Palatiis Regalibus assignaretur Magno Eleemosynario, seu Capellano Majori habitatio*. Nam cum illi exercenda sit jurisdictio, cumque ejus domicilium sit extra Aedes Regias, sequitur, jus illi dicendum esse extra proprium Territorium: quemadmodum Archiepiscopus Ravennatis Ferrariæ, & Episcopus Fesulanus Florentiæ, jus administrant subditis suis. 111. Circa facultatem conferendi Sacros Ordines Capellani, & Clericis Capellæ Regiæ indultam Magno Eleemosynario, hæc quæstiones movebantur; an ei fas esset etiam Sacros conferre Ordines Clericis Palatinis, quorum domicilium est in Palatio, nullum vero ministerium exhibent in Capella Regis? an in Ordinatione illorum Clericorum, qui ministrant in Capella Regis, prærequirantur litteræ testimoniales de natalibus, ætate, & moribus, dandæ ab Episcopis, quibus subiecti sunt ratione originis, vel domicilii, juxta Constitutionem Innocentii XII. *Speculatores*? an iidem rite ordinari possint, si non habeant Beneficium sufficiens eorum conservationi? an si amoveantur ministerio Capellæ Regis, suasque repetant Dioceses, illorum Episcopi inquirere possint, utrum juxta Tridentini Decreta, & Constitutionem *Speculatores* fuerint sacris Ordinibus initiati? Hisce quæstionibus Pontifici-

tifex fecit satis declarando: *Posse Magnum Eleemosynarium, seu Capellanum Majorem, qui semper erit Episcopus, ordinare Capellanos, Cantores, & Scholares Regiæ Capellæ inservientes tantum, vel illis litteras dimissoriales dare, recognitis prius per ipsum causa necessitatis, & utilitatis Ecclesiæ, & titulo Beneficii, & patrimonii, quamvis in Taurinensi, vel alia Dioecesi positi, an sit securus, stabilis, perpetuusque, & sufficiens ad congruam ordinandi sustentationem, juxta taxam Dioecesis, nec non habitis prius litteris testimonialibus proprii Episcopi originarii, vel domiciliiarii, si tamen ordinandus discessit a Dioecesi in ætate, in qua potuerit canonicum impedimentum contrahere, & non alias: quod si testimoniales litteræ denegentur, nullaque iusta causa afferatur; tunc & in eo casu post præmissam trinam monitionem adeundus erit Nuncius Apostolicus, vel Sancta Sedes, ad hoc ut iustis remediis, vel cogantur Episcopi ad tradendas litteras testimoniales, vel ordinatio absque dictis litteris tuto, & impune fieri possit. Nec movere debet, quod Capellani Regis amoveri possint ab illius obsequio; cum & ordinati ab Episcopo ratione Beneficii possint Beneficio se abdicare, vel eo alia ratione destitui. Caterum de ordinandis a Magno Eleemosynario Principibus Regiæ stirpis nulla excitata est quæstio, cum hi re ipsa ratione originis Magno Eleemosynario subjiciantur. iv. An possit absolvere a criminibus quorum absolutio est Episcopus reservata, etiam extra proprium Territorium? Cui quæstioni Pontifex respondit: *Posse Magnum Eleemosynarium, seu Capellanum Majorem, per se ipsum, vel alios Sacerdotes ab ipso approbandos, excipere omnium Christi fidelium Confessiones in Regiis Capellis, sed non posse absolvere a casibus Episcopis reservatis, nisi solos Curiales, & Curiam Regis sequentes.* Ni enim fas esset Sacerdotibus approbatis a Magno Eleemosynario audire in Capellis Regiis omnium Confessiones, non levis exercitaretur rerum perturbatio, cum Capellas Regias nedum Aulici, sed & fideles omnes adeant, ut sacris rebus incumbant. Ne vero frustretur criminum reservatio ab Episcopis facta, hinc Sacerdotibus illis quoad solos Aulicos, seu jurisdictioni Magni Eleemosynarii subjectos, permittitur facultas hujusmodi crimina relaxandi. v. Cum in Pontificio Brevi mentio tantummodo fiat de infantibus Turcis, ac Saracenis a Magno Eleemosynario baptizandis, Rege præsentem; dubitatum fuit, an Hebræi, & Idololatæ, in præsentia Regis possint licite a Magno Eleemosynario sacris aquis abluï? Cui Pontifex: *Posse infantes, & Turcas, & Saracenos, ac Hebræos, ac alios quoslibet infideles, qui in præsentia Regis ex quavis causa pro tempore baptizabuntur, baptizare.* Verba enim Pontificiæ concessionis non sunt *saxativa*, ut ajunt, sed *demonstrativa*, nempe exprimunt unam, vel alteram infidelium gentem. vi. An competat Pro-Eleemosynario facultas concedendi Indulgentias in Missa solemni, & in concionibus, præsentem Rege? Et an hac facultate Magnus Eleemosynarius uti possit in Ecclesiis, quæ non sunt Capellæ Regiæ, & præsentibus Episcopis Dioecesanis? Declaravit Pontifex: *Nullum jus competere Pro-Capellano benedicendi super populo, & concedendi, & publicandi Indulgentias biscentum dierum in Missis solemnibus, & concionibus habendis in præsentia Regis.* Hæc liquidem jura competunt Episcopis, in quorum numero haud est Pro-Capellanus Regis. *Posse tamen Magnum Eleemosynarium benedicere super populo, publicare Indulgentias biscentum dierum in Missa solemniter celebrata, etiam in præsentia Archiepiscopi, vel Episcopi Dioecesani, atque etiam benedictionem dare**

Concionatori, tamen in praesentia Regis, aut in Regiis Capellis. Nam Capellæ Regiæ sunt ei subiectæ, atque ipse Episcopali ornatus est dignitate.

XVI. Septimo dubio inquirebatur; quænam Regia Palatia completur Magni Eleemosynarii jurisdictionio, an etiam ædes Regio Palatio proximas, præsertim cum in his ædibus plures degant, qui minime spectant ad Regis familiam? Declaratum fuit a Pontifice: *Omnia Palatia antiqua, & nova Majestatis suæ, una cum aliis fabricis annexis, apothecis, & cubiculis, si quæ sint, sub illis positis, & etiam si personis quibuslibet locatis, habenda fore, & esse de Territorio Majoris Eleemosynarii, seu Capellani Majoris; sicut etiam Majestatem suam, Regalem ejus sobolem, vel familiam, ministros, milites, domesticos, & inservientes, eorumque familias, ut infra describendas, & demum omnes in dictis Palatiis quocumque modo ibi habitantes, etiam ex causa studiorum, vel alia accidentali ex causa apud eorum parentes commorantes, & apothecas, & cubacula forte conducunt, censendos fore, & esse jurisdictioni Magni Eleemosynarii, seu Capellani Majoris subiectos.* Quamvis enim in ædibus Regio Palatio finitimis plures commorari possint, ac commorentur, qui nullo modo spectant ad Regium famulitium; nihilo tamen minus, ad perturbationem omnem eliminandam, quæ facile emergeret, si in eadem domo, vel in eodem loco, nonnulli subderentur spiritali jurisdictioni Magni Eleemosynarii, alii vero nequaquam, idcirco eidem Magno Eleemosynario jus conceditur in omnes, qui vel hospitii, vel alia quacumque causa, habitant loca illius jurisdictioni subiecta. VII. Quid juris, si Ædes Regiæ, earumque vicinæ in posterum novis ædificiis ampliuntur? Respondit Pontifex: *Territorium Magni Eleemosynarii, seu Capellani Majoris nullo modo esse ampliandum, etsi ære Regio in futurum conducatur alia domus ad majorem commoditatem, necum Regalis familie, verum etiam hospitem, ministrorum, exterorum, & aliorum Curialium.* IX. An vero Palatii Regii nomine comprehendantur etiam Palatia ad delicias Regis excitata, & quæ sunt in aliis Civitatibus ditionis Sabaudorum Principum? Respondit Pontifex: *Sub nomine Palatiorum Regiorum ad effectum, de quo agitur, venire Palatium Veneriæ cum aliis domibus, & annexis, nec non fabricam Supergæ.* X. An Palatia quoque Principum Regiæ stirpis, natalibus relictorum, sive Taurini, sive aliis in locis existentia, spectent ad jurisdictionem Magni Eleemosynarii? Itidem, an in iis locis fas sit Parochis, & Sacerdotibus approbatis ab Episcopo, Sacramenta ministrare? Huic questionis responsum hujusmodi datum est: *Nullum Palatium Principum sanguinis legitimorum, aut legitimorum esse de Territorio Magni Eleemosynarii, seu Capellani Majoris; sed tantum dictos Principes, eorumque familias, & domesticos, & hospites fore, & esse jurisdictioni Magni Eleemosynarii, seu Capellani Majoris subiectos, & inter domesticos, & familiares dictorum Principum recenscantur uxor, filii, & nepotes ipsorum domesticorum, & familiarium, nec non famuli ipsorum familiarium, si tamen in Palatiis habitent, & non alias. Et quoad administrationem Sacramentorum Principibus sanguinis, eorumque familiis faciendam, illam extra Curiam scilicet extra locum, ubi Regia Majestas, ejusque Curia non reperitur, spectare ad Parochum loci, excepto Matrimonio, ad quod contrahendum servetur forma sacrosancti Concilii Tridentini.* XI. An principibus Regiæ stirpis licitum sit in qualibet Ec-

cle-

clesia accipere Sacramenta a Capellanis Regiis? Responsum fuit: *Nul- lum jus competere Principibus Sanguinis eligendi Ecclesiam extra Ca- pellas Regias Taurini, & alibi positas, xii. Quinam proprie loquen- do dicendi sint Curiales, & Officiales Aulici? & an etiam familiares, domestici, atque hospites Aulicorum sint de jurisdictione Magni Eleemo- synarii? Declaravit Pontifex; Esse exemptas ab Archiepiscopo, & respective subjectas Magno Eleemosynario, seu Capellano Majori perso- nas describendas in calce horum foliorum. Sub nomine Ministrorum, & Scholarium Regiæ Capellæ venire Capellanos, Clericos, Musicos, Sona- tores, ceterosque alios, etsi Clericali charactere non insignitos ad Offi- cia Divina peragenda, & Musicales concentus formandos, & servilia ministeria Ecclesiæ præstanda necessarios, & certa annua mercede con- ductos. Hospites vero sunt, qui nullum habentes domicilium Taurini, illuc aliqua ex causa temporanea se conferunt ad habitandum in Regiis Palatiis, vel in Palatiis Principum Sanguinis. Congruum fore, & esse, ut Ministri, & Officiales Ordinis SS. Annuntiationis æque ac Equites Torquati sint subjecti Magno Eleemosynario, seu Capellano Majori. xiii. An qui ad jurisdictionem spectant Magni Eleemosynarii, si in locis, seu Ecclesiis versentur illi minime subjectis, licite possint Sacramen- ta accipere a Sacerdotibus approbatis ab Ordinariis locorum, haud requisito consensu Magni Eleemosynarii? Pariter, an Capellani, Cle- ricique Capellæ Regiæ, qui extra Regias Aedes degunt, & consequen- ter in locis Episcopo Diocesano subjectis, itidemque alii Officiales Aulici, licite valeant Sacramenta percipere, uti Viaticum, & Pœni- tentiam morte imminente, vel Eucharistiam in Paschate, a Sacerdo- tibus approbatis, & designatis ab Episcopo Diocesano ad Sacramen- ta ministranda, nulla expetito consensu Magni Eleemosynarii? Has quaestiones Pontifex his verbis definivit: *Principes Sanguinis, Curia- les, aliosque Regio servitio addictos, si intra Curiam sint, posse ex spe- ciali favore Sanctitatis suæ in Ecclesiis extra Territorium Magni Eleemo- synarii, seu Capellani Majoris absque ulla istius licentia a quocum- que Sacerdote ab Ordinario approbato recipere sola Pœnitentia, & Eu- charistiæ Sacramenta; & cetera Sacramenta ultima infirmitatis, & Communionem Paschalem sumere debere a Magno Eleemosynario, seu Capellano Majore, aut alio Sacerdote de istius licentia, excepto solo Matrimonio, in quo observetur forma Sacri Concilii Tridentini. Quod si prædicti permaneant extra Curiam, tunc, & eo casu administratio- nem omnium Sacramentorum spectare ad Parochum loci, præter illud Matrimonium, in quo pariter servetur forma Sacri Concilii Tridentini. xiv. Ut nullus superesset dubitationi locus circa personas Regis obse- quio addictas, & ne ulli adnumerarentur Curialibus, Aulicis, & fami- liæ Regis, qui revera in illorum numero minime essent recensendi; interpellavit Pontificem Taurinensis Antistes, ut indicem daret eor- um omnium, qui Magni Eleemosynarii jurisdictioni subdebantur. Cui Pontifex fecit fatis sequenti indice.**

XVII. In albo exemptorum in Aula Regum Sardinie recensentur, Rex, ejusque liberi, filiarve, eorumque poster, Aulici omnes cujus- vis famulatus generis, vel ipsi veterani, qui Italice *Giubilati* dicun- tur, exceptis tamen iis, qui Regiæ Aulæ addicti sunt honoris titulo; Magnus Eleemosynarius, Supremus Præfectus Regiæ Domus, Magnus Cosmeta Regius, Supremus Præfectus Regii stabuli, Supremus Cura- tor Regiæ venationis, Magnus Custos Regii vestiarii, Supremus Cæ-
re-

remoniarum Præfectus, Regius Educator, Rectores, & Institutores Regiæ progeniei, eorumque Vicarii, Matronæ Aulicæ, Equites Honorarii, Præfecti eorumque Regis, Reginæ, & Principum, & illorum ministri, Præfecti Domus Regiæ, Præceptores, Pædagogi, Magistri, Præfecti Bibliothecæ, qui Regis sunt a mensa, vulgo *Gensilomini di bocca*, qui sacras Confectiones excipiunt, stipis Distributores, seu Eleemosynarii; Parochi, eorumque Vicarii, Capellani, Clerici, Custos SS. Sindonis, Sacristæ, cæterique Capellæ Regiæ ministri, Clerici Ecclesiæ Regiæ Superghæ, Præfecti Mûsices, organorum Modulatores, Mûsici, Fidicines; Præfecti expensorum Domus Regiæ vulgo *Controlleur*, Pueri Aulici, eorum Præceptores, Rectores, & Ludimagistri, Medici Aulici, Chirurghi, Pharmacopolæ, Tonsores, Cubicularii, Pictores Aulici, Artifices, & Curatores aulicorum, Sartores, cæterique quorum est cura arcæ vestiliariæ, Janitores, Tympanistæ, Buccinatores, Servi a pedibus, Famuli, Cursores, Aurigæ, Curator Regiæ Domus, ejusque ministri, Servator Pinacothecæ, Præfectus ærarii, Custodes gemmarum, acque argentæ supellectilis, Regis a libellis, vulgo *Auditore*, ejusque Vicarius, Venatores, Servatores prædæ venatione captarum, Custos gallorum Phasianorum, Cultores hortorum Regis, Abaci Custodes, Dulciarii, cæterique secundæ mensæ ministri, Præcedens Domum Regiam, vulgo *Foriero*, Pistores Aulici, Custodes Corporis Regis, alique milites prætoriani cum suis Ducibus, & qui omnes comitantur Regis itinera. Præterea in exemptorum numero sunt, Principes Regio sanguine orti, natalibus restituti, cum eorum familia, famulatio, tum etiam hospites habitantes illorum Principum domicilia; qui Regis est a summis imperii negotiis pacis bellicque, vulgo *Secretario di Stato*; qui Regis sunt ab epistolis; Equites Regalis Ordinis SS. Annuntiæ, & ejusdem Ordinis Officiales; Legati Principum apud Sardinæ Regem; Curator Regii Tabularii, ejusque ministri.

XVIII. Jam alibi innuimus vetustissima quædam jura Cleri Palatini nostrorum Principum. Nam a Longobardorum ævo adnotavimus Palatinos Clericos exemptos quodammodo fuisse a suorum Episcoporum jurisdictione, ex Capitulari Radelchisi Principis Beneventanorum, ubi Abbates, Canonici, Clericique *ad Palatinum pertinentes*, aut, qui *in Palatio serviunt* excipiuntur a communi lege, cui cæteri subdebantur. Hanc autem exemptionem conjicimus in eo potissimum stetitisse, quod Palatinis Clericis fas esset suarum Ecclesiarum ministerium deserere, residentię legibus absolvi, atque hoc sensu ab Episcoporum auctoritate eximi. Neque enim tunc temporis privilegia hæc latius extendebantur. Regnantibus Andegavensibus, singulare fuit privilegium Cleri Palatini, ut a residendi necessitate esset inmunis. Id in gratiam Caroli II. Regis indulsit Bonifacius VIII. cujus litteras Anania datas anno primo Pontificatus, e publicis Tabulariis erutas, ad annum 1293. exhibet tom. 2. MSS. Chioccarellus. Ibi Pontifex ob præclara Regis in Ecclesiam merita annuit, *ut octo Clerici sui, qui suis ad præfens insistent obsequiis, vel in futurum insistent, quosque ad hoc duxeris nominandos, fructus, redditus, & proventus Beneficiorum suorum Ecclesiasticorum, etiamsi Dignitates, vel Personatus existant, aut curam habeant animarum, quæ nunc obtinent, & quæ ipsos obtinere contigerit in futurum, cum ea integritate percipere valeant, quotidianis distributionibus dumtaxat exceptis, cum quæ illos perciperent si in Ecclesiis, in quibus eadem existunt Beneficia, vel existent, perso-*
na.

naliter residerent. Idem privilegium, iisdemque clausulis, eidem Regi confirmavit anno 1304. Benedictus XI. ita tamen ut duodecim Clericos familiares, domesticos, commensales Regis complecteretur, & ad decennium usque vim haberet. Rursum a Clemente V. circa annum 1310. & a Joanne XXII. anno 17. Pontificatus, renovatum, confirmatumque est in gratiam Roberti Regis huiusmodi privilegium, cui derogatum nunquam esset, nisi illius specialis mentio haberetur. Extant hæc monumenta tom. 2. MSS. Chioccarelli. Jam vero etsi octo, vel duodecim Palatini Clerici hoc beneficio donati essent, non inde fit, ex hisce tantum, sub Andegavensium imperio, coaluisse Clerum Palatinum. Nam ex iis, quæ dicta sunt, & ex publicis Tabulariis conficitur, Clericos longe plures in familiarium, & domesticorum loco Regibus adhasisse. Verum, cum ex his plurimi vel Cœnobitæ essent, vel nullis fruerentur Beneficiis, hinc satis superque fuit, si immunitas illa residendi ad duodecim Clericos porrigeretur. Illud vero ex allatis monumentis conpertum est, privilegia non ad illos tantum deferri Clericos, qui Divinis Officiis in Aula vacabant; sed ad illos quoque, qui Aulæ, vel Regni munera gerebant. Quod indicant Bonifacii VIII. litteræ, & clarius Benedicti XI. his verbis: *quandiu obsequiis tuis iussiterint, vel cum ipsos ad aliqua tua negotia duxeris transmittendos, dum in executione negotiorum huiusmodi fuerint, eundo, redeundo, morando.* Liberum itaque erat Regibus nominandi, designandique, quos vellent e suis Clericis, qui a residentis nexu solverentur, sive sacro ministerio, sive Reipublicæ negotiis gerendis darent operam.

XIX. Inter alia privilegia Cleri Palatini fuisse exemptionem a solvendis decimis, quæ a cæteris Beneficiariis debebantur, indicant litteræ Ferdinandi Regis datæ anno 1474. Episcopo Averfano Magno Capellano, ut ne sineret Matthæum de Lauro Regium Capellanum adigi ad eas decimas persolvendas. Huiusmodi decimæ fuerunt extraordinaria quædam subsidia a Clericis expressa ad sacras expeditiones peragendas, ad Albigenfes profligandos, ad subjugandum Byzantium, ad Turcas propulsandos, ad Ecclesiam juvandam, flagrante Ichismate Avenionensi. Quare cum novæ in dies emergerent causæ eas imperandi, jam annuæ, & ordinariæ evaserant, nec raro in alios usus distrahebantur, unde plurimæ Episcoporum querelæ in Concilio Constantiensi, de qua re fuit agit Thomassinus par. 3. lib. 1. cap. 44. de Beneficiis. In Neapolitano Regno tertia illarum pars concedebatur Regi, cujus rei plura monumenta exhibet tom. 11. MSS. Chioccarellus; quemadmodum Hispaniæ Reges, annuente Alexandro VI. tertiam decimarum partem sibi vindicabant, uti refert Gonzalez cap. 19. de Decimis. Itaque Clerici Palatini his exactionibus minime adstringebantur, eaque illis iura servata fuere cum ab Adriano VI. anno 1524. Clemente VII. anno 1527. Paulo III. anno 1546. Julio III. anno 1552. & a Pio V. anno 1569. decimæ indictæ fuerunt. Nam regnante Carolo V. Prorege Petro de Toledo constat ex monumentis relatis a Chioccarello tom. 2. MSS. hanc illis exemptionem assertam fuisse, quam antiqua consuetudine iunctus testatus est Capellanus Major in quadam Consultatione anno 1533. ad Proregem data. Sed & Romani Pontifices huic illorum favebant exemptioni, dummodo non ita excreveret eorum numerus, ut in dānum cederet aliorum, qui persolvendis decimis tenebantur. Hinc a Paulo III. edita Constitutione *Intelligentes* die 26.

Sep.

Septembris, anno 1537. declaratum fuit, *neminem ex dictis privilegio alicujus exemptionis uti posse, nisi Capellanum Majorem, & alios, qui dicta Capelle personaliter inserviunt*. Hinc etiam huic Pontificio decreto obtemperandum protinus voluit Carolus V. datis ab Marchione Vil-
lefranca Proregem litteris anno 1540., & Philippus II. litteris datis anno 1577. ad Nuntium Pontificium. Monebantur proinde decimarum Collectores a Proregibus, ut illasam servarent Regiis Capellanis eam immunitatem, quemadmodum a Petro de Toletto anno 1539. & a Cardinale de Cueva anno 1559. Regni Proregibus factum legitur tom. 2. Chioccarelli. Ibi & libellus supplex occurrit Archiepiscopi Hydruntini anno 1573. quo Proregem interpellat, ut sibi tanquam Capellano uni, hoc privilegium vindicaret. Denique cum anno 1601. Clemens VIII. nonnullas decimas imperaverit, Capellani Regii Proregem exorant, ut sua illis jura custodiret; cui rei nedum suffragatus est Major Capellanus, sed & Cardinalis Aldobrandinus Magnus Romanæ Ecclesiæ Camerarius, datis litteris die 22. Februarii anno 1603. ne decimarum Collectores eas a Regiis Capellanis repeterent.

XX. Quæ fuerint antiqua jura Majoris Capellani Regni Neapolitani, enarrat Sanctissimus, & Gloriosissimus Pontifex BENEDICTUS XIV. in sua Constitutione ad hanc rem data anno 1741. die 6. Julii. Ibi enim ait: *Sane dilectus filius noster Trojanus tituli S. Cæcilie S. Romanæ Ecclesiæ Presbyter Cardinalis de Acquaviva nuncupatus pro parte carissimi in Christo filii nostri Caroli Sicilie, & Hierusalem cum tota terra citra Pharum Regis illustris, & Hispaniarum Infantis, Nobis nuper exposuit, quod a tempore, cujus memoria non extat, ad Capelle Regiæ Capellanum Majorem in toto Regno Neapolitano pro tempore existentem, non solum cura spiritualis Regiæ familiæ, consanguineorum, affinium, ac omnium personarum in Curia, seu Aula Neapoli existentium commorantium, ipsamque Curiam sequentium pertinet: sed & in quibusvis Civitatibus, Oppidis, & locis, in quibus Rex pro tempore existens, Regiæque familiæ residere contigerit continue, vel ad tempus, curam animarum familiæ Regiæ, omniumque, & singularem personarum tam ex propriis Regnis, & Dominiis originem habentium, quam extraneorum cujuscunque status, gradus, ordinis, & conditionis, & præminentia existentium, tam Ecclesiasticorum, quam secularium (Archiepiscopis, & Episcopis exceptis) & insuper omnium militum, & Officialium, aliarumque personarum cujuscunque ordinis, & gradus in castris, arcibus, seu fortalitiis, exercitibus, nec non in trivernibus, navibus, ratibus, aliisque hujusmodi maritimis lignis Regio servatæ inserviientium, & militantium exercere, earumque Rector in spiritualibus nuncupari, easque corrigere, & visitare, ac in eisdem omnimodam jurisdictionem ordinariam, omnia & singula alia, quæ Archiepiscopi, & Episcopi, ac alii locorum Ordinarii in Diocesis suis de jure vel consuetudine, aut alias quomodolibet facere, & exercere consueverunt, idem Capellanus in prænomatas personas non solum in Regia Capella, & Palatio, sed in omnibus aliis supranominatis ac designatis locis exercere, vel per se, vel per alios Ministros, & Capellanos a se deputatos solet. Hujus consuetudinis, quæ omnem hominum memoriam excederet, plurima congestit monumenta e publicis Tabulariis eruta to. 2. MSS. Chioccarellus.*

XXI. Cujus quidem originem placuit nonnullis repetere ex eo, quod olim ab Episcopis ipsis, vel a Regibus de consensu Episcoporum,

rum, annuebantur privilegia & exemptiones Monasteriis, & Monachis, Capellis, Capellanisque, Nosocomiis, illorumque ministris. Et privilegia quoque, quibus Capellæ, & Capellani Regum Angliæ fruebantur, nonnisi veteri consuetudine firmata erant, unde reclamantibus Episcopis, ad eam recurrebatur, uti apud Thomassinum legitur. Jus Archiepiscopi Cantuariensis, ut in qualibet Diocesi haberet Ecclesiam sui juris, antiqua nitebatur consuetudine. Erat & Archiepiscopo Strigoniensi in Hungaria plena jurisdictio in omnes Abbatis, & Præposituras Regales Regni totius, antiquo usu roborata, quam plures Romani Pontifices ei confirmarunt, uti ad annum 1231. refert Rainaldus. Quin etiam jus illud Patriarcharum Orientalium, quo exempta erant ab Ordinariorum jurisdictione, solisque Patriarchis subiecta Monasteria illa, quorum in fundatione defixa fuerat Crux Patriarchalis, profluebat ab antiquissima consuetudine, cui vim canonis inesse respondebatur Episcopis non raro contradicentibus, uti testatur Balsamon scribens in Can. 31. Apostolorum. Jure quoque Canonico addita est vis veteri consuetudini. Nam Innocentius III. in Cap. *Audis*, de Præscrip. ratam habuit jurium Episcopatum præscriptionem in quibusdam Ecclesiis, quam Abbas Eveshamensis opponebat Episcopo Wigornienfi: *Verum*, inquit, *tanto tempore probantur per testes ab Abbatibus Eveshamensibus pleno jure possessa, ut videantur in jus Episcopale legitime præscripsisse.* Et Cap. *Cum olim*, eodem Titulo, confirmat cuidam Abbati Episcopalia jura, quæ illi in Capellis plurimis competeabant ex vetustissima consuetudine: *quia prædictus Abbas sufficienter ostendit Monasterium suum super institutionibus, destitutionibus, ordinationibus Plebani, & Clericorum, Baptismo, & Penitentia in levioribus culpis, sepultura, decimarum perceptione, ac Divinis Officiis celebrandis, tam in plebe, quam in Capellis etiam supradictis, in excommunicando, atque interdicens, & etiam absolvendo legitimam præscriptione munitum, Abbatem ipsum ab impetitione tua super jam dictis articulis duximus absolvendum.* Estque evulgatum, probatumque inter Juris Canonici peritos axioma, consuetudine acquiri posse, quæ privilegio acquiruntur. Hæc attendens Sapientissimus Pontifex, cujus summa fuit in rebus ecclesiasticis peritia, attendens quoque celebrem illam sententiam Augustini ep. 118. cap. 5. *Ipsa mutatio consuetudinis, etiam, quæ adjuvat utilitate, novitate perturbat*, rata habuit, probavitque jura illa omnia Magni Capellani. Quemadmodum Cælestinus III. Cap. *Quod dilectio*, de Conseq. & Affin. maluit deferre antiquæ consuetudini, quam inducta novitate diffidiis causam præbere: *In hac parte consultius duximus multitudini, & observata consuetudini deferendum, quam aliud in dissensionem, & scandalum populi statuendum, quadam adhibita novitate.*

XXII. Nam huic Majoris Capellani jurisditioni sæpe Ordinarii locorum reluctabantur, ut idem refert Sanctissimus Pontifex: *Cum autem ex hujusmodi facultatum usu, & exercitio plura dubia, questiones, & diffidia inter Archiepiscopos, & Episcopos Regni Neapolitani, & prædictum Capellanum Majorem exorta fuissent, quæ adhuc vigent, & graviora in diem non sine fidelium scandalo simeri possunt, nomine prædicti Caroli Regis pro eximia sua pietate hujusmodi malo congrua adhibere remedia cupientis supplicavit, ut omnes, & singulas facultates, jura, & prærogativas in quascumque personas, & in quibuscumque locis, Capellano Majori totius Regni Neapolitani pro tempore exi-*

*stenti ex antiqua & immemorabili consuetudine, vel etiam ex indulto, & privilegio Sedis Apostolicæ, vel alia quacunque ratione competentes, nostræ confirmationis robore communiro. Ut his diffidiis finem imponeret jam olim Clemens VIII. anno 1603. litteras in forma Brevis ediderat, a Chioccarello relatas, quibus constituit, Majorem Capellanium curam gerere animarum eorum omnium, quorum est in Palatio domicilium; iidem per se, vel per alios Sacramenta administrare Pœnitentiæ, Eucharistiæ, Matrimonii, Unctionis extremæ; Clericos Palatinos absolvi in quibusdam casibus ab excommunicatione, & irregularitate; eorum causas discutere, in prima tamen instantia; & Sacris operari in quacunque Ecclesia Prorex præsens adesset. Memorat hoc Clementis VIII. Breve Pignatellus tom. 6. Consult. 80. ubi nonnulla profert Sacræ Congregationis Episcoporum, & Regularium Decreta in hac re, Pontificiis illis litteris consentanea, nempe in Tarentina die 3. Aprilis 1618. Neapolitana 4. Augusti, ejusdem anni, Brundusina die 5. Septembris 1607. Gravinesi 2. Maji 1615. Salernitana die 16. Februarii 1619. Neapolitana 11. Aprilis 1720. Verum enimvero, quod Pontificiæ litteræ non eam omnem Majori Capellano jurisdictionem permitterent, qua ab antiquissima consuetudine utebatur, Philippus III. Rex Hispaniæ, & Proreges Comes Lemosensium, & Comes Beneventi, Pontificem exorarunt, ut ne Regiis iuribus, & inveteratæ consuetudini vellet derogatum. Quamobrem annuerunt Romani Pontifices, nedum Clemens VIII. sed etiam successores, ut illarum litterarum executio suspenderetur. Illud tamen cautum voluit litteris suis Clemens VIII., ut si Neapolim adire contigisset Rex Hispaniæ, aut ejus successores, tunc Majori Capellano Neapolitani Regni omnia competenter iura, quæ Magno Capellano Regis Hispaniæ: *Si contingat, inquit Pontifex, Majestatem tuam, & pro tempore existentes Hispaniarum, & utriusque Sicilia Catholicos Reges tuos successores ad prædictum Neapolitanum Regnum personaliter accedere, ibique personaliter residere, aut commorari: Capellanus Major tibi Regi, tuisque successoribus actu interserviens, etiamsi forte Capellanus ipse pro Regno Neapolitano constitutus, & deputatus existeret, omnibus privilegiis, facultatibus, & gratiis, indultis, & prærogativis per nos, aut Romanos Pontifices prædecessores nostros Capellano Majori Capellæ Regiæ in Hispaniarum Regno esistenti, etiam donum, & familiam Regiam sequentes concernentibus uti, frui, gaudere, illaque exercere etiam in prædicto Neapolitano Regno, quamdiu ibidem Reges moram trahent, juxta privilegiorum eorundem formam, continentiam, & tenorem ultra præmissis gratias, facultates, privilegia, & indulta in præsentibus litteris comprehensa, libere, ac licite possit, & valeat, earumdem tenore permitimus, concedimus, & pariter indulgemus. Equum sane erat, & consentaneum, ut præsentibus in Aula Regibus uberiora privilegia Magno illorum Capellano conferrentur. Cum itaque prædictis Clementis VIII. litteris in forma Brevis Prorex Beneventani Comes, & Colaterale Consilium executionem denegandam statuerint: hinc Sacra Congregatio Episcoporum, & Regularium, annuente Pontifice, indulgit per annos decem, ut consuetas Major Capellanus exerceret facultates. Interea plurimi (in eorum numero Regens de Ponte) probandum tumpere, non personæ tantum Caroli V. ejusque Capellano, sed Regali etiam Capellæ privilegium a Leone X. fuisse elargitum, ideoque, non temporariam, sed perpetuam, irrevocabilemque inditam ei fuisse durationem,**

nem, lapſoque decennio, abrogatas per contrariam conſuetudinem eſſe Clementis VIII. limitationes: & hinc factum eſt, ut Capellanus Major, omiſſis deinceps novis ſuarum facultatum a Romana Curia proro-
gationibus, in eorundem uſu, ac exercitio, veterem juxta conſuetudi-
nem perſequeretur. Proinde nec deſierunt Episcoporum querelæ. Hinc
Sacra Congregatio Concilii die 23. Novembris 1733. graves dedit ad
Celeſtinum Galianum Archiepiſcopum Theſſalonicenſem, & Capellani
Majorem litteras, quod nimius eſſet numerus Regionum Capellano-
rum, eoſdem ad Ordines promoveret, Altaria ipſe confecraret, Con-
firmationis Sacramentum conferret, Pontificalia quoque ageret, in conſulto
Antiſtite Dioceſano. Verum, quod hiſce Romanis litteris deeſſet
Placitum Regium reſcripſit Galianus, hæſce quæſtiones diſcutiendas eſſe
opera Nuntii Pontificii in ipſa Regis Aula, ſe nulla eſſe præditum ſacul-
tatem ad hæc negotia pertractanda, ac immemorabilem ſervare conſue-
tudinem hauſtam a ſuis Prædeceſſoribus. Rem narrat doctiſſimus Caro-
lus Gagliardus, nunc meritiſſimus Episcopus Muranus Inſtit. Jur. Can.
Lib. 1. Tit. 23. §. 18. Tandem diuturnum hoc ſiluit diſſidium ob Be-
nedicti XIV. Conſtitutionem, ad hanc rem latam, de qua dicendum
erit Capite ſequenti.



C A P U T V.

DE FACULTATIBUS CAPELLANI MAJORIS
REGNI NEAPOLITANI.

Regum nostrorum plura sunt in Ecclesiam merita. II. Omnia Divina Officia celebrari possunt in Capella Regis, Sacramenta, & Sacramentalia asservari. III. Regibus fas est cuilibet Presbytero officium, jurisdictionemque Capellani Majoris committere. IV. Quae loca completitur hujus jurisdictio. V. Et quas personas. VI. Ea jurisdictio est ordinaria. VII. Ad ipsum spectat Clericos, Capellanosque constituere pro sacro Aula ministerio, Arcium, & Exercitus. VIII. De eorum numero. IX. Deque eorum exemptione ab Ordinariorum jurisdictione. X. Concionatores Aulici a Capellano Majore facultatem, & benedictionem accipere debent. XI. Clerici, & Scholares Regiae Capellae, & Ecclesiae S. Sebastiani possunt ab eo ad sacros Ordines promoveri. XII. Presbyteri ad audiendas sacramentales Confessiones in Aula, Arcibus, & Exercitu ab eodem habent facultatem, & adprobationem. XIII. Horum tamen auctoritas extendi nequit ad alia loca, aliasve personas. XIV. Bene vero Aulici, Militesque possunt Sacramenta suscipere a Presbyteris ab Episcopo Diocesano approbatis. XV. Aulicis, & Militibus Sacramenta omnia administrare potest Capellanus Major, vel per se, vel per alios. XVI. Iisdem permittitur sum opera servilia, diebus festis; sum carnea cibaria, diebus jejunii. XVII. De facultatibus Capellani Majoris quoad milites in statione. XVIII. Et quoad eosdem, dum sunt in expeditione. XIX. Alia quaedam privilegia addita recensentur. XX. Quam ampla sit Capellani Majoris auctoritas.

Summus Principes, qui de Ecclesia Catholica, deque Apostolica Sede meruerint optime, spiritualibus beneficiis prosequendos esse, praefatur Pontifex in ipso Constitutionis exordio. Neminem vero latere arbitror praclarissima, quovis tempore, Regum nostrorum in Ecclesiam merita. Quod nempe regiones hasce pulsis Saracenis, Graecisque, Catholicae Fidei, & Patriarchatui Romano vindicaverint; Ecclesias plurimas, Sacerdotia, Monasteria, vel restauraverint, vel de novo excitaverint; Romanorum Pontificum leges, jura, dignitatem sanctissime coluerint; eorum clientelae se, suosque commiserint; Regnum Sedi Apostolicae tributarium fecerint; Christianorum res in Palaestina copiis, & pecunia adjuverint; Romanis Pontificibus bello, aut schismate oppressis, opem, praesidiumque contulerint. Ita Robertus Wiscardus Gregorio VII. Willelmus II. Alexandro III. quos exagitabant arma Imperialia; Robertus Clementi V. contra Hen-

ricum

ricum VII. & Joanni XXII. contra Ludovicum Bavarum Imperatores, Ghibellinosque; Joanna II. Martino V. contra Braccium infensissimum Romanæ Sedis hostem; Alphonsus Eugenio III. ad reprimendum Franciscum Sfortiam, milite, pecunia, consilio, omnique opera subsidium validissimum præstiterunt. Insignia quoque fuerunt merita Caroli III. erga Urbanum VI. & Ladislai erga Bonifacium IX. atque Gregorium XII. flagrante schismate Avenionensi; nec non FERDINANDI I. erga Pium II Romanos Pontifices. Austriacæ vero, & Borboniæ nobilissimæ gentis, in universam Ecclesiam, Sedemque Apostolicam merita præstantissima, longum, & operosum esset recensere. Silentio tamen prætereundum non est, Carolum Borbonium religiosissimum Principem, in ejus gratiam sequentia privilegia concessa sunt, atavorum, & prædecessorum Regum meritis, sua quoque plurima adjunxisse. Hinc scitissime exorditur Pontifex, ex illorum Principum numero eum esse, *qui ex præclaris Majorum suorum meritis, & suarum virtutum ornamentis, pietate erga Deum, devotione, & obsequio erga Sanctam Sedem, in conspectu omnium splendere noscuntur*. Quamobrem Pontificia hæc Constitutio recensenda est inter privilegia remuneratoria, non ea tamen, quæ personalia sunt juxta *Leg. 1. ff. De Constit. Princip.* ubi dicitur privilegia inducta propter merita, *personam non egredi*; sed ea, quæ perpetua sunt, utpote concessa præcipuè rei, ac dignitati, consequenter vero personis. Data est anno 1741. Pontificatus primo, die 6. Julii, quam in hujus Operis calce integram exhibemus: cui additum est, anno sequenti, Rescriptum aliud, *Morum proprium* nuncupatum, ut innuatur ex mera liberalitate, & spontanea concessione beneficia hujusmodi indulgeri; quo Rescripto, majora in Magnum Capellanum transferuntur jura.

II. Primo itaque annuit Pontifex, ut in Capella Palatina Neapolitani Regis, ad instar publicæ Ecclesiæ, Divina omnia Officia peragantur; Missæ celebrentur hora antelucana, & altera post meridiem; Sacra Eucharistia & aservetur, publicæ adorationi exponatur, & in supplicationibus circumgestetur; Sancta quoque Olea custodiantur, & nedum in ea Capella, verum etiam in omnibus Capellis Arcium, & in Regiis Triremibus, ac Navibus bellicis, tempore tamen navigationis. Et olim quidem aservatam Eucharistiam in Sacra Palatina Æde nostrorum Principum, celebrata ibi quoque fuisse solemnem ritu Divina Officia, compertum est ex iis, quæ dicta sunt, quæque dicenda erunt. Sed & ex litteris datis in forma Brevis die 20. & 23. Decembris 1740. Divinam Eucharistiam ibi aservari permiserat; & ejus Altare perpetuo jure privilegiatum declaraverat. Oleum infirmorum in Regiis Triremibus aservari, olim ad septennium Pontifices concedebant, uti ex litteris Pauli V. anno 1614. Urbani VIII. anno 1624. aliisque apud Chioccarellum tom. 2. MSS. perspectum fit. Quoad Divinorum Officiorum celebrationem in Capella Regis, & in Ecclesia S. Sebastiani, spectat ad Capellanum Majorem, omnem eorum ordinem præscribere. Nam num. 4. Constitutionis declarat Pontifex, quod ad ipsum *pertineat directio, & superintendencia Divinorum Officiorum, aliarumque Ecclesiasticarum functionum; quæ in eadem Regia Capella peragi consueverunt*. Et in Constitutionis fine n. 14. permittit Capellano Majori in dicta sacra Æde, & in Ecclesia S. Sebastiani, ea, quæ ad exercitium pertinent Ordinis Episcopalis. Hinc Divina ordinare Officia, Collectas imperare, & alia hujus-

jusmodi in supradictis Sacris Aedibus, munia sunt Majoris Capellani. Verum praesente Rege, aut Regina, aut Prorege, potest ipse in qualibet Ecclesia, etiam Monialium, per se, aut alios Capellanos, cum Scholaribus, & Capellae Regiae Ministris, Divina Officia, & Missas tam privatas, quam solennes celebrare, aut celebrari facere: exceptis tamen Ecclesiis Cathedralibus, ubi id fieri nequit sine expresso suorum Ordinariorum consensu, uti decretum est num. 5. laudatae Constitutionis.

III. Regi, ejusque successoribus permittit Pontifex Capellani Majoris officium jurisdictionemque, cuilibet Presbytero, sive e Clero seculari, sive e Regularibus, dummodo tamen ab Episcopo suo fuerit approbatus, committere; quem declarat exemptum ab omni Ordinariorum jurisdictione, & Praelatiis insignibus uti posse, excepta tamen *Cruce pectorali*, nisi & ipse fulgeat Episcopali dignitate. Nam Crucem deferre e collo ad pectus pendentem, proprium est insigne Episcopalis Ordinis; nec Abbatibus, Canonicis, Praelatisque inferioribus convenit, quodque, sicuti & alia quaedam Episcopalia, sibi temere usurpant. Ad Capellannum Majorem quod attinet, is licet esse possit e Presbyterorum numero, decet tamen omnino, Episcopali Ordine auctum esse. Dixi namque Capite III hujus Libri pag. 66. ex sententia ipsius Benedicti XIV. in epistola ad Cardinalem delle Lanze Magnum Regis Sardiniae Eleemosynarium data, quam habes Tom. 2. Bullar. ejusdem Pontificis Constit. 36. Magnum Capellannum in Aulis Principum obire Episcopi munia. Et in ea quoque epistola laudatus Pontifex adducit, probatque Petri Gallandi testimonium, quo dicitur *Magnus Capellannus Aule totius Regiae unicus Episcopus quorumque in loco Rex versetur*. Adnotavi etiam non in uno hujus Operis loco, ex antiquissimo more apud omnes fere Principes, nonnisi Episcopis amplissimum hoc munus collatum fuisse. Quin superiori Capite, ubi recensentur Majorum Capellannorum jura, & officia in Gallia, Hispania, Lusitania, & apud Sardiniae Regem, perspectum sit, ea hujusmodi esse, quae convenient nonnisi Episcopali Ordini, ac dignitati.

IV. Neque dubitandum est, quin Magno Capellano sit suum territorium separatum; uti ajunt Canonistae. Id enim expresse declaravit Benedictus XIV. in responsione ad primum Dubium circa facultates Magni Eleemosynarii Regis Sardiniae; uti dictum fuit cap. IV pag. 98. Rescripsit namque Pontifex *jurisdictionem quasi Episcopalem, & distinctum territorium tribui Magno Eleemosynario intra limites tamen praefixos, & quoad personas in Brevis designatas*. Hinc merito censet Clar. Gagliardus *Instit. Canon. Lib. 1. Tit. 23. n. 21. territorium separatum Capellani Majoris hujus Regni, esse in Regio Palatio, & Statione Trimerium, vulgo Darsena, & omnibus Arcibus Civitatis, & hospitalibus militum, sedemque Episcopalem in Capella Regia, & in Ecclesia Parochiali Castrinovi habere; cum istae loca cum personis inibi degentibus sint omnino exempta ab Archiepiscopi Neapolitani, totiusque Regni Episcoporum jurisdictione*. Cum itaque Capella Regis, & Ecclesia S. Sebastiani in Arce vulgo *Castelnuovo* sita, spectant ad separatum territorium Capellani Majoris; hinc Pontifex in dictis locis tantum, ei fas esse dicit Pontificalia exercere, etiam absente Rege. Ita quidem de Pontificalium usu in celebranda Liturgia, ceterisque Divinis Officiis statutum legitur n. 4. Constitutionis; ut nempe in Capella Regis, & in Ecclesia S. Sebastiani, Pontificalia agat cum solenni trina benedictione, & Indulgentiarum concessione: *In aliis vero Eccle-*
sis,

sis, nisi coram Rege, aut Regina, aut Prorege, & domino Episcopus loci in eadem Ecclesia præsens non adsit, qui per se ipsum ea peragere desideret, ac velit; & insuper in Cathedralibus, & Metropolitaniis, nisi ab Ordinario licentia obtenta, Pontificalia exercere nequeat. Preterea n. 14. Constitut. Pontifex asserens Capellano Majori omnimodam jurisdictionem in quodam personarum genus, ei similem, quæ cæteri Episcopi gaudent in suis Diocesium, addit: *his dumtaxat exceptis, quæ ad exercitium Ordinis Episcopalis pertinent, quæ in Regia Aula tantum, ubi Rex, & Regina, seu Prorex totius Regni moratur, & in Ecclesia Parochiali S. Sebastiani ab eo, si sit Episcopus, peragi posse volumus, & constituimus.* Dicendum proinde est, posse Capellanum Majorem in dictis tantum sacris Aedibus, quæ ipsius constituunt territorium separatum, & ubi ei permittuntur, quæ sunt Ordinis Episcopalis, consecrare sancta Olea, feria quinta in Cena Domini, pro illorum usu, qui suæ sunt subiecti curæ; Sacramentum Confirmationis his tantum administrare; Sacros Ordines Clericis Regiæ Capellæ conferre; Altaria, Calicesque consecrare, & alia hujusmodi agere, quæ ab Episcopis sunt in Ecclesiis suarum Diocesium. Cæterum non illis tantum dictis locis circumscribitur Capellani Majoris jurisdictio; completitur etiam stationem Triremium, ac itidem Regias Arces clausas Neapolitanas, & Bajæ, & Isthmæ; Præterea ubicumque Rex fuerit; imo Rege Siciliam adeunte, adhuc ad Capellanum Majorem Regni Neapolitani spectare potest sacrum Aulæ ministerium, & Sacramentorum administratio; quia id juris ei tribuitur, *ubicumque Rex, aut Regia Curia seu Aula fuerint, etiam ruri, recreationis causa.*

V. Hactenus de locis egimus, quæ ad Capellani Majoris jurisdictionem; progredimur ad personas eidem in spiritualibus subiectas. Has ita recenset Pontifex n. 8. Constitutionis: *Insuper ut idem Capellanus Major pro tempore existens Regem, Reginarum, ac Filiorum, & singulorum unusquisque sexus ipsorum familiarium, ubicumque Rex, aut Regia Curia, seu Aula fuerit, etiam ruri recreationis causa, qui eis allu inservientes sint, & eorum impensis, uti familiares, continui commensales viventes, & aliorum omnium, qui in Regio Palatio, & in viridario, & in navali seu interiori portus parte, vulgo Darsena, & in Castris, seu Fortalitiis clausis Neapolitana Civitatis, ejusque adjacentiis, nempe in Castronovo, in Castro Ovi, & in Castris S. Erami, Bajæ, & Isthmæ, & in omnibus aliis locis supradictis ejusdem Capellani jurisdictioni subiectis morantur, & degunt, donec, & quousque in iisdem locis commorentur, animarum curam gerat, a quo ac si eorum Rector, & proprius Parochus existeret.* Quare Capellani Majoris jurisdictioni completitur omnes nostrorum Principum familiares, sive mares sint, seu feminæ, dummodo eis actu inserviant, cæterotque omnes, qui in Regio Palatio (ubicumque Rex fuerit) vel in statione Triremium, vel in Arcibus Neapolitanis, Bajæ quoque, & Isthmæ, nunciam fecerint. Quoad Aulicorum familiares, sive domesticos, si ii una cum suis dominis in Regio Palatio, aut in supradictis locis degant, ipsi quoque ratione loci subduntur spirituali Capellani Majoris curæ. Secus tamen si extra prædicta loca habitent. Verum Aulici, idest addicti servitio Regis, etiam si alibi domicilium habuerint, ratione tamen personæ, ad Capellani Majoris jurisdictionem pertinent. Quique in Arcibus captivi detinentur, donec ibi moram fecerint, eodem jure utuntur. De militibus sive in statione, sive in ex-

peditione sint, dicendum erit infra. Et advertas velim, Capellanum Majorem præter localem jurisdictionem, habere etiam personalem sine locali, nempe in Capellanos militum, Arcium, Triremium, Navium, aliosque omnes, qui Regi extra Palatium, & Aulam, & Neapolitanas Arces, ubicumque inserviunt; qui quidem omnes sunt exempti ab Episcoporum jurisdictione. Amplior proinde, in hac parte, est illius jurisdictione, quam Episcoporum, quia hæc territorio cohæret, & finibus Diœcesis circumscribitur.

VI. Hinc Capellanus Major jus dicere potest extra proprium Territorium, quia jurisdictionem habet in personas, quocumque sint in loco. Et ita respondit Benedictus XIV. interrogationi, an Magnus Eleemosynarius Regis Sardinie posset jus dicere suis in Aedibus a Palatio Regio distitis: *facultatem habere apertum retinendi Tribunal in domo propria habitationis, & ubicumque locorum Regia Majestas se transferat pro personis tantum Curialibus, & ejus servitio additis*, uti dictum fuit pag. 98. Cap. IV. Est autem illius jurisdictione ordinaria, non delegata. Nam Ordinarius probe dicitur, qui jure suo, vel Principis beneficio jurisdictionem exercet universam, sive in assignato territorio, sive in quoddam personarum genus, uti tradit Fagnanus in *Cap. Post cessionem. 7. De Probat.* Et ita expresse declaratum legitur n. 14. laudatæ Constitutionis, ubi Papa ait Capellanum Majorem quoad omnes personas suæ curæ subjectas habere *omnimodam jurisdictionem ordinariam, atque omnia alia, quæ pro bona animarum curæ directione, Archiepiscopi, & Episcopi, & alii locorum Ordinarii in suis respectivè Diœcesibus facere consueverunt, iis dumtaxat exceptis, quæ ad exercitium Ordinis Episcopalis pertinent, peragere posse.*

VII. Rex, aut Capellanus Major possunt Capellanos Clericosque selegere, & constituere ad sacrum ministerium Aulæ, Arcium totius Regni, Hospitalium militum, & Copiarum, quæ terra marique Regiis stipendiis militant: quos tamen constet ex litteris testimonialibus suorum Ordinariorum, seu Superiorum, nullius criminis reos esse. Ut igitur quis in Cleri Regii albo a Magno Capellano describatur, testimonialibus Ordinarii sui litteris probandum ei est, nullo a se commisso crimine prohiberi; idque scitissimè, ne improbis Clericis evitandi suorum criminum vindictam, pateat hæc via. Sed anne Regulares possunt a Magno Capellano sacris hujusmodi ministeriis præfici? Regi quidem id permitti, nullum est dubium. Quoad Capellani Majoris auctoritatem spectat, cum Pontifex ab ea concessione Regulares minime exceperit; imo cum ad Capellanorum Aulæ Regiæ, vel Exercitus, Hospitalium, aut Classis statuerit præquiri litteras testimoniales suorum Ordinariorum, aut Superiorum, quo nomine *Superiores Regulares* indigitari possunt; hinc eos quoque ad hæc munera assumi posse videtur, dummodo suorum Superiorum testimonio probetur dignos, idoneosque esse.

VIII. Ne vero exemptorum nimia multitudo Ordinariorum jurisdictionem convelleret, Ecclesiasticamque disciplinam perturbaret, statuit Pontifex, numerum Capellanorum, Clericorum, & Scholarium Capellæ Regiæ, & Arcium Neapolitanæ Urbis, non ultra centum a Capellano Majore conscribi posse; in Arcibus vero totius Regni, non ultra duos, vel tres in singulis Arcibus; denique in Exercitu Regio terra, marique, nonnisi tot Capellanos constitui, quot actu inserviant sacro ministerio. Sed his limitibus coercetur tantum Capellani Major

ris in hac re auctoritas. Regi namque, ejusque successoribus liberum sit designandi Capellanos ultra præfixos limites, si ita eis expedire videbitur. Cautum tamen voluit Pontifex, ut horum Capellanorum & Clericorum nomina exhibeantur, eo petente, Neapolitano Antistiti, utpote qui exemptorum suæ Diocesis conscius esse debet. Prædictis Capellanis Aulæ Regiæ, Arcium, Hospitalium militum, Classis, & Exercitus censet Gagliardus citato loco num. 23. addendos esse Capellanos Regiarum Audientiarum, & Tribunalis Campaniæ, quia Rex Carolus die 24. Augusti 1743. rescripsit ad Capellanum Majorem Archiepiscopum Thesalaricensem, eos a Capellano Majore *Pagellam* assequi debere, & ad ejus forum pertinere, atque constituendum esse in Provinciis Judicem aliquem, ut eorum negotia facilius expediantur.

IX. Hos vero omnes Pontifex prorsus eximit ab Ordinariorum jurisdictione, & Majori subjecit Capellano, ita ut ad hunc spectat illorum negotia sive civilia, sive criminalia, sive mixta, Causas quoque Beneficiales discutere, ac definire; nec ulla sit provocatio a Majore Capellano ad Judicem alium; nisi illum, quem Rex in secunda, aut tertia instantia constituerit. Exemptionis hujus vestigium occurrit in ipso Jure Canonico *Cap. Cum Capella 16. De Privileg.* ubi Innocentius III. Capellam Ducum Burgundiæ, ejusque Capellanos, quoad ea, quæ ad ipsam Capellam pertinent, ab Episcoporum potestate eximit. Cum tamen iidem Capellani præessent Parochialibus Ecclesiis sibi ab Episcopis collatis, eisdem, quoad hæc Ecclesias, subiectos Episcopis dicit. Inde putant nonnulli communicatum omnibus Regum Capellis hujusmodi privilegium; præsertim quia Tridentinum Concilium Sess. 24. *De Reformat. Cap. 11.* quoad Regios Capellanos, Constitutionem Innocentii III. servandam fore decrevit. Id sane in Aula nostrorum Principum antiquissimi est instituti. Hinc cum Alphonso I. Aragonius Fr. Dominicum Xarch suum constituit Majorem Capellanum, ejus jurisdictioni omnes alios Capellanos subjecit *tam servientes, quam non servientes actu, cum potestate eorum causas cognoscendi, & definendi, sicut semper existit consuetum.* Plurimos itidem Capellanos, tam Regali Capellæ actu inservientes, quam Regiis tantum litteris designatos a Joanna II. Alphonso I. Ferdinando I. ea lege, ut Regio Capellano Majori, præterea nemini Prælatorum, vel Judicum, morem gererent: pluresque Regias litteras, quibus vetitum, ne Episcopi jus redderent in causis Capellanorum ad forum Capellani Majoris spectantibus, recenset tom. 2. MSS. Chioccarellus. Quare cum de hac ipsa re, inter alia, Legati Pii V. apud Philipppum II. conquererentur, rescripsit Prorex Granuela Cardinalis, jus esse moribus antiquissimis introductum, præscriptam jamdudum Capellano Majori Episcopalem jurisdictionem. Ita quoque declararunt Proreges Comes Lemosenfium die 27. Februarii 1614. Cardinalis Zapata die 2. Novembri 1622. Dux Albæ die 30. Decembri 1624. Habes hæc litteras citato loco Chioccarelli. Habes quoque apud Pignatellum tom. 6. Consult. 80. nonnullas ad hanc rem declarationes Sacræ Congregationis Episcoporum, & Regularium. Et eandem antiquissimam Capellanorum exemptionem, subiectionemque Majori Capellano memorant Tassonius *De Antefato*, Freccia *De subfeudis*, Revertera *Decis.* 495. Riccius in *Prælii Rer. Eccl. Refol.* 499. Curte *Lib. 2. Jur. Feud. Cap. 2. n. 178.* Maranta *Contr. Jur. p. 3. resp. 17.* alique plures ex nostratibus Scriptores. Verum recenti Constitutione Benedicti XIV. exemptio hæc, quæ latius olim porrigeba-

tur, redacta est ad Capellanos, Clericos, Scholares Capellæ Regiæ, Arcium, Hospitalium, Classis, & Exercitus *actu inservientes*; & Clericos omnes Regio servitio adscriptos, *eo durante*. Quare si qui honoris tantum causa, sine ullo ministerio, Capellani Regii dicuntur, illa laudata Constitutione minime comprehenduntur. Secus dicendum de iis, qui vel ob ingravescentem ætatem, vel ob adversam valetudinem, rude donati sunt, & stipendia percipiunt. Hos quidem, quia actu stipendiis Regis aluntur, nil vetat haberi tamquam Regi actu intervenientes. Mos quoque invaluit, ut Cantorum, & Ministrorum Regalis Capellæ Causæ, etsi laici sint, ad Curiam Capellani Majoris Regiis Rescriptis sæpè remitterentur. Cujus rei plura extant exempla dicto tom. 2. Chioccharelli, & in Actis Curia.

X. Spectat ad Capellani Majoris auctoritatem Aulicum Concionatorem designare, eique concionandi facultatem, benedictionemque concedere. Idque juris ei competit in Capella Regis, & in S. Sebastiani Ecclesia, etiam si in iis locis, neque Rex, neque Regina, neque Prorex præsentis sint. Tum eodem jure utitur in qualibet Ecclesia, præsentibus Rege, aut Regina, aut Prorege. Cautum tamen voluit Pontifex, ne iis, five sint e Clero sæculari, five e Regularium Ordinibus, Capellanus Major facultatem annueret concionandi, quibus interdicta fuerit ea facultas a suis Ordinariis, Superioribusque. Quoad alias vero Ecclesias ipsius curæ commissas, statuit Pontifex, Concionatorem esse quidam ab eo designandum; sed concionandi licentiam, & benedictionem ab Episcopo loci consequi debere. Et id quidem scitissime. Nam cum ad Ecclesias exemptas confluant fideles, quorum spiritualium curæ Episcopus imminet, & cum conciones habere spectat ad officium oves pascendi, hinc æquum est, ad hujusmodi ministerium, facultatem, benedictionemque Episcopi intervenire.

XI. Si Capellanus Major sit ex Episcoporum Ordine, licitum ei est, Scholaribus tantum Regiæ Capellæ (idest tironibus) primam Tonsuram, & Ordines minores, sacrosque conferre. Si vero careat Episcopali charactere, fas illi erit, eosdem, datis litteris testimonialibus de ætate, moribus, doctrina, patrimonio, cæterisque ad Ordinationem requisitis, ad consequendam a propriis Prælatiis sacram Ordinationem transmittere. Quod si hi, aut Episcopali dignitate careant, aut Ordinationes non habeant, quilibet Regni Episcopus, dummodo ne gaudeat solo Episcopi titulo, acceptis testimonialibus litteris Capellani Majoris, licite poterit ad sacros Ordines, eos promovere. Verum ut Clerici eo fruantur privilegio, conditiones omnes Ordinandis in Neapolitano Regno præscriptas, præsertim recenti Concordato, habere necesse est: & ut Regiæ Capellæ, aut Ecclesiæ S. Sebastiani, per continuum triennium actu inservierint. Itaque Capellani Majoris facultas quoad Ordinum collationem hos Clericos dumtaxat complectitur, quos non ultra decem in Capella Regis, quatuor in Ecclesia S. Sebastiani, describendos statuit Pontifex. Verum cum ad Capellanum Majorem spectet in aliis Ecclesiis sibi subiectis Clericos addicere; iis quoque testimoniales daturus erit litteras, de tota eorum vivendi ratione, deque præstito sacro ministerio, quin tamen ad illorum Ordinationem adigantur Episcopi, quibus illi, vel ratione originis, aut domicilii, aut Beneficii subiecti sunt. Sed anne Clerici Regiæ Capellæ, & Ecclesiæ S. Sebastiani exhibere debent Capellano Majori, a quo eorum pendet Ordinatio, testimoniales litteras suorum Episcoporum, ad quos pertinent five ratione originis, five do-

mi-

micilii, juxta Constitutionem Innocentii XII. *Speculatores?* Huic dubio olim circa facultates Magni Eleemosynarii Regis Sardinie excitato, respondit Benedictus CIV. Clericos illos ordinandos esse: *habitis prius litteris testimonialibus proprii Episcopi originarii, vel domicilarii, si tamen Ordinandus discessit a Diocesi in etate, in qua potuerit canonicum impedimentum contrahere, & non alias.* Subdit vero Pontifex: *quod si testimoniales littere denegentur, nullaque iusta causa afferatur; tunc, & in eo casu post premissam trinam monitionem adeundus erit Nuncius Apostolicus, vel Sancta Sedes ad hoc ut iustis remediis, vel cogantur Episcopi ad tradendas litteras testimoniales, vel Ordinatio absque dictis litteris tuto, & impune fieri possit.*

XII. Quoniam vero Aulicis omnibus, five familiaribus Regis, iisque, qui in Palatio, statione Triremium, Arcibus Neapolitanis domicilium habent, Capellanus Major in spiritualibus imminet, uti dictum fuit num. V. hinc ejus munus est, Sacramenta illis administrare. Potest itaque *per se, vel per alium, seu alios Presbyteros saculares, vel quorumvis Ordinum Regulares de Superiorum suorum licentia, praevis tamen examine ab eodem Capellano Majore approbandos, & salva Regi, & Reginae facultate eligendi sibi proprium Confessarium arbitrio suo ex Presbyteris ab eodem Capellano Majore approbatis, supradictorum omnium Confessiones audire, eisque Sacramenta administrare, etiam in mortis articulo, & tempore interdicti eorum corpora Ecclesiastica tradere sepulturae, dummodo ipsi causam Interdicti non dederint, neque per eos steterit, quo minus Interdicto pareatur:* ait Pontifex n. 8. Constitutionis. Quare in supradictis locis ad audiendas fidelium sacramentales Confessiones, approbationem, jurisdictionemque accipiunt Presbyteri a Capellano Majore, facultatem quoque a quibusvis delictis absolvendi. Nam num. 14. addit Pontifex: *isdemque omnibus, & singulis a quibuscumque eorum peccatis, criminibus, excessibus, & delictis quantumvis gravibus, & enormibus, etiam Episcopis, & locorum Ordinariis reservatis, de quibus ore confessi, & corde contriti fuerint, salutari poenitentia pro modo, & gravitate culpa imposita, debitam absolutionem vel per se, vel per alios impendere, & largiri libere, ac licite possit.* Imo quoad Clericos, Capellanosque Regiae Capellae, Capellanus Major num. 7. auctus est potestate eos absolvendi ab excommunicatione Canonis (excepta gravi laesione), & ab Irregularitate, quae profuit ab illicita Divinorum administratione. Nullum vero est dubium, posse Capellanum Majorem intra quos voluerit limites coercere eam potestatem absolvendi, quam tribuit ipse Presbyteris a se approbatis; idest posse sibi reservare quorundam gravium criminum absolutionem, ut ab Ordinariis locorum fit in suis Diocesisbus. Ab ipso namque profuit ad inferiores Presbyteros jurisdictione; quam proinde iis communicare potest ea restrictione, & lege, quae animarum bono ei magis expedire videbitur.

XIII. Attamen hujusmodi Confessarii a Capellano Majore approbati, non possunt illorum Confessiones audire, qui non ad jurisdictionem ipsius, sed ad Episcopi Diocesani spirituales curam spectant. Horum namque respectu carent absolvendi jurisdictione; cum Antistitis Aulici auctoritas sit nedum quibusdam locis, verum etiam quibusdam personis Regio famulatus, & Militiae addictis circumscripta; quam ultra personas, res, loca, & casus expressos extendere, vetat num. 15. Pontificia Constitutio. Nullius autem momenti profertur absolutio, in

quos Sacerdos nec ordinariam, nec delegatam habet jurisdictionem. Hinc neque Regulares approbati a suis Superioribus Regularibus ad audiendas Confessiones, eam facultatem exercere possunt quoad laicos, Clericosque seculares; quia in hos jurisdictionis spiritualis ad Episcopum spectat. Pariter in nonnullis Ecclesiis, vel Hospitalibus exemptis Confessarii adprobati ab inferioribus Prælati nullam habent facultatem quoad ceteros fideles, Diocesani Episcopi auctoritati subiectos. At in Aula Regum Sardinie, Confessarios a Magno Elemosynario approbato Pontifex auxit hac facultate. Nam de hac re interrogatus respondit: *Posse Magnum Elemosynarium, seu Capellanum Majorem, per se ipsum, vel alios Sacerdotes ab ipso approbandos, excipere omnium Christi fidelium Confessiones in Regiis Capellis, sed non posse absolvere a casibus Episcopis reservatis, nisi solos Curiales, & Curiam Regis sequentes.*

XIV. Sed anne Aulici, Milites, alique, quibus in re spirituali Major Capellanus imminet, possint in aliis Ecclesiis Episcopo Diocesano subiectis Sacramenta percipere, dubitari merito potest. Hi quidem si extra Palatium, Arces Neapolitanas, stationem Trirerium vulgo *Darsena*, Majoris scilicet Capellani territorium, habeant domicilium; licite, & valide Sacramenta percipiunt a Presbyteris, Parochisque ab Episcopo Diocesano approbatis. Nam jurisdictionis Episcopi in sua Diocesi omnes complectitur personas inibi existentes; eos etiam, qui ad finitimas Dioceses spectant, dum in sua Diocesi commorantur. Si tamen in supradictis locis degant, quæ Majoris Capellani territorium separatim constituunt, possunt quidem Sacramenta Pœnitentie, & Eucharistie, (non tamen in Paschate,) in Ecclesiis Diocesano Antistiti subiectis percipere, non tamen alia Sacramenta, quæ a propriis Parochis suscipienda sunt. Atque in hac re consensum, auctoritatemque Majoris Capellani implicite haberi certum est. Hujusmodi fuit Benedicti XIV. sententia, cum de hac ipsa re, circa Magni Elemosynarii Regis Sardinie facultates, fuerit dubitatum; *Curiales, aliosque Regio servitio addictos, si intra Curiam sint, posse ex speciali favore Sanctitatis sue in Ecclesiis extra Territorium Magni Elemosynarii, seu Capellani Majoris absque ulla istius licentia a quocumque Sacerdote ab Ordinario approbato recipere sola Pœnitentia, & Eucharistia Sacramenta: & cetera Sacramenta ultimæ infirmitatis, & Communionem Paschalem sumere debere a Magno Elemosynario, seu Capellano Majore, aut Sacerdote de istius licentia, excepto solo Matrimonio, in quo observetur forma Sacri Concilii Tridentini. Quod si prædicti permaneant extra Curiam, tunc, & eo casu administrationem omnium Sacramentorum spectare ad Parochum loci, præter illud Matrimonii, in quo pariter servetur forma Sacri Concilii Tridentini.*

XV. Quoad cetera Sacramenta: Baptismus conferri potest a Capellano Majore, vel per se, vel per alios ab ipso designatos non solum iis omnibus, qui in Palatio, Arcibus, & Statione Trirerium nati fuerint; verum etiam infidelibus, quos in præsentia Regis baptizare oportuerit, vel Rex e Baptismo suscipere voluerit. De Sacramento Confirmationis nil expresse statuit Pontifex laudata Constitutione. Verum cum Capellano Majori permiserit (si Episcopali dignitate præset) ea agere, quæ sunt Ordinis Episcopalis in Capella Regis, & in Ecclesia S. Sebastiani, nil vetat, quominus in his sacris Aedibus possit sacro Chrismate ungere eos tantum, quos ejus spiritualis cura com-
ple-

plectitur. Eucharistiam vero in Paschate, aut in fine vite ad modum Viatici, extremam quoque Unctionem Aulicis, aliisque degentibus in Palatio, Arcibus, & Statione. Triremium dandas esse a Presbyteris a Capellano Majore designatis, & hujus auctoritate, certum est. De Matrimonio tandem, hæc statuit Pontifex num. 9. *Matrimonio etiam celebrandis, factis sament prius denunciationibus, seu proclamationibus a Concilio Tridentino requisitis, si uterque contrahens in locis præsignatis habitent, & morentur; Si vero mulier ibi domicilium non habuerit, denunciations, seu proclamationes pro parte mulieris fiant, & matrimonium celebretur in Parochiali Ecclesia, intra cujus fines ipsa mulier commoratur; si autem aliqui ex prædictis exteri fuerint, capta prius per loci Ordinarium informatione, ac ab eodem decreto gratis obtento, quod inter eos licite matrimonium celebrari valeat, similiter idem Capellanus Major, vel alius, seu alii ab eo deputandi, nulla ulterius Parochi licentia requisita, solemniter interesse possit. Itaque si uterque contrahens degerit in locis subjectis jurisdictioni Majoris Capellani, ibi faciendæ sunt proclamationes, & conjugii benedictio danda est a Majore Capellano, vel a Presbytero ab eo delegato. Si sponsæ domicilium alibi fuerit, proclamationes in utriusque sponsi Parochiis faciendæ sunt, conjugium vero celebrandum in Parochiali Ecclesia, ubi mulier habet domicilium. Ita etiam dicendum erit, si sponsus domicilium habuerit extra territorium Majoris Capellani; sponsa vero inibi habuerit. Exteris vero sponsis, vel servitio Regis additis, vel in supradictis locis degentibus, lato primum decreto ab eorum Ordinario de matrimonio licite inter eos contrahendo, potest Major Capellanus, vel per se, vel per alios nuptialem benedictionem impartiri.*

XVI. Habet præterea Capellanus Major facultatem permittendi omnibus ejus curæ spirituali commissis opera servilia, iis diebus festis, quibus vetitum est, ea exercere. Sed hæc facultas nedum quoad personas, verum etiam quoad loca coercetur limitibus ejus territorii, scilicet. Regiæ Aulæ, Palatii, Arcium Neapolitanarum, Stationis Triremium, sive *Darsena*, Hospitalium claustrorum, & militum. Nil vero hac Constitutione sancitum est de usu carniū Aulicis ac militibus permittendo, in diebus jejuniū. Verum ex litteris in forma Brevis, quas Romani Pontifices Benedictus XIV. Clemens XIII. & Clemens XIV. qui nunc temporis Ecclesiæ Romanæ meritisimè, & feliciter præest, ad determinatum temporis spatium, concessa, tum prorogata, ac renovata est Majori Capellano facultas permittendi nedum militibus, nedum Aulicis, sed etiam eorum familiaribus, & commensalibus carniū esum, iis diebus, nec excepto Quadragesimali tempore, quibus illis vesci Ecclesiastica lege vetitum est.

XVII. Quæ hucusque recensuimus Capellani Majoris privilegia, ad Aulam Regis, Aulicosque, & eos, qui in memoratis locis degunt spectant, etiam si militari cingulo careant. Nunc enumeranda sunt Palatini Antistitis jura amplissima, quæ ad Copias pertinent, sive terrestres, sive maritimas. Quæ in re Capellanus Major Regni præstat cuiuslibet alteri Magno Capellano; quia non Aulæ solum, Aulicisque, adhæret illius auctoritas, & officium. Et primo quidem ejus munus est Capellanos, seu Presbyteros eligere, & statuere, qui in expeditionibus sive terrestribus, sive maritimis, ubicumque locorum, Regis militares copię fuerint, eis Sacramenta Baptismi, Pœnitentiæ, Eu-

Eucharistiæ, Matrimonii, & Unctionis Extremæ administrant. At si in statione, non in expeditione milites verentur, tunc hujusmodi Capellani debent de consensu Episcopi, vel Vicarii generalis, vel Parochi loci, Parochialia munia peragere;isque consensus eis habentibus testimoniales litteras Capellani Majoris minime est denegandus. Matrimonia militum in stationibus existentium celebrari debent coram Parocho loci simul, & Capellano castrensi. Cetera Parochialia officia in benedicendis domibus, ducendis funeribus, & aliis hujusmodi, a Parocho loci agenda sunt, quod milites prædiciarios, eosque, qui in Arcibus Regni commorantur; eo vero renuente, agi licite possunt ab eorum Capellano. Milites Neapolitani Regis ex iis regionibus, ubi viget hæresis, e.g. e Germania, Helvetia, Belgio, possunt in actuali expeditione absolvi a crimine hæresis, aut apostasiæ a fide, auctoritate Capellani Majoris, per Presbyteros, seu Capellanos ab eo delegatos. Quod si Regiæ copiæ extra Italiam, & adjacentes Insulas sint in expeditione, facultas istæ Capellani Majoris absolvendi ab hæresi, milites omnes complectitur, sint necne e regionibus hæretica labe infectis. Iisdem militaribus copiis, imo etiam sæminis, omnibusque castris sequentibus, cum contra hostes arma moventur, potest Major Capellanus permittere carniæ usum, ovorum, lactici-niorum, & casei, iis diebus, quibus nefas est hisce cibis uti. Verum nec in magna Hebdomada, nec omnibus diebus Veneris, & Sabbati totius anni, indulgere ipsis potest carnea cibaria. Hujusmodi dispensatio fuerat olim usitata. Nam Gregorius XIII. petente Joanne Zunica Principe Petrepersiæ, & Regni Prorege, Brevi dato die 3. Martii. anno 1580. apud Chioccarellum tom.2. MSS. concessit militibus tunc, & pro tempore existentibus in Prædiis, & Arcibus Neapolitani Regni, ut Quadragesimæ tempore, ovis, & lactici-niis vesci licite possent.

XVIII. Præterea *motu proprio* ejusdem Sapientissimi Pontificis, novis privilegiis aucta est Capellani Majoris potestas, quoad militares copias, etiam auxiliares, dummodo sint in actuali expeditione: nempe auctoritate absolvendi omnes in exercitu Regio existentes a quibuscumque delictis, etiam Episcopis, locorum Ordinariis, aut Sedi Apostolicæ reservatis: commutandi, relaxandi, dispensandi, absolvendi illorum omnium vota, juramenta, irregularitates, & censuras Ecclesiasticas juxta tamen Canones, & Tridentini decreta: concedendi illis omnibus plenariam Indulgentiam, imminente morte, atque in Nativitate Domini, Paschate, & Assumptione B. Mariæ Virginis; tum etiam concedendi Indulgentiam decem annorum illis omnibus, qui in diebus festis ad audiendam concionem accesserint: celebrandi Missam una hora ante auroram, & altera post meridiem, & in quocumque loco decenti, & in Altari portatili; quinimo, si gravissima urgeat necessitas, etiam bis in die: benedicendi omnia sacra instrumenta, exceptis iis, in quibus sacra unctio est adhibenda: reconciliandi Ecclesias, Capellas, & Cœmeteria, ac Oratoria quomodolibet polluta, in iis locis, ubi Regius exercitus steterit: denique celebrandi Missam pro expiandis defunctis in quocumque Altari etiam portatili, quæ liberandæ alicui animæ & Purgatorii penis suffragetur. De sacro apud Classarios celebrando flet Constitutio. Sed Pontificiis Litteris die 28. Mar. 1754 & aliis Litteris die 27. Julii 1752. permittitur in Regiis Trimeribus, ac in iis Regiis Navibus, quæ vulgo *Sciabecchi* dicuntur, Sacrum celebrari, etiam si sint in Statione: *dummodo celebratio Missæ,*

eo tempore, quo mare tranquillum & cælum serenum reperitur, & cum assistentia alterius Presbyteri, seu Diaconi fiat, ita ut periculum effusionis Sanguinis in dicta celebratione minime adsit.

XIX. Privilegiis hisce laudata Constitutione expressis, quædam alia addita deinde sunt, aut Pontificiis Litteris editis in forma *Brevium*, aut Pontificiis Rescriptis. Ita quidem, cum in enarrata Constitutione de sola Neapolitana Capella Palatina fiat expressa mentio; hinc Rescripto Pontificio die 24. Maii 1749. decretum est, Sanctissimam Eucharistiam asserviri quoque continuo posse in Capellis Palatinis Regiarum Ædium ad delicias extractarum in suburbis, vulgo *Portici*, & *Capodimonte*. *Pressani* vero, quem locum Rex venationis causa, alternis annis, adire solet; nonnisi eo tempore, quo ibi Rex moratur, vi Rescripti Pontificii die 9. Novembris 1752. Divinam Eucharistiam fas est asservari. Et pro sacro Regiarum Capellarum Suburbii Erculani, vulgo *Portici*, & Oppidi *Caserta*, ministerio, indulgit Pontifex Rescripto dato die 5. Januarii 1754. Capellano Majori facultatem addicendi earum singulis Capellanos sex, Clericosque quatuor; duos itidem alios Clericos unicuique ex duabus Regiis Capellis existentibus in Neapolitanis Arcibus *Ovi*, & *S. Erasmi*, quos idem Palatinus Præful potest ad sacros Ordines promovere. Preterea datis Litteris in forma Brevis die 28. Augusti 1759. declarata sunt a Pontifice, jure perpetuo, privilegiata Altaria omnia extructa in Palatinis Capellis Neapolis, & Erculani Suburbii. Sed & aliis Litteris, pariter in forma *Brevis*, emanatis die 18. Januarii 1751. plenariam Indulgentiam, perpetuo concessit Pontifex, Regibus, iisque omnibus, qui post Sacramenta Penitentia, & Eucharistia ritè suscepta, visitaverint devotionis, religionis, ac orationis causa, quolibet anni die, sacras Ædes Palatinas, Neapoli, & in Suburbio Erculano. Tandem, petente Rege, indulgit Pontifex, edita Constitutione die 18. Novembris 1752. decem Capellanis Regiæ Neapolitanæ Capellæ: ut ipsi de cætero, perpetuis futuris temporibus, in quibuscumque publicis Regiis functionibus in eadem Capella fieri, & celebrati solitis dumtaxat, & non alias, Cappam magnam sericam vulgo *Anuer-amaranti*, non autem rubri, vel purpurei coloris, cum pellibus vulgo di *Martora*, & caudis *Armelinis*, nec non Mappa ex serico albi coloris ad instar rose efformata, & in principio femoris sinistri lateris passim cum duobus floccis sericis pariter albi coloris subtus pendentibus, & Rochettum cum suis manicis strictis hiemali; æstivo vero temporibus eadem Cappam magnam cum armifino similiter albi coloris loco pellium, & cum eisdem Mappa & floccis sericis albis, & Rochettum prædictum deferre, & gestare, illisque uti libere, & licite possint, & valeant.

XX. Amplissima hæc sunt Capellani Majoris Regni Neapolitani jura; quæ similia in aliorum Principum Aulis habet nemo. Et quavis ejus ordinaria jurisdictio non ultra hujus Regni fines se extendat, nisi præsentem Rege in quovis loco; attamen quoad militares copias, non hujus Regni limitibus coercetur. Complectitur namque milites Regis existentes in Regno Sicilia, atque in aliis ditionibus extra Regnum; tum etiam militum Capellanos, ubicumque locorum, terra, marique, Regis Copiæ sive terrestres, sive maritimæ sint. Nam laudata Constitutione expressis verbis data est Capellano Majori facultas designandi Capellanos, & Confessarios *pro militariibus copiis tam Regis*
pro-

propriis, quam auxiliaribus, tam in Regno utriusque Siciliae, quam extra, ubicumque ab eis iter faciendum, vel morandum esse contigerit. Ex his vero omnibus conficitur, Capellanum Majorem esse procul dubio inter Magnates Aulæ, vulgo *Capi della Corte*, recensendum; uti sunt Supremus Præfectus Regiæ Domus, Supremus Præfectus Regii Stabuli, Magnus Cosmeta Regius, Supremus Curator Regiæ venationis; quemadmodum in Aulis aliorum Principum, is, qui præest sacris rebus, talem dignitatis, & honoris locum occupat. Est etiam *Officium Coronæ*, quia illius munus, & auctoritas minime continetur intra limites Aulæ, & sacri ministerii; sed causas plurimas ecclesiasticas ad Regem delatas, Ecclesias omnes Regii juris, Scholas publicas, & gravissima Coronæ negotia in expediendo Placito Regio, nomine Principis, uti mox dicendum erit, complectitur, & moderatur.





C A P U T VI.

DE ALIIS PRÆROGATIVIS CAPELLANI MAJORIS REGNI NEAPOLITANI.

Capellanus Major est supremus Rector Gymnasii Neapolitani. II. Rem litterariam ordinat. III. Jurisdictionem habet in Professores, Auditorisque. IV. Nulli sine ejus testimonialibus litteris possunt consequi Doctoris gradum. V. Nec ulli publice docere, neque libri edi possunt sine illius auctoritate. VI. Sententiam dicit an Romanis scripturis sit concedendum Regium Exequatur. VII. Quo ordine negotiorum hoc absolvatur. VIII. Imminet Beneficiis, seu Ecclesiis omnibus Regii juris. IX. Quaestiones de Patronatu Regio, vel Feudali examinat, & definit. X. Jus reddit in Causis ad hæc Beneficia spectantibus. XI. Curam habet vacantium Ecclesiarum Regii juris, idoneosque Rectores proponit Regi. XII. Speciali modo præst nonnullis Ecclesiis Regiis. XIII. Piarum Confratruarum Regulas approbat, & quaestiones ad illas spectantes decernit. XIV. In negotiis Ecclesiasticis ad Regem delatis suam sententiam dicit. XV. De Consultore ejus Curia. XVI. De Appellatione ab bujus Curia decretis.

PRæter sacrarum rerum in Aula, Arcibus, & Exercitu administrationem, plures aliæ, æque præstantissimæ, sunt partes hujus amplissimi Officii: quæ singillatim sunt hoc Capite recensendæ. Et primo quidem supremus ipse est Moderator Gymnasii Neapolitani, quod a Friderico II. Imperatore excitatum, Carolus I. Andegavenfis pluribus collatis beneficiis, pristina restituit dignitati. Sed olim ad jus dicendum Auditoribus, & Præceptoribus Gymnasii constituebatur *Justitiarius Scholarum*; rei vero litterariæ præerat Rector Academiæ, qui unus erat e Gymnasii Magistris. Deinde utrumque munus Capellano Majori commissum est; atque in hac parte Magni Cancellarii locum obtinuit. Nam supremam Gymnasii administrationem Magno Cancellario demandari consuevisse colligitur ex Roberti Regis litteris, quibus anno 1311. præfecit Neapolitanæ Academiæ Mattheum Filamarinum, Custodem Regii Sigilli, deinde Neapolitanum Antistitem. In his enim litteris, quas exhibet Chiocarellus in Episc. Neapol. dicitur; *quia nunc Cancellarium Regii nostri, ad quem ipsius Studii cura, regimen, & ordinatio pertinet, non habemus, de tua circumspectione, ac fide confisi, ejusdem Studii gubernationem, ordinationem, dispositionem, & curam, prout ad dictum Cancellarium pertinere noscitur, tibi presentium tenore committimus.* Hinc Ingilramus Stella Regius Capellanus, & Consiliarius, Magnus Regni Cancellarius, & Archiepiscopus Capuanus, supremum egit Moderatorem Neapolitani Gymnasii. At sub Aragoniis Regibus, quando-

Q

que

que Major Capellanus præfuit publicis Scholis, uti Julianus Mirtus Frangipanus, Episcopus Cajacensis, deinde Tropejenfis, Capellanus Major Ferdinandi I. Regis. Ita quoque sub Austriacis Hispaniæ Regibus; siquidem Antonius Lauro Episcopus Stabienfis, Majorque Capellanus, regnante Philippo II. Neapolitanam administravit Academiam. Et hanc ipsam administrationem Majori Capellano confirmavit anno 1616. Prorex Regni, Lemosentium Comes, cum amplissimas extruxit aedes Scholis habendis, & sapientissimas condidit leges ad illarum dignitatem fovendam, augendamque. Rursumque id confirmatum est ab ejus successore Duce Ossunæ, lata Constitutione die 22. Novembris, ejusdem anni, quæ inscribitur, *De regimine Studiorum*, qua majori Capellano committitur cura Gymnasii publici, & auctoritas in Scholares omnes quarumvis scientiarum. Eo jure utitur utque ad hæc tempora.

II. Itaque ad Capellatum Majorem spectat omnem rem litterariam in Neapolitana Universitate ordinare: ut publici Præceptores ne desint officio suo, neve quid Catholicæ Fidei, bonis moribus, Regiis juribus, sanæ doctrinæ contrarium suis lectionibus prodant, diligenter advertere: utque Auditores se se in officio contineant; & ne res litteraria in publicis Scholis aliquid detrimenti capiat. Qui vacantes Cathedras consequi exoptant, eos edicto vocat generatim, suum ei daturus nomen intra conditos dies. Mox diem indicit habendo certamini litterario, vulgo *contorso*; & locum cuique proprium prælectionibus agendis assignat. Deinde textum explicandum, sive ex Sacra Scriptura, sive ex Jure Canonico, sive ex Jure Civili, sive ex Magistro sententiarum, sive ex Aristotele (prout vacanti Cathedræ convenit) singulis Candidatis ter aperit sortuito; ut unum ex eo caput, quod quique maluerit, sibi deligat exponendum crastino die. Præst deinde certamini litterario, & colligendis postremo die suffragiis, ac renunciandis ex majori votorum numero electis novis Professoribus. Ad hujusmodi ferenda suffragia jus habent præter Capellatum Majorem, nonnulli ex amplioribus Regni Magistratibus, & ex ipsius Gymnasii primariis Professoribus. Interea ipse est designare, qui deficientium Professorum suppleat vices.

III. Cum a Friderico II. Imperatore excitatum est Neapolitanum Gymnasium, auctumque privilegiis pluribus, Præfecto studiorum sive Rectori Universitatis jurisdictio ordinaria collata fuit in causis Scholarium, Doctorumque. *Aust. Habita. C. Ne filius pro patre*. At Carolus I. Andegavenfis, qui de eodem Gymnasio restaurando, augendoque præclarissime meruit, Magistratum ad eam rem constituit, quem *Justitiarium Scholarium* nuncuparunt; qui jus diceret in negotiis sive civilibus, sive criminalibus tum Professorum, tum Auditorum. *Mandamus*, verba sunt illius Constitutionis relatae inter Regni Capitula, Cap. *Inter virtutum dona*. Tit. *Privil. Stud. Neap. quod in omnibus questionibus, tam civilibus, tam criminalibus coram Justitiarario suo, sive conveniantur, sive conveniant alios, vel Scholares, vel Civis, tam Doctores, quam Scholares, & Scriptores, eorum apothecarii, & ceteri, qui ibidem ratione Scholarum morantur*: facultate insuper eis facta adeundi Neapolitanum Antistitem, si remotis forensibus tricis, vellent sua negotia componi. Eidem addidit auctoritatem statuendi pretia vendendarum rerum comestibilium, ut in hac quoque parte, Auditorum, & Professorum commodo, & quieti consulere. Desit deinde, illius

Ma-

Magistratus institutio, quum facultas definiendi quanti vendenda sint cibaria ad Optimates Civitatis deducta est; jurisdictionem vero in Professores, Auditoresque Universitatis, sibi Capellanus Major, tamquam Academiæ Rector vindicavit. Quod illi jus confirmatum fuit a Prorege Oslunensium Duce, Pragmatica lata die 22. Novembris 1616. quæ est *De regimine studiorum*. Idque juri communi consonum est. His enim, qui aliquas exercent professiones, nefas esse, illorum Judicium, quibus earum est cura, jurisdictionem, præceptaque declinare, dixit Anastasius Imperator L. *Periniquum ult. Cod. De jurisd. omni. judic.* Rursus a Marchione de los Velez Prorege, lata Constitutione die 4. Januarii 1680. *Prag. 1. De regim. stud. Tit. 1.* confirmata est Capellano Majori ea jurisdictio, quibusdam tamen limitibus circumscripta. Itaque Professores Regiæ Universitatis, una cum servientibus, quos *Bidellos* vocant, nonnisi Capellano Majori subduntur. Intuper in Scholares, & quoslibet intra eorumdem Studiorum, Scholarumve septa delinquentes animadvertit cum voto Regii sui Consultoris; non tamen si in privatis scholis, vel alibi delinquant. Verum si civili, vel naturali morte coercendi sunt, causæ olim in Regio Collaterali Consilio, nunc in Regali Camera S. Claræ referendæ sunt. Memorant hanc Capellani Majoris jurisdictionem Constantius. Tassonus, Petra, Tappia, Ponte, Curtis, Riccius, Altimarus, Rovitus, aliique a Sorge Tom. 8. Cap. 31. n. 13. relati. Tandem Pontificia Constitutione hoc jus illi firmatum est, his verbis: *Salvis tamen omnibus juri- bus, prærogativis, privilegiis, ac facultatibus in Scholares, Lectores, aliasque personas Regiæ Universitatis Studiorum.*

IV. Olim ad Magnum Cancellarium, Rectoremve Universitatis spectabat Juris peritos, Theologos, Philosophos, ad gradum, honoremque Doctorum evehendos approbare. Verum cum circa annum 1428. a Joanna II. Regina instituta fuerint tria Collegia, scilicet Jurisperitorum, Philosophorum seu Medicorum, & Theologorum, quibus Magnus Cancellarius immineret, (Diploma habes apud Tappiam Lib. 1. Jur. Regn. de Offic. M. Cancell.) ad ea Collegia jus translatum est approbandi illos omnes, qui in supradictis facultatibus digni essent Doctoris Titulo. Censet tamen Petrus Giannone Lib. 25. Cap. 7. non quidem tunc primum ea Collegia excitata, sed restaurata fuisse. Illud certum est, pluribusque probari potest, ante Joannæ II. regnum, fuisse qui Doctoris gradu, & titulo donabantur. Id autem auctoritate Principis, prævio examine, seu approbatione a Professoribus publicis danda, absolvebatur. Audiendus de hac re Rapolla *de Jure Reg. par. 1. lib. 4. cap. 4. n. 3.* ubi: *Neapolitanæ Academia non videtur concessum jus conferendi Gradum Doctoratus, sed tantum examinandi, attestationsque litteras consiciendi; unde auctoritate Regiæ olim acquirebatur ea dignitas... Sed quoniam in usu tunc erat, ut Regium Diploma conficeretur per Cancellarium; ideo temporis progressu defecit auctoritas Academicæ, etiam in simplici approbatione Scholarum doctorandorum, eaque translata fuit ad seniores, & prudentiores hujus Circularis, qui vel a Rege eligebantur, vel ab ipso M. Cancellario, qui erat unus e supremis Regni Officialibus, paulatim constituerunt illi peculiare Collegium pro Doctoribus examinandis, & quo publica accederet auctoritas; placuit Regiæ Joannæ II. novo Edicto, sive Privilegio, illud confirmari. Extrat tale Edictum in calce Rituum Magnæ Curie, ubi, statuto Cancellario tanquam Collegii Prefecto, & uno ex Doctoribus Prio-*

re electo, qui singulis annis mutari debeat, certa methodus præficitur in examine doctorandi, & approbatione. Nihilominus habet in hac re Capellanus Major suas partes. Nam Pragm. die 31. Novembr. 1629. De regim. Studior. statuit, ne cuivis liceat gradum Doctoris consequi, nisi Capellani Majoris præcesserit adprobatio. Hinc Studentes, qui lauream Jurisprudentiæ, vel Theologiæ, vel Medicinæ consequi exoptant, debent quotannis sua nomina describere in libro *matricularum* in ejus Curia servato, ut inde testimonium accipiant de impleto quinquennali, vel triennali studiorum cursu, quod oportet in Collegio Doctorum proferre ad Doctoris Gradum rite capeffendum.

V. Ex hac ipsa Capellani Majoris erga publicam rem litterariam cura, & auctoritate, profluunt duæ aliæ præclarissimæ partes illius Officii. Harum prima est, ut ne ulli extra Academiam doceant liberales artes, scientiæque, sine ejus facultate, & approbatione, ita ut qui secus fecerint, ejus arbitrio, sunt puniendi. Altera vero est, ut ne ulli edantur libri, qui Regiis jurbus, aut tranquillitati Reipublicæ adversantur, cujus rei plurima extant exempla Tom. 17. MSS. Chioccarelli. Ibi plura leguntur edicta a Proregibus lata, ne ulli promulgarentur libri sine Regis consensu; quem ipsi Proreges concedebant, explorato antea Capellani Majoris suffragio. Utrumque munus præstantissimum, & gravissimum est. Quanti enim interfit Ecclesiæ, & Reipublicæ, ne ab imperitis, vel improbis Magistris adolescentuli erudiantur; & ne libri evulgentur, fidei, bonis moribus, aut Regiæ dignitati contraria, quisquis sanæ mentis intelligit. Hinc a Concilio Lateranensi V. sub Leone X. anno 1515. tum a Tridentino *sess. 4. de edit. & usu lib.* gravibus inflictis poenis cautum est, ne sine approbatione Diocesani Episcopi, cujus est *pascere, & docere*, libri ederentur. Hisce canonicis sanctionibus accessere Principum leges, quarum vi in edendis, vendendisque libris, Regia auctoritate, & permisso opus est. Et quoad nos attinet, primus omnium Prorex Petrus de Toledo, Carolo V. regnante, edixit die 15. Octobris 1544. ne libri ederentur, vel venderentur, nisi eos Capellanus Major dignos publica luce renuntiaverit. Plures deinde ad eandem rem Pragmaticæ prodire, quæ leguntur sub *tit. De impressione librorum*. Mos inde invaluit, vigetque, ut qui librum aliquem edere velit, is supplici libello facultatem a Rege petat; qui hujus rei curam ad suum Capellanum Majorem remittit. Is vero alicui ex Regiis Professoribus examen libri edendi solet committere; deinde acceptas Revisorum censuras, relationisque ad calcem eorumdem librorum exaratas ad Ragem desert. Eodem utitur in hac re jure Neapolitanus Antistes. Verum quoad libros alibi impressos, ut fas sit, eosdem Neapoli, & in Regno evulgare, ac vendere jure recentis Concordati Cap. 7. statutum est, ut vir doctus excubet, ne ab exteris regionibus ad nos libri, qui Ecclesiæ, vel Reipublicæ perniciem inferant, transvehantur; & Ordinatio loci exhibeat index librorum exterorum, antequam e Regiis Dohanis extrahantur, ut eos arceat, a quorum lectione Fides, Ecclesiæ, Religio aliquid detrimenti capere possint. Optandum sane est, ut in re tam gravi, diligentissimam & efficacissimam præstent operam Sacerdotium & Imperium; ne ulla sit licentia temere scribendi.

VI. Inter præcipua atque nobiliora Capellani Majoris munera recensendum est, quod is suam dicere debeat sententiam, an Bullæ, litteræ, Rescripta Romanæ Curia, Sedive Apostolicæ executionem assequi valeant in

in Neapolitano Regno, seu an iis sit concedendum nec ne *Regium Placitum*, quod apud nos dicitur *Regium Exequatur*. Auctor est Clar. Gagliardus loco citato n. 30. conluevit olim Capellanum Majorem concedere ejusmodi *Placitum* sine Rescripto Regis, aut Proregis, aut Collateralis Consilii. Quum enim liqueat ex monumentis Archivi Regalis jurisdictionis apud Chioccarellum Tom. 4. MSS. Proregem Comitum de Ripacorsa die 30. Junii 1508. Archiepiscopo Nazareno tunc Capellano Majori rescripsisse, ne concederet licentiam notificandi possessoribus Beneficiorum citationem Curiae Romanae, sed post summariam informationem de personis citandis, & tempore possessionis Beneficiorum, faceret ipsi Proregi relationem in scriptis ad finem providendi, inferre inde liceat, antea Capellanum Majorem facultatem habuisse concedendi *Regium Placitum*, nulla praemissa ad Proregem relatione. Fortasse id locum habuit in rebus minoris momenti. Tum a Philippo II. die 17. Julii 1569. Proregi Alcalensium Duci datum est in mandatis, ut *Regium Placitum* litteris, & Rescriptis Romanae Sedis & Curiae sine mora concederetur, re tamen prius cognita per Capellanum Majorem, addito ei uno ex Regentibus Collateralis Consilii. Et notat Gagliardus ab eo anno morem cepisse, qui etiam nunc temporis obtinet, redigendi in codicem, vulgo *registro* Regia Placita, sive concessa, sive suspensa, aut denegata Romanis litteris quibuslibet: cum nullum de Placitis antiquioribus anno 1570. monumentum supersit in codicibus Curiae Capellani Majoris. Extant tom. 4. MSS. Chioccharelli Proregis Alcalensium Ducis litterae datae Capellano Majori, quibus ordo praescribitur concedendi Placiti Regii, quod ne aliqua avaritiae labe adspargatur, statutum est, ut jura Majori Capellano, ejusque Ministris ex hac re debita, e Regio deinde xario solverentur. Philippus IV. die 24. Decembris 1664. litteras scripsit Comiti de Castrillo Proregi, ut *Regium Exequatur* minime concederetur a Collaterali Consilio, nisi praecesserit relatio Capellani Majoris. Id statutum est Pragmatica 14. *De officio Secretarii, seu a libellis, & his quae Regio Cancellario incumbunt* data die 30. Aprilis 1665. ubi etiam cautum fuit, ne Regni Secretarius *Regium Exequatur* unquam expediret sine suffragio Capellani Majoris, ejusque Consultoris. Ab eodem Prorege die 23. Novembris 1665. litteris datis ad Joannem de Cespedes Capellanum Majorem sancitum est, partes interesse habentes audiri debere in Relationibus conficiendis de Placito Regio concedendo, nec ne. Mos inde invaluit, ut si quid in Romanis litteris deprehenderetur contrarium Regni moribus, Regisque juribus, Curia Capellani Majoris decerneret, quod *supersedatur in expeditione Regii Exequatur, & certior fiat Summus Pontifex*: quodue hujusmodi decretum, non Capellanus Major ob reverentiae Apostolicae Sedis, ut testatur Gagliardus, sed ejus Consultor tantum subscribebat. Saepe etiam Romanis litteris permittebatur executio, cum adjectis tamen quibusdam limitationibus. Plurima occurrunt tom. 4. MSS. Chioccharelli suffragia a Capellanis Majoribus lata, ut Proreges consularent, an *Placitum Regium* esset nec ne concedendum: atque hi mores nunc temporis etiam obtinent. Nam Capellanus Major cum voto sui Consultoris sententiam dicit de concedendo, vel denegando *Regio Exequatur*, & ad eam rem, partes in contradictorio Judicio audit, informationem, si opus est, capit, decreta conficit: tum illius sententia ad supremum Magistratum, quae *Camera Realis* dicitur, transmissa, hujus auctoritate, & judicio vel respuitur, vel probatur.

VII. Sed quo ordine, quibusve legibus, totum hoc negotium absolvetur, enarrat citato loco Gagliardus. Nam cum a Gloriosissimo Rege Carolo Borbonio secreto Concordati articulo promissum fuerit, daturum se operam, ut in hoc Regno celerem, expeditamque consequerentur executionem Bullarum, Brevium, ac Rescripta Romanæ Curia; hinc datis litteris die 15. Decembris 1741. ad Archiepiscopum Theflalonicensem, Majorem suum Capellanum, plures præscriptas leges concedendi Placiti Regii, ut majores amoverentur ambages, quibus hoc negotium involuebatur. Summa totius rei hæc est. Capellanus Major supplices de hac re libellos Regi porrectos accipit, ac de iis refert; quin præviam obtineat a Reali Camera facultatem, nisi agatur de Episcopatum Bullis. Tum Relationem suam ad Realem Cameram transmittit, quæ mox Regem conscium faciat suffragii sui. Si post Relationem a Capellano Majore factam, ii, quorum interest, nova aliqua eaque gravia documenta juris sui exhibeant, hæc ab ipsa Camera examinari possunt. Ut ne Romanarum Litterarum executio impediat, nisi justæ asserantur impediendi causæ, ac depositum fiat ducatorum quinque, ab iis, qui illarum executionem impediri possunt, sancitum est. Beneficium reclamationis adversus *Regium Exequatur* non est indulgendum, nisi cum reclamans in Curia Capellani Majoris, vel Reali Camera nullo modo sit auditus, vel auditus nova produxerit documenta illati sibi gravaminis. Si quando autem Realis Camera, aliis ex causis peculiaribus censuerit reclamantem denuo audire, eas antea referre ad Regem debet, oraculum ipsius acceptura. Ut Episcopi *Regium Exequatur* petitori super Bullis Pontificiis collationis Ecclesiarum Cathedralium libellos exhibeant *Secretario Status* expediendis Ecclesiasticis negotiis addito, ab eo remittendos ad Curiam Capellani Majoris pro relatione, quæ inde ad Realem Cameram transmittatur. Hæc vero, statim ac decretum *Regii Exequatur* expeditum, sine alio intervallo jubeat patentes litteras expediri exhibendas in eadem Secretaria Status pro legitimo earum cursu, quoties nullum intercesserit impedimentum.

VIII. Beneficia omnia Regii juris, ex vetustissimo more, commissa sunt curæ Capellani Majoris. Diximus pag. 57. & 60. Archicapellano Regum Gallia; secundis stirpis, & Magno Eleemosynario eorundem Regum tertiæ stirpis commissa fuisse omnia Ecclesiastica Regni negotia, præsertim vero Regii juris Beneficia. Diximus quoque pag. 72. Capellano Majori Regni Sicilia; subjecta fuisse Monasteria Patronatus Regii. Eodem fere modo res se habuit in Aula nostrorum Principum. Hinc Princeps Petreperlia; Prorex Regni anno 1509. die 1. Januarii Capellano Majori in mandatis dedit, ut inquireret, operamque omnem impenderet ad vindicanda Regi Beneficia illa, quæ temporum calamitate perierant, & describendos eorum omnium annuos proventus: & ut facilius hoc fungeretur officio, Magistratibus omnibus Regni præcepit, ut Archiepiscopo Nazareno Capellano Majori in hac re opem, præsidiumque conferrent. Rursum anno 1559. Dux Alcalensium Moderator Regni Majorem Capellanum interpellavit, ut Beneficia omnia Regii juris describeret. Protulit hæc monumenta tom. 6. MSS. Chioccarellus; ubi etiam plures leguntur relationes a Magno Capellano datæ, ut vindicaret Regi quædam Beneficia, quorum memoria exciderat. Hinc etiam permutationes, resignationesque hujusmodi Beneficiorum, nonnisi de Capellani Majoris sus-

fra-

fragio absolvuntur; idque semper usitatum fuisse dicitur in quadam Consultatione, quam de hac re ad Proregem dedit Consiliarius de Curtis Consultor Capellani Majoris anno 1567. & ita quoque faciendum decreto Regis anno 1569. sancitum est, uti legitur to. 17. MSS. Chioccharelli. Hinc denique in quibusvis negotiis ad Ecclesias Regias spectantibus, Capellani Majoris sententia est expetenda. Ut cum anno 1587 Episcopus Puteolanus contenderet sibi decimas deberi sulphuris, quod e Puteolanis fodinis percipiebant Moderatores insignis Nosocomii sub titulo SS. Annuntiatae: & cum Ecclesiae Episcopales Regiae nominationis Brundusina, & Uritana ab uno, eodemque Episcopo administrarentur; moxque Uritani a Philippo II. Rege enixe petissent, ut sibi proprius daretur Episcopus, quod demum a Rege impetrarunt, explorato prius Majoris Capellani suffragio.

IX. Sed & ad Capellanum Majorem spectat sententiam ferre, si quae circa Ecclesiastica Beneficia excitantur quaestiones, an sint Regii Patronatus, vel Patronatus Feudalis. De qua re Gagliard. Lib. 3. tit. 1. num. 22. Hujus antiquissimi moris origo ex eo repetenda est, quod res Beneficiales tamquam spiritualia negotia nonnisi a Iudice Ecclesiastico tractanda, & definienda communi opinione existimatum fuerit. Et jus quidem Patronatus esse spirituale aliquod, sicuti & Beneficium quod primario, & praecipue Officium spirituale involuit; cum Beneficium detur, ac praesupponat Officium. Et quamvis tam Juri Patronatus, quam Beneficiis sint bona, & jura temporalia annexa; attamen haec secundaria, & consequentia, minusque principalia sunt. Quod enim in Jure Patronatus, & Beneficiis est primum, maximumque, illud spirituale est. Hinc recenti quoque jure Concordatorum Cap. 6. n. 4. statutum est, ut Causae Beneficiales privative spectent ad Iudicis, Forique Ecclesiastici cognitionem, exceptis tantummodo causis, quae ad Regios Patronatus spectant; ibi: *Saranno di privata giurisdizione Ecclesiastica le cause beneficali, purchè non si tratti di jus patronati Regj, o Feudali per quelle sole Cause, la decisione delle quali principalmente dipende dal vedere, se il patronato sia annesso, o no al feudo; o de universitate bonorum negli altri patronati laicali.* Quemadmodum itaque Ecclesiae Regii Patronatus ab Episcoporum jurisdictione sunt exemptae; ita ab eorum foro subductae sunt causae, quae ad eas pertinent. Et quia ad Regem spectat directum feudi dominium, inde fit, ut Patronatus Feudales eodem fere jure utantur. At cum hujusmodi sint causae Ecclesiasticae, quae primario circa spiritualia versantur, aequum, conveniensque fuit, ut nonnisi alicui Ecclesiastico Iudici definiendae committerentur. Et inde factum, ut in Sicilia Iudex Regiae Monarchiae; in Neapolitano Regno Capellanus Major in hisce causis, negotiisque jus reddant. Cui Capellani Majoris auctoritati nil derogatum voluit Benedictus XIV. laudata Constitutione *Convenit* anni 1741. ubi n. 15. abrogatis quibusvis aliis Capellani Majoris juribus in Bulla minime expressis, hanc tamen exceptionem addidit: *Salvis tamen omnibus juribus, praerogativis, privilegiis, & facultatibus in Scholares, Lectores, aliasque personas Regiae Universitatis Studiorum Neapoli existentis, tum etiam quoad causas, & personas, Rectores, seu Possessores nonnullorum Beneficiorum, & Ecclesiarum, vel iisdem Ecclesiis inservientes, quae ad nominationem, seu praesentationem, aut jus Patronatus Regium spectant, ab immemorabili tempore eidem Capellano Majori, ut asseritur, competentibus, quae per praesen-*tes

res neque approbare, neque eis ullatenus derogare intendimus.

X. Tamque late patet Capellani Majoris auctoritas circa Beneficia Patronatus Regii, vel Feudalis, ut omnia hujus generis negotia ejus forum complectatur, etiam si agatur de jure aliquo intuitu Feudi & super re, vel jure Feudali acquisito; atque five rei, five actoris partes, Dominus Feudi agat. Idque ex antiquissimo more; cui cum sæpe repugnatum fuerit a Fisci Patrono, contendente in his casibus rem esse ad alios Magistratus deferendam, sæpe etiam hoc jus Curiae adhæsit. Nonnulla exempla a Gagliardo loco cit. n. 29. adducuntur. Antonius David Regiæ Camerae Præses, & Capellani Majoris Consultor anno 1586. in Regio Collaterali Consilio retulit, audito Fisci Patrono, discutiendam causam Octavii Farnesii Altimuræ Domini, qui ad se pertinere jus conferendi Archipresbyteralem illius Civitatis dignitatem contendebat, uti legitur apud Sanfelicium *Prax. Jud. sect. 24. n. 24.* Idem Sanfelicius refert decisionem Collateralis Consilii editam anno 1645. in causa Comitissæ Galassii Domini Nuceriæ ad se vindicantis jus præsentandi ad Dignitates, & Canonicatus illius Cathedralis Ecclesiæ. Et Reverterius Decis. 347. tradit plures a se, tamquam Consultore Capellani Majoris causas relatas in Collaterali Consilio, audito Regio Fisco, præsertim de jure Baronum Gryptæminardæ, & Mileti. Addit Gagliardus, processu temporum, & Reges, & Collaterale Consilium, & Delegatum Regalis jurisdictionis controversias Regionum, & Feudalium Patronatum maluisse ad Curiam Capellani Majoris remittere decidendas, audito Regalis Patrimonii Fisco, tam in possessorio, quam in petitorio. Videantur Petra *super Ritu* 295. n. 220. Reverterius *Decis.* 495. ibique de Marinis, Capiciuslatro *Consult.* 153. n. 26. & 48. Id etiam nunc temporis viget. Nam Regalis Camera S. Claræ die 21. Julii 1749. definivit, procedendum, audito Regio Fisco, in Curia Capellani Majoris in causa jurium funebrium lecti, equi, aliorumque inter Archiepiscopum Hydruntinum, quæ Ecclesia est Regii juris, & Marchionem Granafei, Baronem Starneziæ, quæ soluta juxta solitum non erant in obitu trium Baronum, qui præcesserant. Cumque Patronus Fisci, tunc Matthæus de Ferrante, contendisset judicium illud ad Camera Summarie ratione Feudi spectare; decreto Regis die 1. Novembris 1749. statutum, declaratumque est, ut in Curia Capellani Majoris hoc judicium abolveretur.

XI. Pronum exinde est, ut Ecclesiæ Regii juris, suis Rectoribus viduatæ, Capellani Majoris curæ commissæ sint. In quibusdam litteris Proregis Alcalensium Ducis ad Regem datis anno 1568. quas exhibet tom. 3. Chioccarellus, dicitur ex vetustissimo more fructus vacantium hujusmodi Ecclesiarum administrari ab eo, quem Prorex designaverit, atque de Majoris Capellani sententia in ipsarum Ecclesiarum usum expendi. Nunc vero temporis, designat ipse Œconomum Regionum ad colligendos administrandosque fructus vacantium Ecclesiarum Regiæ nominationis; unum scilicet ex Capellanis Aulicis, quorum singulis gradatim hoc demandatur munus, ac fruuntur constituto stipendio, uti a Carolo Rege decretum fuit. Si quid in iis Ecclesiis retardandum, restituendum, renovandumque est, de Capellani Majoris mandato absolvitur. Tum ipsius muneris est, idoneos Rectores vacantiibus Ecclesiis dando perquirere, ac Regi proponere. Nam quoties agitur de promovendis Episcopis ad Ecclesias Cathedrales Regiæ nomina-

minationis; vel præsentandis ad vacantia Beneficia Regii Patronatus, vel conferendis Beneficiis Regiæ Collationis, ipse, prævio tamen iussu Regis, ternos idoneos viros Regi proponit, quorum unum Rex eligere consuevit. Nec immerito concitit Gagliardus ex antiquissimo more id in Aula nostrorum Regum usitatum, cum Petrus Blefensis gravem scripserit epistolam ad Gualterium Guillelmi II. Siciliæ Regis Capellanum, ut pro suo ipse officio Regem hortaretur, ac curaret, ne indignos ad Episcopales sedes promoveret. Dictum quoque alibi fuit Archicapellanum, Magnumque Eleemosynarium eodem fere munere functum esse in Aula Regum Francorum.

XII. Ex Ecclesiis vero Regiis, nonnullæ speciali jure ad Capellanum Majorem spectant. Hujusmodi est Barenfis Ecclesia S. Nicolai, quam circa undecimi sæculi finem a nonnullis Barenfibus mercatoribus constructam, & Sancti Episcopi Reliquiis illuc advectis ditatam, ab Urbano II. & Patribus Melphitani Concilii consecratam, a Paschale I. & a Normannis Principibus pluribus privilegiis auctam, Carolus II. Andegavenfis uberioribus cumulavit beneficiis, Capellæ Regiæ dignitate decoravit, Canonicorum itidem Collegio, quorum unum se 1c, suosque successores esse voluit, ob summam ejus erga Beatum Episcopum pietatem, quod maritimo prælio victus, & captus ad illius opem confugisset. Insigni huic Ecclesiæ, & ejus Clero præest Antistes, Prioris nomine (is nunc est genere, & virtute eximius Nicolaus Caracciolo ex Ducibus S. Viti, olim Archiepiscopus Hydruntinus) a cujus foro datur provocatio ad Majorem Capellanum. Is proinde Judicem agit illius Cleri in gradu appellationis. Verum id munus consuevit ei committi Regiis Litteris, vulgo *Dispaccio*; uti die 1. Januarii 1745. Coelestino Galiano; eoque e vivis sublato, Episcopus Putcolanus successor meritissimus, eandem habuit a Rege provinciam die 18. Augusti 1753. Præter laudatam S. Nicolai Barenfis Ecclesiam, sunt & aliæ quædam in Neapolitano Regno Ecclesiæ Regiæ, quarum Præules jurisdictionem aliquam exercent; earumque Capellanus Major Judicem agit in gradu appellationis. Hujusmodi sunt Ecclesia Altamura, quæ ab Archipresbytero cum jurisdictione regitur; Ecclesia S. Petri ad Curtum Saierni sita; Ecclesia S. Petri de Laureto; S. Egidii de Altavilla; & Ecclesia S. M. Catholicæ in Civitate Rhegii. Novissime addita est Ecclesia S. M. Balneariæ in ulteriori Calabria, cui Abbas, sive Prior datus est; quam Regii juris declararunt.

XIII. Confratrias, quæ pietatis, religionisque causa in Civitate, & Regno plurimæ excitatæ sunt, vel excitantur, ut firmæ, ratæque sint, Regis auctoritatem, quam *assensum* vocant, implorare necesse est. Hujus vero rei examen consuevit Princeps Capellano Majori committere; cujus proinde muneris est, illarum Regulas, & Statuta ad examen vocare; si quid in iis delendum est, corrigere; si quid addendum est, imperare; tum Regem totius rei gestæ certiore facere; a quo Regium Placitum nonnisi cum clausulis, & conditionibus a Capellano Majore apposis, concedi consuevit. Imo in Regio assensus Diplomate singillatim inferuntur, quæ addenda, vel restringenda in illis Statutis, Capellanus Major decreverit. Cumque hujusmodi Confratriæ fere omnes ex laicis coalescant, hinc nonnulla eorum negotia, ut plurimum Capellani Majoris judicio sunt definienda. Proinde quæstiones de præcedendi jure in publicis supplicationum processionibus ad Capellanum Majorem definiendæ re-

R mit-

mittuntur, isque solet potiorum locum iis concedere, qui prius Regium assensum obtinuerint. Quamobrem solet Capellanus Major vel per se, vel per aliquem ex Regiis Capellanis ab ipso delegatum, una cum Neapolitani Populi Tribuno adesse prope januam maiorem Cathedralis Ecclesiæ Neapolitanæ, dum omnes Civitatis Contratiæ inde ad publicas supplicationes in festivitibus Corporis Christi Domini, & S. Januarii procedunt, a Cancellario ipsius Curiae singulatum ordine vocatæ.

XIV. Preterea in aliis quibusdam ecclesiasticis negotiis, quæ ad Principem deferuntur ab iis, qui ejus opem, & protectionem implorent, consueverunt olim Proreges, nunc vero Reges, Majoris Capellani sententiam, suffragiumque expetere. Ut enim statutum est antiquis nostris legibus a Roberto Rege editis, quæ dicuntur Capitula, atque inscribuntur: *Ad Regale fastigium: Conservatorium pro laico contra Clericum: Conservatorium pro Clerico contra Clericum: De spoliatis pro laico contra Clericum*: Neapolitani Principes protectionem suam impendunt Clericis, laicisque, ad eos confugientibus, ne suis iuribus deturbentur. Hujusmodi negotia ad Principem delata, olim sub Aragoniis Regibus, a supremo Principis Senatu, seu Consilio S. Claræ remittebantur ad Magnam Curiam Vicariam, cum hac clausula, *servata forma Capitulorum Regni*. Sed imperantibus Austriacis remitti consueverunt ad Magnum Capellanum, uti constat plurimis exemplis tom. 13. MSS. Chioccarelli relatis, cum ea pariter formula, *ut provideat servata forma Capitulorum Regni*. Idque æquiore, & saniori consilio; cum ad negotia ecclesiastica, & ubi de ecclesiasticis personis agitur, Ecclesiastici viri sententiam, iudiciumque intervenire, magis est iustitiæ, & religioni consonum. Sicuti enim neque decet, nec æquum est, ut Ecclesiasticus Iudex de re militari, aut feudali, jus reddat, vel suam dicat sententiam; ita nec laicum Iudicem de ecclesiasticis negotiis iudicium ferre. Et olim quidem sub Aragoniis, plures in S. Claræ Consilio sedebant Consiliarii ex Episcoporum, vel Clericorum numero; sicuti antiquioribus nostris Regibus plures adhærebant Clerici, vel Episcopi, qui eorum Consiliarios agebant, sicuti alibi adnotavimus; proinde nil mirum si hujusmodi negotia a Consilio Principis definiebantur. Et quandoque Capellanus Major nedum *Consiliarii* officio functus legitur; sed etiam sub Proregibus *Regentis Collateralis Consilii*. Sed cum progressu temporis mos ille desierit, & Consilium Regis ex solis laicis coaluerit, sapientissime factum est, ut ecclesiastica negotia ad Principem delata, hujus nomine a Capellano Majore tractarentur. Et jam alibi pag. 57. dictum fuit, præcipuum munus Archiepiscopi Regum Galliarum fuisse, ut de ecclesiasticis negotiis delatis ad Principem ageret, at sententiam diceret. Hinc in Regno Siciliæ ultra Pharam ecclesiasticis negotiis nomine Regis expediendis præest Iudex Regiarum Monarchiarum, qui e Clericorum numero esse debet, & sæpe etiam fulget Episcopali dignitate. Is nunc est spectatissimi moris, meritiq; Præfidi Hieronymus Palermo, olim Teatinus, & Episcopus Mazariensis. Hinc etiam recenti jure Concordati, ad ecclesiastica quædam negotia pertractanda Tribunal mixtum, in quo nonnulli sedent e Clericorum numero, excitatum est; tum secreto quodam articulo sancitum, ut si quid ad Regem contra Ecclesiasticas personas deferretur, illius Magistratus suffragio examinandum esset. Nec omitendum est, Capellanum Majorem sæpe huic Tribunali præesse. Ita in ejus origi-

ne, inito Concordato, primus ei Præfex datus est Galianus Capellanus Major, ex tribus Ecclesiasticis viris a Rege exhibitis, quorum unum Pontifex eligit. Galiano defuncto successit in eodem loco, eodemque modo Nicolaus Rosa Episcopus Puteolanus, & Capellanus Major. Ex dictis vero patet, quam merito in negotiis ecclesiasticis ad Regem delatis interveniant Capellani Majoris auctoritas, & suffragium.

XV. Ad hæc partes adimplendas sui præstantissimi officii, eas præsertim, quæ judicium expetunt ordinem, Jurisque peritiam, habet Capellanus Major suum Forum, suum Vicarium in spiritualibus, Cancellarium, & quoad forensia negotia ministros ad jus dicendum requisitos, Consultorem nempe, unum e Consiliariis Sacri Regii Consilii, quem Rex eligit e tribus a Capellano Majore nominatis. Et olim quidem Capellanus Major in forensibus negotiis expediendis suffragium alicujus Juris periti expetebat, qui cum aliquando inter Regios Consiliarios numeraretur, non poterat eo officio fungi sine Proregis consensu. Invaluit deinde ut is, cui res omnes judicariæ definiendæ committuntur, nonnisi auctoritate, & consensu Principis constitueretur. Itaque quemadmodum Episcopale forum Vicarius generalis, vel Assessor, Doctor utriusque Juris moderatur; ita Curia Capellani Majoris regitur ab ejus Consultore. Is audit partes confluantes, ordinat omnes justitiæ actus, relationes efformat, decreta conficit, quibus Capellanus Major subscribit. Et quod subscribere teneatur etiam in casu, quo ipse contrariæ a suo Consultore adhæreat sententiæ, asserunt nonnulli, & ita decisum fuisse a Collaterali Consilio refert Petra in *Rit.* 295. n. 240. Verum Regiis Litteris vulgo *Dispartio* die 31. Julii anno 1744. declaratum fuit, posse Capellanum Majorem subscriptionem suam Relationi sui Consultoris denegare, aliamque Relationem nomine solum suo ad Regem transmittere: *Enterrada S.M. de quando representa la Real Camera de S. Clara, en su Consulta de 30. del Mese pasado acerca de la diversidad de parecer ocurrida entre el Pro-Capellan Major, y el Consultor Consejero D. Fernando Porcina- ra tocante a la spedicion del Regio Exequatur al Breve Pontificio de los cien mil ducados, que por los Ecclesiasticos de est Reyno deve pagarse: Ha resuelto, que (paraque no quedan prejudicadas las razones del Capellan Major) si en adelante sobrevienere otra diversidad des pareceres entre de lo dicho Capellan Major, y el referido Consultor, se observe, que cadauno haga relacion a parte sinque el uno est obligado a firmar la dell' otro, hasta tanto, que bien informada S. M. de las razones, de una, y de otra parte, pueda resolver, y ordenar lo que en buena consciencia doverà hacerse, y que al mismo tiempo sea conveniente a su Real servicio. Palac. 31. Jul. 1744.* Quamvis huic edendo Regio Diplomati occasionem præbuerit sententiæ diversitas inter Capellanum Majorem, Consultoremque in concedendo Placito Regio; attamen ex ipsis verbis Regiæ Legis perspicuum est, eam completi, ac extendi ad omnia alia negotia, in quibus Capellanus Major diversimode sentiat a suo Consultore. Ait enim Rex se id decrevisse, ne *deturbentur jura Capellani Majoris*: quia scilicet ad hunc primario spectat sententiam pronuntiare de iis rebus, quibus expediendis ipse imminet. At si vel invitus teneretur sui Consultoris opinionem sequi, eo jure destitueretur, quod omne solius esset Consultoris. Certum tamen est, & ex dictis constat, Principes nonnisi suis Magnis Ca-

Pellanis, ob eorum dignitatem, pietatem, religionemque, quædam negotia ecclesiastica commisisse; qui si ut iustitiæ, & veritati rectius deservirent, usi sunt aliorum consilio; non inde tamen fit, ut sui serendi suffragii, ipsi excidant potestate. Certum quoque est, ex prima institutione, & ex ipso nomine *Consultoris*, huic nonnisi *consulendi* munus commissum fuisse; personæ vero, & officio Capellani Majoris auctoritatem decernendi. Hinc decreta omnia, & relationes omnes non a solo Consultore subscribuntur, sed a Capellano Majore. At Vicarius generalis, seu Assessor Episcopi, & quisque alicujus Tribunalis Officialis, qui definiendi habet inditam potestatem, solus suis decretis subscribit. Quapropter scitissime laudatis Regiis Litteris dictum fuit *deturbari jura Capellani Majoris*, quod idem est, ac everti ejus Officium, si in sui Consultoris sententiam ire cogeretur. Tum generali lege, sine ulla exceptione statutum a Rege fuit, *ut quoties casus occurreret diversitatis sententiæ inter utrumque, ne alter cogatur alterius decreto adherere, quisque suam Relationem ad Regem transmittat*. Verba hæc generalia sunt, & nulla limitatione coerceri possunt ad solum casum concedendi nec ne Placiti Regii; quamvis ea occasione lex edita fuerit; sed omnem complectuntur casum, in quo Capellanus Major diversæ a suo Consultore esset sententiæ. Ratio hujus sapientissimæ Regiæ declarationis gravissima est, neminem scilicet cogi posse, & debere mentiri, seu contra mentem ire, vel contra propriam conscientiam agere. At si Capellanus Major cogeretur subscriptione sua probare eam sui Consultoris sententiam, quam ipse falsam, erroneam, injustam, vel iniquam judicat, ipse contra suam mentem iret, & contra suam conscientiam ageret: nam id probaret, vel decerneret, vel consulere, quod neque probandum, neque decernendum, nec consulendum existimat. Quod si quandoque a Collaterali Concilio contrarium decisum refert Petra; id scilicet in aliquo casu particulari locum habuit, cum nulla justa causa, vel gravis ratio aderat Capellano Majori, ut ab æqua sui Consultoris sententia discederet, & dissentiret.

XVI. A decretis Curie Capellani Majoris ad Regem immediate appellatur. Est enim supremum, & distinctum Tribunal, cui nullum aliud imminet. Itaque mandato Regis Judex alius constituitur, qui latum a Consultore decretum ad novum examen revocet, ac in gradu appellationis sententiam proferat; sique hujus suffragium sit a primo diversum, tertius datur a Rege Judex, plerumque Realis Camera, ut rursus Causa judicio subjiciatur, donec duo decreta consona rem conficiant judicatam. Hæc praxis quoad causas ecclesiasticas Capellano-
rum, Clericorum, & aliorum, qui ad Capellani Majoris jurisdictionem spectant, innititur etiam laudata Benedicti XIV. Constitutione; ibi enim n. 2. postquam Pontifex facultatem dedit Capellano Majori examinandi & definiendi illorum Causas *tam civiles, quam criminales, seu mixtas, atque etiam Beneficiales*, exceptis causis hæresis, aliisque Summo Pontifici reservatis, *tam in prima, quam in secunda, & tertia instantia*, addit: *ita tamen ut a dicto Carolo Rege, ejusque in Regno successoribus, loco Ordinarii Assessoris, alii novi Consultores tam in secunda, quam in tertia instantia, singuli in singulis, eo modo, qui nunc servari solet, nisi gravitas causæ plures in qualibet instantia eligendos exigit, destinentur*. Is vero appellationis Judex a Rege constitutus, etiamsi plures simul essent in Collegium conjun-

cti,

Et, uti Realis Camera S. Clarae, tamen in cognoscendis, definiendis-
que causis Curiae Capellani Majoris, ipsam exhibent, seu repraesentant
Curiam, huiusque nomine agunt; & proinde Cancellario, Magistro
actorum, ceterisque huius Curiae Officialibus utuntur. Id enim plu-
ries a Rege, dato Diplomate, statutum est. Ita in Causa S.M. Bal-
neariae die 22. Julii 1757. *Aviando resuelto el Rey, que el decreto
hecho en tercera instancia por la Real Camera de S. Clara en la causa
sobre el Real Patronato de Bagnara le haga la misma Real Camera
publicar luego por medio no ya de uno de sus Altitantes, si no de los
Subalternos de la Curia del Capellan Major como siempre si è practica-
do.* Rursus Regiis Litteris die 5. Januarii 1765. Per Regal ordine, e
per intelligenzia della Real Camera di S. Chiara partecipo a V. S. d'
avere S. M. destinato essa Real Camera per Giudice di terza instan-
za, ed appellatione prodotta da' Monaci Cisterciensi di Real Valle nel-
la Causa, che tengono nella Curia del Capellan Maggiore col R. Ab-
bate Canonico di Andrea, ben inteso però, che la Real Camera debba
fare assistere nel terzo Giudizio per mezzo de' Subalterni della stessa
Curia del Capellan Maggiore. Pariter cum causa quædam Juris Patro-
natus Regii in Dioecesi Beneventana ad Realem Cameram in gradu
appellationis remissa fuerit his Regiis Litteris die 22. Novembris
1766. Essendosi proposta al Re la Consulta della Camera di S. Chiara
sul ricorso dell' Arcivescovo di Benevento per la nuova udienza di-
mandata nella causa della Collegiata di S. Giovanni di Montesufco
con que' Canonici, S. M. si è uniformata alla detta Consulta de 25.
del passato Agosto, e vuole, che restano fermi li Conservatorii Regii
spediti a favor de' provvisi, e'l legittimo possesso in cui si trovano abbia
la suddetta causa a trattarsi, e rivedersi nella Real Camera inteso l'Ar-
civescovo di Benevento, l'Avvocato Fiscale del Real Patrimonio & i Ca-
nonici della suddetta Chiesa: cautum deinde fuit aliis Litteris Regiis
die 2. Maii 1767. ut Realis Camera iisdem uteretur Officialibus Cu-
riae Capellani Majoris: In occasione d' aver S. M. commessa alla Real
Camera la revisione de' decreti proferiti dalla Curia del Capellan Mag-
giore in prima, e seconda istanza per la causa del Real Patronato
di S. Giovanni di Montesufco la Curia suddetta ha rappresentato alla
M. S. che uno de' Scriveri di mandamento sia andato a chieder l'ar-
ti, ed i processi concernente tal causa, che nella Curia esistono, e gl'
ha umiliati li motivi per li quali crede, che la Causa suddetta debosi
continuare ad assistere dal Cancelliero della sua Curia come in varii
altri rincontri s' è praticato per esser la Curia del Capellan Maggio-
re un Tribunale supremo, e non subordinato, che all' immediata So-
vrana determinazione. E ritrovando il Re sussistenza ne' motivi rappor-
tati dalla Curia, mi ha comandato dire alle Signorie vostre Illustrissi-
me, che nella revisione della causa sopradetta la Real Camera si avvalga
di Subalterno della Curia del Capellan Maggiore. Quod sepiissime
Realis Camera Iudex a Rege constituatur in gradu appellationis a
decretis Curiae Capellani Majoris, id sapientissime fit; ne causæ gra-
vissimæ unius, vel alterius Iudicis decreto absolvantur; quas æquum,
rectumque est, plurimum Iudicum, eorumque, qui dignitate, aucto-
ritate, doctrina, prima obtinent subfollia, suffragiis definiantur. Id-
que præsertim locum habere debet, cum de re agitur, in qua singu-
laris Iudex facile posset Fisco potius, quam iustitiæ, & veritati deservire.



CAPUT VII.

DE LITURGIA PALATINA.

De Liturgia in Oratorio Palatino Imperatorum Orientis. II. Ordo Divinorum Officiorum. III. Et agenda Liturgia. IV. Et celebranda Magna Hebdomada. V. Et curandi strumas in Capella Regis Christianissimi. VI. Ordo agendi Divina Officia in Capella Regis Catholici. VII. Et Sacrum solemne celebrandi. VIII. Ritus, qui ibi observantur in Magna Hebdomada. IX. Ac in aliis quibusdam festis. X. Ordo sacrarum rerum in Capella Regis Lusitania. XI. Et sacrum solemniter faciendi. XII. Quonam ritu alii festi dies inibi colebantur. XIII. Ordo Liturgia in Aula Lusitana, qui nunc temporis obsolet. XIV. Et de festis diebus, qui ibi celebrantur. XV. Ordo Liturgia in Capella Regis Sardinia. XVI. Normanni Reges Sicilia, quam fuerint Divinis Officiis addicti. XVII. De ritu acclamationum Regi, deque Collecta pro Rege in Liturgia. XVIII. De sacris solemnibus sub aliis Sicilia Regibus. XIX. De permissu agendi opera servilia in nonnullis diebus festis. XX. Ordo sollemnis Liturgia in Sicilia, praesente Prorege. XXI. Neapolitani Reges Andegavenses, quam studuerint celebrandis Officiis Divinis. XXII. Idem Reges ex Aragonia familia. XXIII. Quo ritu ageretur sollemnis Liturgia in Capella Palatina, regnantibus Aragoniis. XXIV. Et quinam fuerit ordo sedendi, ac decantandi sollemniter Vesperas. XXV. Rursus is Ordo explicatur. XXVI. Proregum tempore, quinam mores vigerint. XXVII. Ritus, qui modo observantur in Capella Palatina. XXVIII. De Regia mensa in magnis sollemnibus. XXIX. De benedictione Regia mensa. XXX. Caremonia olim usitata in mensa Regum Neapolitanorum.

Capellæ Palatinæ Summorum Principum publicis Ecclesiis æquiparantur, ubi Divina Officia omnia, sollemni ritu peraguntur a Clericis pluribus illarum obsequio addictis, quibus sæpe Reges adesse solent, non privatim tantummodo, sed Regia plane pompa, tuncque sacrum ipsum ministerium, vulgo dici solet, *Cappella Reale*. Id quidem jam diu in more fuit apud Imperatores Orientis, utpote qui insigniores anni festivitates Pascha, Magnam Hebdomadam, Nativitatem Domini, Festum Spiritus Sancti, Exaltationem Sanctæ Crucis, in Oratorio Palatino celebrarunt sollemni pompa, ac splendido apparatu, uti refert Codinus in libro de Officiis Aulae, & Ecclesiæ Constantinopolitanæ. His diebus Imperator accedebat ad Ecclesiam Palatinam, Imperialibus indutus ornamentis, ferens dextra manu Crucem, sinistra Lampadem: præibant Lampadarius præferens

accen-

accensam lampadem, ut nos fuit Græcis Imperatoribus; nonnullique Proceres Aulae ferentes duodecim flammula, seu vexilla, in quibus expressæ erant imagines Crucis, quorundam Sanctorum Pontificum, aut Martyrum. Imperatorem comitabantur Magnates Aulae, & Imperii, quorum quilibet sui Ordinis gerebat indumenta. Sed in festo Palmarum parabatur ambulacrum ab Imperatorio cubiculo usque ad Oratorium floribus, ramisque stratum. Despotæ suæ etiam habebant vexilla, suas itidem lampades. Ingrediente Imperatore Ecclesiam Palatinam, Cantores, Lectoresque acclamabant: *Diuturnum facias Deus imperium tuum*; & huiusmodi acclamationes frequentissimæ erant in ipsa Liturgiæ celebratione. Tum Imperator osculabatur Imagines, vel Crucem, aut Evangelium; atque Solio infidebat, in ædícula extra cancellos Bematis, quæ dicebatur Solea, eique adhærebat Magnus Domesticus tenens manu ensim Imperatorium. Proceres vero adstant, servato ordine suæ dignitatis. Imperatrix, & cæteræ Augustæ consistebant in quibusdam aulis, seu cubiculis medio in Templo politis, quæ dicebantur sedes Imperatricis, uti legitur apud Cangium lib. 3. Constantinopolis Christianæ. Sacris operabatur Patriarcha, aut Protopapa Palatii. In Paschate, decantatis Matutinis, & inchoata Liturgia, ante Apostoli lectionem accedebant ad Imperatorem Solio insidentem Proceres cuncti, & illius osculabantur pedem, manum, & genam. Feria quinta Magnæ Hebdomadæ Patriarcha, Episcopi, cæterique Præfules adibant Palatium ad salutandum Imperatorem in sella Regia consistentem; quem Patriarcha thure adolebat, tum osculabatur; cæteri vero Præfules osculabantur Imperatoris manum, & genam. Eadem feria quinta, hoc ritu agebatur ab Imperatore lotio pedum, quem ita describit Codinus cap. 12. *Constituunt duodecim pauperes, eosque subuculis, sive tunicis, curtis bracciis, seu caligis, & calceis vestiunt; & posita pelui in Imperatoris conclavi, Protopapa ad januam consistens, recitat illud: Benedictus Deus noster, cum Trisagio. Deinde lecto per illum Evangelio, quando processit usque ad illa verba: Mittit aquam in peluim. Postea adducunt jam antea præparatos pauperes singulatim quemlibet, quorum quivis manu cericum ardentem gestat; & hoc quidem sedente, Protopapa autem Evangelium legente, illudque pronuntiante: Cæpit lavare pedes discipulorum; idque sapius, donec scilicet omnium pedes abluantur; lavat Imperator dextram cuiusque pedem, lotumque sindone, qua præcinctus est, abtergit, & osculatur. Quo peractio, terminatur officium lotionis. Dantur autem cuilibet pauperi tria aurea numismata: postmodum inchoatur Liturgia, seu Missa. In magno Sabbato post Apostoli lectionem tres e Lectorum Ordine efferentes ex Ecclesia lauros, eas spargebant ante Imperatorem. In Paschatis officio accipiebat Imperator a Protopapa lampadem, dum legebatur Evangelium, Proceres vero a cæteris ministris cereos: sed circa vesperam adibat Ecclesiam S. Sophiæ ad audiendos Vespertinos Hymnos, ubi ipse & singuli Proceres thure colebantur a Patriarcha. Addit Codinus, olim morem vigisse, ut in his Vesperis ingrederetur Imperator Sanctuarium, & sanctam Mensam thure adoleret, tum etiam Clericis dono daret centum libras auri. Præter has solemnitates memorat Codinus cap. 9. Festum adorationis Crucis, quod Dominica quadam ad id designata in Palatio celebrabatur. Eo die Archidiaconus cum Cantoribus afferebat Crucem ex Ecclesia Palatina; cui Imperator, circumstante*

Au-

Aulico comitatu, obviam ibat usque ad januam, eamque semel, atque iterum adorabat, & osculabatur. Meniorat etiam cap. 19. benedictionem quamdam singulis mensibus in Palatio faciendam, hoc ritu. Decantato Matutino, & Officio benedictionis, Protopapa accedebat ad Imperatorem medius inter Archidiaconum ferentem Crucem, & Protopaltem ferentem urceolum, ubi sanctificationis materia continebatur. His obviam ibat Imperator; tunc Protopapa acceptam ab Archidiacono Crucem imponebat fronti Imperatoris cum precibus, isque Crucem osculabatur, acclamantibus omnibus: *Ad multos annos*. His peractis, si quod in promptu erat Rescriptum a Principe sublignandum in alicujus gratiam, signabatur, omnibus pariter accinentibus: *Ad multos annos*. Fuit & alia insignis caeremonia Aulae Constantinopolitanae, quum singulis annis, desinente Quadragesima, ad Aulam deferrebat e Monasterio, ubi asservabatur, celeberrima apud Græcos Imago SS. Virginis Victoriæ, seu Hodegetriæ; quam summa religione Greci colebant, atque in bellicis expeditionibus deferre consueverunt. Atque hæc festa in Palatio agebantur, ut tradit Codinus, qui cap. 15. alia quædam recenset, quæ extra Palatium celebrabat Imperator, sive in Ecclesia S. Sophiæ, sive in aliis Ecclesiis, ad quas accedebat aut ad Vespertinum Officium, aut ad Liturgiam; præeuntibus nonnullis Imperatoris ministris cum lampade, & vexillo Imperatorio, qui ibi Principem expectabant, usque ad Rei Divinæ finem. Et hinc patet, antiquum, usitatumque esse morem, ut in magnis solemnissimis Principes Regia pompa adfint Rei Divinæ, quæ celebratur, ministrantibus Clericis suis in Ecclesia Palatina.

II. Olim Francorum Reges consuevisse in Aula sua insigniores solemnitates singulari cultu, & apparatu celebrare, non obscure colligitur ex antiquis Scriptoris, qui adnotare solent loca, ubi Reges Pascha, vel Natale Domini celebrarunt, hac phrasi, *Tenuit Rex Natale*, qua indicatur, peculiari quadam ratione, hæc solemnia in Aula Regum peracta fuisse. Quibus vero ritibus Liturgia Palatina olim absolveretur minime constat, uti observavit Peiratus lib. 2. cap. 37. & sequentibus; neque enim aliud e veterum monumentis colligitur, nisi quod hæc festis diebus Principes Regalia induiebant ornamenta, splendidis epulis Aulicos excipiebant, donis, ac beneficiis quoddam cumulabant, Comititia, sive Placita generalia agebant. Quod etiam Angliæ Regibus usitatum fuit; siquidem Anglicanarum rerum Scriptores frequentissime innuunt habita Placita generalia a Regibus in magnis solemnissimis. Neque silentio prætereundum est, olim Episcopos Galliæ, instantè Natalis Domini festo, consuevisse munuscula quadam ad Regem transmittere, eundemque per epistolas sciscitari, an bene valeret, ut pro illius valetudine preces apud Deum funderent, quarum litterarum formula exstat apud Marculphum lib. 2. cap. 44. & 45. In celebrandis vero Divinis Officiis tradit Peiratus lib. 2. cap. 10. servatum fuisse in Capella Palatina Regum Galliæ, primò ritum Gallicanum, tum sub Carolo M., & ejus stirpe ritum Romanum; at imperantibus Regibus tertiæ stirpis ritum Ecclesiæ Parisiensis; & hinc Guillelmus Carnotensis refert, S. Ludovicum Regem celebrasse Divina Officia *secundum morem Parisiensis Ecclesiæ*; hinc etiam Bullæ Clementis VI. a Tilletio relatæ permittunt Capellani Regis ritum Parisiensem; huncque viguisse usque ad Carolum IX. & Henricum III. quo temporis Romanus ritus in Capella Regum Galliæ obtinuit.

In

In ea Capella is est ordo agendi solemnia, & Liturgiam, quem ex Dumontio, & Rouffetio libr. 3. cap. 1. §. 6. Ceremonialis Galliz, & ex Peiratio toto libro secundo de Oratorio Regis Galliz, aliisque desumpimus. In magnis solemnibus quandoque Episcopus aliquis, quandoque aliquis Capellanus Regis Rem Divinam facit in Capella Regis. Nam in festis Pentecostes, Circumcisionis, & Purificationis, Sacrum facit Episcopus aliquis, qui amplissimæ Societati Equestris Spiritus Sancti sit adscriptus. In Paschate, Natali Domini, Festo omnium Sanctorum, pariter Antistes aliquis operatur Sacris, tum ad Missam, tum ad Vesperas, quæ iis diebus solemniter a Musicis Capellæ Regiæ decantantur. At in aliis festivis diebus, ut in Ascensione Domini, Assumptione Deiparæ Virginis, Dominica Palmarum, Feria quinta Coenæ Domini, Parasceve, Sabbato Sancto, aliisque festis, quibus Rex solemnibus Liturgiæ adesse vellet, Sacrum facit aliquis e Capellanis Regis. Is etiam agit sacrum ministerium in Vesperis: quæ olim decantabantur in Capella Palatina singulis Dominicis, & festis diebus; sed iussu Regis anno 1669. statutum est, ut nonnisi in recensitis solemnitatibus decantarentur. Pariter a Capellano aliquo Regis, cerei in die Purificationis, & rami olivarum in Dominica Palmarum benedicuntur; & Regi traduntur a Magno Eleemosynario, qui etiam initio Quadragesimæ, cinere adspersit Regium caput. Ad Capellanium quoque Regis spectat singulis diebus Sacrum facere coram Rege, & dum Missa celebratur, decantari solet a Musicis Palatinis aliquod Responsorium. In Capella Palatina Capellani Regis dextram occupant; Episcopi, Abbates, Capellani Regiæ, & Delphini sinistram: prope Regem adest Magnus Eleemosynarius, huic adhæret Primus Eleemosynarius; ex altera vero parte adest prope Regem ejus Confessarius. Locum inter Altare, & Regem occupant Eleemosynarii Regis Rochetto, & Mantelletta induti; post hos consistunt Capellani, Clericique Capellæ Regiæ.

III. Quum vero Rex Christianissimus solemnibus Liturgiæ adest, pergit ad Palatinam Ecclesiam, præeuntibus militibus prætorianis, sonitu tympanorum, ac tibiæ, & iis, qui Regis sunt a cubiculo; sequentibus vero Magatibus Aulæ, & Sociis Equestris Confratriæ Spiritus Sancti: tum, si Eucharistico pane reficiendus est, ingreditur Oratorium, ubi Regem expectat Confessarius, cui peccata sua confitetur. Interea silent bellica instrumenta, atque sex milites agendis apud Regem excubiis destinati, cum eorum Duce consistunt ad Oratorii fores. Sacra Confessione expleta, redit ad Ecclesiam, ibique sub umbrellâ, seu baldachino consistit, supposito genibus pulvinari. Tum Episcopus, qui Sacris est operatur, salutato Rege, eumdem adspersit aqua benedictâ, & Sacrum inchoat: quo incipiente, Rex Eleemosynario, qui ei proximus est, servandas tradit chirothecas, pileumque; ac a Magno Eleemosynario, vel primo Eleemosynario accipit libellum precum, vel Divini Cursus. Decantato Evangelio, Diaconus Sacrum Codicem porrigit Magno Eleemosynario, qui illum præbet Regi deosculandum, his verbis: *Hæc sunt verba sancta*, quibus Rex: *Credo, & Confiteor*. Quandoque tamen honoris causa alicui Episcopo, ex iis, qui adfunt, traditur Evangeliorum liber, ut ad Regem deferatur. Ad Offertorium fit a Rege Oblatio. Et olim quidem, ut refert Peiratus lib. 2. cap. 45. quotidie, ac bis in Missa Rex offerebat, nempe ad Offertorium, & ad finem Liturgiæ: utraque tamen

Oblatio exigui fuit valdris, & nonnisi sub Ludovico VIII, & Ludovico XI. aucta est ad aureos duos. At uberiores erant Oblationes in Parasceve Domini ad adorationem Crucis, & in aliis solemnitatibus, præsertim Epiphania, quo die Reges consueverunt offerre aurum, thus, & myrrham. Hæ Oblationes olim concedebantur Capellaniis Regiis; sed jubente Henrico II. anno 1548. concessæ fuerunt Parochiis locorum, ubi Rex degebat: & hinc mos invaluit, ut ubicumque Regium fuerit domicilium, Parochus illius loci, singulis diebus nummum aureum accipiat nomine quotidianæ Regiæ Oblationis. Nunc vero temporis, una tantum in Missa sit a Rege Oblatio unius nummi, sequenti ritu. E Clericis Regiæ Capellæ unus porrigit primo ex Principibus Regiæ stirpis, vel alicui Magnati ex illorum numero, quos vocant Officiales Coronæ, nummum offerendum: interea ab aliquo Eleemosynario Regis apponitur pulvinar ad infimum Altaris gradum, ac prope ipse sistit flexis genibus, ex altera vero parte sistit Magnus Eleemosynarius flexus & ipse genibus, tenens argenteam concham: Tum Rex ad Altare accedit, eumque sequuntur duo prætoriani milites cum eorum Duce, procumbit in genua, nummum accipit a Principe Regiæ stirpis, atque in concham injicit; deinde Patenam osculatur, & salutato Altari, redit ad locum unde discesserat. Ad elevationem sanctæ Hostiæ, Cantores Palatini decantant hos versiculos: *O salutaris Hostia: Quæ celi pandis ostium: Bella premunt hostilia: Da robur, serva solum.* Hujus moris initia repetit Peiratus lib. 2. cap. 55. a Ludovici XII. ætate; quum anno 1512. plures Europæ Principes, initio sedere, illi bellum indixere. Ea occasione, Episcopi Gallicani pro Regis, Regniq; incolumitate, preces illas effundendas decrevere; quod nedum in Regia Capella, sed & in aliis quibudam Gallicanis Ecclesiis observatur. Cum ad pacis osculum Sacerdos pervenit, Diaconus porrigit pacis instrumentum Magno Eleemosynario, vel digniori Episcopo præsentem, a quo deferuntur ad Regem. Si a Rege fumenda sit sacra Eucharistia, id hoc ritu peragitur. Antequam Sacerdos consecrandum panem offerat, Magnus Eleemosynarius accipit a Clerico aliquo Capellæ Regiæ capsulam argenteam serico velo tectam, & in argentea concha positam, in qua capsula plures continentur Hostiæ, illarumque unam tradit eidem Clerico prægustandam, ut periculum faciat, Rege præsentem. Deinde reliquæ Hostiæ exhibentur Regi, ut illarum unam seligat, quam serico velo involutam deferunt ad Antistitem Sacra facientem, consecrandam pro communione Regis. Hausto ab Antistite Christi Domini Sanguine, apponuntur prope Altare pulvinaria duo, scabellum, ubi Rex genua flectit, & mappa, quam manibus suffulciunt duo Principes Regiæ stirpis, vel in horum absentia duo Proceres Regni, Magnus Eleemosynarius, & Primus Eleemosynarius. Tum Antistes Sacra faciens versus ad Regem, eundem paucis alloquitur ad rem, de qua agitur, & consueto mox Ecclesiæ ritu, illi Eucharistiam porrigit. Quo facto, Præfectus Domus Regiæ præbet eidem vinum hauriendum, ut facilius Eucharistiam degluriat, Olim usque ad Henrici IV. tempora, Reges Galliæ utramque speciem sumebant; exinde mos invaluit, ut nonnisi in Coronatione sua, communionem utriusque speciei perciperent. Præterea in Liturgia Capellæ Palatinæ Regum Galliæ servatur mos vetustissimus Eulogias, seu panem benedictum distribuendi. Nam Clericus aliquis Regiæ Capellæ exhibet Antistiti celebranti panes nonnullos in argentea

tea concha ab eodem benedicendos; tum iidem panes Magno Eleemosynario traduntur, qui accepto ex iis uno, dissecitque in partes duas, hæcæ præguſtandas tradit Clerico, & Eleemosynariorum uni ad periculum faciendum. Præguſtatione facta, Magnus Eleemosynarius deſert Eulogias ad Regem, Reginam, Regiamque prolem, ab iis, quas velint, ſeligendas: cæteris vero Principibus Regiæ ſtirpis, & Aulæ Magnatibus inferior Eleemosynarius Eulogias diſtribuit. Huic ritui ſimilis eſt alter, quo in Parochia Regii Palatii benedicuntur panes Regio ſtemmate diſtincti, qui ab Aula ad Eccleſiam magna pompa deferuntur, Rege adſtante Rei Divinæ ſub umbella, atque ad Offertorium cereum offerente. Panes illi benediſti dicuntur Eulogiz Regis. Atque hi ſunt præcipui ritus in ſolemni Liturgia Gallæ Palatinæ Regum Galliæ.

IV. Ibi ſolet Rex Chriſtianiſſimus adeſſe Divinis Officiis in præcipuis ſolemnitatibus, præſertim vero in magna Hebdomada, & ſeria quinta Cœnæ Domini pauperum pedes ablvere, hoc ordine. Die præcedenti, ab aliquo ex Eleemosynariis Regis, & a Medico, Chirurgo, Tonſore Aulicis, tredecim ſeliguntur pauperes, quos nulla lue, nulloque ulcere infectos probaverint, eorumque nomina deſcribuntur. Hi ſequenti die ad Ædes Regias ducuntur, ubi lotis eorum pedibus, amputatis unguibus, ac capillis, tunicam induunt rubei coloris ad genua uſque demiſſam; tum ab eorum conſanguineis deducuntur ad Aulam quamdam Domus Regiæ, ubi ſacra cæremonia eſt peragenda. Ibi ſedent in ſcamno, e regione Antiſtitis, qui ſellæ inſidens brevem habet ad eos concionem, tum diſto Pfalmo *Miserere*, eis abſolutionem impertit. Quo factò, ſingulis Rex Chriſtianiſſimus dextrum pedem abluit, & oſculatur; Magno Eleemosynario pelvim, altero Eleemosynario pedem pauperis fulcientibus. Lotione expleta, ibidem accumbunt menſæ; ſingulis tredecim ſercula apponuntur, Rege eis miniſtrante, Regemque adjuvantibus Principibus Regiæ ſtirpis, aut Magnatibus Aulæ. Singulis etiam tredecim nummi a Rege donantur. His omnibus peractis, Rex una cum Aulico comitatu pergit ad Liturgiæ audiendam in Capella Palatina; tum ſerens accenſum cereum comitatur Sanctiſſimum Chriſti Corpus ad Monumentum. Eadem die, tredecim pauperum puellarum pedes a Regina abluuntur. In Paraſceve, Rex Sanctam Crucem adoraturus accedit poſt Sacerdotem, Diaconum, ac Subdiaconum, atque offert tredecim nummos; Euchariſtiam a Monumento ad Altare deferendam comitatur; & ſacro miniſterio peractò, accumbit menſæ, ſoliſque herbis, ac leguminibus veſcitur. Tum nonnullis alieno ære oppreſſis veniam facit, ſoluta pro eis pecunia; tandemque ad Matutinum Officium pergit. Pariter in Magno Sabbato, ac Paſchate, Divinis Officiis in Capella ſua intereſſe ſolet: quo die quandoque ſtrumofis manus imponit, uti etiam in Pentecoſte, Feſto omnium Sanctorum, & Natali Domini.

V. Nam Chriſtianiſſimi Galliæ Reges eam vim curandi ſtrumæ divinitus accipere; quam quidem a Clodovæo Rege, qui primus Chriſtiænæ Religioni nomen dedit, profluxiſſe nonnulli opinantur. Sed obſtat ſilentium veterum, præſertim Gregorii Turonenſis, qui nullos memorat Reges primæ, aut ſecundæ ſtirpis hac virtute præditos, quamvis horum facta accurate deſcribat. Obſtat etiam, quod illorum Regum plurimi, non unctiõne cæleſtis olei, ſed elevatione ſuper clypeo, ut olim moris erat, inaugurati fuerint Reges. Quin etiam leguntur

nonnulli tertiæ stirpis Reges curasse strumas, qui tamen Remensi oleo e cœlo delapso ad Clodovæum unguendum, minime peruncti. fuere. Prima hujus moris vestigia occurrunt in vita Roberti Regis, filii Hugonis Capeti, quem Helgaldus scribit impositione manum infirmos curasse: & de S. Ludovico disertius testantur Guillelmus Nangius, atque Gaufridus de Belloloco, illum signo Crucis strumosos sanasse. Exinde Galliz Reges ad hæc usque tempora hunc morem servarunt, de quo plura tradant Galli Scriptores. Itaque instantibus præcipuis anni festivitibus, si Rex velit strumosis manum imponere, Magaus Eleemosynarius eum confcium facit quot, & qui curandi sint: notumque fit universis, Regem, statutis die, & loco, curaturum strumosos, quibus interea temporis eleemosyna e Regio ærario conceditur. Stata die, primo Medici ac Chirurghi Aulæ diligenter explorant, an revera strumis laborant, qui curandi sunt: tum hi flexis genibus Regem expectant, qui singulis manum in fronte imponens, profert hæc verba: *Rex te tangit; Deus te sanat*. Singulis deinde Magnus Eleemosynarius nummum largitur, inquiens: *Orate pro Rege*. Hanc strumarum curationem sibi quoque vindicant Angliz Reges: de qua re Polydoris Virgilius lib. 4. Hist. Angl. scribit: *Eduardus I. Rex Anglorum, qui O' sanctus appellatur, solebat divinitus solo tactu sanare strumosos, quod quidem immortale munus jure quasi hereditario ad Reges posteriores manavit: nam Reges Angliæ etiam nunc tactu, ac quibusdam hymnis, non sine cæremoniis prius recitatis, strumosos sanant*. Et Petrus Blesensis ep. 150. ad Clericos Aulæ Regiæ probat ex hac ipsa virtute sanctitatem Regiæ Majestatis: *Sanctus, O' Christus Domini est, nec in vanum accepit unctionis sacræ sacramentum, cujus efficacia si nescitur, aut in dubium venit, fidem ejus plenissimam faciat defectus inguinarie pestis, O' curatio scrophularum*. Hinc nunc temporis Angliæ Reges Catholici e Stuarda familia, de Ecclesia, & Fide Catholica præclarissime meriti, statis quibusdam diebus, post recitatum a Capellano suo Evangelium, & quasdam preces, strumosis manum imponunt; uti a Jacobo III. Principe religiosissimo factum novimus. Hispanis vero Regibus cælestem vim inesse sanandi vexatos Dæmone scribunt Borellus in libro de præstantia Regis Catholici, alique. Denique in Capella Regum Galliz, absoluta Liturgia, Episcopi recens promoti præstant fidelitatis juramentum, de qua re alibi agendum erit.

VI. Hispaniz Reges in magnis solemnibus adesse solent Rei Divinæ in Capella sua Palatina, ad quam se conferunt hoc ordine, uti apud Dumontium, & Rosuetium in Cæremoniali Hispaniz legitur. Præcedunt duo Officiales Aulæ, quos *Alcaldos* vocant, virgas manu ferentes, sequuntur Adolescentes Aulici, Cubicularii, Præfecti Domus Regiæ, Magnates Hispaniz, Rex, & Asturicensium Princeps: prope Regem Cardinales, ac Oratores Principum, post Regem Dux Prætorianorum militum. Ingredientem Regem Major Capellanus, aut Apocriarius Pontificius, vel aliquis Antistes adspersit aqua benedicta. In Capella locus Regis est prope Altare a dextra illius parte, seu cornu Evangelii, ubi in tabernaculo quodam velis obducto, quæ dicuntur *Regiæ Cortina* consistit: prope adest Præfectus Regiis Cortinis, cujus muneris incumbit vela obducere, atque referare. Olim in scamnulo prope Regem sedebat Supremus Præfectus Domus Regiæ; sed decreto Philippi V. Regis anno 1705. uti referunt Dumontius, & Rosuetius, ea sedes concessa est Duci Prætorianorum militum, vul.

vulgo *Capitano della Guardia del Corpo* : quare *Supremus Præfectus* Domus Regiæ sedet primo loco in scamno Magnatum Hispaniæ , etiam si ex illorum numero minime sit . Dextram quoque Altaris partem occupant Major Capellanus , & Antistes , si qui adsunt , sedentes prope Aram , tum Magnates Hispaniæ scamno insidentes . Ex altera vero parte , seu cornu Epistolæ consistunt Præfecti Domus Regiæ , Legati Principum , & Capellani Honorarii . Regina Hispaniarum intra ligneos cancellos adest in ædícula quadam , cui proximus est locus Matronis Aulicis destinatus . Ita vero rem hanc describit Turturetus in libro de Sacello Hispano cap. 4. *Prope Aram , & juxta Cornu Evangelii eriguntur Regia Cortina , ad quas per nullos gradus est ascensus , sed contingunt unum pavimentum . Sub iis Rex moratur , & confidet in sella . Proximus sequitur Præfectus Regiis . Cortinis deducendis , & reducendis , qui semper adstat . Primus Magister , seu Major-domus Regiæ juxta sedet in sella humiliori , quam vocamus Hispanica Silla rasa . Subsequuntur ceteri , qui adsunt Hispania Magnates capite opero , & assidentes in prælongo scamno , quod tantum vestis non inlegans tapetum . Adjacent e regione Cortinæ Regiæ , & prope alterum Ara cornu ceteri Majores Domus Regiæ , suis baculis innixi , sed capitis nudi . Hos excipiunt , sed sedentes in suo scamno , quod est vestitum serico villosio , & operis capita , Legati Principum hoc ordine , Pontificius , Cæsareus , Gallus , Venerus . Ceteris Legatis jus sedendi coram Rege non est datum ; unde in Sacello Regio non solent adesse . Legatis Principum sunt proximi Aula Capellani in suo etiam scamno soliti assidere (vulgo dicuntur de Honor , & e re , & sessione de Banco) superindui supparo lineo , & recti capita segumeno illo nigro , & quadrato , quod birrestum appellatur , inter quos , ut etiam inter Magnates , nulla in sessione habetur ratio antiquitatis : modo Receptor , & Juridicus præcesserint , quem quisque inveniet locum , eum occupat in sedendo . Capellanis etiam cum Concionatoribus Regiis ita convenit , ut sibi præferri patiantur ex Capellanis unum saltem , præter Receptorem , & Juridicum ; qui deinde venerint , alternatim sedcant , adeo ut Capellani , & Concionatores sibi musuo succedant . Idem ordo in publicis supplicationibus est servandus . Quoties in Sacello concio habetur , portatile suggestum erigitur inter Legatos Principum , & Capellanos , adeo ut Concionator Regem alloquatur . Summus Capellanus , & si quis Antistes forte adest , sedent proximi Altari , & in cornu Evangelii , capitis operis . Cum vero contingit , adesse in Sacello Sanctæ Romanæ Ecclesiæ Purpuratum aliquem Patrem , penè aquatur in sessione cum ipsomet Rege , e cujus conspectu sedere solet , & habere præter sellam , Regiæ haud multum absimilem , pulvinar substrato pedibus tapete .*

VII. In celebranda vero Liturgia hi præcipui ritus servantur . Si Sacrum facit Cardinalis aliquis , vel Antistes , aut Pontificius Apocrisiarius , tunc quidem ad Altare induit Pontificalia ornamenta , præsentem Rege ; sed cum sandalia induit , pedes velamine obducuntur . Inchoata Missa , Major Capellanus , nisi Sacris operetur , medius inter Receptorem Capellæ Regiæ , aliumque Capellanum , monente Præfecto Cæremoniæ , accedit ad Regem , & prope recitat Introitum , atque Confessionem ; duobus assistentibus Capellanis provolutis in genua . Si vero Major Capellanus Sacris operatur , id muneris præstat Cardinalium , aut Episcoporum aliquis , ex iis , qui adsunt . Ubi Dia-

conus thure coluit Sacra facientem deferat thuribulum ad Cardinalem, vel Antistitem aliquem, aut Apocrisarium Pontificium, qui medius inter duos Capellanos Honorarios, accedit ad Regem, & Principem Asturicensem, quos thure colit, ter ducto thuribulo. Si nullus addit Antistes, a Diacono Rex donandus est thure. Decantato Evangelio, Sacer Codex a Diacono porrigitur pariter Cardinali, aut Antistiti alicui, aut Pontificio Legato, ut ab eo deferatur ad Regem, Principemque Austricensem osculandus; facto tamen prius periculo a Præfæcto Regiarum Cortinarum, qui locum a Rege, & Principe deosculandum tergit velo quodam, quod mox suo ori admovet. Si Rem Divinam facit aliquis e Cardinalium, vel Episcoporum ordine, tunc ei in lo-
tione manum ministrant antiquiores duo Præfæcti Domus Regiæ, vulgo *Maggiordomi*. Spectat ad Cæremoniarum Præfæctum innuere Magnatibus, quum in Liturgia eis standum est, aut genua flectendum, sique inter eos aliqui adscripti sint Societati Velleris aurei, iidem in quibusdam solemnibus Torquem Societatis deferunt, uti etiam Rex, & Princeps Austricensem. Et illi omnes, quibus ad Altare eundem, redeundumque est, salutato Altari, Regem, Reginam, Magnates, Oratores Principum eodem obsequio colunt. Absoluta Liturgia, solemnis benedictio dari solet a Cardinali aliquo, vel Episcopo; si ex illorum numero minime sit, qui Sacris operatur.

VIII. Qui vero festi dies in Capella Palatina Regum Hispaniæ præcipue colantur recenset Turturetus cap. 6. ubi scribit, quolibet mense, feria quinta, & sabbato unius hebdomadæ in publico Aula Sacello, Aram decenter exornari, & sanctissimam Eucharistiam publicæ adorationi exponi, a Sacellanis Psalmos prænitentiæ Davidicæ æternis vicibus recitari, præsentem Rege intra ligncos cancellos, solemni ritu peragi Missæ Sacrificium, ac eo finito, Sanctum Domini Corpus per Sacelli ambitum circumferri, deferentibus umbraculi, seu baldachini hastas ipsismet Sacellanis, & sequentibus viris illustribus Palatinis. Addit, Regem Catholicum in Sacello, & in publicis actionibus, semper primas concedere Collegio Ecclesiastico Palatino. Ita cereum in festo Purificationis, cinerem initio Quadragesimæ, post omnes Sacellanos Aulicos, & minores Clericos, qui Sacello inserviunt, accipere consuevit. Itidem in Parasceve, postquam Antistes, qui Sacris operatur, & ceteri Sacerdotes Palatini adorant sanctissimam Crucem, tunc demum Rex ipse eandem flexis genibus adorat, progrediens ad Altaris gradus. At Crux ipsa, quam illi sunt deosculati, invertitur; & sublato operculo, frustulum sanctissimæ Crucis Rex osculatur. Tum flexus genibus ante eandem Crucem, reis quorundam criminum veniam facit, quos tamen puniendos urget dumtaxat Filii Patronus. Pro iisdem vero intercedit Magnus Capellanus, deponens ante Regem criminum tabulas, quas Forenses vocant processus. Ea die, nullus in Capella conspicitur Regius apparatus, nec Regiæ Cortinæ, nec tapetum Regiis pedibus subternitur, dumtaxat nigrum pulvinar genibus supponitur. Feria quinta in Coena Domini, post peracta in Capella Palatina Divina Officia, inde itur ad amplissimam aulam proximam Regiis cubiculis, præcedente sacra supplicatione, & viris Palatinis; Regem Oratoribus Principum subsequenter. Ubi ad locum deventum est, decantatur Evangelium Joannis: *Ante diem festum Pasche*; & simul atque ea verba proferunt: *ponit vestimenta sua*, Rex casem, & pallium deponit. Ad illa verba; *Cum accepisset linteum*, linteo præcingitur: tum flexus

flexis genibus progrediens, duodecim pauperum pedes abluit, abstergit, iidemque pollicem, atque indicem in modum Crucis decussatos sperimponit, & osculatur. Hoc peracto, instruuntur mensæ pauperibus ibidem, Regio apparatu: quibus Rex ipse fercula distribuit. Eisdem conceduntur vestes, nummi, & omnia mensæ utensilia, cibaria insuper, quorum magna est copia, quæ supersunt. Eodem die solet Rex plures adire Ecclesias adorandi causa Christi Corpus in Monumento positum: & spectat ad Magnum Capellanum tot aureos nummos in concham argenteam iniicere, quot sunt Regiæ familiz Principes. Atque hi sunt insigniores ritus, quibus colitur magna Hebdomada ab Hispanis Regibus.

IX. Prætera in pervigiliis Natalis Dominici, & Epiphaniz, Rex Catholicus Matutinis Officiis, quæ modis musicis decantantur, consuevit interesse, sed intra ligneos cancellos. In festo Epiphaniz Sacrum facit solemnî ritu, & Pontificali apparatu Antistes ex insignioribus, qui in Aula degunt, vel Apocrisarius Pontificius, vel Magnus Capellanus; & ante oblationem Hostiæ, Rex e Cortinis Regiis ad Aram pergit, ibique procumbens in genua offert Antistiti celebranti tres calices argenteos, deauratosque. Is vero ad Regem conversus, utraque manu Patenam tenens, eandem Regi exhibet osculandam, postquam facto Crucis signo, Regi pro oblato munere diuturnam valetudinem, atque adfluentem rerum secundarum copiam fuerit a Deo precatus, pollicitusque illis verbis: *Centuplum accipies, & vitam æternam possidebis*. Calices vero ob festi mysterium continent, primus frustulum auri, alter grana thuris, tertius parum myrrhæ; iique donari deinde solent alicui Ecclesiæ, aut Monasterio, iubente Magno Elemosynario: ex iis tamen unus singulis annis conceditur celebri Monasterio Escorialensi. In festo Corporis Christi Rex Catholicus e Palatio se confert ad Templum S. Mariæ, ubi postquam Antistes Rem Divinam solemniter secerit, supplicatio instituitur. Præcedunt piz sodalitates, & Regularium Ordines, Senatores Regii, Consilium Cruciatz, Ordinum Equestrium, Regii ærarii, Italicum, Aragonicum, Quæstorum fidei, & Castellanum. Sanctam Eucharistiam deferunt Sacerdotes sub umbraculo, quod suffulciunt Capellani Regis usque ad fores Templi, exinde vero Decuriones Civitatis. Sequitur Antistes, qui Sacris est operatus, & qui Capellani Regii illi ministrarunt. Tum Proceres Aulici, Magnates Hispaniæ, Regia soboles, Rex ipse gestans cereum accensum. Proximi Regi incedunt Cardinales, si qui adfunt. Sequuntur Legati Principum, Consiliarii Status, Cubicularii, tandem claudunt agmen milites Prætoriani. FERIA quarta infra octavam, Rex cum omni comitatu Aulico adest supplicationi, quæ fit intra Ecclesiæ ambitum in Cœnobio Monialium SS. Virginis Annuntiatz. Itidem in octava ejusdem festi, intervenit supplicationi in Regio Cœnobio Discalceatorum. Denique solet Rex Catholicus adire Ecclesias Regularium, eo die, quo sacrum celebrant sui Ordinis Fundatori.

X. Jam de Liturgia dicendum est, quæ olim vixit in Capella Regis Lusitaniz, antequam Patriarchalis Ecclesiæ dignitate ornaretur. Ordinem hujus Liturgiæ sub Joanne IV. constitutum erimus e monumento quodam Lusitano idiomate edito ab Antonio Cajetano Souza tomo 4. pag. 783. Historiæ Regum Lusitaniz. Is ergo ita se habet. Regem in iis festis solemnibusque diebus, quum Regia pompa adest Divi-

Divitis, in Capella sua Officiis, Magnus Capellanus conscium facit; omnia in promptu esse, horamque imminere faciendæ Rei Divinæ. Tum spectat ad illum, qui est a summis imperii negotiis, Oratores Principum admonere, ut ad associandum Regem conveniant; Dynastæ vero, seu Titulati convocantur ab Ostiario Regii Cubiculi, quem nuncupant *Porteiro da Camera*. Deinde hoc ordine ad Capellam itur, Præcedunt causarum capitalium Prætor, Aulici, Patritii, quos *Fidalgos* appellant; & Titulati. Sequuntur tres conspicui Proceres Aulæ dicti *Officenes da Casa*, nempe Magnus Ostiarius (*Pesteiro mos*) medius inter Œconomum Domus Regiæ a dextra (*Vedor*) & Architrictim (*Mestre Salla*) a sinistra. Magnus Aulæ Magister virgam manu gestans paulo ante Regem incedit, etiam si aliqui Duces adsint. Verum si adsint infantes, hi proxime præcedunt Regem. Cardinales proxime sequuntur Regem, & post Cardinales sequuntur Oratores Principum, Archiepiscopi, Episcopi. Magnus Capellanus si ex Episcoporum numero sit, inter Episcopos incedit; sin minus, inter cæteros Aulicos. Prætoriani Milites instructi in acie consistunt in Capellæ vestibulo. Ad hujus fores, Archiepiscopus, vel eo absente senior Episcopus, vel si nullus addit Episcopus, Magnus Capellanus Regem adpergit aqua benedicta. Porro Regis locus in Ecclesia est ædicula quædam velis seu Cortinis obducta; ubi tum Rex, tum Princeps hæres imperii prope Regem sedent, cæteri Infantes aliquo interjecto spatio assident; sed Infantum filiis non sedes, sed pulvinaria ad sedendum conceduntur. Spectat ad Præfectum Stratorum, seu *Reposteiro mor* sedes Regi, & Infantibus admovere, eorumque genibus pulvinaria supponere. Spectat vero ad Præfectum Regiarum Cortinarum (*Sumilher da Cortina*) vela ducere, ac reducere, & hinc prope Regis ædiculam adstat, circumstant Milites. Cardinales insistent sedibus cum postergali a cornu Evangelii inter Altare, & Regis ædiculam; illos sequuntur Episcopi assidentes in scamno tapete tecto, quorum antiquiores propius Altare accedunt. Magnus Capellanus, si sit Episcopus sedem occupat sine postergali prope ædiculam Regis, a cornu Evangelii; & Rege haud in Capella præsentē, sedet primo loco inter Episcopos, etiam si senior non sit, quia est Antistes Aulæ. Si vero Episcopali dignitate minime fulgeat, stat prope Regias Cortinas. Oratores Principum confident e regione Solii Regii in sedibus serici villosi sine postergali, sed cum scamnulo, & pulvinari ad genua flectenda. Ducibus prope Regium Solium sedilia sine postergali, pulvinaria, & tapetum, ubi procumbant in genua, conceduntur. Magnus Aulæ Magister sedem occupat postergali destitutam; & hunc sequuntur Marchiones similibus insidentes subfelliis; tum Comites in scamno cum dorsuali fulcro, & tapete. Prædicti tres Proceres Aulici, Magnus Ostiarius, Œconomus, & Architrictim virgas manu gestantes stant e regione Solii Regii prope Oratores Principum.

XI. Universis hoc ordine constitutis, Sacrum inchoatur, sique in ipso Missæ initio, Fideles sint sacris aquis adpersigendi, Magnus Capellanus accedit ad Regis sedem, eoque salutato, eundem aspergit sacris aquis; deinde ex eodem loco aspergit Reginam, quæ in abside adesse solet, tum Principem hæredem imperii, denique Infantes, horumque filios. At Infantes, & eorum filii tantisper a suis recedunt locis, cum a Magno Capellano asperguntur. Si is ex Episcoporum numero minime sit, senior Episcopus hoc officio fungitur.

In

Inchoato Sacro Magnus Capellanus prope Regem recitat Introitum, Confessionem, *Gloria*, & *Credo*, Divinumque Cursum. Is idem thure Regem colit, eique præbet Evangelii, pacisque osculum: sed antea Præfectus Regiarum Cortinarum locum tergit Sacri Codicis, sacrique instrumenti, quo pax datur, a Rege deosculandum. Rex, & Princeps hæres imperii sedent, dum osculantur; Infantes tamen surgunt, & aliquantulum versus Magnum Capellanium progrediuntur, ut pacis osculum accipiant. At si Magnus Capellanus ex Episcoporum Ordine minime sit, tunc hæc munia præstanda sunt ab Episcopo antiquiore; & a Magno Capellano detergenda sunt loca, quæ Princeps osculatur. Si nec ullus Episcopus, neque adit Magnus Capellanus, Decanus Capellæ Regiæ hoc ministerium exequitur. Si a Rege facienda sit Oblatio, ea hoc ritu peragitur. Præfectus Stratorum (*Reposteiro mor*) accepto, osculatoque pulvinari, illud prope infimum Altaris gradum collocat, Tum Rex e loco suo ad Altare pergit, Regemque comitantur Magnus Aulae Magister, tresque illi Proceres Aulici, quos vocant *Officiaes de Cama*. Infantes ex adicula recedunt, atque extra eam manent, donec Rex ad sedem suam redeat. Oratores quoque Principum, & Antistites surgunt, ac aliquantulum a suis recedunt sedibus, pariter donec Rex suo se loco restituat. Idque totum observandum est, semper ac Princeps e sede sua ad Altare, vel alio progreditur. Regi ad Altare provoluto in genua, Antistes sacra faciens osculandas exhibet sacras Imágenes, sique sit Episcopus, anulum. Eleemosynarius vero Oblationem Regis in bacili positam porrigit Antistiti; demum accepta ab Antistite benedictione, Rex sedem suam repetit. Tum Princeps hæres imperii, cæterique Infantes ad faciendam Oblationem accedunt; sed Infantes genua flectunt extra infimum Altaris gradum.

XII. In Epiphania Eleemosynarius præbet Oblationem Principi, Princeps Regi, Rex eam suis manibus in concham iniicit; cæteris vero diebus, Oblatio Regis porrigitur ab Eleemosynario. In festo Purificationis cereos ab Antistite sacra faciente accipiunt primo Præsules, tum Capellani, deinde Rex, Regina, Infantes: acceptumque cereum Rex tradit Magno Capellano, a quo rursus ei porrigitur supplicatione progrediente, quam Rex stipatus Equitibus Ordinis Christi sequitur post Antistitem sacra facientem. Eodem modo res se habet in Dominica Palmarum. Cæterum in aliis sacris Processionibus, cum a Rege deferendus est cereus, is ei a Magno Aulae Magistro porrigitur, quod non fuerit ab Altari acceptus. In die Cinerum, Rex, Regique Principes ad Altare asperguntur cinere ab Antistite stante & sine Mitra; qui deinde accepta Mitra adspersit cinere Oratores, Duces, Marchiones, Comitesque; sedens deinde cæteris hoc officium præstat. In magna Hebdomada, Rex, & Equites Ordinis Christi induti Vestimento Ordinis adfunt Divinis Officiis; & in Parasceve ad Crucem adorandam accedunt primo Antistites, deinde Capellani, tum Rex, Princeps, Infantes, Oratores, Duces, Marchiones, Comites, Patritii. In Paschate Eucharistia circumfertur ab Antistite, quem sequuntur Equites Ordinis Christi induti Vestimento Ordinis, eosque Rex sequitur, cuius tamen Vestimenti syrma haud a Cubiculario desertur, uti cæteroquin fit, quod in iis Processionibus, in quibus Eucharistia circumfertur, Vestimentum Regis ad terram usque demittitur. Eo die, Rex, cæterique, Equites Christi, Eucharistica communionem donantur. Regi Eucharistiam Antistes porrigit, Magnus Capellanus purificationem; aut

si Magnus Capellanus Sacris operatur, Decanus Regiæ Capellæ: duo Præfecti Regiarum Cortinarum iustulciunt mappam: Prælectus Stratorum supponit Regiis genibus pulvinar; sed Rex tolet nuda humo procumbere. Atque his præcipue ritibus olim solemnis Liturgia Palatina agebatur in Capella Regum Lusitanæ sub Joanne IV. & successoribus Regibus.

XIII. Nunc vero temporis, quod Capella Regia sit simul Ecclesia Patriarchalis, quod ibi Patriarcha Sacris operetur, quodque ecclesiasticum ministerium ex Clericorum diversis Ordinibus, privilegiisque, majori splendore, & pompa peragatur, alii & diversi ritus obtinent. Itaque statuta ad Liturgiam agendam hora, Patriarcha induit sacra ornamenta, & præcedente Cruce, insigni Clericorum, Principum, Pronotariorum, assistentium comitatu progreditur ad Ecclesiam; quo pariter Rex e suis aedibus, Aulicorum præeunte multitudine, se confert. Ubi Rex, & Patriarcha sibi invicem occurrunt, mutua salutatione facta, præcedunt Aulici, sequuntur Clerici cum Cruce, Patriarcha cum Principalibus, Protonotariis, & Assistentibus, Rex denique, ad Ecclesiam accedunt. In hujus limine, olim Cardinalis Patriarcha accepto a Sacrista aspersorio, adpergebat sacris aquis Regem, Regiosque Principes: sed hanc caeremoniam nunc desisse accepimus. Tum in Ecclesia primo ad Sacellum, ubi asservatur Eucharistia brevi sua oratione, deinde ad Aram principem procedunt universi; ubi Patriarcha in sua sede precatoria genua submittit; Rex Solium conscendit, ibique procumbit in genua. Dum vero Liturgia celebratur, Rex stat, aut sedet, vel procumbit in genua; stantibus, vel sedentibus, aut genua submittentibus sacris Ministris. Decantato Evangelio, Subdiaconus sacrum Codicem Patriarchæ osculandum exhibet, deinde accepto altero Evangelii Codice a Præfecto caeremoniarum, hunc osculandum præbet Regi, Regiisque Principibus. Ad Offertorium postquam Patriarchæ thus datum fuerit a Presbytero Assistente, is idem Regem, Regiosque Infantes thure colit, ter singulis ducto thuribulo. Sed sacris operante Patriarcha, Diaconus ipse, qui ad Altare ministrat, hoc officio fungitur. Pacis osculum Patriarchæ primum, tum Regi, Regiisque Infantibus aliquis e Principalium Ordine exhibet; & Rem Divinam faciente Patriarcha, statim post acceptam a Celebrante pacem, Rex, & Infantes donantur osculo pacis. In Epiphania offeruntur a Rege in Liturgia aurum, thus, & myrrha, quæ in argenteis vasibus a tribus Aulicis delatis posita ab Eleemosynario accipit, porrigitque Patriarchæ stanti in Solio, is Diacono; interim stant Regii Principes, donec ad Solium redeat. In festo Purificationis, ac Dominica Palmaram, Rex, Regiique Principes accedentes ad Patriarchæ sedem, flexis genibus (quod tamen religionis causa sit, ac præter ordinem) Cereum, Palmamque ab eo accipiunt; sequuntur Principales. Sed in die Cinerum, hi adperguntur cinere ante Regem, Regiosque Principes. Pariter in Parasceve Sanctam Crucem Principales primum, deinde Rex, Regiique Infantes adorant; & a Magno Eleemosynario aurei centum pro Oblatione Regis donantur. In festo Corporis Christi, ab Ecclesia usque ad definitum locum, Rex, Regii Principes, Equitesque Ordinis Christi deferunt baldachini hastas, cum Eucharistia circumgeslatur; easque rursum in definito loco accipiunt, redeunte ad Ecclesiam supplicatione.

XIV. Porro Rex Lusitanæ consuevit solempni pompa adeste Divinis

nis Officiis in Epiphania, die Cinerum, Festo Purificationis, Dominica Palmarum, Feria quinta in Coena Domini, Parasceve, Paschate, Festo Corporis Christi, huiusque Festi octava die ad Vespertinum Officium, Festo Conceptionis Beatæ Mariæ Virginis. Præterea intervenit Sacris Rebus in Ecclesia S. Vincentii, die 16. & 18. Januarii, cum ibi Divina Eucharistia publicæ adorationi exponitur. Insignis quoque fuit Joannis V. Regis erga Beatam Virginem sine labe conceptam pietas; cuius festum diem solemni ritu celebrandum in omnibus Regni Ecclesiis statuit lata lege anno 1717. Neque id solum: siquidem anno 1733. die 15. Decembris, in Capella Palatina Brigantiorum Ducum, edito sacramento, una simul cum Sociis Regalis Academiæ Historiæ Lusitanæ, tuendæ, ac vindicandæ Immaculatæ Conceptioni Virginis Deiparæ fidem obligavit suam. Quod etiam præstiterat Joannes IV. an. 1646. cum & in Comitibus generalibus Regni sancivit Beatam Mariam sine labe conceptam totius Lusitani imperii Protectricem habendam esse. Sed & Sancti Joseph solemnia agi, tum in Patriarchali Ecclesia, tum in omnibus Ecclesiis Regni, præmissis sacro novendiali, Joannes V. curavit, imperavitque. Festum quoque diem S. Francisci summa religione in Franciscanorum Ecclesia S. Joseph de Ribamar singulis annis coluit; peractisque sacris rebus consuevit eo die cum Cœnobitis discumbere. Postrema anni die, in Jesuitarum Ecclesia aderat solemni gratiarum actioni, Patriarcha sacris operante: & alia plurima pietatis in Deum, Divosque argumenta Princeps religiosissimus edidit in diem.

XV. Solent etiam Sabaudia Principes, sive Sardinia Reges statis quibusdam festis diebus, solemni pompa adesse celebrationi Liturgiæ in Metropolitana Ecclesia, aut alibi: tum quidem se se ad Ecclesiam conferunt, prætorianis militibus stipati, tympanis, tibiisque resonantibus. Ad Ecclesiæ ostium Magnus Eleemosynarius Regem adspersit aqua benedicta, quam Clericus Capellæ Regiæ in vasculo deferret. At in Ecclesiam Cathedralē pergit ad Templi fores Episcopus; hunc invitat Magnus Eleemosynarius, ut sacra aqua adspersat Regem. Cæterum in omnibus Ecclesiis, ad quas Rex se confert, id muneris spectat ad Magnum Eleemosynarium. In Ecclesia Solium paratur tribus gradibus ab humo erectum, ubi sella Regia basellæ imposita, pulvinaria ad sedendum, & genua flectendum, ac similis quoque sella pro Regina apponuntur. Si adsint Principes Regiæ sobolis, iis, locus datur in eodem Solio, sed eorum sedilia carent dorsuali fulcro, & basi, ac pulvinariis. Antistes Sacra faciens sedet in humili sella; neque enim præter Regium, aliud est in Ecclesia Solium. Prope Regis Thronum sedent Magnus Cancellarius, Consiliarii Status, Senatores, Magistratus; ex adverso vero Equites Regalis Ordinis SS. Annuntiæ, & Aulici Magnates, suo quisque ordine. Tum e Sacratio, præeunte Capitulo, progreditur ad Altare Antistes celebraturus, Pontificalibus indutus ornamentis, & Sacrum incipit. Postquam thus dederit Altari, Præpositus Metropolitanæ Ecclesiæ, accepto thuribulo, accedit ad Regem, quem stantem thure colit, uti & Regios Principes, ter ducto thuribulo. Diaconus vero, reddito ei thuribulo, Canonicis thus offert: eodemque tempore Capellanus Aulicus Alba, & Tunicella indutus, e Sacratio prodiens, aliud ferens thuribulum, Equitibus Ordinis Sanctissimæ Annuntiæ eundem honorem impendit, bis singulis ducto thuribulo. Decantato Evangelio, ab eodem Metropolita-

næ Ecclesiæ Præposito Evangeliorum liber deferitur ad Regem, qui illum osculatur. Pariter idem Præpositus Metropolitanæ Ecclesiæ pacis signum porrigit deosculandum Regi, & Regiæ familiæ Principibus: Capellanus vero Aulicus, sacris indutus vestibus, idem præstat singulis Equitibus Ordinis SS. Annuntiæ. Si a Rege, & Regina sumenda sit sacra Eucharistia, Eleemosynarii manu tenent accensos cereos, mappulam vero suffulcunt Præfectus Domus Regiæ, & Aulica Matrona; redeuntibus Rege, & Regina ad Solium, duo Cubicularii Regii pocula porrigunt aqua plena, flexo poplite, quam prægustaverant: deinde Magister Regiæ Domus, flexo etiam poplite, linteam præbet, quo os abstergetur. In die festi Corporis Domini, peracta solemni ritu Liturgia, de more cui Rex interfuit, supplicatione indicta, Rex, & Principes Regiæ familiæ deferunt umbraculi fulcimenta, seu baldacchini hastas, usque ad fores Ecclesiæ; ibi eas aliis tradunt, supplicationemque sequuntur. Si nulli adint Regiæ cognationis Principes, hastas simul cum Rege efferunt antiquiores Equites Regalis Ordinis SS. Annuntiæ, Torque, & Vestimenta Ordinis induti. Pariter seria quinta Majoris Hebdomadæ cum sanctissimum Christi Corpus ducitur ad Monumentum, Rex, Regii Principes, vel antiquiores dicti Ordinis Equites, hastas ferunt. Quo die, in aula quadam amplissima Regiæ Domus, extructa Ara portatili, decantato Evangelio a Diacono, Rex præcinctus linteo, quod ei Magnus Eleemosynarius porrigit, tredecim pauperum pedes abluit, & osculatur. Tum hi accumbunt mensæ, singulis tredecim apponuntur fercula, quæ Regii Principes, & Magnates Aulici Regi præstant, & is discumbentibus. Ea deinde inferiores Eleemosynarii e mensa auferunt, atque tradunt illorum consanguineis domum adportanda. Singulos Magnus Eleemosynarius donat aureo nummo. Denique madido linteo a Cubiculario porrecto, Rex manus abstergit. Eodem ritu a Regina, cui ministrant Aulicæ Matronæ, lavantur pedes tredecim puellarum. Sed antea, Concionator Metropolitanæ Ecclesiæ brevem habet concionem. In Paschate solet Rex Vestimentum induere Ordinis SS. Mauritii & Lazari. Die septima Septembris, Nativitati B. M. Virginis sacra, Rex Vestimentum Ordinis SS. Annuntiæ, ac Torquem gestans, tum solemni Liturgiæ celebrationi, tum supplicationi, in qua circumfertur B. Virginis simulachrum interesse solet: Regem sequuntur Principes, Equitesque ejusdem Ordinis, universi pileati, ac torquati. Tandem commemoranda omnino est insignis cæremonia Aula Regum Sardinæ, cum singulis annis in Ædibus Regiis, publice adorationi, sanctam Syndonem Taurinensem, qua involutum ferunt ipsum Christi Corpus in Monumento, exponunt. Supplicatione indicta, Rex, Regii Principes, Equites Ordinis, Episcopi, Canonici Metropolitanæ Ecclesiæ, Clerici Capellæ Regiæ conveniunt: capsam ubi asservatur, quatuor Sacerdotes deferunt; umbellæ sulcra Rex & Regiæ cognationis Principes ab Altari usque ad Ecclesiæ fores, tum Equites Regalis Ordinis, ac alii aliis succedentes, ad locum usque publicæ adorationi statutum, deferunt. Ibi & concio habetur, & primus Regis Minister explorat, an integra sint Regia sigilla, quibus capsæ oblinatur. Tandem eadem pompa ad Sacellum, ubi asservari solet, reducitur.

XVI. Quod in Aula Regum Siciliæ, Divina Officia omnia decentissime, & religiosissime perfoluta fuerint, fua dent insignis Ecclesiæ Palatina a Rogerio Rege constructa, Parochialis dignitas ei collata, numero-
sum

sum Clericorum Collegium sacro illius ministerio addictum, summa Rogerii, & successorum Regum erga res sacras religio. Constat vero ex Rogerii Regis litteris datis anno 1148. in gratiam Joannis de Nusco Abbatis Regii Monasterii S. Joannis de Eremitis, quas exhibet Pirrus in notitia hujus Abbatiz, morem fuisse, ut in Capella Palatina in magnis solemnibus, vel Major Capellanus Regis, vel Episcopus aliquis, illo permittente, Sacris operaretur. Ita enim in illis litteris dicitur: *Statuentes, ut idem Abbas semper in omnibus festivitatibus solemnibus tamquam Præcipuus Capellanus noster, quem nobis Patrem ordinavimus, & specialissimum Confessorem ad celebrandum Divina in Capella supradicti nostri Palatii Panormi, Prælati Regni nostri caeteris præponatur; ut qui nobis in nostro Palatio majori vicinitate lateatur, ampliori gaudere debeat prærogativa honoris, nec alius Prælati præter sui continentiam, & consensum, vel eo invito, in prædictis festivitatibus in Capella prædicta celebrare præsumat.* Hinc patet in Capella Palatina præcipuos festos dies solemnini ritu celebratos, Sacra faciente Episcopo aliquo: Rogerium vero decrevisse, ut illius Monasterii Abbas, tamquam primus Capellanus Regis ibi solemnina ageret, vel Antistes aliquis, illo consentiente. Neque debitandum, quin huic solemnii Liturgiæ Palatinæ, Reges adesse consueverint insigni pompa: hinc enim nonnisi a Magno Capellano Regis, vel ab Episcopo aliquo solemnina celebranda erant; & hinc quoque idipsum habebatur loco honoris, & privilegii. Paterno instituto adhæsisse Guillelmum filium probatur testimonio Romualdi Guarnæ Archiepiscopi Salernitani, auctoris coevi scribentis de Guillelmo in Chronico edito primum ab Antonio Caracciolo Teatinæ familiæ oruamento, tum inter Scriptores Itabos a Clarissimo Muratorio: *Divino officio ait ille, extitit multum insentus, & personas est ecclesiasticas multum veneratus. Capellam S. Petri, quæ erat in Palatio, mirabilis musibz fecit pictura depingi, ac ejus parietes pretiosi marmoris varietate vestivit, & eam ornamentis aureis, & argenteis, & vestimentis pretiosis ditavit plurimum, & ornavit. Clericos in ea multos, & præbendas instituit, & Divinum in illa Officium decenter, & tractatim, & cum Dei reverentia, & timore celebrari disposuit.* Verissimilimum est, a Rege Divinis Officiis addictissimo, præcipuas anni festivitates Regia pompa, & splendide apparatu in Capella sua coli consuevisse; & ad illarum nobiliorem celebritatem ornamenta aurea, & argentea, supellectilem omnem pretiosissimam, in Capellam suam contulisse. Quem etiam Sacro adesse solitum singulis diebus, indicat idem Romualdus, quum narrat conjuratos in Regem, seditionem inchoasse, prima feria quinta Quadragesimæ, dum Rex ad audiendam Missam pergeret. Pariter, regnante Guillelmo II. conjurati in Stephanum Regis Cancellarium consilium iniere de interficiendo homine, Dominica Palmarum, cum Rex & Palatio, juxta morem egrediretur: quod de supplicatione, quæ eo die celebrari solet, & quam Reges Siculi comitabantur, intelligendum videtur. Quamobrem pro comperto habendum est, Normannos Siciliæ Reges, & privatim, & publice Divinis Officiis in Capella sua adfuisse. Verum non adjuere tantum, cum & iis rite, decenterque celebrandis omnem operam contulerint. In quodam rerum Liturgicarum Codice MS. Panormitanæ Ecclesiæ, ut refert Canonicus de Joanne in libro de Divinis Sicularum Officiis cap. 14. num. 9. legitur, *Kyrie Regis Guillelmi.* Conjicit vir doctus nomen Guillelmi præfatis

tis *Kyrie* affixum, nihil aliud preferre, quam iterum in Ecclesiis Siculis decantari cepisse, Guillelmo Rege promovente, non quidem Guillelmo I. sed Guillelmo II. quandoquidem in Missali quodam Gallo-Siculo Ecclesie Panormitanæ, quod Normannorum ætatem sapit, nullum omnino vestigium *Kyrie* apparet: hac fortasse ratione, quod Guillelmi ætatem, Codicis ætas præcefferit. Poruit tamen huiusmodi institutio Guillelmo I. adscribi, utpote quem Romualdus Guarna ordinandis, ac celebrandis Divinis Officiis plurimum studuisse testatur. Et verisimile est eandem institutionem a Capella Palatina ad ceteras Ecclesias Siculas derivasse. Illud sane certum est, quod pluribus momentis vincit in laudato libro Clarissimus Auctor, a Normannis nempe Principibus, abrogato Græcorum ritu, invecum fuisse in Ecclesias Siculas ritum Gallicanum, cui Siculi patrias nonnullas cærimonias addiderunt, & hinc originem sumpsit Liturgia Gallo-Sicula, quam ille accurate describit, quæque viguit in Sicilia usque ad Concilii Tridentini, & Pii V. ætatem. Jam vero consequitur Normannos Principes præsertim in Capella sua Gallicanum Ordinem induxisse, hunc ibi potissimum viguisse, & a Capella Palatina ad ceteras profluxisse Ecclesias; plane ut de Ordine Romano diximus a Capella Caroli M. ad reliquas Galliarum Ecclesias traducto.

XVII. In eo Ordine Gallo-Siculo occurrit ritus acclamationum Regi factarum in Liturgia post Collectam. De veteri acclamationum ritu plura tradunt Bona lib. 2. Rer. Liturg. cap. 5. Mabillonius Tom. 2. Vet. Anal. Catalanus in Com. ad Conc. Œcum. & Pontificale Romanum. In Sicilia vero huiusmodi acclamationes fiebant Regi, dicta oratione post Hymnum Angelicum, atque his verbis exprimebantur, uti legitur in antiquo Codice membranaceo Panormitanæ Ecclesie, teste eodem de Joanne lib. de Divin. Sicul. Offic. cap. 14. num. 14. *Acclamationes Regis Friderici. Christus vincit, Christus regnat, Christus imperat*: Chorus respondebat: *Exaudi Christe. Domino nostro Regi Friderico, Magnifico, & Triumphatori, ac Invictissimo vita perpetua*: Choro respondente: *Exaudi Christe. Salvator Mundi, Redemptor Mundi, Sancta Trinitas, S. Maria, S. Michael, S. Gabriel, S. Raphael, S. Joannes Baptista*: Choro respondente singulis vicibus; *Tu illum adjuva. Regi nostro Friderico, Glorioso, & Triumphatori pax sempiterna*: Chorus reponerat: *Exaudi. S. Petre, S. Paule, S. Stephane, & Laurenti*: Chorus reponerat: *Tu illum adjuva. Pacifico Rectori, & piissimo Gubernatori Regi nostro Friderico lux indeficiens, & pax æterna*: Choro respondente: *Exaudi. S. Sylvester, S. Maria Magdalena, S. Cristina, S. Agatha*: Choro respondente: *Tu illum adjuva*. Tum repetebatur Antiphona *Christus vincit*. Hunc Fridericum Regem Siciliæ, fuisse huius nominis tertium, censet vir doctus. Quin etiam in antiquo Codice Capellæ Palatinæ, ut tradit Amatus, legitur Collecta pro Guillelmo I. Rege. Deinde decreto Synodi Montiregalensis sub Cardinali Farnesio celebratæ tit. 9. cap. 26. omnibus diebus Dominicis precandum erat in solemnī Missa, nedum pro Civitate, populo, sed & pro Papa, Rege, & Episcopo, eorum post ultimam Collectam, etiam in Postcommunione, additis nominibus. Et Synodus quoque Panormitana sub Archiepiscopo Jacobo de Palafox p. 3. cap. 1. num. 8. sanxit in Missa solemnī Collectam recitandam esse pro Rege. Hodie hic mos viget dumtaxat in Ecclesia Palatina S. Petri: quinimo in quacumque Ecclesia Rex, aut Proræx Siciliæ solemnī

pom-

po.npa adest Liturgiæ, additur Collecta pro Rege. Præterea in Metropolitana Ecclesia Panormitana, nomen Regis additur in Canone, & preces pro Rege funduntur ad Liturgiæ finem. De qua re ita scribit laudatus Canonicus de Joanne cap. 52. n. 2. *Panormitana hæc Urbs, reliquis Siciliensibus illustrior, utpote quæ Prima Sedes, Corona Regni, & Regni Caput præfiscine nominaretur, & esset, Regi proprio benedictionem a Deo precatur quotidie. Sane in Missæ Canone, post Summi Pontificis nomen, illud quoque Regis ponitur; pro quo, in argumentum amoris, & observantia in Missa tum solemniori, tum privatorum Collectam haberi, in Diocesana Synodo sua sanxit Archiepiscopus Jacobus de Palafox; inno dicente Sacerdote Evangelium S. Joannis: In principio erat Verbum, alternatim canit Chorus Psalmum 19. Exaudi te Dominus; inde Sacerdos stans ante Altare, respondentibus more Romano Ministris, preces cum competenti oratione subjungit. Ritus iste præsentis hoc sæculo antiquior non est: institutus enim fuit post solemnissimam Coronationem Victoris Amadei olim Sicilia Regis, auctore D. Maniliano Cajetano Cozio, Cathedralis nostræ Canonico, & ad Regem Oratore. Nova hæc institutio veteri non caret exemplo: apud enim eosdem Panormitanos jam inde ab antiquis temporibus usus invaluit, doctis calum precibus fatigare, ut proprio Principi indulgens foret, atque propitium. Sane in excerptis ex pervetusto Codice in charta membrana S. Petri Palatii Panormitani pro Rege Guilielmo I. publicas supplicationes fieri, observat Panormitana eruditionis indagator diligentissimus Johannes Maria Amato lib. 13., capite 1. de Principe Templo Panormitano. In Codice membranaceo Cathedralis nostræ, cui inscriptio: Cantus diversi ad usum S. Panormitanæ Ecclesiæ, adjunctis præ obsecrationes, publicarum instar Litaniarum pro Friderico Sicilia Rege. Ex his patet olim sub Normannis in Liturgia Capellæ Palatinæ preces effusas esse pro Rege, itidem in Liturgia Ecclesiæ Panormitanæ: & hujus antiqui instituti vestigia superesse, tum in Capella Palatina, ubi Collecta recitatur pro Rege, tum in Metropolitana Ecclesia, ubi nomen Regis additur Canoni, atque pro eo preces recitantur ad Liturgiæ finem. Jam vero hunc morem precandi in Liturgia pro Rege, ab Apostolo Paulo in 1. ad Timotheum cap. 2. inductum, atque a vetustissimis Christianis observatum, a Conciliis quoque Emeritenſi cap. 3. Toletano XVI. cap. 8. Remensi I. cap. 40. imperatum, Normanni Principes a Gallicano Ordine hausserunt. Nam in antiqua Liturgia Gallicana Sacerdos his verbis precabatur: *Suscipe S. Trinitas hanc oblationem, quam tibi offerimus pro Rege nostro, & sua venerabili prole, & statu Regni, & pro omni populo Christiano.* Et ut ad hanc rem Fideles magis impellerent Romani Pontifices, Indulgentiis eos donarunt, qui pro Rege, & Regno Deum exorarent, uti ab Innocentio IV. & Clemente V. factum esse refert Joannes Feraultius in tractatu de juribus, & privilegiis Regni Franciæ. In Anglia etiam nunc temporis viget hujusmodi antiquissima consuetudo: siquidem in Ecclesia Westmonasteriensis contigua Regio Palatio, ubi tumulantur Regum defunctorum corpora, Canonicus ad hoc munus ordinatus, singulis diebus, statâ hora se confert ad Regiam Capellam, ibique cunctos monet, ut pro Regibus, Reginis, eorumque filiis vita functis precantur.*

XVIII. Sed ad Svevos Siciliæ Reges progrediamur. Hos etiam consuevisse magna solemnia agere in Aula sua, Regio apparatu, in-

dicant veteres rerum Sicularum Scriptores, dum adnotant loca, ubi præcipuos festos dies illi celebrarunt: uti jani de antiquis Scriptoribus, & Regibus Galliarum diximus. Ita Mathæus Spinellus Juvenacensis, scriptor illius ævi, in suis Diariis, quæ edidit to. 7. Script. Ital. Clarissimus Muratorius, loquens de Mamfredo Rege, ad annum 1255. Eodem anno, ait, *Natalem Dominicum celebravit Teate, & per omnia Oppida Aprutii creavit Equites.* Et rursus de eodem Mamfredo refert: *Secunda Decembris venit Barlettam, & multis ibi mensibus subsistit, etiam ibidem Natalem Dominicum magno cum triumpho. Quotidie agebantur choreæ, & omnis conditionis mulieres speciosissime eo confluerant, quibus Rex largiebatur munera aequaliter omnibus, sic ut sciri nequiret, quamam eis præ ceteris placuisset.* Idem notat celebratum a Mamfredo S. Martini festum, & ad hanc celebritatem invitatos Neapolitanos quamplures. Quidam igitur festi dies in Aula nostrorum Principum solemnè pompa agebantur. Nec silentio prætereundum est, quod idem narrat Spinellus, scilicet Mamfredo ingredienti Barulum, obviam ivisse cives ferentes manibus palmas, atque accinentes: *Benedictus, qui venit in nomine Domini.* Erat tunc temporis usitatum, hunc honoris, ac lætitiæ signis Principes excipere. Hinc & Carolus Andegavensem Romani obviam euntes excepere canendo: *Hosanna pium,* uti refert Nicolaus de Jamsilla in Hist. Rer. Sic. tom. 8. Script. Ital. Muratori. Rogerium quoque Comitem, Saracenis bellum inferentem Troynenses cives, qui Græci erant, Græcorum more exceperunt cum Cruce, thuribus, ac thure, uti scribit Fazellus lib. 7. cap. 1. Sed ad rem nostram redeamus. Subsequentes Sicilia Reges, statim quibusdam solemnitatibus, splendido apparatu in Capella sua Divinis Officiis adfuisse verisimilimum est. Et id de Martino Rege Catanzæ degente colligitur ex diplomate ab eo dato in gratiam Capellæ Regiæ Catanensis S. M. de Eleemosyna, tom. 2. Sicilia Sacra. Ibi enim Rex ait, se hanc Capellam beneficiis prosequi, quod Divina Officia, & Sacramenta in ea ministrarentur, & nos sæpè sapius illuc accedimus in ordinariis nostris functionibus ecclesiasticis, nostra Capella. Erant itaque Regibus quædam functiones ecclesiasticæ, quas in Capella sua agebant. Præsertim vero sub Joanne Rege Sicilia, & Aragoniæ, Alphonsi Neapolitani Regis fratre, & Ferdinandi Catholici parente, vixisse Liturgiam Palatinam, indicat Fazelli lib. 9. cap. 10. de eo testimonium: *Princeps hic Christianæ religionis fuit longe omnium studiosissimus. Quotidie Sacris intererat. Divorum omnium, ac Disparæ Virginis sacra stata caste, ac jejuniis, Quadragesimam præterea a vigesimo ætatis anno ad septuagesimum usque jejuniis, & abstinentia celebrabat. Festos dies, ac Dei cultum revereri ab omnibus inviolabili lege sancivit, a Saracenis imperio subiectis Mahometi nomen invocari vetuit, indignum ac sacrilegum prope facinus existimans in Christianorum Principatu, hominis perditissimi filium nomen venerationi esse. Christi Corpus cum per vicis, & in festo suo die, & item alias (ut fit) deferretur, non modo a Christianis, verum a Judæis quoque, & Saracenis, detecto capite, ac genuflexo adorari sub mœsta constituit.*

XIX. Quod a piissimo Rege Joanne factum refert Fazellus, id nostris hisce temporibus præstitit quoque religiosissimus Princeps CAROLUS BORBONIUS REX utriusque Sicilia. Nam edita Constitutione, hoc ipso anno 1749. *Festos dies, ac Dei cultum revereri ab omnibus* in-

inviolabili lege sancivit : æmulatus pietatem nedum Constantini Magni, Theodosii, Leonis, & Anthemii, quorum leges de observandis festis extant in Codice ; sed & Caroli Magni in Capitulari Aquigranensi anno 789. cap. 79. relato lib. 1. Capitul. cap. 75. ubi statutum est, ut diebus Dominicis nulla opera servilia, nec ruralia, nec textilia, nec venationes agantur ; & aliorum Regum Francorum lib. 6. Capitul. 6. cap. 205. iubentium, ut Dominicis diebus, pietati, Divinis Officiis, & concionibus vacent universi . Tum FERDINANDUS I. Neapolitanus Rex, ut populorum querelis ob nimium seriarum numerum faceret satis, Pragmaticam dedit die 1. Martii anno 1476. relatam a Toppio par. 3. de Orig. Tribun. qua suffragantibus Archiepiscopo, & Regio Consilio, dies statuit, in quibus esset ab operibus servilibus, & a jure dicendo feriandum . Constitutionem illam edidit religiosissimus CAROLUS arrepta occasione, quod a Summo Pontifice BENEDICTO XIV. statutum fuit, ut in Ditionibus illius imperio subjectis, exceptis diebus Dominicis, ac festivitibus Christi Domini, Deiparæ Virginis, nonnullisque aliis ; cæteris festis diebus, fas esset opera servilia agere, dummodo Sacrum audiretur . Hanc eandem disciplinam olim viguisse in Sicilia indicant nonnulli veteres festorem indices, quos exhibet Canonicus de Joanne in libro de Divinis Sicularum Officiis cap. 37. Illorum primus spectat ad Duceesim Panormitanam, cujus Archiepiscopi auctoritate, consentientibus Prorege, & Senatu editus est anno 1425. atque complectitur Nativitatem Domini cum duabus diebus sequentibus, Epiphaniam, Resurrectionem Domini cum duabus diebus sequentibus, Pentecosten, festum Corporis Christi, festa Conceptionis, Nativitatis, Annuntiationis, Purificationis, & Assumptionis B. M. Virginis, festa Apostolorum, & S. Joannis Baptistæ, atque omnes dies Dominicas . Alter spectat ad Syracusanam Duceesim, cujus Synodi auctoritate prodiit anno 1553. sub Episcopo Hieronimo de Bononia, atque præter recensitas festivitates, excepta Conceptione Deiparæ Virginis, enumerat festa Innocentium, Circumcisionis, duas dies subsequentes Pentecosten, ac festa inventionis S. Crucis, Dedicationis S. Michaelis, S. Lucæ, S. Laurentii, omnium Sanctorum, Patroni cujusque civitatis intra ipsius civitatis ambitum, additque : *In cæteris autem festivitatibus quacumque ratione vel institutis, vel receptis, & quæ sub præcepto celebrari debeant, permittimus, liberumque cuique facimus, ut Missa audita (de qua suam cuiusque oneramus conscientiam) ad operas suas, quibus suam, & suorum alimoniam querere cogitur, redire possit, nisi aliter ex sanctæ Apostolicæ Sedis præcepto, esset observandum* . Tertius festorum index a Synodo Ecclesiæ Montis Regalis sub Alexandro Cardinali Farnesio anno 1554. editus, recenset præter festos dies memoratos in indice Syracusano festa S. Mariæ Magdalenzæ, S. Lucæ, S. Martini, S. Silvestri, Transfigurationis Domini, Conceptionis B. M. Virginis, Commemorationis omnium Defunctorum durantibus dumtaxat Missis, S. Marci durantibus pariter Missis, S. Castrensis in Civitate tantum ; additque pariter : *In cæteris festis quacumque ratione vel institutis, vel receptis, liberum unicuique facimus, ut, audita Missa, ad operas suas, quibus suam, suorumque alimoniam querere cogitur, redire possit* . Inde patet, disciplinam permittendi opera servilia in quibusdam diebus festis, urgente adhuc præcepto audiendi Sacrum, & manente ritu diei festi, ante annos biscentum in illis regionibus obtinuisse.

XX. Jam vero rem nostram repetamus. In Capella Palatina Panormitana Proreges Siciliae, cum toto Regio Consilio, Senatu Panormitano, Proceribus Regni, quos Titulatos vocant, statim quibuldam festis, Solio insidentes adeste solent Rei Divinae, praesertim in Dominicis Adventus, & Tempore Quadragesimae ad sermones audiendos. Ibi nulli licet nisi Proregi, vel Cardinalibus uti clericis sedibus, ac cervicalibus: sed anno 1629. Prorege Duce Alburquerque permissa est Petro de Nyla Judici Regiae Monarchiae solemniter celebranti sedes ferica cum tapete, sicque etiam suis successoribus. Praeterea in quibusdam solemnitatibus Proreges ad Metropolitanam Ecclesiam, vel Ecclesias Monialium, aut Regularium (uti in festo S. Joseph ad Ecclesiam Teatinorum) se conferunt magna cum pompa ad audiendam solemnem Liturgiam. Solium Proregis pluribus gradibus sublimis excitatur in cornu Evangelii, & prope Proregem sedentem astat Tribunus Celerum vulgo *Capitano della Guardia del Corpo*; sedent vero in ipsius Solii gradibus, qui in negotiis tum civilibus, tum criminalibus jus dicunt, Curatores ararii Regii vulgo *Procuratori del Fisco*, & Protonotarius, & Secretarii Regni. Inter Altare & Solium Proregis insident sedibus tres Supremi Magistratus, quos Praefides vocant, & Assessor Proregis, quem Consultorem nuncupant; hos sequuntur in scamno Magistratus, qui administrant Regium Patrimonium: ex altera vero Solii parte confidet in sede primus e Dynastia vulgo Titulatis Regni, & hunc excipiunt scamno insidentes Magistratus, quos appellant Consistorii. E regione Solii assident scamno Magister Justitarius Civitatis, seu *Capitano*, Praetor, & Patres conscripti, seu Senatores Panormitani. Ad Introitum Missae, Diaconus, qui ad Altare ministrat, ad Proregem accedens prope eum recitat Introitum, atque Confessionem; tum quoque tres Clerici, Diaconorum veste induti, idem praestant officium erga tres Supremos Praefides, Senatores, & primum Regni Dynastam. Pariter Diaconus in Altari ministrans thure colit Proregem, isque flans, opertoque capite, thus accipit. Evangeliorum librum dignior e Clero (uti in Capella Palatina Cantor, vel Iudex Regiae Monarchiae) Pluviali amictus, praecedentibus Caduceatoribus, & Praefecto caeremoniarum desert ad Proregem, hujus osculo excipiendum. Si Liturgia celebretur in Metropolitana Ecclesia, praesente Archiepiscopo, alter e dignioribus Cleri desert alterum sacrum Codicem ab Archiepiscopo osculandum. Post Trisagium descendens e Solio Prorex, supposito genibus pulvinari procumbens adoratur Sanctam Eucharistiam inter primum Dynastam Regni a dextra, & Praetorem civitatis a sinistra. In Solium reversus, osculatur pro pacis signo auream Deiparae iconem a digniore Cleri advectam, quemadmodum Archiepiscopus aliam ab alio digniore delatam. Tum tres Clerici, Diaconorum indumento amicti, pacis osculum praebent Senatoribus, Dynastis, atque Magistratibus. In Metropolitana Ecclesia septies in anno Prorex solemnibus pompa, praesentibus Archiepiscopo, & Senatu adeste solet Rei Divinae; nempe in Epiphania, Die Cinerum, Dominica Palmarum, Paschate, Pentecoste, Inventionem S. Rosaliae, & Nativitate Domini, uti testatur Amatus lib. 7. de Principe Templo Panormitano cap. 3.

XXI. Certum quoque illud est, in Capella Palatina Regum Neapolitanorum Andegavensium Divina Officia perfoluta fuisse, Eucharistiam asservatam, Oblationes factas, & Capellanos, atque Paraphonistas

fas Divinum ministerium peregrisse, sacras res moderante Magistro¹⁵⁵
 Regalis Capellæ. Hæc enim satis perspecta sunt ex iis, quæ hucus-
 que diximus. Verisimile est ordinem ritumque Gallicanum, qui in
 Capella Regum Galliæ vigeat, Andegavenses Principes in Capellam
 suam transfudisse. Et quidem in benedicendis Regiis nuptiis Gallica-
 nos ritus ibi observatos, dicendum erit alibi. Verisimile quoque est,
 a Carolo II. Rege omnem datam operam, ut sacrum ministerium in
 Aula decentissime ageretur; utpote quem Tristanus Caracciolum in vi-
 ta Joannæ I dicit nedum modestia, & humanitate, sed & pietate,
 cæterisque virtutibus inter Christianos excellentissimum. Præsertim ve-
 ro, imperante Roberto Rege sacris rebus addictissimo, Rem Divinam
 in Aula Neapolitana, pie, rite, solemniterque celebratam, nullus
 ibit inficias. Cujus tanta fuit in Deum pietas, tantumque studium
 erga Divina Officia, ut Minoritas plures ad ea perfolvenda in Regiis
 Aëdibus aleret, cum quibus una, noctu, diuque illis celebrandis va-
 caret; Moniales quoque e claustris educeret, quæ Joannam neptem
 Divinis Officiis, Christianisque cæremoniis imbuerent. Eoque egre-
 gii Principis exemplo pariter Joannam I. incubuisse, ut in Capella
 sua Divinus cultus effloresceret, conjicere fas est. Hinc peritissimos,
 & gravissimos viros adgregabat Clero Capellæ Regiæ, quorum opera
 Divinum ministerium ibi decentissime absolveretur. Jam tum consue-
 verunt Neapolitani Principes in magnis quibusdam solemnibus, Regia
 pompa adesse Liturgiæ. Id enim a Carolo III. factum legitur anno
 1383. cum Urbanus VI. Summus Pontifex, qui Neapolim adierat, &
 in Episcopio diversabatur, die prima Januarii, Sacrum solemni ritu
 fecit in Ara principe Metropolitane Ecclesiæ, Rege præsentem, ac ve-
 xillum manu tenente, quod Pontifex benedixit, creavitque Regem
 Vexilliferum, vulgo Confalonarium Romanæ Ecclesiæ, tum Aloysium
 Andegavensem æmulum Regni diris devovit. Et die secunda Februa-
 rii, quæ festiva est Hypapantes, pariter in eadem Metropolitana Ec-
 clesia Rex, & Regina, Regia pompa interfuerunt Rei Divinæ, Sum-
 mo Pontifice Sacris operante, cereosque benedictos distribuentem Regi,
 Regina, Cardinalibus, ac Nepoti suo; cæteris vero Magnatibus cereos
 exhibente Cardinali Ravennatensi. Ladislaum quoque Neapolitanum
 Regem Romæ degentem anno 1393. solemni pompa in die Paschatis
 adfuisse Liturgiæ a Summo Pontifice celebratæ, constat ex Ordine
 Romano XV. edito a Mabillonio to. 2. Musæi Italici, ubi ita legi-
 tur: *Anno Domini MCCCXCIII. die Sabbati, XVIII. Aprilis in vigi-
 lia Paschæ, Dominus Ladislaus Rex Neapolitanus Romam intravit, & in
 Sancto Paulo omnes Cardinales sibi obviam inveniunt. Romani vero cum
 pallio in porta prope metam eum cum pallio receperunt, sub quo solus
 per totam urbem usque ad gradus S. Petri equitavit. Duo vero Diaconi
 Cardinales, qui eum associabant ante Banderenses equitabant, & illi vexil-
 liferi Romanorum immediate ante Regem equitabant: post Regem imme-
 diate Patriarcha Gradensis, & post eum Comes Laurentius, & alii milites,
 & Prelati. Die vero Sanctæ Paschæ in Missa Rex semper servavit Papæ
 de aqua, & semper sedebat inter duos primos Episcopos Cardinales:
 deinde Patriarcha Constantinopolitanus post priorem Presbyterum Car-
 dinalem, qui erat tertius in illa sedē, deinde Subprior, deinde Patriar-
 cha Gradensis, & sic omnes alii. In prandio vero dictus Rex in men-
 sa etiam sedebat inter duos primos Episcopos Cardinales. Regi itaque
 Neapolitano sedes data est inter duos primos Episcopos Cardinales.*

At Friderico Aragonio Principi Altamuræ filio Ferdinandi Regis adevinti Romam anno 1492. sub Alexandro VI. Pontifice, ut paterno nomine obedientiam Pontifici profiteretur, locus assignatus est tum in solemni Missa, quam in die Nativitatis Domini Pontifex celebravit, tradito ei ense benedicto, inter duos ultimos Diaconos Cardinales; quem locum etiam occupaverat, cum sub Paulo II. Romam venerat. Ordinem totius rei gesta narrat Joannes Brocharthus Præfectus cæremoniarum Pontificiarum in suis Diariis manuscriptis, quæ asservantur in Bibliothecis Vaticana, & Casanatensi.

XXII. Sub Aragoniis Rēgibus, quam splendida pompa, quam insigni cultu in Aula Neapolitana Res Divina celebrata fuerit, colligitur ex Alfonso Regis summa circa sacras res pietate, & munificentia. Cujus testis est præclarissimus Pontanus, qui diu in Aula Aragonum Regum operam suam præstitit, scribens libro de Apparatu cap. 4. Alphonsum ornasse & Regiam, in qua habitabat, & Templum, ubi sacra faciebat, vario & nobilissimo ornamentorum genere; & libro de Magnific. cap. 13. referens sacra solemnia ab eo peracta sumptuosissimo apparatu: *Suis temporibus, ait, Rex Alphonsus vixit omnes ætatis illius Reges, tum in iis comparandis, atque exhibendis, quæ ad sacrificiorum apparatum, & Sacerdotum spectarent ornatum, tum in Deorum, ac Deorum statuis, quas plurimas, & in iis duodecim Apostolorum ex argento constatas habuit, nihil ætas illa aut sacris solemnibus, aut publicis ludis ab eo editis vidit magnificentius.* Et hi quoque ludi ad sacras solemnitates spectabant. Nam idem Pontanus lib. de Magnific. cap. 14. memorat ludos publicos Neapoli agi solitos, causa honoris, & religionis erga Divinam Eucharistiam. De his etiam ludis ab Alphonso magnificentissime editis scribit Panormita lib. 1. de dictis, & factis Alphonso n. 3. *Ludos Christianos magnificentissimo apparatu quotannis edentem Alphonsum spectavimus, devotissima, ac solemnitate representatione.* Et Bartholomæus Facius lib. 9. de rebus gestis Alphonso Regis, sacros illos ludos memorat, quos, Friderico Imperatore Neapoli degente, in Templo Regio S. Claræ instituit Alphonso: *Ludos imprimis Christianos, inquit, magno apparatu (quibus sacra mysteria obitus, & resurrectionis Christi Dei nostri referebantur, in quibus cæremoniis se se semper magnificentissimum præbuit) in Claræ Templo augustissimo, ac maximo, iisdem spectantibus, per noctem edidit, tanta hominum frequentia, ut nonnulli inter turbam prope enecati fuerint.* Horum omnium testimonio habes Alphonsum Regem agendis sacris solemnibus, Christianis celebritatibus, Ecclesiasticis cæremoniis, Sacrificiorum apparatui, Sacerdotum ac Templi ornatui, addictissimum. Atque adeo indubium est, Liturgiam Palatinam tunc temporis summopere excelluisse; eo præsertim, quod Regis pietas responderet insigni magnificentiæ. Nam & illud in more habuit, quod summæ pietatis non leve est argumentum, ut non antea cum hoste arma conferret, quam Rem Divinam in castris peregrisset; pariterque statim ab accepta victoria, ante rem omnem, sacris rebus incubuisset. Ita refert Panormita lib. 3. n. 50. *Erat Rex in vico Juliano Rem Divinam solemniter, & devotissime de more, viruque agens, Rei Divinæ cultum, gloriæ, ac viræ præponens, non prius, quam peractis Sacrificiis capere arma contra hostes jussit.* Et lib. 2. n. 25. aliud insigne illius pietatis exemplum suggerit: *Accepta victoria in Samnio hand procul Boviano, non prius exarmati, aut pulverem extergi passus*

*Jus est, licet in mediis & æstatis, & dici, & Apulia caloribus, quam Rem Drvinam fecerit, Jesuque gratias egerit jejuniis, armatus, & pralio defatigatus. Ad eam rem habebat secum in expeditionibus Regios Sacerdotes; quorum unum, uti narrat Facius lib. 8. in obsidione Catanfarii misit ad Antonium Gentiliam, quocum de deditione ageret. Jam vero si in castris solemniter, devotissime, de more, rituque, præsentē Rege, Sacrificia peragebantur, ipso urgente pralio; quanta majori cum pompa, & religione, præsertim in magnis solemnitiis, Res Divina Celebranda fuit in Aula, & Capella, Rege præsentē. In ea sane nil quod ad pietatem spectat sibi reliquum fecit Alphonsus. Nam & die Cœnæ Domini sacra consuevit pauperum ad sexaginta usque, pedes ablucere, eisdemque discumbentibus ministrare; uti refert Panormita lib. 4. n. 1. *Singulis annis per Quadragesimam pie & religiose facere consuevit; quod die quidem Dominica Cœnæ ad vesperam linteis præinctus sexaginta pauperibus mendicis sordidatis, humillime, & submisso suis manibus pedes lavat, atque extensos deosculatur. Post hæc discumbentibus illis propinat, atque ministrat, cœnatos vero omnes dimittit cum pecunia, & vestibus novis.* Eodem etiam teste lib. 1. n. 53. Regi in more fuit Domini nostri Jesu Christi Corpus pedibus comitari, quocumque deferretur. Cur a tanti parentis vestigiis recessisset Ferdinandus filius, tum præsertim, quod ad sacrum rerum cultum excitabatur exemplis Isabellæ Claromontis religiosissimæ, atque ornatissimæ conjugis? Quam vero hæc Divino cultui, & pietati studuerit, illud imprimis probat, quod superata ad Ænariam insulam hostium classe, qua victoria Ferdinandus ultimam bello Neapolitano manum imposuit; cum universi publice, privatimque lætarentur, quod mare liberum, quod navigatio secura, quod tandem pax terra marique omnino esset parata, choreas agerent, convivia pararent; Isabella, teste Pontano lib. 6. de bello Neapolitano, victoriam Deo acceptam referret, ipsa Mariæ aras, ipsa Sanctorum Tempia adiret, veneretur, parvos liberos ante se ferret, cum iis ante illorum imagines procumberet, gratias ageret, vota solveret, supplicia pluribus diebus faceret: nihil civitas universa, nihil nobilis, ignobilis, Sacerdos omisit, quod ad declarandam lætitiā; nihil Isabella, quod ad gratum animum erga Deum, ac Sanctos testificandum pertineret. Regnante Alphonso II. in Capella Palatina celebrari consuevisse Liturgiam solemnī pompa, Rege folio insidente, cum universo Aulico comitatu, ex iis, quæ mox subdemus, perspectum erit. Ferdinandus II. & Fridericus nostrorum Regum postremi, brevi eo tempore, quo imperium irruentibus hostibus tenuerunt, non pauca suæ pietatis argumenta reliquerunt. Intererant sæpe Divinis Officiis in Ecclesia Montis Oliveti ab eorum parente pluribus beneficiis aucta, illiusque Monachis fuerunt addictissimi: Proregibus quoque, qui primi, pulsus Regibus Aragoniis, Neapolitanum Regnum vicario nomine administrarunt, mos fuit adeundi Ecclesiam illam in magnis solemnitiis, præsertim in Hebdomada Sancta, uti refert Capaccius.*

XXIII. Cum igitur Neapolitani Reges studiosissimi, ac amantissimi fuerint agendæ Rei Divinæ; illud expendendum est, quonam ritu Palatina Liturgia absolvebatur. Quod quidem a nostrarum rerum Scriptoribus omissum, impervium esset, nisi Joannes Brochartus Præfectus cæremoniarum Pontificiarum, qui sub Alexandro VI. Neapolim adiit anno

anno 1494. ut omnem ordinem Coronationis Alphonſi II. a Cardinale Joanne Borgia Archiepiſcopo Montis-Regalis peragendæ moderaretur, rem aperiret in ſuis Diariis manuſcriptis Romæ aſſervatis in Bibliothecis Vaticana, Caſanatenſi, & S. Andreæ de Valle. Narrat ille in hiſce Diariis conjugium celebratum in Capella Palatina Arcis Novæ inter Sanciam Regis filiam notham, & Joſfredum Borgiam Alexandri VI. nepotem, tum ſolemnnem deſcribit Liturgiam, quæ in Palatinâ Aedæ, hac occasione peracta eſt. Itaque reſert, die Dominica, quæ undecima erat menſis Maii, Regem, Legatum, D. Joſfredum ſponſum, D. Sanciam ſponſam, una cum omnibus Dynaſtis, Proceribus, atque Regiæ cognationis Principibus adieſſe Capellam Arcis Novæ: eis occuſſiſſe ad Capellæ fores Episcopum Gravinenſem Pontificalibus indutum ornamentis, ibique benedixiſſe annulum nuptialem: ea finita cæremonia (quam agentes de Regum conjugio enarraturi ſumus) univerſos ingreſſos eſſe Eccleſiam, atque Miſſam inchoatam: Legatus, & Rex, ait, fecerunt orationem ante Altare in ſaldſtoriis iſſis ibidem præparatis, Legatus ad dextram Regis, finita oratione, depoſita ſunt ambo ſaldſtoria, & portata ad thalamum, ibidem paratâ duâ ſedes de broccato juxta murum, una verſus Altare pro Legato, alia juxta illum verſus portam Capellæ pro Rege. Rex aſcendit thalamum ad ſedem ſuam, ubi ſtetit: Legatus manſit apud Altare, & cum eo fecit Confessionem Episcopuſ celebraturus qui ſtetit ad ſiniſtram Legati. Finita Confessione Legatus aſcendit thalamum, cui occurrit Rex uſque ad Presbyterium, quod tamen fuit præter cæremonias debitas, & præter veram ordinationem. Ibidem in thalamo in ſede ſua ſtans Legatus, miniſtrante Diacono naviculam, & me, in thuribulo impoſuit incenſum, Episcopuſ incenſavit Altare, & ipſe incenſatus, & non Legatus, neque Rex; credo tamen, quod convenienter poſuerunt ambo iſſi incenſari, & ſic male fuiſſet, quia nec Papa ſine Pluviali, & Mitra exiſtens incenſatur, niſi poſt Offertorium, Subdiaconuſ dictâ Epistoſa non eſt oſculatus manum Legati, ſed Celebrantis. Ad Evangelium Diaconuſ eidem Legato naviculam, & me thuribulum miniſtrante, impoſuit incenſum, & benedixit Diacono Evangelium dicturo. Poſt Evangelium Legatus, & Rex ſimul Evangelium ſunt deoſculati, tamen minus convenienter, quia Legatuſ primo debebat oſculari, deinde Rex, Rege tamen priuſ invitato; & fuerunt per Diaconum ambo incenſati, & male, ut ſupra dixi, poſt Legatum cuilibet ter dato thuribulo. Ad oblationem Legatuſ benedixit aquam in ſacrificium ponendam; & miniſtrante R. D. Juliano Episcopuſ Tropejenſi, Regis Capellano Majore, qui itidem in thalamo mihi ad manus erat, naviculam, quod Diaconuſ in Altari erat præpedituſ, & me thuribulum, Legatuſ impoſuit incenſum, Celebrans incenſavit oblata in Altari, & fuit incenſatuſ ipſe biſ, Legatuſ & Rex ter eiſ in thuribulo ducto per Diaconum. Pergit deinde enarrans reliquum Liturgiæ ordinem, ritulque ſpectantes ad conjuges, qui præſentes aderant, quod nempe ad elevationem Hoſtiæ, hi tenuerint manibus cereoſ accenſoſ; quod facta elevatione, quatuor Magnateſ umbraculum ſuper ſponſoſ expanſum ſulciverint; quod benedictionem, & pacem conjuges in Miſſa acceperint; ſed notat, Regem, & Legatum non accepiſſe pacis oſculum, & quia ita dixerunt eſſe conſuetum; quod expiata Miſſa ſponſi obtulerint cereoſ, ac nummoſ; quod denique Legatuſ ſolemnnem benedictionem dederit, ac Indulgentiâſ, iſſique peractiſ, univerſi ad

ades suas redierint. Hos ritus nuptiales alibi expendemus.

XXIV. Paulo post enarrat Brochartus idem, quem locum quisque Procerum in Capella, & Liturgia Palatina obtinuit, & quo ritu ibidem decantatz fuerint Vesperæ: *In Capella hodierna*, inquit, *Praelati locum habuerunt in scamnis in opposito solii, sive thalami positus; Barones vero ante, & juxta thalamum; Domicella vero & mulieres ante, & juxta scamina Prælatorum. Fuerunt Vesperæ in eadem Capella, quibus Legatus, & Rex interfuerunt, & Episcopus Gravinensis illas particulariter decantavit organis, qui triplices sunt (ita enim habet ille) in ipsa Capella, omnes prædicti, non tamen simul, sed modo unus, modo alius Psalmorum versus vicissim sonabant, unum verum cantabant Cantores, alium pulsabat organista, adeo quod Vesperæ hujusmodi ad duas horas duraverunt. Parati fuerunt in eadem Capella tunc duo thalami, unus pro Legato versus cornu Epistolæ, alius versus cornu Evangelii pro Rege, ad cujus Regis ordinationem non fueram vocatus, hoc videns dixi Regia Majestati non convenire, cum suus thalamus esset in digniore loco constitutus, neque etiam mutationem convenire, sed potius, quod simul ambo ipsi in eodem thalamo se locarent: Unde Rex statim descendens, Legatum secum duxit ad suum thalamum, eumque eo, mea sententia habita, ascendit, & inde sedes paravit, & faldistoria, prout superius dixi. Excusavit se Rex, & Major Capellanus suus, qui hoc ordinaverat, dicentes sic alias temporibus Cardinalium Agriensis, & de Aragonia, & aliorum fuisse observatum, quod si fuit, male fuit. Et finitis illis Vesperis, depositus fuit ille secundus thalamus versus cornu Epistolæ positus, & ibidem scamina pro Prælati posita, pro quibus prius nullus erat locus ordinatus in eisdem Vesperis. Episcopus habuit quatuor Capellanos omnes superpellenteis, & Pluvialibus indutos, quorum unus de Baculo, alius de Mitra, alius de Libro serviebat, & alius sibi assistebat. Dominus vobiscum, & Orationem dixit ad populum conversus; & Capitulum etiam ad populum conversus, distracta Mitra dixit ipse Episcopus, & incensum imposuit in medio Altaris, & cum Mitra Altare incensavit, de quibus omnibus, finitis Vesperis, ipse ego regulam dedi. Servierunt hoc mane in Missa D. Honusfrui Nicolai, & Raphael Dimina Diaconus Capellæ S. D. N. Pape, & in omnia alia fuerunt more Capellæ nostræ observata. Sedes Legati, & Reges erant camérales sine scabellis, & faldistoria erant sedilia Regalia cussinos habentia loco scabellorum.*

XXV. Hunc ordinem Liturgiæ Palatinæ, non quidem tunc primum occasione illius conjugii Brochartus ipse Pontificiarum cœremoniarum Præfectus statuerat; imo is nonnullas carpit cœremonias, quod nempe una simul Rex, & Legatos deosculati fuerint Evangeliorum librum, & thus acceperint. Quamobrem ordo ille agendæ solemnæ Liturgiæ Palatinæ jam antea in Capella Regis obtinuerat; quod ipse indicat Brochartus referens nec Regem, neque Legatum donatos fuisse pacis osculo, quia ita dixerunt esse consuetum. Quinimo innuit Brochartus, solemnem Liturgiam Palatinam celebratam plures fuisse, cum nempe Cardinales Agriensis, de Aragonia, alique Neapolim adiere. Cardinalis ille Agriensis, quem memorat Brochartus, fuit Gabriel Rangonus Minorita Veronenfis, & Episcopus Agriensis in Hungaria, quem Xistus IV. anno 1477. in Cardinalium Ordinem cooptavit, quique in Neapolitano Regno functus est legatione Sedis Apo-

sto-

fiolice, ut ad arma capienda contra Turcas, fideles excitaret. Cardinalis vero de Aragonia ibidem memoratus Ferdinandum I. Regem, & Isabellam Claromontiam parentes habuit, atque anno 1478. Neapoli, in die Epiphaniæ accepit insignia Cardinalitæ dignitatis, ei a Xisto IV. collatæ. Præter hos, alii Cardinales plures, variis temporibus Neapolim venerunt, ad Legationes obeundas; quos inter recensendus est Ludovicus Cardinalis Aquilejensis, qui Legatum egit apud Alphonsum Regem, ut illum cum Eugenio Papa conciliaret; cuius rei meminit lib. 8. Bartholomæus Facius. Itaque in Capella Palatina nostrorum Regum mos erat celebrandi solemnem Liturgiam, Rege præsentē; & hujus quidem Liturgiæ is erat ordo. Rex sedebat in sublimi Solio a cornu Evangelii; eique adharebat Major Capellanus, ut Regi suggereret sacra facienda, vel pronuntianda. Hinc Sacris operabatur Episcopus aliquis Pontificali apparata, cui Capellani plures ministrabant. Ex adverso Regii solii infidebant scamnis Prælati, quos verisimile est fuisse e Clero Palatino Consiliarios, Cancellarios, Confessarios, Capellanosque Regis: tum etiam Aulicæ matrones. At circa Regis solium assidebant pariter scamnis Reguli, seu Barones, & Magistrates Aule. In Liturgia Rex deosculabatur Evangeliorum librum, & a Diacono thure colebatur, semel dicto Evangelio, iterumque peracto Offertorio. Denique tribus organis Officia Divina perolvebantur, ita ut unum post aliud pulsaretur, & unum versum Cantores, alterum Organista decantaret. Atque totum ordinem Palatinæ Liturgiæ Major Capellanus moderabatur: hinc illum incusat Brochartus, quod Legati Solium in cornu Epistolæ iusserit collocari. Organorum usus in Capella Palatina nostrorum Regum jam tum temporis obtinebat, uti in Capella Regum Galliæ; ubi ab antiquis temporibus, præsertim vero sub Pipino, cui Constantinus Orientis Imperator anno 766. pneumaticum Organum dono misit, viguisse musicam instrumentalem, & inde tractam esse ad reliquas Galliæ Ecclesias existimat Peiratus lib. 1. cap. 23. At nulla alia musica instrumenta præter Organum in celebrandis Divinis Officiis pulsabatur, quamvis tunc temporis plures in Aula nostrorum Regum essent Tibicines, & Fistulatores, uti compertum erit, ex dicendis de mensa solemnī Regum nostrorum. Et hanc quidem rationem perolvendi Divina Officia, gravem, religiosam, atque Ecclesiastico ritui consentaneam esse patet ex iis, quæ eruditissime circa hanc rem differt doctissimus Pontifex BENEDICTUS XIV. in epistola data die 19. Februarii, anno 1749. ad Episcopos Pontificiæ Ditionis, ubi admisso Organorum usu, reiecit ab Ecclesiastico cantu Tibicines, Fistulatores, Citharistas, Tympanistas, ac Buccinatores.

XXVI. Extincta Aragonum Principum stirpe, Proreges, qui Hispanorum Regum vice imperium administrarunt, statim quibuscumque solemnitatibus consueverunt adesse Rei Divinæ solemnī pompa, in Capella sua Palatina, vel quandoque in aliis Ecclesiis. Et ne Capellæ Palatinæ aliquid deesset, quod ad illius splendorem spectaret, Petrus Antonius de Aragonia Prorex Regni anno 1668. curavit eam solemnī ritu consecrari, uti ex inscriptione illie posita, quam refert Parrinus in Theat. Proreg. Neapol. *Ædes hæc Regia, excellentissimi Domini D. Petri Antonii ab Aragonia Neapolitani Regni Proregis pietate, ac studio a Melpheisensi inauguratur Antistite. Admiranda plane egregii Principis Religio! Sacellum, quo regalius, eo & sacratius foret, e sacro* recd.

reddidit sacratissimum. Die nono Aprilis A. D. MDCLXVIII. Quo vero apparatu Proreges solemniter Liturgiæ aderant, breviter describit Parisius to. 1. Theat. Proreg. Neapol. ubi postquam dixit, in Paschate, Nativitate Domini, diebus natalitii Regis, & Reginae, aut ob insignem aliquam victoriam de hostibus partem, vel fastum aliquem eventum, morem esse, ut omnes Neapolitani Ordines Proregi præstent urbana officia, addit: Molte volte dopo simili complimenti fatti al Vicerè per cagion della Carica, suole egli tener Capella Reale nel Regio Palagio, o in qualche altra Chiesa della Città al ribombo del Cannone delle Fortezze, e si fa Squadrone delle milizie, che si trovano in Napoli di guarnigione. A quest' effetto si dispone lo strato sul pavimento della Chiesa davanti all' Altar Maggiore, dove restano di guardia quattro Soldati Tedeschi. Il Vicerè vi si porta pomposamente; o in Carozza serviro da Tirolati, o in Sedia proceduto da una delle Compagnie di Cavalieri delle sue guardie, da una Carozza a sei Cavalieri vacua, e da Soldati della guardia Alemanna armati d' alabarde, o disposti in due ale. Immediatamente dopo marchia la Carozza, o la Sedia con la persona del Vicerè, preceduta dalla turba degli Staffieri, o Lacchè, e seguitata da molte altre Carozze co' Paggi, e Gentiluomini della sua Casa, chiudendosi la retroguardia dall' altre Compagnie di Cavalieri. Il Vicerè entra in Chiesa, proceduto dalla guardia de' Soldati Tedeschi, da tutta la servitù, così nobile come bassa, ricevuto alla porta da tutti que' Tirolati, che vi si trovano, e seguitato da Ministri de' Tribunali. Con questo accoppiamento va a porsi sopra lo strato (ove sta col capo coperto) a man destra del quale giace un banco con la spalliera per gli Eletti della Città, ed un altro alla sinistra per i Tirolati. Dietro la Sedia del Vicerè sta in piedi il Capitano delle guardie Alemanne, & in sua assenza il Camariero Maggiore (siccome avviene in tutte le funzioni pubbliche) & ivi poco appresso all' Altare vi è un altro banco con la spalliera per quei del Sagro Consiglio di Santa Chiara, del Tribunal della Camera, e della Gran Corte della Vicaria. Nel lato del Vangelio sta un banco con la spalliera per i Vescovi, il più antico de' quali dà la benedizione al fin della Messa. Dall' altra parte ve n' è un' altro simile per i Capellani d' onore; e tutti detti banchi, ch' anno spallieri, sono coperti di panno verde con l' armi di S. M. Vi assiste il Capellano Maggiore in una sedia senza spalliera posta alquanto da parte a man destra del Vicerè, e fa tutte le cerimonie della Messa, la quale si celebra da uno de' Capellani della Capella Reale. Il Maestro di Sala, e Paggi stanno appoggiati al muro fra l' Altare, & il banco de' Tirolati, per prendere i torchi accesi nel tempo della Consecrazione, e Vangelio. Terminata la Messa, ritorna il Vicerè a Palagio col medesimo fisco. Nelle processioni solenni come è quella del Corpus Domini nella quale il Vicerè porta il torchio lo riceve per mano del Capellano Maggiore. E corteggiato dagli Eletti della Città, che gli fanno ala davanti; ed è serviro da Ministri de' Tribunali. L' aste del Palio si portano da' Deputati de' cinque Seggi Nobili, e di quello del Popolo, li quali si mutano a proporzione, che la processione entra nel territorio di ciascun Seggio. L' altre due del Re, e del Baronaggio le portano Personaggi Deputati dal Vicerè. Atque hac olim pompa Proreges Neapolitani solemniter Liturgiæ interfuerunt.

XXVII. Nunc vero temporis, quum Neapolitanum Regnum suos habuit Reges, nondum mos obtinuit celebrandi publicè sacra solem-

nia, five in Capella Palatina, five in aliis Ecclesiis, Rege præsentē. Optandum tamen est, ut ad publicum pietatis, religionique erga sacras res testimonium, & ad maiorem Aulæ Neapolitanæ dignitatem; splendoremque, is Ordo efformetur, & in præcipuis anni festivitatis sanctissimè observetur. Idque facile confici potest ex iis omnibus, quæ in hoc Libro, tum ex nostris, tum ex aliorum Principum moribus collegimus. Itaque Serenissimus Rex CAROLUS BORBONIUS, cuius summa est erga Divinum Cultum religio, in magnis solemnibus adeste solebat Divinis Officiis in Capella Palatina, privatim tamen in Sacello quodam ejusdem Capellæ, una cum Inclyta Coniuge MARIA AMALIA, & Proceribus Aulæ, nulloque Regio apparatu. Magnus Capellanus prope eum locum confidet. In Parasceve, ad adorationem Crucis accedit Supremus Præfectus Regiæ Domus gerens Regis vices; una cum Magno Capellano ad ejus sinistram, ut nomine Regis veniam faciat tredecim ad trirèmes damnatis. Adest prope Magnum Capellanum Defensor pauperum vulgo *Avvocato de' poveri*, cui concessæ veniæ diplomata traduntur. Feria quinta Ccenæ Domini, Magno Capellano Sacris operante, ad illa Evangelii verba, *Capit lavare pedes Discipulorum*, Religiosissimus Princeps duodecim pauperum pedes abluit, & osculatur; tum eis mensæ accumbentibus ministrat, accipiens a Cubiculariis fercula, quæ Magno Capellano, isque aliis Capellanis Regiis porrigit; tandem iisdem pauperibus stipem distribuit. In communionē Regis, & Reginæ, Magnus Capellanus ad Introitum Missæ, prægustat unam ex Hostiis in Altari appositis, ut periculum faciat. In festo Corporis Christi solemnem supplicationem eo die agi solitam ad Sanctissimam Eucharistiam circumferendam Rex prosequitur a Templo S. Claræ usque ad Metropolitanam Ecclesiam: Regi adherent Supremus Præfectus Domus Regiæ, Dux Prætorianorum militum, Supremus belli Dux, Præfectus Classis, atque Patres conscripti Neapolitanæ Civitatis veste Senatoria coccinei coloris induti; præeuntibus, & una simul cum Capitulo Cathedralis Ecclesiæ, incendentibus Magistratibus omnibus, & Cubiculariis Regis, quorum ii, qui adscripti sunt Regali Societati S. Januarii, Torquem aureum Societatis deferunt. Conciones in Capella Palatina olim habebantur singulis Dominicis, & feriis quartis Quadragesimæ: quibus solemnī pompa aderant Proreges una cum Magistratibus, Patribus conscriptis Neapolitanæ Civitatis, atque Optimatibus; ad eum sane modum, quo solemnis Liturgia præsentibus ipsis Proregibus agebatur. Præterea, qualibet feria sexta post meridiem instituebatur concio in aliquem versiculum Psalmi *Miserere*, & finita concione, quam Prorex in ædícula audiebat, ille idem Psalmus a Palatinis Cantoribus decantabatur. Concionatores vero ex arbitrio Proregis, aut Capellani Majoris arcefebantur, ut plurimum ex insignioribus Civitatis; neque ullus erat additus huic ministerio in Capella præstando. Deinde, regnante Serenissimo CAROLO BORBONIO, conciones habebantur in Ecclesia Palatina feria quarta Cinerum, & singulis Dominicis Quadragesimæ, præsentibus Rege, & Regina; tum etiam qualibet feria sexta Quadragesimæ, quo die Rex gerendis imperii negotiis incumbens, concioni minime interveniebat. Ob summam vero, insignemque Mariæ AMALIÆ Inclytæ Reginæ pietatem erga Deiparam Virginem, hujus festi dies in Capella Palatina magna religione colebantur; atque in illarum solemnitatū pervigilio, tum quoque novem diebus, quæ festa Nativitatis, & Conceptionis B. Mariæ Virginis præcedunt, conciones in-

sti-

stituebantur, præsente Regina. Concionatori suggestum excitatur prope Aram principem a cornu Epistolæ; qua parte conciones audiunt in ædícula crySTALLIS obducta, Rex, & Regina sedibus assidentes, apposito ante eos scabello aulæis tecto ad genua flectenda: proximi incident scammulis Supremus Præfectus Domus Regis, & Supremus Præfectus Domus Reginæ, Prima Aulæ Matrona, aliæque Matronæ Aulicæ. Ad fores Regiæ ædiculæ duo milites custodes Corporis Regis constitunt. Cæteri vero Aulici, ac Magistratus scammis sine fulcro dorsuali confident in locis a Regio conspectu submotis; nam aliter eis standum esset. Si Magnus Capellanus adsit, ab eo benedicendus est Concionator antequam verba faciat. Denique præsentibus Rege & Regina conciones a Concionatore Aulico fieri solebant; alioquin Oratores illi verba faciunt, quibus id Magnus Capellanus demandaverit. Iidem fere mores nunc obtinent, regnantibus FERDINANDO IV. & MARIA CAROLINA AUSTRIACA Principibus Clementissimis.

XXVIII. Confueverunt olim Reges in magnis solemnibus, publice, solemniterque accumbere mensæ, præsertim vero in Coronatione sua, aut in conjugiorum celebritate; quod cum spectet ad rationem celebrandi in Aula insigniores solemnitates, & ad officium Aulici Capellani, cui incumbit Regiæ mensæ benedictio, merito hic sibi locum vindicat. Et quidem Imperatores Orientis, teste Codino cap. 7. quinque in anno, solemnibus pompis discumbebant, universis Aulæ Proceribus adstantibus, nempe in Nativitate Domini, Epiphania, Dominica Palmarum, Paschate, & Pentecoste. His diebus discumbenti Imperatori ministrabat Magnus Domesticus, a quo Proceres cuncti donabantur ferculis, Imperatori pluries acclamabatur, Cantores Palatini suis induti vellibus decantabant Canticum, tum primores singuli de Clero Imperatorio accipiebant fercula a Magno Domestico, huic vero Imperator ipse ferculum porrigebat. Sed antequam discumberet Imperator, benedicenda erat mensa a Protopapa Palatii: *Absoluta Liturgia*, ait Codinus, *Imperatore ad mensam præsente, priusquam accumbat, venit Protopapa, aut alius de Sacerdotum numero, & benedicens Imperatoriam mensam, accepto pane, & ferculo, discedit*. Pariter Francorum Regibus in more fuisse, ut in præcipuis festis diebus convivium lautissima exhiberent, colligitur ex Eginhardo in vita Caroli Magni. Narrat enim, Carolum M. in quotidiana mensa frugalitatis amantissimum, attamen in festis solemnioribus splendidissime convivari solitum: *Convivabatur rarissime, & hoc præcipue tantum in festivitatibus, tunc tamen cum magno hominum numero*. Notat Peiræius duo præsertim in mensa Regum Francorum olim usitata fuisse. Horum unum est, quod lectionem in mensa adhiberent: siquidem Carolus Magnus libros audiebat Augustini de Civitate Dei; successores vero Reges gloriosa Prædecessorum gesta; atque munus indicat Teodulphus, relatus a Cangio in Glossario, describens Archicapellani officium, his verbis: *Stet benedicturus Regis posumque cibumque*. Nunc temporis etiam Reges Galliarum in quibusdam solemnitatibus Regio apparatu, magnaque pompa accumbunt mensæ, idque dicitur *A grand*

convecti, quum vero privatim discumbunt dicitur *Apetit-convecti*: præsertim vero in solemnibus Baptismo, aut Coniugio Regiæ proles, uti colligitur ex Rossuetio, & Dumontio in Cæremoniæ Gallicæ. Idem in Coronatione sua, quo die Rex indutus Regalibus ornamentis sub umbella discumbit in Episcopio Remensi, una simul cum duodecim illis Proceribus, quos Pares Franciæ vocant, Episcopis suffraganeis Ecclesiæ Remensis, Oratoribus Principum, atque Magnatibus Aulae. Et quidem sex Pares laici coronas, atque alia suæ dignitatis indumenta gestant; sex vero Pares Ecclesiastici Pontificalibus insignibus, nempe Pluviali, & Mitra ornati accumbunt mensæ, atque dextram partem occupant. Archiepiscopus Remensis, ad quem spectat præcipuum ministerium in Coronatione Regis, benedicit Regiæ dapes, vel qui illius vices gessit; uti in Coronatione Ludovici XV. ab Episcopo Svesitionensi factum constat ex monumentis relatis a Rossuetio; & prope Remensem Antistitem adstabant Clerici duo Superpelliceo induti, Crucem, atque Pedom illius tenentes. Episcopi Suffraganei Rocchetto, & Mantelletta induti accumbunt in alia mensa, & Oratores Principum itidem proximi Paribus Ecclesiasticis. At Magnatibus Aulae mensa paratur prope Pares laicos. Fercula vero deferuntur tympanorum, & tibiæ sonitu, præeuntibus Feclialibus, Præfesto Domus Regiæ, Præfesto Cæremoniarum, aliisque Officialibus Alicis.

XXIX. Cæterum spectat ad Magnum Eleemosynarium, vel, eo absente, ad Eleemosynarium *de quartier* bene precari, & gratias agere sive ad prandium, sive ad cœnam Regis, sive publicæ, sive privati Rex discumbat. Ad illum quoque spectat referre capfulam quandam argenteam, Navem dictam ab ejus forma, ubi mappula Regis continetur, quam deinde Regi præbet unus e Principibus Regiæ stirpis, vel Magnatibus Aulae. Itaque Magnus Eleemosynarius, vel inferior Eleemosynarius benedictionem, & gratiarum actionem recitat in prandio, & cœna Regis. Sed in præcipuis festis ad gratiarum actionem post prandium Regis, Rocchetto indutus, dicta oratione, quosdam Psalmorum versus præcinit, succinentibus Cantoribus Palatinis. Germanos Imperatores solemnæ pompa accumbere mensæ, statim quibusdam solemnitatibus; Capellanum Alicum bene precari ad Imperatoriam mensam; a Musicis Palatinis aliquod decantari; cibaria deferri tympanis, tibiisque sonantibus, referunt Dumontius, & Roussetus lib. 2. cap. 6. §. 2. Cæremonialis Imperii. In Aula Hispana. ut testis est Dumontius lib. 1. cap. 4. §. 17. Cærem. Hisp. expleto solemnæ prandio Regis, colliguntur a Majori Capellano reliquæ panis, & in argenteam concham injiciuntur. Qui idem in quotidiana mensa Regis benedicit, & gratias agit; eo absente, id spectat ad Capellanum illum Honorarium, qui tunc operam suam in Aula præstat; attamen si addit aliquis magnæ dignitatis Antistes, huic committi solet honoris causa munus benedicendi Regiam mensam. Pariter in Aula Regum Sardinie spectat ad Magnum Eleemosynarium, vel inferiorem Eleemosynarium bene precari, Rege discumbente; huiusmodi officium alicui præsentis Antistiti exequendum permittitur. In Aula Neapolitana Capellanus Major in magnis solemnibus benedicit Regiam mensam, & ea expleta, recitat gratiarum actionem. In aliis diebus Capellanus Regius, vel Confessarius Regis hoc munere fungitur.

XXX. Solemnia convivia olim a Neapolitanis Regibus exhibita memorat Pontanus lib. de Conviv. cap. 1. ubi ait: *Institutum fuit*
Re.

*Regum Neapolitanorum, annis singulis, statis quibusdam diebus parare nobilitati epulum ad Aedem D. M. Coronatæ, adhibitis etiam matronis, quod ab Alphonso summo cum splendore servatum meminimus; Nam Alphonsus, uti in omni magnificentiæ genere, ita & in parandis conviviis fuit magnificentissimus. Unde in nuptiis Helionore neptis cum Friderico III. Imperatore, ut idem scribit Pontanus lib. de Magnif. cap. 16. mensæ apparatus, in quibus supra triginta hominum millia discubuerent, plurimisque mortales onerati esculentis plurimorum dierum domum rediere. Et Bartholomæus Facius lib. 9. de Reb. gest. Alphonsi testamentum reliquit, quam splendido convivio eundem Imperatorem exceperit, & qui, eo finito, ludi equestres editi, quibus Ferdinandus filius, multique insignes adolescentes certaverunt. Pretiosissima erat Alphonso suppellex ad mensam instruendam; ut enim scribit Pontanus lib. de Splend. cap. 2. *Rex Alphonsus & cados, & dolia, & sirulas ex argento habuit, crateres etiam ex auro, toralia, & mappas et tela conquisitissima. Itaque ejus mensis nihil splendidius. Sed quod majorem longe Alphonso conciliat laudem, illud est, quod idem narrat Pontanus lib. de Conv. cap. 1. solitum nempe fuisse, uti colloquio doctorum virorum ad mensam: Rex Alphonsus statim post prandium; vel Antonium Panormitam, vel e doctis aliquem audiebat, ut qui dignum judicaret animum quoque cibo suo post-pastum corporis reficiendum esse. Et rursus cap. 6. Attulit aliquando magnam laudem Alphonso huic, quod litteratos, quicumque Neapoli per id tempus essent, in hortos ad carnem vocaverit, lautissimeque deciperit. Et ab optimo Principe ad successores profluxit idem erga rem litterariam studium; ut proinde Aragonum Regum Aula doctissimos viros aluerit Panormitam, Pontanum, Facium, Albinum, Sannazzarium, aliosque. Neque ab Alphonsi magnificentia in parandis conviviis recesserunt successores. Memorat enim Pontanus lib. de Conviv. cap. 5. splendidum convivium ab Alphonso II. exhibitum Oratoribus Caroli Ducis Burgundionum: in quo, ait, nihil non modo defuisse, sed ne desiderari quidem potuisse ab iis, qui affuerit, judicatum est. Post plurimos verum variatum missus, tantumque apparatus, introducti mimi, editumque ad lychnos spectaculum, tandem magnificentissima illa comessantuncula, quam collationem hodie vocari dixi, plurimis ferculis allata est; ac deinde inter adstantes diffusa, & passim jactata, ut omnibus ea esse liceret; ultimo donati Oratores splendidissimis muneribus. Itaque Neapolitani Reges, statis quibusdam diebus, Regio apparatus cum Magnatibus Aulæ, & Civitatis, mensæ accumbabant; & verisimile est id in magnis solemnibus eos præstitisse. Quandoque cum Episcopis discubuerit, uti colligitur e monumento quodam proloato a Chioccarello in Episcopis Neapolitanis, ad annum 1288. his verbis: *Die Dominica 14. Aprilis. Ista die fuit consecratus Dominus Joannes Briso Episcopus Puteoli, & comederunt cum Domino Rege Archiepiscopus Neapolitanus, Dominus Cancellarius, plures alii Prelati, & Clerici.* Porro quum Neapolitani Reges solemnī pompa discumbabant, mensa sub celo, & in area Regii domicilii parabatur. Magnus Senescallus equo insidens associabat fercula usque ad mensam, tum ea prægestabat. Hoc illius munus describit Trifstanus Caracciolus in vita Serzannis Caraccioli, quam edidit tom. 23. Script. Ital. Cl. Muratorius. Ita enim ait: *Est Magni Senescalli toti Regiæ moderari, universaque familia, & una cum his negotia tractantibus jus dicere. Insuper cavere vigilanter, ne vascula, aut cibi, quos Princeps sumpturus est ve-***

veneno aliquo inficiantur; solemnibus etiam Regalibus cœnis, atque epulis, equo insidere albo, veste serica, aureis laqueis circumplexa, dapies instructus ante prægustare: & cum ad mensam Regiam deveniret, equo descendere, lanceamque a discophoro sumptam per se inferre, deinde degustando explorare; atque his peractis iterum equam conscendere, & eodem ministrorum comitatu, ad alia fercula importanda reverti. Hunc morem Magnus Senescallus servaturus semper est, etiam si cœnis novi cibi inferendi essent. Hujusmodi mores exhibet Joannes Brochartus in suis Diariis manuscriptis, enarrans convivium ab Alphonso II. quarto post Coronationem die, instructum Cardinali Legato, his verbis: *Feria secunda, duodecima dicti mensis Maii, Rex fecit prandium publicum cum Legato in aula Magna dicti Castri novi; mensa parata erat in medio aulae juxta murum, ad dextram intrantis, habens gradus circiter quinque, vel sex, longa erat, & in medio sedebat Legatus ad dextram Regis, longitudinis duarum cannarum, vel circa, gradus duodecim habens, si recte memini, pulcherrimis vasibus plena; in opposito ostii in loco, alto in muro composito stabant, seu sedebant Tubicines, & Fistulatores Regis, qui ad introitum singulorum cibariorum, sive dapium sonabant. Magnificus Andraas Matthæus Marchio Martina, & Regius Major scalcus ad intrantium singulorum dapium dilationem in equo peregritabant ab ostio usque ad scalam, qua ad mensam ascendebatur. autem recta via ab ostio ad credentiam, a credentia recta via ad mensam, baculum album longum manu gestans, & vestes albus, equus albus etiam erat. Duo erant Dapiferi, unus ad dextram, qui erat Legati; alius, qui erat ad sinistram, Regis; & omnes alii in paribus vasibus portabantur Legato, & Regi paribus copertis: copertas vero non numeravi, quia non fui a principio prandii, sed circa medium veni; Legatus etiam habebat scalcum, baculum longum manu gestantem, qui Regio scalcus, ad gradus mensæ in equo descendente, descendebat & ipse per gradus, & simul cum illo ascendeat, sequentibus ipsos Dapiferis. Legatus habuit scutiferum de potu sibi servantem, & Rex ad idem alium sibi. Ipsi duo in mensa erant: finito prandio, Legatus cum Rege intravit cameram Regiam. Nihil mihi in hoc convivio singulari singulariter placuit præter credentiam, quæ pulcherrimis, & magnis vasibus aureis, & argenteis ornata erat, quam æstimavi ad circiter ducatos 60000. Eodem ritu Carolus VIII. Rex Galliarum Neapolim adiens accubuit mensæ, uti refert Octavianus de S. Gelasio loquens de illius expeditione Neapolitana: *Et souppa en la grant sale du dit Chasteau, ou l'on monte a plusieurs degrez de pierre, & sus servi par le grant Seneschal de Naples tout a cheval, habille tout de blanc en tous ses mets, & elerous.* Alibi quoque mos obtinuit, ut Majores Senescalli equites ad mensam ministrarent. Nam in Charta Alphonsi Imper. an. 1258. pro Friderico Duce Lotharingæ, apud Hieron. Vignerium in familia Alfatica: *Et de infra scriptis dignitatibus, & feudis primum vexillum datus tibi pro Ducatu in feudum, in quo, & per quod, debes esse summus Senescallus in Aula nostra citra Rhenum, & debes nobis servire in annalibus factis de primo seculo eque. Sed & ex Bulla Caroli IV. Imperat. de elect. Reg. Rom. cap. 27. docemur, in solemnibus Imperatorum Curiis Electores sæculares ad mensam equites ministrare solitos. In Gallia quoque spectabat ad Majorem Senescallum, ubi Reges solemnibus apparatu ad mensam sedebant, ministrare; uti constat ex plurimis monumentis apud Cangium in Glossario mediæ & infimæ Latinitatis.**



C A P U T V I I I .

DE CORONATIONE REGUM.

Ordo coronandi Imperatores Orientis . II. De triplici Coronatione Imperatorum Occidentis . III. Ordo hujus Coronationis . IV. Et Imperatricis . V. De Coronatione Regum Gallie . VI. Ritus hujus sacre cæremonie . VII. Ritus coronandi Gallie Reginam . VIII. De proclamatione Regum Hispanie . IX. Et Regum Lusitanie . X. Ordo coronandi Reges Poloniae . XI. Anglie . XII. Suecia . XIII. Dania . XIV. Borussia . XV. Et Imperatorem Moschorum . XVI. De Coronatione Regum Siciliae . XVII. De eorum Regio titulo . XVIII. Rursus de eorum Benedictione . XIX. De Coronatione Regum Neapolitanorum . XX. De eadem , regnantibus Andegavensibus . XXI. Quæ fuerint Regia insignia Regum Neapolitanorum XXII. De usu Dalmatica , Et lectione Evangelii in Missa . XXIII. De Coronatione Alpbonsi II. Neapolitani Regis . XXIV. Ordo hujus Coronationis . XXV. De proclamatione Regum , qui successere . XXVI. Ordo Coronationis CAROLI BORBONII Regis utriusque Siciliae .

Explicato ordine agendæ Liturgiæ in Capellis Palatinis Summorum Principum, ad insigniores Aulicas cæremonias progredimur, quæ sacrum ministerium involvunt; initio ducto a Coronatione Regum, utpote quæ est omnium præstantissima. Prima hujus cæremonie vestigia occurrunt in Theodosio juniore, quem a Proclo Patriarcha coronatum fuisse testatur lib. 2. Theodorus Lebor. Martianum quoque illius successorem ab Anatolio Patriarcha coronatum innuit Nicephorus lib. 14. Hist. cap. 38. eodemque teste lib. 15. cap. 15. Leo Martiani successor sacro Coronationis ritu imperium capessivit. Zenonem, Anastasium, Justinum benedictos esse, cum ad Imperium pervenere, Scriptores testantur; & Justinum quidem semel a Joanne Patriarcha, iterumque a Joanne I. Romano Pontifice. Nicephorus Historiam suam Andronico Palæologo Imperatori nuncupans, illum laudat, quod ubi solus imperio potitus est, confestim copias suas pro ipso Deo, a quo unctus esset Imperator, in aciem produxerit. Et Zonaras ubi de Theophili imperio loquitur, eum ita Leonis prædecessoris sui interfectores alloquentem inducit: *Cur, inquit, Uncti Domini sceleratas manus attulistis, neque homicide dumsanat, sed & parricide exististis?* Denique Nicetas Choniates lib. 1. de Alexio Comneno Isaaci Angli fratre loquens dicit, illum *de more* inunctum fuisse in Regem. Porro Imperatorum Coronatio non raro in Ecclesia Palatina peragebatur, præsertim vero in Oratorio S. Stephani, quod extruxerat Pulcheria Augusta, & Sancti Protomartyris Reliquis dicitur: ibi enim coronatos Imperatores, eorumque liberos, & Augustas, passim legimus apud Theophanem, Cedrenum, aliosque. Ordinem

nem hujus agendæ apud Græcos cæremoniæ fufe describunt Cantacuzenus lib. 1. cap. 41. Hiftoriæ, Codinus cap. 17. de Officiis Conftantinopolitanæ Ecclefiæ, Goarius in Euchologium, Habertus in Pontificale Græcorum, Martene lib. 2. cap. 9. de antiquis Ecclefiæ Ritibus. Atque hæc fumma totius rei fuit. Antequam benedictione donarentur, folebant Fidei profeflionem voce, & fcripto coram omnibus emittere; tum juxta vetuiffimum morem, im.clypeos elevabantur; Liturgia celebrabatur, fedente Imperatore in Solio; ante Trifagium accedebat ad Patriarcham ftantem in ambone; is recitata benedictionis prece; facro oleo caput ejus perfundebat; cunctis fer acclamantibus; *Sandus*; deinde ejus capiti Coronam imponebat, cunctis acclamantibus, *Dignus*; tum Imperator ipfe Coronam imponebat. conjugi, Patriarcha quafdam orationes pronunciantes. Præterea Imperator thure facram Menfam, & Patriarcham adolebat, & viciffim thure a Patriarcha colebatur; ad Symbolum, Orationem Dominicam, & Euchariſtiæ Conſecrationem ſtabat; ac tandem, depofita Corona, ſumebat Chriſti Corpus, & Sanguinem, & hunc quidem non ex cochleari, fed ex Calice, more Sacerdotum. Sequebantur publicæ populi circumſtantis acclamationes, ad quem non ſemel novus Imperator e Solio ſermonem habuit; effundebantur quoque in populum numiſmata; denique ſolemni pompa equitans; ad Palatium reducebatur. Atque hoc fere ritu res ſe habuit in Oriente.

II. In Occidente a Catoli Magni zvo, quem Leo III. Romæ coronavit, Imperatores inungi conſueverunt. Ludovicum Pium Stephanus Papa IV. Lotharium Paſchalis I. Carolum Calvum Joannes IX. uti etiam Ludovicum Balbum, & Carolum Craſſum conſecrarent. Translato deinde a Francis ad Germanos Imperio idem moſ adeo invaluit, ut non ulli dicerentur, atque haberentur veri Imperatores, qui a Romano Pontifice uncti minime eſſent. Sed olim triplici benedictione, triplicique corona donabantur Imperatores in Occidente. Primo enim Coronam argenteam, tamquam Reges Alemanniæ accipiebant Aquifgrani, quod & Carolus IV. famoſa Conſtitutione Aurea decrevit. Hæc tamen benedictio, aliquando alibi peracta eſt: ſiquidem S. Henricus, Moguntia; Ferdinandus I. Ferdinandus II. Maximilianus II. Matthias, Francofurti; Rodulphus II. Ferdinandus III. Ferdinandus IV. Ratisbonæ uncti fuere. Et quod ſpectat miniſtrum hujus benedictionis, Archiepiſcopus Moguntinus hoc jus ſibi vindicat, quod inter Electores principem habeat locum: Coloniaſis vero Antifſes ſibi hoc munus adſcribit, quod Aquifgranum ſpectet ad illius Dioceſim. Nuper vero, uti referunt Dumontius, & Rouſſetius in Ceremoniali Imperii, convenere, ut quiſque ſua in Dioceſi Imperatorem inungeret; ſi vero is in aliena Dioceſi eſſet inungendus, id munus alternis vicibus præſtarent. Secunda Imperatorum benedictio olim fieri conſuevit Modetia, ubi Imperatores donabantur ferrea Corona tamquam Reges Longobardorum. Sed decurſu temporis Mediolanenſes hoc ſibi vindicarunt privilegium; unde Henricus VI. & Henricus VII. alique in Eccleſia Mediolanenſi unctionem accipere: nonnulli tamen in utraque Civitate coronati leguntur. Tertia tandem benedictio, quæ conſtituebat Imperatorem, peragenda erat a Romano Pontifice; quemadmodum Carolus M. a Leone III. Henricus V. a Paſchali II. Henricus VI. a Caſtino III. & Carolus V. Bononiæ anno 1530. a Clemente VII. donati ſunt aurea Corona. At
all-

aliquot abhinc sæculis, non jam Imperatores Italiam adeunt, ut Mediolani primum, deinde Romæ inungantur. Veteres ritus in hac cœremonia observatos exhibet Martene lib. 2. cap. 9. de antiquis Ecclesiæ Ritibus. De secunda Imperatorum benedictione légenda est Dissertatio clarissimi Fontanini de Corona ferrea Longobardorum: dequæ tertia legendus est doctissimus Catalanus in Commentariis ad Pontificale Romanum. Hic dumtaxat ordinem hodiernum peragendæ primæ Coronationis in Germania exhibebimus ex Goldasto, Roussetio, Dumontio, aliisque desumptum.

III. Itaque electo Imperatore, statisque loco ac die ad ipsum coronandum, Moguntinus Archiepiscopus hujus rei conscios facit Magistratus Norimbergæ, & Aquisgrani, ut ad designatum Coronationis locum Imperialia ornamenta transmittant. Nam Norimbergæ asservantur Corona aurea Caroli Magni, Anulus, Sceptrum, Pomum, Sandalia, Ensis, Cingulum, Alba Stola, & Paludamentum: Aquisgrani vero asservantur Ensis Caroli Magni cum Baltheo, Liber Evangeliorum, & Protomartyris Stephani Sanguis. Stata die, Electores Ecclesiastici, una cum aliis Episcopis, & Præsulibus se se ad Ecclesiæ conferunt; ubi Magistratus Aquisgranensis, & Norimbergenfis eis tradunt Imperialia insignia: Electores vero laici comitantur Imperatorem a Palatio ad Ecclesiæ: & Elector quidem Baviaræ Pomum ferens medius incedit inter Brandeburgicum Electorem a dextris serenem Sceptrum, & Electorem Palatinum a sinistris serenem Coronam: Saxoniz Elector denudatum Ensem gestans, immediate præit Imperatorem; illique proximus est Marecallus vaginam Ensis deferens. Quod si Electores abint, eorum Legati has partes implent. Ubi ad Ecclesiæ ventum est, occurrunt Imperatori Electores Ecclesiastici induti Vestimento Ordinis Electoralis; Consecrator tamen, cæterique Antistes amicti Pontificalibus ornamentis. Tum dicta ad Ecclesiæ fores a Consecratore oratione quadam, alii duo Electores Ecclesiastici Imperatorem medium inter se ducunt ad Altare, ubi genua submittit; cæteri Electores, relictis Imperialibus ornamentis, in locum suum se recipiunt. Tunc Consecrator Rem Divinam inchoat usque ad Evangelium, quo temporis Imperator, deposito pallio, ascendit Altare medium inter duos Ecclesiasticos Electores, & ibi genibus flexis manet; donec Litaniz, & orationes decantentur. Quibus expletis, statim Imperatorem Antistes Sacra faciens sciscitatur an Catholicam Fidem, Ecclesiæ, Imperium, Imperii bona, subditorum res, præsertim vero pauperum servare velit, tueri, ac vindicare? His omnibus se se ita sacrum respondit Imperator; quod & præfito juramento ad Evangeliorum librum confirmat. Post hæc Antistes multitudinem alloquitur, an in Regem suum illum velint habere, eidemque fidem servare? Acclamantibus universis, rursus Imperator procumbit in genua, & Consecrator quasdam orationes recitat. Deinde ab Episcopis Suffraganeis deteguntur partes inungendæ; & Consecrator solita verborum formula ungit Imperatoris caput, scapulas, collum, pectus, brachium dextrum, & dextram manum. Electores vero Ecclesiastici abstergunt lana mundissima partes inunctas: quod olim fuisse munus Capellanorum Regis colligitur ex antiquis Ritualibus editis a Martene. Peracta unctione, idem Electores ducunt Imperatorem ad Sacellum quoddam, ubi Sandalia, Albam, & Stolam induit decussatam in modum Crucis, more Sacerdotum; atque ad Altare redit. Celebrans be-

benedicit Ensem Caroli Magni super Altari positum, quo ab Ecclesiasticis Electoribus cingitur Imperator. Qui deinde ab Antistite Sacris operante donatur Anulo, Sceptro, & Pomo; hacque duo postrema insignia laicis Electoribus deferenda traduntur. Tandem Magistratus Norimbergen ses Imperatorem induunt Paludamento Imperiali. His peractis, tres Electores Ecclesiastici una simul Coronam de Altari acceptam ejus capiti imponunt; atque Imperator Germanico idiomate legit consueti juramenti formulam. Tum decantatur Evangelium, & Symbolum: ad Offeritorium vero Imperator ferens Sceptrum, & Pomum, offert ad Altare numisma aureum. Quoties ad Altare accedit, Corona ab illius capite auferenda est ab Electore Palatino; quemadmodum ab aliis Electoribus laicis alia Imperialia ornamenta tolluntur. At spectat ad unum ex ecclesiasticis Electoribus exhibere Imperatori Evangelium deosculandum, pacisque osculum, & thure illum colere. Absoluta Liturgia, sumptaque ab Imperatore Sacra Eucharistia, ducitur ab Ecclesiasticis Electoribus ad Solium, ibique collocatur, præcemente Antistite, qui Sacris est operatus, Hymnum, *Te Deum laudamus*. Quo decantato, Archiepiscopus Moguntinus nomine omnium Imperatori gratulatur; ac Celebrans exiit in Diaconi, eo Pontificalia ornamenta, induitque Vestimentum Electorale. Interea creantur ab Imperatore Equites nonnulli, percutiendo illorum humeros Ense Caroli Magni. Descendenti e Solio occurrit unus e Canonicis Aquisgranensibus, illumque exorat, ut juxta morem prædecessorum Imperatorum se se inter Aquisgranenses Canonicos adscribat; cui rei annuit Imperator, præstitoque sacramento promittit servaturum se illius Ecclesie jura.

IV. Imperatrix quandoque una simul cum Imperatore inungitur, quandoque vero distinctis diebus: uti. contigit anno 1612. cum Matthias Imperator a Moguntino Antistite consecratus est Francofurti. Nam Anna Austriaca illius conjux, altero die inuncta fuit hoc ordine, quem describit Goldastus Polit. Imper. par. 1. *Regina Coronatio postero statim Luna die fieri debebat, verum propter incidentia forte impedimenta ad sequentem diem Mortis 26. nempe Junii dilata fuit. Ea igitur die, æque ut præterita Solis die, signum campanis majoribus, a quinta ad septimam matutinam horam, aliquoties datum est. Post auditam septimam Electores duo Ecclesiastici Trevirensis nempe & Colonienfis habitu Electorali induti ad Templum profecti sunt, Chorumque ingressi, habitu isto deposito, vestimenta Episcopalia, sive Pontificalia, quemadmodum Moguntinus etiam, qui paulo tempestivus in Templum venerat, induerunt. Ponebantur autem in Altare Sceptrum, Orbiculus, Annulus, & Corona, Imperii nempe insignia; & in Palatio sive Aula Regis, sæculares septemviri, Principes, item Comites, Barones, & alii Proceres frequentes conveniebant. Post horam octavam ad S. Bartholomæi Templum tali ordine processum est. Principio Consiliarii, Nobiles, alique Officarii, cum multis Comitibus, Baronibus, Proceribus aliis, pedires præcesserunt; secuti sunt eos, equis velli Principes Francofurti tum præsentēs, Caduceatores item quatuor, eodem quo tempore Coronationis Regie ordine, & habitu ornati, caduceos albos præferentes. Postmodum Electores equis itidem advelli incesserunt, Palatinus nempe Administrator habitu Electorali indutus, Orbiculumque Imperialem gestans ad dextram, Legatus Brandeburgicus in medio, & Marescallus Brandeburgicus cum aureo Sceptro ad sinistram equitans.*

rans. Hos pedes secutus hereditarius Imperii Marescallus a Puppenheim, vaginam gladio vacuam manibus gestavit. Successit solus equo advektus Saxonie Elector habitu Electorali indutus, gladiumque evaginatam gestans, quem solus itidem Rex Corona & habitu Caesareo condecoratus, equo insidens securus est. Postmodum Regina curru preciosissimo advektis sola incescit, Gyneceo ejus, principibusque, & nobilibus feminis atque, cum viginti & amplius curribus eam comitantibus. Postquam in Templum ventum est, Electores quidem Ecclesiastici Pontificalibus induti e Choro obviam eis ad Altare processerunt, Rex vero in peculiarem quandam sedem, quae a dextris juxta illam, in qua tempore Coronationis sederat, concessit. At Regina in sedem precatoriam abducta est; moxque Suffraganeus Moguntinus, loco Electoris, qui male habere coeperat, ad celebrandam Missam se paravit, quae ex Sacello Caesareo prestanti Musica ad Evangelium usque continuata est. Postquam Epistola & sequentia lecta essent, Suffraganeus ab Altari discessit, Episcopus vero Moguntinus imposta in caput bisula, acceperat in manus Episcopali baculo ad Altare processit; cumque ad Reginam facie conversus consedisset, Rex Corona Regia ornatus, Sceptrumque dextra, & Orbiculum Imperialem sinistra tenens, ad Altare itidem accessit, conceptisque verbis conjugem uti suam, in Reginam Romanorum Moguntinus coronaret, rogavit. Interea sedes Reginae precatoria propius aliquando ad Altare promota est; Rege igitur ad Solium suum concedente, Regina a Trevirensi, & Colonienfi ad sedem istam precatoriam deducta est, ubi una cum Suffraganeis assistentibus, & Electore Moguntino Consecratore ipsomet, in genua procidit, precesque ad Deum fudit. Finitis precibus, & Letania super eam, eodem quo in Coronatione Regis modo lecta, Moguntinus surgens eam interrogabat, numquid Romanorum Regina salvari, & coronari cuperet, cumque cupere se respondisset, preces iterum habuit sunt, & Moguntinus quidem ad populum conversus, precatiunculam quamdam pronuntiavit. Postmodum Regina circa collum a Ginecae Magistra nudata, & oleo a Consecratore in cervice primum, & postmodum in dextro brachio, addita brevi precatiuncula, muncta est. Hoc facto, Trevirensis eam, & Colonienfis terra levatam in Chorum abduxerunt, duobus Suffraganeis assistentibus, & quibusdam ex Gyneceo ejus eam comitantibus. Ibi preciosissimo Regio habitu ex panno aurato constante, & sylvate longo admodum, quod virgines quaedam nobiles gestabant conspicuo, absterfo primum oleo, induta est; cumque ex Choro iterum ad sedem precatoriam reversa coram Altari in genua procidisset, Electores Ecclesiastici omnes novam Coronam ab Altari levatam, capiti ejus, additis quibusdam verbis, imposuerunt. Consecrator vero solus Anulum ei induit, Sceptrumque in dextram, & Globulum Imperii in sinistram ei tradidit: quae Imperialibus istis insignibus ornata, postmodum facta benedictione, in Solium Regium, in quo Rex Coronationis tempore consederat, a duobus Electoribus, & Suffraganeis abducta est; ubi Trevirensis quidem Sceptrum, Colonienfis vero Orbiculum Imperialem ab ea accepta in Altare iterum deposuerunt. Interea Consecrator ab Altari discessit, Suffraganeus vero Moguntinus Missam continuare cepit. Sub Offertorio autem Regina a duobus Electoribus Ecclesiasticis ad Altare & Sacrificium ducta est, cumque Agnus Dei canendo finitus, & ablutio facta esset, Suffraganeo Moguntino recedente, Archiepiscopus Consecrator ad Altare iterum accessit, ubi reliqui duo Electores Ecclesiastici, Coronam

capite Regina levatam, praesentibus Laurentis Fuldensibus tenendam tradiderunt: ipsa autem ad Altare prodella, pulvinaria ibi disposita removit, inque terram flexis genibus procedens, magna humilitate, & devotione Sacramentum Cæna ex manu Consecratoris accepit; quo facto, Electores eam terra levatam in Solium Regium abduxerunt, & Coronam capiti ejus iterum imposuerunt, quam virgines quædam ex Gynecæo ejus accedentes, ne dimoveretur amplius, capiti alligaverunt. Postea Suffraganeus Moguntinus ad Altare iterum accessit, lectaque finalis precatiuncula Sacrum absolvit: quo finito, Cantores Regii Hymnum Te Deum laudamus decantare cæperunt, cantusque suavitate omnium aures, ut & per totum Coronationis actum, mirifice oblectantur.

V. Tardius in Galliis, uti notat Martene lib. 2. cap. 10. de antiq. Eccl. rit. Reges solemnem Episcoporum benedictionem suscipere cæperunt: quippe ante Pipinum, qui Svevione primum a Moguntino Antistite Bonifacio, tum a Stephano Papa unctus est in Regem, nullus ab Episcopis benedictus legitur, sed omnes, ut Regni imperium adepti erant, a populis clypeo evecti, Reges salutabantur. Itaque Francorum Reges secundæ stirpis sacro Ecclesiæ ritu ad imperium regendum cæperunt inaugurari: qua vero cæremonia id olim fieret, constat ex nonnullis Ordinibus editis a Martene. Ex antiquissimo more spectat ad Archiepiscopum Remensem munus coronandi Regem; imo & in Ecclesiâ Remensi peragenda est Coronatio, & quidem oleo celitus delapso, cum B. Remigius unxit, baptizavitque Clodovæum Regem. Ordo Coronationis is est, quem exhibent Dumontius, & Rosfuerius in Cæremoniali Gallix, & Hubertus Morus in libello de sacris unctionibus. Primo ex Abbatia S. Dionysii Parisiis proxima adspiciuntur Remos ornamenta Regalia, nempe Corona, Ensis, Calcaria aurea, Sceptrum, Virga eburnea, quæ a manus similitudine, quam habet in culmine, vulgo Justitiæ manus dici solet, & Ocreæ sericæ hyacinthini coloris, totæ intertextæ liliis aureis; Tunica similis Diacomali Dalmaticæ, & Paludamentum seu Chlamys similis cappe, quam Soccum vocant, prorsus cum Tunica ejusdem operis, & coloris. Rex solemni pompa Remos ingreditur, & recta ad Ecclesiâ pergit, ubi Altare osculatur, preces fundit, munus offert, Vespertino Officio adest. Illucescente die ad benedicendum Regem constituta, nonnulli nobiles viri, Rege jubente, adeunt celebre Remense Monasterium S. Remigii, ubi sacra Ampulla olei celestis asservatur, eamque dari exposcunt ad inungendum Regem, suamque fidem adstringunt, se se, absoluta cæremonia, eandem Monasterio reddituros. Interea duodecim illi Proceres Regni, quos Pares Franciæ vocant, siquæ in Coronatione Regis primas partes habent, ad Ecclesiâ se conferunt. Illorum Procerum sex sunt ex Ecclesiasticorum, sex vero e laicorum numero; itidem tres Duces, totidemque Comites: & quidem ex Ecclesiastico Ordine sunt Episcopi Remensis, Lingonensis, Laudunensis, Bellovacensis, Noviodunensis, & Catalunensis; ex laicis olim erant Duces Burgundiæ, Normandiæ, Aquitanix, Comitesque Flandriæ, Tolosæ, & Campaniæ; nunc vero a Rege nominantur, qui istorum partes impleant. Postquam Pares ad Ecclesiâ convenere, illorum duo, nempe Episcopi Laudunensis, & Bellovacensis, una cum Remensibus Canonicis, supplicatione indicta, se conferunt ab Ecclesiâ ad Ædes Regis. Ubi ad Regium cubiculum pervenire, Episcopus Lau-

dunen-

dunenſis ſemel, atque iterum pulſato oſtio, interroganti Præſecto Domus Regiæ quid petat, coronandum Regem mox ille petere ſe reſpondet; tandem tertio oſtium reſeratur. Tum duo præſati Epifcopi accedunt ad Regem lecto incumbantem, domeſtica veſte indutum, eoque ſalutato, Laudunenſis precem quamdam recitat: deinde uterque ſurgentem de lecto adjuvat, & præcunte ſupplicatione, canentibus Canonicis Antiphonas qualdam, itur ad Eccleſiam. Magnus Regni Comæſtabulus, ſeu qui illius vicem gerit, ſerens denudatum enſem anteit Regem: ſequuntur Præſectus Domus Regiæ, Magnus Colmeti Regius, aliiſque Magnates Aulae. In Eccleſia Antifites Remenſis ſeder prope Altare; e regione Antifitis, & Altaris, collocatur ſedes Regis; poſt Regis ſedem, inſident ſcabbellis Magnus Comæſtabulus, Præſectus Domus Regiæ, Magnus Colmeta, Præſectus cæremoniarum, & primus Cubicularius Regis. Ad dextrum Altaris cornu aſſident ia ſcammis Pares Eccleſiaſtici, Cardinales, Epifcopi, & Cubicularii Regis; ibidem duo excitantur tabulata pro Regina, & Matronis Auſtici. In ſiniſtra Altaris parte conſident Pares laici, Principes Regiæ cognationis, Equites Regalis Ordinis Spiritus Sancti; at Legati Principum, & nobiles ſœminæ in tabulatis ibidem extractis adiant ſacre cæremoniz. Si quis adeſſet Pontificius Legatus *a latere*, huic locus Princeps concederetur in ſcanno Cardinalium: ſi quis vero adeſſet Rex, primum occuparet locum inter Pares laicos.

VI. Sedentibus itaque cunctis, quos Antifites Sacra faciens poſt recitatam quamdam precem adſpergit aqua benediſta, decantatur Tertia, donec ſacra Ampulla ab Abbate Monafterii S. Remigii equo inſidente ſub umbella, præcunte ſupplicatione, deferatur ad Eccleſiam. Huic venienti occurrit Remenſis Præſul ad fores Eccleſiæ cum ſuis ſuffraganeis, & Canonicis, ibique ſacrum oleum ab Abbate accipit, poſtquam illud eidem redditurum promiſerit; acceptamque Ampullam collocat ſuper altare, ubi etiam cœtera ornamenta Regalia collocantur. Et Abbas quidem S. Remigii ſiſtit prope Altare, a dextra parte; quemadmodum Abbas S. Dionyſii ſiſtit a ſiniſtra Altaris parte, quod illi ſacræ Ampullæ, huic Regalium inſignium cuſtodia ſit commiſſa. His peractis, Remenſis Antifites induit in Veſtiario Pontificalia ad Sacrum celebrandum, illique miniſtrant duo ſuffraganei Epifcopi in officio Diaconi, & Subdiaconi; itidemque duodecim Canonici Diaconorum & Subdiaconorum indumentis amicti. Accedit ad Altare, tum ad Regem, a quo ſalutatur, Regemque exorat, ut ſuarum Eccleſiarum iura tueatur, quod ſacturum ſe ſe Princeps promittit. Tunc duo Epifcopi, Laudunenſis, & Bellovacenſis multitudinem ſciſcitantur, an ſibi hunc Regem præfici velint? Poſtquam univerſi acclamaverint, *volumus*, Rex, tactis Evangeliis, ſacramento promittit juſ ſuum cuique redditurum, & proſtigandis hæreticis operam daturum. Præſtito hoc juramento, nonnullique precibus ab Antifite ſuſis, atque benediſtis Regiis inſignibus, Pares laici Ocreis Regem induunt, atque Calcaria imponunt, quæ ſtatim remouentur, ne impedimento ſint. Ad hæc Archiepiſcopus enſem vagina teſtum benedicat, de Altari ſumit, eo Regem cingit, & vagina eductum porrigit Regi, quem Rex tamdiu erectum manu tenet, quamdiu Chorus Antiphonam decantaverit, & Antifites orationem ſubjunxerit: qua expleta, a Rege flexis genibus offeritur ad Altare, ac ſuper eo collocatur; ſed Archiepiſcopus enſem rurfus de Al-

Altari fumit, ac Regi restituit, Rex Magno Comestabulo tradit deferendum, tota coronationis cæremonia. Archiepiscopus deinde quibusdam recitatis precibus, sacram Ampullam aperiens, cuspidē aureæ aciculæ extrahit tantillum cælestis olei, quod miscet cum Chrismate super Patenam Calicis aurei B. Remigii; Choro interim decantante Antiphonam. Deinde Rex, & Archiepiscopus procumbunt super stragulum, duoque Episcopi Litaniam inchoant, in qua bis invocatur B. Remigius; & ad verbum illum, *ut præsentem famulum tuum N. in Regem coronandum benedicere digneris*, surgit Antistes, ac Regem benedicit. Finitis Litiis, postquam Antistes diu multumque super ipsum Regem precatus fuerit, sedens ungit Regem in genua provolutum, primo in vertice, secundo in pectore, tertio inter scapulas, quarto in ipsis scapulis, quinto in brachiorum compagibus, proferens in singulis unctionibus consueta verba, & Choro Antiphonam decantante. Rursum orat, tuncque Magnus Cosmeta, vulgo, *Gran Ciambellano*, induit Regem Tunica hyacinthina, & Chlamydem superinducit. Mox ab Antistite inunguntur Regiæ manus, benedicuntur chirothecæ, quibus illæ involvuntur; Regique porriguntur quadam verborum formula Annulus, Sceptrum, & Virga. Ad hæc Cancellarius Franciæ accedit ad Altare, & singulos accerlit Pares Regni, primo Laicos, deinde Clericos. Quibus vocatis, Antistes Regiam Coronam de Altari fumit, & eam solus manu tenens precatur, tum solus eam imponit Regi capiti; sed illuc Pares omnes manum apponunt, & eam undique suffulciunt. Postquam vero plures orationes ad benedicendum Regem Antistes pronunciaverit, eundem coronatum manu ducit ad Solum in medio Ecclesiæ excitatum, præeunte Magno Comestabulo cum ense denudato, sequentibus reliquis Paribus, & Magnatibus Aulicis; ibi Regem collocat consueta verborum formula, Hymnumque præcinit gratiarum actionis. Hymnum excipiunt consuetae preces, hisque dictis, Archiepiscopus, deposita Mitra, Regem sedentem salutatur, & osculatur inquires, *vivat Rex in æternum*. Hoc idem præstant reliqui Franciæ Pares suo ordine, primo Clerici, deinde Laici; interim aurea numismata in populum effunduntur. Sequitur Liturgia, quam solemniter celebrat Remensis Antistes; at unus ex Eleemosynariis Regis, submissa voce Sacrum facit in altari prope Solum excitato. Rex ad Liturgiam deponit Sceptrum, ac Virgam; atque ad Evangelium Coronam, quam unus e laicis Paribus accipit; Evangeliorum librum, & pacis osculum exhibent Regi, vel Episcopus Diaconum agens, vel aliquis Cardinalis, vel Magnus Eleemosynarius: uti in Coronatione Ludovici XIII. die 17. Octobris, anno 1610. Cardinalis Gondi: in Coronatione Ludovici XIV. die 7. Junii, anno 1654. Cardinalis Grimaldus vices gerens Cardinalis Antonii Barberini Magni Eleemosynarii: & in Coronatione Ludovici XV. die 25. Octobris, anno 1722. Cardinalis Rohanus hoc officium præstiterunt. Ad Offertorium, Regiis ornatus insignibus accedit ad Altare, eumque sequuntur Pares omnes, Magnates Aulici, & quatuor Proceres, quorum unus deferret vasculum vini, alter panem aureum, tertius panem argenteum, postremus tredecim aureos nummos, qui olim dicebantur Bilantii, pro oblatione Regis. Hæc ubi Princeps obtulerit ad Altare, redit ad Solum. Antequam vero Antistes Pacem precetur, recitat benedictionem quamdam super Regem, & populum. Pacis osculum præbet Regi Magnus Eleemosynarius, Rex vero

ro cæteris Paribus . Sequitur benedictio Regii Vexilli , quod vulgo Guidonem vocant . Ad Communionem , postquam Rex sub tentorio , quodam ad id parato confessus est peccata sua , adit Altare , & Eucharistiam sumit sub utraque specie : & quidem haurit Christi Sanguinem e Calice B. Remigii , in quo Antistes Sacra mysteria confecerat . Absoluta Liturgia , sub tentorio exiit sacras vestes , aliasque induit ; sed Regis indulium chrismate delibutum traditur Magno Eleemosynario committendum ; atque Archiepiscopus ablata a Regio capite Corona , leviter rem Coronam illius capiti imponit . Tandem , reverso Rege ad Aedes suas , solemnè pompa sub umbella accumbit mensæ , una cum Paribus , Cardinalibus , Episcopis , Legatis , & Proceribus Regni ; atque supra mensam collocantur Sceptrum , Virga , & Corona major . Ludo , vicus XIV. altera die a coronatione sua accepit insignia Societatis Equestris Spiritus Sancti ab Episcopo Svesvionensi , a quo fuerat inunctus ; & sequenti die , in Remensi Ecclesia , audito Sacro , strumosis manus imposuit . Pariter Ludovicus XV. Rex pace , belloque gloriosissimus , die altera ab accepta unctione , donatus est in Cathedrali Remensi ab Archiepiscopo insignibus illius Societatis ; quem deinde Solio assidentem cæteri Socii osculo manus supremum Moderatorem Ordinis salutarunt : tum subsequenti die in Ecclesia S. Remigii strumosos curavit . In hisce vero cæremoniis Magnus Eleemosynarius , & Primus Eleemosynarius de more Regi adhæserunt .

VII. Reginarum Galliæ unctionem antiquam esse probant veteres nonnulli Ordines ad benedicendam Reginam editi a Martene lib. 2. cap. 10. de antiq. Eccl. rit. & a Gothofredo in Cæremoniali Galliæ . Verum non illæ ex oleo cælesti , neque in Ecclesia Remensi inunguntur ; sed ex alio oleo sanctificato , & ut plurimum in Ecclesia S. Dionysii , sæpe etiam in Sancta Capella Parisiensi . Et narrat Nangius in gestis Philippi III. Francorum Regis , Mariam Ducis Brabantie filiam coronatam fuisse in Capella Regia Parisiensi ab Archiepiscopo Remensi ; idque ægre tulisse Gillonem Senonensem Archiepiscopum , & apud Romani Pontificis Legatum conquestum esse , quod Remensis Antistes in aliena Diocesi id sibi juris usurparet : *Sed ex parte Regis sic allegatum fuit , quod non erat unde posset conqueri Senonenfis Archiepiscopus , quoniam Capella Regis Parisi exempta erat , & ideo ratione loci ad ipsum inunctio non spectabat* . His vero ritibus Regina Galliæ coronatur , quibus Maria Medicea conjux Henrici IV. inuncta fuit , die 13. Maii , anno 1610. in Ecclesia S. Dionysii a Cardinali Gioiosa , ut ex Dumontio Cæremon. Gall. lib. 2. cap. 2. §. 5. & 6. Primo ab Aedibus Regiis ad Ecclesiam deducta est a Cardinalibus Gondi , & Sourdis , inter eos media præeunte omni comitatu Aulico , Equitibus torquatis Spiritus Sancti , Principibus Regiæ cognationis ; sequentibus Matronis Regiæ stirpis , aliisque illius obsequio addictis . Ubi ad Altare pervenit , in genua procubuit , Celebrans , recitata prece , ei deosculandas obtulit Sanctorum Reliquias . Solium deinde descendit , stipata undique Principibus & Marronis Regiæ cognationis , & Proceribus Aulæ . Rursum a duobus Cardinalibus ad Altare ducta , procumbens oravit , mox susus ab Antistite nonnullis precibus peruncta fuit ex sacro oleo super Patenam posito , primo in capite , secundo in pectore ; quas partes Matronæ duz Regiæ stirpis denudarunt . Post unctionem ab Antistite accepit Anulum , Sceptrum , & Virgam . Tum Episcopus Parisiensis (quod in aliis Reginarum benedi-

nedictionibus præstitit Magnus Eleemosynarius) accepta Corona, eadem suspensam tenuit supra Reginæ caput, duobus Principibus Regiæ stirpis illam suffulcientibus, donec consueta verba pronunciarentur; quibus dictis, leviori Corona caput Reginæ cinxit. Quæ deinde traditis Sceptro, & Virga duobus Principibus, coronata rediit ad Solium, ibique sedens, accepto a Matronis Aulicis libello precum, audivit Sacrum, quod Antistes statim inchoavit. Ad Evangelii lectionem, Cardinalis Gondi medius inter Diaconum, & Subdiaconum ministrantes ad Altare, accessit ad Solium, atque Evangeliorum librum obtulit deosculandum Reginæ, quæ in genua procubuit. Ad Offertorium, a duobus prædictis Cardinalibus ducta est ad Altare, præeuntibus Principibus Regiæ insignia gestantibus, sequentibus vero tribus Matronis Regiæ familiæ deferentibus oblationem Reginæ. Ad Altare obtulit panem, vinum, cereumque, cui affixa erant tredecim aurea numismata. Reversa ad Solium, flexis genibus audivit reliquum Liturgiæ ordinem: flexis quoque genibus accepit a Cardinale Gondi osculum pacis. Tum rursum ad Altare se contulit, ut Divinam Eucharistiam sumeret sub unica tamen specie. Denique rediit ad Solium, donec Liturgia abolveretur, qua expleta, plura projecta sunt in populum aurea numismata, Feciali, sive Heraldo conclamante, *Largeffe*.

VIII. Hispanos Reges antiquis Ecclesiæ sæculis solemnni ritu ungi consuevisse, indicant Concilium Toletanum VI. can. 3, ubi mentio fit sacramenti de conservanda Catholica fide a Rege præstiti in ipsius inauguratione; & Concilium Toletanum XII. can. 1. asserens Heruligium Wambæ successorem per sacrosanctam unctionem accepisse potestatem regnandi. Julianus quoque Toletanus Episcopus in historia Wambæ Regis, hunc inunctum fuisse scribit ante Altare ab Episcopo Quirico, edito juramento de servanda Fide, & æquitate. Et in more fuisse apud Gothos Hispaniæ Reges, ut in Toletana Ecclesia unctionem acciperent, colligitur ex exhortatione Patrum Ecclesiæ ad Principes, quam inter Toletana Concilia edidit Garsias Loaysa. Verumtamen non ante Levigildum, veste, folioque Regali uti solebant Hispani Reges. Ille siquidem, teste Isidoro in historia Gothorum, primus inter suos Regali veste opertus folio refedit: nam ante eum, & habitus, & confessus communis, ut genti, ita & Regibus erat. Post Gothos Reges idem mos vixit: etenim Alphonfus VII. & Alphonfus VIII. ab Archiepiscopo Compostellano uncti leguntur. Idem dicendum de Regibus Aragoniæ, & Navarræ, quos unctionem accepisse, pluribus testimoniis probat Valdesius in libro de præstantia Regis Catholici. In illorum numero Petrus II. Rex Aragonum ab Innocentio III. Romæ in Monasterio S. Pancratii Regium accepit Diadema, & potestatem, ut successores Reges coronarentur Casaraugusta ab Archiepiscopo Tarraconensi, uti legitur in gestis Innocentii III. editis a Bosqueto. Aliquot tamen ab hinc sæculis Hispaniæ Reges accipiente unctionis consuetudinem omiserunt, cujus rei plurimæ adducuntur causæ a Valdesio. Itaque nonnisi proclamari solent sequenti ritu. Die ad proclamandum Regem constituto, Vexillarius Regni Castellæ magna pompa & comitatu ad Ædes publicas se confert, ubi Optimates Civitatis convenire. Ibi a Prætor Civitatis, quem nuncupant *Corregidor*, vexillum accipit Regni Castellæ; suamque fidem scripto adstringit, se se, absoluta cæremonia, vexillum redditurum. Inde equitatio- ne solemnī ordinata, præeunte milite, sequentibus Magistratibus, eorumque ministris, longo ordine, itur ad aream quamdam Civitatis, ubi

*ubi in eminenti tabulato ad id constructo, exposita est conspectui omnium sub umbella, Regis effigies. Signifer, Prætor, Proclamatores, seu Heraldii tabularum conscendunt; Caduceatores, sive Mazzerii in gradibus constitunt: Tunc Proclamatores in singulis tabulati angulis rer silentium indicunt, terque cunctos monent, ut aures arrigant. Quo facto, Vexillarius accedens ad Regis effigiem, ter. clamat: *Ca-silla y Legio ha por el Rey Catholico N. N. nuestro Senor, que Dios guarde.* Quæ verba ubi protulerit, vexillum utrinque agitatur. Universi singulas proclamationes excipiunt plausu; & hunc plausum. Notarii tabulis consignunt, veluti quoddam præstiti hominii signum. Eadem proclamatio fit in aliis Civitatis locis, tandemque in Ædibus publicis, ubi Vexillarius, reddito vexillo, totius rei gestæ tabulas conscrip-tas accipit. Atque hoc ritu Philippus Dux Andegavensis CAROLI Regis nostri gloriosissimus parens die 24. Novembris, anno 1700. proclamatus est Rex Hispaniæ.

IX. Simili fere ritu Lusitani Reges inaugurantur; neque enim ungi consueverunt, illamque cæremoniā vocant Exaltationem. Hinc Oforius lib. 1. de rebus gestis Emmanuelis Regis Lusitaniæ, refert, hunc, mortuo Joanne Rege, in Oppido Salatiæ, ubi degebat, more, & instituto majorum fuisse Regem declaratum. Ritu hujus inaugurationis describit Hieronymus Conestaggus lib. 2. de conjunctione Castellæ, & Portugalliæ, enarrans, ut Sebastiano Regi in Africano bello extincto successerit Henricus Cardinalis, ejus patruus: *Inauguratio*, ait, *ad hunc modum facta fuit. Die 18. Augusti, Templum Hospitalis omnium Sanctorum aulais sericis exornatur, & pugnato quodam extructo, in eo sellam tela aurea suffultam, collocant. Eo ascendit Rex tempore antemeridiano, habitu Cardinalis indutus: egredientem a Palatio octo tympana aenea, & novem præcones equites, & chlamydidibus, quibus insignia Regia inserta erant, amicti præcedebant. Sequebantur pedites fere omnes ministri Aulici, Camerales, & alii Magistratus: hos isidem sequebatur Dux Bragantiæ, equo insidens, capite aperto, & manu ense vagina deaurata insignem, tamquam Comestabilis gestans. Paulo post sequebatur Cardinalis, insidens mule, cujus habenam tenebat Alvarus Sylvius Comes de Portalegre, Magnus Aula Magister: in extremo agmine sequebantur multi Proceres, & nobiles Equites, & ingens caterva pedes. Cardinalis ingenti multitudine stipatus, ad gradus Hospitalis descendit, & ingressus in Templum, cum sacris, & precibus operam aliquamdiu dedisset, consensu pugnato sedem sibi præparatam occupavit, statimque Franciscus Sada unus ex Gubernatoribus Sceptrum ipsi tradidit: Michael vero Morus Secretarius, in loco nonnihil a sede Regia remoto, clara voce ex scripto legens, dicebat, Henricum Regem, mortuo Rege Sebastiano, in Regno succedere, & eam ob causam Sceptrum ipsi tradi, eumque paratum esse præstare solitum juramentum, de conservandis privilegiis, immunitatibus, & conventionibus, qua vel toti populo, vel singulis a majoribus concessa, aut cum iis interposita fuissent. His dictis, in genua ante Regem cum libro aperto procubuit, cumque Rex manu libro imposita se superiora omnia sancte observaturum esse jurasset, tympana magnum strepitum edere cæperunt, tota multitudo clamante, Vivat, vivat Henricus Rex Portugalliæ: Quibus verbis auditis, Rex ab iisdem, quibus ante comitatus, Sceptrumque manu tenens, ad Palatium, tympanis sonantibus, & præconibus nonnumquam superiora ver-*

ba repetentibus, reversus est. Et lib. 5. refert, mortuo Henrico, Antonium Priorem Cratensem proclamatum Regem, tradito ei vexillo civitatis. Eodem sere ritu Joannem V. religiosissimum Principem, die 1. Januarii, anno 1707. Ulyssipone, Regem salutarunt, uti constat ex monumentis editis a Rouffetio in Cærem. Lusit. cap. 2. §. 2. Verum non in Ecclesia, sed in area ante Regias Ædes, excitato sublimi tabulato, ubi eminebat Solium Regis, cæremonia peracta est. Sedente itaque Rege, unus e Magnatibus Regni proclamavit, regnandi jura ad illum traducta esse: mox eundem exoravit, ut de servandis Regni privilegiis, atque Statutis, fidem suam obligaret. Quod ubi a Rege præstitum est, lectaque a primo Regis Ministro sacramenti formula, nobiles viri, & Magistratus osculo manus illum Regem salutarunt, acclamante multitudine. Exinde Rex, & universi Ecclesiam Palatinam adiere, ut Hymno *Te Deum* agerent Deo grates. De inauguratione Joannis Ducis Bragantiæ in Lusitanorum Regem, excusso Austriacorum Hispaniæ Regum imperio, ita refert Cajetanus Passarellus lib. 1. de Bello Lusitano. *Regi deinde solemniter coronando condita dies intermedia Decembris est, qua porro in aula amplissima Regia, Bragantia Dux a populo traditam imperii coronam, Lusitano servato more, suscepit. Reliquos inde regalis auspicii ritus persecuturi ad Templum maximum pergunt. Chlamyde regia amictus, habituque oris, & corporis ad presentem fortunam exculto, eques unus Bragantius ibat, cæteri pedites: mos enim erat, sive plebejos, sive magnates cum via pedestri, tum detecto semper capite consequi Regem juramentum a subditis accepturum. Hoc summo splendore, aulaque explicato magnifice luxu, posteaquam Templum ingressi sunt, inibi ad Aram maximam pro Lusitano Rege Joanne data jurejurando fides, acceptaque est.*

X. Poloniæ Reges ab Archiepiscopo Gnesnensi Primate Regni solemnii ritu unguntur, & coronantur: quod quidem olim Gneinæ faciendum erat; sed decreto Loëtii Regis circa annum 1320. coronatio Regis agitur Cracoviæ. Itaque ubi electum collatis suffragiis Primas Regni, Magnus Marescallus Poloniæ, & Magnus Marescallus Lituaniæ renuntiaverint Regem; decantato Hymno gratiarum actionis in eodem campo prope Varsoviæ, ubi sub cælo electio Regis fit a Polonis, ad Varlaviensem Ecclesiam S. Joannis pergunt universi. Ibi electus sacramentum edit de servandis juribus Regni: tum a Magno Marescallo leguntur Pacta conventa, quæ ab Archiepiscopo Primate, post peractum Sacrificium, Regi exhibentur juranda. Præstito hoc juramento, traduntur Regi a Magno Cancellario tabulæ electionis suæ, quas Patres conscripti Polonorum subfigurant. Ad unctionem vero accipiendam itur Cracoviam, dieque sacram cæremoniam præcedente, defuncto Regi iusta persolvuntur. Altera die Regem adeuntem Cathedralē Ecclesiam excipiunt Episcopi Cracoviæ, & Cujaviz, ac ducunt ad Altare, ubi illum paucis alloquitur Archiepiscopus ad rem, de qua agitur. Præmissis deinde ab Antistite consuetis interrogationibus, Rex flexis genibus sacramento promittit se ita facturum, ac insuper jura, privilegia, consuetudines Regni servaturum; ita ut si huic ipse desit officio, jam nullo fidelitatis vinculo erga Regem servando subiecti populi adstringantur. Hanc juramenti formulam Magnus legit Cancellarius, quo incipiente verba, Rex sequitur; tandem Evangelia osculatur. Leguntur deinde Pacta conventa, quibus auditis, rursus confirmatur a Rege præstitum sacramentum. Ad hæc Archie-

chiepiscopus, recitatis benedictionis precibus, inungit illius dextram manum, brachium, cubitos, & humeros. Quo peracto ducitur a præfatis duobus Episcopis ad Vestiarium, ubi Regalia induit vestimenta, atque præeunte Vexillifero Regni Solium conscendit, & rem Divinam audit. Ea expleta, accedit ad Altare, ubi antea collocata fuerant Regalia insignia, atque ab Antistite accipit Ensem, quem ille tradit Magnati Ensisfero Regni, a quo rursum porrigitur Antistiti, is Regem Ense cingit, denique Rex eductum vagina ter in aerem vibrat, Corona deinde imponitur Regio capiti, illamque suffulciunt præfati duo Episcopi; tum Sceptrum, & Pomum Regi porrigitur. His ornatus insignibus ducitur ab Antistite ad Solium, præeunte Magnate Ensisfero Regni, qui tota cæremonia denudatum enssem coram Rege deservat, collocatoque Rege in Solio, Hymnus gratiarum actionis decantatur. Quo finito, Rex ad Altare offert aureum numisma, Eucharistiam sumit, & benedictionem accipit ab Antistite. Magnus Marcellus Regni acclamat: *Vivat Rex*, multitudine itidem acclamante.

XI. Scotorum, & Anglorum Regum unctio antiquissima est. Nam de Edgara Rege Scotiæ filio S. Margaritæ, & Marcolmi Regis, anno 1013. scribit Joannes Leslæus Episcopus Rossensis lib. 6. de origine, moribus, & rebus gestis Scotorum, ipsum inunctum fuisse a Godrico Episcopo Sant-Andreano; atque S. Margaritam ab Urbano Pontifice obtinuisse, ut deinceps Reges ab illo Antistite ungerentur. Joannes XXII. confirmavit Episcopo Sant-Andreano jus inaugurandorum Scotiæ Regum. Quod Anglos spectat Reges, Guillelmus ille, qui ob Angliam subactam Conquestor nuncupatur, sacro oleo ab Episcopia delibutus dicitur a Walsinghamo. Qui idem refert Richardum II. Eduardum I. aliosque Reges ab Archiepiscopo Cantuariensi inunctos: memoratque cœleste oleum, quod Divo Thomæ Cantuariensi, dum exul ageret, Sancta Deipara commisit, ut eo Reges Angliæ ungerentur, addita promissione, omnes fore Ecclesiæ defensores, quod cum in ampulla lapidea repertum esset; eodem cupiebat Richardus II. iterum consecrari, sed unicam sufficere unctionem Cantuariensis Antistes declaravit, adeoque non ipse, sed ipsius successor Henricus IV. illo unctus est. Sacram hanc cæremoniam etiam post schisma Angliæ retinere, adeout Elizabetha inungi Reginam permiserit, etsi rem sacram irriteret, uti refert Sanderus in libro de schismate Anglicano. Quo vero ritu olim Angli Reges coronarentur, constat ex nonnullis Ordinibus editis a Martene, præsertim vero ex Ordine coronationis Richardi II. quem Rogerius de Hoveden, Ann. p. 2. describit. Hodiernum ungendi Regis morem hic damus, prout res se habuit in Coronatione Jacobi II. & Mariæ ejus conjugis, quam scripto tradidit Sandfortius. Primo ab aula Palatii Westmonasteriensis ad Ecclesiam longo agmine, & magna pompa progressi sunt Aulici, Magnates, Magistratus, Capellani Palatini, Episcopi. Proxime præibant Regi, & Reginæ aliqui Magnates Regni, ferentes Regalia insignia. Porro insignia Reginæ Anglorum, quæ fusc describuntur a Dumontio, & Roussetio, sunt Virga eburnea, in cujus summitate est columba; Sceptrum, in cujus summitate Crux conspicitur; & Corona. Regis vero insignia sunt, Sceptrum, Virga, & Corona S. Eduardi, Calcaria, & tres Enses, quorum unus acumine carens dicitur *Curtana*; hisque ensibus denotatur clementia, & utraque potestas Regis. Regina incede-

bat media inter duos Episcopos ; uti etiam Rex : uterque vero sub umbellis , seu baldacchinis delatis a quibusdam nobilibus viris , quibus id munus ex privilegio competit . At Regem anteibant tres Episcopi , quorum unus sacra Biblia , alter Patenam , tertius Calicem deferabat . Ad Ecclesiæ fores occurrerunt obviam Decanus , & Canonici Westmonasterienses , Psalmodum versus nonnullos decantantes . Ubi universi in Ecclesia steterunt , Archiepiscopus Cantuariensis , comitantibus eum Magno Comeftabulo , Magno Cancellario , Magno Cosmeta , atque Magno Marefcallo , circumivit Ecclesiam ; & primo ad Orientem , secundo ad Meridiem , tertio ad Occidentem , quarto ad Septentrionem proclamavit Regem , simul populum percunctatus , an illi velit hominum præstare . Plaudentibus cunctis , Chori hos Psalmodum versus decantantur : *Tuum brachium cum potentia . Firmetur manus tua &c.* Interea temporis Archiepiscopus , aliique Episcopi sacras vestes ad Altare induiebant . Has cum induissent , Rex , & Regina ad Altare accesserunt , ut auri libram offerrent , quam Antistes super sacra Mensa collocavit . Tum Cantuariensis Antistes accepit Regalia insignia : Magnatibus , a quibus delata fuerant ; duoque Episcopi quædam preces ad instar Litaniarum recitarunt , Rege , & Regina provolutis in genua . Postea Episcopus Eliensis ascenso ambone concionem habuit , sedentibus Regibus . Concione expleta , Cantuariensis sedens prope sacram Mensam , Regem sciscitabatur , an Angliæ mores , Ecclesiasticorum jura , Ecclesiæ , & populi tranquillitatem , esset servaturus , & jus suum cuique facturus ; affirmante Rege ad singulas interrogationes . Verum in coronatione Willelmi III. illud quoque additum fuit , an nempe Anglicanæ Ecclesiæ doctrinam esset conservaturus . Ad hæc Episcopus Glocestrensis , nomine omnium sui Ordinis , ex libello supplicæ Regem exoravit , ut Ecclesiarum , & Episcoporum statuta , ac jura custodiret , & vindicaret . Annuente Rege , accessit ad sacram Mensam , statutisque super eam manibus , sacramento fidem obligavit suam ; & osculato Evangelio recessit , genua submisit , dum Hymnum invocationis Spiritus Sancti Chorus , & orationem Antistes pronunciabat . His peractis , sedit in S. Eduardi fede . Est hæc sedes lignea , qua olim utebantur Scotorum Reges in solemnī sua inauguratione , & quam Eduardus I. circa annum 1269. superato Scotorum Rege in Angliam detulit , & in Ecclesia Westmonasteriensi asservandam voluit . In ejus media parte appositus est lapis quadratus , quem illum eundem lapidem esse opinantur , in quo Jacob pergens in Mesopotamiam caput reclinavit . Mos est Regum Angliæ , ut in sua Coronatione assideant in ea fede . Rege itaque sedente , quatuor Socii Equestris Ordinis Periscelidis umbraculum super Regem expansum gestabant : & Archiepiscopus ex ampulla olei delata a Decano Westmonasteriensi inunxit Regis manus , pectus , humeros , brachia , & caput , abstergente Decano partes inunctas . Quæ dum agebantur , Chorus psallebat . Post unctionem , admoda fuerunt Regi Calcaria , deinde Tunicam , quam *Colobium syndonis* vocant , & Chlamydem induit : tradito postea Ense , quo Magnus Cosmeta Regem cinxit , Rex illum ad sacram Mensam obtulit : & Pomum , Coronam , Anulum , Sceptrum , ac Virgam accepit . Mox , depositis Sceptro , & Corona obtulit aureum numisma , benedictusque est ab Antistite . Sedentem deinde in S. Eduardi fede , Cantuariensis , aliique Episcopi , flexo poplite , osculoque manus salu-

salutarunt : Choro decantate Hymnum gratiarum actionis . Tum Solium conscendit , ubi Episcopi primum , tum Duces , Marchiones , Comites , Vicecomites , Barones in hominii argumentum , genam Regis sinistram sunt deosculati ; primusque ex quolibet Ordine , nomine aliorum , fausta Regi precabatur . Prestito hominio , Duces , Marchiones , alique Proceres Regni , ascenso Solio , Coronam Regis manu tetigerunt , ut significarent , se ad illius imperium conservandum suam omnem operam duros . Interea a Praefecto Regii ararli numismata aurea spargebantur in populum . Tandem sub utraque specie donatus est communione Eucharistica : Regina vero benedictio paucioribus ritibus absoluta est . Nam recitata ab Antistite oratione , oleo perfusa est in capite , & pectore ; tum ei tradita fuere Regia insignia , cum quadam precum formula . Atque ad hunc fere modum subsequentes Angliæ Reges coronati fuere , uti constat ex Cæremoniali Angliæ apud Dumontium , & Rossuetium .

XII. Pariter Sveciæ Reges , quamvis Lutheranae communionis , accipiendæ unctionis morem conservarunt . Ita Carolus Gustavus anno 1654 . Carolus XI. anno 1676 . Carolus XII. anno 1697 . & Ulrica ejus soror anno 1719 . in Ecclesia Upsalensi , ab illius Civitatis Archiepiscopo unctionem accepisse leguntur . Quod quidem his fere ritibus apud Suecos absolvitur . Primo Rex sub umbraculo a quibusdam Magnatibus suffultus equitat ab Ædibus Regiis ad Ecclesiam . Præeunt Patres conscripti , seu Senatores Regni gestantes Regalia ornamenta , nempe Clavem , Ensem , Pomum , Sceptrum , Coronam : & ipse Upsalensis Pastor ferens unctionis vasculum . Sequitur Regem unus e Proceribus Regni ferens Sveciæ vexillum . In Ecclesia post decantatum Psalmum , concio habetur ab Episcopo aliquo . Patres conscripti Regem induunt purpureis indumentis , quibus amictus præstat consuetum sacramentum de servandis juribus Regni , ungitur ab Antistite , & Regia accipit insignia , sed ipsemet Rex caput suum cingit Corona . Imo Carolus XII. Corona redimitus accessit ad Ecclesiam , & dum ungebatur , suis ipse manibus abstulit diadema , rursusque capiti aptavit . Præterea in ambone proclamatur Regis Coronatio . Tum Regi sedenti in Solio Patres conscripti præstant fidelitatis juramentum , juxta formulam , quæ legitur a Cancellario . In Coronatione Ulricæ Eleonoræ Principis de Hassia-Cassel res ita se habuit . Senatores Regni prætulerunt Regia ornamenta , atque super sacram Mensam collocarunt . Ingressi Ecclesiam occurrerunt Archiepiscopus , alique Episcopi illis verbis : *Benedictus qui venit in nomine Domini* . Regina Solio insidente habita est concio , & post concionem preces . Quibus dictis , procumbens ad sacram Mensam , tactis Evangeliiis , consuetum protulit sacramentum , præeunte verba Magno Cancellario . Postea induit Regalem vestem , rediitque ad Solium , ubi Archiepiscopus inunxit illius frontem , ac manum compages . Qui rediens ad sacram Mensam , ex ea accepit Regalia insignia , & singula Regina præbuit , tandemque Coronam illius capiti imposuit . Fortasse ita factum , quod defuncto Carolo XII. Proceres Regni voluerint committendum imperium Ulricæ Eleonoræ ejus sorori , non quidem jure hæreditariæ successionis , sed electionis , ut olim Sveciæ Reges constituebantur . Deinde ab Aulico Proclamatore renunciata fuit Svecorum Regina : tum singuli Senatores acceperunt , & omnium primus Princeps de Hassia-Cassel , conjux Reginae , tamquam supremus Imperator armorum , ut fide-

fidelitatis sacramentum perfolverent: quod flexis genibus, osculo manuum, præunte verba Magno Cancellario prælitum fuit.

XIII. Danorum Reges, quamvis a Romana Ecclesia disuncti, & ipsi inunguntur: Fridericus III. anno 1648. die 23. Novembris in Regia Metropoli Hafniæ his ritibus coronatus est. Præstant Proceres Regni insignia Regalia deferentes, & quidem Pomum a Supremo Præfecto rei maritimæ, Ensis a Supremo Duce belli, Sceptrum a Magno Cancellario, Corona a Magno Aulæ Magistro, gestabantur. Rex sub umbella, cujus fulcimenta commissa erant quibusdam Magnatibus, incedebat. Habita concione ab Episcopo Selandiæ, Magnus Aulæ Magister detulit ad Regem Statuta Regni, ut illum moneret ea esse servanda. Postea ab Antislite Corona Regio capiti imposita, & Sceptrum traditum, tum Ensis, quem Rex vagina eductum his circa caput duxit. Quo facto, Consilarii omnes Regni manus suas admovent Coronæ Regis, ut innuerent se ad tuendum, vindicandumque ejus imperium paratos esse. Die sequenti, Regina in eadem Ecclesia post concionem Episcopi coronata fuit. Verum in Coronatione Christiani IV. Regis, die 7. Julii, anno 1670 ritus paulo diversi adhibiti fuere. Nam sumpta primum a Rege Eucharistia in Oratorio Palatino, ministrante suo Eleemosynario, progressus est ad Ecclesiam redimitus diademate, cinctus Ense, Sceptrum manu tenens, umbraculo a Magnatibus Regni delato, præunte Magno Cosmeta cum Pomo. Ad Ecclesiæ fores obviam iverunt Regi Episcopi tres, nimirum Hafniæ, Norvegiæ, & Cimbrorum vulgo *Jutland*; a quibus, benedictione accepta, ductus est ad Solium media in Ecclesia e regione sanctæ Mensæ excitatum. Sedente Rege, Episcopus Hafniæ concionem habuit de fidelitate a subjectis gentibus Regi servanda. Post concionem, nonnulli Psalmorum versus decantati fuere. Tum Episcopus idem de unctione, ejus significatione, & origine, verba fecit ad Regem. Concionem excepit lectio Statutorum Regni ab Episcopo Novergiæ facta; qua lectione Rex monebatur, quid ipsi esset custodiendum. Postea Rex prope sacram Mensam, dejectis Regiis insignibus, unctus est ab Episcopo Hafniæ in vertice, pectore, & manu dextra. Redcunte Rege ad Solium, Hymnum gratiarum actionis decantarunt. Denique Episcopus primum, tum universi acclamarunt, *Vivat Rex*. Ita quoque res se habuit in Coronatione Friderici IV. & Ludovicæ Reginæ illius conjugis, anno 1700. die 15. Aprilis. Nam Rex Regalibus ornatus insignibus accessit ad Ecclesiam, uti etiam Regina. Ibi Solio insidentes concionantem Episcopum Selandiæ audierunt; concionem excepit Hymnus invocationis Spiritus Sancti, quibus precibus absolutis, uterque ad sacram Mensam oleo perfusus est in vertice, pectore, & manu dextra.

XIV. Cum itaque unctio Regum in more sit etiam apud Hæreticos: hinc ubi Fridericus I. Marchio Brandeburgi, favente Leopoldo Imperatore, sibi Regis Borussiae titulum, dignitatemque asseruit, solemniter ritu benedici, atque ungi voluit in Regiomontis vulgo *Conigsberg* civitate, quæ est Borussiae metropolis. Hac cæremonia peracta fuit die 18. Januarii, anno 1701. in Ecclesia Palatina Regiomontana ab Aulicis sacrorum Ministris tum Lutheranae, tum Calvinianæ communionis; quod Princeps Calvinianorum partibus adhæreat, Borussia vero e Lutheranorum numero sint. Atque hi sacrorum Ministri agebant Episcoporum vices, utpote quia inter Calvinianos nullus est Episcoporum

rum Ordo a Presbyteris distinctus. Itaque aliquot ante unctionem diebus, Proclamatores in insignioribus Civitatis locis Fridericum Borussiam Regem renuntiavit: die vero præcedenti sacram cæremoniam, conscripsit Princeps Equestrem Societatem Aquilæ nigre, in quam plures adiecit e suis Aula Magnatibus. Stata die, induit in Aedibus Regiis vestimenta Regalia, atque suis ipse manibus Coronam capiti aptavit, & Sceptrum accepit, ut significaret, non aliis, quam sibi Regiam dignitatem acceptam referri. At cætera insignia, nempe Ensis, Pomum, Sigillum, Vexillum exhibita fuere nonnullis Magnatibus, ut ab iis gestarentur. Hoc ornatu pergens ad Conjugis cubiculum, eandem ipse Diademate cinxit: Uterque deinde Diademate redimitus Solum in aula quadam Palatii excitatum conscendit; ubi Proceres, Optimates, Consiliarii, omnesque Ordines fausta precati Regem salutarunt. His peractis, universi, longo agmine, Ecclesiam Palatinam, in qua Lutherani sacra faciunt, adiere. Ad Ecclesiæ fores occurrerunt Principi Antislites sacrorum, nempe primus Prædicator Aulicus Calvinista, & Primus Prædicator Aulicus Lutheranus, quorum ille agebat Consecratorem, hic Assistentem. Præter hos aderant sex alii sacrarum rerum Ministri, quos Prædicatores vocant, tres e Calvinianorum numero, totidemque e Lutheranis. Hi omnes prope sacram Mensam steterunt, & prope Solum Magnates, quibus commissa erant Regia insignia, & Proceres Aulici. Tum Res Divina more Lutheranorum inchoata est: & Consecrator ex ambone concionem habuit in illa verba lib. 1. Reg. *Quicumque glorificavi me, glorificabo eum*. Post concionem Cantores Palatini quosdam Psalmorum versus, & Hymnum invocationis Spiritus Sancti decantarunt. Quo finito, præfati duo Antislites ad sacram Mensam ex ampulla olei, quam jubente Principe, Præfectus Regii cubiculi tradidit Consecranti, quibusdam precibus unxerunt illius frontem, & brachia, abstergente inunctas partes Præfecto Regii Cubiculi. Dum vero unctio peragebatur, suis ipse manibus Princeps Coronam amovit capite, rursusque imposuit, tum rediit ad Solum, acclamante multitudine. Postea pariter ad sacram Mensam oleo persusa est Conjux, Præfecto Regii Cubiculi tradente ad imperium Principis vasculum olei Consecranti. Finita unctione, duo illi Antislites, ceterique sacrorum Ministri accedentes ad Solum faustis precationibus Principes salutarunt, Choro respondente, *Amen*. Tum plures ab Antislite recitatæ preces, hymni quoque a Cantoribus dicti, tandem Hymno gratiarum actionis, & projectione numismatum, finem cæremoniae imposuerunt. Paucos post dies a Coronatione sua, Princeps in eadem Lutheranorum Ecclesia Eucharistiam accepit.

XV. Recentissima est Coronatio Magni Ducis Moschorum, quorum Fides, & Ecclesia consentit cum Græcis, a quibus vergente ad exitum sæculo nono, Fidem, & sacram disciplinam hausere. Nam primus omnium Petrus Alexiovitius, quem a rebus plurimis præclarissime gestis, Magnum cognominarunt, se se Imperatorem Moschorum dixit, eoque nomine jussit Catharinam conjugem in Cathedrali Moscæ, quæ est Imperii Metropolis, die 18. Maji, anno 1724. solenni pompa coronari. Hujus Coronationis ordinem exhibent in Cæremoniali Moscoviæ Dumontius, & Rosuetius. Constituta ad sacram cæremoniam die, Episcopi, Clericique in Ecclesia convenere, suscipiente precibus pro salute Imperatoris, hujus adventum expectarunt.

MoX

Mox Imperator, & ejus Conjux magno comitatu, & insigni pompa ad Ecclesiam se contulere. Imperialia ornamenta a nonnullis Magnatibus deferebantur, nempe Imperiale Paludamentum, Pomum, Sceptrum, Corona: quæ insignia ad fores Ecclesiæ ab Archiepiscopis Novogardenſi, & Pleskovienſi thuris suffitu, & aquæ benedictæ adſperſione donata fuere; tum in menſa quadam prope Imperatoris ſedem collocata. Ingredientibus Imperatori, & Imperatrici Eccleſiam, Novogardenſis Cruce deoſculandum obtulit, Pleskovienſis eoſdem ſacra aqua adſperſit. Canente Clero Pſalmum, *Miſericordiam, & judicium cantabo tibi Domine*. Imperator cum Coniuge in eminenti ſolio media in Eccleſia exſtruſto conſedit; ſtantibus Magnatibus circa, & prope Solum; ſedentibus vero Episcopis in ſcammis hinc, inde, ab Altari ad Solum; Legatis vero Principum, & nobilibus matronis in tabulatis ad id conſtruſtis. Univerſis itaque hoc ordine diſpoſitis, ſurgens Imperator, acceptoque Sceptro juſſit ut a Magno Mareſcallo accerferentur Episcopi: his vero accedentibus ad Solum præcepit, ut Conjugem ſuam inungerent. Quamobrem Novogardenſis Archiepiſcopus ad Imperatricem verſus, eandem exoravit, ut Fidei ſymbolum recitaret. Quod ubi ab Imperatrice factum eſt, Archiepiſcopus primum, deinde Clerus univerſus ſubmiſſa voce, hæc verba protulere: *Gratia Sancti Spiritus ſit tecum*. Tunc flexis genibus benedicta eſt ab Archiepiſcopo, qui imponendo manus orationem ſubdidit, qua Deum precabatur, ut illa digna fieret unſione ad Imperii, ad Eccleſiæ, Fideique utilitatem: Hac oratione abſoluta, accepit Imperator a præſatis duobus Archiepiſcopis Imperiale Paludamentum, eoque ipſe induit Conjugem ſtantem. Mox uterque procubuit in genua, dum alias preces Archiepiſcopus effunderet. Rurſum Imperator ſurgens, accepta ab Episcopis Corona, eam Imperatricis capiti impoſuit; Episcopi invocantibus nomen trium Divinarum Perſonarum. Tandem Archiepiſcopus præbuit Imperatrici Pomum. Quibus peractis, utrumque Solum inſidentem univerſi ſauſtis precationibus ſalutarunt. Poſtea Imperatrix Pomum depoſuit, & ad Altare accedentes Liturgiam audire. Ubi vero ungenda fuit Imperatrix; ducta eſt ab Imperatore ad Sanctuarii fores, ibique delato oleo a duobus Episcopis, Novogardenſis inunxit illius frontem, peſtus, & manus, invocando ad ſingulas unſiones nomen Divinæ Trinitatis. Partes injuſtas abſtergebat Pleskovienſis Archiepiſcopus. Poſt unſionem, accepit Euchariſtiam, Archidiacono dicente: *Accedere cum fide, & pietate*. Mox Eulogiis, ſeu pane benedicto, & potu vini calidi, more Græcorum, donata eſt. His expletis, uterque receſſit e Sanctuarii foribus, donec Liturgia abſolveretur. Denique Archiepiſcopus Pleskovienſis concionem habuit de laudis Imperatricis, atque ita rei ſacræ finem impoſuit. Verum in Coronatione Imperatricis Annæ Juanownæ celebrata in eadem Eccleſia, die 28. Aprilis, anno 1730. Archiepiſcopus Novogardenſis illam induit Imperiali veſtimento, illique Diadema impoſuit, & Sceptrum præbuit; brevique oratione gratulatus eſt, quod imperium eſſet aſſecuta. Qui idem ad Sanctuarii veſtibulum oleo perſudit Imperatricis frontem, oculos, nares, os, humeros, peſtus, & manus, proferens in ſingulis unſionibus hæc verba: *Hoc eſt ſignaculum Spiritus Sancti*. Tandem ſumpta Euchariſtia, & Liturgia abſoluta, adiit Eccleſiam S. Michaelis Archangeli, fuſiſque ibi precibus, rediit ad Aulam ornata Imperialibus inſignibus.

XVI. Siciliæ Regibus adeo usitata fuit unctio, ut plures scripserint, solos in Occidente Francorum, Hierosolymorum, Anglorum, & Siculorum Reges inungi. Ita Hostiensis, & Goffridus in Cap. unde sacra Unctio, Chastanæus par. 5. oper. de Gloria Mundi, Campegius lib. 2. de Monarchia: Sane Rogerius, qui primus et Normanis Principibus sibi Regis Siciliæ titulum asseruit, sacro Ecclesiæ ritu ab Episcopis coronari constituit. Ea res ita describitur in Chronico quodam MS. Sancti Stephani de Bosco in Calabria relato a Tutino, & Pirro in Chronologia Regum Siciliæ: *Ditionem habente Rogerio Apuliæ, Calabriæ, & Siciliæ, Sergium Ducem Neapolis in bello vicis, obtinuitque etiam Principatum Capuæ, & nihil faciens Ducalem titulum, consilio, & sententia Satraporum, & Magistratus, Regis titulo nuncupari voluit, ad cuius altus celebritatem, quamplures fuerunt acciti Archiepiscopi, & Episcopi, varii Comites, & Milites, cum quibus etiam Magister Radulphus a Crucifixo, Eremitæ Magister, voluit tantæ interesse solemnitati, & decurrenre anno MCXXIX. indict. VIII. Kal. Maii discessit una simul cum Episcopo Melitensi, & Squillacino, & in navigatione ob tempus, & pluviam, multa passi sunt incommoda, tandem ad Civitatem Messanæ appulerunt, ubi ab illius Civitatis Episcopo mira cum charitate recepti fuerunt: post tertium quoque diem iter habuerunt Panormum versus, ubi invenerunt apparatus quamplures, occasione tantæ solemnitatis, & Idibus Maii, constituta die pro Rogerii coronatione, ipse comparuit suo in Palatio indutus Regali vestimento auro contexto, capite cooperto parvo sericeo bireto, catena aurea ad collum, multiplici gemmarum textura variata, & equo residens ad Majorem Ecclesiam, magna Prælatorum, & Procerum simul equitantium cohorte ductus fuit, ubi a Clero summo cum honore receptus est. Erat quippe Templum pretiosissimo, ac nitidissimo apparatu exculum: ita ut intuentium oculos summa admiratione afficiebat, ibique tantus diversarum nationum concursus fuit, ut via ad Ecclesiam pateret aditus. Factis aliquibus caeremoniis a Prælati, demum Beneventanus, Capuanus, Salernitanus, & Panormitanus Regale Diadema variis contextum gemmis Rogerii caput ornavit, eique sceptrum tradiderunt, & Regis titulo ab omnibus fuit acclamatus, & Hymno dicto pro gratiarum actione, omni genere musicorum, tubis, citaris, & symphoniis, (ipsis, & Rege equitantibus) associatus fuit per urbem, & ad Regionem ductus. Enumerantur deinde Episcopi, & Magnates, qui sacræ rei interfuere. At cum huic illius coronationi obstaret Innocentius II. Pontifex, ea causa fuit, ut Rogerius Anacleto Pleudo-Pontifici adhæserit, a quo Regia dignitas illi confirmata est, dato diplomate an. 1130. quod exhibent Baronius, & Pirrus, facta Regi potestate, ut per manus Archiepiscoporum terra suæ, quos volueris, iuxta tuam voluntatem, assistentibus aliis Episcopis, quos volueris, tu, & tui heredes in Reges inungamini, & in statutis temporibus coronemini. Hinc rursus Rogerius in Metropolitana Ecclesia Panormitana anno 1130. Coronam accepit a Cardinali Comite Legato Anacleto. De hac Rogerii inauguratione agit Alexander Abbas Telefinus lib. 2. de gestis Rogerii, atque præctam ipso die Natali Domini, & incredibilem fuisse pompam in Palatii apparatu, & convivorum splendore. Cui consentit Chronicon Falconis Beneventani, his verbis: Anno igitur ipso prædictus Anacletus Cardinalem suum, Comitem nomine, ad Ducem illum direxit, quem die Nativitatis Domini in Civitate Palermi-*

mitana in Regem coronavit : Princeps vero Robertus Capuanus coronam in capite ejus posuit . Tandem Innocentius a Rogerio , contra quem arma moverat , praelio victus , summaque religione exceptus , cum eo rediit in gratiam , ratamque habuit Regiam illius dignitatem , ut patet ex Innocentii diplomate anni 1139. relato a Pirro . Ibi Pontifex postquam dixerit Rogerium ab Honorio predecessore suo magna complexum fuisse benevolentia , addit : Nos ergo ejus vestigiis inherentes , & de potentia tua ad decorem , & utilitatem sanctæ Dei Ecclesiæ spem , atque fiduciam obtinentes ; regnum Siciliæ , quod urique (prout in antiquis refertur historiis) regnum fuisse non dubium est , tibi ab eodem antecessore nostro concessum , cum integritate honoris Regii , & dignitate Regibus pertinente , excellentia tuâ concedimus , & Apostolica auctoritate firmamus . Ducatum quoque Apuliæ tibi ab eodem collatum , & insuper Principatum Capuanum integre nihilominus nostri favoris robore communimus , tibi quoque concedimus . Indicto annuo censu sexcentorum schiphatorum ; ita enim dicebantur aurei quidam nummi , quod cavi essent ad instar scyphi , uti opinatur Cangius .

XVII. Jam vero ex iis Pontificis litteris patet , qua potissimum causa , Rogerius sibi Regiam dignitatem vindicaverit ; quod nempe priscis temporibus Sicilia suos Reges habuerit ; & ita quidem rem se habere , Scriptores Siculi pluribus argumentis evincunt . Et hanc causam asserendæ sibi Regiæ dignitatis , indicat quoque Alexander Abbas Telefinus lib. 2. de gestis Rogerii scribens , Rogerio post late extensus ditionis suæ fines , cum pacatum imperium moderaretur , suggestisse non paucos , ut quoniam olim Sicilia suos habuit Reges , majori jure se eo donaret titulo , qui ultra Siciliam , pluribus gentibus imperaret : *Nam si regni solum in eadem quondam civitate ad regendum tantum Siciliam certum est extitisse , & nunc ad ipsum per longum tempus defecisse videtur , valde dignum , & justum , ut in capite Rogerii diademate posito , regnum ipsum non solum ibi modo restitueretur , sed in cæteras etiam regiones , quibus dominari cernitur , dilatari deberet .* Quamobrem Regius titulus a Rogerio assumptus , quo etiam posteri Reges Normanni , Svevique insigniti fuerunt , ad Siciliam ultra Pharus referebatur , cujus metropolis præclarissima est Panormus , & ibi coronandi , & ungendi fuerunt Reges Siciliæ . Neque enim tunc temporis Apulia dicebatur Regnum , sed Ducatus ; neque Reges vocabantur utriusque Siciliæ , sed Reges Siciliæ , Duces Apuliæ , & Principes Capuæ . Attamen quandoque Rogerius se se inscripsit Regem Italiæ , ut hoc titulo complecteretur ditiones illas , quas ultra Siciliam obtinebat , quasque solo titulo Regis Siciliæ minime complectebatur . Idque more Græcorum , qui Italiæ nomine Apuliam nuncuparunt , quod olim magna Italiæ pars eorum subderetur imperio , uti notat Auctor Hist. civil. Regni Neapol. lib. 11. cap. 4. unde Catapanes Apuliæ a Græcis Scriptoribus dicti sunt Catapanes Italiæ ; & Nicephorus Gregoras Carolum Andegavensem vocat Regem Italiæ ; quin etiam Falco Beneventanus in Chronico juxta Græcorum morem , Apuliam sæpe Italiam appellat . Quandoque etiam Rogerius se inscripsit Regem Siciliæ , & Apuliæ , uti constat ex pluribus ejus litteris apud Ughellum , & Pirrum ; testisque est citatus Auctor , in Tabulario Cavenfis Monasterii legi diploma Rogerii , an. 1130. hoc titulo : *Rogerius Dei gratia Siciliæ , Apuliæ , Calabriae Rex , Adjutor Christianorum , & Clypeus .* Jam vero validum inde emergit argumentum , quo patet

patet nostrum Apuliæ Regnum disjunctum, divisumque fuisse a Regno Siciliæ, neque ex regionibus ultra & citra Pharum positis, unum, idemque Siciliæ Regnum conflatum. Ecce enim te se Rogerius inscripserat Regem Siciliæ, & Apuliæ, sive Regem Siciliæ, & Italiæ, si ditiones omnes illius imperio subiectas, unum, idemque Regnum Siciliæ complecteretur? Accedit, quod in utroque Regno diversæ leges obtinuerunt: siquidem Apulia jure Longobardico regebatur, quod nunquam in Sicilia vim habuit; & in qualibet Apuliæ Provincia imminabat Justitiarius, a cujus sententia nulla erat provocatio ad Magistratum aliquem supremum Regni Siciliæ. Atqui eodem jure, eodemque supremo Magistratu Siciliæ, administranda erat Apulia, si ex eodem Regno fuisset, illique, veluti pars corpori, adhæssisset. In Constitutionibus tamen Friderici II. quas Petrus de Vineis collegit, non semel Siciliæ nomine, Apulia quoque indigitatur: non quod ex utraque regione unum coalesceret Regnum, sed quod utraque regio eidem Regi subderetur. Et hæc causa fuit, cur deinde Clemens IV. utramque dixerit Siciliam ultra & citra Pharum, ubi Carolo Andegavensi hoc imperium demandavit.

XVIII. Itaque Rogerius, & successores Normanni, Svevique, quod Siciliæ insulam Regio titulo tenerint, Panormi, & a Panormitano Antistite ungebantur in Reges. Gratulatus est Rogerio Petrus Cluniacensis lib. 4. ep. 54. de Regia Corona, & Innocentii gratia illi conciliata: uti etiam S. Bernardus ep. 207. & 208. qui Monachos suos in Siciliam transmisit, ut illius votis faceret satis. Guillelmus I. Rogerii filius anno 1154. die sexto Paschatis ab Hugone Archiepiscopo Panormitano; & Guillelmus II. hujus filius, anno 1166. a Romualdo Guarna Salernitano Antistite uncti fuere. Memorat hanc Guillelmi II. unctionem, simulque exprimit illius vim Petrus Blesensis in ep. 10. ad Gualterium Capellanum Regis, scribens: *Doleo, quod inter primitias dominationis sue, & initia unctionis Regiæ hoc præsumit: virtus equidem consecrationis ab hujusmodi violentiis eum utinam temperasset: magna enim est hujus efficacia Sacramenti, nam de Davide postquam a Samuele unctus est, Scriptura testatur, quod directus est Spiritus Domini a die illa, & in reliquum. Saul quoque die illa, qua olei lenticula a Samuele perfusus est, mutatus est in virum alterum, & insiliente in eum Spiritu Domini, cum accessisset ad cuneum Prophetarum, cum eis prophetare cepit.* Qui succellere Reges, Tancredus anno 1190. & Guillelmus III. anno 1194. ibidem Regium Diadema, & sacram unctionem acceperunt. Pariter Svevi Normannorum Regum successores: siquidem Henricus Imperator, & Constantia conjux anno 1195. a Bartholomæo Archiepiscopo; Fridericus Imperator & Rex, anno 1198. Mamsfredus anno 1258. a Rainaldo Aquaviva Episcopo Agrigentino, assistentibus Episcopis Monteregaliensi, Tarantino, & Salernitano, aliisque, in Panormitana Ecclesia inuncti leguntur. Idemque dicendum de Aragoniis Siciliæ Regibus, qui pulsas Andegavensibus imperarunt, uti constat ex Fazello de rebus Siculis, Pirro in Chronologia Regum Siciliæ, Baronio de maiestate Panormitana, & Amato de principe Templo Panormitano. Et ineunte hoc sæculo, Victorious Amedeus Dux Sabaudia, cui ex inito inter Europæ Principes fœdere, Regnum Siciliæ concessum fuerat, una cum Anna Borbonia conjuge, ibidem die 24. Decembris, anno 1713. a Josepho Gafsch Archiepiscopo unctus, coronatusque est. Nam Siculis

quoque Reginis usitata fuit unctio. Ita Joannam Reginam Henrici Anglorum Regis filiam, & Guillelmi II. conjugem in Ecclesia Palatina S. Petri coronatam, & desponsatam fuisse anno 1177. scribit Pirrus. Imperatrix Constantia Normanna, una cum Imperatore Henrico VI. ejus viro; & Regina Constantia Sveva Manfredi filia, una cum conjugate Petro Rege Aragoniæ, in Panormitana Ecclesia Coronam acceperunt. Itidem Antonia Baucia Neapolitana uxor Friderici III. Regis Siciliæ, die 12. Januarii, anno 1375 & Regina Maria Aragoniæ uxor Martini I. die 14. Aprilis, anno 1398. & Regina Anna Borbonia conjux Victorii Amedei Ducis Sabaudicæ, postea Sardinicæ Regis.

XIX. A Longobardorum ætate, antiqua est Coronatio Principum, qui in hisce regionibus imperarunt, quas modo dicimus Regnum Neapolitanum. Nam de Arechi Beneventanorum Principe refert Leo Maricanus in Chronico Cassinensi lib. 1. cap. 9. *Hic Arichis primus Beneventi Principem se appellari jussit, cum usque ad istum, qui Benevento præfuerant, Duces appellarentur. Nam & ab Episcopis ungi se fecit, & Coronam sibi imposuit, atque in suis chartis scriptum in sacratissimo nostro Palatio fieri præcepit.* Siconem quoque Beneventanorum Principem Coronam gessisse, indicat MS. Codex Longobardicus de translatione S. Januarii editus a doctissimo Antonio Caracciolo Teatino in lib. de sacr. Eccl. Neap. mon. cap. 20. sect. 13. ubi ita ait: *Sacra vero corpora (nempe SS. Januarii, Felli, & Desiderii) in prædicto loco locata sunt, omnis civitas ad illam locationem confluit: etiam Excellentissimus Princeps Sico: qui coronam auro optimo, excellentemque gemmis pretiosissimis, de capite suis manibus deposuit, & super Altarium B. Januarii Martyris locavit. Quod ipse simul cum Prasule, auro optimo, geminis pulcherrimis, figuris variis undique per totum fieri mandavit.* Sed & Normannos Duces, qui Longobardos exceperunt, sacra Episcoporum benedictione inauguratos fuisse, verisimillimum est: siquidem id eis in more fuit, uti tradit Martene lib. 2. de antiquis Eccl. Rit. cap. 11. & Andreas Chelinius edidit benedictionis preces in Coronatione Ducum Normannorum recitari solitas. Hanc autem illorum Coronationem Barri, tamquam Ducatus Apulicæ metropolis, & ubi Græci Catapanes, seu qui nomine Imperatorum Orientis administrabant has regiones Græco imperio subiectas, sedem habuere, peractam fuisse, scribit Beatillus in Hist. Bar. lib. 7. cap. 20. atque Rogerium, tum etiam Henricum VI. Imperatorem, & ejus conjugem Constantiam, Manfredum quoque, ibi, tamquam Apulicæ Principes, ferrea Corona redimitos fuisse; auream deinde Coronam, tamquam Siciliæ Reges, Panormi accepisse. Cujus instituti originem accersit Beatillus ex eo, quod olim Apuli suum habuerint Regem; ut enim scribit Marinus Freccia lib. 1. de antiquo statu Regni: *Apuli populis suis dabant Regem; Laconicus erat Principatus. Et Rex dabatur Regno, quia non erat Dominus omnium de suo Regno juxta ejus voluntatem, & durabat usque ad sui vitam, & non habebat heredem, ac, eo mortuo, alium eligebant provinciales.* Barri autem urbs fuit caput omnium civitatum Apulicæ, & Regia sedes, & totius regionis Princeps. Sed quæ de Barenfi Corona ferrea Regum Siciliæ, Beatillus, alique retulere, nullo sane valido testimonio innituntur; & hinc ea inter commentitia recenset Auctor Hist. civ. Regni Neap. lib. 11. cap. 4. Potuere tamen Siciliæ Reges præter Pa-

Panormitanam Coronationem, rursus benedici, & coronari tamquam Apuliæ sive Duces, sive Reges; tum quia id in more fuit Longobardis, atque Normannis Principibus; tum quia Apuliæ Regnum diuinctum erat a Regno Siciliæ. Illud certum est, Carolum Andegavensem a Clemente IV. donatum fuisse Corona utriusque Siciliæ, ut patet ex Bulla Pontificiæ investituræ, quam exhibet tom. 1. MSS. Chioccarellus. Pariter successores Reges Andegavenses, etiam Neapolitano dumtaxat Regno imperarent, quod Sicilia ultra Pharus illorum excussisset imperium, attamen coronabantur. Reges utriusque Siciliæ, quo titulo numquam se se abdicarunt. Imo in eo fœdere, quod inter Carolum II. Neapolitanorum, & Fridericum II. Siculorum Reges sancitum est, anno 1202. convenere, ut Fridericus dum viveret, Rex Trinacriæ diceretur, essetque; post obitum vero, Regnum ad Caroli hæredes devolveretur, & censum Pontifici persolveret: & in alio fœdere inter Joannam Neapolitanam, & Fridericum III. Siculum Regem anno 1263. assentiente Gregorio XI. pariter sancitum fuit, ut Fridericus absque juris præjudicio Rex Trinacriæ, & simul Joanna Regina Siciliæ appellaretur, eaque defuncta, ab omni onere solveretur, & Liparam insulam reciperet.

XX. Igitur Andegavenses etiam uni Neapolitano Regno leges darent, coronabantur tamen, & dicebantur Reges utriusque Siciliæ; & coronabantur vel a Romanis Pontificibus, vel ab eorum Legatis. Ita Carolus II. Nicolaus IV. Romæ, sive Perusii, uti sentiunt nonnulli; Robertum, & Sancialem Clemens V. Avenione; Carolus III. Urbanus VI. Romæ, sacro oleo perfuderunt. At Carolus I. in Ecclesia Lateranensi a Legato Clementis IV. Joanna I. a Cardinali Americo Legato Clementis VI. Ladislaus a Cardinali Acciajolo Legato Bonifacii IX. Joanna II. a Cardinali Petro Mauroceno unctiorem accepere. Idem dicendum de Aragoniis Regibus: nam Cardinalis Latinus Urbanus Legatus Pii II. inunxit Ferdinandum I. Regem; Alphonsum II. & Fridericum Regio Diademate exonarunt Cardinales Joannes, & Cæsar Borgia Legati Alexandri VI. Ea vero cæremonia saepe peracta est in Ecclesia Regia S. Mariæ Coronatæ prope Arcem, ubi Regum fuit domicilium, quam in honorem Spineæ Christi Coronæ Joanna I. excitaverat. Ibi Joanna I. & Ludovicus Tarentinus, sacra die Pentecostes inuncti fuerunt Reges ab Episcopo Bracarensi Legato Clementis VII. Ibi etiam Margaritam conjugem Caroli III. coronavit Cardinalis Gentilis de Sangro Urbani VI. Legatus; & Cardinalis Rodericus Borgia Joannam de Aragonia conjugem Ferdinandi I. Neapolitani Regis. Ibi quoque a Cardinali Oliverio Carafa, Archiepiscopo Neapolitano, Legato Pontificio, celebrata fuit Coronatio Beatricis filiæ Ferdinandi I. desponsatæ Matthiæ Hungariæ Regi. At Joanna II. in ipsa Arce nova, quam Reges inhabitabant, coronata est anno 1419. a Cardinali Petro Mauroceno, uti indicant antiqua Diaria Neapolitana, quæ juris erant Hæctoris Pignatelli Ducis Montisleonis, quæque edidit Clar. Muratorius. Jam vero ex his colligitur, nedum Neapolitanos Reges, verum etiam illorum conjuges Reginas ungi consuevisse. Ordo Coronationis Roberti Regis, & Sanciæ conjugis a Clemente V. Pontifice, Avenione, anno 1209. peractæ legitur apud Mabillonium in Museo Italico tom. 2. n. xiv. Ibi enim dicitur, quod ea rubrica fuit ordinata de mandato Domini Clementis Papæ V. per aliquot Cardinales, quibus hoc in Consistorio commissum fuit, cum

Ro-

Robertus Rex Sicilia, una cum sua conjuge peteret unctionem; & coronationem apud Avenionem, ubi tunc Romana Curia residebat. Nam nihil inveniebatur lusteris traditurum, qualiter Reges, & Reginae debent inungi, & coronari, eo quod in Pontificali Romano non habetur nisi de unctione & coronatione Imperatoris, & Imperatricis. Ordo ille paucos ritus complectitur, Regique datur communio Eucharistica sub utraque specie, Reginae vero sub unica tantum specie.

XXI. Olim insignia nostrorum Regum præter Coronam, ac Virgam, fuere Anulus, Dalmatica, atque Sandalia. Hæc enim ornamenta Episcopalia Rogerio Regi concessit Lucius II. Romanus Pontifex, uti constat ex epistola quadam a Romanis scripta ad Conradum Imperatorem, relata ab Ottone Frisingensi lib. 1. cap. 27. & 28. in qua ajunt, Lucium Pontificem ob operam a Rogerio egregie navatam contra Arnaldum Brixensem, qui pristinam Senatus Romani dignitatem restituere conabatur, concessisse Rogerio Regi illa ornamenta: *Concordiam autem, inquit, inter Siculum & Papam hujusmodi esse accepimus. Papa concessit Siculo Virgam, & Anulum, & Dalmaticam, & Mirram, atque Sandalia, & ne ullum mittat in terram suam Legatum, nisi quem Siculus petierit: Et Siculus dedit ei multam pecuniam pro derimento vestro, & Romani Imperii.* Hanc epistolam refert quoque Sigonius, etsi concessionem illam Eugenio III. anno 1145. adscribat. Neque id mirum, neque novum. Nam priscis temporibus, uti notat doctissimus Thomassinus par. 1. lib. 2. cap. 52. de Benefic. Romani Pontifices non semel aliqua Sacerdotalia ornamenta laicis Principibus communicarunt. Et in antiquis Ordinibus ad benedicendum Regem editis a Martene, Reges amicti observantur Sandaliis, Tunica, & Dalmatica. Testis est Amatus de princ. Templo Panorm. lib. 10. cap. 1. Regiam vestem ex auro, & optimo serico contextam, sive pretiosam lana, quani vulgo Pinolam appellant, qua Rex Rogerius utebatur, oblongam, & ad modum Dalmaticæ elaboratam, a Cephalæditanis in Cathedrali Ecclesia asservari. Tum Inveges lib. 3. hist. Panor. profert Guillelmi I. numisma, ubi Rex conspicitur Corona quatuor radiis distincta redimitus, Virga, Dalmatica, & Sandaliis indutus. Observat ibidem Amatus, Normannos Principes plurima Aulæ officia, Regia ornamenta, ac titulos a Græcis Imperatoribus hausisse! Nam juxta Græcorum mores habuere in Aula Logothetas, Spatharios, aliosque hujusmodi officiales; & Crucem in castris sibi præferre faciebant; tum dicebantur Augusti, Imperatores a Deo coronati, Divini, Divi, Sacri; & more Imperatorum rubeis litteris subscribebant nomina sua; & diplomata bullis aureis obsignabant. Atqui Dalmatica fuit usitatum Imperatorum vestimentum: unde de Carolo Magno legitur, dono dedisse Episcopis Anglis quasdam ex suis Dalmaticis, ut anima Hadriani Papæ, precibus eorum Deo commendaretur; & Annales Fuldenes exhibent Carolum Calvum indutum Dalmatica, atque desuper accinctum baltheo, uti refert Thomassinus par. 1. lib. 2. cap. 49. de Beneficiis. Ostendit ibi vir doctissimus, olim Dalmaticas fuisse vestes civiles laicorum; Imperatores Orientis communicasse Imperialia indumenta Christianis Regibus, & Episcopis; Reges, Magnatesque perstitisse in vestibus oblongis diutius; sed eas tandem dimisisse; nec jam a tempore Caroli VI. Francorum Regis, eis usos esse, nisi in solemnioribus cæremoniis. Neque omittendum est, Siculos Reges in Coronatione sua accinctos fuisse ense Constantini, in Capella Palatina S. Petri

Petri asservato. Referunt enim Pirrus in Chronologia Regum Siciliæ, & Surita An. Arag. lib. 10. cap. 69. Martinum II. Aragoniz Regem, patremque Martini I. coronandum Cæsarauğuız, die 13. Aprilis, anno 1399. in Siciliam ablegasse Pontium Thauřum, Archidiaconum Cæsarauğuızanum, ut a filio-ensem Imperatoris Constantini in Sacello Regio S. Petri Panormi diu asservatum, pro suæ coronationis solemnitate exposceret. Neapolitanos quoque Reges Dalmaticam gestasse, indicant antiqua Diaria Ducis Montisleonis, cum referunt Carolum III. obviam ivisse Urbano VI. Pontifici, Neapolim venienti, usque ad portam Civitatis, atque ibi illum expectasse, *vestito da Diacono, e con la corona in testa, e giglio da una mano, & il pomo dall'altra; affettato in sedia Regale*. Et Brochartus in suis Diariis manuscriptis describens Alphonſi II. Coronationem, refert Regem accessisse ad Ecclesiam, cum veste ampla de broccato cremesino riccio hermelinis subdita, super alia parva veste de setonino nigro, cum monili ex tribus perlis, & lapidibus pretiosis, valoris forte circa ducatorum 600. quod biretum non mutavit usque ad Coronæ receptionem. Sed inchoata solemnem Liturgia, induisse Regem huiusmodi vestimenta: *Imponuntur Regi caliga ex setonino cremesino, & sandalia ex damascino albo recamata filis aureis, & argenteis sine perlis, & absque lapidibus pretiosis. Surgit Rex, & veste magna videlicet superiori exutur, induitur veste longa de cremesino tasseta suffulta cum manicis strictis, ac desuper stringitur: Rocchetto longo usque ad collum pedis: Tunicella alba de broccatello plano xanduto suffulta cum manicis strictis borronatis: Stola rubea broccati auri ricci in transversum ab humero sinistro sub brachio dextro conjuncta: Manipulo de eodem broccato ab brachium sinistrum: Veste Regali in modum Dalmaticæ ex broccato auri riccio cremesino, fissuram habente ante, & retro quatuor palmorum, vel circa, longa usque ad collum pedis: circa collum manicas, & per simbras ad latitudinem quatuor digitorum, vel circa perlis ornatas. Collare ad latitudinem manus perlis ornatum. Habes itaque Alphonſum II. Sandaliis, Caligis, Tunicella, Stola, Dalmatica indutum, quæ sane sunt Episcopalia ornamenta. Atque prædecessores Reges eadem adhibuisse indumenta ex eo patet, quod Capellanus Major Regis, cui hæc cura demandata fuerat, illarum vestium formam hauserit ab antiquis picturis Regum Neapolitanorum. Addit enim Brochartus: *Fuerunt superioribus diebus sæpius per me verba habita cum Episcopo Tropejensi Capellano Majori, & aliis, qui ordinationis Coronationis curam habebant de paramentis Regiis superius ordinatis, qui nullam in se rationem habebant, neque habent, & ego cognoveram ipsos, Episcopum, & alios non habere ordinem verum, quod Rex omnibus ipsis ornamentis parari deberet, quia dictus Episcopus per Ecclesias perquirebat, ubi Reges sculpsi, & depicti erant, & inde sumebat de paramentis exemplum; sed nulla eos ratione vincere potui, ut illa ad convenientiora mutarent. Agebant enim Regem Ferdinandum defunctum similibus ornamentis in sua Coronatione fuisse usum, & per quoddam extractum nullius approbationis ostendebant, quod in huiusmodi ornamentis Reges Aragonia deberent coronari; nonnulli etiam asseruerunt, quod idem Rex Ferdinandus in sua Coronatione per beatæ memoriæ Latinum Cardinalem Ursinum sibi factæ Evangelium Missa publice decantasse, quod si factum fuit, inconvenientissime.**

XXII. At Summontius describens Coronationem Alphonſi II. refert

fert hunc decantasse Evangelium, *Exiit editum*. Id vero ex imperitia carpitur a Brocharto; siquidem usitatum fuit tum Regibus Aragoniæ, ut tradit Valdesius, tum Imperatoribus Occidentis, ut Diaconorum vestibus induti ministrarent. Pontifici Sacra facienti, & Evangelium decantarent. Legitur apud Rainaldum ad annum 1414. Sigismundum Imperatorem venisse Constantiam in pervigilio Natalis Domini, assuisse Sacro a Romano Pontifice celebrato, recitasse Evangelium, & Diaconorum ornamenta gestasse. Pariter cum Fridericus Imperator, Romæ ageret festum Natalis Domini, Diaconorum indumento Evangelium legit in nocturnis Divinis Officiis; uti legitur ibidem ad annum 1468. Nam in more etiam fuit, ut in nocturnis Officiis Natalis Domini Imperatores septimam lectionem decantarent. Quin in die Coronationis suæ, aggregabantur cœtui Canonicorum in Ecclesia S. Joannis Lateranensis, atque veste, & functione Diaconi, vel Subdiaconi, utebantur, uti testantur Durandus lib. 2. Ration. cap. 8. Rainaldus ad annum 1311. alique. Et Sigonius lib. 7. de Regno Italie commemorat morem, quod Imperator Mediolani accepturus secundam Coronam; ministraret in vestibus Subdiaconorum Archiepiscopo Mediolanensi. Denique, uti observat doctissimus Thomassinus de Benef. lib. 3. cap. 64. n. 9. plurimæ Diaconorum, & Subdiaconorum vestes, olim propriæ fuerunt Imperatorum; atque ab his Sacerdotio communicatæ. Quamobrem nec mirum, neque novum videri debet, si indumenta Diaconis simillima Neapolitani Reges adhibuerint. Idem adscripti erant Canonicorum cœtui in Ecclesia S. Nicolai Barenfis; quo nomine, Clericorum veste amicti, aderant Divinis Officiis: quod a Ferdinando I. factum, legitur in quodam monumento edito ad Ughellio, ubi Rex Ferdinandus indutus Alba, Stola, Dalmatica, Bireto interfuit solemnî Liturgiæ, deinde Canonicorum ornamentis adfuit Divinis Officiis, ac quotidianam distributionem percepit. Cui prædecessorum Regem instituto adhærens Serenissimus Rex CAROLUS BORBONIUS, plurimis ab hinc annis, cum Barium petiisset religionis causa erga S. Nicolaum, in hujus Ecclesia, tamquam Canonicorum unus adfuit Divinis Officiis; accepta distributione quotidiana, agente Priorem illius Ecclesiæ Petro Carafa olim Teatino viro ornatissimo. Ita Reges Francorum, & Comites Andegavenfes adscripti erant Canonicis Ecclesiæ S. Martini Turonensis, & ibi aderant sacris rebus in veste Canonicorum. Pariter Angliæ Reges, Duces Aurelianenses, alique Princeps Canonicis adnumerabantur alicujus Ecclesiæ, uti exemplis pluribus tradit citato loco Thomassinus. Cætera Regum nostrorum insignia, nempe Coronam, Sceptrum, Orbiculum, Ensem, ita describit Brochartus: *Ex Sacristia Regis apportatur Corona Regis in uno bacili argenteo indorato, perlis & lapidibus pretiosissimis ornata erat Corona, & biveum habebat confusum ex damasceno albo, habens hinc inde duas filias, quasub mento, unico botono conjungebantur: ita quod Rex Coronam ipsam sine alio bireto deferret. Ensis in sua vagina, & perlis, & lapidibus pretiosis per totum ornata. Sceptrum argenteum in summitate habens litium inauratum: erat autem Sceptrum ipsum in totum longitudinis palmorum duorum cum dimidio, & minoris grossitudinis parvo medio digito; & Pomum argenteum inauratum, totum rotundum, quantitatis unius magni pomi; in summitate Crucem habebat parvam erectam argenteam inauratam, & in extremitate inferiori cum opposito Crucis malleum, cum stringa sericea ad ligandum ipsum in sinistro digito*

Regis. Nunc ad ipsum ordinem Coronationis Alphonſi II. Regis progredimur.

XXIII. Is ordo describitur a Summontio lib. 6. Historiæ Neapolitanæ; sed fufius, accuratiusque a Brocharto Pontificalium ceremoniarum Magistro in ſuis Diariis manuſcriptis, utpote qui Neapolim adiit an. 1494. una cum Cardinali Joanne Borgia Archiepiſcopo Montifregaliſ, Legato, & nepote Alexandri VI. ut ſacram cœremonium mōderaretur. Nomine vero Regis curabant omnia ad eam ſolemnitatem ſpectantia, Fridericus Princeps Altamura; Albericus Carafa, Joannes Antonius Carafa, & Julianus Epifcopus Tropejenſis Major Capellanus Regis. Horum cura convocati fuere ad Coronationem Regis omnes Epifcopi Regni, quorum indicem exhibet Brochartus, omneſque Reguli, & Proceres. Legato Neapolim venienti primum Præſules, tum Rex cum Proceribus, & Aulicis, Clerus, & Cœnobitæ obviam ivere. Ingreſſenti Civitatis portam Archiepiſcopus Neapolitanus Crucem præbuit deoſculandam; Legatus vero Regi. Tum canente Clero Antiphonam, *Ecce Sacerdos magnus*, & Hymno *Te Deum*; ſub baldacchino a nobilibus viris delato, Rege equitante ad ejus finiſtram, ſequentibus Principibus Regiæ cognationis, Oratoribus, & Prælatiſ, ductus eſt ad Metropolitanam Eccleſiam: ad cujus fores, porrigente adſperſorium Archiepiſcopo Neapolitano, Legatus primo Regem, tum ſe, deinde alios adſperſit aqua benediſta. Mox, benediſto incenſo, illum Archiepiſcopus thure adolevit, non vero Regem, quia, ut ait Brochartus, *huiusmodi incenſatio fit Legato ſanquam venienti*. Ad Altare Archiepiſcopus nonnullas recitavit preces, quibus finitiſ, data a Legato benediſtione, quiſque ad ædes ſuas ſe recepit. Dies agenda Coronationi conſtituta eſt octava Maji, quæ ſeſtiva erat Aſcenſionis Domini: ac parata fuere in Eccleſia Cathedrali amplum, & ſublime Solium pro Rege, ſaldiſtorium, ſeu ſedes precatoria, ſcamna pro Reguliſ, & Epifcopiſ, & Oratoribus Principum, atque univerſa ſuppelleſ ad rem ſacram neceſſaria. At Capellano Majori, Confeſſario, & Eleemoſynario Regis, tum Principibus Regiæ ſtirpiſ, & Proceribus Regni locus datus eſt in ipſo Solio Regis; atque hi Principem comitari debuerunt, quoties a Solio ad Altare, vel ab Altari ad Solium progrediretur. Et duo Capellani Majores adhærebant Regi, ut apud ipſum ſingulas Miſſæ partes recitarent. Ita enim habet Brochartus: *Curiales Regis ſedebunt hinc inde ſuper gradibus quindecim in Choro diſſe Eccleſiæ ordinatiſ. Barones erunt in ſcammis in plano magno corporiſ tranſverſaliſ Eccleſiæ juxta locum Cantorum ordinatiſ. Oratores autem in banco cum poſtergali retro ſcamna pro Prælatiſ in Preſbyterio aſcendenſia poſitiſ. Cum Sereniſſimo Rege in Thalamo ſuo erunt, & ipſum ubique aſſociabunt tam in Preſbyterio, quam alibi, D. Fridericus de Aragonia, Geniliſ Virginiiſ Urſiniſ, D. Joſſfreduſ Borgia, D. Alphonſuſ electuſ Teatiniſ, D. Aloyſiuſ de Aragonia frater conſobrinuſ Regiſ, D. Caroluſ de Aragonia Marchio Giraceniſ, D. Julianuſ Epifcopuſ, qui Regi ſuper Thalamo genuſtrectanti, a ſiniſtriſ Regiſ erit genuſflexuſ, & Frater Joanneſ de Mediolano Ordiniſ Montis Olivetiſ Capellanuſ Major Regiſ a dextris Regiſ erit, ut ſupra genuſflexuſ, & ambo de Miſſali Regi ſervient; D. Martinuſ de Aragonia nepoſ Regiſ ex Ferdinando fratre baſtardo in Caſtello novo incarcerationo, Frater Joanneſ Franciſcuſ de Miroballiſ ejuſdem Ordiniſ Confeſſor Regiſ, Frater Michael de Neapoliſ Ordiniſ Minorum de Obſervantia Eleemoſynariuſ*

Regis, post Regem, ut supra, genuflexum, & ipse genuflexus. Duo hic nominantur Capellani Majores, nempe Julianus Episcopus Tropejensis, qui hoc officium gessit sub Ferdinando I. & qui saepe Capellanus Major nominatur a Brocharto, & præcipuus habuit partes in ordinanda Coronatione Regis, & in celebrando conjugio Sanciæ filiae Regis, & in omnibus sacris caeremoniis Palatinis; tum Fr. Joannes de Mediolano Monachus Montis Oliveti, qui fortasse, vel absente Episcopo Tropejensi, vel cum Alphonsus Dux erat Calabriae, illo munereungebatur. Refert Brochartus Oratores Principum ægre tulisse, quod secundum ab Episcopis locum occuparent; et si illis satisfacere studisset, quod Episcopi in ea sacra caeremonia agerent una simul cum Antistite Consecratores. Statâ ad Coronationem die, Cardinalis Legatus magno Episcoporum comitatu, se ad Ecclesiam contulit, & Pontificalia induit, uti etiam ceteri Episcopi. Regalia ornamenta super Altari collocata fuerunt.

XXIV. Venienti ad Ecclesiam occurrerunt Archiepiscopi Neapolitanus, & Capuanus, Pluviali, & Mitra induti, & salutato Rege, eundem medium duxere ad Altare, ubi illum expectabat Legatus. Tum Rege sedente in faldistorio ad infimum Altaris gradum, inter duos præfatos Antistites, sedentibus omnibus, lecta est a Notario Apostolico Bulla Romani Pontificis, qua Legato facultatem communicabat investiendi Alphonsum de Regno, atque coronandi; eaque lecta, Rex, factis Evangelii, juravit Sedi Apostolicæ fidelitatem. Mox Legatus eundem de Regno investivit, tradens Regi vexillum, quod de manibus Regis accepit Jacobus Caracciolus Comes Burgentiæ, Cancellarius Regni. His peractis, Archiepiscopus Neapolitanus petiit a Consecratore, ut Alphonsum inungeret Regem: ille vero Regem monuit de officio Regis erga Ecclesiam, erga subditos; juravitque tunc Rex, se officio suo minime defuturum. Tum, Rege humi prostrato, dictæ sunt Litanie, alizque preces, quibus expletis, illius brachium, & scapulas Legatus inunxit. Inchoata Liturgia, Rex in vestiario induit Regales vestes, ac tabulatum, ubi Solium excitatum erat conscendit, ubi una cum suis Capellanis Majoribus recitavit ex Missali Introitum, *Kirie, Gloria, Orationem, & Epistolam.* Dicta Epistola, ad Altare accessit, eique Legatus tradidit ensen, quem ter in aerem Rex vibravit, tum Hæctori Carafa Magno Cosmetæ præbuit, a quo delatus est ante Regem, tota Coronationis caeremonia. Tradito ense, Consecrator Regem donavit cæteris insignibus, nempe Corona, Sceptro, & Orbiculo. Quo facto, medius Rex inter Legatum, & Archiepiscopum Neapolitanum, præeuntibus Principibus Regiæ stirpis, & Magnatibus Aulæ, sequentibus vero Episcopis, ductus est ad Solium, ibique collocatus populo acclamante, *urva il Re Alfonso*, Cantoribus canentibus Hymnum *Te Deum laudamus.* Ad Evangelium deposuit Coronam, quam unus & Magnatibus Aulæ abstulit a Regio capite. Ad Offeratorium descendens de Solio, depositisque Regiis insignibus; obtulit Legato ad Altare duodecim aurea numismata, quodlibet valoris octo ducatorum. Hæc vero Episcopus Tropejensis Capellanus Major porrexit D. Friderico Principi Altamuræ, hic Regi. Et refert Brochartus hæc numismata cum in Coronatione Alphonsi II. tum in Coronatione Ferdinandi I. distributa Celebranti, ejusque Ministris, & caeremoniarum Praefecto. Oblationem Regis Legatus illis verbis excepit; *Unum dabis, & centum accipies.* Quoties Regia insignia a Rege auferenda, vel

reci-

recipienda erant, id muneris spectabat ad D. Fridericum Principem Altamuræ. Post oblationem, Regi stanti in Solio, Neapolitanus Archiepiscopus thus dedit; Diaconus vero Principibus Regiæ cognationis, Capellanis Majoribus, Oratoribus, Episcopis. Deinde Rex, depositis Regalibus ornamentis, in genua procubuit usque ad Eucharistiæ consecrationem, & sumptionem. Quoniam vero inter Oratores Principum aderat Orator Imperatoris Turcarum, is, ad Præfationem Missæ, monente Præfecto cæremoniarum recessit ab Ecclesia. Pacem Regi exhibuit Alexander Carafa Archiepiscopus Neapolitanus; Rex Principibus Regiæ stirpis; alter vero Capellanus pacem præbuit Oratoribus, atque Episcopis. Ad communionem, Rex ad Altare procumbens Eucharisticum panem accepit, mox vinum non consecratum, seu purificationem; rediitque ad Solium preces recitaturus pro gratiarum actione. Absoluta Liturgia, rursus ad Altare accessit, ubi Legatus ei præbuit deosculanda sacra Corporalia, quibus tetigit oculos, & frontem Regis, facto signo Crucis. Tandem nonnulli Milites a Rege creati fuere, nonnullique Proceres Regni: & ascenso equo, Regiis ornatus insignibus, magno comitatu Procerum, Regulorum, & Episcoporum, per Civitatem, perque Sessiones Nobilium equitavit.


XXV. Alphonfus II. vix imperio potitus, eo se abdicavit sequenti anno 1495. quod in ipsum movisset arma Carolus VIII. Rex Galliarum, cui Andegavensium Principum jura competeabant, quodque subiectis ipse populis invisus, insensulque, impar omnino esset gerendo bello, atque tuendo imperio sibi, suisque. Huic itaque successit Ferdinandus II. filius, suavissimi ingenii Princeps; quem mox immatura morte ereptum excepit anno 1496. Fridericus, ejus patruus, Princeps Altamuræ: & hunc, initio scedere, Galli, Hispanique anno 1501. patria sede ejecerunt. Atque in hunc modum, pulsus deinde Gallis, Neapolitanum Regnum cessit Hispanis Regibus, qui diu Regnum ipsum tenuere, ad hujus usque sæculi initia, quum extincto Carolo II. Hispaniæ Rege, nulla superstiti prole, saviente bello longe lateque, tandem Austriaci Imperatores Germaniæ in hisce regionibus imperarunt. Omittendum tamen non est, Carolum VIII. Galliarum Regem, qui exeunte sæculo decimoquinto Neapolitanum Regnum suæ ditioni subegit, quod sibi deberi, jure ab Andegavensibus Principibus transmissio, contendeat, Neapoli hujus Regni Coronam accepisse, uti testatur Jacobus de Poirier Magister Hospitii Regii, qui præfens aderat, in Historia belli Italici edita a Martene tom. 3. Anecdotorum. Sub Austriacis deinde Hispaniæ Regibus, non sine quibusdam cæremoniis proclamabantur Principes, cum ad imperium perveniebant. Nam Prorex, Proceres Regni, & Reguli peregritabant Civitatem, acclamante multitudine, & in inauguratione Caroli II. Hispaniæ Regis, universi cum Prorege Cardinali Aragonio ad Arcem novam, cujus relectæ erant fores, accessere; petiitque Prorex a Præfecto Arcis, ut Carolo II. regnanti fores panderentur. Refert Parrinus in Theatro Proregum Neapolitanorum.

XXVI. Sed anno 1734. rursus excitato inter Europæ Principes bello, CAROLUM BORBONIUM Hispaniarum Infantem, cui Hispani militis imperium, & recuperandi Neapolitani Regni curam Philippus V. gloriosissimus parens demandaverat, bello feliciter confecto, arcibus ad dedicationem coactis, superatis hostibus, rebus publicis sapienter compositis, summa celeritate, parique virtute, quod in illum,

quem imperio natum noverat, regnandi jura Augustissimus Parens transfulisset, Neapolitani, ingenti gaudio, votisque publicis Regem salutarunt. Qui sequenti anno in Siciliam trajiciens, attritis undique, ac fufis hostibus, Panormum amplissimam illius Regni metropolim adiens, solemnī pompa, die tertia Julii in Cathedrali Ecclesia ab Archiepiscopo Panormitano Josepho Basile, antea Franciscanz Familiaz supremo Præfule, unctus, coronatusque est Rex Siciliæ. Stata die, Ecclesia metropolitana insigniter adornata; Solium sublime, & amplum, cum scabello, & sede erectum, prope solium lignea ædícula auleis tecta pro vestiario Regis; mensa quoque, ubi apposita suppellex sacro ministerio inserviens; tum omnia ad eam solemnitatem celebrandam magnificentissime composita. Antistes sacris operaturus, Pontificalibus indutus ornamentis, medius inter Archidiaconum, Diaconum, Cantorem, præeuntibus Clericis, Canonicis, & Episcopis Regni, e Sacrario ad Aram principem accessit, in cujus extremo gradu, sedens in salsistorio, sedentibus etiam cunctis, Regem expectavit. Is e Palatio, Regia pompa, Ecclesiam petiit; ad cujus ostium a Magno Eleemosynario adpersus est aqua benedicta, tum recta pergit ad vestiariū, ubi solennes vestes induit. Præibant duo Proceres Aulici, a Regis cubiculo, aurea clave donati, quorum unus Coronam, & Sceptrum, alter Ensem, & Balthem gerebat: eaque Regalia insignia Antistiti tradita, Archidiaconus super Altare collocavit. Regi solemnibus vestibus induto sine ense, & pileo, vestiario exeunti obviam occurrere Episcopi Catanensis, & Syracusanus, a quibus ductus est ad Altare, & salutato Antistite, ab eo benedictionem accepit. Adhæserunt Regi in toto Coronationis officio Comes S. Stephani Magnus Aulae Magister, Bartholomæus Corsinus Magnus Præfectus Regii stabuli, Lelius Carafa Dux Prætorianorum militum, Joseph Beza Magnus Eleemosynarius, nonnullique Regis Cubicularii. Ubi Rex Altari se sedit, Episcopus Catanensis petiit ab Antistite, ut Regem inungeret: mox ibidem sedente Rege medio inter duos Episcopos, lecta est ab Antistite admonitio, quæ habetur in Pontificali Romano. Ea finita, Rex genua submittens coram Archiepiscopo, Fidei professionem edidit; deinde allato Evangeliorum libro, juravit his verbis: *Sic me Deus adjuvet, & hæc sancta Evangelia*: & osculatus est Antistitis manum. Is vero stans orationem recitavit, quam & alii Episcopi, submissa voce, suo quisque loco recitarunt. Postea Altare ascendit, ibique sedens in salsistorio, Regis brachium & scapulas, quas unus e Regiis Cubiculariis denudaverat, inunxit, adstantibus ceteris Episcopis. His peractis, uterque ad extremum Altaris gradum descendit; & Antistes quidem Sacrum inchoavit; Rex a cornu Evangelii flexis genibus, audivit a Magno Eleemosynario, qui prope aderat Missæ Introitum & Confessionem. Tum ad vestiariū se contulit, ubi postquam Magnus Eleemosynarius scapulas & brachium absterxit, induit Regalem Chlamidem, Solium conscendit, & submittens genua, audivit a Magno Eleemosynario reliquum Missæ officium ad Epistolam usque. In Solio post Regis sedem Dux Prætorianæ cohortis, & prope Regem Præfectus Domus Regiæ steterunt. Dicta Epistola, illum præfati duo Episcopi ad Altare duxerunt, ubi accepto ab Antistite ense, quem quater vibravit, imposita est Regio capiti Corona, & Sceptrum ei traditum. Sed Præfectus Regii stabuli ensē a latere Regis sublatum, ac denudatum, toto Coronationis officio ante Regem

gem tulit. Carolum itaque Regis insignibus ornatum, plaudentibus
universis, Archiepiscopus Panormitanus, & Episcopus Catanensis,
quos ceteri sequebantur Episcopi, ad Solum deduxerunt. Eoque in
Throno collocato, Panormitanus Antistes præcinit hymnum *Te Deum*,
quem dum Musici decantarent, Antistes stetit ad Regis dextram; &
hymno finito preces, & orationem dixit, prout in Pontificali Romano.
Mox rediit ad Altare, reliquam Liturgiæ partem celebraturus. Decantato
Evangelio, Cantor Metropolitanæ Ecclesiæ detulit ad Regem Evan-
geliorum librum; Eleemosynarius serico velo deterfit locum, quem
Rex erat deosculaturus. Ad Offertorium, Rex Altare adiit, ubi pro-
volutus in genua, præbente Eleemosynario oblationem, obtulit An-
tistiti sacra facienti, osculata ejus manu, duodecim aurea numismata,
quibus insculpta erat Regis ipsius effigies, & nummos aureos prope
ducentos. Ad Solum reversus, stans accepit thus a Canonico Diacono,
qui & thure coluit Episcopos adstantes. Instante consecratione
Dominici Corporis, Dux Arionensis Regis Cubicularius ademit Re-
gilia insignia, Coronam, & Sceptrum. Pacis signum Episcopus Ca-
tanensis præbuit Regi deosculandum, quod prius Eleemosynarius de-
terferat. Ad communionem accedens ad Altare, sequente Regem Cu-
biculario, qui Regalia ferebat insignia, primo Sanctam Eucharistiam
sumpsit; tum vinum ad purificationem in eodem Calice, in quo An-
tistes Christi Sanguinem hauerat; Mappulam coram Rege tenuerunt
duo Regis Cubicularii; alter vero aliam præbuit ad os abstergen-
dum. Tandem reversus ad Solum, rursus induit Regalia ornamen-
ta; & Sacro peracto, Episcopali benedictione donatus, iisdem orna-
mentis indutus rediit ad Regias Aedes; cum ad Hispaniæ imperium
translato, diuturnum, faustum, fortunatumque votis publicis pre-
camur.





CAPUT IX.

DE BAPTISMO REGUM.

In Palatiis Principum Baptismus solemniter ritu administrari potest.

- . II. Ordo administrandi solemniter Baptismi in Aula Imperatorum Germanorum. III. De usu miscendi aquam Jordanis Fonti Baptismali. IV. Ordo solemniter Baptismi in Aula Regum Gallia. V. De usu Cerei & Chrismalis in Baptismo. VI. Ritus, quo Rex Christianissimus aliquem suscipit e sacro fonte. VII. Ordo solemniter Baptismi in Aula Regum Hispania. VIII. Et in Aula Regum Lusitania. IX. Ritus Aula Lusitana offerendi Deo natorum Infantem cum aliis ceremoniis. X. De Baptismo in Aula Regum Sicilia. XI. De festis, in Regum natalibus. XII. Ordo solemniter Baptismi in Aula Neapolitana, regnante CAROLO BORRONIO. XIII. De ritu, quo donabantur primogeniti nostrorum Regum sub Normannis. XIV. Et sub Suevo, aliisque Sicilia Regibus. XV. De eodem ritu sub Andegavensibus Neapolitanis Regibus. XVI. Et sub Aragonis, Asturicisque Regibus.

CAutum fuit antiquissima Ecclesiae disciplina, ne in domibus, aut Oratoriiis privatis, nulla urgente necessitate, Baptisma administraretur. Ad hanc rem Concilium Trullanum duos habet canones, quorum primus num. 31. statuit: Clericos, qui in Oratoriiis, quae sunt intra domos, sacra faciunt, vel baptizant, hoc illius loci Episcopi sententia facere decernimus. Quare si quis Clericus hoc non sic servaverit, deponatur: alter vero numero 49. ait: In Aede oratoria, quae est intra domum, Baptismus nequaquam peragatur, sed qui illuminatione ab omnibus sordibus aliena, digni habendi sunt, ad Catholicas Ecclesias accedant, & hoc illic munere perfruantur. Si quis autem, quae a nobis constituta sunt, non servare convictus fuerit, si sit quidem Clericus, deponatur; si autem laicus, segregetur. Censet doctissimus Lupus in commentariis, causam huius canonibus dedisse Severi Antiocheni aetate; qui, ut legitur in libellis Agapeto Pontifici exhibitis, ac in Constantinopolitana Synodo Menae Patriarchae lectis: In ipsis propriis domibus, & suburbiis Altaria, & Baptisteria erigunt in oppositum veri Altaris, & sancti fontis, & omnia simul contemserunt propter attributum eis patrocinium ab his, qui in Domo Domini, & aliquo alio modo potentes sint. Justinianus quoque Augustus Novella 58. vetuit in domesticis Oratoriiis sacra Mysteria celebrari: quamvis deinde Constitutione Leonis Sapientis Imperatoris id licitum fuerit, dummodo Episcopus loci ne dissentiret. Unde Balsamon in comm. ad can. 31. Trullanum scribit: Si quis a Regionis Antistite sacrificare, vel baptizare in Oratorio prohibitus fuerit, is vero, qui tale quid fecerit, nec ei Novella proderunt. Is autem

tem, qui non est expresse prohibitus, videtur tacite ex Episcopi sententia facere. In Occidente Pelagius I. in epistola ad Eleuterium Episcopum, ea lege permisit quoddam Oratorium in honorem Beatæ Cantianæ Martiris consecrari, ita tamen, ut in eodem loco nec futuris temporibus Baptisterium construeretur, nec Presbyterum constitutus Cardinalem, sed quoties Missas ibi fieri forte maluerit, a Dilectione sua Presbyterum quævis postulandum, quatenus nihil tale a quolibet alio Sacerdote ullatenus præsumatur. Pariter Zacharias Pontifex in epistola ad Pipinum Regem Francorum mandat, nullum Oratorium, nisi prius dotatum, consecrari ab Episcopo loci, & nonnisi per Missas privatas; nec eis concedi Baptisterium, aut Presbyterum Cardinalem, sed ad Missas illic faciendas singulis vicibus Presbyterum ab Episcopo transmitti. Ratio hujus disciplinæ fuit, quod olim soli Episcopi Baptismum solemnem conferebant, & hinc in sola Ecclesia Cathedrali, seu Episcopali Baptisterium extabat. Multiplicato postmodum fidelium numero, etiam in una, eademque Civitate plura Baptisteria construi cœpere; non tamen nisi in principalioribus Ecclesiis, quas propterea Baptismales dixerunt, ad distinctionem earum Ecclesiarum etiam Parochialium, quæ carebant Baptisterio. Hinc Synodus Verrensis cap. 7. & Concilium Meldense cap. 48. relatum a Burchardo lib. 4. cap. 14. decreverunt, publicum Baptisterium in nulla Parochia esse debere, nisi ubi Episcopus constituerit; & nemini fas esse, Baptismum conferre, nisi in Ecclesiis Baptismalibus. At sequentibus sæculis, cum Parochi evaserint ordinarii ministri Baptismi, illudque ministerium pene totum ad eos fuerit devolutum; tunc quoque contigit, ut omnes passim Parochiales Ecclesiæ Baptisteria acceperint. Nihilominus minus vetita adhuc fuit administratio Baptismi in privatis domibus, aut Oratoriis. Quare uti ait Gatticus lib. de Orat. privat. cap. 18. opus erit speciali Episcoporum dispensatione, ut infans in Oratorio privato salutaribus undis regeneretur: imo propria potestate abuteretur Parochus ipse, si in privato Oratorio baptizare auderet; cum etiam Parochus præscriptæ sint leges baptizandi in publico Baptisterio, nisi gravis necessitas, prætermisiss omnibus solemnitatibus, baptizare in privata domo infantem jubeat. Et Pontasius Casu 4. de Baptismo, reum censet gravis criminis Parochum, qui, nulla urgente necessitate, in privata domo baptizat. Verum Ecclesiæ legibus permixta est Baptismi administratio in Palatii Summorum Principum. Ita quidem Clemens V. in Concilio generali Viennensi anno 1311. statuit decreto relato Clem. unic. de Bapt. *Præsenti prohibemus decreto, ne quis de cætero in aulis, vel cameris, aut aliis privatis domibus, sed dumtaxat in Ecclesiis, in quibus ad hoc Fontes specialiter sunt deputati, aliquos (nisi Regum, vel Principum, quibus valent in hoc casu deferri, liberi extiterint; aut talis necessitas emerferit, propter quam nequeat ad Ecclesiam absque periculo propter hoc accessus haberi) audeat baptizare. Qui autem secus præsumpserit, aut suam in hoc præsentiam exhibuerit, taliter per Episcopum suum castigetur, quod alii assentare similia non præsumant.* Huic decreto adhererent Concilia Colonienſe II. anno 1549. & Burdigalense anno 1624. quorum legibus nonnisi Regum, aut Principum filius fas est domi, non in Ecclesia, Baptismum conferre. Pariter Rituale Romanum jussu Pauli V. editum statuit: *In privatis locis nemo baptizari debet; nisi forte sint Regum, aut magnorum Principum filii, id ipsis depo-*

ſcientibus, dummodo id fiat in eorum Capellis, ſeu Oratoriis, & in aqua baptiſmali, de more benediſſa. Quod intelligi debet de Capellis, & Oratoriis privatis ipſorum Principum: ſiquidem ambigendum non eſt, quin in eorum Capellis ſeu Eccleſiis Palatinis, utpote quæ publicis Eccleſiis æquiparantur, & quandoque ſunt Eccleſiæ Parochiales, poſſit Baptiſmus adminiſtrari.

II. Ordinem adminiſtrandi ſolemniſis Baptiſmi in Aula Vienneniſi Auſtriacorum Imperatorum exhibent Dumontius, & Rouſſetius lib. 2. cap. 1. §. 1. 2. 3. 4. & 5. Cæremonialis Imperii: ubi deſcribuntur ſolemnia Baptiſmata Archiducis filii Joſephi Imperatoris, anno 1700. & alterius Archiducis filii Caroli VI. Imperatoris, anno 1716. tum etiam Archiducis Mariæ Tereliæ, anno 1717. ejusdem Caroli VI. Imperatoris filiz. Ex monumentis itaque ibi relatis colligitur, hanc cæremoniam hiſce ritibus abſolutam fuiſſe; quod nempe in ampliſſima quadam aula Imperialiſ Palatii, exiſtato Altari, & Sanctorum Reliquiis, quas e cubiculo Imperatricis Capellani Aulici detulerant, ornato; prope Altare parata menſa aulæis, & pulvinaribus teſta, ſuper quam Regius Puer eſſet collocandus; paratis quoque ſediſbus, & ſcæbellis ad genua ſtendendum pro Imperialibus perſonis; & Fonte Baptiſmali, in quem tantillum aquæ fluminis Jordanis ſolet infundi; ſtata hora, Aulici omnes e cubiculo Imperatricis ad aulam illam ſe conferbant; Regiumque Puerum, a cubiculo Imperatricis uſque ad ædes Imperatoris Educatrix, ab ædibus Imperatoris ad aulam Baptiſmi Magnæ Aulæ Magiſter, ulnis ſuis complexum deſerebant, atque ſuper menſam illam ſtatuebant; tum ulnis exceptum Magnus Aulæ Magiſter, vel Regiæ prolis Educatrix exhibebant Antifiſiti ad Altare, Epifcopo nempe Vienneniſi, vel Apocriſtario Pontificio, a quo ſacris aquis abluebatur, conſueto Eccleſiæ ritu, Educatricæ detegente partes inungendas, & Hymnus gratiarum actionis decantabatur a Muſicis Palatinis. Verum Archiduci Leopoldo Caroli VI. Imperatoris filio, una ſimul, eodem die ſacrum Baptiſma, & Equeſtrem Ordinem Velleris aurei contulere: exemplo ducto, a Philippo Burgundiæ Duce, fundatore illius ampliſſimæ Societatis, qui Carolum Audacem filium, ſtatim poſt acceptum Baptiſma, donavit inſignibus illius Societatis. Dies natalitius Archiducis fuerat decimus tertius menſis Aprilis, anno 1716. dieque ſubſequenti, Imperator una cum omnibus Sociis Equeſtris Ordinis Velleris aurei, interſuit ſolemni Liturgiæ, & Veſperinis Officiis in Capella Palatina, ſacris operante Epifcopo Antuerpiæ. Tum ad ejusdem diei veſperam in aula Imperialiſ Palatii Aprocriſtarius Pontificius, aſſiſtentibus pluribus Epifcopis, Parocho, & Capellanis, Aulicis, Regium Puerum ſacro abluit lavacro. Eo ſe contulit Imperator, veſtimento, & inſignibus Societatis Velleris aurei amictus, una cum cæteris Sociis ejusdem ampliſſimi Ordinis, medius inter Principem Eugenium Sabaudiæ, & Philippum Comitem de Dietrichſtein, tamquam antiquiores Socios, & univerſo comitatu Aulico: & eo quoque Supremus Præſectus Aulæ Imperialiſ Antonius Princeps de Lichtenſtein, pariter medius inter duos Socios Velleris aurei, detulit Archiducem brachiis ſuis complexum, quem ex ædibus Imperatricis, uſque ad cubacula Imperatoris detulerat Educatrix Comes de Starembergh, ſequentibus Aulicis matronis. Ubi ad aulam ventum eſt, Supremus Aulæ Præſectus Archiducem ſupra menſam prope Altare collocavit, quem mox Educatrix ulnis ſuis exceptum ad Altare admo-

admovit coram Antistite, a quo baptizatus est, sponsores agente Principe Maximiliano Hannoverensi, procuratorio nomine Regis Lusitanæ. Administrato Baptismo, Educatrix Regium Puerum Principi Eugenio Sabaudie, tamquam antiquiori Socio Velleris aurei tradidit; qui medius inter Comitem de Dietrichstein, & Principem Abellinensem, præeunte Feciali sive Heraldico Societatis, illum exhibuit Imperatori. Ilque sedens, capite operto, accepto ense a Magno Aulae Marescallo, qui prope aderat cum ense denudato, semel, iterum, atque tertio retigit ense humeros Archiducis, proferens hæc verba: *Es fiat te Deus bonum, & honorabilem Equitem in nomine Domini nostri, & S. Andreae*. Quo facto, Torquem aureum Societatis, illius collo imposuit, legens ex Rituali huiusmodi verba: *Ipse te hic Ordo in fidelitatem amicabilem suam recipit, ejusque rei signum, Torquem; ego hunc tibi circumdo, saxis Deus, ut gestare eum diu possis, idque ut simul ad Divinam gloriam, atque cultum, exaltationemque Ecclesiæ cedat; simul etiam cum ad amplificationem, honoremque hujus ipsius Ordinis in Universum, tum ad tuam privatam laudem, & promeritam, summæ celebritatem, in nomine Patris, & Filii, & Spiritus Sancti. Amen.* Quibus dictis Puerum amplexus est; eundemque Princeps Eugenius, Educatrici reddidit, a qua rursum super mensam collocatur; accedentesque singuli Socii, servato inter se antiquitatis ordine, flexo poplite, illius vestimentum sunt deosculati: dum interim præcinente Apocryphario Pontificio; Hymnus gratiarum actionis modis musicis decantabatur. Denique solemnibus benedictione Apocrypharii Pontificis cæremonia absoluta est.

III. Quod vero de aqua Jordanis admista Fonti Baptismali innuimus; id ab antiquissima profluxit Christianorum pietate, qui in Jordane baptizari exoptarunt, quod illius aquæ sanctificandi virtutem ex Christi Baptismo accepissent, uti testatur Hieronymus in libro de locis Hebraicis. Præ cæteris, si vera narrant Eusebius lib. 4. de vita Constant. cap. 62. & Theodoretus lib. 1. Hist. Eccles. cap. 32. Constantinus Imperator, ad finem usque vitæ salutaribus undis tingi distulit, quod in Jordane ipso baptizari in votis habuisset. Et S. Basilio Magno idem insedisse desiderium suscipiendi in Jordane Baptismi, scribit cap. 4. Amphilochius, seu quisquis est auctor illius vitæ. Exinde Christiani aquas Jordanis veluti sacras, & Reliquiarum loco habuerunt; quibus in accipiendo Baptismo utebantur, præsertim, quia mos erat aservandi Sanctorum Reliquias in Baptisterio, cuius rei sæpe meminit Gregorius Turonensis, uti in libro de Vit. Patr. cap. 7. ubi testatur plures Sanctorum Reliquias in Baptisterio Divionensi reconditas, & lib. 10. Hist. Franc. cap. 31. ubi refert constructum a se Baptisterium pluribus Sanctorum Reliquiis ditatum.

IV. Mos est in Aula Regum Gallie, ut cum primum nascuntur Regales Pueri, sacris aquis illico abluantur; sed solemnes Baptismi cæremoniæ diu postea administrantur, una simul cum Sacramento Confirmationis, Regio apparatu, & insigni pompa. Ita Ludovicus XIII. Henrici IV. Regis filius, annis jam quinque natus, una cum duabus ejus sororibus, quarum una deinde rupsit Hispaniæ Regi, altera Ducis Sabaudie, Baptismi cæremônias anno 1606. die 14. Septembris percepit, solemnibus ritu, in pago Fontisbellaquei, & quidem in area Regii Palatii, quod Capella Palatina ob loci angustiam, huic agendæ cæremoniæ satis non esset. Pariter solemnem Baptismum Delphini,

filiū Ludovici XIV. Regis, anno 1668. die 24. Martii in area quadam Regii Palatii San-Germanensis, quod Capella Palatina angustis terminaretur limitibus, administratum fuisse, constat ex monumentis allatis a Dumontio, Rosuetio, Gothofredo in Cæremoniā Galliarum. Sed Anna Maria Ducis Aurelianensis filia, novem annis nata, ipsam initiata est cæremoniis anno 1636. in Reginæ cubiculo, ab Episcopo Antisiodorensi, primo Eleemosynario Regis. Franciscus II. anno 1543. & Elisabetha ejus soror nata anno 1545. (quæ Philippo II. Hispaniæ Regi nupsit) in Capella Palatina Fontisbellaquei; & Lodovicus Dux Aurelianensis pariter Henrici II. filius, anno 1549. in Capella Palatina San-Germani a Cardinali Borbonio Archiepiscopo Senonensi Baptisma accepere. Porro in solemnī Ludovici XIII. Regis Baptismo, in area Palatii Fontisbellaquei, intra ligneum seprum excitatum fuit amplum, ac sublime tabulatum, ubi Altare, Fons Baptismalis, & Solium, conspiciebantur. Illuc ad vesperam illius diei, e Regiis cubiculis, Aulici cereos accensos manu gestantes, ordinata supplicatione, se contulere, hoc quidem ordine: Helvetii milites rætoriani, Equites Honorarii, Sodales Equestris Societatis Spiritus Sancti Torque aureo ad collum suspenso, sex Magnates Regni, quorum singulis commissa erant instrumenta rei sacræ intervientia, nempe vasculum falis, vas ad effundendam aquam, vas ad excipiendam aquam, mappa ad abstergendum, cereus, & Chrismale. Hos sequebatur Regius Puer baptizandus, quem manu ducebat unus e Principibus Regiæ stirpis, eumque excipiebat Cardinalis Giojosa, qui nomine Pauli V. Romani Pontificis agebat patrinum; Matronæ Aulicæ, tandem Cardinalis Gondi Episcopus Parisiensis, alique plures Episcopi. Absoluto sacro ministerio juxta consuetum Ecclesiæ ritum, Feciales pluries acclamarunt, *Vivat Delphinus*, Eodem fere modo res se habuit in solemnī Baptismo Delphini filii Ludovici XIV. anno 1668. quem in area Palatii San-Germanensis Pontificalibus indutus ornamentis ministravit Cardinalis Antonius Barberinus Magnus Eleemosynarius, assistentibus cæteris Eleemosynariis Regis Mantelletta, & Rocchetto indutis, Patrini fuere Cardinalis Vindocinensis nomine Romani Pontificis, & Princeps Contiæ nomine Reginæ Angliæ: qui statim post baptizandum incedebant, Cardinalis a dextris, illa vero a sinistris. Instrumenta Baptismi delata fuere a sex Principibus Regiæ stirpis: Regalem vero Puerum, ejus Educator comitabatur: & Palatini omnes cereis accensis ad cæremoniæ locum processere. Ludovicum XIV. gloriosissimum Galliarum Regem, natum die 5. Septembris, anno 1638. statim sacris Baptismi aquis adpersit Episcopus Metensis, Primus Eleemosynarius Regis, in eodem Reginæ cubiculo, ubi Altare excitatum fuerat, & ubi Sacrum fecerant, & preces effuderant, tum ipse Metensis Antistes, tum Episcopi Bellovacensis, & Lexovienensis, ut parturienti Reginæ Divinam opem impetrarent. Mox in Capella Palatina San-Germanensis Palatii, præsentē Rege, & omni comitatu Aulico, Hymnum gratiarum actionis solemniter decantaverunt. At nonnisi anno 1643. die 21. Aprilis, circa primam noctis vigiliam, additæ ei sunt solemnes Baptismi cæremoniæ, unctusque est Sacramento Chrismatis in eadem Capella San-Germanensis Palatii, ab Episcopo Metensi Primo Eleemosynario Regis, qui Pontificalibus indutus ornamentis, stipatusque quatuor Eleemosynariis Regis, sex Episcopis Rocchetto & Mantelletta indutis, Abbatibus pluribus, Clericisque Capellæ Regiæ, progressus e Sa-

crario

cratio ad Altare, & adorata Divina Eucharistia, quæ publicæ adorationi exposita erat, accessit ad sedem precatoriam Reginæ, quæ illi Delphinum filium exhibuit medium inter patrilos nempe Cardinalem Julium Mazarinum, & Principem Condatis: tum salutato Delphino, sacrum egit ministerium.

V. Ritus ille deferendi in Baptismo cereos accensos vetustissimam habet originem; siquidem legitur in epistola Marci Gazensis ad Arcadium Imperatorem de Baptismo Theodosii junioris apud Baronium, ad an. 401. *Baptizato juniore Theodosio, & ab Ecclesia egresso in Palatium, licebat rursus intueri decorem eorum, qui præerant multitudi- ni, & vestem eorum resurgentem, erant enim omnes candidati, ut existimaretur multitudo esse nive repleta. Præcedebant autem Patricii illustres, & omnis dignitas cum ordinibus militaribus, omnes portantes cereos, ut putarentur astra cerni in terra.* Unde colligit Martene lib. 1. cap. 1. art. 15. de antiq. Eccl. rit. in Regum, & Principum Baptismate, non solum ipsos vestem albam, & cereum accepisse, sed omnes insuper Aulicos, & eorum milites. Albinus Flaccus, qui de Divinis Officiis sæculo octavo scripsit, agens de Magno Sabbato cap. 19. dicit cereos prælatos fuisse baptizandis: *Cereus præcedit catechumenos nostros, lumen ipsius Christum significat, quo præsens nox illuminatur, gratia scilicet resurrectionis, & catechumeni ad Baptismum venturi.* Et rursus: *Nostri baptizati, ait, ducuntur quotidie ad Ecclesiam, columna cerei illuminata præcedente eos.* Similia habent Rabanus lib. 2. de Instit. Cleric. cap. 39. & Amalarius lib. 1. cap. 29. de Eccles. Officiis. Atque is ritus præferendi cereos accensos baptizatis, vel baptizandis, diversus sane fuit ab alio ritu pariter antiquissimo, quo, tempore ipsius Baptismi tradebantur cerei Neophytis, atque accendebantur: cujus rei sæpissime Veteres mentionem faciunt, & plurima illorum testimonia adducunt Martene, Vicecomes, alique. Immo nonnulli existimant Catechumenos tempore exorcismi etiam ardentem facem manibus tenuisse, quod tamen Binghamus negat. Diximus in Baptismo solemni Regum Galliæ deferri ab uno e Principibus Regiæ stirpis linteolum, quod nuncupant Chrismale. Olim mysticum velamen, quod baptisatorum capiti statim post unctionem imponebatur, vocarunt Cappam, Galeam, & Chrismale, uti constat ex Theodulpho Aurelianensi in tractatu de Baptismo, Rabano de Institutione Clericorum, & Alcuino in libro de Divinis Officiis. Illud ita describit Anonymus Turonensis in ms. speculo citatus a Martene: *Induitur deinde Chrismali Neophytas, scilicet alba veste, quæ instar cappæ linteæ caputium habet, quo caput, quasi quadam mitra operitur, & filo rubeo supersuitur.* Et Joannes Lanſpergius in Dial. de Monast. cap. 3. testis est, ætate sua, nempe superiori sæculo, in multis Germaniæ, & Italiæ Ecclesiis, infantes e sacro fonte educos induere parvam interulam, cui annexum est capitium monastici cuculli. Tum Martene ex antiquo Pontificali Ecclesiæ Salisburgenſis, & ex Ordine Romano vulgato a Mabillonio tom. 2. Musæi Italici describit ritum imponendi Chrismale infanti ex sacro fonte levato, & uncto. Et hæc linteamina veluti sacra habebantur; ut proinde Pipinus Rex Francorum dono miserit Paulo I. Pontifici sacra linteamina, cum quibus suscepta de Baptismo fuerat ipsius filia, uti colligitur ex epistola Pontificis ad Pipinum data: *Præfatus nempe sodalitatatis vestræ illustris Missus preciosissimum nobis superna gratia munus attulit, sabanum vi-*

*delicet, in quo nostra dulcissima, & amantissima spiritalis filia sacra-
tissimo lavacro abluta, suscepta est.*

VI. Quum vero Rex Christianissimus aliquem e sacro fonte fuscipit, cæremonia etiam fieri solet in Capella Palatina, ad quam Rex accedit, præeuntibus militibus, Cubiculariis, Sociis Equestribus Ordinis Spiritus Sancti, supremis belli Ducibus, seu Marefcallis Franciæ, sex nobilibus viris deferentibus cereum, Chriasmale, salinum, malluvium, gutturnium, & mappam; hos sequuntur, puer baptisandus, Rex, & prope Regem Cardinales, Principes Regiæ stirpis, Duces, militesque Prætoriani; quemadmodum apud Gothofredum to. 2. Cæremonialis Galliæ, ubi plurima occurrunt hujus rei exempla, legitur. Et ex Cæremoniali Dumontii, atque Rossuetii colligitur, hoc eodem fere ritu Regem Chistianissimum anno 1695. egisse patrinum filix Oratoris Venetorum, quam in Capella Palatina Fontisbellaquei sacris aquis abluit Cardinalis Boullionius Magnus Eleemosynarius, assistente Parocho: & anno 1701. pariter Regem Chistianissimum in Capella Palatina filium Venetorum Oratoris suscepisse e sacro fonte, ministrante, cum assistentia Parochi, Cardinali Coislino Magno Eleemosynario.

VII. In Aula Hispana spectat ad Magnum Capellanum Baptisma conferre tum Regiæ proli, tum Aulicis, tum iis omnibus, qui in præsentia Regis baptisantur, ex variis Romanorum Pontificum privilegiis cap. 4. hujus libri relatis. Spectat vero ad Magnum Aulæ Magistrum, accepto a Rege imperio, Aulicos, Magnatesque certiores facere, quo die, sacra cæremonia sit peragenda. Ea die, in Capella Palatina, vel in Ecclesia, ubi Regius Infans est baptisandus, ad cornu Evangelii, prope Aram principem, in mensa quadam collocantur Pontificalia indumenta, & nonnulla aurea malluvia, quæ nomine oblationis conceduntur Antistiti sacra facienti; vestiarium quoque accomodatur, ubi Princeps baptisandus vestes exuat: ad cornu autem Epistolæ in alia mensa locanda sunt instrumenta ad conferendum Baptisma, quæ a nonnullis Magnatibus deferenda sunt, quibus id Rex demandaverit. In Fonte Baptismali solet infundi tantillum sacræ illius aquæ, qua ajunt ablutum in Baptismo S. Domenicum Ordinis Prædicatorum Fundatorem, quæque in Dominicanorum Cœnobio Caragnetæ civitatis Regni Castellæ asservatur, curante hanc rem Confessario Regis. Tum in salutorio Principis cubiculo, super mensam, & sub umbella statuuntur hæc instrumenta ad Baptisma accipiendum, nempe interula, cereus, malluvium, mappa, & salinum a Magnatibus gestanda. Stata die ad Regii Infantis regenerationem, Supremus Castellæ Præfex, Magnus Capellanus, Consiliarii Status in Ecclesia Principem expectant, qui hoc ordine illuc accedit. Præcedunt Officiales quidam Aulici, quos Alcaldos nuncupant, sequuntur Aulici adolescentes, tum qui Regis sunt a cubiculo, & a mensa, vulgo *Gentilhomini di Camera*, & *di bocca*, Præfecti Domus Principis, Caduceatores seu Mazzerii quatuor, Præfecti Domus Regiæ, Præfecti Domus Regis, virgas manu gestantes, Magnates Hispaniæ, Feciales, Proceres deferentes instrumenta Baptismo inservientia, Regius Infans lectica, aut sede gestatoria advectus una cum ejus Educatrice, vel Principe Regiæ stirpis, aut Hispaniæ Magnate, tum Matronæ Aulicæ. At Rex solet adesse nulla pompa, seu, ut ajunt, *incognito*. Quod si Princeps baptisandus hæres Regni minime sit, nec Caduceatores, nec

Fecia-

Feciales interveniunt cæremoniæ; neque ab Hispaniæ Magnatibus deferuntur instrumenta Baptismi, sed a Præfectis Domus Regiæ. Oratores Principum comitantur baptifandum Principem, si is pedes ad Ecclesiam pergit: at si lætica, aut sede gestatoria advectus, illum in Ecclesia expectant. Ad hujus fores Pontificalibus ornamentis indutus illum excipit, exceptumque ducit ad Fontem, dum a Musicis Palatinis quædam Responsorialia decantantur. Prima Aulae Matrona denudat Infantem sacris aquis abluendum, illam adjuvantibus cæteris Matronis Aulicis. Denique administrato Baptismo juxta consuetum Ecclesiæ ritum, Episcopi, qui interfuere, exuti Pontificalibus indumentis, Principem comitantur usque ad Ædes Regias, inceduntque simul cum Aulicis Matronis; redeunti Principi Rex, & Regina obviam occurrunt. Hoc fere ordine Ludovicus Princeps Asturicensium, Philippus V. gloriosissimi Regis Hispaniæ, & Mariæ Adelaidis Sabaudæ filius, solemnibus Baptismi cæremoniis initiatus est in Capella Palatina a Cardinali Portocarrero Archiepiscopo Toletano; sed jam sacro lavacro regeneratus fuerat a Carolo Borgia Archiepiscopo Trapezuntino, Magno Capellano, assistentibus Episcopis Gerundensi, & Ovedano, statim ac in vitam venit anno 1707. Pariter in Capella Palatina sacro donata fuit Baptismate anno 1638. Maria Terefia Infans Hispaniæ; quæ postea Ludovico XIV. Galliarum Regi nupsit.

VIII. Regiæ sobolis Baptismata solemnibus pompis administrantur in Aula Lusitana; uti plurimis exemplis constat libris septimo, & octavo Historiæ Regum Portugalliæ. Et quidem primo solemnibus gratiarum actio cum Liturgia, & Hymno *Te Deum* haberi solet in Ecclesia Palatina, præsentem Rege cum universo Aulico Comitatu, & Oratoribus Principum. Quandoque etiam Cænobitæ ad Ecclesiam eandem se conferunt, ad gratias Deo agendas, quemadmodum in nativitate Joannis Infantis filii Petri II. Regis, die 30. Augusti 1688. qui paucos post dies obiit, factum esse refert Soufa. Deinde elapsis nonnullis a nativitate diebus, Regius Puer baptifatur in Ecclesia Palatina, olim quidem a Magno Capellano, nunc a Patriarcha. Spectat ad supremum Præfectum Domus Regiæ ulnis suis complexum ducere Regium Puerum ad Ecclesiam; illo absente, Œconomus Domus Regiæ (*Veador da Casa da Rainha*) fungitur hoc officio. Ducitur vero sub baldachino a sex Magnatibus Aulicis, ut plurimum supremis Consiliariis, delato. Præcedunt Caduceatores, quos vocant *Porteiros das Maças*, Feciales, vulgo Reges armorum, Præcursores dicti *Passavantes*, Nobiles viri, Officiales Aulici, Magnates. Sequuntur detecto capite nonnulli Proceres deferentes instrumenta administrationi Baptismi inservientia, quæ ab Hispanis *insignia*, a Gallis *honneurs* dicuntur; eaque sunt cereus, malluvium, manutergium, salinum, Chrismale. Sponsores, seu qui procuratorio nomine sponsores agunt proxime incedunt ante Puerum baptifandum; hunc vero proxime sequitur Educatrix, clauduntque agmen Matronæ Aulicæ. In Ecclesia dum Regius Puer sacris aquis abluitur, circumstant nonnulli Aulici, quos *Moços Fidalgos* appellant, cereos accensos in manibus habentes, quemadmodum factum legitur in Baptismo Infantis Isabelæ filiæ Petri II. Regis, & Mariæ Franciscæ Sabaudæ Regiæ, anno 1669. Rex, Regina, Regique Principes adesse solent in abside, seu ædícula, ut ajunt *incognito*. Attamen in Baptismo Infantis Mariæ Franciscæ Isabellæ filiæ Principis Brasiliensium, die 9. Januarii, an-

no 1735. Serenissimus Rex Joannes V. & Regina ejus conjux solemn pompa Solio infidentes interfuerunt, atque dum Infantula ad Ecclesiam deducebatur ulnis excepta a Supremo Præfecto Domus Principis Brasiliensium, simul sub umbella incessere; precedentibus umbellam Regiis Infantibus, sequentibus Regiis feminis. Atque hoc fore ordine in Ecclesia Palatina Lusitana Baptismum perceperunt Alphonsus VI. an. 1643. Petrus II. anno 1648. uterque Joannis IV. filius, & Portugalliarum Rex, ab Emmanuele da Cunha Magno Capellano: Isabella Infans Petri II. Filia, anno 1669. a Francisco de Sotomayor, Episcopo Targensi, & Decano Palatinæ Capellæ: Joannes V. ejusdem Petri II. Regis filius, anno 1689. ab Antistite Ludovico de Sousa, & Infantes D. Franciscus, anno 1691. D. Antonius, anno 1695. D. Emmanuel, anno 1697. D. Franciscus anno 1699. ab eodem Ludovico de Sousa Magno Capellano, Cardinali, Supremo Fidei Vindice & Archiepiscopo Ulyssiponensi. Eodem quoque ritu Infantes Joannis V. Lusitanæ Regis filii, Maria Barbara, deinde Hispaniæ Regina Clementissima, anno 1711. Petrus Princeps Brasiliensium anno 1712. Joseph itidem Brasiliensium Princeps ob illius mortem, anno 1714. & Carolus, anno 1716. sacris aquis abluti sunt a Cardinali de Cunha Magno Capellano. Et post Ecclesiæ Patriarchalis dignitatem additam Capellæ Palatinæ, simili ordine sacrum Baptisma collatum est a Thoma de Almeida Patriarcha, deinde Cardinali, Infantibus Alexandro, anno 1723. Mariæ Francisæ Isabellæ, anno 1735. Mariæ Annæ Francisæ anno 1737. uti ex laudata Historia colligitur. Hinc patet; solemne esse in Aula Lusitana, ut Regii Principes, paucis a nativitate diebus, etiam si hæredes imperii minime sint, magna pompa sacro regenerationis lavacro abluantur. Quum vero Principes imperii hæredes in vitam veniunt, ad hos solent Romani Pontifices honoris & benevolentiæ causa fascias benedictas transmittere, quibus Regius Puer involvatur, quod Innocentius XII. anno 1691. cum Joanne Principe, deinde Lusitanæ Rege, & Clemens XI. anno 1715. cum Josepho Principe Brasiliensium præstitere. Id quoque officii, aliis Christianis Principibus præstant Romani Pontifices, cum successores paterni imperii nascuntur.

IX. Sed Regum Lusitanorum pietati singulare est, quod nati Infantes solemnè quodam ritu Deo offerantur in Ecclesia a Regina eorum parente: Magnusque Capellanus Pontificalibus indutus ornamentis Regium Puerum ad Altare admovet, dum interim Hymnus *Te Deum* decantatur. Hac insigni religione Mariam Sofiam de Neoburgo Reginam Petri II. conjugem natos suos omnes Deo obtulisse testatur Sousa; illiusque pietatem ad Mariam Annam Austriacam Joannis V. Regis uxorem, traductam. Quo autem ritu Joseph Princeps Brasiliensium nunc gloriosissimus Rex Portugalliarum, natus die 6. Junii, anno 1714., baptisatus, ac Deo oblatas fuerit, enarrat his verbis laudatus Auctor lib. 7. cap. 336. Hist. Lusit. *Em o dia 27. de Agosto recebeo o Infante o sagrado Baptismo com o nome de Dom Joseph Francisco Antonio Ignacio Norberto Agostinho, que lhe conferio o Cardeal da Cunha, Capellão mor, assistindo os Bispos de Viseu D. Jeronymo Soares, de Leiria D. Alvaro de Abranches, do Porto D. Thomas de Almeida, de Elvas Dom Fernando de Faro, de Tagaste D. Manoel da Sylva Francez, de Hypponia D. Fr. Joseph de Oliveira, e de Patara D. Fr. Joseph de Jesus Maria. Foy Pa.*

Padrinho el Rey Luiz XIV. de França, e com procuração sua Raynaldo de Mornay, Abbade de Orleans, seu Embaixador, e Madrinha a Empartriz Isabel, Foy levado a Pia nos braços do Duque de Cadaval, Mordomo mor da Rainha, de baixo de rico Paleo, de que tinha as varas da parte direita o Marquez de Cascaes D. Manoel de Castro, o Conde da Ribeira Grande D. Joseph Rodrigo da Camera; o Conde da Sarzedas D. Rodrigo da Sylveira, e da parte esquerda o Marquez de Alegrete Fernão Telles da Sylva, Gentil-homem da Camera del Rey, e do Conselho de estado, o Conde dos Arcos D. Marcos de Noronha, Gentil-hom em da Camera do Infante D. Francisco, e o Conde Santiago Aleixo de Sousa da Sylva, Aposentador mor. As insignias foram lavadas nesta ordem; o Senhor D. Miguel o Salteiro, o Duque D. Jayme Estribeiro mor del Rey, e do Conselho de Estado o Maçapão, o Marquez das Minas D. Luiz de Sousa Estribeiro mor da Rainha, e do Conselho de Estado a Vela, o Marquez de Fronteira D. Fernando Mascarenhas do Conselho de Estado, e Vedor de Fazenda a Veste Candida, e o Marquez das Minas D. João de Sousa Gentilhomem da Camera del Rey, e do Conselho da Guerra a Toalha para purificar; e sendo acompanhado na forma do Ceremonial da nossa Corte, por todos os Grandes, e Officiaes da Casa Real, e mais pessoas, que sem lugar em semelhantes occasioens, hia assistido da Marquessa de Santa Cruz D. Teresa de Moscoso Oforio sua Aya, e se fez a função com Real magnificencia, El Rey, a Rainha, e os Infantes assistiram na Tribuna todo o tempo, que durou este acto. No dia 29. do referido mez sahio a Rainha em publico a Igreja de S. Roque a offerecer o Infante recém-nascido a Deos pela intercessão de S. Francisco Xavier. Depois da Rainha estar na Igreja dentro do sitial, tomou ao Infante nos seus braços dos da Marquessa Aya, e neste tempo desceo do Altar o Cardeal da Cunha Capellão mor, revestido de Pontifical com Cappa, e Mitra, e a Rainha lhe entregou o Infante, e sobindo ao Altar da banda da Epistola, fez a oblação, e voltando, o entregou a Rainha, que o deu a Marquessa Aya, que entrou com a Rainha para o sitial, e logo se cantou o Te Deum com grande solemnidade. Esta devota oblação havia ja praticado a Rainha D. Maria Sofia com todos os seus filhos, deixando no Paço este, e outros devotos exemplos de exercicios; que foram bem observados da pietate da Rainha sua successora. Petrum quoque Infantem genitum die 29. Augusti anno 1717. eadem pompa baptismatum, oblatumque Deo idem Auctor scribit lib. 7. cap. 9. Prætere Lusitanorum Regum filii in prima ætate solent Confirmationis Sacramento signari a Magno Capellano, Ita Infans Maria Isabella Petri II. Regis, & Mariæ Franciscæ de Sabaudia filia, die 6. Januarii, anno 1669. nata, sacro Chrismate uncta est a Ludovico Sousa Magno Capellano, & Archiepiscopo Ulyssiponensi anno 1683. Infans D. Antonius ejusdem Regis filius, die 15. Martii, an. 1695. natus, Confirmationis Sacramentum percepit, simulque Tonfura Clericali initiatus est, anno 1703. in Oratorio privato Regis a Magno Capellano Josepho de Lancaestre, Supremo in Lusitania Fidei Inquisitore. Is idem Antistes anno 1704. pariter in Oratorio privato Regis, Tonfura donavit Clericali Emmanuelem Infantem natum anno 1697. Denique Lusitanæ Infantes in prima quoque ætate armantur Milites, atque in Equestrem Ordinem Christi adiscuntur insigni cæremonia, quæ fit in Ecclesia Palatina. Ita Joannem Principem, deinde Lusitanæ

Re-

Regem, unum cum Infante D. Francisco in Capella Regia anno 1696. armatum fuisse Militem, creatumque Socium Equestris Ordinis Christi; Infantem quoque D. Antonium, qui in lucem venerat anno 1693. donatum Militiæ, & Equestris Ordinis Christi insignibus anno 1717. narrat Antonius Cajetanus Sousa.

X. Vix ulla superfuit monumenta, quæ compertum sit, quo loco, quove ritu Siculi, Neapolitanive Reges ad sacrum regenerationis lavacrum accefferint. Joannes Paternione Archiepiscopus Panormitanus in allegationibus, quas edidit pro sua Ecclesia Panormitana, inter alia privilegia recenset, quod ibi Siculi Reges salutaribus aquis mergerentur. Cui adhærens Amatus lib. 13. cap. 1. ait, non in Capella Palatina, sed in metropolitana Ecclesia Regios pueros ablutos, nullum a Pirro in notitia illius Capellæ indicari Regem, qui illic Baptismum acceperit, quos tamen in Cathedrali baptifatos colligitur ex veteribus monumentis; & in Chronico cujusdam Anonymi cap. 72. apud Martene tom. 3. Anecd. legitur: *Anno a natiuitate Domini 1305. indic. 3. die Mercurii in mane diei 14. videlicet mensis Julii apud Parcum novum de tenimento Panormi natus fuit ex dicta Domina Alionora uxore dicti Domini Regis Friderici II. eidem Regi Friderico filius nomine Domp. Petrus, qui Domp. Petrus die Sabbati 24. ejusdem baptifatus fuit in Fonte majoris Panormitanæ Ecclesiæ.* At vero in Ecclesiam Palatina non semel Regiis pueris collatum Baptisma, verisimile est; tum quia Parochialis erat Ecclesia, eaque multiplici titulo præstantissima, tum quia Reges consueverunt in Ædibus suis Baptisma accipere, quod & illis privilegium concessit Viennense Concilium. Accedit, Siciliæ Reges in privilegiis bene multis Panormitanæ Ecclesiæ concessis, quæ exhibent Pirrus, Fazellus, Baronius de majestate Panormitana, & Amatus, non aliam commemorare causam lux erga Ecclesiam illam munificentiam, quam quod ibi Diadema Regni acceperint, ibi quoque prædecessorum Regum cadavera tumulata jaceant. Ecce vero silentio præterissent, se ibi regeneratos esse, Christianæque religioni ibi nomen dedisse? Quod Neapolitanos Reges, hos consuevisse in Capella Palatina magnis solemnibus celebrare Baptismata Regiæ prolis, indicat in suis Diariis MSS. Silvester Guarinus relatus a Lutino in libro de septem supremis Officiis Regni, cum agit de Prospero Columna Magno. Comestabulo Friderici Aragonii, Regis Neapolitani. Scribit enim ille vernaculo idiomate: *Domenica Pasca Rosata (nempe die Pentecostes) 19. Maii 1499. la Maestà del Re Federico fece battezzare lo suo figlio per mano dello Archiepiscopo Napolitano di Casa Carafa nella sala grande del Castello nuovo, dove li posero nome Alfonso, e fetto grande trionfo, e festa, e sua Maestà convivè tutti li Baroni, e le Donne di Napoli, che da gran tempo non si ricordano tanto gaudio, e con ipso delli balli, ed altro trionfo non si può narrare, lo Signore Prospero Colonna si fecero Compare con lo Re, e sua Maestà lo fece Contestabile, e lo Signor Fabrizio Colonna si fece Capitanio di gente d'arme, e tutti due fecero dono allo figliuolo da parte dell' altri Baroni.* Hujus solemnitis Baptismi, uti testis est idem Tutinus, meminit quoque Jacobus Notarius in suis MSS. Annalibus, referens a Cardinali Oliverio Carafa Archiepiscopo Neapolitano celebratum, pluresque Regulos in patrinarum honorem adscitos fuisse. Sed Julianus Passerus in suis Diariis MSS.

MSS. ab eodem Tutino relatis scribit, in Capella Palatina Arcis novæ baptisatum Alphonsum, filium Friderici Regis, rem. ita narrans: *La Regina Isabella moglie di Re Federico partorì un figliuolo mascolo, e subito mandarono un Cavallero al Re, e così se ne tornò da Puglia, e come fu junto in Napoli, ordinò di far lo Battesimo, quale lo fece dentro lo Castiello nuovo, perché la nascio, dove si fece. Compare lo Signor Duca di Melfe nominato Trojano Caracciolo, & anco se fece per Compare lo Principe de Bisignano de Casa Sanseverino, e lo Signor Prospero Colonna, & anco lo Ambasciadore di Venezia, & a lo feliuolo posero nome D. Alfonso Ramir de Aragona, e questo fu alli 19. Maggio, lo dì de Pasqua Rosata con lo maggior triunfo dello Mondo, e lo detto Battesimo fu fatto alla Capella dentro lo Castiello, ed anco se fece per Compare lo Signor Fabrizio Colonna, e lo Piscopo di Tarracona Catalano. Olim namque fas erat plures susceptores in Baptismo adhibere, sed deinde Concilium Tridentinum sess. 24. de refor. Matr. cap. 2. ne cognationis spiritualis impedimentum latins extenderetur, decrevit, ut unus tantum, sive vir, sive mulier, juxta sacrorum Canonum instituta, vel ad summum unus, & una, baptisatum de Baptismo suscipiant. Hunc ipsum Fridericum Ferdinandi filium solemnì pompa baptisatum fuisse, patrinum agente Friderico Imperatore, qui tunc Neapoli aderat, indicat Summontius lib. 5. Hist. Neapol. his verbis: *A' 19. dell' istesso mese d' Aprile (come dice il Passaro) per compiere l' universale allegrezza e festa, narque al Duca di Calabria il secondo figliuolo, il quale fu tenuto al battesimo dall' Imperatore, e volse fuisse chiamato del suo nome (che poi succedendo al Regno fu nominato Federico Secondo) e levatosi l' Imperatore una cullana, guarnita di pretiosissime gemme, stimata di gran prezzo, la pose sopra al bambino, per lo cui nascimento per molti giorni nella strada dell' incoronata si fecero bellissime giostre. mantennate dal Duca di Calabria. Quod vero de splendidis epulis a Friderico Rege exhibitis occasione solemnìs Baptismi Alphonfi filii, id adhuc in more est in Aula Regum Galliz: constat enim ex Cereemoniali Galliz Gothofredi, Dumontii, & Rosfuetii, in Baptismo Ludovici XIII. anno 1606. & in Baptismo Delphini anno 1668. aliisque Regiz sobolis Baptismis, peracto sacro ministerio, quod ad vesperam fieri solet, opiparam coenam a Rege susceptoribus instructam fuisse.**

XI. Cæterum, regnantibus quoque Austriacis Hispaniz Regibus, natalitia Regiz sobolis celebrata sunt in Aula Neapolitana splendissimo apparatu, choreis, ludis publicis, spectaculis, concessa pluribus reis venia, festivis ignibus, personatorum turbis, pugnis ludicris, & nobilissima indicta equitatione, qua Reguli, Optimates, & Prorex ipse, equites adibant Metropolitanam Ecclesiam, ut solemnì gratiarum actione acceptum beneficium compensarent; uti sub Proregibus Comite Beneventanorum, anno 1605. in natali Philippi IV. Regis; Duce Alcalensium, anno 1629. in natali Balthassaris Caroli, illius Regis filii; Comite Penarandæ, anno 1661. in natali Caroli II. factum refert Parrinus in Theatro Proregum Neapolitanorum. Qui idem agens de Prorege Comite Castrillensium describit solemnì natalitia Philippi Prosperi filii Regis Philippi IV. quum & in Capella Palatina, & in Ecclesia Regia Carmelitarum grates Deo perfolute fuere, sacris operante Joanne Salamanca Magno Capellano, editis plurimis, atque sumtuosissimis publicæ lætitiæ signis.

D d

XII.

XII. At regnante CAROLO BORRONIO, cum ei natus est hæres paterni imperii, is fuit Ordo solemnissimus Baptismi. Principem natum die 13. Junii anno 1747. & sacris aquis ablutum, ab amplissimo, & religiosissimo Cardinali Josepho Spinelli Neapolitano Archiepiscopo, solemnissimus Baptismi cæremoniis initiandum, atque illius fulceptores fore Ferdinandum Hispaniæ Regem, & Mariam Barbaram Hispaniæ Reginam, Regales Parentes decrevere. Ad eam rem Neapolim ablegavit Rex Catholicus Ducem Metinæ-cœli nobilissimum Hispaniæ Magnatem primi subseclii, qui ejus nomine, & vice patrum ageret: a Regina vero Hispaniæ demandatæ fuerunt ejus vices in eodem expleto munere Catherinæ Carasæ, Principi Colubrani, Primæ Aulæ Matronæ. Ubi igitur omnia ad tantam celebritatem agendam in promptu fuere, stata die 4. Februarii, anno 1748. Dux Mirandæ, Regis a cubiculo, aurea clave donatus, Curru Regio sex equis ducto advectus, ædes adiit, in quibus Hispanus Legatus diversabatur, ut eundem ad agendam cæremoniam deduceret. Uterque deinde Regium currum cœscendit, ac præcedente magna famulorum copia, incedentibus a dextra, lævaque currus octo adolescentulis & famulatio ipsius Ducis, sequentibus sex ejusdem rhedis, quarum singulis alligati erant sex equi, tum pluribus aliis rhedis, quas honoris, & pompæ causa, Proceres Aulici eo miserant, sumptu, luxuque magnificentissimo ad Ædes Regias processere. In area amplissima Palatii Regii instructi fuere in acie milites Prætoriani Itali, Helvetique: tum a dextra, lævaque scalarum, a Palatii atrio usque ad ædium Reginæ vestibulum, constitutus in acie miles hastatus. Ubi ad hoc vestibulum ventum est, Dux militis custodis corporis Regis, occurrit Hispano Legato, eumque ad interiores ædes duxit: ac interea temporis, ea quoque pervenit Princeps Colubrani Prima Aulæ Matrona, quæ partes implebat Hispanæ Reginæ, media inter Januarium Carasam Roccellæ Principem, Regis a cubiculo, atque Socium Regalis Ordinis S. Januarii, & Principem Roccæ Aulicam Matronam, a quibus ex ædibus suis in ipso Palatio Regio positus, ad Reginæ ædes deducta est; illamque hastatus miles consueto militari obsequio coluit, & Dux custodum corporis Regis excepit. Tum ex ædibus Reginæ hoc ordine ad Capellam Palatinam progressi sunt universi: præibat Magister Ostiarius Domus Regiæ, vulgo *Usciere Maggiore*, post hunc Fecialis seu *Re dell' armi* incedebat, cum quatuor Caduceatoribus seu *Mazzieri*; sequebantur ii, qui Regis sunt a cubiculo aurea clave donati, tam qui honoris causa sunt in illum cœtum adsciti, quos vocant *Gentiluomini d' entrata*, quam ii qui operam suam in Aula præstant, dicti proinde, *Gentiluomini d' esercizio*; hos excipiebat Eleonora Sfortia Cefarini Marchionissa S. Marci, & Educatrix Regiæ sobolis, deferens ulnis suis complexum Regalem Puerum sacris cæremoniis initiandum, media inter Ducem Metinæ-cœli a dextra, & Principem Colubrani a sinistra incedentes; denique claudebant agmen Matronæ Aulicæ, In Capella Palatina amplissimus, & emeritissimus Antistes Neapolitanus Joseph Cardinalis Spinelli, Pontificalibus indutus ornamentis, assistentibus ei nonnullis Metropolitanæ Ecclesiæ Canonicis, sacro functus est ministerio juxta consuetum Ecclesiæ ritum: eoque absoluto, Lelius Carasæ Marchio Arienfi, Dux militum custodum corporis Regis, Socius Regalis Ordinis S. Januarii, tamquam Protonotarius Regni tabulas conscripsit, quibus testabatur solemnem illam cæremoniam

per-

peractam fuisse; adhibitis ad eam rem testibus Principe Aragonæ Supremo Præfecto Domus Reginae, & Principe Hostiliani Supremo Regii stabuli Præfecto. Hisce itaque caeremoniis, Serenissimus Neapolitanus Princeps Philippus, sacris ablatus est aquis. Hunc dolemus; ex adversa valetudine in tenella ætate, imparem redditum imperio regendo. At Serenissimum Principem Carolum Antonium natum die 12. Novembris, sequenti anno 1748. nulla pompa, nullisque solemnibus sacro regeneravit lavacro in villari Domo Regia Porticensi, idem amplissimus Cardinalis Archiepiscopus Neapolitanus. Is nunc in Hispania Princeps Asturicensium, paternam familiam, virtutem, pietatem perennandam promittit. Deus Optimus Maximus Regiam sobolem diu nobis, Europæ, & Ecclesiæ servet inco-lumem.

XIII. Addere, juvat titulos, quibus donati fuere nostrorum Regum liberi, ut moris est apud omnes fere Europæ Principes. Normannos; qui Regio titulo in Sicilia, & in Apulia imperant, jam diximus se inscripisse Reges Siciliae, Ducatus Apulie, & Principatus Capuae: quod præcis temporibus Sicilia suos habuisset Reges, Apulia vero diceretur Ducatus, Capua quoque sub Longobardis insignem Principatum constitueret. Et hinc Lotharius Imperator Neapolitanæ Regno potitus, uti scribit Diaconus lib. 4. cap. 26. Rainulphum constituerat Ducem Apulie, & Robertum Principem Capuae, utrumque sui exercitus ducem, sibi addictissimum. Diximus etiam Normannos Principes; non semel se se Reges Siciliae, & Italie, vel Siciliae, & Apulie dixisse: at consuetudo tamen titulo dicebantur Reges Siciliae, Ducatus Apulie, & Principatus Capuae. Quamobrem illorum filii hisce titulis Ducatus, & Principatus donati fuere: ita ut natu maximus, hæres Regni, diceretur Dux Apulie, secundo loco natus vocabatur Princeps Capuae, tertius vero Princeps Tarenti. Ita Rogerius filius natu maximus Rogerii I. Regis ex Adira uxore, constitutus est anno 1130. Dux Apulie; tum anno 1139. Dux Neapolis, quod hæc amplissima Civitas a Rogerio subacta esset, & e vivis excessisset Sergius Dux Neapolitanorum, uti legitur in Chronico Falconis apud Caracciolum. Amphusium alterum Rogerii I. Regis filium nuncuparunt Capuae Principem, & extincto Rogerio fratre, Ducem Neapolis. Willhelmum ejusdem Rogerii I. filium, qui deinde præmortuis fratribus in imperio successit, dixere Principem Capuae. Præter hos, quos alii memorantur a Scriptoribus filii Rogerii Regis, Tancredus nempe Princeps Barenfis, & Henricus Princeps Tarenti. Pariter Rogerio primogenito Willelmi I. Regis ex uxore Margarita, filia Regis Navarre, datus est anno 1154. titulus Ducis Apulie, quem novennem puerum excitata seditione Siculi Regem acclamarunt, sed gravi pedis ictu ab irato parente percussus, paulo post obiit. Henricus alter Willelmi I. filius, appellatus est Princeps Capuae; & a nonnullis Scriptoribus memoratur Robertus ejusdem Regis filius, & ipse Principatus Capuani titulo donatus. Willermo II. Regi nulli fuerunt liberi ex Joanna uxore, filia Henrici Regis Anglorum: quamobrem illi in imperio successit Tancredus Comes Licii filius nothus Rogerii Ducis Apulie, primogeniti filii Rogerii I. Regis. Tancredi quarti & Normannorum stirpis Regis Siciliae filius natu maximus Rogerius ex uxore Sybilia, Richardi Comitis Acerrarum filia, dictus est quoque Dux Apulie. Sed huic e vivis sublato, antequam regno potiretur, succes-

sit Wilhelmus hujus nominis III. quem, nulla ducta uxore, Henricus Imperator, regno, oculis, & virilibus privavit, immani crudelitate. Patet itaque, sub Normannis Regibus, qui dicebantur Siciliæ Reges, Ducatus Apuliæ, & Principatus Capuæ, primogenito filio, hæredi Regni collatum fuisse titulum Ducis Apuliæ, aliisque Regis liberis titulos Principum Capuæ, & Tarenti. Atque hujusmodi tituli adeo Regiis filiis, nec ullis aliis convenire existimabantur, ut hoc prætextu Wilhelmus I. Tarentino Principatu privaverit Simonem nothum filium Rogerii I. Regis, cui parens Principatum illum ex testamento concesserat, quod nempe nonnisi legitimi Regum filii dicendi essent vel Duces Apuliæ, vel Principes Capuæ, vel Principes Tarenti; nothis vero liberis nonnisi Comitis titulus deberetur, uti narrat Falcandus in Chronico. Et quidem tunc temporis, præter Regios liberos, nulli vocabantur Principes, aut Duces, sed Comites, etsi Regia cognatione vel stirpe emerent.

XIV. Normannis Regibus Svevi Imperatores successere, Henricus VI. Fridericus II. Corradus, Manfredus, hique pariter inscribebantur Reges Siciliæ, Ducatus Apuliæ, & Principatus Capuæ; tum etiam Reges Hierusalem, quod Jole filia Joannis de Brenna Regis Hierusalem, & uxor Friderici II. paterna in Hierosolimitanum imperium jura, viro communicasset; qui proinde Hierosolymam adiens, ibi anno 1229. die Paschatis unctus, coronatusque est. At Svevorum Principum filii nec Ducatus Apuliæ, neque Principatus Capuæ, aut Tarenti titulis ornati leguntur; excepto Mamfredo filio notho Friderici, cui Principatum Tarentinum contulit parens, quod illi simul essent Imperatores, Regesque Germaniæ, aliisque titulis liberos suos exornarent. Ita ex Friderici II. Imperatoris, Regisque Siciliæ filiis, Henricus dictus est Rex Germaniæ, Corradus dictus est Rex Romanorum, alter Henricus Rex Siciliæ: tum ex illius nothis, Entius Rex Sardinie, Fridericus Princeps Antiochiæ, Henricus Rex Corsicæ, Manfredus Princeps Tarenti, Richardus Comes Civitæ. Manfredum Svevorum Regum postremum, Carolus Andegavensis & imperio, & vita privavit, quum a Clemente IV. donatus est imperio Siciliæ citra & ultra Pharum, nonnullis statutis conditionibus, quæ tum apud nostrarum rerum Scriptores, tum in Anecdotis Martene, ubi etiam habetur Infeudatio facta a Pontifice, legi possunt. Sed invisum, infensumque Gallorum imperium Siculi anno 1271. excitata famosa seditione, insigni Gallorum clade excusserunt, accersito ad Regnum occupandum Petro Rege Aragonum, qui Constantiam duxerat Manfredi Regis filiam; neque umquam vel Romanorum Pontificum censuris, vel Caroli, & successorum Regum Andegavensium armis, in horum potestatem, ditionemque redigi potuere. Itaque Siciliam ultra Pharum Aragonii Reges administrarunt: qui tamen nec ipsi, neque eorum liberi dicti sunt, vel dici poterant Duces, aut Reges Apuliæ, vel Principes Capuæ: bene vero sibi addidere titulos Ducis Athenarum, & Neopatriæ. Ita Rogerius Manfredus, Wilhelmus, Joannes filii Friderici II. Regis, appellati fuero Athenarum Duces, Neopatriæ, & Randacii. Et Fridericus III. filius Petri Regis, antequam imperio potiretur, vocabatur Dux Athenarum & Neopatriæ; & Martinus Rex se inscribebat Regem Siciliæ, Ducatum Athenarum, & Neopatriæ Ducem, uti legitur apud Pirrum in Chronologia Regum Siciliæ. Imo Fridericus II. anno 1302, & Fridericus III. anno 1363. Reges Siciliæ

ul-

ultra Pharam, initio foedere cum Carolo II. & Joanna I. Neapolitanis Regibus convenire, ut non ipsi dicerentur Siliz Reges, sed Trinacriz, Neapolitanis vero Regibus Andegavenfibus haberet titulus Regis Siciliz. : XV. Quamobrem Andegavenfes Principes, etfi folam Apuliam, feu Neapolitanum Regnum adminiftrarent, adhuc nuncupabantur Reges Siciliz, Ducatus Apuliz, & Principatus Capuz, uti conftat ex plurimis eorum litteris relatis, tum a Neapolitanis Scriptoribus, tum a Martene in Anecdotis. Sed & Comites Forcalquerii, Provinciz, & aliarum in Gallia ditionum vocabantur; uti in quibufdam litteris Caroli I. datis anno 1270. Baillivo Andegavenfi tom. I. Anecd. Martene, is titulus occurrit: *Carolus Rex Hierufalem, Siciliz, Ducatus Apulia, Princeps Capua, Princeps Achaje, Andegavii, Provincia, Forcalquerii, Tormodori Comes*: & in pacto matrimonii inter Carolum Regem Aragonum, & Margaritam filiam Caroli II. Regis Siciliz, anno 1290. apud eundem Martene, is titulus legitur: *Carolus D. G. Rex Hierufalem, & Sicilia, Ducatus Apulia, Principatus Capua, Andegavia, Provincia, & Forcalquerii Comes*. Porro Caroli I. Andegavenfis primogenitus filius Carolus, dictus eft Salerni Princeps, isque defuncto patre imperium tenuit sub nomine Caroli II. Hujus filius natu major, Carolus Martellus coronatus eft Rex Hungariz anno 1290. die 8. Septembris, quod defuncto Ladislao Hungariz Rege, nulla fupervivente prole, Regnum materno jure ad illum perveniffet. Is tamen fupremum obiit anno 1301. Robertum Caroli II. alterum filium, heredem Regni, Ducem Calabriz nominarunt; tum Philippum alterum filium Principem Tarenti, Triftanum Principem Salerni, Joannem Principem Achaje, & Ducem Dyrrachii, Petrum Gravinez Comitem. Deinceps primogeniti filii noftrorum Principum, heredem Regni, infigniti fuere titulo Ducum Calabriz; uti Carolus Roberti Regis filius natu major, & eo mortuo, Andreas filius Caroli Humberti Regis Hungariz, filii Caroli Martelli; Ludovicus Tarentinus & Jacobus Aragonus ambo conjuges Joanne I. Reginz. At Ottoni Brunfuvicenfis, cui quarto nupfit Joanna Regina, Tarentini Principatus titulum, ditionemque conceffit. Quamobrem ubi Joanna I. Ludovicum Ducem Andegavensem adoptionis nomine fibi filium fuccefforemque declaravit, eundem conftituit Calabriz Ducem, ut eo titulo heredem Regni denotaret. Ita enim legitur in litteris adoptionis a Joanna I. datis anno 1380. relatis tom. I. Anecdotorum a Martene: *Nos itaque dictum Dominum Ludovicum Ducem, legitimum filium noftrum adoptivum, heredem, & fuccefforem noftrum poft tamen obitum noftrum, ut eft dignum, quem intra noftra precordia invenfa, & interna dilectione amplectimur, totis cupientes studiis profequi, privilegiis, libertatibus, titulis, prerogativis, dominationibus, dignitatibus, honoribus, & praeeminentiis, perinde ac fi nofter legitimus filius exiffetes naturalis, Ducatum Calabria, quem femper primogeniti Regni Sicilia, & futuri Reges habere confueverunt, & continue de eodem Ducatu fuerunt intitulati, & ipfius Ducatus Duces nominati, & appellati, in executionem, & demonftrationem clariorem, quod nos ipfum Dominum Ludovicum Ducem ex nunc habemus, tenemus, & reputamus noftrum legitimum adoptivum filium, & poft noftrum obitum heredem, & omnium fuccefforem, eidem Domino Ludovico &c. Tum ita defcribitur a Martene figillum, quo obfignatz erant Joanne litterz: *Scellé en las de foie cramoifi, & iaine en cire vermeille representant à un costé la Reine Jehanne fur son throsne, la**

cour-

couronne en teste, tenant de la main droit un sceptre; un haut duquel est une fleur de lis, & de la main gauche une boule dedit sceau semé de Croix, est de fleurs de lis, & autour est écrit: Johanna Dei gratia Regina Hierusalem, & Siciliæ, Ducatus Apuliæ, & cat. Et au contre-scel sont marquez cinq petits ecussons, un au milieu, un en haut, un en bas, & deux aux costez, lesquels ecussons sont semblables, & sont mi-partis de Hierusalem, & de Sicilie, & dans le dit contre-scel pour garnir, sont plusieurs las, dans lesquels sont figurez de lions, & des oiseaux, & au tour est écrit: Principatus: Capuæ, Provinciæ, Folcalquerii, ac Pedemontis Comitissæ. Le sceau a plus de trois pouces de diametre. Joannæ imperium, vitamque abstulit Carolus III. Dyrrhachinus, & huic in Hungaria interfecto, quo regnandi causa se contulerat, successere Ladislaus, & Joanna II. ejus filii; his vero extinctis, nulla edita prole, Neapolitanum Regnum cessit Alphonso Aragonum, & Siciliæ Regi, quem Joanna adoptivum filium constituerat. XVI. Nec Alphonso ulli fuere liberi, præter Ferdinandum ex illo legitimo conjugio procreatum; quem Regni hæredem, Ducemque Calabriæ declaravit anno 1443. in Comitibus Regni, & cui Proceres, Regulique fidelitatis sacramentum, hominumque persolverunt. Ritum quo Ferdinandus inauguratus est Dux Calabriæ indicat Summontius lib. 5. Hist. Neap. his verbis: *Nel seguente giorno, che fu la Domenica a' tre dell' istesso (Marzo) il Re con il figliuolo dal Baronaggio accompagnato, conferìrosi nella Chiesa delle Monache di S. Ligorio diede a D. Ferrante l' insegna del Ducato di Calabria, ponendoli il cerchio d' oro nel capo, e la spada guarnita di gioie nella man destra, confirmandolo Duca di Calabria, e suo successor nel Regno, faccendone celebrare publico instrumento.* Porro Rex Alphonfus hisce titulis se inscribebat: *Alphonfus Dei Gratia Rex Aragonum, Siciliæ citra, & ultra Phavum, Valentia, Hierusalem, Hungaria, Majoricarum, Sardinia, Corsica, Comes Barchiona, Dux Athenarum, & Neopatria; ac etiam Comes Rossilonis.* At Ferdinandus Alphonfi filius nuncupabatur Rex Siciliæ, Hierusalem, & Hungariæ: & Alphonfus illius filius natu major, dicebatur Dux Calabriæ. Pariter hoc titulo donatus est Ferdinandus II. primogenitus Alphonfi Regis, illumque Pontifex Alexander VI. anno 1494. constituit Calabriæ Ducem, tradito ense, & galero, uti narrat Summontius lib. 6. Hist. Neap. *Ma prima che il Papa desse licenza al Duca, avendo nella mattina di Natale celebrata la Messa nella sua Cappella, chiamò a se il Duca, e li pose in testa una biretta di velluto fodrata di vajo, con un rivoltò dell' istesso vajo, e li cinse la spada investendolo del Ducato di Calabria per farlo legittimo successore del Regno.* Sed Brochartus in suis Diariis manuscriptis non meminit hujus concessæ investituræ, etsi innuat enslem benedictum illi traditum; addit ab Urbe recessisse associatum ad portam usque a duobus Cardinalibus simul cum eo equitantibus, uti etiam Urbem adiens exceptus fuerat. Jam vero ex his patet, sub Normannis, primogenitos nostrorum Regum filios dictos fuisse Duces Apuliæ; at sub Andegavensibus, & Aragoniis Duces Calabriæ; & hinc insignis Jurisconsultus Andreas Æterniensis scribit: *Primogenitus Regis dicitur a Re investitus de regione illa, & habere eam in feudum.* Quare Neapolitano Regno ad Hispanos Reges translato, Principes Asturicensium dicebantur quoque Duces Calabriæ, uti notat Auctor Hist. Civil. Neapolitanæ, quod hujus etiam Regni essent hæredes, & successores. CA-



CAPUT X.

DE NUPTIIS REGUM.

Regum Conjugia celebrari solent in Capella Palatina . II. Ordo benedicendi Nuptias in Aula Imperatorum Germanorum . III. Et in Aula Regum Gallia . IV. Vel si matrimonia fuerint alibi per procuratorem celebrata . V. Expenduntur nonnulli ritus nuptiales Aula Gallicana . VI. De Conjugiis in Aula Regum Hispania . VII. Et in Aula Regum Lusitania . VIII. De iisdem in Aula Regum Neapolitanorum . IX. Ordo celebrandi Nuptias , regnantibus Aragoniis . X. Rursus is Ordo describitur sub iisdem Regibus . XI. Et ritus benedictionis Nuptiarum in solempni Liturgia . XII. De felicissimis Conjugiis CAROLI BORBONII & MARIE AMALIÆ de Saxonia : FERDINANDI IV. & MARIE CAROLINÆ AUSTRIACÆ Regum utriusque Sicilia .

Christianorum matrimonia , publico in loco , & in Ecclesia , a primis Ecclesiæ sæculis celebrata fuisse indicat Tertullianus in libro de Monogamia scribens , ea fieri debere coram Episcopo , Presbyteris , Diaconis , intervenientibus etiam in Ecclesia viduis . Hinc vetusti Rituales libri , & antiqua Sacramentaria ad nuptias ineundas exhibent Missam pro sponso , & sponsa celebrandam , & benedictionem dandam in Ecclesia a proprio Sacerdote ; quamvis in ædibus conjugum thalamo adstantium , quandoque solemnis nuptiarum benedictio fuerit celebrata . Et notat eruditissimus Martene lib. 1. cap. 9. art. 5. de antiq. Eccl. rit. vetitum aliquando fuisse sub anathematis poena Matrimonium in privatis Oratoriis celebrare , uti constat ex Statutis Guillelmi majoris Episcopi Andegavenis , & Tristandi Archiepiscopi in Synodo Senonensi , quæ existant in Spicilegio Dacheriano . At ex antiquissimo more Conjugia Regum benedici consueverunt in eorum Oratoriis Palatinis . Ita Joannes Patriarcha Constantinopolitanus ab Imperatore Mauritio rogatus , ejus benedixit nuptias in Palatio , uti testatur Theophylactus Simocata lib. 1. Hist. Mauricianæ : & Theophanes narrat in Domo Marinæ Angustæ celebratas fuisse nuptias Dementiæ filia Phocæ Imperatoris cum Prisco Patritio . Idem Theophanes lib. 4. n. 35. testis est , in Oratorio Palatino Deiparæ Phari a Michaelæ Imperatore constructo , sæpe sanctificata fuisse Imperialia conjugia . Eundem viguisse morem apud nostros Sicilia Reges , indicat Romualdus Guarna Archiepiscopus Salernitanus , auctor cœvus in Chronico rerum a Normanhis gestarum edito tom. 1. Script. Ital. Muratorii , ubi narrat Guillelmo II. Sicilia Regi desponsatam Joannam filiam Henrici Regis Anglorum in Capella Palatina Panormitana : *Convocatis autem* , ait , *Rex Guillelmus Proceribus Sicilia , & magna populi multitudinem , prænominatam filiam Regis Angliæ in Capella sua desponsavit , & se , & eam glo-*
riose

riose coronari fecit, & solennes de illa nuptias celebravit. Non raro tamen in Ecclesia metropolitana Regales nuptiæ consecrabantur, quemadmodum de Blanca filia Caroli Regis Navarræ desponsata Regi Martino I. juniore constat ex monumento quodam edito ab Amato lib. 13. cap. 1. de princ. Temp. Pan. ubi: *Providus Notarius Urbanus de Simbaldinis testis juratus, & interrogatus dixit, quod cum Serenissima Regina Blanca bonæ memoriæ esset æquæ, induta regalibus, & solemnibus indumentis, ante januam cortilis hospitii magni regii, olim de Claromonte, causa eundi ad majorem Panormitanam Ecclesiam ad se desponsandam cum Serenissimo R. Martino felicis memoriæ, olim Rege Sicilia, & ibidem convenissent, & essent nonnulli Nobiles tam felicis Urbis Panormi, quem nobiles civitatis Messanæ, seu Ambaxiadores ipsius civitatis, orta esset inter eos disceptatio, & altercatio magna, quis eorum ducere debebat curdonem habenarum equitaturæ Domine Reginæ a parte dextera: insistebant enim Ambaxiadores civitatis Messanæ asserentes ad eos spectare partem dexteram: Officiales vero dictæ urbis repugnabant, dicentes, ad eos dictam partem dexteram spectare, ex eo quia representabant universitatem dictæ urbis, tamquam caput regni Siciliae, & altercato per magnum spatium inter eos, fuit finaliter conclusum, & deliberatum per sacrum regium concilium dicti D. Regis Martini, quod Officiales universitatis dictæ urbis, quæ est caput regni, deberent ire ex parte dextera, & dicti nobiles Ambaxiadores Messanenenses ex parte sinistra, & sic actum extitit. Inde patet, quæ pompa Siculæ Reginæ ad nuptias ducerentur. Pariter Neapolitanorum Regum conjugia, etsi aliquando in Ecclesia metropolitana, uti anno 1477. matrimonium Joannæ Aragoniæ cum Ferdinando I. Rege; aut in Ecclesia Sanctæ Mariæ Coronatæ, ubi Alphonsus Dux Calabriæ nupsit Hippolitæ Sfortiæ Mediolanensium Ducis filiæ; tamen sapissime in Capella Palatina celebrata fuere. Jacobum enim Comitem Marchiensem in Arce nova, benedicto, traditoque anulo, uxorem duxisse Joannam II. Reginam, testantur Diaria Neapolitana tom. 21. Script. Ital. Muratorii. Conjugium inter Sanciam Aragoniam Alphonsi II. filiam, & Joffredum Borgiam nepotem Alexandri VI. in Capella Palatina celebratum describit Brochartus in suis Diariis manuscriptis. Et ita rem ut plurimum se habuisse, indicant nostrarum rerum Scriptores, ubi referunt, in Arce nova, quæ fuit Regum domicilium, acta esse Regia conjugia. Quin & Principum Regiæ stirpis nuptiæ ibidem benedici consueverunt. Narrat enim Dominicus Gravinensis in Chronico rerum in Apulia gestarum tom. 11. Script. Ital. Muratorii, Joannam I. Reginam optasse, ut matrimonium inter Mariam forem suam, & Carolum Ducem Dyrrhachii, quod Agnes Caroli mater, infcia Regina, spe assequendi Regni conciliaverat, in Capella Palatina Arcis novæ celebraretur; ut ea occasione conjugem Arcem ingressum in carcerem conjiceret, infensasque nuptias irritas redderet: cujus rei Carolus conscius factus abstinuit ab Arcis ingressu, initoque in Capella sua conjugio, Reginæ infidias evasit. Nunc de ordine agendum est celebrandi conjugia in Aulis Principum.*

II. Constat ex monumentis a Dumontio, & Rossetio prolatis in Cæremoniali Imperii lib. 1. cap. 2. Aprocrisiarium Romani Pontificis anno 1673. nuptias benedixisse Leopoldi Imperatoris & Claudiæ Felicitæ Austriacæ in Ecclesia Jesuitarum Graciacensi: Episcopum vero Rhegiensem anno 1699. nuptialem benedictionem Josepho Regi Romano-

manorum, & Willelminæ Amaliæ de Luneburgo in Capella Palatina Ducis Mutiunensium contulisse : Cardinalem denique de Saxe-zeits anno 1708. in Schombrunensi Ecclesia Sanctæ Mariæ de Hit-zingen sacro eodem functum esse ministerio in conjugio Caroli Regis Romanorum, & Elisabethæ Cristinæ de Wolfembutel, quæ deinde Barcinonem adiens, ubi Carolus conjux morabatur, rursus benedictione Ecclesiæ donata est in Cathedrali Barcinonensi. At Maria Tereſia Caroli VI. Imperatoris filia, deinde Imperatrix gloriosissima, desponsata fuit Francisco II. Duci Lotharingiæ in Imperiali Ecclesia Viennensi Augustinianorum Discealceatorum, die 12. Februarii, anno 1736. hoc quidem ritu. Ad vesperam illius diei, Imperator cum universo Aulico comitatu, sponsa media inter Imperatricem Amaliam de Luneburgo Josephi Imperatoris viduam, & Elisabetham de Wolfembutel Caroli VI. conjugem, ad Ecclesiam accessere; ad cujus fores ab Apocrisiario Pontificio Crux illis est exhibita, ut eam oscularentur. Tum primo quidem ad Sacellum Sanctæ Mariæ Lauretanæ, decantatis Litaniis, mox ad Aram principem, sedentibus Imperatore, Imperatricibus, & sponſis, lectæ sunt a Parocho Aulæ Imperialis litteræ Pontificiæ: iisque lectis, consueto Ecclesiæ ritu, Apocrisiarius Pontificius sponſos matrimonii vinculo conjuxit; tandemque Hymno gratiarum actionis solemniter a Musicis Aulæ Imperialis decantato, absoluta est cæremonia. Sequenti vero die, Imperator, Imperatrices, conjugesque ad eandem Imperialem Ecclesiam rediere, ut Sacro adessent, quod ab eodem Apocrisiario Pontificio peractum est, assistentibus Parocho, & Capellanis omnibus Aulicis: disſtoque Hymno *Gloria in excelsis*, Psalmum *Beati omnes* modis musicis Cantores Aulæ Imperialis subjunxerunt. Ad Oblationem, uterque conjux, flexis ad Altare genibus, osculata sacra Patena ab Antistite porrecta, nummos quosdam aureos obtulit. Ad Orationem Dominicam, rursus accessere ad Altare, Antistitesque super eos recitavit consuetam Ecclesiæ orationem. Tandem ad Missæ finem, denuo Altare adeuntibus, recitata est ab Antistite oratio *Deus Abraham &c.* conjugesque adpersit aqua benedicta.

III. Describit Gothofredus in Cæremoniali Galliæ ordinem, quo initia fuere conjugia anno 1558. Francisci Delphini filii Henrici II. Galliæ Regis, cum Maria Stuarda Scotorum Regina; & eodem anno, Claudiæ ejusdem Regis filiæ, cum Carolo II. Duce Lotharingiæ; tum anno 1559. Elisabethæ pariter Henrici II. filiæ, cum Philippo II. Hispaniæ Rege; & anno 1572. Henrici IV. Galliæ Regis, cum Margarita sorere Caroli IX. itidem Regis Francorum. Regias hæc nuptias Cardinalis Borbonius Pontificalibus indutus insignibus conciliavit ad valvas Ecclesiæ metropolitane Parisiensis, excitato ibi amplo, & sublimi tabulato ad sacram cæremoniam peragendam; qua finita, conjuges, Rex, cum magno Principum, Præſulum, Oratorum, atque Aulicorum comitatu Ecclesiam ingressi, Sacro adſuerunt celebrato ab Episcopo Parisiensi, dum interim Feciales, projectis in populum nummis, pluries acclamarent *Largesse*. Nunc vero plerumque in Capella Palatina, Regia conjugia a Magno Eleemosynario benedicuntur, qui idem in cubiculo Regis adesse solet sponſalibus Regiis conciliandis. Ita in Capella Palatina Versaliarum, anno 1607. Cardinalis Coislinus Primus Eleemosynarius Regis benedixit Philippi Borbonii Ducis Burgundiæ, Ludovici XIV. filii, cum Maria Adelaïda Sabauda nuptias. Ibidem anno 1684. a Cardinali Buillonio Magno

Eleemosynario, Anna filia Ducis Aurelianensium nupta est Victorio Amedeo Duci Sabaudiae, cuius vires agebat unus e Regiae stirpis Principibus. Ibi etiam, anno 1698. Cardinalis Coislinus Primus Eleemosynarius sacrum egit ministerium, ut Leopoldi I. Ducis Lotharingae, & Carlottæ Elisabethæ Aurelianensis matrimonium conciliaret. Maria Ludovica filia Ducis Aurelianensium nupsit Carolo II. Hispaniae Regi, anno 1679. in Capella Palatina Fontis-bellaquei, Cardinali Bullionio Magno Eleemosynario sacris operante; qui primum benedixit anulum, tum tredecim nummos donandos sponsæ, deinde Sacrum celebravit. Evangelii, & pacis osculum Episcopus Aurelianensis Primus Eleemosynarius, una cum Episcopo, qui ministrabat Antistiti Sacrum facienti, præbere Regi, Reginae Galliae, & Reginae Hispaniae. Absoluto Sacro, accepta benedictione, osculatis sacris Corporalibus, subsignato libro, ubi recensentur initia conjugia, juratum fuit a Rege sædus Noviomagi firmatum cum Hispanis, ultimo decantatus est Hymnus gratiarum actionis. Verum Ludovicus XIV. nupsit Mariae Terefiæ, filiae Hispaniae Regis, in Ecclesia S. Joannis de Luz, quo se contulerat, ut conjugi ex Hispania venienti occurreret. Sacro functus est ministerio Episcopus Bajonensis; atque Cardinalis Mazarinus vires agens Magni Eleemosynarii exhibuit Regi ad Liturgiam Evangeliorum librum, & osculum pacis.

IV. Quandoque tamen Regum Galliae conjugia alibi per procuratorem celebrantur; sed ubi Regalis conjux Galliam, Regemque conjugem adierit, rursus precibus, & benedictione Ecclesiae sanctificatur. Nam ex Gothofredo in Cæremoniali Galliae constat, Elisabetham filiam Maximiliani II. Imperatoris, anno 1570. in Cathedrali Spirensi ab Archiepiscopo Moguntino desponsatam Carolo IX. Galliae Regi; & Mariam Mediceam anno 1600. Florentiae, a Cardinali Aldobrandino Legato Pontificio desponsatam Henrico IV. Galliae Regi, deinde in Gallia, simul cum conjuge, audita Liturgia, benedictionem nuptialem accepisse. Eodem modo res se habuit in nuptiis gloriosissimi Regis Ludovici XV. & Mariae Lenszinski filiae Stanislae Regis, quas describunt Dumontius, & Rossuetius in Cæremoniali Galliae. Siquidem primo in Cathedrali Argentoratensi, die 15. Augusti, anno 1725. Cardinalis Rhoanus illius civitatis Episcopus, & Magnus Eleemosynarius hæc nuptias conciliavit, anulum benedixit, atque tredecim nummos juxta morem Gallorum, vires Regis agente Duce Aurelianensium. Postquam vero Regina ad Fontem-bellaqueum pervenit, nuptialem benedictionem accepere Regales conjuges in Capella Palatina ab eodem Magno Eleemosynario, & hoc quidem ritu. Capellam Palatinam Regales conjuges, præeunte universo Aulico comitatu, ingressi, Solium conscenderunt, ibique procubuerunt in genua; prope eos aderant Principes Regiae stirpis, Magnates Regni, & Matronæ Aulicæ; adhaerebat Regi ejus Confessarius: prope Aram aderant omnes Eleemosynarii Regii, & primo inter eos loco Episcopus Metensis Primus Eleemosynarius. Tum Magnus Eleemosynarius Pontificalibus indutus ornamentis, medius inter Episcopos Sueffionensem, & Vivariensem, qui Diaconi, & Subdiaconi munereungebantur, e Sacrario progressus ad Altare, salutisque Altari, Rege, & Regina, conscendit supremum Altaris gradum, stetitque versus ad Regem. Adhæc Regales conjuges, monente Magno cæremoniarum Præfecto, ad Altare accesserunt, comitantibus eos Principibus Regiae stirpis. Ubi brevem ad eosdem habuit concionem,

nein, tum benedictionem contulit nuptialem. Quo facto, reversi sunt ad Solium, flexisque genibus, illuc una cum Ministris accessit Antistes, ut Regales conjuges adaspergeret aqua benedicta. Inde Sacrum solemni ritu inchoavit; lectoque Evangelio, Episcopus Sueffionensis, qui Diaconum agebat, sacrum Codicem primo Celebranti, deinde una cum Episcopo Metensi Primo Eleemosynario, præbuit Regi deosculandum. Ad Offertorium Rex primam, deinde Regina, flexis ad Altare, genibus, singuli obtulere cereum, cui affixi erant viginti aurei nummi, vulgo *Luigi*; & quidem cereum Regis Princeps Regiæ stirpis, cereum Reginæ Matrona pariter Regiæ stirpis detulerant. Dicta Oratione Dominica, Regales conjuges, monente ceremoniarum Præfecto, rursus ad Altare procubuerunt, & dum ab Antistite consuetæ recitabantur preces ad benedicendas nuptias, Episcopus Metensis Primus Eleemosynarius Regis, & Episcopus Foro-Julienensis Magnus Eleemosynarius Reginæ fulciebant velum super conjuges expansum. Nam spectat ad Regios Eleemosynarios id munus in Regiis conjugii; uti in nuptiis Ludovici XIV. ab Episcopo Lingonensi, & alio Eleemosynario; & in nuptiis Delphini illius filii cum Maria Victoria Bavara, anno 1680. ab Episcopis Aurelianensi, & Condomensi; & in aliis Regiis conjugii factum legitur apud Dumontium, & Rossuetium. Pacem ad Liturgiani præbueri Regiis sponsis Episcopus Vivariensis Subdiaconum agens, & Episcopus Metensis Primus Eleemosynarius. Peracto Sacro, Antistes adperfit conjuges sacra aqua, eisdem donavit benedictione, tum sacra Corporalia illi obtulit deosculanda. Mox ad eos Solio insidentes accessit Parochus Fontisbellaquei librum deferens, ubi inita conjugia recensentur: hunc vero librum Magnus Eleemosynarius, & calamus sponsis porrexit, ut manu sua subsignarent: post Regem, & Reginam, omnes Principes Regiæ stirpis subsignarunt, præbente eis calamum uno ex Regiis Eleemosynariis. Dum vero hæc agerentur, distribuebantur a Facialibus in populum numismata. Tandem habita ab Antistite brevi concione, decantatus est Hymnus gratiarum actionis a Cantoribus Capellæ Regalis.

V. Itaque in Aula Regum Galliæ, primum Sponsalia in cubiculo Regis contrahuntur præfente Magno Eleemosynario, tum in Capella Palatina ab eodem Pontificalibus induto ornamentis Sacrum celebratur, anulus, & tredecim aurei nummi benedicuntur sponsæ concedendi; & nuptialis benedictio administratur; Regales conjuges cereis affixos aureos nummos offerunt Antistiti, velo teguntur a duobus Eleemosynariis expanso, librum conjugatorum subsignant, & a Facialibus numismata distribuuntur. Sponsalia, uti observat Martene Lib. 1. de antiq. Eccl. rit. cap. 9. olim fieri solebant publice, coram testibus, & Parocho, qui ipsas matrimoniales tabulas subsignabat. Juxta hunc antiquissimum morem, in Aula Regum Galliæ nunc temporis Sponsalia in cubiculo Regis conciliantur coram Magno Eleemosynario Rochetto induto, quemadmodum in nuptiis Mariæ Ludovicæ Aurelianensis cum Carolo II. Hispaniæ Rege anno 1679. & Carlottæ Elisabethæ pariter Aurelianensis cum Leopoldo I. Duce Lotharingiæ anno 1698. a Cardinali Coislino Magno Eleemosynario; & in nuptiis Annæ Aurilianensis cum Victorio Amedeo Duce Sabaudie anno 1684. a Cardinali Bullovio factum referunt in Ceremoniali Galliæ Dumontius, & Rossuetius. Narrat quoque Gothofredus in Ceremoniali Galliæ, in

nuptiis Catharinæ sororis Henrici IV. cum Duce Lotharingæ, Cardinalem Bullonium exoptasse, ut non in Ædibus Regiis, sed in Ecclesia, sacra hæc cœremonia absolveretur, affirmasse e contra Regem, *que sa presence valoit bien une Eglise*. Tum etiam mos est in Gallia, ut Magnus Eleemosynarius, peracto sacro ministro, librum a Parocho delatum, ubi conjugia omnia recensentur, subscribat. Illud notandum est, Parochum nempe Versaliarum, vel Fontisbellaquei, aut illius loci, in quo hujusmodi Regia conjugia celebrantur, adesse stola Sacerdotali indutum, etsi in Capella Palatina, & a Magno Eleemosynario sacrum agatur ministerium, uti referunt in Cœremoniali Galliz lib. 2. cap. 3. Dumontius, & Rosuetius. Et id quidem antea inusitatum, tunc primum obtinuit, cum in Capella Palatina Parisiensi, anno 1641. Cardinalis Richielius neptem suam Ludovico Borbonio desponsavit; veritus, ne ipso e vivis sublato, hujusmodi matrimonium irritum fieret prætextu aliquo, eo præsertim, quod sine præsentia Parochi juxta Tridentini decreta fuisset celebratum. Hinc Parochum loci præsentem voluit sacre cœremoniz, etsi antea nulla fuisset Parocho jurisdictio in Capella Regis: exinde ille mos invaluit, ut frustra Cardinalis Antonius Barberinus Magnus Eleemosynarius illi abrogando operam dederit. Mos vero ille benedicendi tredecim aureos nummos simul cum anulo, qui sponsæ a sponso conceduntur, vetustissimam habet originem. Nam antiqui Galli per solidum & denarium secundum Legem Salicam sponsalia celebrabant. Hinc apud Fredegarium cap. 18. de missis ad Gundebaldum Burgundionum Regem pro petenda Chlodoveo Regi Coltilde uxore legitur: *Legati offerentes solidum & denarium, ut mos erat Francorum, eam paribus Chlodovei desponsant*. Et Martene testis est, adhuc pluribus in locis superesse vestigium antiquæ hujus consuetudinis, ubi sponsus contrahendo matrimonium aliquam pecuniæ summam sponsæ tribuit; atque in Rituali Remensi anno 1585. præferibi, ut Sacerdos anulum benedicturus, tredecim postulet denarios, quorum tres concedebantur sponsæ, simul cum anulo, in signum traditi ei domini corporis, & bonorum sponsi, reliqui verò decem Sacerdoti donabantur. Addit, denarios illos, non ex quavis communi moneta assuntos, sed ad hunc singularem usum præsertim cufos fuisse.

VI. In Aula Regum Hispaniz, Magnum Capellanum, vel per se, vel per alium, Regalibus nuptiis benedictionem Ecclesiæ impendere posse, probant privilegia plurima a Romanis Pontificibus concessa, quæ Capite quarto hujus libri retulimus. Plerumque tamen Regales feminæ Hispaniz Regibus, aut Principibus desponsatæ, sacra cœremonia matrimonio copulantur, antequam ad Hispaniam, Regiumque conjugem pervenerint. Ita Elisabetha filia Henrici II. Galliz Regis, Philippo II. Hispaniz Regi nuptui tradita, anno 1559. benedictionem nuptialem accepit Lutetiz Parisiorum, ad valvas Metropolitanz Ecclesiæ, vices Catholici Regis agente Duce Albano; cuius cœremoniz ordinem, & pompam suse describunt Gothofredus in Cœremoniali Galliz, & Franciscus Modius tom. 1. Pandectarum triumphalium. Pariter conjugium Mariæ filiz Ducis Aurelianensium cum Carolo II. Hispaniz Rege 1679. in Capella Palatina Fontisbellaquei celebratum est, Cardinali Buillonio Magno Eleemosynario sacrum ministerium, & Principe Contiaci vices Regis Catholici, agentibus; & huic celebritati interfuere Cardinalis Bonzi Magnus Eleemosynarius Re-

Reginz, Episcopus Aurelianensis Primus Eleemosynarius, cæterique Regique Eleemosynarii. Verum Philippus V. gloriosissimus Rex Hispaniz, anno 1701. Mariam Adelaidam Sabaudam duxit uxorem in Barcinonensi Ecclesia Sanctæ Mariæ majoris, uti legitur in Cæremoniâ Hispaniz edito a Dumontio, & Kossuetio. Ibidem describitur ordo, quo eidem Philippo V. Regi nupsit Inclyta, & Clementissima Elisabetha Farnesia, anno 1714. die 16. Septembris, in Cathedrali Parmensi, vices Regis agente Duce Parmensium. Felicissimis hisce nuptiis, unde tot, & tanta in nos, & Italiam universam commoda derivarunt, e quibus nata soboles Carolus gloriosissimus Rex utriusque Siciliz, nunc Hispaniz, Philippus Dux Parmæ, & Ludovicus, Principes pietate, virtute, clementia præstantissimi, contulit benedictionem Ecclesiæ Cardinalis Gozzadinus Pontificius Legatus. Sedentibus itaque in Solio Duce Parmensium procuratore Regis Catholici, & ad ejus sinistram Serenissima Sponsa, lætæ primum fuere a Ludovico Anguisola Vicelegato Urbini Pontificiæ literæ, quibus veniam faciebat Pontifex impedimenti cognationis, quod inter conjuges intercedebat, tum a Gerardo Giandemaria Vicelegato Ferrariæ lætæ sunt Catholici Regis literæ, quibus in ineundo conjugio vices suas demandabat Duci Parmensium. His lætis, Legatus Pontificius, consueto ritu, nuptias benedixit, tum Hymno gratiarum actionis Deo grates reddidit, quod tam faustum, dignumque matrimonium conciliaisset. Tandem a Pontificio Legato donata est nomine Romani Pontificis Serenissima Sponsa Rosa aurea benedicta, quam illa eidem Ecclesiæ dono dedit. Matrimonium Serenissimi Principis Philippi Borbonii, deinde Parmæ & Placentiæ Ducis, cum Ludovica Elisabetha Ludovici XV. gloriosissimi Galliæ Regis filia, die 25. Augusti, anno 1739. in Capella Palatina Versaliensi, quo ritu peractum sit, legitur in Historia illius anni, Amfledodami, & Venetiis edita, ex qua constat, sponsalia primum inita in ipso Regis conclavi, præsentibus Rege, Regina, Principibus Regiæ stirpis, ac Serenissimi Sponsi vices agente Aurelianensium Duce; matrimonii tabulas lætas, subscriptasque; tum Cardinalem Rohanum Magnum Eleemosynarium ea precibus, & benedictione sanctificasse. Sequenti die celebratum in Capella Regia Conjugium his verbis describitur;

Il dì 26. giorno del maritaggio, il Re con tutta la sopraccennata comitiva portossi nella Capella del Castello: dove si erano già raunati gli Ambasciatori, e Ministri esteri colle persone più riguardevoli della Corte. Quivi andò la Sposa ad inginocchiarsi sopra i gradini, per li quali si sale al Santuario, & il Duca d'Orleans inginocchiossi alla sua dritta. Uscito allora dalla Sacrestia il medesimo Cardinale salì all' Altare, al quale s' avvicinarono il Re, la Regina, il Delfino, e le Madame Reali, con la Sposa, ed il Duca d'Orleans; e vicino a questi restò ancora il Marchese de las Minas per esser testimonio del maritaggio. Il Cardinale cominciò la funzione con benedire tredici pezzette d'oro, e un anello, consegnando e quelle, e questo al Duca d'Orleans, il quale pose l' anello nel quarto dito della mano sinistra di Madama la Sposa, e le diede le tredici pezzette d'oro in fede del maritaggio in nome del Principe D. Filippo. Allorchè il Cardinale domandò al Duca, se come procuratore di D. Filippo Infante di Spagna prendeva per sua legittima consorte Madama Luisa Elisabetta di Francia, il Duca si volse dalla parte del Re, e chinossigli profondamente. La Sposa parimente non diede risposta del suo assenso, se non dopo aver avuto perm-

missione di rispondere dalla Regina. Compiute le formalità del maritaggio, e ricevuta da Madama, e dal Duca la Nuzial benedizione; il Cardinal di Roano cominciò la Messa: Dopo l' Offertorio la Sposa andò all' offerta; e poscia il Duca. Alla fine del Pater due Limosini del Re distesero sopra la testa della Sposa, e del Duca un Vello di broccato d' argento, e non ne lo tolsero, se non dappoi che furono dal Cardinale compiute le consuete orazioni. Finita la Messa il Cardinale avvicinatosi all' inginocchiato del Re, e della Regina presentò loro li Registri de' maritaggi della Parrocchia, e fu sotto scritto questo di Madama dalla mano di Sua Maestà. Conjugium Mariæ Teresiæ Hispaniarum Infantis cum Delphino Ludovici XV. filio anno 1745. die 18. Decembris, Matriti in Regiis Aedibus initum fuit: tum die 23. Februarii, in Capella Palatina Versaliensi, Cardinalis Rohanius Magnus Eleemosynarius Regales Conjuges donavit Ecclesiæ benedictione.

VII. Quoad conjugia Lusitanorum Principum, mos est, ut cum primum Regales feminae Lusitanis Regibus desponsatae ad conjugis Aulam perveniunt, ibi benedictionem nuptialem accipiant a Magno Capellano in Ecclesia ut plurimum Palatina. Ita Maria Francisca Elisabetha de Sabaudia Alphonso VI. Portugalliae Regi desponsata fuit anno 1666. Rupellæ in Gallia ab Episcopo Laudunensi; vicesque Regis egit Marchio de Sande illius Orator. Ubi vero Lusitaniam apulit, in Ecclesia quadam Monialium S. Clarae prope Ulyssiponem una cum Rege conjugē sub umbella excepta, decantato solemniter Hymno gratiarum actionis, benedictione nuptiali donata est ab Episcopo Targensi, Magno Capellano, & electo Episcopo Lamacensi. Quod quidem conjugium infeliciter cessit: siquidem anno 1668. ex sententia Curiae Archiepiscopalis Ulyssiponensis irritum, nullumque habitum est; ut proinde illa Petro Principi, Alphonso Regis fratri, cui Lusitani Ordines imperium commiserant, nupserit; obtenta relaxatione impedimenti publicae honestatis a Cardinali Vindocinensi Legato Clementis IX. Atque hæc omnia rata habuit Pontifex, ad quem illa Franciscum de Villes e Societate Jesu Confessarium suum transfugerat, datis litteris Supremo in Lusitania Fidei Vindici, aliisque nonnullis Præsulibus, ut rem hanc discuterent, ac sententiam dicerent. Has vero nuptias, die 2. Aprilis, anno 1668. in Oratorio Palatino conciliavit Targensis Episcopus Magnus Capellanus. Deinde anno 1684. Maria Francisca de Sabaudia e vivis sublata est; atque Petrus II. Rex Portugalliae anno 1687. secundas iniit nuptias cum Maria Sofia de Neoburgo Palatini Electoris filia. Hæc sponsalia in Capella Electorali Hildebergæ celebrata sunt, ministrante rem sacram Episcopo Spirensi Coadjutore, & vices Lusitani Regis agente ipse Oratore: tum in Aula Ulyssiponensi, & in Ecclesia Palatina Magnus Capellanus Regiis sponsis contulit benedictionem nuptialem. E Petri II. & Mariæ Franciscae de Sabaudia conjugio Elisabetha Ludovica filia Victorio Amedeo Sabaudiae Duci nuptum danda erat; postquam a Comitibus generalibus Regni, venia facta esset illarum legum, quæ Regales feminas imperii Lusitani hæredes prohibent cum exteris Principibus in matrimonium collocari. Et eam ob rem Dux Sabaudus Ulyssiponem ablegaverat Carolum d' Este Marchionem Ornani Oratorem suum, qui vice sua promissis fidem obligaret: Iste anno 1682. in Aula Ulyssiponensi, Principe, & ejus conjugē sub umbella sedentibus, adstante universo Aulico comitatu, postquam ab Episcopo Em-

ma-

manuele Pereira, qui Regis erat a summis imperii negotiis, recitate essent matrimoniales Tabulæ, juravit tactis Evangeliiis, flexisque genibus, se Infantem uxorem ducturum, & inita pacta servaturum. Deinde simile sacramentum, eodemque ritu, Dux Cadavalensis ipsius Infantis nomine exhibuit. Verum hæ nuptiæ irritæ fuere; illaque anno 1690. obiit innupta. Petri II. Regis, & Mariæ Sofiæ de Neoburgo Reginæ Joannes V. filius, deinde Fidelissimus Rex Lusitanie, anno 1708. die 9. Julii, Mariam Annam Austriacam Leopoldi Imperatoris filiam duxit uxorem: hæque felicissimæ nuptias primum in Germania in Pago quodam prope Viennam Cardinalis de Saxonia-Zeits conciliavit; vicesque Lusitani Regis obivit Imperator; tum in Lusitania, consuets Ecclesiæ precibus, benedixit in Ecclesia Palatina Nunus da Cunha de Ataida Magnus Capellanus. Inde præclarissima soboles ad Lusitani, & Hispani imperii felicitatem nata, Maria Barbara Xaveria, quæ anno 1728. Ferdinando Principi Asturicensium, postea pio Hispaniæ Regi nupsit; & Joseph Princeps Brasiliensium, qui eodem anno Mariam Annam Victoriæ Philippi V. Hispaniæ Regis filiam, sororemque CAROLI BORBONII Regis utriusque Siciliæ duxit uxorem. Porro Serenissimæ Infantis Mariæ Barbaræ Xaveriæ sponsalia cum Ferdinando Principe Asturicensium, qui vices suas Lusitano Regi demandaverat, in Patriarchali Ecclesia Ulyssiponensi magnis solemnibus inita sunt, Patriarcha Sacris operante, Rege cum Oratoribus Principum, Magnatibus Aulæ, Regisque Infantibus præseste; sacraque caremonia absoluta est Hymno gratiarum actionis, & data benedictione a Patriarcha. Pariter Hispana Infans Madriti in Ecclesia Palatina Brasiliensium Principem sibi matrimonio conjunxerat. Deinde anno 1729. uterque Rex cum Regia familia, Regisque sponsis ad utriusque imperii confinium accessere; quo pariter Ulyssiponensis Patriarcha cum nonnullis amplissimi Patriarchalis Collegii Prælati, quos Principales vocant, se contulit, ut Regis conjugibus benedictionem Ecclesiæ administraret. Totum rei gestæ ordinem fusc describit Antonius Cajetanus Sousa lib. 8. Hist. Reg. Lusit. cap. 6. pag. 275. & seq. narratque Serenissimos conjuges in Ecclesia Helvarum sub umbellâ exceptos accepisse a Patriarcha nuptialem benedictionem.

VIII. Quanta olim magnificentia, Neapolitanorum Regum nuptiæ celebrarentur, testis est Pontanus lib. de magnific. cap. 16. scribens: *Neapolitanorum Rex Ferdinandus in Hippoliæ Mariæ nurus, & Alphonsi filii nuptiis, Principes, ac populos Italia omnes ad eas invitavit, missi ab iis Oratores singulari comitate accepti. Ludi plurimis diebus editi, orchestris, ac gradibus ad spectandum magnis sumptibus dispositis, iisque partim purpura, ac serico, partim variato panno interitis, equestres concuriones magno apparatu hominum, atque eorum faste. Epulæ lautissimæ, ac largissimæ præbitæ. Quibus tamen quantumvis nihil defuisse videtur, longe tamen spectatioris fuisse nuptiæ, quas Alphonsus pater fecit, collocata Helionora nepte Friderico III Germanorum Imperatori, in quibus Imperator ipse cum omni fere Germania nobilitate affuit, compluribus item Hispaniæ Principibus, qui Helionoram ex Hispania deduxerunt. His in nuptiis, ut alia sæcæ venatio exhibitæ est quatuor millibus passuum a Neapoli, qui locus a Regibus venatione statutus est. Fixa tentoria, in campis secundum Agnam paludem, fontes et vario vini genere passim ad litus sacri mensæ apparatus, in quibus supra triginta hominum millia discubuerunt.*

Hæc

Huc accedit, quod qui speſſandi gratia convenerant, plurimi mortales onerati oſculentis plurimorum dierum domum rediere. Neſciam an Sol in hoc magnificentia genere quidquam viderit magnificentius. Et ruruſus lib. de ſplend. cap. 4. loquens de eodem Alphonſo. Quo tempore, ait, Helionore neptis nuptias, de quibus diximus, celebravit, Dii boni, non Regiam modo ſuam, non Friderici Auguſti, non tot Procerum domos, ſed pene urbem omnem luculentiffime exornavit. Quin etiam miri operis tentorium ſecundum Agnanam paludem ſtatuit die venationis, quod magni etiam Oppidi inſtar erat, quo die videre licuit, non tentorium modo ipſum, ſed paludis oram omnem ſplendere tapetis aureis, abacis ſcenicis, e frondibus, e pannis, e variis etiam textis.

IX. Nunc de ſacris ritibus, aliſque cæremoniis in nuptiarum celebritate obſervatis, dicendum erit. Summontius lib. 5. Hiſt. Neapol. enarrat conjugium Ferdinandi I. Neapolitani Regis cum Joanna Aragonia anno 1477. his verbis: *Alli 11. dell' iſteſſo (Settembre) nel ricco ponte per lei preparato nel molo grande fu ricevuta ſotto il palio dalla Duchefſa di Calabria e la Duchefſa di Ferrara, ch' erano accompagnate con le principali Signore della Città, e dal Cardinal Rodorigo Borgia, che pochi di prima era ſtato mandato dal Pontefice a coronarla E meſſi a cavallo, come il Duca ſeguito dal Paſſaro, il Cardinale, e la Regina andorno ſotto il palio in proceſſione per tutti i ſeggi, in ciaſcun de' quali erano Donne ricchiſſimamente veſtite, le quali uſcivano a baciare la mano alla Regina. Gionti poi nel Duomo, O' avendo fatta orazione, il Cardinale benediſſe la Regina, e ritornati a cavalcare nel modo tenuto andorno a ſmontare nel Caſtello di Capuana, ove fu cariffimamente ricevuta dal Re, il quale era con tutti li Baroni e Signori del Regno, e con gl' Ambaſciadori di tutti i Principi d' Italia, e del Gran Soltano, e del Re di Tunifi, e con le principali Signore della Città: vi erano 72. ben ſonanti trombe con altri muſici ſtromenti. La Domenica a' 14. del detto a ore 17. il Re ritornò con tutto il Baronaggio avanti la porta dell' Arciveſcovato, ove poco appreſſo giunſe la Regina accompagnata da gran numero di Signore, ove per il Cardinal predetto ſi fe il ſponſalizio. Poi entrati in Chieſa il Cardinale con l' aſſiſtenza di 40. Veſcovi, celebrò la Meſſa dello Spirito Santo, e benediſſe li Spoſi, ove tennero il Palio il Duca di Calabria, D. Federico ſuo fratello, D. Ferrante Principe di Capua, e D. Pietro figli del medefimo Duca. Poi a' 16. del meſe nella ſtrada dell' Incoronata ſi fe la Coronazione di queſta Regina con pompa grandiffima, perciocchè eſſendo ivi ordinato un belliffimo teatro con l' Altare, per celebrare la Meſſa, e due gran ſedie con molta maeflà, vi giunſe il Re con la corona in teſta, e la Regina in trezze, ſopra due cavalli bianchi coperti di broccato ricamato di gioje, e perle; il freno del cavallo della Regina era portato dal Duca d' Amalfi, con Giulio Antonio Acquaviva Conte di Converſano con le berrette in mano, e Francesco di Capua Conte d' Altavilla con molti Baroni gli venivano avanti a piedi. Dopo venne la Duchefſa di Calabria con la Duchefſa di Ferrara con quattro Carrette piene di gran Signore, e ritrovarono al teatro il Cardinal Borgia con molti Veſcovi, il quale con belliffime cæremonie cominciò la Meſſa in pontificale, O' a tempo, e luogo, coronò la Reina, ornandola dell' altre inſegne reali: e per la prima, diedgli Foglio ſanto nella ſpalla deſtra, doppo li poſe la Dalmatica di drappo di ſeta bianca ricamata, appreſſo li coronò la teſta della Real Co-*

rona, & offentata appresso al Re gli diede lo Scettro; quale fu condotto dal Prencipe di Salerno, & il Pomo d'oro, che li porse Pietro del Balzo Duca di Venosa. Compitasi la Messa, e datasi la Pontifical benedizione, il Re fece 20. Cavalieri, e fatto buttare bona quantità di moneta d'argento di più forte in mezzo la turba delle genti, calcarono ambi due li Sposi con le corone in testa, il Re alla destra della Regina, e il Cardinale alla sinistra, e passando per tutti i Seggi ritornarono nel Castello nuovo. Ex his colligitur Regales conjuges insigni pompa, & equitatione ad Ecclesiam deductos, ad cujus valvas, uti olim moris erat, matrimonium contrahebatur, tum in Ecclesia, celebrato Sacro, benedictio nuptialis concedebatur, quo tempore velum super conjuges expandebatur a Principibus Regiæ stirpis insultum, effundebantur in multitudinem numismata, creabantur a Rege Milites, Equitesque, atque Regio conjugio nedum Proceres, sed & Episcopi plures Regni intererant.

X. Quæ omnia luculentissime exhibet Joannes Brochartus in suis Diarisi MSS. ubi ordinem describit conjugii initi anno 1494. inter Sanciam Alphonsi II. Regis notham filiam, atque Joffredum Borgiam Alexandri VI. consanguineum. Ac primo quidem refert sponsalia in ipsis ædibus Regis inita hoc ritu. *Feria quinta, septima mensis Maii contractum fuit matrimonium per verba de presenti inter Ill. D. Joffredum Borgia . . . S. D. N. Papæ Alexandri VI. & Ill. D. Sanciam de Aragonia filiam illegitimam Serenissimi Alphonsi II. Sicilie Regis, hoc ordine. R. D. Cardinali Montisregalis Legato Apostolico, & Serenissimo in quadam Camera Castri novi Neapolitani in duabus sedibus sedentibus, & inter ipsos alia, & ad sinistram Regis quarta similibus sedibus vacuis, venit prædictus D. Joffredus a paucis nobilibus associatus, & sedit ad sinistram Regis, parum post venit Sancia prædicta per Ill. D. Fidericum de Aragonia, fratrem Regis a sinistris ejusdem ducta, & duodecim vel circa mulieribus sive matronis associata, quæ locata fuit inter Legatum, & Regem patrem suum a sinistris, quibus sic sedentibus, venit R. Julianus Episcopus Tropejensis prædicti Serenissimi Regis Capellanus Major amictu, alba, cingulo, stola, & mitra pretiosis paratus, Capellano suo superpelliceo, & pluviali induto ante ipsum Baculum pastoralem deferente, qui coram Legato, & Re constitutus, deposita mitra pro reverentia ipsis facienda, in terram genuflexit. Dum accepta mitra dixit Sponsæ: Ill. Madonna Sancia volete voi pigliare per vostro legitimo Sposo l' Ill. M. D. Joffredo Borgia qui presente: ad quæ verba respondit sine mora: Voglio. Quo factò idem Episcopus ad virum reversus dicit: Ill. D. Joffredo volete voi pigliare per vostra legitima Sposa, e moglie l' Ill. D. Sancia d'Aragona qui presente: ad quæ verba ipse etiam respondit sine mora: Voglio. Et tunc idem D. Joffredus accessit ad sponsam, & Episcopus accepta manu dextra Sanciæ sponsæ conjunxit eam dexterae manus Joffredi, & alter alterius manum sic tenens, ipse Episcopus dixit tres orationes, videlicet Deus Abraham, Deus Isaac, Deus Jacob &c. Benedicat vos Deus &c. Respice quæsumus Domine &c. in ordine Sponsalium positas: quibus dictis, productò super utroque signo Crucis, recessit, facta prius Legato, & Regi, ut prius, reverentia. Anulum sponsæ non imposuit, quia dicebat juxta consuetudinem Neapolitanam anulum sponsæ imponi in valvis Ecclesiæ ante inthronizationem sponsi, & sponsæ, non modo. His peractis, quidam Notarius Neapolitanus contractum matrimonii hujus-*

modi tempore clara memoria Ferdinandi Sicilia Regis stipulatum publice legis, cujus copiam D. Stephanus de Narnia Notarius Camera Apostolica in manibus habens diligenter cum alio originali, quod dictus Neapolitanus Notarius legebat, auscultabat. In quo quidem contractu inter alia dicto D. Joffredo promittebatur Principatus sex, & Comitatus, quatuor millia ducatorum singulis annis inferentes, & in eo continebatur, quod ipse D. Joffredus infra annum, quindecim millia ducatorum sponse tradere deberet, qui contractus fuit de novo stipulatus, & stipularunt D. Stephanus, & alius Notarius supradicti rogati. Quo peracto, apportatae fuerunt quatuor petia broccati diversorum colorum pulcherrime, & nonnulla alia de velluto, tres collana aurea cum diversis perlis, & manilia, multi anuli, & alia huiusmodi ornamenta muliebria valoris, ut a circumstantibus aestimabatur, octo millium ducatorum, vel circa, quae omnia fuerunt sponse donata pro parte D. Joffredi praedicti. Hoc itaque ritu in aedibus Regis coram Magno Capellano Pontificalibus ornamentis induto contractum fuit matrimonium per verba de praesenti.

XI. Benedictionem vero anuli, & nuptiarum in solemni Liturgia, & in Capella Palatina ita describit Brochartus: Dominica, undecima mensis Maii, pluit mane per totum diem quasi incessanter, & copiosissime. In mane ejusdem diei circa horam 14. venit ad Capellam Castri novi Rev. D. Legatus cum Rege Alphonso a sinistris suis, mediam inter se ducentes, seu habentes D. Sanciam de Aragonia ejusdem Regis filiam illegitimam, sponsam D. Joffredi, praecedentibus Nobilibus, Baronibus, & Regalibus suo ordine. D. Joffredus praecessit proximus Regi & Legato a dextris D. Friderici fratris Regis; quibus ante portam Capellae supradictae constitutis: R. in Christo P. N. Episcopus Gravinensis D. Mattheus Missam in dicta Capella Pontificaliter celebraturus, qui omnibus paramentis Pontificalibus paratus mitra, & iuxta ostium dictae Capellae cum Capellanis suis superpolliceis indutis, quorum unus baculum deferens pastorem pluviali paratus erat, benedixit anulum, quem unus militum sponsi coram ipso Episcopo tenebat, & aqua benedicta adpersit. Tum Episcopus tradidit anulum sponso, qui digito sinistrae manus sponse infixit, & imposuit, quo imposito, Episcopus adpersit sponsum & sponsam aqua benedicta, & ingressi sunt Capellam; eo ordine, prout prius. Benedictionem, & traditionem anuli olim factam esse ad Ecclesiae valvas indicant plurimi antiqui Rituales libri editi a Martene loco citato, Redonensis, Lyrensis, Antifiodorensis, Lugdunensis, Leodiensis. Quin & in Graecorum Euchologio anulus nuptialis benedicitur ad Ecclesiae fores. Expleta hac benedictione, inchoabatur Sacrum. Hinc ubi dissolvendum erat conjugium aliquod, detrahebatur anulus sponsae pariter in Ecclesiae atrio. Quod in celebri illa solutione matrimonii Ladislai Neapolitani Regis cum Constanzia Claromontia, auctoritate Bonifacii IX. facta, legitur in Diariis Neapolitanis Ducis Montisleonis praestitisse Cardinalis Florentinus illius Pontificis Legatus. Caeterum in Sanciae, & Joffredi nuptiis, non Capellanus Major, sed Episcopus Gravinensis sacro munere functus est, quod ille Regi adhærere debuerit, dum Liturgia celebrabatur. Pergit Brochartus, benedicto, traditoque anulo, inchoatam fuisse solemnem Liturgiam, ritu jam alibi descripto; eaque durante: Sponsus, & sponsa, ait, locum habuerunt in medio Presbyterii inter Altare & thalamum, Altari facies vertentes, ante se habentes quilibet cussinum broccati


cari auri ad genuflectendum, & duos finiles ad sedendum, & sedebant, quando sedebant Legatus, & Rex, & cum illis etiam stabant, & genuflectebant. Ad elevationem SS. Sacramenti, Sponsus, & Sponsa genuflecti tenuerunt quilibet unum cereum album pulchre elaboratum trium librarum, vel circa, decem ducatos infixos habentem, illos tenentes usque ad finem Missæ, excepto eo tempore, quo eis pax dabatur, tunc Clericus Sacrificæ tenuit ambos cereos, & pace accepta, illos eis restituit. Facta elevatione SS. Sacramenti tentum fuit super Sponsum & Sponsam baldachinum cum quatuor baculis, quorum unum tenebat Ill. D. Joannes Piccolominus de Aragonia, Marchio Liciti, frater Ducis Amalphitani, nepos Reverendissimi Cardinalis Senensis ex fratre; Mag. D. Carolus Comes Venafræ secundum; & tertium, & male, quia Religiosus non debet gravari in similibus, Religiosus D. Calcebrandus Borgia Miles Ordinis S. Joannis Hierosolymitani frater R. D. Cardinalis Legati; & quartum Mag. Bartholomæus Serra Miles, usque post communionem Celebrantis. Dicto per Celebrantem: Per omnia secula seculorum, aure, Pax Domini, Celebrans posuit SS. Sacramentum super Patenam, videlicet illam particulam, quæ Sanguiini erat communi-scenda, & conversus ad sponsum, & sponsam in eorum loco permanentes, stans in medio Altaris dixit super eis Dominus vobiscum, sponso benedicens, Oremus propitiare Domine &c. quia dicta conversus ad Altare Celebrans accepta particula dixit Pax Domini. Tum dicta oratione prima Domine Jesu Christe, Celebrans dedit pacem cum ore Diacono, & Diaconus cum ore sponso, & cum ore sponso sponse: Legatus, & Rex non habuerunt pacem, quia ita dixerunt esse consuetum. Facta communionem administratum fuit baldachinum, & repositum in Sacrificam. Finita Missa sponso & sponsa accesserunt ante Altare, & ibi in ultimo gradu super dictis duobus cuspibus genuflecterunt, ad ipsos conversus Celebrans cum mitra stans dixit: Accipe uxorem tuam, prout in Ordinario. Tum sponso, deinde sponsa obtulerunt Celebranti cereos cum ducatis, manus ejus osculantes, de quibus tamen famula Regine duos ducatos publice extraxit, videlicet de quolibet cerco unum ducatum. Legatus, his peractis, stans in sede sua, & thalamo, Crucem suam Capellano suo extra thalamum ante ipsam tenente, dedit benedictionem dicens &c. Et concessis interessentibus Indulgentias septem annorum, quas publicavit Celebrans, descendit deinde Legatus, & Rex de thalamo, & sponsam inter se recipientes, sponso, & aliis ordine superius dicto incedentibus, ascenderunt Castrum per lumacham prope Altare constitutam, ubi Legatus permansit illa die, & usque circiter sextam horam noctis; fecit parum post ascensum in Castrum collationem in camera sibi assignata, deinde ad Regem rediit, qui sibi thesaurum suum ostendit. Prandium fecerunt ibi Legatus, Rex, sponso, & sponsa, D. Fridericus, ad dextram D. Friderici Orator Regis Hispaniæ, ad sinistram Regis D. Joffredus sponso, & ad sinistram D. Joffredi Gentilis Virgineus. Inceptum fuit prandium circa horam secundam noctis, & duravit inter horam quintam, & sextam. Peracto prandio, sponsa a Legato, & a Rege associata fuit ad Palatium sponsi, quod erat immediate extra portam Castri novi, præcedente sponso, & aliis, ut hoc mane fecerunt. Ritus hi fere omnes occurrunt in pluribus Gallicanis Ordinibus ad benedicendas nuptias editis a Martene; hique facile ab Andegavensibus ad nos derivarunt: præsertim ceremonia illa fuit antiquissima, ut dum conjuges benedicebantur, super eos velum expanderetur in si-

gnum pudoris, quod ab Ambrosio lib. de Virg. cap. 11. dicitur flammum nuptiale. Is ritus adhuc in Gallia viget, uti etiam ritus oblationis a sponſis faciendæ. Quod vero ex oblatione a conjugibus facta Antifiſiti, duos abſtulerit nummos Aulica Matrona, uti narrat Brochartus; id videtur derivatum ex veteri Gallorum more, qui in inmundis nuptiis, denarios quosdam exhibebant, quorum aliqui tradebantur ſponſæ in ſignum traditi domini corporis, alii vero Sacerdoti rem ſacram miniſtranti concedebantur, uti jam diximus.

XII. Fauſtum, fortunatumque conjugium CAROLI BORBONII gloriſſimi Regis utriuſque Siciliæ, & MARIÆ AMALIÆ de Saxonia Auguſti III. Poloniæ Regis inclytæ filiæ, aſpiciat initum eſt Drefdæ, anno 1738. die 9. Maii, in Ædibus Regiis, vices Caroli Regis obeunte Principe Electorali Saxoniz, germano Sereniſſimæ Sponſæ. Ordinem totius rei geſtæ exhibet Hiſtoria illius anni, Amſtelodami, Venetiſque edita: Ibi: *Li 9. di Maggio alle cinque ore dopo il mezzo giorno il Principe Reale, avendo ſeco la procura del Re Carlo, fece la funzione di ſpoſare a nome di ſuo Cognato la Principiſſa ſua ſorella. Il Nunzio Apoſtolico, aſſiſtito da tre Veſcovi Polacchi diè loro la benedizione nuzziale. Seguì la funzione in una gran Sala alla preſenza delle loro Maestà, de' Principi, e Principiſſe della Caſa Reale, e degl' Ambaſciadori Ceſarei, e di Spagna. V' intervenne ancora tutta la Nobiltà del paefe, come pure gran numero di Signori Polacchi, & altri forafſtieri. Indi il Nunzio intonò il Te Deum, che fu cantato da Muſici tra lo ſtrepito di una triſſice ſcarica de cannoni, e della moſchettaria. Dopo la funzione il Re, la Regina, e tutta l'illuſtre adunanza accompagnarono la Real ſpoſa nel ſuo Appartamento.* Cui venienti ad Venetos uſque fines obviam miſit Rex conjux Cajetanum Buoncompagni Soranorum Ducem, Supremum Præſectum Domus Reginz, Magnatem Hiſpaniz, nunc Plumbinenſium Principem, Sociumque Velleris aurei, & Regalis Ordinis S. Januarii, & Catharinam Carafam Colubrani Principem, Primam Aulæ Matronam, alioſque plures Aulicos, qui Conjugem Neapolim uſque deducerent. Eam Veneti Patres inſigni magnificentia, ſaltuque ſplendiſſimo, in omnibus ſuz Ditionis locis excepere, conſtituto ad hanc rem Antonio Mocenigo, qui ipſius Senatus nomine, & vice curaret omnia, Regnamque coheret conſuetis officiis. Nam eſt in more poſitum apud ampliffimos Patres illos, ſummis honoribus proſequi Regales Principes, trajicientes Venetæ Ditionis loca; quod olim etiam Beatrix Ferdinandi I. Neapolitanorum Regi Filiæ, Matthiæ Hungariæ Regi deſponſatæ, atque in Pannoniam eunti præſtitere magna pompa, quam deſcribit Franciſcus Modius tom. 1. Pandectarum triumphalium. Ubi vero Sereniſſima Conjug Pontificiam adiit Ditionem, Cardinalis Agapitus Moſca Legatus Romani Pontificis, ei Ferrariam venienti occurrit, gratulatus nomine Romani Pontificis de initis nuptis, felicique adventu. Tum qua pompa & ritu excepta fuerit Ferrariæ, deſcribitur in laudata Hiſtoria. Pariter in omnibus locis Pontificiæ Ditionis, uti par erat, magnis honoribus excepta eſt: & id quidem ex antiquiſſimo more; conſtat enim ex Franciſco Modio tom. 1. Pandectarum triumphalium, quam ſplendide, & magnifice excepta fuerit Romæ, anno 1473. Eleonora filia Ferdinandi I. Neapolitani Regis, nupta Herculi Eſtenſi Ferrariæ Duci; hæſque nuptias Pontificem Xiſtum IV. ſacra die Pentecoſtes benedixiſſe, narrat Summontius. Denique

que ad Neapolitani Regni confinia prope Terracinam, excitato nobilissimo tentorio, Regales Conjuges magno Procerum comitatu sibi invicem occurrerunt; tum Gajetam primum, deinde Neapolim die 23. Junii, atque ad solemnem gratiarum actionem in Capella Palatina se contulere. Nulla vero a Neapolitanis omiffa publicæ lætitiæ signa, summique erga Regales Conjuges obsequii, & amoris argumenta; solemnes gratiarum actiones in omnibus fere Ecclesiis habitæ; plurimi statuti festivi dies; faces noctu ubique ad lætitiâ accensæ; moles plurimæ triumphales miri operis erectæ; splendidi currus elaborati, quibus personatorum nobilium virorum, ac matronarum turba vehebatur; choreæ in Ædibus Regiis actæ; turris lignea magnæ molis, & nobilissimi operis in area Palatii Regii constructa; nundinæ ibidem institutæ quarumlibet mercium, eæque tandem plebis arbitrio permiffæ sunt; arx lignea amplissima ad quingentos passus a littore, mediis in aquis excitata, & rerum comestibilium copia onusta, quam plebs illuc rati- bus advecta deprædabatur, mox festivum evomebat ignem; scenica plura spectacula edita; & alia plurima ad lætitiâ, & ad magnificentiâ comparata. **Ferdinandus** ejus filius, qui nunc temporis Neapolitanum Regnum feliciter administrat, uxorem duxit **Mariam Carolinam** Francisci I. Romanorum Imperatoris, & Mariæ Terefiæ Austriacæ filiam, gratia, venustate, virtute, præsertim vero clementia, & humanitate præstantissimam. Hæ nuptiæ die 7. Aprilis 1768. Viennæ, in Augustinianorum Discalceatorum Ecclesia, sacris operante Apocrisiario Pontificio, conciliatæ fuerunt. Quanta vero lætitia Neapolitanos affecerint, & quibus publicis obsequiis, & gaudii signis eas celebraverint, & quo studio, qua benevolentia Regales Conjuges colant, exploratum est omnibus. Ex his enim præclarissimis Nuptiis, Neapolitani Regni felicitatem stabiliendam, augendam, & perennandam, spes est fidissima universis.





C A P U T X I.

DE RITU CONFERENDI ORDINES EQUESTRES.

Ritus inaugurandi Equites Velleris Aurei in Hispania. II. Et agendi festum diem S. Andrea Apostoli tutelaris Ordinis. III. De Ordine Equestri sub patrocinio SS. Conceptionis nuper a CAROLO BORBONIO Hispania Rege instituto. IV. Ritus cooprandi Equites in hunc Ordinem. V. Ritus creandi Equites Spiritus Sancti in Gallia. VI. Et ejus solemnita celebrandi. VII. De Ordine Equestri Periscelidis in Anglia. VIII. Et Aquila nigra in Borussia. IX. Ritus armandi Milites olim apud Neapolitanos Reges usitatus. X. Societates Equestres olim a Neapolitanis Regibus conscriptæ. XI. Statuta Equestris Ordinis Spiritus Sancti, Ludovico Tarentino Neapolitanorum Rege auctore. XII. Equites huic Societati primum adscripti. XIII. Ritus creandi Socios dell' Armellino sub Aragoniis Neapolitanis Regibus. XIV. Ritus inaugurandi septem supremos Proceres Neapolitani Regni. XV. De Regali Ordine S. Januarii instituto a CAROLO BORBONIO. XVI. Ordo creandi Equites S. Januarii. XVII. Et Officiales ejusdem Societatis. XVIII. Et agendi festum diem S. Januarii. XIX. De Ordine Constantiniano. XX. Ritus hujusmodi Equites initiandi.

REgum coronationes, natalitia, conjugia, plurimis in populum, nobiles, Magnatesque collatis beneficiis ad publicæ latitiæ cumulum solent celebrari, præsertim vero quorundam Procerum, qui de Rege, aut Reipublica sunt optime meriti, coopratione in Equestrem Societatem aliquam, cujus ipsi Reges auctores sunt, datorelve. De harum Equestrium Societatum origine, institutione, diversitate Sanfovinus, aiiiue plures scripsere: quamobrem, sacras hic dumtaxat ceremonias in cooprandis Sociis prosequemur, utpote quæ spectant ad hujus libri institutum, cum hujusmodi cooprationes sacro absolvantur ministerio, & ut plurimum in Capellis Palatinis. In Hispania amplissimus est Equestris Ordo Velleris aurei, olim a Philippo Burgundiæ Duce anno 1430. conscriptus in suis cum Elisabetha Joannis Lusitanæ Regis filia nuptiis; cujus Societatis supremum regimen, una cum Ditionibus Ducum Burgundiæ, extincta horum Principum stirpe, hæreditario jure ad Hispanos Reges pervenit. Is Ordo tutelarem habet S. Andream Apostolum, cujus festum diem olim solemnè pompa in Capella Ducum Burgundiæ celebrarunt Sodales; hique sequenti ritu in Societatem adsciscuntur. Primo, ubi Rex aliquem hoc honore afficiendum decrevit, illum Cancellarius Societatis instituit in iis, quæ agenda sunt, traditis ei

Sta-

Statutis Societatis, & formula juramenti ab eo præstandi: tum mo-
nentur Socii omnes, qua die, qua hora, cooptatio fit facienda. Sta-
ta die, conveniunt omnes in aula quadam Regii Palatii, ibique Rex
in fede, Sodales in scamno, Officiales Societatis (Cancellarius, The-
saurarius, Secretarius) in alio scamno confident, & jubente Rege,
Sodales capita operiunt. Post Regis sedem stant Supremus Præfectus
Regii stabuli, & Primus Præfectus equorum; prope vero sedem Regis
paratur mensula, super quam Crux, & Evangeliorum liber collocan-
tur. Tunc, Rege innuente, Sodalium postremus, & Cancellarius
adeunt Candidatum in anteriori manentem cubiculo, ut ab eo per-
scrutentur, an noverit Statuta Societatis, an eadem servare velit, &
an armatus sit Miles. Quæ quidem ubi Percontator ad Regem retu-
lerit, is Candidatum jubet accersiri, qui medius inter Cancellarium,
& Percontatorem sistit se Regi, eoque salutato, illi quidem suis se
restituunt locis, ipse vero stans ante Regem, e scripto quodam a
Feciali Societatis accepto grates plurimas agit Regi, & simul se exe-
quendis Societatis legibus operam omnem daturum promittit. Cui,
jubente Rege, Cancellarius accedens ad sedem Regis, hujus nomine
respondet, eum nempe adscitum in Societatem ob præclara ejus me-
rita, sperare Regem, ut officio suo sit satisfactorius; sed ante coo-
ptationem, eum armandum esse Militem, atque juramentum ab eo
præstandum. His a Cancellario dictis, Supremus Præfectus Regii sta-
buli porrigit Regi ensen, quo a Rege ter percutiuntur humeri Can-
didati in genua provoluti, his verbis ter prolatis: *Quæris ser Caval-
lero: Cui Candidatus: Si quiero: Rex vero subdit: Dios vos haga buen
Cavallero, y el Apostolo San Andres: ultimo ensis manubrium, Re-
gisque manum deosculatur. At si cooptandus in Societatem jam fue-
rit armatus Miles, omittitur hæc cæremonia. Sequitur juramentum,
quod a Candidato perfolvitur flexis genibus, manu dextra tangendo
Crucem, sinistra Evangeliorum librum, juxta Societatis statuta, quæ
a Cancellario leguntur. Juramenti summa est, se totis viribus supre-
mum Societatis regimen Regi vindicaturum, ejus jussa facturum,
omnem daturum operam ad Societatis gloriam, & incrementum, æquo
animo laturum quæcumque adversa subeunda essent causa Societatis,
hujus statuta servaturum, denique Torquem se redditurum, nec ultra
se tamquam Socium habiturum, si ob crimen aliquod expunctus fue-
rit a Societate. Ubi hæc protulerit, Candidatum sciscitatur Cancellari-
us, an dictis se juramento adstringat; ille vero subdit: *Assi lo juro
y prometto, assi me ayde Dios y todos los Santos. Mox eundem pro-
volutum in genua, Rex, accepto a Thesaurario Torque aureo, his
verbis alloquitur: La Orden os recibe en su amigable compaña, y en
feñtal de ello os presenta este Collar, quiera Dios, que lo podais traer
largo tiempo, a onra y servicio suyo, en falfamiento de la santa Iglesia
para onra y acrecentamiento de la Orden, y de vuestros meritos y
bueno renombre, en nombre del Padre, del Hijo, del Spirito Santo:
impositoque Torque ejus collo, is osculatur manum Regis, a quo
ulnis excipitur. Tum cæteris Sociis mutuo amplexu salutatis, ultimo
inter eos loco sedet, nisi Princeps sit Regiæ stirpis, cui primus conce-
ditur locus; sedentem Rex jubet caput tegere. Surgunt deinde omnes,
& cæremonia finis imponitur.**

II. Festum diem S. Andreæ Apostoli tutelaræ Societatis solemni
ritu celebrant in Capella Palatina Regis Hispaniæ, Confratres Velle-
ris

ris aurei . In pervigilio habentur Cemiteria Societatis in aula quadam Palatii Regii, assidentibus Rege, & Sociis, operto capite, & foribus clausis. Cancellarius, accepto a Rege scripto, profert quid agendum sit in illis Comitibus; tum quisque suam dicit sententiam, antiquiores primi verba faciunt, nisi adsit Princeps aliquis Regiæ familiæ, cui ante omnes dicendum est. Adtis Comitibus, universi adeunt Palatinam Ecclesiam ad Vespertina Officia, & hoc ordine incedunt: Adolescentes Aulici, Magistri equorum, vulgo *Cavallerizzi*, Cubicularii, seu *Gentiluomini*, Caduceatores, vulgo *Maxxieri*, Præfecti Domus Regiæ, seu *Maggiordomi*, Officiales Societatis, Socii operto capite, Principes Regiæ sobolis, Rex medius inter quatuor Feciales, vulgo *Re dell' armi*. In Capella Rex & Principes consistunt sub Regiis Cortinis, & prope has Feciales, Socii in scamno, Officiales in alio scamno. Antistes Sacra faciens prope Altare in cornu Epistolæ, Magnus Capellanus prope Altare in cornu Evangelii confident. Regi thus datur a Magno Capellano, Principes vero Regiæ stirpis thure coluntur ab alio Capellano Aulico. Sequenti die, eodem ordine, adsunt universi Liturgiæ in Capella Palatina, de qua re ita scribit Turtureus lib. de Sacel. Hisp. cap. 4. *Consuevit Rex maximus, tanquam Dux Burgundiæ, & aurei Velleris summus Præfectus solemne festum S. Andreae Apostoli celebrare: in cuius Divi patrocinio is Ordo splendidissimus fuit institutus, & quem Domus Burgundica habuit tutelarem. In pervigilio Rex Catholicus Vespertinis Horis, quæ in publico Aula Sacello modis musicis decantantur, præfens adest, sed deductis Regiis Cortinis. Milites ipsi aurei Velleris operi capita confident in scamno, in quo assidere solent cæteris diebus Hispania Magnates, qui eo die non interfunt: hos excipiunt Cancellarius, & Secretarius ejusdem Ordinis, sed in scamno distincto; assidentes caput etiam contegunt. Cum matutinis horis Sacrum est peragendum Pontificali apparatu, Rex Sacellum intrat, quem parum antecedunt Feciales (vulgo Reges armorum) qui deinde se sistunt paulo supra Regias Cortinas. In Sacro, quod peragit solemniter ritu Antistes aliquis ex primariis, qui in Aula degunt, illud est norandum, post oblatam Hostiam, Rex ad Altaris gradus progressus, & gonustexus Antistiti offert nummum aureum. Idem efficiunt cæteri Commilitones aurei Velleris suo ordine, quem antiquitas demonstrat (ut & in sessione) necnon Cancellarius, & Secretarius, ad suas quisque sedes deinde revertitur. Eo die Rex in conspectu omnium sub umbella accumbit mensæ, & in alia mensa discumbunt Sodales omnes. Ad vespertas ejusdem diei, rursus adeunt omnes Palatinam Ecclesiam ad audienda Vespertina, & Matutina Officia: quæ pro expiandis manibus Sodalium defunctorum, modis musicis decantantur. Altero die Sacrum celebratur pro Sociis vita functis; & ad Offertorium, Rex solus, osculata Patena, offert aureum nummum. Sacro peracto, porriguntur Regi, & Principi Asturicensium cerei a Cancellario, cæteris vero Sociis cerei traduntur a Clerico aliquo Capellæ Regiæ; hisque accensis, fit Absolutio ad tumultum, qua finita, universi ad ædes suas se recipiunt.*

III. Sed hoc ipso anno 1771. dum hæc scribimus, Carolus Borbonius gloriosissimus Hispaniæ Rex, die 19. Septembris, novam, eamque nobilissimam instituit Equestrem Societatem, occasione capta, quod e Carolo Asturicensium Principe, & Ludovica Maria Borbonia Philippi filia, olim Ducis Parmæ, & Placentiæ, natus sit Infans, Deo

Deo dante, hæres futurus imperii paterni. Hujus Societatis Statuta, paragraphis octo supra quinquaginta comprehensa, Hispano sermone edita sunt Matriri; atque eorum summa hæc est. Ad perenne suæ lætitiæ signum ob natum Infantem, & ad subditorum virtutem præmiis, & honoribus prosequendam, declarat Rex, se Equestrem conscribere Societatem, nuncupandam *Regalem distinctum Ordinem Hispanum Caroli III.* cui nonnisi, qui de Rege, & Regno bene meruerint, adscribi debent; & cujus ipse, & successores Hispaniæ Reges perpetuo dignitatem habeant *Magni Magistri*, ac facultatem creandi Equites, augendi, vel minuendi eorum numerum; leges quoque statuendi, ac mutandi. Tum in argumentum suæ & totius Regni pietatis, religionisque erga Beatam Virginem sine labe conceptam, hujus patrocinio, ac tutelæ committit Ordinem; & hinc Socii in pervigilio ejus festi, singulis annis, sacra Eucharistia refici debent, ac orare pro Rege, & Regno; quotidie etiam preces effundere pro Catholicæ Fidei incremento, & in die Commemorationis omnium Defunctorum fidelium solemnem Cursum recitare ad expiandos manes Sociorum. In duas vero classes distinctos voluit Socios, nempe primi ordinis seu *Gran Croci, Caballeros Grandes-Cruces*; & secundi ordinis, seu Equites Pensionarios, *Caballeros Pensionados*. Illos quidem numero sexaginta, & nonnisi vigintiquinque annorum ætatis, (exceptis ab hoc numero, & ab hac lege Infantibus, aliisque supremis Principibus) jussit fasciam cœruleam oris albis contextam gestare ab humero dextro ad sinistram latus protensam, a cujus extrema parte Crux pendeat similis formæ Crucis Ordinis Sancti Spiritus; sed in ejus medio conspiciatur imago Deiparæ Virginis Immaculatæ; ex altera vero parte, nota Regis cum superimposita Corona, & addito hoc symbolo: *Virtuti & merito*; præter aliam Crucem operis phrygii, tum superiori veste, tum pallio confutam. In magnis vero solemnibus iidem Torquem aureum a collo suspensum, a quo Crux pendet; & talare vestimentum sericum albi coloris, vulgo *Manto*, anteriori parte complicatum, referens ex ea parte colorem cœruleum, induere debent; pileum quoque alba cristâ adornatum. Insignia hæc tum se, tum Regios Infantes continuò delaturos promittit. In horum numero, quatuor ex Ecclesiasticorum Ordine esse decrevit, præter Magnum Cancellarium, qui tamen fasciam a collo suspensam, Crucesque acu pietas vesti, & pallio confutas, more Clericorum gerant. Equites omnes hujus primi ordinis donandos esse *Excellentiæ* titulo, aliisque honoribus voluit. Quoad Equites secundi ordinis, sive *Pensionarios*, eorum numerum ad biscentum ducere constituit; ita tamen ut Ecclesiasticos viginti, non vero tres Officiales Ordinis, complectatur; & ut singuli ex hac classe annuas pensiones percipiant, collatis ad hanc rem ab ipso Rege quindecim centenariis millibus eorum nummorum, quos Hispani *Reales* nuncupant. Horum Crux similis formæ, sed minoris magnitudinis, haud a fasciâ & humero pendet, sed a fasciola superiori vesti, sive thoraci alligata; & eorundem solemnibus vestis talaris, ejusdem cum cæteris formæ, & coloris, lanea tamen esse debet. His, qui in hanc Societatem sunt adsciti, fas non est alterius esse Equestris Ordinis, excepto Velleris aurei, & S. Januarii, & quoad eos tantum, qui hunc S. Januarii Ordinem ab eodem Carolo Rege accepere; idque intelligendum est de insignibus diversi Ordinis ejusdem dignitatis. Magnus Cancellarius ex Ecclesiasticorum numero, primum post Regem, Regiosque Infantes, locum in

Societate obtinet; cujus est sigilla custodire; Insignia conferre Equitibus Pensionariis; Candidatorum documenta de eorum moribus, & nobilitate accipere, & discutere; Conventui præesse, absente Rege, ubi de negotiis agitur Societatis; & ut ejus Statuta serventur, incumbere. Quo munere, primum Rex donavit amplissimum Cardinalem Cordova la Cerda, Patriarcham Indiarum, & Majorem Capellanum. Sunt & alii tres Officiales Societatis ex Equitum tamen Pensionarium classe, nempe Secretarius custodiendis scripturis; Thesaurarius erogandis pensionibus, & servandis Insignibus; Magister cæremoniarum moderandis cæremoniis additi; qui Crucem fasciæ alligatam & a collo pendentem gerunt. Tum semel in mense ipsi apud Magnum Cancellarium convenire debent, una simul cum tribus Sociis primi ordinis, seu *Gran Croci*, aliisque tribus secundi Ordinis, seu Equitibus Pensionariis, (quique sex, singulis trienniis, a Rege nominantur) ut invocata primum Spiritus Sancti ope, de negotiis agant ad Societatem spectantibus. Sacra Societatis, absente Rege, celebranda sunt in quadam Matritensi Ecclesia ad eam rem concessa; præsentem tamen Rege, in Capella Palatina, ubi is ordo sedendi præscriptus est a Rege. A dextra Altaris parte, seu cornu Evangelii, collocatur sedes Regis, quem prope sequuntur supremi Aulae Officiales juxta morem, & a dextra parte Regiæ sedis assident Regii Infantes; tum hinc inde in scamnis Proceres Ordinis, seu *Gran Croci*; deinde in alio scamno tres Officiales Ordinis, Magister cæremoniarum medius inter Secretarium a dextris, & Thesaurarium a sinistris; sequuntur mox scamna cæterorum Equitum; ita tamen ut Novitii in separato scamno postremi omnium sedeant. A sinistra vero Altaris parte, seu cornu Epistolæ, Magnus Cancellarius, alique quatuor Antistites & numero Equitum primi ordinis assident; quos sequuntur in alio scamno cæteri Ecclesiastici in hunc Ordinem cooptati, e classe Equitum Pensionarium. Hunc vero ordinem præcedentium in hac Societate servandum voluit, ut nempe Magnates Hispaniæ, tum eorum primogeniti præcedant iis, qui hac dignitate carent, servato inter eos, qui ejusdem sunt dignitatis, ordine antiquitatis, vel ætatis. Et quoad Equites Pensionarios, qui antiquiores sunt in Societate præcedunt; aut si eodem tempore plures in eam adsciri sunt; is erit servandus ordo, quo in Regiis litteris nominati suere. Itaque, cum Regi adeunda erit Capella Palatina una cum Sociis ad sacra solemniter celebranda; e Regiis Cubiculis præcedere debent bini Equites Pensionarii, hos sequi debent tres dicti Officiales Societatis, tum etiam bini Equites primi ordinis, seu *Gran Croci*; mox Infantes, Rex ipse, ac post Regem Antistites e primo Sociorum ordine,

IV. Ad eum spectat, qui est a summis imperii negotiis, vulgo *Secretario di Stato*, illum quem Rex ad hanc Societatem addiderit, hujus rei conscium facere, tum etiam Magnum Cancellarium, & Secretarium. Candidatus, si absens ab Aula sit, potest ab eo, cui Rex hoc munus commiserit, insignia accipere Societatis; non vero Torquem aureum, neque talarem vestem; ab ipso Rege (nisi supremi Principis jus habet) in Aula accipiendam. At Candidato incumbit documenta suorum morum, suæque nobilitatis a tritavis usque, utriusque ejus parentis familiæ, traductæ, ad Magnum Cancellarium transmittere in Conventu Societatis examinanda, & probanda. Is vero Novitius dicitur, qui nondum juramentum emisit, neque Torquem aureum,

reum, & talarem vestem à Rege acceperit; vel si e numero Pensionariorum sit, insignia ei Magus Cancellarius contulerit. Juramento hujus Societatis promittit Eques *se ad mortem usque Catholicam Romanam Religionem profiteri; neque directe quidquam, nec indirecte contra Regem, Regiam familiam, ejusque Regnum agere; Regi fideliter inservire; ei etiam tamquam Supremo ordinis Magistro morem gerere; Statuta Societatis religiosè observare.* Ritus hujus juramenti emittendi, atque in hanc Societatem cooptandi is est a Rege ordinatus. *Estará en pie a los de la Iglesia el Pretendiente hasta que el Maestro de Cerimonias le dica, que se acerque; y quando lo execute, se arrodillará al lado de la mesa. El Gran Cancellier, que estará inmediato, le preguntará si está enterado de los Estatutos de la Orden, y de las obligaciones que impone; y luego que responda afirmativamente, le prevendrá ponga la mano sobre los Evangelios, y haga el juramento establecido. A continuacion le tomará de la mano el mismo Canciller, y nos le presentará arrodillado a nuestros pies. Si el Pretendiente no habiere sido antes armado Caballero, tomará dico Cancellier la espada desnuda, que el Tesorero le entregará, y la benedecirá, haciendo sobre ella la señal de la Cruz, y diciendo: Benedic Domine Sancte Pater Omnipotens aeternè Deus, per invocationem sancti tui nominis, per adventum Christi filii tui Domini nostri, per donum Spiritus Sancti Paracliti, & per merita Beatæ Mariæ Virginis, hunc Ensem, ut hic famulus tuus, qui hodierna die, eo, tua concedente pietate, præcingitur, invisibiles inimicos sub pedibus conculcet; victoriaque per omnia potius, maneat semper illesus: per Christum Dominum nostrum, Amen.* Después nos la dará para que hagamos esta ceremonia en la forma regular: y consecrivamente nos presentará el Collar y demas Insignias (tomandolas tambien de mano del Tesorero) para que adornemos con ellas el Novicio. Este nos besará la mano, y se retirará al puesto que antes ocupaba al lato de la mesa. Estando allí le dirá el Cancellier estas palabras: Habeis recibido la Gran-Cruz de la Real y Distinguida Orden Española de Carlos Tercero. en premio de vèstra virtud y merito, y llevaréis siempre sus Insignias como un publico y permanente recuerdo de lo que debeis a Dios, al Rey, que tan altamente os ha honrado, y a la Orden, que viene a daros este nuevo lustre. Concluido esto se levantarà, y passará a ocupar el lugar que le corresponde. Quod si plures, eodem die, hujus Ordinis Insignibus donantur, satis erit Magnum Cancellarium semel Ensem benedixisse. Atque hoc quidem ritu Equites primi ordinis, seu Gran Croci, præsente Rege, iniantur. De Equitum Pensionariorum inauguratione, ita Rex statuit: en la recepcion de los Caballeros Pensionados se observaran substancialmente las mismas ceremonias, que en las de los Grandes-Cruces. El Canciller, que es el que debe hacer la funcion, tendrá su silla al lado derecho dell' Altar mayor, le acompañaran algunos Caballeros Grandes-Cruces (que estaran igualmente adornados con sus Mantos) Todo los demas Caballeros Pensionados, los Caballeros Novicios, los Ministros de la Orden, y los Ecclesiasticos se hallarán en los lugares, que les están señalados: y habrá ademas en parage separado otros bancos para las Personas de clase, que quieran assistir a la cerimonia. Sentado el Gran Canciller y todos los demas, a excepcion del Pretendiente, leerà el Secretario el principio de la Cedula de esta nuova Institucion, y el nombramiento de dicho Pretendiente. El Maestro de ceremonias llama-

rà a esse, despues y el Cancellor le preguntará: Querèis ser individuo de la Real y distinguida Orden de Carlos Tercero? a que responderá: A sí lo deseo, y pido. Le volverá a preguntar: Estais enterado de los Estatutos, y pronto a jurarlos, y complirlos? y responderá: Lo esdèi. Entonces le quiterá la Espada uno de los Caballeros Grandes-Cruces, y arrodillandose al lado de la mesa hará el juramento en la forma preñida. Así executado, tomará el Gran-Canciller la Espada para bendicirla, como va dicho; despues de hacer con ella la Cruz sobre los hombros y cabeza del Pretendiente la entregará al orvo Caballero Gran-Cruz, que se la da de ceñir: y a questa, se arrodillará dicho Pretendiente a los pies del Cancellor, quien le pondrá al pecho la Cruz, diciendos las mismas palabras, que se expresaron hablando de los Grandes-Cruces. Hecho esto poniendole el Cancellor el Manto de la Orden, le dirá estas palabras: Exuat te Deus veterem hominem cum actibus suis, & induat te novum hominem, qui secundum Deum creatus est in iustitia, & sanctitate, & veritate, in nomine Patris, & Filii, & Spiritus Sancti: Amen. fenecido el acto de recepcion besará la mano el nuevo Caballero al Prelado Cancellor, abrazará a todos los demas, y irá a ocupar su puesto. Despues de cuya ceremonia, se dirá, o cantará el Salmo: Laudate Dominum omnes gentes.

V. In Gallia præstantissimus eminet Ordo Equestris Spiritus Sancti, cujus auctor fuit Henricus III. anno 1578. (exemplo hausto ab Aula Neapolitana, uti infra dicendum erit) quod sacra die Pentecostes, tum Poloniz, tum Galliz imperium fuerit assecutus. Is Ordo centenario Socrorum numero constat, recensitis Rege Christianissimo Supremo Moderatore, quatuor Cardinalibus, Episcopis quatuor, Magno Eleemosynario, Cancellario, Præfecto cæremoniarum, Thesaurario, & Secretario. Ut quis in hanc nobilissimam adsciscatur Societatem, constare debet illum Orthodoxa Fide, & optimis moribus imbutum, quod plerumque illius Episcopi testimonio comprobatur, ubi habet domicilium. Sed Orthodoxæ Fidei professio emittenda est coram Magno Eleemosynario. Debet etiam constare eundem ex claro esse genere, cujus rei conscius sit Rex a Cancellario, is vero a duobus Sociis, quibus hæc cura demandatur. Insigne Societatis, præter pallium holosericum liliorum floribus, flammis, aliisque ex auro, & argento intertextum; est Torques aureus ex liliis flammarum congerie circumdatis (quibus Henricus IV. cassides, & alia belli trophæa addidit) elaboratus, cui Crux adhæret columbæ formam exhibens. Hæc tamen insignia nonnisi solemnī inaugurationis die gestantur; cæteris namque diebus Crucem argenteam deferunt vestibus adsumam; aliamque pendentem a fascia cærulea collo innexa. Cæremonia inaugurationis his fere ritibus absolvitur, uti reserunt Dumontius & Rosuetius lib. 3. cap. 1. Cæremonialis Galliz. Candidatus a Præfecto cæremoniarum ducitur ante Regis Solum, ubi sedet Rex Christianissimus, & hinc inde cæteri Sodales; procumbens in genua sacramentum emittit, & propria manu subsignat, ad Evangeliorum librum, quem supra Regis genua apertum exhibet Cancellarius. Dato juramento, Rex accepta a Præfecto cæremoniarum solemnī veste Ordinis, ea Candidatum induit, cujus collo mox Torquem a Thesaurario porrectum imponit, his verbis: *Recevez de nostre main le Collier de notre Ordre du Benoit S. Esprit. Au nom du Pere, du Fils, du S. Esprit.* Qui vero huic Societati adscribitur, is etiam in Equestrem Con-

Confratriam S. Michaelis Archangeli, quæ fundatorem habuit Ludovicum XI. anno 1469. cooptari debet. Hæc cæremonia agi solet ad vespervas, uti contigit anno 1724. die sacra Pentecostes, cum a Rege Cristianissimo in Capella Palatina Versaliensi, quinquaginta selectissimi Proceres, ac inter eos Cardinalis de Gesures, Archiepiscopi quoque Lugdunenſis, Aqueſis, & Narbonenſis in Equeſtrem Societatem Spiritus Sancti adſciti fuere. Ordinem totius rei geſtæ deſcribunt citato loco Dumontius, & Roſſuetius, atque ita ſere ſe habuit. In pervigilio Pentecoſtes, primum in Ædibus Regiis adſcripti ſunt Candidati Equeſtri Confratriæ S. Michaelis, enſe ter percuffis a Rege humeris ſingulorum, his verbis: *De parte de S. George O' Sains Michel je vous fais Chevalier*, datoque ſingulis amplexu, quem Galli vocant *accolade*. Tum omnes Palatinam Capellam adiere, ubi decantato Hymno, *Veni Creator Spiritus*, & dicta oratione ab Epifcopo Metenſi Socio Ordinis, qui Sacra faciebat, Rex Solio inſidens excepit ſacramentum a præſatis Cardinali, & Archiepiſcopis emiſſum, quos deinde donavit Societatis inſignibus, ſalcia nempe cærulea qua Crux pendet; ſiquidem Socii ex Eccleſiaſticorum numero Torquem minime geſtant. Et poſt decantatas Veſperas, in Societatem adſcivit cæteros Candidatos, qui bini ad Solium accedebant, eos ducentibus Præſecto cæremoniarum, & Sponſore. Sequenti die, uni-verſi Sacro ſolemni ritu in Capella Palatina peracto interſuere.

VI. Olim Sodales Equeſtris Confratriæ S. Michaelis Archangeli a Ludovico XI. Galliz Rege conſcriptæ, ſingulis annis, die illi ſacra, adeſſe debebant ſolemni Liturgiæ, & ad Offertorium ſinguli munum offerrebant. Altero die, Sacrum agebatur pro expiandis manibus deſunctorum Sodalium, pariterque ad Offertorium cereus a ſingulis offerbatur. Ita ex Statutis illius reſert lib. 2. cap. 45. Peiratus. Et erat olim Galliz Regibus dies S. Michaelis Archangeli feſtivus, atque ſolemnis; imo Carolus VIII. Sancti Archangeli imaginẽ, Regia vexilla juſſit exornari. Quod uſitatum quoque fuit Græcis Imperatoribus, ut pote quia, teſte Codino, inter vexilla, quæ in magnis ſolemnis præſerebantur Imperatori, primum, præcipuumque fuit Archiſtrategum, ita dictum, quod in eo impreſſa eſſet effigies Principis cæleſtis militiæ, ſeu Michaelis Archangeli. Nunc vero temporis a Sociis nobiliſſimi Ordinis Spiritus Sancti, ſolemnia aguntur ſingulis annis, & quidem ultima anni die, primaque anni ſubſequentis, quod pridie Kalendas Januarii in Pariſienſi Auguſtinianorum Eccleſia Henricus III. ſplendidiffimum illud Equeſtre Sodalitium conſcripſerit. Quandoque tamen ipſa ſacra die Pentecoſtes, & inaugurantur Socii, & ſolemnia ab omnibus aguntur, uti contigit anno 1724. in cooptatione illa quinquaginta Sodalium, quam deſcribit Dumontius, & Roſſuetius. Aderant Socii omnes Torque, & veſtimento Ordinis induti, Rex inſidebat Solio media in Eccleſia conſtructo, Regique adhærebant Magnus Eleemoſynarius, & Primus Elcemofynarius, & Confeſſarius; poſt Regis ſedem Dux militum cuſtodum corporis Regis, & Præſectus Regii cubiculi; prope Solium quatuor Officiales Societatis totidem in ſubſelliis; Socii hinc inde in ſcammis aſſidebant, Antifiteſ vero in alio ſcanno prope Aram in cornu Epistolæ. Antifiteſ Metenſis, Socius Ordinis, Sacrum faciebat. Evangeliorum librum obtulit Regi deoſculandum Archiepiſcopus Lugdunenſis e Sociorum Collegio antiquior, qui & pacis oſculo Regem donavit. Ad Offertorium Ma-

Magnus Eleemofynarius prægustavit unam ex Oblatis ad periculum faciendum pro communione Regis. Tum monente cæremoniarum Præfecto, Rex medius inter duos Principes Regiæ stirpis, manu ferens accensum cereum a Cancellario porrectum, præeuntibus Feciali, Caduceatore, & quatuor Officialibus Societatis, ad Altare accessit, ibique flexis genibus, osculato anulo Antifistis, primo cereum obtulit, deinde tot aureos nummos, quot vitæ annos egerat, a quodam Regiæ stirpis Principe ei traditos. Facta a Rege oblatione, Principes Regiæ stirpis singuli, Sodales vero cæteri bini, Cancellarius, tum Præfectus cæremoniarum medius inter Thesaurarium, & Secretarium adeuntes Altare, nummum aureum obtulere. Eodem ordine, Rex Christianissimus sumpturus Eucharistiam ad Altare accessit, duoque Eleemofynarii, duo itidem Principes Regiæ stirpis mappulam coram Rege expansam detulere. Tandem acceptis ab Eleemofynario Eulogiis, & ab Antifiste benedictione, osculato sacro Corporali, rediit ad Regias Edes. Sequenti die, in eadem Capella Palatina Versaliensi, eodem fere ritu, sociis e vita sublati parentatum fuit. Rex violacea indumenta gerebat, siquidem violaceo colore in luctu, Francorum Reges utuntur, cæteri Socii atrati interfuere.

VII. Eduardus III. Anglorum Rex nobilissimam constituit sub S. Georgii patrocinio Equestrem Societatem Periscelidis, sive ob periscelidem suam in prælii, quod feliciter cesserat, tesseram datam, uti tradunt nonnulli; sive ob periscelidem Joannæ Comitissæ Sarisberienfis venustissimæ feminae, quam illi choreas agenti delapsam Rex ex humo sustulit, addens futurum, ut brevi summus honor ejusmodi periscelidi haberetur. Socii cæruleo subligari aureis litteris inscripto: *Hony soit, qui mal y pense*, idest: *Male veritas ei, qui male cogitat* finistram tibiam paulo infra genu substringunt aurea fibula. Solemnibus vero inaugurationis diebus, Collare gestant ex eadem crurali fascia sæpius iterata & rosas alternatim rubris, & albis, quod Lancastriz, & Eboracensis familiæ stegma extitit, conflatum; appensa effigie D. Georgii tutelaris. Hujus Societatis Antifistitem agit Episcopus Vintoniensis, Cancellarium vero Episcopus Sarisberienfis, ac Secretarii munere fungitur Decanus Vindesoriensis. Insignes in hac Societate partes agit Garterius, qui primus, præcipuulque est e Londinensi Collegio Fecialium, vulgo *Re dell' armi*. Ad hunc enim spectat cæremonias omnes Ordinis moderari; Socios monere, quo die, qua hora, Vindforii conveniendum sit ad solemnia agenda, vel ad novos Socios adsciscendos; Sociorum insignia gentilitia, galeam, & scutum in Templo Vindforiensi suspendere; eorum præclara gesta tabulis consignare, & obitum cæteris significare; ad absentes una cum Legato Regis, insignia Societatis deferre; denique Regio funeri imminere. Nec sine multiplici ritu Garterius ordinatur; siquidem flexis genibus coram Magno Marefcallo, præstito juramento, osculatis Sacro Codice, & ense, dum Regis litteræ leguntur, vinum effunditur a Magno Marefcallo supra illius caput, tum donatur insignibus Societatis. Ad hunc quoque spectat amovere Templo Vindforiensi gentilitia arma eorum, qui ob crimen aliquod Societate ejiciuntur. Porro inaugurantur Socii in Ecclesia Palatina Vindforiensi D. Georgio tutelari Societatis sacra, ubi perpetuo aluntur viginti sex nobiles viri, inopes rerum familiarium, qui a Deo precentur Ordinis prosperitatem; eaque inauguratio fit multiplici ritu, & insigni pompa.

VIII.

VIII. Pariter in Aula Borussia Principum; etſi Calvinianæ communionis, Equites Aquilæ nigræ a Friderico Marchione Brandenburgi anno 1701. conſcripti, tunc primum cum ſe Borussia Regem ſalutari, unguæ juſſit, multiplici ſacra cæremonia coram Antiſtite Aulaſ inaugurantur in Capella Palatina. Nam, uti legitur apud Dumontium, & Roſſuetium cap. 4. §. 3. Cæremonialis Borussia, primo Antiſtes Aulaſ, (quem vocant Aulaſ Episcopum, quia ſacris rebus, Calviniano more, in Aula præſt) expectat Principem prope ſacram Menſam; neque enim Calviniani Altare dicitur, uti nec Sacrificium. Illuc Princeps, Aulicis, Sociiſque ſtipatus accedit, Solium conſcendit, & ſilentibus muſicis bellicis instrumentis, Palatini Cantores Hymnum inchoant, *Veni Creator Spiritus*; huic ſubditur Oratio ab Antiſtite ad ſacram Menſam prolata, qua Deo grates agit ob inſtitutam a Principe Societatem, illumque deprecatur, ut ſuam eſſundat gratiam in Principem, Socioſque, qua officio ſuo faciant ſatis, & Chriſtianam colant pietatem. Subjungitur hiſce precibus Oratio Dominicalis; qua finita, nonnulli decantantur Pſalmorum verſus. Mox a Societatis Secretario leguntur Statuta; iisſque leſtis, Candidati a cæremoniarum Præſecto advocantur: quos Cancellarius conſcios facit accepti a Principe beneficii, ſimulque monet, non antea cooptandos fore in Societatem, quam conſuetum protulerint ſacramentum. Hinc, præeunte Secretario verba, jurant Candidati ſervaturos ſe Statuta, quæ illis exhibentur. Adhæc Theſaurarius Cancellario, & is Principi porrigit Torquem Societatis, quo Candidati, flexis ante Principem genibus, & oſculata ejus manu exornantur, dum interim pulſantur muſica militaria instrumenta. Ad ſuam quiſque ſedem, monente Præſecto cæremoniarum, ſe recipit: atque Antiſtes ſingulorum nomina proferens, ſingulis ſauſta precatur, utque cedat eorum inauguratio in Dei, Fidei, Principis, & Societatis gloriam, juxta ſymbolum Societatis *ſuum cuique*. Haſ ſauſtas preces Chorus excipit reſpondendo *Amen*. Rurſum Pſalmorum verſus a Cantoribus Palatinis, & Oratio gratiarum actionis ab Antiſtite, & Oratio Dominica recitantur. Sequitur benediſtio ab Antiſtite data, tum Hymnus, deinde Antiphona: *Eſto fidelis uſque ad mortem, & ego tibi dabo coronam gloriæ*. Denique ſingulorum, qui in Societatem adſcripti ſunt, oblationibus cæremonia abſolvitur.

IX. Siculos, Neapolitanosſque Reges conſueviſſe militari cingulo donare in magnis ſolemnibus, ut in eorum Coronatione, aut Conjugio, vel ob inſignem aliquam victoriam de hoſtibus partam, vel primo eorum in civitatem aliquam ingreſſu, quosdam, qui rebus optime geſtis, honorem illum meruerant, paſſim indicant noſtrarum rerum Scriptores. Ita Rogerium I. Regem, Neapolim ingreſſum cum Innocentio II. duos ibi meſes ſeſtos egiſſe, & centum quinquaginta creaffe Milites, enarrat Fazellus lib. 1. rerum Sicularum. Et de eodem Rogerio ſcribit lib. 4. cap. 5. Abbas Teleſinus: *Ipſe Rex Natalis Dominiſ ſubſequentis die adveniente, duos liberos ſuos ad Militiam promovit, Rogerium ſcilicet Ducem, & Tancredum Barenſem Principem, ad quorum videlicet laudem, & honorem quadraginta Equites cum eiſdem ipſis militari cingulo decoravit*. Nam & Reges ipſi, & eorum filii, vel ab Episcopis, vel a Regibus militare accipiebant cingulum, uti pluribus exemplis conſtat apud eos, qui de hac re ſcripſere. De Mamfredo Rege, Spinellus in Diariis tom. 1. Scrip. Ital. Muratori,

rii, refert: *Rex Manfredus ingressus solemnii pompa Neapolim creavit ibi triginta tres Equites, iussitque eos bono animo esse, eo quod volebat bonam concordiam cum Papa, & esse filius obediens Ecclesiæ. Recordatus autem Archipresbyteri Caraccioli, qui fuerat pedagagus suus, quaesivit, quinam ex ejus familia superessent Neapoli. Intelligentes porro, duos superesse nepotes, accersitos ad se creavit Equites cum provisione unciarum quinquaginta. Ludovicus II. Andegavensis, anno 1390. Neapolim solemnii pompa adiens, nonnullos suarum partium studiosos donavit eo die militari cingulo, uti lib. 4. Hist. Neap. narrat Summontius. Eodemque teste, Carolus Andegavensis initis anno 1272. secundis nuptiis, plures constituit Milites. Carolus III. in die Natalis Domini anno 1383. Urbano VI. Pontifice Sacris operante in Metropolitana Ecclesia Neapolitana, Basilio Januensi contulit Militiæ gradum, cui ipse Rex enssem tradidit, nepos vero Pontificis admovit calcaria. Testis est Facius lib. 9. plures ab Alphonso Rege ordinatos Milites in gratiam Friderici Imperatoris, quem Neapoli magnificentissime exceperat: Plerosque civium, ait, in honorem ejus (Helionoræ neptis) & Friderici ingressus Neapolim, Equestris dignitate decoravit. Nonnullis etiam id postulantis a Friderico eam dignitatem dari, æquo animo tulit. Constat quoque, Alphonsum II. Neapolitanorum Regem, decem & septem Milites; & Jacobum II. Siciliæ Regem quadringentos constituisse Milites in die coronationis sue. Et ad hanc rem dabantur a Rege litteræ, cujusmodi sunt Friderici Siciliæ Regis datæ Perrelode Gilario Panormitano, quæ leguntur in quodam antiquo Chronico Siciliæ tom. 3. Anecd. Martene. *Satis decens, & honorabile fore decernitur, quod in solemnitatibus nuptiarum, quæ inter inclitum Dominum Petrum II. Illustrum Regem Siciliæ primogenium nostrum, & Inclitam Dominam Elizabeth Filiam Illustris Regis Bohemæ in Civitate Messanæ, in festo Nativitatis Domini proxime futuro sunt feliciter omnimode celebrandæ, certi fideles nostri honoris, & nominis nostri, & dicti Filii nostri avidi zelatores, & præcipue ad hoc apti, militari cingulo decorentur. Cumque tu, vel filius tuus ad suscipiendum dictum militiæ cingulum aptus, idoneus, & sufficiens dignoscaris, nobis, & eidem nato nostro plurimum complacere, si ad dicta solemnia decenter te, filium tuum, præpares ad decorandum vel te, vel eum honore militiæ, ut expedierit, accessurum. Tantoque sumptu olim Equestre cingulum accipiebant, ut ob eam rem fas esset Dynastis subsidia extraordinaria subditis imperare. Veterem ritum armandi Militem exhibent nonnulli antiqui Ordines editi a Martene p. 3. lib. 2. cap. 12. ubi Antistes benedicit enssem de Altari sumptum, eo-que cingit Militem, recitatis quibusdam precibus, is vero vagina eductum enssem ter vibrat; tum acceptis ab Episcopo osculo pacis, & alapa, & vexillo, calcaria ei a nobilibus viris imponuntur. Sed apud Neapolitanos Reges is fuit Ordo creandi Militem, quem describunt Summontius lib. 3. Hist. Neapol. & Tutinus in libro *de Seggi di Napoli* cap. 14. Referunt namque in Ecclesiâ excitato tabulato, ordinandum Militem fessisse in argentea sella, ibique examinatum, an iis præditus esset conditionibus, quæ Militi conveniunt; mox oblato ab Antistite Evangeliorum libro, jurare debuisse, se Regi fidelem futurum, & adiuvandis miserorum rebus omnem daturum operam; deinde a duobus Equestris Ordinis viris ductum ad Regem, hunc illius caput, vel humeros ense tetigisse his verbis: *Iddio si faccia buon Cavaliero;***

possea a nonnullis Aulicis matronis ense cinctum, & a quatuor Militibus ei imposita calcaria aurata; quo facto, ductum ad nobiliorem sedem, medium confedissee inter Regem, & Reginam; tandem pretiosissima quædam ex saccharo condita, singulis distributa fuisse. Dubitandum haud est, quin sæpe hæc cæremonia peracta fuerit in Capella Regis, & coram Magno Capellano. Neque enim semper Reges in Civitate principe, neque semper in Neapolitana Ecclesia Milites creantur: sed sæpe in Aula, sæpissime in castris congressuri cum hostibus, aut statim a parva victoria. Tum vero & in Capella sua, & coram Magno suo Capellano, cingulum militare contulerunt. Ita Petrum IV. Aragoniæ Regem in Capella Palatina Majoricensi nonnullos ad militiam ordinasse anno 1343. scribit Zurita Ann. Arag. p. 2. lib. 7. cap. 68. Et innumera sunt exempla eorum, etiam Principum, qui in castris militari cingulo donati sunt.

X. Alii vero non ad militarem dumtaxat gradum, sed ad Equestrem aliquam Confratriam, cujus Neapolitani Reges auctores fuerant, cooptabantur. Scriptores Neapolitanarum rerum memorant Confratriam quamdam a Ludovico Tarentino Joannæ I. Reginæ conjugæ anno 1352. die sacra Pentecostes institutam, quæ Nodi nuncupata est: quod ejus Sodales sericum funiculum perlis ornatum, nexu quodam complicatum, & pectori admotum gererent. Atqui tamen hæc Confratria sub invocatione & patrocinio Sancti Spiritus viguit: & ad hujus amplissimæ Societatis exemplar Henricus III. Gallorum Rex præclarissimum conscripsit Ordinem Spiritus Sancti in Gallia, ad hæc usque tempora insignem. Quod sane nostris Scriptoribus inscius, ex antiquo quodam monumento eruit D. Laboureur in addit. ad Com. D. de Castelnau, agens de Henrico III. & de instituta ab eo Societate, tom. 2. ait. *Cet Ordre n'est qu'une imitation d'une confrérie Milice du S. Esprit, instituée l'an 1352. par Louis Anjou dit de Tarente, Roy de Hierusalem & de Sicile, a cause de la Reine Jeanne sa femme, & sa cousine; de la quelle n'ayant point eu d'enfants, cet Ordre prit fin avec lui, & se perdit si bien dans le desordres, & les revolutions, qui arriverent au Royaume de Naples, qu'on l'auroit mesme ignoré; si non que l'original des Constitutions estant tombé au pouvoir de la Seigneurie de Venise, elle en fit present a Henri III. quand il y passa a son retour de Pologne. Il le trouva d'autant plus beau, qu'il lui convenoit parfaitement pour estre ne la jour de la Pentecoste, & pour avoir este le mesme jour couronné Roy en Pologne, & en France, aussi bien que ce Roy Louis son premier Instituteur, qui receut a mesme jour les deux Couronnes de Sicile, & de Hierusalem. C'est pourquoy il le prit en angure, & resolut de se l'approprier, comme s'il eut esté de son invention, & après l'avoir copié, & commenté les Statuts, il donna ordre au S. de Ghiberny de le bruler; mais il fit conscience de faire perir un si rare monument, le quel outre le mérite de son sujet, & de son antiquité, estoit encore fort estimable pour les belles miniatures en velin, ou l'on voit l'histoire de ce qui est contenu en chaque canon, ou statut. A la premiere feuille est le mystere de la Trinité, représentée dans un ciel tout semé de fleurs de Lys au lieu d'estoiles, & accompagné de plusieurs Anges; dont il y en a deux aux costez, qui portent chacun un rouleau, ou est escrit en lettres Gothiques spiritus plena. Devant cette Trinité sont representez priants le Roy Louis, & la Reine Je-*

anne, avec cette souscription : Dominus Ludovicus Rex , Domina Joanna Regina , & a costé est la figure du noud de l' Ordre , qui est en forme d' un double lacs d' amour . Au dessus de cette Image est escrit : Ludovicus Dei gratia Rex Hierusalem , & Siciliæ , entre deux escussions l' un d' Anjou tout plein , e l' autre party d' Anjou , & de Sicile . Ce livre escheut depuis a Philippe Hurault Evêque de Chartres fils du S. de Chiverny , & appartient a present a M. René de Longueil S. de Maisons Président au Parlement. Le S. de Sainte Marthe Conseiller en la Cour des Aydes m' en ayant communiqué la copie , je la donneray icy comme une piece digne de l' Histoire , & qui fera voir quelles doivent estre les qualitez de ceux , qui aspirent a l' honneur d' un si noble Chevaliere . Quo testimonio constat , Henricum III. Gallorum Regem e Polonia in Galliam reducem , a Venetis accepisse Statuta Societatis Spiritus Sancti a Ludovico Tarentino Neapolitanorum Rege conscriptæ , exinde hausisse exemplar similem Societatem in Gallia ordinandi , optasse tamen , ut Statuta illa igni traderentur , quæ tamen diu servata , tandem a Domino Laboureur typis edita sunt . Ea sequenti exhibemus paragrapho , quod ad Capellæ Palatinæ cæremonias , ad Aulæ Neapolitanæ ornamentum , & ad antiquitatem illustrandam plurimum faciant . Corolus III. Dyrrachinus , qui Joannæ I. succcessit anno 1381. auctor fuit nobilissimæ Societatis sub S. Nicolai Myrensis Episcopi patrocinio , in cuius honorem Ecclesiam construxit , & solemnia quotannis agi voluit : cui , qui adscripti erant , Navem gestabant vestibus effigiatam , illam , qua Argonautas olim vestos in Colchidem , Jasone duce , Poetæ fabulati sunt . Sed & Renatus Dux Andegavensium , Rex Siciliæ , in Divi Mauritiæ Ecclesia Civitatis Andegavensis , Equestre instituit Sodalitium Lunæ Crescentis , seu corniculatæ ; quod Socii lunam corniculatam brachio subligatam gestarent , uti scribit Pontanus lib. 1. de bello Neapolitano . Memorat Pontanus adscitum in hanc Societatem a Joanne Andegavensi , qui contra Ferdinandum I. de Regni Neapolitani imperio decertavit , Robertum Sanseverinum virum genere , dynastiis , & rebus gestis amplissimum .

XI. Statuta Societatis Spiritus Sancti a Ludovico Tarentino , & Joanna I. Neapolitanorum Regibus edita , & a D. Laboureur in additionibus ad monumenta D. Castelnau , Gallico idiomate , quo exarata fuerunt , publici juris facta , hoc inscribuntur titulo . Ce sont les Chapitres faicts & trouves par le Tres-excellent Prince Monseigneur le Roy Loys par la Grace de Dieu Roy de Jerusalem , & de Secille . All' honneur du S. Esprit Trouveur , & Fondeur de la Tres-noble Compagnie du S. Esprit au droit desir , encommencee le jour della Pentecoste l' an de grace MCCCCLII. Nous Loys par la Grace de Dieu Roy de Jerusalem , & de Secille . All' honneur du S. Esprit , le quel jour par la grace nous fusmes couronnez de nos Royaumes , en effacement de Chevalerie , & accroissement d' onneur , avons ordonné de faire une Compagnie des Chevaliers , qui seront appellez les Chevaliers du S. Esprit au droit desir , & les dits Chevaliers seront en nombre de trois cens ; des quels Nous comme Trouveur , & Fondeur de cette Compagnie serons Princes : & aussi doivent estre tous nous Successeurs Roys de Jerusalem , & de Secille . Et a tous ceux , que nous avons esleus , & esliront a estre de la dite Compagnie faisons sçavoir , que nous pensons a faire , Je Dieu plet , la premiere feste au Chastel de Leuf enchan-

chante du merveilleux peril, le jour de la Pentecoste prochain venant ? Et pour ce tous les dessusdits Compagnons, qui bonnement pourveront à soient audit jour, audit lieu, en tel maniere, comme cy apres sera devise : Et adonques sera plus a plain a tous les Compagnons parlé de cette matiere. I. Ipsi Statuta hisce Capitulis conflata sunt. I. Socii cuilibet jurandum est, daturum se omnem operam, sive consilio, sive armis, sive quovis alio modo, tum in exequendis, quæ Princeps imperaverit, tum in observandis Statutis Societatis. II. Singulis Sociis iugiter gestandum est in veste insigne Societatis, nempe Nodus pectori admotus cum hoc symbolo : *si Deo placeat* : & qualibet feria sexta in memoriam Domini Passionis deferenda sunt indumenta nec ornata, nec colore conspicua, cum nigro capitis tegumento, quod Veteres cucullum dixere, Galili dicunt *Chaperon* : III. Ei, qui egregium aliquod facinus in bello gesserit, dummodo non in Ecclesiam Romanam arma tulerit, fas est Nodum solvere, solutumque gerere, usquedum Hierosolymitanum Christi Domini monumentum adierit, ibique veluti trophæum collocaverit : exinde Nodum rursus complicatum deferet, sed cum hoc symbolo, *Deo placeat*, additisque circa Nodum flammulis, seu radiis, quas vim Spiritus Sancti illapsam denotant. IV. Insigne Societatis, seu Nodus cum symbolo : *si Deo placeat*, non in vestibus solum exprimi, sed in manubrio ensis sculpi debet, additis nomine, cognomento, & galea scutaria illius, cujus est ensis. V. Sociis jejunandum est qualibet feria quinta totius anni, sin minus, tres alendi sunt eo die inopes, vel eisdem stipes eroganda, quanta sufficit ad unius diei alimoniam. VI. Die sacra Pentecostes Socii omnes conveniant Neapolim ad agenda solemnia Societatis in Capella Arcis Lucullanæ, vulgo *Castel dell'Ovo*, quam in honorem Sancti Paracleti Princeps excitavit. Is vero Corona redimitus eo die Comitia habet, Sociisque, quibus exigue sunt opes, ex ærario suo pecuniam subministrat, quantam itineris faciendi causa impenderint. VII. Eo die Socii omnes candidis induti vestibus, in quibus prope regionem cordis effigiatæ sint flammulæ Spiritus Sancti, manu gestantes enses erectum, adiant Liturgiæ in dicta Capella, ubi sua cuilibet est sedes, gentilitiis insignibus, galea scutaria, nomine, & cognomento cujuslibet distincta : absolutoque Sacro, universi flexis genibus Hymnum *Veni Creator Spiritus*, precesque recitent, ut in Societatem cælestia dona Spiritus Sanctus effundat. VIII. Quo die Socii ad celebritatem conveniunt, eorum singuli tabulas deferant, ubi eorum præclara gesta recenseantur, hæcque Clericis illius Capellæ tradant, ut ab iis Principi, ejusque Consilio exhibeantur : quæque Princeps cum Consilio suo memoratu digna existimaverit, hæc ab iisdem Clericis describenda sunt in libro ad hanc rem in Capella asservato, cui titulus : *Livre des advenemens aux Chevalliers de la Compagnie du S. Esprit au droit desir*. IX. Principi in Palestinam ad bellum Sarracenis inferendum, & sacra loca Christianis vindicanda trajicienti, adesse debet quilibet e Sociorum numero ; itidem & aliis omnibus in Palestinam expeditionibus, quas Romana Ecclesia, vel Christiani Principes susceperint, ni impedimento aliquo prohibeantur. X. Sociorum vexilla in gerendo bello, præfertim si pro Fide, aut Principe decertaverint, tum alba sint, tum Spiritus Sancti effigiem flammis radiantem præferant : atque eis in prælio sit vocalis tessera, *Au droit desir*. XI. Qui segniter cum hoste pugnaverit, haud candidis utatur vestibus in celebrandis solemnibus

Societatis, sed atratis; neque vestes ipsas flammulis Spiritus Sancti insigniat, quinimo hæc litteras legendas in iis exhibeat: *J' ay espérance au S. Esprit de ma grand house amander*; spem nempe habeo, favente Divino Spiritu, quod mihi probro datum est, dilutorum. Neque eo die discumbat una cum cæteris Sociis in eadem mensa: id vero usquedum iudicio Principis, ejusque Consilii, inusitam sibi infamiz notam purgaverit, xii. Nulli ex Sociorum cœtu fas est longa aggredi itinera, non antea impetrato Principis consensu; tuncque in Comitiiis significanda est ratio suscepti itineris, ut Socii absentiam intelligant universi. xiii. Si qui e Sociis dum omnem navat operam, ut perpatrato insigni facinore, *Voti* compos fiat, ob id in egestatem inciderit; re discussa, & probata in Consilio, ei Princeps opem, subsidiumque conferet. xiv. In Arce Lucullana, quo Socii ad agenda Comitii conveniunt, mensa erit nuncupanda *la Table desirée*, quod in ea discumbendum sit illis, qui jam *Voti* compotes facti, insigne aliquod facinus in prælio gesserint, Nodumque propterea solverint. Inter eos vero primi sedent, qui pluries decertando meruerint; princeps tamen loco concesso ei, qui solum antea Nodum rursum complicaverit, isque caput lauro cingit eo die, more veterum Romanorum. xv. Ipso die Pentecostes, sacris rebus absolutis, Comitii Societatis habenda sunt, atque singulis Sociis vi sacramenti sui incumbit officium proferendi quicquid ad Societatis gloriam spectat & utilitatem. Quod quidem, si Patrum consilio expedire visum fuerit, probatumque, addendum erit Statutis Societatis, curante hanc rem Principe. Si quæ de hujusmodi Statutis servandis emergunt dissidia, ea Patrum suffragio, & iudicio in Comitiiis sunt definienda. xvi. Qui in hanc Societatem est cooptandus, si jam antea alteri Societati Equestri nomen dederit, vel ea abire, vel hanc omnibus aliis præferre debet: cooptatus vero in Spiritus Sancti Societatem; neque hac ipsa abire, neque alteri nomen dare potest, inconsulto Principe, ejusque Consilio. xvii. Qui a Principe creantur Scutiferi Societatis, ii armandi sunt Milites, antequam ad agenda solemnia admittantur. xviii. Socius quilibet morti proximus curet, imperetque, ut ipso e vivis sublato, ensis in cuius manubrio sculpta sunt Societatis insignia ad Principem deferatur; tum quoque Nodus, omnium quos habet nobilissimus ad Capellam Societatis transmittatur. xix. Princeps accepto ense defuncti Socii curet, imperetque, ut infra octo dies illius solemne funus in Capella Societatis agatur: cui funeri ipse, ceterique Socii, qui non ultra unius diei iter ab Aula distiti sunt, adsint; tum ad Liturgiam, ensis offeratur ab aliquo defuncti consanguineo, vel amico ad Altare, comitantibus enses offerendum cæteris Sociis, qui ad Altare flexis genibus pro illo preces effundant. xx. Ensis cuiuslibet Socii vita sancti suspendendus est in eadem Capella Societatis: ibi quoque excitandum est monumentum, & in marmore incidendum, quo die, quo loco Socius ille e vivis excefferit. xxi. At vero Sociis præclarissime meritis, ut qui solum antea Nodum rursum subligarunt, addendæ sunt in monumento flammulæ Spiritus Sancti, simulque litteris sculpendum est, illum officio suo functum esse, ac jam *Voti* compotem factum. xxi. Si Sociorum aliquo supremum obeunte, Princeps absit ab Aula, ei incumbit infra annum parentalia defuncto indicare, & agere. xxi. Quilibet e Sociorum cœtu in alicujus Socii morte, septem Missas pro expiatione animæ celebrandas

das imperet, infra mensem ab accepta notitia. xxiv. Nulli fas est Nodum suum solvere, nisi cum quinquaginta, vel pluribus Barbutis decertaverit, & ita se fortiter gesserit, ut vel primus in hostem irruerit, vel hostem primus vulneraverit, vel vexillum ad terram usque proieciter, vel hostium Ducem cœperit, & ad finem usque pugnam insigniter egerit. xxv. Pariter ei fas est, Nodum solvere, qui cum exigua suorum manu contra tercentos Barbutos arma contulerit, & primus impetum fecerit, vel vulnus injecerit, dummodo exitus pugnae ipsi feliciter cesserit, & egregie navatam operam Princeps probaverit.

XII. Atque hæc sunt illius amplissimæ Societatis Statuta, quibus constat, Societatis insignia, tum Nodum pectori admotum, tum Spiritus Sancti flammeos radios fuisse. Quoad Barbutos, qui ibi nominantur, horum nomine, vel intelligendi sunt Brabeutz, ita dicti ab accipiendo Bravio, Italice *Campioni*; vel milites quidam ita nuncupati a tegminis aliqua specie, quo caput tegebant. Horum mentio fit in epistola quadam Innocentii VI. apud Martenium, tom. 2. Anecdotorum, & in Chronico Veronensi apud Muratorium, ubi: *Et ab alia parte Civitatis Veronæ versus portam S. Maximi jam equitaverat D. Bernabous de Vicecomitibus de Mediolano cum octingentis Barbutis*. Censet doctissimus Cangius, illos olim Barbutas dictos, quos deinde Itali *Lances* seu *Lanciaris* appellarunt. Porro ex Menennio in libello de Ordinibus Militaribus constat, adscitos a Ludovico Tarentino in hanc Societatem Robertum Tarenti Principem ejus fratrem, Barnabam Vicecomitem Mediolani Principem, Thomam Sanseverinum Comitem Marisci, & Sancti Severini, Magnum Comeftabulum; Robertum Urfinum Comitem Nolæ, Magnum Justitiarium; Goffredum Martianum Comitem Squillacii, Magnum Admiratum; Ericum Caraczolum Comitem Hiracii, Magnum Camerarium; Nicolaum Acciajolum, Magnum Senescallum; Honoratum Gaetanum Comitem Fundorum, Joannem Sanframundum Comitem Cerreti, Guglielmum Baucium Comitem Noyæ, Raimundum Baucium Comitem Soleti, Loyfium Sanseverinum, Gualterium Caraczolum Viola, Philippum Caraczolum Viola, Franciscum de Loffredo, Robertum Siripannos, Guglielmum de Tocco, Jacobum Caraczolum, Joannem de Burgentia, Bartholomæum Caraczolum Carafa, Ligorium Caraczolum Carafa, Joannellum Caraczolum Carafa, Joannellum Buzzutnm, Matthæum Buccaplanula, & Christophorum de Costantio. Horum nomina Menennius testatur hausisse se e libello quodam Nicolai Agnelli Pacca Neapolitani, cui titulus: *Ordines & Societates militares Regni*.

XIII. Aragoniis deinde Regibus imperantibus, aliud a Ferdinando I. Rege conscriptum est anno 1463. Equestre Sodalitium, cuius insigne fuit pellis alpini muris, vulgo *Armellino*, cum hoc symbolo: *Malo mori, quam fœdari*. Quod nempe Marinum Martianum Sueffanorum Ducem, affinem suum, hostemque infensissimum, captum, & in carcerem coniectum noluisse morti dare: qui tamen antea in ipsius Regis vitam, dissimulato pacis tractandæ causa prope Teanum colloquio, fœdissime insidias paraverat. Huic Societati adscriptum Herculem Estensem Ferrariæ Ducem, misso illuc Joanne Antonio Carafa, qui Torquem Societatis deferret, scribit Pigna in Historia Estensis familiz. Et Menennius in citato libello refert ex Pacca adlectos Alphonsum Calabriz Ducem, Regis primogenitum, Herculem Estensem

Eilensem Ferrariæ Ducem, Galeatium Sfortiam Ducem Mediolani;
 Alexandrum Sfortiam Pisauri Principem, Robertum Sanseverinum
 Principem Salerni, Franciscum Baucium Ducem Andriæ, Regis con-
 sanguineum, Julium Antonium Aquavivum Ducem Atriæ, Trojanum
 Caracciolum Ducem Melfhiæ, Antonium Piccolominum Amalphita-
 num Ducem, Regis consanguineum, & Pii II. nepotem, Ursulum Ur-
 sinum Nolæ Comitem, ac Afuli Ducem, Antonium de Ruere Du-
 cem Soræ Sixti IV. nepotem, Petrum Guevara Magnum Sene-
 scallum, Marchionem Vastii, ac Regis consanguineum, Innicum
 Avalos Comitem Camerarium, & Alphonsum ejus filium Piscariæ
 Marchionem, Honoratum Gaetanum Comitem Fundorum, Ferdi-
 nandum Guevara Comitem Belcastri, Alphonsum Guevara Comi-
 tem Archarum, Marinum Caraczolum Comitem Sancti Angeli, Ja-
 cobum Caraczolum Comitem Burgentiæ, Virginium Ursinum, &
 Joannem Jordanum ejus filium, Robertum Ursinum Tagliacotii,
 & Albæ Comitem, Diomedem Carafa Comitem Magdaloni, Scipio-
 nem Pandonum Comitem Venafri, Andream de Capua Altevillæ Co-
 mitis filium, Matthæum de Capua Palenæ Comitem, Antonium Ca-
 rafa Muntildragonis Dominum, Galeatium Caraczolum Vici Domi-
 num, Domitium Caraczoli Ruodi Dominum, & Calabriæ Gubernato-
 rem, Galeottum Carafa Foruli Dominum, & Regis consanguineum,
 Guevaram de Guevara Arpaix Dominum, & Vallis Beneventanæ Gu-
 bernatorem, Loyfium de Aquino Castellioni Dominum, Albericum
 Carafa, & Jacobum Carafa de Spina Castriveteris Dominum. Ritum
 vero ab Arogoniis Regibus adhibitum & in armandis Militibus, &
 in cooptandis Sociis *dell' Armellino* exhibet Joannes Brochartus in
 suis Diariis manuscriptis, ubi post enarratam Alphonfi II. coronatio-
 nem ait, *Rex coronatus ad altare superius dictum, prius Corporali,
 & manibus desculatis, & signatis, juxta ordinem superius dictum
 ascendit, & sedit in faldistorio ibidem sibi parato, & Legatus ad Re-
 gis dextram, ut alias faldistorio, cappa indutus similiter sedit, quibus
 sic sedentibus, D. Joannes Pontanus Regis Secretarius ex quadam ce-
 dula quam manibus tenebat, stans ad sinistram Regis in gradu inferiori
 Altaris pronunciavit de verbo ad verbum, & Heraldus Regis ad
 sinistram Pontani stans eadem verba successively proclamabat, ut ab
 omnibus intelligerentur. Sententia autem pronuntiationum, & procla-
 mationum fuit: Rex creavit Ill. D. Joannem Borgiam Ducem Gan-
 diæ, S. D. N. . . . Principem Tricaricensem, Comitem Clarimontis,
 Comitem Lauriæ, & Comitem Carinole. Item simili modo per aliam
 cedulam, ut supra pronuntiatam, & proclamatam, Rex creavit, con-
 stituit Ill. D. Joffredum Borgiam ejusdem S. D. Nostri Alexandri Pa-
 pæ etiam de domo Aragoniæ, & fecit ipsum Principem
 Squillaci, Comitem Cariati, & Regni Sicilia citra Pharum Protonota-
 rium, quo taliter pronunciato, idem D. Joffridus genuflexit coram Re-
 ge, qui imposuit sibi Elmetum, sive Galeam supra aurem sinistram,
 & creavit eum Militem dicens: Iddio e S. Giorgio ti facci buon Ca-
 valiere. Deinde imposuit sibi Stolam albam, supra quam Stolam, an-
 te impositionem juravit velle capitula illius observare. Tum recepto
 ab eo, & per ipsum D. Joffredum super collanam auri de Sociis Her-
 mellini, præfiso juramento, quod velit capitula Societatis illius Her-
 mellini observare: Rex eandem collanam humeris D. Joffredi imposuit,
 & ipsum Societati hujusmodi Hermellini aggregavit. Postmodum per
 aliam*

aliā cedulam simili modo pronuntiatā & proclamātā Ren creāvis, constituit Mag. D. Gentilem Virginium Ursinum de domo Aragonia, & Grandem Comeslabilem Regni. Insignia autem tam D. Joffredo, quam Gensili Virginio Grandis Comeslabulus hujusmodi non dedit, quia illis receptis debebant per civitatē a Baronibus associari equitantes, quod hodie propter equitationem Regis fieri non potuit; sed ad aliū diē hoc reservavit. Creavit post hac idem Rex decem septem alios Milites, quorum cuilibet Galeam imposuit, & cum puncta ensis singulos inter aurem sinistram, & summitatem Galeae tetigit dicens: Iddio e S. Giorgio ti faccia buon Cavaliero. At illis, qui collanas offerrebant, illis humeris eorum imposuit, sed nullum eorum de Societate Stola sive Harmellini fecit. Primus dictorum decem septem fuit Joannes de Sanguine Nobilis Neapolitanus Camerarius Regis, & ut credo, secundus Martinellus Regis Magister Justitiarius. Creatis Militibus hujusmodi, surrexit Ren, & Legatus, qui ipsum Regem usque ad portas Ecclesiae, extra portam a dextra Regis incedens associavit, sequentibus Pralatis in eorum mantellis: Ren ibidem Legato praesente ascendit equum, cujus frangum pectorale, & gropperam perlis in copioso numero ornaverat, & pallam per stringam suam digito annulari alligari sinistram manus fecit, sceptrum in dextra ferens, sub balacchino, quod Barones portabant, equitavit.

XIV. Memorat hoc loco Brochartus alteram insignem caeremoniam, qua creabantur septem Proceres Regni. Olim enim in Neapolitano Regno septem praecipua fuere munera totidem Magnatibus commissa, qui proinde post Regem primum locum occupabant. Horum primus dicebatur Magnus Comeslabulus, eratque Imperator militum, & supremus Dux belli; secundus Magnus Justitiarius, cui suberant Magistratus omnes, qui in negotiis tum civilibus, tum criminalibus jus dicunt; tertius Magnus Ammiratus, seu supremus classis, & rei maritimae Praefectus: quartus M. Camerarius, qui Regis proventus curabat; quintus M. Protonotarius servandis Chartis Regiis addictus; sextus M. Cancellarius, cui commissa erat custodia Regii sigilli: septimus denique M. Senescallus, seu supremus Domus Regiae Praefectus. Hi septem Proceres in publicis, Regiisque caeremoniis assidebant una cum Rege purpureis induti vestibus, singulique habuere suae dignitatis insigne, uti Magnus Comeslabulus ensē, Magnus Justitiarius vexillum, Magnus Ammiratus facem, Magnus Camerarius Coronam Regiam; Magnus Protonotarius librum, Magnus Cancellarius Doctoralem lauream, Magnus Senescallus truncum Unicornis animalis. De eorum origine, quae a Normannorum aetate repetenda est, officio, ac jurisdictione, Tutinus in libro de hac re edito, Freccia in libro de Subfeudis, alique plures cum scripserint, hic caeremoniam in eorum inauguratione adhibitam dumtaxat tractabimus, utpote quae saepe in Capella Palatina, absoluto Sacro, peragebatur. Et ex Tutino quidem colligitur, Magnum Comeslabulum flexis ante Regem genibus, ab eo accepisse ensē, cum his verbis: *Accipe Sanctum gladium, in quo nostros adversarios dejicies*. Verum saepe in Capella Palatina inaugurabantur hujusmodi Proceres Regni. Ita Alphonsus II. in die coronationis suae, Joffredo Borgiae consanguineo Alexandri VI. contulit gradum Magni Protonotarii, & Virginio Ursino Magni Comeslabuli. Sed horum munerum insignia alio die ipsis tradidit in Ecclesia Palatina, quod acceptis insignibus debuissent statim Civi-

Civitatem perequitare; id vero in die coronationis Regis fieri minime potuisset, cum ipsi Regi erat equitandum. Rem narrat Joannes Brochartus in suis Diariis manuscriptis, simulque describit Ordinem hujus ceremonie: *Feria sexta dicti mensis Maii ante meridiem, vel circa, in Castro novo Serenissimus Alphonsus Sicilia Rex dedit insignia Principalia D. Joffredo Borgia de Aragonia Principi Squillaci, videlicet circulum aureum rotundum simplicem in modum fili, seu cordæ, grossitudinis majoris digiti manus, quem capiti suo imposuit, & duo vexilla, sine stendarda, una cum armis suis, & Aragonum in quartata; quod assignatum fuit portandum D. Calcerando Borgia Militi Ordinis S. Joannis Hierosolymitani, fratri Reverendissimi D. Cardinalis Montisregalis Legati; & aliud, campum habens clauum, sive gladium, & duos monticellos paves cum tertio illis superposito, & scalam auream ex possibus uidecim aliquantulum per transversum tendentem in altum, quod fuit traditum D. Bartholomæo Serra Militi de familia dicti D. Joffredi portandum. Quibus insigniis receptis idem D. Joffredus equitavit per Neapolim, hoc ordine: præcesserunt Tibicines, & Fiduatores, quos sequebantur Nobiles, & Barones suo ordine, Mazzarii Regis, illi duo portatores vexillorum prædictorum, Hiraldu Regis, a sinistris D. Joffredus, & ad ejus sinistram D. Fridericus frater Regis, quos sequebantur alii Barones post Regios: non perfecit circulum solum, quia insigne aureum, quod in capite directo gerebat, nimis eum premebat: rediit propterea ad Castrum novum, quod exuerat. Hæc ex consuetudine Neapolitana debebant heri facta fuisse; sed propter coronationem Regis, & ejus equitationem fuerunt in hodie prorogata. Paulo post describitur ab eodem Brocharto ritus, quo tradita fuerint Gentili Virginio Ursino insignia Magni Comestabulatus, his verbis: *Feria quinta, decima quinta Maii, Reverendus Episcopus Nicastrensis celebravit Missam solemnem Pontificaliter, cui Serenissimus Alphonsus Sicilia Rex interfuit. Finita Missa, accessit ante Altare Capelle in Castro novo, ubi Missa hujusmodi celebrata fuerat prædictus Rex, ubi eo in sede sedente, venit coram eo Magnificus Gentilis Virginius de Aragonia manto longo rosaceo paucis suffulto usque ad terram indutus, cujus pars ad dextram a brachio infra usque ad terram aperta erat, sinistra vero pars plicata erat super brachium sinistrum, super brachium dextrum habebat bicham, sive lecidipium eisdem paucis subductum, & in capite biretum rosaceum parvum etiam paucis suffultum, cui ipse Rex donavit stendardum unum magnum armorum Regis, & Ursinorum aquartatum, & baculum unum argenteum, sive mazzariani in manu dextra, insignia Grandis Contestabilis Regni Sicilia, officii sibi pridem dati, cum quo, præcedenti stendardo a quodam Nobile portato, idem D. Gentilis Virginius a sinistris D. Joffredi equitavit per Civitatem Neapolitanam more solito a Nobilibus & Baronibus associatus. Circulus aureus imponebatur, vexillum quoque tradebatur in signum investituræ Feudorum, iis, qui Reguli, seu Barones creabantur; quique mox, acceptis insignibus, Civitatem magna pompa perequitabant. Hujus rei sæpe occurrit mentio in Annalibus Neapolitanis Raimi tom. 23. Script. Ital. a Muratorio evulgatis. Ibi anno 1447. Raymundus Ursinus Princeps Salerni, & Bernardus Aquino Marchio Piscariæ redimiti aureo circulo, & tribus præcedentibus vexillis per Civitatem equites incesse leguntur. Hinc Joffredus Borgia circulo aureo, & duplici vexillo donatum a Rege exhibet Brochar-**

chartus, quorum unum spectabat ad Principatum Squillacensem illi concessum, quare a Brocharto dicuntur *Principalia insignia*; alterum vero ad officium Magni Protonotarii. Et in Annalibus Raimi nuper laudatis, anno 1446. Dux Amalphitanorum, Pii II. Romani Pontificis nepos, creatus a Rege Magnus Justitiarius dicitur equitasse cum uno stendardo (& istud erat Ducatus insigne) & uno pennone, hoc est, vexilli quadam specie, quod Magno Justitiario præferebatur. Nunc vero temporis, nonnisi nuda superiunt illorum septem Officiorum nomina, quæ honoris causa a Rege Magnatibus quibusdam conceduntur.

XV. At vero Equestres Ordines, quorum Neapolitani Reges auctores fuerant, deficientibus ipsis, defecerant, & hominum memoria fere exciderant; cum CAROLUS BORBONIUS, omnium antehac Regum, clementia erga subditos, animi magnitudine, & rerum gestarum gloria longe præclarissimus, imperium utriusque Siciliæ, non tam sibi ipse vindicavit, quam populorum votis, amicis, benevolentia, plausu oblatum, exhibitumque accepit. Ne itaque rem aliquam missam faceret, quæ ad Aulæ Neapolitanæ splendorem, ad sui Nominis gloriam, & ad eorum remunerationem, qui de Rege, vel de Republica essent optime meriti, spectaret; in suis cum MARIA AMALIA Augusti III. Poloniæ Regis, & Saxonie Ducis filia nuptiis, amplissimum instituit die 3. Julii anno 1738. Equestrem Ordinem sub S. Januarii Episcopi & Martyris, præcipui Neapolitanorum patroni nomine, auspiciis, ac patrocinio. Hujus Equestris sodalitii se, suosque successores, perpetuo jure, supremos fore Moderatores dixit; cui, qui adscripti essent, hisce adstringerentur officiis, defendendi nempe ac tuendi, omni studio, totisque viribus Catholicam Religionem: Magno Magistro fidem & obedientiam promittendi, ac servandi: si quæ inter Sodales geruntur inimicitie, his extinguendis omnem operam dandi: a singulari certamine sive offerendo, sive acceptando abstinendi; imo ab aliis indicta pro viribus impediendi: singulis diebus Sanctum Missæ Sacrificium, & in Paschate, & die S. Januarii festo, Eucharisticam communionem sumendi: vitæ sancto & Confratribus aliquo, pro ejus expianda anima Officium Defunctorum recitandi, & Eucharistiam sumendi; tum unius solemnæ Missæ celebrationem imperandi: denique interveniendi Rei Divinæ, quam in D. Januarii honorem, Magnus Ordinis Magister decreverit. Insignia vero quotidiana horum Sodalium statuit, fasciam rubeam undatam, ab humero dextro ad sinistrum latus protensam, e cujus parte extrema Crux pendet octagona; quatuor liliis ad quatuor angulos distincta, & in ipsius Crucis medio B. Januarii Episcopi imago Pontificalibus induti ornamentis, dextra manu benedicens, sinistra habentis Evangeliorum librum, & mirifici sanguinis ampullas; aliam præterea Crucem argenteam superiori vestis consutam, cum hoc symbolo: *In sanguine fædus*; quo significatur arctissima & religiosissima ea esse scædera, quæ sanguine obsignantur. Insignia autem solemnia, præter recensita, decrevit; Torquem aureum egregio opere laboratum, liliis & Pontificalibus insignibus contextum, Crucem etiam in extrema parte habentem; & pallium, sive talare vestimentum nobilissimum, coccineum, undatum, liliis aureis undique adpersum, aureo cingulo obstrictum, & anteriori parte complicatum. Ubi quis a Rege ad hanc Societatem cooptatur, hujus rei conscius sit a Secretario Ordinis, ad quem debet ille transmittere

monymēta, quibus sui generis excellentia comprobetur. Id vero a Rege discutiendum demandatur duobus ejusdem Societatis Sodalibus, iique, re examinata, sententiam suam scripto tradunt a Secretario Ordinis, Regi exhibendam. Porro nonnulli viri præclarissimi vel genere, vel dignitate, in eam Societatem adscisci solent; Cardinales, Antistites, Magnates Aulici, belli Duces, Reguli amplissimi. Habet præterea hoc Equestre Sodalitium quatuor Officiales, Cancellarium ex Antistitem numero seligendum, Secretarium, Thesaurarium; & cæremoniæ præfectum. Ad Cancellarium spectat Sacris operari; ad Secretarium Aëta & diplomata Ordinis custodire, ad Thesaurarium insignia Ordinis asservare, denique Præfectus cæremoniarum quidquid ad ritus & cæremonias spectat, moderatur. Amplissimam hanc Societatem BENEDICTUS XIV. nedum ratam habuit, verum etiam nonnullis donavit privilegiis, edita Constitutione pridie Kalendas Julii an. 1741. quæ incipit *Romana Ecclesia benignitas*: Nam primum indulgit, ut Cancellarius ipsius Societatis pro tempore existens in Episcopali, seu Archiepiscopali dignitate, prout in Statutis ejusdem Societatis consinetur, constitutus, seu Presbyter ad audiendas Confessiones idoneus per ipsum tamen Cancellarium ad hoc deputandus, vel per ipsos Confratres, eosdemque Officiales extra fines dicti Regni utriusque Sicilia commorantes, ex approbatis tamen a locorum Ordinariis eligendus, ipsos, & eorum singulos, ab omnibus & singulis excommunicationis, suspensionis, & interdicti, aliisque ecclesiasticis sententiis, censuris, & penis; a jure quavis occasione, vel causa latis, infligitis, nec non ab omnibus eorum peccatis, criminibus, excessibus, & delictis, quantumcumque gravibus, & enormibus, etiam Apostolica Sedi qualitercumque reservatis (non tamen de reservatis locorum Ordinariis) de quibus ore confessi, & corde contriti fuerint; de reservatis autem qualitercumque Sedi Apostolica semel in vita, & in mortis articulo, etiamsi mors focus non fuerit, de aliis vero eidem Sedi non reservatis, quoties opus fuerit, in foro conscientie dumtaxat absolvere, ac eis, & eorum cuilibet pro commissis debitam absolutionem impendere, & penitentiam salutarem injungere: nec non vota pro tempore per eos omnia (claustrarii, visitationis liminum Beatorum Apostolorum Petri & Pauli, ac S. Jacobi in Compostella, nec non castitatis, & religionis votis dumtaxat exceptis) in alia pietatis opera commutare; nec non in mortis articulo, etiamsi mors non subsequatur, plenariam omnium peccatorum suorum remissionem, & indulgentiam, & Apostolicam nostram benedictionem per se ipsum, vel per alium quemcumque idoneum Sacerdotem per singulos Fratres eligendum impendere possit, ac valeat. Præterea Cancellario, Confratribus, & Officialibus Ordinis concedit domesticum Oratorium ubicumque locorum fuerit, ubi singulis diebus semel peragatur Missæ Sacrificium, exceptis tamen Paschate, Pentecoste, Natali Domini, & aliis hujusmodi solemnitatibus; & quidem hora una ante auroram, & altera post meridiem. Si Confratres in locis interdictis morari contigerit, fas eis est Eucharistiam & cætera Sacramenta accipere; Missæ, & divinis Officiis privatim celebrandis adesse, una cum suis domesticis, & consanguineis; dammodo non eorum causa latum sit interdictum, vel eorum culpa minime tollatur. Quin si in locis interdictis extremum obierint diem, tumulari in Ecclesia licite possunt. Quadragesimæ tempore, & aliis diebus anni, quibus interdictus est usus læticiorum, eis vesci in-

251
tegrum est. Denique diebus B. Januarii sacris; nempe primo Sab-
bato mensis Maii, die decima nona Septembris, die decima sexta De-
cembris, ac singulis octavæ diebus, si pietatis causa aliquam adierint
Ecclesiam, peccata etiam sua apud Sacerdotem confessi fuerint, Eu-
charisticum insuper panem sumplerint, plenariam Indulgentiam con-
sequuntur. Atque hæc sunt ejus nobilissimæ Societatis initia; sta-
tuta, officia, & privilegia. Pergimus ad ritum, quo inaugurantur
Sodales.

XVI. In Capella Palatina, solemnî ritu, in hanc Societatem ii ad-
sciscuntur, quos Rex statuit eo honore aliciendos. Ibi Rex Solio in-
sistet, prope Regem sedent in scamno cæteri Sodales Ordinis; e re-
gione vero quatuor Officiales, Cancellarius, Magister cærimoniarum,
Thesaurarius, Secretarius. Cancellarius Sacrum facit, quo expleto,
induit Pontificalia ornamenta, & sedet in baldachorio ad Altare. Tum,
deposita mitra, benedicit equestria insignia; quæ illi exhibentur in
argenteo bacili, pallium, torquem, ensen, cingulum; hac formula:
*Adjutorum nostrum in nomine Domini. R. Qui fecit cælum & ter-
ram. V. Dominus vobiscum. R. Et cum spiritu tuo. Oremus, Deus
invictæ virtutis Triumphator, & omnium rerum Creator, & Sancti-
ficator, intende preces nostras, & hoc indumentum militaris gloriæ
Ministro tuo ferendum, ore tuo proprio benedicere & sanctificare di-
gneris, & huic servum, qui ipso utetur, tibi devote & laudabiliter
servientem, gratum efficere digneris. Per Dominum nostrum. Amen.*
Adhæc Tiro medius inter duos Sodales, qui sponсорum vices gerunt,
salutate Altari, ad Regis Solium accedit, ibique genua submittit:
tum e sponсорibus unus Regem illius nomine deprecatur, ut Tiro-
nem donet torquem & vestimento Societatis: Mox eundem Rex sciscit-
tatur, an armatus sit Miles: Qui, si cingulo militari haud donatus
fuerit, eo donatur a Rege, hoc ritu. Præfectus Regii Fabuli porri-
git Regi ensen, quo Rex ter percutit humeros: Tironis, isque en-
sem deosculatur; mox ense, & equestri cingulo à duobus sponсорibus
tingitur. Tum Præsul Sacra faciens, accedit ad Solium Regium, ac
stans, hæc preces inchoat: *Accipe gladium hunc in nomine Patris,
& Filii, & Spiritus Sancti, & utaris eo ad defensionem Sanctæ Ec-
clesiæ Romanæ, Regis nostri CAROLI BORBONI Supremi Principis, ac
Magistri Ordinis, & tuam, ad confusionem inimicorum Crucis Chri-
sti, ac Fidei Christianæ, & quod maxime ferentis animi præstantia
commendat, illo neminem injuste lædas, quod ipse præstare dignetur,
qui cum Patre, & Spitu Sancto vivit, & regnat Deus in sæcula sæ-
culorum.* Tironem respondente: *Amen.* Quod si Militare cingulum
jam induerit, hæc cæremonia omittitur. Tum Secretarius Ordinis
Tironem sciscitat, an jurare velit, servaturum se se Ordinis Sta-
tuta. Quo respondente, se paratissimum esse, desertur a duobus spon-
сорibus ad Antistitem sedentem in baldachorio ad Altare. Ibi flexis ge-
nibus, dextra manu tangens Evangeliorum Codicem, legit hanc ju-
ramenti formulam: *Io N. N. prometto a Dio Trino, & uno, alla
sempre Vergine Maria, & a S. Gennaro, d'esser fedele a sua Maestà,
Capo, Sovrano, e Gran Maestro del Real Ordine di S. Gennaro, & a
saoi Serenissimi Successori, che faranno Capi di quest' Ordine in tutte
l'occasioni, nelle quali si tratterà dell' onore, vita, e stato di S. M.
e dell' Ordine, facendo ciò che dee fare un buon Cavaliero. Prometto
di difendere sempre a tutto mio potere la Santa Fede Cattolica Ro-*

mana, sollevare, e difendere le Vedove, i Pupilli, e le persone miserabili dall'oppressione con parole, e con opere, per quanto mi sarà permesso. Osservare inviolabilmente tutte le leggi, e statuti dell'Ordine, così prescritte, come da prescriversi. Porterò di continuo la Croce dell'Ordine secondo dispongono li Statuti, e voi Santissima Trinità, Beata Vergine, e S. Gennaro udite questi miei voti, fate presenti al proferrir di questa mia ultima volontà. Præsto juramento, sistit se Regi, eumque provolutum in genua duo sponsores induunt Ordinis Vestimento, Rege quoque manum admovente. Interea Cancellarius ab Altari ad Regis Solium pergens, hæc pronuntiat verba: Accipe hanc vestem immaculatam, quam securus perferas ante Tribunal Dei. Suscipe jugum Domini suave, & onus leve, quo non gravari, sed acquiescere animus debet. Adhæc Thesaurarius Ordinis exhibet Regi Torquem; & Cancellarius ad Tironem versus: Credidne, ait, hoc esse vivifica Crucis signum, in quo Christus pependit, ut sua morte nobis vitam conciliaret? Cui Tiro: Credo. Rursus Præsul. Et hoc, inquit, est Ordinis Beati Januarii signum, quod semper tuo pectori adhareat. His dictis, Tiro Crucem deosculatur; eique Rex Torquem imponit, Præfule dicente: Accipe hoc signum in nomine SS. Trinitatis, Beate Mariæ Virginis, & Sancti Januarii Martyris, in Fidei, & Christiani nominis incrementum, pectori tuo ideo Crucem commendamus, ut tuo sit cordi proximior; & dextera forsiter dominans illam defendas, & defensam toto zelo reverearis. Osculata deinde Regis manu, cum Rex amplexu excipit, qui surgens, salutato Rege, singulos Sodales amplectitur, & suo se sistit loco. Interea Præfule prædicente, decantant Musici Psalmum, Magnus Dominus & laudabilis nominis: quo finito, sequuntur hæc preces: V. Solum fac servum tuum. R. Dams meus sperantem in te. V. Mitte ei Domine auxilium de sancto. R. Et de Sion tuum aux. V. Nihil proficiat inimicis in eo. R. Et Filius iniquitatis non apponet nocere ei. V. Esto ei Domine turris fortitudinis. R. A facie inimici. V. Domine exaudi orationem meam. R. Et clamor meus ad te veniat. V. Dominus vobiscum. R. Et cum spiritu tuo. Oremus. Deus qui iustificas impium, & non vis mortem peccatoris, Majestatem tuam supplicitor deprecamur, ut hunc famulum tuum de tua misericordia confidentem celesti protegas benignus auxilio, & assidua protectione conserves, ut tibi jugiter serviat, & nullis sensationibus a te separetur. Per Christum Dominum nostrum. Amen. Tandem sacram rem absolvit in gratiarum actionem Hymnus Te Deum.

XVII. Officiales Ordinis pariter in Capella Palatina inaugurantur, hoc ritu. Ubi Cancellarius Rem Divinam egerit, is qui promovendus est, medius inter duos Equites, salutato Altari, procumbit ad Regis Solium; mox e sponsores alter a Rege petit, ut illi Crucem Ordinis largiatur. Eundem Secretarius Ordinis interrogat, an interpolita juramenti religione, sit ea, quæ sui sunt muneris, facturus. Eo affirmante, dicitur ad Antifistem in Altari sedentem, Pontificalibus indutum ornamentis, tactisque Evangelis, flexis genibus, hoc sacramentum emittit: Io N. N. giuro e prometto a Dio Trino & uno, O' al Beatissima Vergine Maria, O' al glorioso S. Gennaro, di bene e fedelmente servire sua Maestà nel mio impiego, a cui s'è deguata di promovermi. Sarò sempre fedele alla Maestà sua, Capo, Sovrano, e Gran Maestro, & a suoi Sovrenissimi Successori, che saranno
Capi

*Capì di quist' Ordine, in tutte l' occasioni, che si tratterà dell' onore, vita, e stato di S. M. Prometto di difender sempre la santa Fede Catholica Romana, le vedove, i pupilli, e le persone miserabili dall' oppreffioni con parole, & opere, per quanto mi sarà permesso, & in tutto il dippiù, che sia disposto nelle costituzioni rispetto alla mia carica, io compirò secondo l' obbligo di fedelissimo vassallo di S. M. Tum Antistes benedictionem pronuntiat, porrecta illi Cruce in argenteo bacili: *Benedic Domine Jesu Christe hanc Crucem tuam, per quam eripuisti Mundum a Damonum potestate, & superasti passionem tua suggestorem peccati, qui gaudebat in pravocatione primi hominis per ligni vetiti sumpcionem. Per Christum Dominum nostrum. Amen.* Accedit deinde Præsul ad Solium Regium, ubi stans, conversusque ad ordinandum genibus flexum, eum interrogat: *Credis, ne hoc esse vivificæ Crucis signum &c.* uti paragrapho antecedenti legitur. His dictis, ordinandus osculatur Crucem, quam illi Rex collo imponit, Præfule dicente: *Suscipe hoc signum &c.* Deinde Regis manum deosculatur, & ad suum se recipit locum. Tum Psalmus *Magnus Dominus*, preces, tandem Hymnus *Te Deum* decantantur. Denique si qui abiens a Neapolitana Aula in Societatem est coopandus, id muneris a Rege alicui Antistiti, vel Socio Ordinis demandatur, iisque alios designat, qui in ea cæremonia vices agant Cancellarii, & Secretarii Societatis; Sodales etiam, si qui illic sunt, monet, ut ad novi Socii inaugurationem peragendam conveniant.*

XVIII. Diximus tum a Sociis Velleris aurei in Hispania, festum S. Andræ Apostoli tutelar; tum a Confratribus Ordinis Spiritus Sancti in Gallia, sacrum Divino Spiritui diem; & a Sodalibus Ordinis Periscelidis in Anglia, festivitatem S. Georgii Cappadocis, solemni ritu celebrari. Et quidem antiquo more receptum est in hisce Equestribus Sodalitiis, ut stata sint sacra, & dies solemnes indicti, quibus cuncti interesse debeant, quemadmodum olim a Sodalibus Equestribus Ordinis S. Michaelis Archangeli in Gallia, & Lunæ Crescentis apud Andegavenses Principes, & alibi passim usitatum constat. Sed & apud Neapolitanos Reges idem mos viguit: siquidem Confratres Equestres Societatis Navis a Carolo III. Rege conscriptæ sub S. Nicolai Episcopi patrocinio, singulis annis hujus solemnia agebant in Ecclesia ab eodem Rege in honorem Sancti Episcopi excitata; de qua re Beatillus in Historia Barenfi. Pariter Equites Nodi, seu Spiritus Sancti, quos Ludovicus Tarentinus conscripserat, sacrum diem Pentecostes singulis annis celebrarunt solemni pompa in Capella Arcis Lucullanæ, vulgo *Castello dell' ovo*. Ut enim constat ex Statutis illius Societatis supra relatis, conveniendum erat omnibus ad agenda Comitia, & solemnia Societatis, ex ærario Regio subministrata pecunia illis, quibus esset inopia rei familiaris. Et in hisce agendis solemoniis candida gestabant indumenta, enses manu tenebant, auditque Liturgia, Hymnum decantabant invocationis Spiritus Sancti, tum Comitia habebantur, omnesque eidem mense accumbebant. Ex receptissimo igitur hoc instituto, decrevit Serenissimus Rex CAROLUS BORBONIUS, singulis annis, festum diem S. Januarii a Sociis hujus amplissimi Sodalitii in Capella Palatina celebrandum. Eo die Sodales solemni vestimento Ordinis induti, & quatuor ejusdem Societatis Officiales adeunt saluatorium Regis cubiculum, ibique Principem expectant, quem mox comitantur ad Capellam Palatinam; ad cujus fores Cancellaria-

cellarius Ordinis Regem adspersit aqua benedicta. Tum Rex sedet in Solio a cornu Evangelii, & ad Regis latus insident scamno sine postergali Socii omnes, servato inter eos antiquitatis ordine; e regione vero assident in simili scamno Officiales Societatis. Rem Divinam facit Pontificali apparatu Cancellarius; qua expleta, Sodales pariter Regem comitantur ad ædes usque suas. Quandoque non in Capella Palatina, sed in nobilissima S. Januarii Capella, quæ adhæret Metropolitanz Ecclesiæ, celebrantur solemnia; tum vero Socii occurrunt venienti Regi usque ad fores Metropolitanæ Ecclesiæ, & discendentem pariter usque ad eas fores comitantur. Cardinales, & Episcopi, qui in hanc Societatem adsciti sunt, interfunt Rei Divinæ induti sui Ordinis ecclesiastico vestimento, sed simul gestantes Torquem Societatis.

XIX. Quod vero Neapolitanis Regibus modo sit adjuncta suprema Constantiniani Ordinis administratio, hinc fit, ut de hac quoque Societate Equestri, dicendum nobis est. Aiunt illius Magnum Constantinum Imperatorem auctorem primum fuisse, cui pugnato adversus Maxentium, & implorata Divina ope, cum in aere Crux apparuisset, cum his verbis *In hoc signo vinces*, occasio enata est efformandi *Labarum* seu vexillum exhibens sanctæ Crucis imaginem, cum Christi monogrammate, quod sibi in castris, in expeditionibus, in præliis præferri iussit, & cui custodiendo quinquaginta selectissimos milites addixit. Ex hac institutione Ordinem hunc coaluisse serunt, atque apud successores Imperatores Orientis perdurasse, plurimumque gloriæ, & incrementi accepisse. Illud tamen certum videtur, ab Isaacio Angelo Flavio Comneno Orientis Imperatore, anno 1190. vel de novo excitatam, vel instauratam Equestrem hanc Societatem, sub patrocinio Divi Georgii Martyris, quem Orientales summa religione colunt, constitutis pluribus legibus ad eam regendam, variis quoque privilegiis ei concessis, & reservato sibi, suæque familiæ successoribus perpetuo jure eam administrandi, atque in eam Socios cooptandi. Exinde Græci Principes familiæ *Flavia Comnena*, qui se inscribebant Divasti, & Dyrrachii in Albania Duces, Principes Macedoniæ, & Thessaliæ, quamvis Imperiali sede dejecti, tamen, in nonnullis Oppidis suæ ditionis primum, tum subactis a Turcis illis regionibus, apud Venetos, quo domicilium suum transfulerant, constantissime jus administrandi, & conferendi Constantinianum Ordinem retinere. Imo pluries a Romanis Pontificibus, præsertim Paulo III. Gregorio XIII. Sixto V. Gregorio XV. Clemente VIII. aliisque, & quandoque etiam causa cognita apud Auditorem Cameræ Apostolicæ, vel in Romana Rota, uti anno 1623. privilegia Ordinis rata haberi, ac confirmari, jus quoque Ordinem administrandi & conferendi sibi asseri, & vindicari impetrarunt. Quin & a Regibus, aliisque supremis Principibus obtinuerunt, ut sibi fas esset in eorum Regnis, ac Ditionibus Constantinianos Equites creare; sicuti contigit in hoc Neapolitano Regno anno 1623. die 7. Junii, cum Joannes Andreas Angelus Flavius Comnenus supremus Ordinis Magister dedit ad hanc rem Proregi supplicem libellum, reque delata ad Capellani Majoris Curiam, Scipio Rovitus Consultor illius temporis censuit annuendum esse *Regium Exequatur*, cum ea tamen lege, ut nulla Equites gauderent Fori immunitate. Postremus *Comnena* familiæ Princeps Joannes Andreas, exeunte sæculo elapso, quod nulla ei esset proles, nullique superessent stir-

Airpis sunt successores, ne huius antiquæ Societatis memoria interiret, in Franciscum Farnesium Parmensem Ducem, ejusque successores, transiit jura sua omnia regendi, & conferendi Ordinis Constantiniani. Idque ratum habuere tum Leopoldus Imperator, tum Innocentius XII. Summus Pontifex, edita Bulla die 24. Octobris anno 1699. quam refert Onoratus a S. Maria in suis de Equestri Ordine Dissertationibus. Jam vero, agente Farnesio Duce, novæ condita fuerunt leges Societatis, quas Clemens XI. probavit, confirmavitque, plures conscripti Socii, quædam Commendæ erectæ, nonnullæ opes additæ, insignis Ecclesiæ Parmæ eis addicta, ac nova splendidior facies Ordini comparata. Farnesius anno 1731. excessit e vivis, nulla relicta prole, a quo traducta sunt jura sua omnia ad Elisabetham fratris Filiam, Philippi V. Hispaniæ Regis conjugem, tum in CAROLUM BORBONIUM ex ea procreatum, ac tandem in FERDINANDUM filium, Regem Neapolitanorum. Hoc itaque titulo ad hunc pervenit suprema administratio Ordinis Constantiniani: ac publica Sociorum Inauguratio anno 1663. peracta est, in Ecclesiâ Arcis novæ, vulgo, *Castelnovo*, sacris operante Capellano Maiore. Ejus insignia sunt, Crux tæbea, cujus quatuor extremitates ad liliorum formam compositæ quatuor hæc litteras I. H. S. V. exhibent, quæ significant: *In hoc signo vinces*. In ipsius Crucis medio Monogramma Christi conspicitur, medium inter hæc duas Græcas litteras A. ω. *Alpha & Omega, principium, & finis*, quibus Christus ipse indigitatur. Ea pendet a cœrulea fascia collo circumposita; cui similis Crux altera operis Phrygiæ superiori vesti, seu thoraci superimponitur. Verum Senatores Ordinis seu *Gran Croci*, numero quinquaginta, in magnis solemnibus aureum Torquem deferunt, a quo Crux pendet; ita tamen, ut extremæ Crucis parti adhæret, & ipsa pendens effigies Sancti Georgii Martyris equo insidentis, atque confodientis lancea draconem ad equi pedes prostratum, quo veteres denotarunt ab indyto beato milite diabolum superatum. Præterea Equites omnes in solemnibus Societatis induunt brevem quandam tunicam, ad lumbos usque demissam, manibus destitutam, anteriori parte clausam, sericam, albique coloris, quam militari cingulo ex serico villosa coloris cærulei, a quo ensis pendet, constringunt. Induunt quoque Pallium talare cum fymate, sericum, & coloris cærulei, duobus funiculis collo alligatum; pileum quoque ex serico villosa ejusdem coloris, in cujus fronte Monogramma Christi conspicitur acu pictum. Sunt in Ordine quinquaginta senatores vulgo *Gran Croci*; sunt Equites *Justitiæ* ita dicti, quod eis per authentica monumenta probandus fuit familiæ splendor ab avis per gradus quatuor traductus; sunt etiam Equites *Gratiæ*, qui nullo nobilitatis suæ testimonio in Societatem vocantur; sunt denique familiares, domesticique Ordinis, vulgo *Studieri*, & *Servienti*. Ecclesiastici etiam in hunc Ordinem cooptantur. Primum vero, præcipuumque officium est, pro Fide, & Ecclesiâ strenue dimicare.

XX. Cum aliqui in hanc Societatem adscribuntur, Rex Magnus Magister solet alicui ex Senatoribus Ordinis, vulgo *Gran Croci* vices suas committere ad hanc cæremoniam peragendam, quem idcirco *Commisarius* vocant. Antistes, quem *Magnum Priorem* Ordinis nuncupant, sacris operatur. Duo insuper Equites agunt Sponsores, seu Patrones Candidati. Socii in Ecclesiam conveniunt induti omnibus insignibus Societatis, Sacram ab Antifiste inchoatur, dum Candidatus

tus

tus, genibus ante Altare flexis, manu tenet accensum cerëum. Divinam Euchalliam accipit; & Missa dicitur de Spiritu Sancto cum commemoratione B. M. Virginis, & Sancti Georgii Martyris. Absoluta Liturgia, Antistes, & Commissarius sedent a dextra Altaris parte, ad eos ducitur a duobus Patrini Candidatus, qui genua flectit, cui Patrinus: *Scire te oportet*, inquit, *neminem ad sacrum hunc Ordinem esse promovendum, qui prius Catholicam, Apostolicam Romanam Fidem, & ore, & corde professus non fuerit*. Hinc a Candidato recitatur Fidei professio juxta formulam a Pio IV. Bulla *Injunctum nobis Apostolica servitutis ministerium* anno 1564. editam. Mox Antistes nonnullis precibus. benedicit Pallium Ordinis, adspersitque aqua benedicta; quo Commissarius, & Patrini Candidatum induunt, dum ab Antistite quædam proferuntur verba, quibus Candidatum monet, exteriori illo vestimento indigitari vitam sine crimine ab eo ducendam, ut securus se sistat Divino judicio. Sequitur benedictio Crucis, seu aurei Torquis (si sit e Senatorum, vulgo *Gran Croci*, numero) cujus collo eam Commissarius imponit. Ad benedictionem ensis, & cinguli militaris progreditur Antistes, quem e vagina eductum a Patrino accipit Commissarius, & manum quoque admovente Candidato, Antistes hæc profert verba: *Accipe gladium istum in nomine Patris, & Filii, & Spiritus Sancti, ac eo utaris ad defensionem tuam, sanctæ matris Ecclesiæ, & Principis Magni Magistri Ordinis, ad confusionem inimicorum Crucis Christi, & Catholicæ Fidei tutelam, atque propagationem, & quantum humana fragilitas permiserit, cum eo nomen iniuste ladas: quod ipse tibi præstare dignetur, qui cum Patre, & Spiritu Sancto &c.* Quibus dictis, Candidatus præcingitur a Patrinis cingulo, & ense in vaginam reducto; rursus dicente Antistite: *Hoc tibi sit in nomine Domini nostri Jesu Christi, & attende, quod Sancti, non in gladio, sed in fide vicerunt Regna*. Surgens Candidatus eductum e vagina ensẽ ter vibrat; mox ejus genuflexi humeros Commissarius eodem denudato ense ter percutit, his verbis: *Esse Miles pacificus, strenuus, fidelis, & Deo devotus*; ejusdemque sinistram genam leviter percutiens Antistes addit: *Exiteris a somno malitiæ, & vigila in fide Christi, & fama laudabili*; eumque excipit pacis osculo. Afferuntur deinde aurata calcaria, quæ ei a Patrinis aptantur. Surgentibus omnibus, dicitur Psalmus: *Benedictus Dominus Deus meus, qui docet manus meas ad prælium, & digitos meos ad bellum*; quo finito, Antistes nonnullas preces, & Orationes subiungit; Candidatus Pileum accipit, suumque locum adit. Hymnus gratiarum actionis ceremoniz finem imponit. Verum cum ad solemnem professionem Eques admittitur, eum Commissarius siscitatur, an noscat Ordinis Statuta; an ea velit fervare, an Fidem, Ecclesiã, Magnum Magistrum, Ordinem ipsum paratus sit pro viribus tueri; an Supremo Societatis Moderatori morem gerere promittat; an in aliam Societatem sit adscriptus, vel alieno ære oppressus, vel alicujus gravis criminis reus sit. Singulis hisce interrogationibus, postquam convenientia responsa dederit, flexis genibus pronuntiat juramenti formulam, qua, invocatis in testes Deo, B. M. Virgine, ac Divo Georgio, promittit Principi, supremo Ordinis Moderatori, & Ecclesiæ Catholicæ fidelitatem, & obedientiam; viduas, pupillos, miserosque se adiuturum; pugnaturum Ordinis prælia; castitatem conjugalem, charitatem, humilitatem servaturum; inimicis veniam dare, insignia

Ordi-

Ordinis deferre : ejus Statuta custodire ; ac morti proximum centum aureos nummos Societati , legati nomine elargiri : tactisque Evangeliiis : subdit : *Sic me Deus adjuvet , & hæc sancta Dei Evangelia* . Ad hæc Commissarius tangendo Crucem illius collo appensam : *Credis* , inquit , *hoc esse vivificæ Crucis signum , a quo Christus pependit , ut sua morte nobis vitam conciliaret ?* Cui ille : *Credo* . Et Commissarius subdit : *Hoc est militiæ nostræ signum , quod tuo pectori semper adhareat* : quibus dictis , Crucem illi osculandum præbet ; addens alia quædam verba , quibus illum monet ad Crucem diligendam , colendam , defensandam . Postea aptans illius collo funiculos Pallii , declarat parentes , propinquosque illius , participes omnium bonorum operum , quæ sunt a Societate . Denique pacis osculo , & recitatione Psalmi *Magnus Dominus , & laudabilis nimis* , cum quibusdam precibus , & Orationibus dicendis ab Antistite , & cæterorum Sociorum amplexu , absolvitur cæremonia .



C A P U T XII.

DE RITU PRÆSTANDI SACRAMENTA.

De iuramentis, quæ olim Episcopi in Gallia Regi præstabant. II. Ritus hujus cæremonia describitur. III. De quibusdã aliis sacramentis, quæ in Aula Regum Gallia emittuntur. IV. Ritus iurandi a Galliæ Regibus inita fœdera. V. De præstando hominibus, & iuranda fidelitate Principi Asturicensium in Hispania. VI. Ordo hujus cæremonia narratur. VII. De sacramento edendo a Clericis Aula Hispana. VIII. Et quo Reges Hispania se obligant fœderibus custodiendis. IX. Ritus iuranda fidelitatis Regi Lusitania. X. Et Regi Sardinia. XI. De huiusmodi sacramentis in Sicilia. XII. Ritus ea edendi. XIII. De iisdem in Neapolitano Regno. XIV. Ordo iurata fidelitatis CAROLO BOBONIO Regi. XV. De ritu, quo olim Barones fidelitatem Regi iurabant. XVI. Formula bodierna hujus iuramenti.

Inignis est in Aula Principum cæremonia, qua subditi fidem suam eis obligant, interposita iuramenti religione; vel Principes ipsi sacramento promittunt servaturos se subditorum jura, aut inita fœdera ad Regni tranquillitatem. Et hæc quidem sacramenta, aut in ipsa Regum inauguratione, aut in Regni Comitibus, sæpe in Capella Palatina, & coram Magno Capellano præstari solent. Huiusmodi est in Gallia fidelitatis sacramentum Regi exhibendum ab Episcopis recens promotis, juxta vetustissimum illarum partium usum, de quo suse agit p. 2. de Benef. lib. 2. cap. 47. doctissimus Thomassinus. Is ibi tradit, nulla quidem vetustioribus sæculis Episcopos Gallie sacramenta edidisse; Carolum Magnum, & Ludovicum Pium iustis adductos causis ea coepisse exigere, cujus rei diserte meminit anno 836. Concilium Aquisgranense II. can. 12. at non in Episcoporum consecratione, sed in Regni Comitibus, una cum ceteris Ordinibus prælitum id obsequii; deinde Episcopos, præsertim Hincmarum Remensem, hæc iuramenta detrectasse, quod humanæ, & Divinæ leges eos a iuramentis prohiberent, & nefas esset manus sacro Chrismate delibutas, atque tractandis sacris rebus dicatas, iuramentis, & hominibus secularibus profanare; hinc Reges inductos, ut a ceteris iuramentum, ab Episcopis promissionem exprimerent. Verum posteriores Reges Carolinæ prolapiæ iuramenta Episcopalia in integrum restituerunt; & quamvis rursum data esset opera, ut hæc hominia exploderentur, cum de proscribendis investituris actum fuit; ac Urbanus II. in Concilio Claromontano, anno 1095. & Paschalis II. in Concilio Lateranensi a præstandis hominibus Clericos prohibuissent; deinde tamen acquievere Romani Pontifices, ut rejectis investituris, sacramen-

ta,

ta, & hominia retinerentur: tunc Innocentius III. in Concilio IV. Lateranensi unum id vetuit; ut ne laici a Clericis iis exigenter fidei sacramentum, quibus nulla temporalia contulissent. Exinde in Gallia illis dumtaxat Episcopis incubuit necessitas hominii exhibendi, quorum Ecclesiæ aliquo Regio pseudo donatæ essent, reliquis omnibus uno in Reges fidei sacramento defungentibus. Denique Franciscus I. hominii necessitate Gallos Episcopos absolvit, atque ad hæc usque tempora nonnisi fidelitatis iuramentum ab ipsis exolvitur. Et olim quidem non Archiepiscopi, & Episcopi dumtaxat, sed etiam Abbates, & Abbatissæ hæc perolvebant sacramenta in Capella Regis, peracto Sacro, aut ad Vesperas, præsentem Regis Confessario, uti legitur apud Carolum Degraffalium lib. 2. Regalium Franciæ: deinde vero ad nostram usque ætatem, non jam Confessarius Regis, sed Magnus Eleemosynarius excipit hujusmodi sacramenta, dumtaxat ab Episcopis emittenda. Veterem juramenti formulam exhibet Aimonius lib. 4. de gest. Franc. cap. 24. *Ego Hincmarus Laudunensis Ecclesiæ Episcopus, a modo, & deinceps Domino seniori meo Carolo Regi sic fidelis, & obediens secundum ministerium meum ero, sicut homo suo seniori, & Episcopus, per rectum suo Regi esse debet. Juramentum ab Arnulpho Archiepiscopo Remensi exhibitum in Concilio Remensi anno 989. Hugoni Capetio Regi, & Roberto filio, in præsentia Regis, Episcoporum, Cleri, & populi, ita habet: Ego Arnulphus gratia Dei præveniente Remorum Archiepiscopus, promitto Regibus Francorum Hugoni, & Roberto, me fidem plenissimam servaturum, consilium, & auxilium secundum meum scire & posse, in omnibus negotiis præbitorum, inimicos eorum nec consilio, nec auxilio ad eorum infidelitatem scienter adiuturum: hæc in conspectu Divinæ Majestatis, & bonorum Spirituum, & totius Ecclesiæ existens promitto, pro bene servatis latutis præmia æternæ benedictionis. Si vero, quod nolo, & absit, ab his deviavero, omnis benedictio mea convertatur in maledictionem, & fiant dies mei pauci, & Episcopatum meum accipiat alter, recedant a me amici mei, sintque perpetuo inimici.* Ad confirmationem sacramenti manu tangebantur sacra Pignora, unde corporale dicebatur sacramentum, quod iniquo ferebant animo Episcopi Concilii Carisiacensi in Epistola ad Ludovicum Germaniæ Regem, quasi Episcopali dignitati minime conveniret. Sed in hominiis præstandis manus supponebantur manibus Domini ad servitutem, subjectionemque denotandam, & hinc hominia Ecclesiæ subinvisa fuere. Sæculo decimo tertio is erat ritus edendi ab Episcopis juramenti, quo usus est Willelmus Episcopus Andegavensis anno 1291. *Fecimus Regi Philippo juramentum fidelitatis in hunc modum videlicet: quod stola nobis, ad colulum posita in modum Crucis ante pectus, & manu ad pectus missa, libro Evangeliorum coram posito, dixit nobis de mandato Regis Dominus de Chambery Miles: Vos juratis Domino Regi fidem, & legalitatem, & filio ejus Regi Francorum post eum, & quod servabitis eisdem corpora, & membra, & vitam, & jura sua, & honorem suum temporalem; & si perat a vobis consilium bonum, & fidele, sibi dabit. Ita juratis. Et nos respondimus: Ita juro.*

II. Hodiernum vero hujus cæremoniæ ritum describit Peiratius lib. 2. de Orat. Reg. Gall. cap. 63. 64. 65. Antequam Episcopus recens consecratus ad jurandam Regi fidelitatem accedat, Bullas promotionis suæ Magno Eleemosynario exhibeat, necesse est; ut is in-

quirat, an Regiis juribus, & Regni statutis consentiant. Has ubi ille probaverit, diem constituit ad juramentum præstandum; quo die Episcopus Rochetto, & Mantelletta indutus adesse debet Sacro, quod in Capella Regis, præfente Principe celebratur. Lecto Evangelio, Sacerdos, qui Sacris operatur, sanctum Codicem tradit Clerico alicui, a quo deferitur ad Episcopum. Is vero, salutato Altari, & Rege, acceptoque libro, ad Regem accedit, flexisque genibus; librum præbet Regi deosculandum, mox tum ipse, tum Rex manus Evangelio superimponunt. Adhæc Magnus Eleemosynarius Antistitem illum sciscitat, an velit promittere, & jurare Deo, & Regi super sancta Evangelia, se ditiones omnes suæ Diocesis, oppida, arces in Regis fide servaturum, Regi se fidelem futurum, nil contra Principem moliturum, imò si quid in Principem moliri noverit, conscium ejus rei Principem facturum. Cui reponit Antistes, se se ita jurare, ac promittere Deo, & Regi; eique Rex subdit: *Dieu vous en fasse la grace*. Surgens deinde Episcopus, salutato Altari, & Rege, reddito libro, suo se loco restituit. Tum debet totius rei gestæ documentum propria manu, proprioque sigillo obsignatum exarare, atque Magno Eleemosynario tradere; qui etiam aliud documentum Episcopo exhibet, quo testatur, illum tali die, tali mense, & anno consuetum juramentum fidelitatis exolvisse. Neque enim Gallicanis Episcopis recens promotis conceditur bonorum temporalium suæ Ecclesiæ administratio ante præstitum hujusmodi sacramentum: ea quippe bona statim post Episcopi mortem nomine Regis administrantur jure Regaliæ, de quo suse agit Petrus de Marca lib. 8. de Conc. Sacerd. & Imperii. Olim præstito juramento, quædam pecuniæ summa solvenda erat ab Antistite, Comiti Palatii, seu Senescallo Franciæ, quæ nubendis nobilibus puellis, quibus nullæ essent opes, concedebatur: sed Francisci I. Regis decreto anno 1526. hujus distribuendæ pecuniæ cura demandata est Magno Eleemosynario.

III. Sunt & alia sacramenta, quæ non in Capella Palatina, sed in ædibus Regiis præstantur. Ita ii Proceres, quibus concedita sunt Aulæ, vel Regni primaria Officia, sedenti Regi in suo cubiculo, junctis cum Rege manibus, legente sacramenti formulam, qui est a summis imperii negotiis, jurant Regi fidelitatem. Quod si is est e supremis belli Ducibus, quos nuncupant Marefcallos Franciæ, huic a Rege traditur virga in signum collati imperii militaris: Duces vero Pretorianæ Legionis gentis Francorum, & Scotorum, ense cincti ad juramentum præstandum admittuntur, uti testatur in Cæremon. Galliz lib. 3. cap. 1. §. 1. Dumontius. Magnus quoque Eleemosynarius jurat Regi fidelitatem, ejusque juramentum, uti & aliorum Procerum Regni, Rex ipse excipit; attamen juramenta, quæ a cæteris Clericis Capellæ Regiæ emittuntur, a Magno Eleemosynario excipiuntur. Nam Clerici antequam in Clerum Palatinum adificentur, fidos se Regi fore, sacramento promittunt coram Magno Eleemosynario: quod jam in usu fuisse sæculo decimo sexto regnantibus Francisco II. Henrico II. & III. & Carolo IX. ex pluribus monumentis ostendit Peiratus lib. 1. cap. 16. Qui & ibi observat, illud esse discriminis inter Clericos Palatinos Regum Galliz, & Regum Hispaniæ in hujusmodi exhibendo sacramento, quod nempe Clerici Aulæ Hispaniæ D. Petro, Ecclesiæ Romanæ, Romano Pontifici, Regi, Reginæ, Principi Asturicensium, & Magno Capellano fidelitatem promittunt; hanc

vero soli Regi pollicentur Clerici Palatini Regum Gallie. Cæterum mos est antiquissimus, ut Palatini Clerici sacramento fidem obligent suam. Id enim constat ex querolis, quas detulit Carolus Calvus in Concilio Tullensi ad Saponarias anno 850. de Ganelonis Archiepiscopo Senonensis perfidia, qui illi sacramento fidem suam devinxerat, ex quo fuerat Clericus Regie Capellæ: *Vacabat tunc Pastore Metropolis Senonensis, quam juxta consuetudinem prædecessorum meorum Regum, Wenilon tunc Clerico meo in Capella mihi servienti, qui more liberi Clerici se mihi commendaverat, & fidelitatem sacramento promiserat, ad gubernandum commisi.* Memoratur etiam a Carolo Calvo in proclamatione adversus Wenilonem Toutoldus Clericus Capellæ Regie, *qui mihi se commendavit, & fidelitatem sacramento promisit.* Exinde propensissimos fuisse Reges in promovendis ad Episcopales sedes Clericis Palatinis existimari Thomassinus. Verum ubi promovebantur, novo se sacramento adstringebant, ut patet de Ganelone, quem præter editum sacramentum, cum primum Regie addictus est Capellæ, tria alia protulisse sacramenta, cum nempe creatus est Archiepiscopus, tum quando imperium inter fratres Reges divisum fuit, ac denique ubi Carolus Calvus Regia exornatus est Corona, colligitur ex litteris Patrum Concilii Tullensis ad eundem datis.

IV. At inita fœdera jurantur a Gallie Regibus solemniter ritu in Ecclesia, ut plurimum Palatina. Refert Peiratus lib. 2. cap. 63. Regem Christianissimum anno 1559. in Metropolitana Ecclesia Parisiensi, celebrata Liturgia, solemniter sacramento, fidem suam devinxisse custodiendis fœderibus initis cum Hispanie Rege, & Anglie Regina, præsentibus horum Principum Oratoribus. Ita etiam anno 1663. die 18. Novembris, uti refert Dumontius lib. 1. §. 37. Cæremonialis Gallie, in Cathedrali Parisiensi Sacris operante Episcopo Carnotensi Suffraganeo Parisiensis Ecclesie, Rege sedente in Solio, præsentibus Oratoribus Principum, & Magnatibus Aulæ, absoluta Liturgia, sacramento firmatum fuit fœdus inter Regem Christianissimum, & Helvetiorum Senatam, præbente Regi Evangeliorum librum Cardinali Antonio Barberino Magno Elemosynario, & decantato postea Hymno gratiarum actionis. Attamen fœdus inter Ludovicum XIII. Regem Gallie, & Carolum I. Anglie Regem sancitum, anno 1629. juratum fuit in Ecclesia Palatina Fontisbellaquei, & ad Vesperas, ut idem narrat Dumontius lib. 2. cap. 6. Cæremonialis Gallie. Decantatis namque Vesperis, Rex Solio insedit, & prope Regem tum Cardinalis Richelius, qui vices agebat Magni Elemosynarii, tum ceteri adstantes Proceres Aulæ; adhuc a cæremoniarum Præfecto ductus est ad Solium Anglus Orator, isque Regi Christianissimo exhibuit tabulas initi fœderis ab Anglorum Rege subscriptas. Interea ad Cardinalem Richelium delatus est a quodam Clerico Capellæ Regie sacer Evangeliorum Codex, quem ille obtulit Regi deosculandum, statutisque a Rege manibus super Sacrum Codicem, lectaque a Secretario juramenti formula, se ita facturum juravit, & propria manu tabulas subscripnavit, tum Anglum Oratorem amplexu excepit. His Peractis, Palatini Cantores quædam Antiphonas decantarunt, tum a Fecialibus semel, iterum, atque tertio acclamatum fuit, *Vivat Rex.* Pariter in Capella Palatina Fontisbellaquei, anno 1679. celebrato conjugio inter filiam Ducis Aurelianensis, & Carolum II. Hispanie Regem, pactio Noviomagi inter Gallos Hispanosque constituta, sacramenti reli-

religiōne firmata est ad Evangeliorum librum, quem Rēgi præbuit Cardinalis Buillonius Magnus Eleemofynarius. Denique Ludovico XIII. e vivis sublato, hīc ritibus anno 1644. die 3. Julii, confirmatum esse sœdus inter Gallos, Anglosque, narrant lib. 1. §. 78. Dumontius, & Rosuetius. Rex eo die accubuit mensæ solemni pompa, una simul cum Anglorum Oratore; tum solemni quoque pompa ad Ecclesiam se contulit Palatinam, & Vespertina auditit Officia modis musicis decantata. His expletis, ad Ecclesiam eandem deductus est a Præfecto cæremoniarum Anglus Orator, & salutato Rege, infestis scamno prope Solum Regis. Adhæc Episcopus Metensis Primus Eleemofynarius, Pontificalibus indutus ornamentis, ferens Evangeliorum librum, præunte Clerico cum Pædo Pastoralis, Cancellarius quoque, & Secretarius ad Regis Solum accesserunt. Et primo quidem a Secretario lecta sunt pacta conventa, tum a Rege signata, mox jurata sunt, statutis super Sacrum Codicem ab eodem Antistite exhibitum manibus, tum a Rege, tum ab Anglo Oratore, & legente Secretario formulam juramenti. Hymnum deinde gratiarum actionis Cantores Palatini subjunxere, quem excepit benedictio a Metensi Antistite lata, & iteratæ acclamationes a Fecialibus factæ.

V. In Hispania vetustissima esse fidei sacramenta ab Episcopis, cunctisque Ordinibus, Rēgi exhibita, probat canon 75. Concilii Toletani IV. anno 633. ubi execratis iis, qui *fidei sacramenta promissis Regibus suis servare contemnunt, & juramenti professionem*, decretum fuit, constituendum esse Regem electione Episcoporum, & Optimatum, & anathemate feriendum illum ex Clero, & populo, qui *sacramentum fidei suæ, quod pro Patriæ, gentisque Gothorum statu, vel conservatione Regiæ salutis pollicitus est, temeraverit*. Innovatum est hoc decretum in Concilio Toletano V. can. 7. tum a Concilio Toletanis VII. & X. gravissimæ additæ sunt poenæ Clericis reis violati hujus sacramenti: & hinc ob. initant adversus Regem conjurationem ejectus est sede sua Sisbertus Toleti Metropolitanus in Concilio Toletano XVI. anno 693. Inde perspicuum fit, olim in Hispania, vel in solemni conventu Regiæ coronationis, vel in Comitibus Regni, Episcopos, cunctosque Ordines juramento fidem suam Regibus devinxisse. Deinde hæc juramenta præstari consueverunt, cum jubente Rege, hæres, successorque imperii salutabatur. Ita anno 1498. contigit, regnante Ferdinando Rege, quum Emmanuel Rex Lusitanæ, qui Isabellam Ferdinandi filiam duxerat, inauguratus est successor Regni Castellæ, indicto Concilio Regni totius. Ordinem rei gestæ ita describit Olorius lib. 1. de reb. gest. Emman. Reg. Lusit. *Die Dominica, quæ secuta est, Emmanuel, & Isabella in Templum deducti sunt; Dux Merimensis, cujus paulo ante mentio facta est, pedibus ad Emmanuclis latus incedens, habenam equi illius manu tenebat: a leva vero Friensis Dynasta simile officium Isabellæ juniori præstabat. Hoc etiam modo Magnus equorum Magister a dextra, Dux Albanus a leva Ferdinandum, & majorem Isabellam deducebant. Archiepiscopus Toleranus Rēva Divinam singulari cæremonia, atque sanctitate peregit. Religione rite procurata, Ferdinandus, & uxor assurgunt: ille generum: illa vero filiam manu apprehendit: & utrumque in sellis in sublimi positus, & pulcherrime instratis collocant: ipsique in aliis sellis ad eorum astra confidunt. Civitatum procuratores in subselliis ordine jam a multis ætatibus in Hispania recepto disponuntur. Principes, ut forte*
cui.

cuique lacus obvenerat, ira cum sine offensione cujusquam occupavit. . . . silentio deinde facto; vir quidam juris civilis eruditione præfatus, qui dicendi peritus habebatur, assurgit, orationemque luculentam habuit, qua pacis commodum, Hispaniæ tarius etiam, & tranquillitatem, incrementum imperii, & reliquas utilitates, quæ ex Regnorum conjunctione sequi videbantur, exposuit. Hortatus deinde est Principes, & Civitates, ut Emmanuelem, & Isabellam, quos Regum suorum hæredes esse videbant, certatim amarent, & colerent, summamque illis fide rebus in omnibus inservirent, sperarentque eos, quos jam sciebant esse Regiis virtutibus ornatissimos, similes futuros eorum Regum, quibus erant, tempore a Deo constituto, successuri. Deinde ad Emmanuelem; & Isabellam conversus, eos admonuit, ut cernerent animo, quod eis munus imponeretur. Eorum namque officium esse, consulere populis, suæ innocentiam, coercere improbitatem, dare salutem, propulsare pericula, conservare, & bonis omnibus amplificare Rempublicam: Hæc ubi peroravit, quidam sacrorum Antistes assurrexit, & librum, qui Evangelia, & sacrorum rationem continebat, explicuit, & in medio illius Crucem auream imposuit; deinde cum libro ad Principes hæredes accessit, eisque dixit, ut manibus Crucem tangerent. Cum deinde is verbis præiret: ipsi se sanctissimo jurejurando constrinxerunt, fore, ut jura populis administrarent, libertatem Republicæ conservarent, omniumque salutem summa contentione prospicerent. Hoc facto, Magnus Equorum Magister librum e Patriarchæ manibus assumit, illumque tenens jurat, se Emmanuelem, & Isabellam pro veris, & legitimis suorum Regum hæredibus habiturum, eorumque imperio semper obedientem futurum, summamque fidem pro eorum amplitudine, & dignitate pugnaturum. Deinde reliquos Principes, & civitatum Legatos eodem jurejurando constrinxit. Tum omnes ordines ad Principes, quibus fidem dederant, accedunt, eorumque manus osculantur:

VI. Nunc vero temporis, hac cæremonia (quæ est ex insignioribus Aulæ Hispaniæ) Principi Asturicensium, hæredi Regni, fides juratur. In Ecclesia Regia S. Hieronymi del Buen Retiro inter Aram principem, & Odeum excitatur tabulatum, ubi sub Cortinis consistunt Rex, Regina, & Regia proles; scamna etiam parantur Oratoribus Principum, Præsulibus, Dynastis Castellæ, Consiliariis Castellæ, Delegatis Civitatum, & sedes Magno Capellano. Stata die, universi ab Aëdibus Regiis ad Ecclesiam hoc ordine se conferunt: Aulici adolescentes, Cubicularii, Dynastæ, vulgo *Titulati* Castellæ, Delegati Curiarum vulgo *Procurator des Cortes*, quatuor Caduceatores, Præfecti Domus Regiæ, Magnates Hispaniæ, & Magnus Aulæ Magister, quatuor Feciales, Comes Oropesæ ferens Regis ensen, & eo absente, supremus Præfectus Regii stabuli, Princeps Asturicensium medius inter alios Principes Regiæ proles, si qui sunt; Rex, & Regina; ac tandem Matronæ Aulicæ. In Ecclesia Rex, Regina, & Regia soboles consistunt sub Cortinis, & prope adsunt duo supremi Præfecti Domus Regiæ; ante Regias Cortinas se sistit Ensignis Regius; Matronæ Aulæ in tabulato; Feciales, & Caduceatores in tabulati gradibus, ceteri in scamnis suo Ordini additis. Ubi universi locum suum occupaverunt, inchoatur Sacrum de Spiritu Sancto ab aliquo Antistite, & Collecta additur pro Rege; interea Magnus Capellanus recitat prope Regem Introitum, & cæteras Missæ partes, atque Evangelium, & oscu-

osculum pacis exhibet Regi. Peracta Liturgia, Antistes sedet prope
 imum Altaris gradum, tuncque Fecialis ex ambone cunctos monet,
 ut audiant sacramentum fidei, hominii, & obedientiæ præstandum a
 Regiis Principibus, Præsulibus, Magnatibus, aliisque Ordinibus N.
 Principi Asturicensium, successori, & hæredi Regni, ita iubente Re-
 ge. Qua proclamatione facta, senior e Castellæ Consiliariis legit e
 scripto quodam, adstantes omnes convenisse, & consensisse ut N. Prin-
 cipem Asturicensium, vivente Rege, & eo mortuo, Regem colerent,
 atque illi fidelitatis juramentum integro, & libero animo præstarent.
 Tunc, monente cæremoniarum Præfecto, Magnus Capellanus Crucem,
 & Evangeliorum librum collocat super mensulam coram Antistite, ad
 hunc Principes Regiæ stirpis accedunt, in genua procumbunt, tactis-
 que Cruce, & Evangelio, interroganti Antistiti, an jurare velint
 juxta ea, quæ lecta sunt, annunt. Mox Regem adeuntes ad ei
 præstandum hominum, manus suas cum Regiis manibus implicant,
 petente pariter Rege, an hominum velint præstare; denique Princi-
 pum Asturicensium adeunt, illiusque manum osculantur, & ab eo am-
 plexu excipiuntur. Præstito juramento a Principibus Regiæ stirpis,
 Fecialis Magnatum illum accersit, cui excipiendi hominii munus Rex
 demandaverit; isque salutato Altari, & Rege, sistit se detecto capite
 prope Altare in cornu Epistolæ. Tum alium Evangeliorum librum,
 Crucem quoque aliam ab ea, ad quam Principes Regii jurarunt,
 Clericus Aulicus supra mensam statuit. Fecialis verò Antistites ac-
 cersit ad juramentum præstandum; & primo quidem Magnus Capellanus,
 vel dignior Antistes, monente cæremoniarum Præfecto, tum cæteri
 Præsules suo ordine, adeunt Pontificem illum, qui Sacris est opera-
 tus, flexisque genibus, interroganti, an jurare velint, affirmant;
 deinde ad Magnatem illum accedentes, hominum exolvunt, compli-
 catis cum eo manibus, ac stantes; eosque ille sciscitatur, an semel,
 iterum, atque tertio velint hominum facere; ultimo Regis, & Prin-
 cipis manus osculantur. Sequuntur, Feciali accersente, Magnates His-
 panæ; hos excipiunt Dynastæ, seu Titulati Castellæ; Comites nem-
 pe, & Marchiones, qui e Magnatum classe minime sunt; tum cæteri
 nobiles viri, Magnatum filii, Civitatum Oratores, Præfecti Domus
 Regiæ, Magnus Aulæ Magister, Regius Enifer, tradito ense Supre-
 mo Præfecto Regii stabuli, eodem ritu, primo fidelitatem jurant co-
 ram Antistite, tum hominum præstant coram Magnate, denique Re-
 gem, & Principem colunt osculo manuum. Sed & a Magnate, cui
 accipiendi hominii munus demandatum fuit, sacramentum fidelitatis,
 hominumque coram Magno Aulæ Magistro emittitur. Ultimum om-
 nium Antistes ipse, qui Sacrum fecit, quique aliorum sacramenta
 excepit, exutus Pontificalibus ornamentis, fidelitatem sacramento pro-
 mittit coram Magno Capellano, qui Pontificalla induit, & illius se-
 dem occupat; ac pariter Magnatem causa faciendi hominii, Regem,
 & Principem ad manuum oscula adit. His omnibus peractis, Regem
 Secretarius Regis sciscitatur, an edito sacramento, præstitoque homi-
 nio factum sit satis, & an ei voluntas adsit jurandi servaturum se le-
 ges, consuetudines, & jura Regni. Affirmante Rege, tota cæremonia
 concluditur. Quoniam vero non omnes Regni Proceres, sive Cleri-
 ci, sive laici, quibus jurandum est, eo conveniunt; hinc ablegantur
 a Rege in Provincias, qui hujusmodi expriment sacramenta.

VII. Clerici Palatini Aulæ Hispanæ sacramento fidem obligant
 suam

suam, cum primum obsequio Regis addicuntur. Et quidem, uti refert Turtureus lib. de Sacello Hisp. cap. 5. Magnus Aulæ Magister excipit nomine Regis sacramentum a Magno Capellano præstandum, is vero juramentum recipit Præfecti Regiarum Cortinarum; at cæteri Capellani Aulici jurant coram Receptore Sacelli, se officio suo minime defuturos. Carpit proinde hunc morem Peiratus lib. 1. cap. 16. quod ipsi Regi potius, quam alicui Aulæ Magnati convenientius sit Magnum Capellanum sacramentum exhibere, quemadmodum in Gallia Magnus Eleemofynarius ipsi Regi juramentum præstat; additque Capellanis Aulicis potius apud Magnum Capellanum, quam apud Sacelli Receptorem jurandum fore. Formula vero juramenti a Turtureto, & Peiratio relata, est hujusmodi: *Ego N. ab hac hora in antea fidelis ero S. Petro, sanctæque Romanæ Ecclesiæ, Dominoque nostro Papæ, ejusque successoribus canonice intrantibus: simili modo fidelis ero Regi N. Domino nostro, Regiæ, & Principi, pro tempore existentibus, eisque fideliter inservire curabo: Regis nostri Majestatem, auctoritatem, præeminentias & regalias, ejusque Regiæ Capellæ, & domus, & quæ utilia erunt pro viribus defendam, tutaborque, & his contraria removebo, & si per me id præstare non potero, Capellano meo Majori Regio pandam, cui tamquam superiori meo Ordinario pro tempore existentis obedientiam, reverentiam, & subjectionem promitto, & quod mihi ab eo & suo nomine fuerit injunctum, omni mora postposita adimplebo, ejus honori, bono, & commodo Capellanorum, & Cantorum aliorumque Ministrorum, & ipsius Regiæ Capellæ consulam, & quæ commoda esse poterunt, procurabo: Capellæ Regiæ secreta, & quæ in ejus Congregationibus agentur, custodiam, ejusque Constitutiones, & Statuta, & tandem ea omnia observabo, quæ ad honorem, & decorem prædictæ Regiæ Capellæ concernere, & spectare intelligam. Sic me Deus adjuvet, & hæc sancta Evangelia.* Hac sacramenti formula plura indicantur officia Capellani Aulæ Hispanæ, nempe legibus Romani Pontificis, Regis, Reginæ, Principis successoris Regni morem gerere; Regis, & Regiæ Capellæ jura tueri; fidelem operam in suo exequendo munere navare; Magno Capellano tamquam Ordinario suo obedire; Palatini Clericorum Collegii statuta, & secreta custodire; ad ejus gloriam, & utilitatem conferre omnem operam, denique sui munus partes incunctanter obire.

VIII. Ratio autem faciendi fœderis in Aula Hispana, hæc est. Cæremoniæ agendæ statuta est aula quædam Domus Regiæ, ubi paratur Solium Regis, & sedes Oratoris illius Principis, quocum fœdus est faciendum. Adhuc, qui Regis sunt a Consilio, & a secretis; Feciales quoque sive *Araldi*, & Caduceatores sive *Mazzieri*. Si quis e Cardinalium numero adscriptus sit Regis Consilio, huic sedes apponitur. Anno 1605. cum inter Hispanos, Anglosque pax firmata est, interfuere etiam cæremoniæ Magnus Præfectus Regii stabuli deferens Regium ensẽ, Magnus Aulæ Magister, & Magnates Hispani scæmo insidentes. Stata hora, ducitur Orator Principis, quocum fœdus est ineundum, ad cæremoniæ aulam, illique venienti occurrunt honoris causa Aulici; pauloque post, illuc se confert Rex Catholicus, Oratorem salutatur, sedet, innuitque ut ille etiam assideat. Mox a Secretario Regni legitur jurandi fœderis formula; qua lecta, collocatur prope Regem mensula, supra quam Magnus Capellanus Crucem, & Evangeliorum librum statuit. Tum flexis genibus, detecto capite,

manibus ad sacra illa-admotis, Rex Catholicus affirmat, se in ea jurare verba. Surgit deinde, remotaque mentula, Orator pro inito fœdere diuturnam amicitiam, felicitatem, & imperium Regi precatur. Cæterum & apud Romanos olim insignis, & sacra fuit cæremonia fœderis faciendi, ut ex Livio lib. 1. cap. 24. aliisque constat. Nam, qui fœdus facturi erant, quique interesse volebant, in publicum aliquem locum congregabantur, & Rege sedente, vel Consulibus, Fecialis rogabat Regem, aut Consulem, an juberet cum eo populo fœdus ferre. Illo jubente, Fecialis ex arce Capitolina verbenam afferbat, seu sacram herbam, qua mos fuit coronandi Feciales, & Patres Patratos fœdera facturos. Tum utriusque populi Feciales scribebant leges in duabus tabulis, quarum una apud Populum Romanum, altera apud fœderatores fervaretur, & scriptas recitabant. Legibus recitatis utraque tabula, Feciales Populi Romani, præsentè Patre Patrato alterius populi, tamquam jurisjurandi teste, pronunciabat jamentum, ut qui prius infringeret fœdus, illum Jupiter sic feriret, *ut ego hunc porcum hodie feriam, tantoque magis ferio, quanto magis potes, pollesque*. Id ubi dixerat, porcum saxo silice percutiebat. Idem jamentum Fecialis alterius populi faciebat. Postremo Feciales, & Patres Patrati porcum Jovi immolabant. Progressu temporis deinde institutum est, ut fœdus fieret jactu lapidis, quem Fecialis dextra projiciens agebat: *si sciens fallo, tum me Diespiter, subea arce, atqueque, bonis ejiciat, ego hunc lapidem*.

IX. Lusitani, vivente Rege, eoque jubente, fidelitatem sacramento promittunt successori, & hæredi, indicto Conventu generali Regni. Ita olim Michaeli infantulo Filio Emmanuelis Regis fides jurata est, uti narrat Olorius lib. 1. de Reg. gest. Emm. his verbis: *Emmanuel anno sequenti, qui fuit a Christo nato mdcxcix. ed eam rem sine ulla mora peragendam concilium indixit. Omnes sine ulla revocatione conveniunt. Is ab omnibus postulat, ut fidem dent, se Michaeli ipsius unico filio tamquam successori legitimo, fore semper, postquam ille ad Regnum perveniret, obsequentes. Illi priusquam fidem darent, ab eo exposcunt, ut nomine filii promitteret, idque juramento confirmaret, ut nunquam neque jurisdictiones, neque velligationum administrationes, neque arcium præfecturæ ad Portugallia dirionem pertinentes, sive citra, sive ultra mare, alicui, qui non esset natura Portugalensis, ullo tempore, aut condicione mandarentur. Quod Emmanuel facile concessit. Illi igitur fidem publice absenti Michaeli dederunt: & Emmanuel promissionis sue fœdus propria ipsius manu consignatum jussit, ut publico testimonio ad memoriam sempiternum confirmaretur. Atque is mos apud Lusitanos sequentibus quoque sæculis viguit, uti constat ex Historia Regum Lusitaniz, quam decem Tomis distinctam nuper edidit Vir Clarissimus Antonius Cajetanus Sousa Teatinus, ubi plurima leguntur exempla præstiti solemnisi juramenti Principibus successoribus Regni, pueris etiam, vel adolescentulis, Rege vivente. Ita Alphonsò Principi, nato anno 1643. tamquam hæredi imperii jurata est fides anno 1653. & Petro II. filio Regis Joannis IV. anno 1668. & Elisabethæ unicæ illius filiz, anno 1674. Lusitani Ordines fidelitatem sacramento præstiterunt. Hanc cæremoniã agere solent in aula quadam Palatii Regii, Rege, & Principe Solio insidentibus, legente juramenti formulam Officiali quodam Aulico, quem vocant *Escrivano de Puridade*, tactis Cruce, & Evan-*

gelitis a Magno Capellano delatis, & osculo manuum Regis, ac Principis successoris: & primo quidem Principes Regiæ stirpis, tum Magnates Regni, nullo inter eos servato ordine, Episcopi, Nobiles viri, Magistratus jurant. Hoc fere ritu Joannem V. postea fidelissimum Regem, tamquam successorem Regni, octo annis natum, vivente Petro II. Rege, illius parente, die 1 Decembris, anno 1697. consueto juramento Lusitani Ordines coluerunt. Et in ea cæremonia Infans D. Franciscus, vices agens Magni Comestabuli, detulit ensẽ Regium, primusque juravit, venia a Rege facta tenellæ ætatis, quæ satis non erat edendo sacramento. Ille vero, defuncto Petro II. anno 1706. imperium tenuit, atque Rex salutatus est anno 1707. die 1. Januarii, consueta Exaltationis cæremonia, quam fuscẽ describit tom. 8. Historiæ Lusitanæ Clarissimus Sousa. Narrat is, in area Palatii Regii insigniter adornata, instructos fuisse in acie milites, & excitatum amplum tabulatum, ubi Solium Regis eminebat; hunc se eo contulisse Fecialium, Caduceatorum, & Aulicorum magno comitatu; præcedentibus ipsum proxime Infante D. Francisco cum ense Regio, tamquam Magno Comestabulo, & Vexillifero cum vexillo Regni; adherentibus vero Regi Infantibus Antonio, & Emmanuele; sequentibus Regem Nuno de Ataide Episcopo Targensi Magno Capellano, aliisque Episcopis; Solium conscendisse, acceptoque aureo sceptro a Marchione de Marialvas porrecto, sedisse operto capite, stetisse vero omnes detecto capite, ut moris est in hac cæremonia; tum a Confiliario quodam Regio declaratum regnandi jura ad illum pervenisse; eundemque juraturum more prædecessorum Regum; statuitque super mensam a Magno Capellano Cruce, & Evangeliiis, Regem, abjectis sceptro & pileo, flexis genibus jurasse, servaturum se Regni, & subditorum jura, illique juranti adstitisse veluti testes Capellanum Majorem, cæterosque Episcopos; præstitoque a Rege sacramento, Infantes primum, deinde Magnates omnes, nullo servato inter se dignitatis ordine, uti a Feciali monitum fuerat, Episcopos, cæterosque Ordines sacramentum fidelitatis exolvisse; denique universos adiisse Capellam Palatinam, & ad ejus fores Magnum Capellanum Pontificali-bus indutum ornamentis obtulisse Crucem deosculandam Regi provoluto in genua, huncque sub umbella a Capellanis Aulicis delata, præcedente Clero ductum ad Altare, habitamque solemnem gratiarum actionem.

X. Sabaudis Ducibus, cum primum imperio potiuntur, subditi hoc ritu fidelitatis sacramentum perfolvunt, quo Carolo Emmanueli gloriosissimo Duci Sabaudie, & Regi Sardinie, anno 1730. jurata est fides. Hæc cæremonia peracta fuit in Cathedrali Ecclesia Taurinensi, sedente Rege in Solio, & prope Regem sedentibus Principibus Regiæ familiæ, Sociis Regalis Ordinis SS. Annuntiatæ, Magno Cancellario, operto capite. Aderant Senatores Civitatis, Magistratus, Professores Academiæ cum eorum Rectore, Oratores Provinciarum, & Civitatum, a quibus jurandum erat. In Ecclesiæ medio parata fuit mensa, & super mensam Crux, & Evangeliorum liber; prope sedebat Archiepiscopus Taurinensis Mitra, & Pluviali indutus, facie versus ad populum, medius inter duos Canonicos Tunicella indutos, atque in lingneis subfelliis assidentes; ad Archiepiscopi latus stabat Marchio Ormez, qui a summis erat imperii negotiis, Italice *Segretario di Stato*, detecto capite. Ac primo quidem decantatus est Hymnus a Cantori-

bus Palatinis, tum eo finito, dignior Magistratus; quem vocant primum Præsidem Camerae, salutatis Rege, & Principibus Regiæ familiæ, hos ad præstandum juramentum ut accederent; monebat. Illorum vero singuli, salutato Rege, accedebant ad mensam, flexisque genibus, quibus Aulicus Capellanus pulvinar supposuit, manu Evangeliorum libro superimposita, Crucem eis exhibente Archiepiscopo, legebant sacramenti formulam a primo Regis Ministro eis porrectam; inde Regem adibant, a quo amplexu excipiebantur: Præstito juramento a Principibus Regiæ familiæ, Marchio Sufæ primum, tum Masserani Princeps jurarunt fidelitatem, cum hoc tamen discrimine, quod illi procumbenti in genua suppositum fuerit pulvinar a Clerico quodam Aulico, & quod a Magistratu quodam, non a Feciali fuerit ad juramentum edendum accersitus. Mox Socios Regalis Ordinis SS. Annuntiatæ ad obligandam sacramento fidem suam Fecialis invitabat; horumque singuli, provoluti in genua, nullo supposito pulvinari, accepta juramenti formula a primo Regis Ministro, jurarunt, & amplexu a Principe donati sunt. His perfolutis sacramentis, Fecialis e scripto quodam a primo Ministro ei tradito pronuntiabat, quo ordine Provinciarum & Civitatum Oratores accederent ad juramentum faciendum; monebat insuper omnes, ut attento audirent animo sacramenti formulam, quam mox alta voce recitavit Regis primus Minister: Ea lecta, Oratores Sabaudia primum, tum Pedemontis, deinde aliarum ditionum Sabaudæ Principi subjectarum, accersente singulos Feciali, flexis genibus, tactis Evangeliiis, jurarunt; & ad Regem accedentes, ab eo benigne excipiebantur, manu illorum humeris admotæ. Verum, qui e numero Oratorum, nec ex Equestri erant Ordine, neque ligii erant Regis, hi ad salutandum Regem minime accedebant, curante hoc discrimen Præfecto cæremoniarum. Tandem, dato ab omnibus juramento, Rex procubuit in genua, & decantato Psalmi, *Exaudiat*, Antistes Taurinensis benedictione Episcopali donavit universos.

XL. Meminit non semel Innocentius III. in suis epistolis sacramenti, quo Siculi Ordines Regibus suis obligabantur. Cum enim Constantia Imperatrix, & Regina Siciliae, Friderici pueri ejus filii, & Regni tutelam, Innocentio Pontifici commisisset; cumque in Fridericum, Regnumque movisset arma Marcovaldus, Senescallus olim Henrici Imperatoris, & Marchiæ Anconitanæ Regulus, nil sibi reliquum fecit Pontifex, ut infensissimum hostem repelleret, & Siculos in officio contineret. Quamobrem datis litteris pluribus ad Episcopos, & Primores Siciliae, eos hortabatur, ut in fide, & obedientia permanerent, utque ab universis Ordinibus fidelitatis sacramentum perfolveretur, perfolutum sanctissime servaretur. Porro hæc juramenta Siculis Regibus perolvebantur in illorum inauguratione, indictis Comitibus totius Regni, quæ vulgo Parlamenta dicuntur; eaque conflata sunt ex tribus Ordinibus, nempe Ecclesiastico Episcoporum, aliorumque Antistitum; Sæculari, Dynastarum scilicet, seu Baronum; ac Demaniali, seu civitatum, ac oppidorum Regii Demanii. Tum Reges ipsi juramento promittebant, servaturos se Regni privilegia, & consuetudines. Qui si a Sicilia Regno abessent, tunc alicui vices suas demandabant, qui indictis Comitibus Regni exprimeret hæc sacramenta. Ita sublato e vivis Martino II. Rege, cum anno 1412. ad Ferdinandum Regem Aragonum Cæsarangulæ degentem pervenisset impe-

perium; Siculi Ordines coram Regina Blanca, ut illius Vicaria, sacramentum fidei ediderunt. Exhibet huius iuramenti formulam ex MS. Codice Amatus lib. 8. de princ. Templo Pan. cap. 4. *Forma iuramenti præstandi Regia Majestati per vassallos suos Regni Siciliae, ordinata per Reverendissimum Dominum Archiepiscopum Panormitanum. Ego talis per me, successores, & posteros meos promitto, & etiam puro corde, & sincera mente iuro per Crucem Domini nostri Jesu Christi, & Sancta Dei quatuor Evangelia, per me corporaliter tacta, quod semper, & perpetuo ero fidelis, & obediens, atque legalis subditus, & vassallus Illustrissimo, ac Serenissimo Principi, ac Domino meo, Domino Ferdinando, Dei Gratia, Aragonum, & Sicilia Regi, ipsumque in verum meum Principem, Regem, ac Dominum habebo, tenebo, nec non faciam, & servabo ea omnia, & singula, quæ bonus, legalis, & fidelis subditus, & vassallus suo Regi, & Domino facere, servare, & jurare debet juxta formam constitutionum & capitulorum hujus Regni Siciliae, eaque omnia, & singula, ut supra promitto, & iuro in posse, & manibus vestris etiam facio homagium ore, & manibus commendatum. Dominus Rex jurabit, & confirmabit tenere, & observare privilegia, libertates, & consuetudines, & capitula Baronum, Nobilium, prout & secundum per Serenissimos Reges Siciliae, ac per præteritos Illustrissimos Dominos Reges Maritimum ultimo decessos, assidem confirmata, jurata, & rationabiliter fuerint observata. Homagium dicitur ore & manibus commendatum, quia vassallus, dum præstabat hominium, manus suas manibus Domini conjungebat, peractaque fidelitatis, & hominii præstatione, in fidei signum illum osculabatur; & hinc hujusmodi osculum dicebatur fidelitatis. Ita in Charta Jacobi Regis Aragonum anno 1231. apud Joannem Dametum in Historia Regni Balearici legitur: *Ego Infans Dominus Petrus facio vobis homagium ore, & manibus*; & apud Marcum in Hist. Bencharn. lib. 6. cap. 1. legitur hominium *in osculo pacis, & veritatis*. Alia plurima hujus rei exempla congerit Cangius in Glossario, simulque notat, non omnes vassallos, sed nobiles solos ad osculum admissos fuisse. Nunc quoque temporis Angli in coronatione Regis hominium osculo præstant, uti jam diximus. Alphonsus Ferdinandi filius, quem Magnanimum nuncuparunt, imperio potitus anno 1416. demandavit Joanni fratri vices suas in administranda Sicilia obeunti, ut consuetum fidei sacramentum exciperet. Sed anno 1420. Siciliam adiens, die 12. Februarii, convocatis Episcopis, & Oratoribus civitatum, ab eis de more expressit fidei sacramentum, tum & ipse custodiendis juribus Regni sacramento se adstrinxit. Carolus V. victor ex Africa Siciliam adiens anno 1535. in metropolitana Ecclesia Panormitana juravit se consuetudines, & jura Regni servaturum. Idem præstitum legitur a successoribus Regibus.*

XII. Est itaque Siciliæ mos, ut Reges servandis moribus, & juribus Regni; subditi vero servandæ illis fidelitati mutuo sacramentum vicissim adstringantur. Idque hoc ritu peractum est anno 1735. die 30. Junii, in Cathedra Panormitana, cum CAROLUS BORBONIUS Rex gloriosissimus imperio potitus est. Post solemnem Regis ingressum, & equitationem, post decantatum Hymnum gratiarum actionis, Rex Solium conscendit, seditque operto capite; tum ante eum apposta fuit mensula, supra quam Magnus Elemosynarius Crucem & Evangeliorum librum collocavit. Protonotarius Regni stans in gradibus

bus Regii Soli, recitavit juramenti formulam; eaque facta, Coadiutor Protonotarii singulos, a quibus jurandum erat, accerclivit, servato ordine. Primus omnium Panormitanus Archiepiscopus, tamquam Ecclesiastici Ordinis primus, accessit ad Regis sedem, flexis ante Crucem genibus, expansis super Evangelia manibus, interroganti Protonotario, an vellet Regi fidelitatem promittere juxta formulam nuper pronuntiatam, respondit, se ita velle, & ita jurare, atque in hujus rei signum Crucem, & Evangelia est osculatus. Hunc sequuti sunt ceteri Episcopi, Præsulesque Regni; tum Ordo Militaris, seu Equestris, nempe Principes, Duces, alique Feudorum Domini; tandem Oratores Civitatum Regii Demanii. Quo facto, jubente Rege, ab eodem Protonotario recitata est formula juramenti ab ipso Rege dandi de custodiendis statutis, atque privilegiis Regni. Mox Protonotarius, flexis genibus, Regem exoravit, ut juramentum præstaret: Rex vero stans, detecto capite, librum Evangeliorum manu tangens, juravit. Posthæc Prætor Panormitanæ Civitatis pariter a Rege petiit, ut sacramento promitteret servaturum se jura, moreque Civitatis; quod patenter, eodemque ritu, a Rege juratum fuit.

XIII. In Neapolitano Regno hæredibus, & successoribus imperii perfoluta quandoque fuisse fidelitatis sacramenta, ut reipublicæ, & familiæ Regiæ tranquillitati consuleretur, indicat in sua Historia Summontius. Narrat enim lib. 3. curasse Robertum Regem longeva jam ætate senem, indidit anno 1340. Comitibus totius Regni, ut Joanna neptis, hæres imperii, duodecim annis nata, Andream Hungarorum Regis filio minuscule ætatis desponsata, ab universis Regni Ordinibus, præstato sacramento, tamquam imperii hæres salutaretur, quod Andream ejus virum regimini administrando imparem existimaret. Pariter Alphonfus I. convocatis totius Regni Comitibus, anno 1443. Ferdinandum filium constituit Calabriæ Ducem, successorẽque imperii, cui eo nomine hominum, & sacramentum universi Ordines præstiterunt: *Essendo tutto ciò, ait Summontius lib. 3. con soddisfazione del Baronaggio intero, supplicarono Sua Maestà, restasse contenta concedeli per suo primogenito, successor futuro, & erede del Reame D. Ferrante d'Aragona suo figliuolo con dargli il titolo di Duca di Calabria, erede, e successor del Padre, nel Reame di Sicilia citra Pharus, e fu dagli Officiali, e Baroni suddetti accettato per loro Signore, e Luogotenente generale, e succedente Re, e gli giurarono omaggio, e ligio di fedeltà, ore; & manibus, del che fu fatto publico instrumento per Giovanni Olzina Secretario, e Notaro del Re.* Deinde sublatò et vivis Alphonso, anno 1458. Ferdinandus, ordinata solemnĩ equitatione ex Regni Proceribus, & Dynastis conflata, adiit Metropolitanam Ecclesiam, ibique dicto Hymno *Te Deum*, Archiepiscopo Sacris operante, Rex salutatus est; & rediens ad Edes Regias, Arcem Novam ab ejus Præsfecto recepit; tum celebrato Conventu Capuæ, quod Neapoli lues grassaretur; hominum, & fidei sacramentum ab universis Regni Proceribus illi est exhibitum; uti narrat lib. 5. Summontius. Nam in more fuit apud Neapolitanos, ut obeunte Rege, qui in imperio succedebat, statim per Civitatem, & Sessiones Nobilium equitaret magno Procerum comitatu, atque ad Metropolitanam Ecclesiam accederet, ubi fufis precibus, ab Archiepiscopo Rex renuntiabatur; deinde statutis Comitibus, sacramenta, & hominia ei perfolvebantur. Quod de Alphonso II. Ferdinando II. & Friderico re-

ferunt Neapolitanarum rerum Scriptores. Imperantibus vero Austria-
cis, qui in Hispania degebant, ei data fuere hujusmodi juramenta,
eui Reges hoc munus demandarunt: uti cum Carolus V. Imperator,
Rexque Siciliae, Philippo filio commisit Neapolitanæ Regni imperium,
is Ferdinando Francisco Avolos Marchioni Piscariæ vices suas in pot-
estensione Regni ineunda delegavit. Ordo hujus caeremoniæ legitur apud
Frecciam lib. 3. de Subfeudis, ubi: *Die autem Dominica 25. ejusdem
mensis, sub festivitate S. Catharinæ Virginis, & Martyris, quæ cla-
rissima fuit in Regio Palatio, prope Ecclesiam Sancti Spiritus, in
quo residet Illustrissimus, & Reverendissimus Dominus Cardinalis Se-
guntinus (Petrus Paccencus) Locumtenens generalis Serenissimi Domi-
ni nostri Regis Philippi, venerunt Illustrissimus Dominus Petrus An-
tonius de Santo Severino Princeps Bisiniani, nobilis Plateæ, seu Sedi-
lis Nidi, & Syndicus hujus Inclytæ, & Fidelissimæ Urbis, una cum
Dominis Electis omnium Platearum, cum Tribuno plebis, ornatis ves-
tibus velluti carmosini cum albis equis pariter falcatis; & deinde
venit Illustrissimus D. Franciscus Ferdinandus de Avolos de Aquino,
sua ætatis annorum viginti trium, Marchio Piscariæ, Princeps Montis
Herculis, & Francavillæ, Regni Siciliae Magnus Camerarius, Gêné-
ralis Capitaneus, seu Legatus totius Cavallariae, seu Equitatus, depu-
tatus per eundem Serenissimum Regem pro capienda fide, homagio, ac
ligio juramento ad universis Regni subditis, & fidelibus ob reseratio-
nem Regni factam per Caesaream Majestatem dicto Serenissimo suo Fi-
lio, ut ex litteris huic Civitati directis, associatus siquidem dictus Do-
minus cum nonnullis Proceribus, & Illustrissimo Domino Duce Amal-
phiæ Magistro Justitiariorum ejus avunculo, ac Illustrissimo Domino Indico
de Avolos Regni Magno Cancellario ejus fratre, equitarunt omnes
cum mirabili comitatu omnium Procerum, & Nobilium, & omnium
Officialium, & universo populo, Dominus Cardinalis in medio, a ma-
nu dextra dictus Dominus Marchio, & a manu sinistra Dominus Prin-
ceps Syndicus, & advenientes in Conventu S. Laurentii in loco solito,
in altiori loco a manu sinistra sedit in quodam folio, seu sedia Domi-
nus Cardinalis Locumtenens generalis, Dominus Dux Amalphiæ Magi-
ster Justitiarius in uno scanno, & ex alio Magnus Cancellarius, &
omnes Domini Regentes, & nos Consiliarii in pede scabelli cum aliis
Officialibus, prout potuimus locum habere ob multitudinem, Dominus
Princeps, ut Syndicus, in alio scabello juxta morem, & post eum om-
nes Electi, & post eos Proceres, & Barones Regni secundum determi-
nationem Illustrissimi Domini Locumtenentis generalis, & Collateralis
Consilii, ibidem existentibus pluribus Dominis, & Sindicis nonnulla-
rum Universitatum. Dominus Marchio per Secretarium Consilii Colla-
teralis legi fecit patentes litteras Serenissimi Domini Regis sub datâ
in Regia Domo, & paucis rebus rem absolvit pro executione suæ de-
legationis. Syndicus nomine Urbis, Baronum, & Regni respondit, &
sub quadam pagina explicavit intentum, & devotionem Civitatis: &
Domini Electi, unus post alium venerunt hora 20. ad præstandum ju-
ramentum fidelitatis sub forma consueta, prostati ad pedes dicti Domi-
ni Marchionis, sacris Evangeliiis. Syndicus non juravit, quia forte non
fuit ad hoc constitutus a Plateis. Post eos Magister Justitiarius, &
Magnus Cancellarius, deinde Illustrissimus Dominus Antonius de Ara-
gonia puer annorum circa decem, vel parum plus, Dux Montisfatti, &
dum deferretur ad præstandum juramentum Dominus Princeps Bisi-*

niani non consensiendo fuit de hoc protestatus; & postulans primo sibi ferri, & pro illa vice tantum, & citra præjudicium tam in petitorio, quam in possessorio, ex decreto Dominorum de Consilio Colateralis oretenus dato, primus omnium juravit, & ex ordine Princeps Sulmonæ, Duces, Marchiones, Comites, Barones, & inter alios ego etiam præstati ligii homagii juramentum, & alii procuratores Dominorum, Sindici, & procuratores Universitatum. Et deinde equitantes præstati Domini ex eodem ordine per Plateas nobiles, magna fuit facta ob publicam lætitiæ effusio pecuniæ aureæ, & argenteæ pro gloria, & triumpho dicti Serenissimi Domini nostri Regis, Ducis Mediolani, ac Angliæ, & Franciæ Regis, nostræ Catholicæ, atque Christianæ Fidei perpetui defensoris. Die luna sequenti, hora 17. venerunt prædicti Dominus Cardinalis, Dominus Marchio, Dominus Princeps, Sindici ordine supraposito cum Dominis Electis, & Dominis Baronibus sub eadem regula, & magna comitiva Nobilium in majori Ecclesia, Reverendus Episcopus Mortuarum Vicarius Illustrissimi & Reverendissimi Domini Cardinalis Neapolitani, & in majori Altari solemnem Missam decantavit, assistentibus omnibus Dominis de nostro Consilio, & aliis Officialibus. Orationem fecit Dominus Episcopus Sancti Marci Secretarius Martirani vir religiosissimus, ac doctissimus, quæ pro honore utriusque Cæsareæ Majestatis patris, & filii Dominorum nostrorum Regum, sub candido sermone, laudatissima habita est. Finito Te Deum laudamus, idem Dominus Secretarius legis patentes litteras dicti Domini nostri Regis confirmantis dicti Domini Illustrissimi Cardinalis in suo officio ad beneplacitum, quia confirmatio omnium officiorum venerat in ejus posse, assistentibus ibidem Dominis Electis, Dominus Joannes Bernardinus Carbonus Electus Plateæ Capuanae ab eodem confirmationem, & observantiam omnium Capitulorum Urbis humiliter expetiit, & deulit illi sacramentum, sub quo tactis Evangelii observare juravit, & recedentibus omnibus facta fuit pecuniarum auri, & argenti effusio pro gloria, & triumpho dicti Serenissimi Domini nostri Regis.

XIV. At Serenissimo Regi CAROLO BORBONIO jurata est fides, hominumque præstitum, die 20. Junii, anno 1734. in Capella Palatina, & coram Magno Aulae Capellano, a Patribus conscriptis Neapolitanæ Civitatis, quos Electos vulgo nuncupant, & hoc quidem ritu. Rex Serenissimus medius inter Patres conscriptos Neapolitanos, præcuntibus Aulicis, Capellam adiit Palatinam, ibique Sacrum audiuit, stantibus prope Regem Neapolitanis Patribus conscriptis. Peracto Sacro, Solium conscendit excitatum in cornu Evangelii, seditque operto capite; steterunt a dextra Solii parte Primus Regis Minister, Dux militum custodem corporis Regis, & Secretarius Regni juramenti formulam in manu tenens; a sinistra vero Solii Feciales, seu Reges armorum, virgas manu habentes, & Osliarii, vulgo *Portieri di Camera*; aderant quoque Notarii Aulae, & Civitatis, qui rem tabulis consignarent. Tum Neapolitani Patres conscripti ante Solium Regis confiteri, eoque innuente, capita operuerunt, tamquam Hispaniæ Magnates. Interea a Secretario lecta est juramenti formula, qua finita, accedentes ad Altare, ubi aderat Magnus Capellanus Pontificalibus indutus ornamentis, Evangeliorum librum in manibus habens, in genua procubuerunt. Eos vero Magnus Capellanus est percunctatus, an ita jurarent; singulique, statutis super sacrum Codicem manibus, affirmarunt, his verbis; *Così giuro, e prometto*. Dato juramento, mox

ante Regem Solio infidentem genua submiserunt, eorum primus verba fecit, statutisque manibus intra manus Regis, a quo & amplexu exceptus est, hominum tum ipse, tum singuli, eodem ritu præsistere, denique Regem ad ædes suas deduxerunt. Excipiendis vero sacramentis, hominibusque, quæ tum a Feudorum Dominis, vulgo Baronibus, tum a Civitatibus, oppidisque Regii Demanii perfolvenda erant, Rex delegavit Adrianum Ulloam Lauriæ Ducem, Regiumque Consiliarium; tum promulgatis ad hanc rem Regis Edictis, imperatum est omnibus, a quibus jurandum est, ut statis diebus, in Ecclesia Regia SS. Sacramenti, vel ipsi, vel eorum Delegati, si impedimento aliquo prohiberentur, convenirent. Ibi igitur assidente prope Aram in cornu Evangelii Delegato Regis, medio inter Magnum Capellanum Prælatiis indutum vestibus a sinistra parte Evangeliorum librum in manibus habentem, & Secretarium Regni a dextra habentem juramenti formulam, utrumque stantem, & illum quidem nonnullis Clericis Aulicis, hunc quibuscum Officialibus associatum: stantibus quoque in cornu Epistolæ e regione ipsius Delegati Regis, tum Faciali Regio, tum quatuor Officialibus vulgo *Portieri di Camera*, tum etiam militum hinc inde instructo, Secretarius Regni proferens singulorum nomina, qui ad jurandum convenerant, recitavit juramenti formulam, qua CAROLO Regi, ejusque successoribus fidem se servaturos, ejus iussa pace belloque facturos, arma contra eum numquam laturus, illi pollicebantur. Tum singuli flexis primo genibus ante Magnum Capellanum, statutisque manibus super sancta Evangelia, huic sciscitanti an jurare vellent, ita jurare se affirmarunt; mox ante Regis Delegatum procumbentes, manibus intra hujus manus conjunctis, hominum præsistere: eorumque nomina, exhibitumque sacramentum a Tabellionibus in acta referebatur.


XV. Porro is ritus edendi coram Magno Capellano sacramenti fidei Regibus debita, solemnique pompa, antiqui est instituti in Aula Neapolitana. Pontanus enim narrans lib. 2. de bello Neapolitano, Ursum Nolanum Comitem, Joannis Andegavenis partibus adhaerentem, opera Bartholomæi Cardinalis Rovarella, qui Beneventi Pontificias res curabat, in partes Ferdinandi I. Regis venisse, & huic fidei Sacramento promississe, ita describit hujus cæremoniæ ritum: *Sedet Rex medius Regia in sede, editioro loco constituta. Assident juxta primi Ordinis Optimates, ac Proceres. Stant inde purpuratorum frequentes Ordines, loco quisque suo: Regis ad pedes, genibus innitens, a dextra procumbit parte epistolarum Magister, qui nunc Secretarius dicitur: sinistra Antistes Evangeliorum libros Regio in sinu adstratos tenens. Horum medius genibus & ipse ille innixus procumbit, qui in verba jurat, utraque manu libris adaptis imposita. Ibi epistolarum Magister verba præit: quæ juraturus in verba, sequitur. Igitur posteaquam Ursus Regis ad pedes provolutus, palmam in Codice utramque expansam statuit, tum Magister præire verba hæc cæpit; Ursusque ea est secutus: Ursus ego Ursinus Nola, & Arripaldi Comes, Asculi, Lauri, ac Forini Dominus, illorumque, & agrorum, & finium, civium, atque popularium, tibi Ferdinando Regi, liberisque, successoribusque in Regno Neapolitano tuis polliceor, promitto, spondeo pro liberis, successoribusque in hisce item urbibus, oppidis, agris, finibusque meis, fidem meque, illosque utique futuros, tuisque, illorumque imperiis ubique meque, illosque parituros, atque imperata facturos, cum*

*hisce urbibus, oppidis, agris, finibus, popularibusque, perpetua cum constantia, & fide. Si quid vero adversum teve, illosque parari fraudis, dolive, infidiarumve audiero, sciero, compertumve, significatumve habuero, indicaturum illud e vestigio, ac salturum palam tibi;que, illisque: officia domum obiturum, meque, illosque omnia domi, forisque, pace, belloque adversum quoscunque, ac pro imperio, qua probi, & fidelis subiecti jure, lege, natura, obeunda, ac præstanda sunt Regi. Deumque bus optimum Maximum testem invocato, perque hæc sacrosancta Evangelia sciens, volens, libensque verbis conceptis juro. Atque his dictis, manus ipse e libris sustulit. Tum Rex Urbi manus utriusque digiti pollicibus apprehensis, suosque intra pollices iis inferens devinxit illos suis, statumque super Evangelia. Hic rursus Ursus, Magistro præconate verba: Ego me, inquit, cum liberis successoribusque meis, Ferdinandi Regis mei, Domini mei, liberorum, ac successorum ejus ligum hominem statuo, dedicoque, eumque me hic sisto. Hæc ubi dixit Regius osculatus est pollices, Rexque ore suo illius os excepit, moxque comiter appellatum dimisit. Is est usitatus jurandi mos in verba Regum Neapolitanorum, quique ligos illorum se faciunt, ipsum hunc servant: dicti inde ligi, quod ligatis Reges pollicibus, illos fidei, imperiisque sic suis vinciant, atque obnoxios statuunt. Antistes ille, quem Evangeliorum libros in sinu Regis adstratos tenuisse refert Pontanus, non alius sane fuit, quam qui in Aula aderat, & sacro ibi fungebatur ministerio. Et vetustissimum fuisse morem alibi diximus, ut Aulici Capellani exciperent sacramenta Regibus perolvenda, ad Sanctorum Reliquias in Oratorio Palatino aservatas. Quod vero in faciendo hominio vassallus inter manus domini junctas manus immitat ad subjectionem denotandam, id usitatissimum ubique fuit, ac pluribus exemplis constat apud Cangium in Glossario, verbo *Hominium*. Non ita tamen de osculo pollicum, quod in Delphinatu a plebeis in faciendo hominio præstitum, non vero a nobilibus, qui anulum, vel manum Domini osculabantur, scribit Dionysius Salvainus lib. de usu feud. cap. 4. & apud Provinciales quoque obtinuisse colligitur ex Charta homagii anno 1371. Galterio de Ulmeto Domino de Malalgiis præstiti a suis Vassallis apud Cangium: *Et pollices vestrarum manuum in signum vera submissionis & homagii devote osculavimus*. E contra receptissimum fuit, ut præstito hominio ad osculum Domini vassallus admitteretur. Hinc sæpe apud veteres mentio fit homagii manum & oris, quamvis solis nobilibus id permisum fuerit, uti colligitur ex Speculatore lib. 4. de Feudis §. *Quoniam* 2. n. 66. ubi: Porro in Regno Franciæ facilius se expediunt, nam nobilis homo flexis genibus coram Rege, & immixtis manibus junctis intra manus Regias sibi fidelitatem jurat, & homagium facit, & Rex illum recipit ad osculum; si vero sit ignobilis, licet habeat nobile feudum, non recipitur ad osculum. Atque hæc fuit antiqua forma hominii faciendi.*

XVI. Nunc vero temporis, etsi in inauguratione Regis sacramenta, & hominia, solemniter, in Ecclesia, & coram Magno Capellano perolvuntur; attamen ubi quis vel hæreditario jure, vel emptione, aut alio titulo feudum consequitur, juramentum, & hominium præstat coram Ministro Regis ad hanc rem delegato, flexis genibus, positus super Evangeliorum librum apertum manibus, recitata juramenti formula, conjunctisque cum eo manibus, ac devinctis, & ab

eo donatur osculo . Formula vero juramenti his fere verbis constat :
Io N. N. utile Padrone della N. in detto nome riconoscendo , e confessando il Serenissimo Signor D. Carlo per la Dio Grazia Re di Napoli , e di Sicilia , Infante di Spagna esser vero legittimo , & indubitato Re di Napoli , e di Sicilia , fo solenne giuramento all' Onnipotente Dio per i suoi Santi Vangeli corde & ore jurando & propriis manibus tangendo a voi Signor Commissario , che essendo stato detto Signore su qua , etiamdico da oggi avanti sarà buono fedele , e Reale Vassallo , Suddito , e Feodatario della Maestà predetta ; e de' suoi predetti eredi e successori , e di qualsisia loro Officiali , e Ministri colla debita soggezzione , umiltà , e riverenza , e procurerà fedelmente , & accortamente l' utile servizio , onore , e salute della Maestà predetta , e de' suoi Serenissimi eredi , e successori , esaltazione , & aumento de' loro Stati , e conservazione di questo Regno . Item se alcuna cosa di loro perfidia , infidia , o altro qualsisia sinistro male intenderà , che gl' inimici , emoli e ribelli della Maestà predetta , altri contro la sua Regal persona , e di detti suoi eredi machinassero , trattassero , o sentassero , li disturberà & impedirà subito , e non potendo disturbarli , o impedirli , lo rivelerà subito a Sua Maestà , e suoi predetti Serenissimi eredi , e successori e loro Officiali , e Ministri , e contro li predetti emoli , e ribelli farà guerra , e tregua , siccome li sarà comandato , e gli amici , aderenti , e seguaci di detta Maestà averà per amici , e benevoli , e così per lo contrario averà per inimici li ribelli e disobbedienti di detta Maestà , e finalmente osserverà , & eseguirà tutte le altre cose , e tutto quello , e quanto li buoni , fedeli , e leali vassalli , sudditi , e feodatarii sono tenuti , e devono fare compiere , & osservare per lo loro Re e Signore naturale , supremo , e diretto , quale esser confesso &c. . . . e così nel nome suddetto giuro per li Santi Vangeli che tocco colle mie mani . Item Io N. N. mi fo uomo ligio della Maestà predetta , e de' suoi Serenissimi eredi , e successori promettendo fedeltà , lealtà , ligio , & omaggio in mano di voi Signor Commissario assistente in questo atto per la detta Maestà contro ogni persona . Simile sacramentum , hominumque ipsi feudi Domino persolvunt subditi .





C A P U T XIII.

DE SACRIS QUIBUSDAM ALIIS CÆREMONIIS
PALATINIS.

De Rosa aurea a Romano Pontifice benedicta . II. Risus , quo ea Summis Principibus datur . III. De Ense & Pileo pariter a Romano Pontifice benedictis IV. His donari fuisse nonnulli Neapolitani Principes stirpis Aragoniæ . V. Ordo hujus cæremoniæ describitur . VI. De eadem rursus . VII. De Cardinalatus insignibus . VIII. De usu mittendi ad absentes Cardinalatus insignia a Regibus conferenda IX. Ordo hujus cæremoniæ in Gallia . X. Et in Hispania . XI. Et in Lusitania . XII. Et in Aula Neapolitana , regnante CAROLO BORBONIO . XIII. Referuntur Pontificis de hac re Litteræ . XIV. Et ipsa cæremonia enarratur .

Consueverunt Summi Pontifices ab annis supra octingentis, uti colligitur ex Ordinibus Romanis editis a Mabillonio, quarta Dominica Quadragesimæ, in qua cantatur *Lætare Hierusalem*, in ipsius lætitiæ signum, adeuntes Ecclesiam S. Crucis ad agendam Liturgiam, Rosam auream musco & balsamo unctam equo insidentes deferre, atque ad eam rem sermonem in Liturgia habere, cuiusmodi extat Innocentii III. sermo, tum eam Præfecto Urbis tradere, a quo magna pompa, & comitatu ad ædes suas deferretur. Invaluit deinde (neque enim in Ordinibus Romanis istius benedictionis fit mentio) ut Rosam illam suo in cubiculo quibusdam præcibus Romani Pontifices consecrarent, & consecratam deferrent, atque agentes Liturgiam super Altari statuerent, tandem insigni alicui Principi, qui præsens adesset, dono darent, vel ad absentes transmitterent: cujus quidem rei meminit Benedictus Canonici Basilicæ Vaticanæ, auctor duodecimi sæculi, in suo Cæremoniali. Ita eam Alexander III. anno 1163. Parisiis degens Ludovico VII. Galliarum Regi dono dedit; & anno 1177. cum Venetiis moraretur, in eadem Dominica, indutus sacris vestibus, & de consuetudine auream ferens Rosam cum Episcopis, & Cardinalibus ad Altare majus processit: Post Evangelicam lectionem, populo Dei ex diversis partibus congregato pastoraliter prædicavit: Et completis Missarum officiis, Rosam, quam detulerat, Duci Venetiarum in signum gratiæ Sedis Apostolicæ contulit, ut habent Acta ejusdem Pontificis apud Baronium. Eundemque morem sequentes Romani Pontifices servarunt: siquidem Honorius III. Alphonsum Hispaniarum Regem; Clemens VI. Ludovicum Regem Hungariæ; Eugenius IV. Sigismundum Imperatorem; Callixtus III. Carolum Regem Galliarum; Julius II. Emmanuelem Regem Lusitaniarum; Urbanus VIII. Mariam Austriacam sororem Philippi IV. Neapoli degentem; alique Romani Pontifices, alios Reges, Principesve, insignes quoque Proceres, illustres Ecclesias, uti constat ex indice a Car-

Carolo Cartario edito in opusculo de Rosa aurea, hoc sacro munere donarunt. Neapolitanis etiam Regibus non semel Rosam auream concessere. Nam Urbanus V. anno 1368. eam dono dedit Joannæ Reginae, uti scribit his verbis Rainaldus: *Eodem mense (Martio) venerunt ad ipsum Romam Joanna Regina Siciliae, & Petrus Rex Cypri superius nominati: & cum tunc occurreret Dominica Letare Hierusalem, in qua consuevit dari per Papam Rosa aurea viro nobili, tunc in Curia existenti, distam Rosam memorata Joanna tanquam nobiliori, majori, & excellentiori, licet vir non existeret, dedit; Regi praedicto ipsam in hoc praefendo, quae more solito demum cum Cardinalibus, & aliis Nobilibus per Urbem equitavit. Et Nicolaus V. Misso Neapolim Michaelē Marliano Clerico Camerae Apostolicæ, & Pontificio Cubiculario, deinde Episcopo Placentino, eandem ad Alphonsum Regem transmisit: cujus rei meminit Ughellius in Episcopis Placentinis, & Morigia de Nobilitate Mediolanensi. Helionora Alphonfi Neapolitani Regis neptis, Friderico III. Imperatori desponsata, Romamadiens, eodem sacro munere donata fuit anno 1431. a Nicolao V. Pontifice, uti narrat Giacconius in hujus vita. Qui idem testis est Paulum II. anno 1470. Rosam auream Friderico Ferdinandi Neapolitani Regis filio concessisse: Per id tempus, ait, Fridericus adolescens egregius, Ferdinandi filius, Mediolanum iturus ad ducendam Francisci Sfortiae filiam, fratris uxorem, in Regnum, Romanam veniens, prodeunte obvium honestissimo quoque, & Roderico Vicecancellario, perbenigne a Paulo suscipitur, ac Rosa donatur, quam Pontifices quotannis donare alicui ex Principibus Christianis consueverunt. Nonnullis vero abhinc annis, nempe anno 1741. Serenissima MARIA AMALIA Regina utriusque Siciliae donata est sacro Rosæ aureæ munere in honoris, & benevolentiae argumentum a Sanctissimo Papa BENEDICTO XIV. ablegato Neapolim ad eam deferendam Paschali Acquaviva, a Pontifice Cubiculo, & nobilissima gente Comitum Cuperiani. Sed & Magnatibus Regni Neapolitani datam quandoque fuisse referunt Scriptores, uti Nicolao Acciajolo Senescalco Regis, & ejus apud Pontificem Oratore, ab Innocentio VI. & Raymundo Urfino Comiti Nolæ ab Urbano VI. Pontifice.*

II. Porro ipsum hoc munus, quod precibus, & benedictione Summi Pontificis fit consecratum, sacro quodam ritu dandum, transmittendum, excipiendumque praescribit Cereemoniale Romanum. Si enim praesens in Aula Romana sit, qui aurea Rosa est donandus, hunc jubet flexis genibus sacrum illud munus, absoluta Liturgia, vel in Capella, vel in cubiculo Pontificio, accipere a Pontifice, his verbis: *Accipe Rosam de manibus nostris, qui licet immeriti locum Dei in terris tenemus, per quam designatur gaudium utriusque Hierusalem triumphantis scilicet & militantis Ecclesiae, per quem omnibus Christi fidelibus manifestatur flos ipse speciosissimus, qui est gaudium, & corona Sanctorum omnium: Suscipe hanc tu, dilectissime fili, qui secundum saeculum nobilis, & multa virtute praeditus es, ut amplius omni virtute in Christo nobiliteris, tanquam Rosa plantata super rivum aquarum multarum, quam gratiam ex sua uberanti clementia tibi concedere dignetur, qui est trinus, & unus in saecula saeculorum. Amen:* eundemque statuit, acceptam Rosam deferentem, Urbem equitare, & quidem, si Rex sit, a Cardinalibus associatum. Ad absentes vero Reges transmittendam, quandoque illorum in Urbe Oratoribus

Romani Pontifices eam commiserunt; ut Alexander VI. Oratori Hispano, Julius II. Oratori Poloniae, & Leo X. Lusitanis Legatis. Quandoque aliquem e Pontificio famulatio ablegarunt, qui sacrum illud munus deferret, & vel ipse exhiberet Regibus, vel ab aliquo insigni Antistite, cui id Pontifex demandaverit, exhibendum curaret. Nec raro Cardinales Legati a latere hoc munere functi sunt: siquidem Cardinalis Franciscus Barberinus, anno 1625. auream Rosam praeiit Henrichettae Borbonicae Anglorum Reginae, Henrici IV. Galliae Regis filiae; & Cardinalis Nicolaus Ludovici, Legatus a latere Innocentii X. anno 1649. Mariae Philippi IV. Hispaniae Regis conjugii. Qua autem pompa, quoque ritu, sacrum hocce munus sit Regibus porrigendum, describit Paris Crassus in suo Cereemoniali; quod nempe venienti Pontifici Ablegato obviam a Rege mittantur nobiles viri, qui eandem Rosam palam in manibus gestantem deducant ad aedes, ubi est commorandum; quod Dominica, vel festiva dies statuenda sit agendae cereemoniae, & in Ecclesia, in cuius Ara principe, Rosa aurea est collocanda; quod antea, Sacrum sit celebrandum, & ante benedictionem, Antistes, cui Pontifex injunxit officium Rosam auream tradendi, accepta Mitra sedeat in baldistorio facie versus ad Regem ante Altare sedentem, iisque sedentibus, legantur litterae Romani Pontificis; quod lectis litteris, Antistes surgens Rosam de Altari sumptam praebeat Regi provoluto in genua, his verbis: *Accipe Rosam de manibus nostris, quam ex speciali commissione Sanctissimi in Christo Patris N. N. nobis sacra tibi tradimus, per quam designatur gaudium utriusque Hierusalem, scilicet triumphantis, & militantis Ecclesiae &c.* quod denique data ab Antistite benedictione, Rex auream Rosam manibus suis deferens ad Aedes Regias redeat, illamque in Capella sua custodiat. Atque ad hunc modum, anno 1579. Margritha Austriae Caroli V. Imperatoris filiae, Parmensium Duci; & anno 1584. Principi Eleonorae filiae Ducis Hetruriae porrigendam fuisse auream Rosam colligitur ex monumentis editis a Cartario in laudato Opusculo. Sed Margaritae Austriae conjugii Philippi III. Hispaniae Regis ipse Pontifex Clemens VIII. Ferrariae degens anno 1598. sacram Rosam praeiit. In Cereemoniali Hispaniae a Dumontio, & Rossiuetio edito ritus describitur, quo Rosam auream a Gregorio XIV. Pontifice missam, die 24. Augusti, anno 1591. in Ecclesia Regia S. Laurentii ab Apocrisario Pontificio accepit Catharina Infans Hispaniae. Finitis nempe Vespertinis Horis, Apocrisarius Pontificius sacra induit ad Altare ornamenta, lectisque litteris Pontificiis ab Aulico Secretario, Infans pluribus matronis stipata ad Altare accessit, & genua submisit, cui Antistes consueta verborum formula Rosam praeiit, quam illa Magno Capellano Garfiae Loaysa tradidit deferendam. Pariter cum Clemens VIII. anno 1595. Elisabethae Hispaniarum Infanti Rosam auream dono misit, Apocrisarius Pontificius hoc munere functus est in Capella Palatina, idemque Magnus Capellanus Garfias Loaysa sacrum donum ante Serenissimam Principem detulit. Neque diverso modo res se habuit anno 1618. cum a Paulo V. Romano Pontifice Princeps Asturicensium (postea Philippus IV. Rex Hispaniae) donatus est Ense, Pileoque benedictis, atque Elisabetha Borbonica ejus conjux donata est Rosa aurea. Hanc cereemoniam in Capella Palatina Franciscus Chirinus Patriarcha Hierosolymitanus, & Apocrisarius Pontificius absolvit, expleto Vespertino Officio; Rosam Serenissima Infans oscu-

lo excepit, præbuitque Magno Capellano, qui redeunte ad ædes suas Infante, illam præferebat. Ex his patet, sacram hanc ceremoniam in Capella Palatina agi solitam, merito hic fuisse commemorandam.

III. Eadem causa agendum hic est de Ense, & Pileo, qui a Romanis Pontificibus ex antiquo more, in die Natalis Domini, quibusdam precibus sanctificantur, & Regibus, vel Principibus dono mittuntur; tum religionis causa, ut olim Principes, ac belli Duces congressuri cum hostibus ense benedicto ab Episcopis antea cingebantur, vexilloque utebantur precibus Ecclesiæ consecrato; tum causa symboli, ne nempe admoneantur de imperio sancte administrando, cum per Ensem Justitia; per Pileum superaddita Columbæ effigie; dona Spiritus Sancti indigentur. Testis est Theodoricus Urie in Historia Concilii Constantiensis, Joannem XXII. in die Natalis Domini Rem Divinam solemniter ritu fecisse, & Imperatorem Sigismundum decantasse Evangelium, *Exiit edictum*; peractoque Sacro, Ensem de manu Pontificis accepisse, admonitumque de Ecclesia tuenda, ac defendenda, id se pro viribus facturum dato sacramento promississe. Mentio fit benedictionis Ensis & Pilei in libro de sacris Romanæ Ecclesiæ caeremoniis ab Augustino Patricio Piccolomineo diligenter concinnato sub Innocentio Papa VIII. & deinde edito a Christophoro Marcello Archiepiscopo Corcyrensi, Pontificatum obtinente Leone X. Porro hæc militaria instrumenta largiri consuevere Summi Pontifices Principibus de Ecclesia optime meritis, uti inter alios donarunt Callixtus III. Henrico IV. Castellæ Regi, quod Mauros Granatenfes subegisset; Pius II. Frederico III. Imperatori; Pius V. Ferdinando de Toledo Duci Albæ, ob res in Belgio contra Hereticos optime gestas; Sixtus V. Alexandro Farnesio ob vindictas ab Hæreticis ditiones Colonienfis Archiepiscopi; Innocentius XI. Joanni III. Polonorum Regi, quod ejus virtute, Viennæ Turcarum absidione soluta fuisset; Alexander VIII. Francisco Mauroceno Duci Venetorum ob subactam Venetorum imperio Corcyram; Clemens XI. Eugenio Sabaudæ Principi ob expugnatum Temisvarium; ac denique Sanctissimus Pontifex BENEDICTUS XIV. anno 1747. Emmanueli Pinto emeritissimo Magno Hierosolymitani Ordinis Magistro.

IV. Quoad Neapolitanos Principes, quamvis Urbanus VI. anno 1383. Neapoli in Metropolitana Ecclesia in die Nativitatis Sacrum solemniter ritu, præsentem Carolo III. celebraverit, attamen Ensis vel Pilei benedicti, Regisque traditi, nulla mentio fit a nostrarum rerum Scriptoribus, qui tamen referunt, eundem Pontificem die prima Januarii, ibidem Rem Divinam solemniter ritu fecisse, benedictoque vexillo, & Regi tradito, hunc declarasse S. R. E. Vexilliferum, tum Aloysium Andegavensem ejus æmulum diris devovisse; quod argumento est, illam ceremoniam benedictionis Ensis, & Pilei in Nativitate Domini nondum invaluisse. At Alexander VI. anno 1492. Fridericum Aragonium Ferdinandi I. Neapolitani Regis filium, qui Romam adierat, ut paterno nomine coleret Romanum Pontificem, donavit Ensem, Pileoque benedictis ipsa die Natalis Dominici, uti narrat Joannes Brochartus in suis Diariis MSS. his verbis: *Finira Missa, Papa ascendit Solium, ubi benedixit Ensem, non tamen adpersit, quia non erat ibi aqua benedicta. Tum dedit eum Illustrissimo D. Friderico coram se genuesino sub verbis annotis, ut solent Romani Pontifices.*

explevis verbis, Papa recepit ipsum Principem ad Osculum pedis, manus, & oris; ego dedi enssem suo Majori Domus, qui cum postea immediate ante ipsum Principem portavit. Pater sub porticu S. Petri dedit licentiam omnibus Cardinalibus, & voluit, quod ipsi Cardinales omnes collegialiter usque ad Palatium Apostolorum habitationis sue associarent, quia sic fuerat nuper de ipsorum Cardinalium Consilio ordinatum, sicque factum est. Venimus per pontem S. Angeli via recta ad Campum Floræ, Domum de Maximis; Minervam, ad Apostolos. Interfuerunt 18. Cardinales, qui bini succedentes sibi muruo equitarent, inter Reverendissimos D. D. Senensem, & Camerarium in ultimo loco equitantes Princeps medius, & immediate ante ipsum Miles Enssem cum Pileo gestans, more solito. Hi autem Cardinales interfuerunt, videlicet Neapolitanus, S. Petri ad Vincula, S. Angeli, Ulyssiponensis, Rachanatenfis, S. Clementis, Januensis, Parmensis, Beneventanus, S. Anastasia, Montisfregalis, S. Severini, Ascanius, Ursinus, Columna, Sabellus, Camerarius, Senensis. Cum essent ante portam Palatii Apostolorum (ubi Princeps diverfabatur) Cardinales ordine solito se locarunt, quibus ex more Princeps egit gratias, & recesserunt omnes. Ad primam lectionem dedit aquam manibus Leonus Orator Venetus; ad secundam Dux Gravina, Orator Regis Neapolitani, ut Orator, non ut Dux; ad tertiam Magn. D. Joannes della Serra Regis Orator Franciæ, & affinis Papa; is debebat secundam dedisse, & dictus Dux tertiam, tamen sic voluit Pontifex; ad quartam Illustrissimus D. Fridericus. Narrat & ibi Brochartus, qua pompa, quoque ordine Fridericus Aragonius Romæ exceptus fuerit, quod nempe ei venienti ad Ecclesiam usque Lateranensem obviam ivere tum Cardinalium famuli, tum nobiles plurimi viri, tum nomine Romani Pontificis Cardinales duo, nempe Montisfregalis & Presbyterorum Ordine consanguineus Papæ, & Ascanius ex Ordine Diaconorum, qui eundem inter eos medium receperunt; & ubi ad Capitolium ventum est, Palatini eidem occurrerunt, verba faciente Bartholomeo Episcopo Segobienfi, Præfecto Apostolici Palatii; quodque ei locus tum in Capella, tum in Concistorio datus inter duos ultimos Cardinales. Memorat & alios Oratores cum eo missos, nempe Vincentium Archiepiscopum Acheruntium, Zenonem S. Marci Episcopum, Hieronymum Episcopum Policastrensem, Franciscum Ducem Gravina, Carolum Comitem Venafræ, Lucium Comitem Conchæ, & Bartholomæum Comitem Palenæ; ornatumque Principis ita describit: *Princeps vestu de velluto violaceo indutus erat, collanam habens ex perlis, & lapidibus æstimationis sex millium ducatorum, cingulum cum ense æstimationis ejusdem, frænum totum ex perlis, & pretiosis lapidibus compositum valoris trium millium ducatorum, ac totum equi sui fornicamentum auratum ab ante, & retro gestans: præcedebant Familiam suam Salutæ 200. omnes copertis rubeis; familiares vero ad numerum inter 700. & 800., quos tamen, ut audivi, ad eam summam non ascendere dicebatur.* Narrat quoque, die 21. Decembris, festo S. Thomæ, in Consistorio publico præstitisse paterno nomine Romano Pontifici obedientiam, a duobus ultimis Cardinalibus Diaconis, & a Palatinis associatum, exhibitis, lectisque Regis ejus parentis litteris, Episcopum S. Marci verba fecisse, ac tandem, finito Concistorio, Principem detulisse fimbrias posteriores Pluvialis Papæ. Illud vero haud est silentio prætereundum, quod nempe Pontifex in Matutinis Officiis

Natalis Domini, quintam lectionem canendam voluerit ab ipso Friderico Aragonio, cui Ensis benedictus tradendus erat. Ita enim addit Brochartus. *Antequam hoc mane secretam suam Cameram exiret S. D. N. intellectis autem tribus diversis ordinibus in dicendis lectionibus in Martinis Natalis Domini diversis temporibus observatis, voluit, quod primam lectionem Accolitus, secundam Auditor, tertiam Subdiaconus, quartam Reverendissimus D. Cardinalis Montifregalis junior Presbyter, quintam Illustrissimus D. Fridericus Ensem habiturus, sextam Reverendissimus D. Cardinalis S. Anastasia, septimam Vicecancellarius, octavam Senensis, Diaconi Sanctitatis Suae Assistentes dicerent, & nonam Sanctissimas Suae se dicturum dixit, quod voluit singulis per me intimari, prout tunc feci: tum describens Matutina Officia Natalis Dominici, refert quintam lectionem a D. Friderico decantatam fuisse: quintam, ait, Illustrissimus D. Fridericus indutus superpelliceo pluviali accinctus ense, observatis prius solitis caeremoniis. Eundem Pontificem anno 1494. in die Natalis Domini Ensem benedictum praebuisse Ferdinandum Calabriz Ducem, Alphonsi II. Neapolitani Regis filio, iudicat in suis Diariis idem Brochartus; hinc investitum Ferdinandum de Calabria Ducatu scripsit Summontius. At anno 1496. Alexander Pontifex Philippum Archiducem Austriae, Ducemque Burgundiae donavit Ense & Pileo; & anno 1497. Ducem Stetinensem Regiae stirpis Principem, qui Romae aderat, uti refert Brochartus: *Publicata Indulgentia plenaria, & Evangelio S. Joannis post Missam per Papam lecto, Papa ascendit ad Solum, ubi cum Mitra sedens donavit Ensem, quem hodie, antequam Cameram Papagalli paratus exiret, publice benedixit sub verbis in caeremoniali ad hoc ordinatis: Illustrissimo Duci Stetinensi supradicto coram se genuflexo, cujus nomine volui Sanctitatis Suae post ipsum Ensem sibi datum paucis verbis ad hoc apertis per me concepsit, gratias agere, sed Papa asserens, id consuetum non esse, negavit me audire, existimo ne haberet ex tempore responderet. Dux ensam cum Cappello habito consignavit uni ex suis nobilibus, qui ipsum continuo ante Ducem portavit, & descendit ipse Dux cum Ense ad plenum Capellam.**

V. Sequenti vero anno, Ludovico XI. Francorum Regi transmittendum Pontifex decrevit: *Anno a nativitate D. N. Jesu Christi, ait Brochartus, 1498. die Martis 25. diei mensis Decembris S. D. N. circa horam 16. vel quamprimum venit ad Cameram Papagalli, ubi receptis paramentis, dempta Mitra, benedixit Ensem, aspersit, incensavit more solito, ipsum me tenente quousque D. Adrianus Clericus Camerae superpelliceo indueretur, qui ipsum deinde ante Crucem ad Basilicam praedictam portavit, & reportavit. Finita Missa more solito, Papa antequam exiret Cameram secretam convocatis ad se Cardinalibus decrevit Ensem cum Pileo mittere Illustrissimo D. Ludovico XI. Francorum Regi Christianissimo. Venit deinde ad Basilicam praedictam processionaliter ordine consueto sub Thia, sive Regno, & licet praedictus D. Adrianus etiam Protonotarius, & Secretarius Apostolicus, ac habitum Protonotarii deferret, tamen quia ensam deferre spectabat ad Clericos Camerae, non autem ad Protonotarios, vel Secretarios, voluit quod in habitu Clerici Camerae, non Protonotarii, vel Secretarii, ut conveniebat, ipsum ensam portaret, prout factum est. Ex his patet, quo olim ritu Romani Pontifices Ensem Pileumque tradiderint. Cum vero ad absentes haec munera transmissa sunt, pariter non sine sole-*

ni, sacroque ritu exhibenda suere. Ita cum ab Innocentio X. Rex Poloniae donatus est Ense, & Pileo, & ejus conjux Rosa aurea, Archiepiscopo Andrinopolitano Apocrifario Pontificio datum est in mandatis, ut in illorum munusum traditione hunc servaret ordinem relationis a Cartario in laudata Dissertatione. *Ordo servandus in traditione Ensis, & Rosa aurea. Ad Illustriss. & Reverendiss. D. Archiepiscopum Andrinopolitanum apud Regem Poloniae Apostolica Sedis Nuncium: Statim ac ad manus Dominationis vestrae Illustrissimae pervenerint Rosa aurea, Ensis cum Galero; & Brevia Sanctissimi Domini nostri Papae, Serenissimis Regi; & Reginae, Sanctitatis Suae nomine presentanda, hoc idem ipse iisdem norum faciet; ab iisque diem presentationis celebrandae statui curabit; & Brevia Regi, ac Reginae consignabit; non tamen nisi in ipso Ensis; & Rosa traditionis actu eperiendo. Qua die, Dominatio vestra Illustrissima (modi si commode poterit) cum solemnibus equitatu Ecclesiam designatam adibit, immediate ante Dominationem vestram Illustrissimam equitando praecurritibus duobus familiaribus, saluti habitu indutis, altero Rosam auream, altero Ensem cum Galero desuper appposito, deferentibus. In Ecclesia ponetur Rosa supra medium Altaris prope Crucem: Ensis vero cum Galero a parte Epistolae erectus sustinebitur. Cumque Dominatio vestra Illustrissima e sua habitatione discedet, Rex Regali indutus clamyde, una cum Regina Regis iisdem ornamentis amicta, e Regia discedet, ut simul ad eam horum in Ecclesia reperiri valeant. Statim ac pervenerit ad Ecclesiam, Dominatio vestra Illustrissima induet Paramenta sacra prope faldistorium a parte Epistolae collocandum; & Regem, ac Reginam advenientes capitis inclinatione reverebitur: Deinde Missam inchoabit; quam solemniter, vel non solemniter ritu, prout magis Regi placuerit, prosequetur. Responso autem, Deo gratias, ad versiculum, Ite Missa est, Dominatio vestra Illustrissima sedebit in Faldistorio ante medium Altaris, venibus eidem versis; cum Mitra: Rex mandabit legi Breve Sanctissimi Domini nostri, quo alta voce perlecto; Serenissimus Rex accedet ad Dominationem vestram Illustrissimam, cui ante se ipsam genuflexo Galerum super caput imponet: dicendo: Accipe, Serenissime Rex, Galerum hunc, quem tibi elargiendum Sanctissimus universalis Ecclesiae Pastor ad nos transmisit, aureis Spiritus Sancti radiis micantem; ubi candentes uniones, non rapacis Aquilae crudelitatem, sed paciferae Columbae innocentiam effingunt; ut scias; bella tum demum iusta esse, cum non ulupandi inperii, aut opum rapiendarum cupidine geruntur; sed suscipiuntur, Spiritu Sancto admoneute, ad propugnandam fidem; & ad stabiliendam pacem, quae relicta Principibus terrae fuit haereditas Christi in Caelum redeuntis; qui vivit, & regnat in secula seculorum. Amen. Deinde Dominatio vestra Illustrissima Ensem e vagina eductum eidem Serenissimo Regi attribuet dicendo: Accipe insuper Mactonem Domini, & Gladium salutis; & fiat in dextra virtutis tuae, innocentium tutela, & impiorum flagellum, & ad gloriam Dei omnipotentis, & S. Matris Ecclesiae illucescant coruscationes ejus Orbi terrae. Mox eodem Ense intus vaginam reposito Serenissimum Regem accinget, dicendo: Accingat te Gladio suo super femur tuum Potentissimus, qui superbis resistit, humilibus autem dat gratiam: Tu autem crebris victoriis cole Deum exercituum, & ultionum Dominum. In nomine Patris, & Filii, & Spiritus Sancti. Amen. *ter supra Regem Crucis signum producendo.**

Tunc

Tunc Rex dimisso Galero, manum Dominationis vestræ Illustrissimæ exosculabitur, & ad thalamum revertetur. His absolutis, Breve ad Serenissimam Reginam directum evulgabitur: eoque perlecto, Serenissima Regina ad Dominationem vestram Illustrissimam accedet, cui ante ipsam genuflexæ Rosam auream tradet dicendo: Accipe Rosam, quam tibi nomine Sanctissimi universalis Ecclesiæ Pastoris Innocentii Domini nostri largimur, per quam designantur gaudium utriusque Hierusalem, triumphantis scilicet, & militantis Ecclesiæ, & per quam omnibus Christi Fidelibus manifestatur flos ipse speciosissimus, qui est gaudium, & corona Sanctorum omnium. Suscipe hanc tu, Serenissima Regina, quæ secundum sæculum nobilis, potens, & multa virtute prædita es, ut amplius omni virtute in Christo Domino nobiliteris, tanquam Rosa plantata super rivos aquarum multarum; quam gratia ex sua uberanti clementia tibi concedere dignetur, qui est tri-nus, & unus in sæcula sæculorum. Amen. In nomine Patris, & Filii, & Spiritus Sancti: ter signum Crucis super Reginam producendo. Serenissima Regina manum Dominationis vestræ Illustrissimæ exosculabitur, & ad Sedem suam se recipiet. Tunc Dominatio vestra Illustrissima solemnem Benedictionem populo elargietur, & reliquum Missæ de more absolvet. Peracta Missa, solemniter ad Regiam redibit Rex Serenissimus cum Regina, ante se immediate equitantibus duobus Nobilibus Rosam auream, & Ensem cum Galero desuper apposito, deferentibus. Prædicta solemnitas decentius in digniori Ecclesiâ perageretur; verum si Serenissimo Regi magis placuerit, eadem in Sacello Palatii celebrare, utique ibidem rite, ac perfici poterit.

VI. Describunt Dumontius, & Rosuetius in Cæremoniali Hispaniæ lib. 1. cap. 4. §. 13. quo ordine in Ecclesiâ Regia S. Laurentii, die 24. Augusti, anno 1591. Philippus Princeps Asturicensium postea Philippus III. Rex Hispaniæ, ab Apocrisario Pontificio Ensem, Pileumque receperit a Gregorio XIV. transmissum. Narratur ibi, Pontificium Apocrisarium Aulicis associatum, præunte Prælato quodam sacra munera deferente, adiisse Ecclesiam, indutumque in Sacratio vestibus sacris accessisse ad Altare ad Rem Divinam faciendam, collocatis super eo sacris muneribus, præsentibus Rege, & Principe sub Regiis Cortinis; ad Missæ finem in faldistorio confedis-se, lectisque a Secretario Regio litteris Pontificiis, stantem, recitatis quibusdam precibus, Ense cinxisse Regem provolutum in genua, eductumque e vagina ei præbuisse, mox Pileum Regio capiti imposuisse, denique universos benedictione donasse. Philippi III. filius primogenitus Princeps Asturicensium, qui deinde Philippi IV. nomine imperium tenuit, & ipse donatus est Ense, Pileoque a Paulo V. Pontifice, simulque Rosa aurea donata est Elisabetha Borbonia illius conjux. Hanc cæremoniam Matriri in Capella Palatina peractam fuisse ab Apocrisario Pontificio Patriarcha Hierosolymitano, celebrato Sacro, præsentibus Rege, & Principe ornatis Torque Velleris aurei, Oratoribus Principum, Magnatibus Aulæ, die 25. Septembris, anno 1618. constat ex laudato Cæremoniali Dumontii, atque Rosuetii. Redeuntibus vero a Capella ad ædes suas Principibus, Supremus Præfectus Regii stabuli proximus incescit ante Principem deferens Ensem, Pileumque; Magnus vero Capellanus deferens Rosam auream proximus incescit ante Serenissimam Principem memorati Philippi uxorem.

VII. Sacris hisce cæremoniis Capellæ Palitanæ addimus aliam,

qua Cardinales recens in hunc cœtum adscitos, & in Aula presentes, honoris causa, & nomine ipsius Summi Pontificis, Principes ipsi donant insignibus illius dignitatis. Cujus quidem moris prima vestigia non ultra sæculum decimum tertium repetenda esse, patet ex eo, quod tunc primum ab Innocentio IV. in Concilio Lugdunenſi l. anno 1214. ut invitarentur ad amorem effundendi pro Ecclesia sanguinis, Cardinales decorati fuerint purpureo galero. Quibus ne tum temporis quidem purpurea indumenta peculiaria fuerunt, utpote quæ Legatorum propria erant, his enim, ut majorem auctoritatem Romani Pontifices conciliarent, purpurea sua vestimenta communicarunt. Compertum siquidem est, priscis illis temporibus, Romanorum Pontificum purpureas fuisse vestes; & hinc Arnulphus Episcopus Aurelianensis in Synodo Remensi anno 991. cap. 28. indicat Romanorum Pontificem *in sublimi solio residentem, veste purpurea, & aurea radiantem*; & Joannes Sarisberienſis lib. 6. de nugis Curial. cap. 24. eundem dicit non *modo purpuratum, sed deauratum* incedere; & Otto Frisingensis lib. 6. cap. 33. loquens de electione Leonis IX. scribit illum assumpsisse *purpuram Pontificalem*; denique Leo Ostienſis lib. 3. cap. 65. agens de electione Urbani II. memorat cappam rubeam, quam Romani Pontifices induebant. Itaque, ut olim Vicariis Sedis Apostolicæ concessum est Pallium, ita & Legatis purpureum indumentum; quamobrem apud Rainaldum ad annum 1213. legitur Legatus Constantinopolim missus calceis, & indumentis rubeis amictus; atque Matthæus Westmonasterienſis refert Joannem quemdam Rufum ab Innocentio in Hyberniam anno 1247. missum quasi Legatum, non tamen rubris vestibus insignitum: hæcque Legatorum ornamenta vocantur ab Innocentio III. in Concilio Lateranenſi *inſignia Sedis Apostolicæ*. A Legatis ad Cardinales omnes profluxit illud vestimenti genus; iidemque Paulus II. addidit rubrum galericulum, seu pileum, quem Biretum vocant, ut a Prælatiſ cæteris fecerni possent in sacris caeremoniis, ubi galeri usus non est ullus. Ita tradit Cardinalis Papienſis lib. 2. Comm. *Cardinalibus, qui sacris induti vestibus a Prælatiſ inferiorum ordinum præterquam loco non noscebantur, usum mittæ sericæ Damasceni operis, rubraque capitia indulsis, quibus soli Antistites Romani antea utebantur*. Addit Platina in hujus Pontificis vita, prohibitum ab eo fuisse, ne quis præter Cardinales indumento illo purpureo caput tegeret. Deinde Gregorius XIV. anno 1591. Cardinalibus quoque e Cœnobiiſ, vel Monasteriis adlectis rubrum pileum concessit: qua occasione, Antonius Scappus de hac re libellum edidit.

VIII. Consuetudo tamen mittendi pilei ad absentes, non admodum vetusta dici potest, uti notat Thomassiſ par. 1. lib. 2. cap. 114. cum anno 1316. Joannes XXII. interpellatus a Galliæ Rege Philippo, ut recens creato Cardinali Gallo pileum mitteret, & recula-verit, excusaveritque priscum morem, per quem id minus liceret: *Quia nec prædecessores nostri Romani Pontifices consueverunt extra Curiam hujusmodi pileos mittere*: & a temporibus B. Ludovici pileum Cardinalitium non esse missum, nisi ad duos Angliæ Nuncios, quorum necesse esset dignitatem exaggerari, ut hinc pondus, & auctoritas accederet eorum statutis. Clemens VI. cum Cardinalibus adscripsisset Abbatem S. Dionysii, pileum misit, concediditque tribus Episcopis cum epistola, qua significabat, quamvis inolevisset mos, ut Romam proficiscerentur pileo donandi a Papa: *Licet imitanda serva-*

vis antiquitas, ut ad honorem Cardinalatus evectus, non prius Capello rubeo uteretur, quam illum de manu Pontificis suscepisset, missum tamen a se esse, quem a tribus acciperet Episcopis, quod certior factus esset, illum propter gravissima Regni negotia, non posse a Rege divelli. Deinde invaluit mos, qui nunc temporis obrinet, ut rubrum galerum nulli abfenti, nisi Principi Regiæ stirpis transmittatur, bene verè purpureum Biretum ad absentes ab aliquo e Pontificio famulatio deferatur. Sique Cardinalitiis insignibus donandus in alicujus Regis Aula commoratur, hunc solet Rex ipse honoris causa exornare insignibus collatæ ei dignitatis. Et id quidem Reges ut plurimum præstant in Capella sua Palatina.

IX. Sed in Aula Regum Galliæ, sæpe in Capella, quandoque etiam in cubiculo Regis peractam testantur Dumontius, & Rosuetius in Cæremoniali Galliæ; iique hunc cæremoniz ordinem referunt. Ablegatus Pontificius primo ad invisendum Regem, eique exhibendas Pontificis litteras ducitur ab Oratorum Receptore, salutatur a Rege detecto capite, & ubi Rex Pontificis litteras accipit, rursus caput in honoris signum detegit. A conspectu Regio ad Capellam pergens, ibi supra mensam rubrum Biretum in argentea concha a Capellano quodam porrecta collocat. Stata die, ad eandem Cappellam se confert; quo etiam Receptor Oratorum curru Regio advectus Cardinalem ducit, ibi a Magno Cæremoniarum Præfecto excipitur, atque dum Sacrum celebratur, consistit prope sedem precatoriam Regis a sinistra parte. Sacro peracto, Pontificius Ablegatus rubrum Biretum e mensa sumptum Regi porrigit, qui illud capiti Cardinalis imponit, isque surgens Regi gratias agit. Tum alibi purpureas vestes induit, rursus ad Regem a Receptore Oratorum, & Magno cæremoniarum Præfecto ducitur; tum Reginam adit, venientique occurrit Aulica Matrona; ad Delphinum tandem, cæterosque Regiæ familiæ Principes salutans pergit, quos alloquens sedet, detecto capite. Olim quidem, imperante Henrico III. mos fuit, ut qui a Rege accipiebant Cardinalatus insigne, sive exteri, sive subditi, eo die cum Rege discumberent. At imperante Henrico IV. desiit mos ille, folique Apocrisarius in Gallia Pontificio ad Cardinalatum promotus servata est hujusmodi honoris prærogativa. Et hunc quidem Capellam adeuntem ad accipiendam Cardinalitia insignia, nedum Oratorum Receptor, sed & e Principum numero aliquis comitantur; militesque consueto militari obsequio colunt, ingredientem Capellam medium inter Principem a dextra, & Receptorem a sinistra, Magnus Præfectus cæremoniarum excipit. Acceptis insignibus, accumbit mensæ una cum Rege, qui surgens detecto capite se in honorem, ac prosperitatem Romani Pontificis bibiturum enunciat; tum sedens, opertoque capite bibit: at Cardinali standum est detecto capite, bibente Rege. Mox stans Cardinalis ipse in honorem, & obsequium Regis ebibit. Porro in eorum numero, qui a Rege acceperunt Cardinalatus insignia, fuere anno 1622. Lugduni, Armandus Richelius Episcopus Lucionensis, & anno 1634. in Capella Palatina Fontisbellaquei Alexander Bichius Apocrisarius Pontificius: at Petrum Berallium ab Urbano VIII. in Collegium Cardinalium adscitum anno 1627. insignia illa accepisse a Maria Medicea Galliæ Regina scribunt citato loco Dumontius & Rosuetius.

V. Eandem hanc cæremoniam Hispani Reges agere etiam consueverunt in Capella Palatina. Giaeconius in vitis Romanorum Pontificum

cum ordinem indigitat, quo Albertus Austriacus, Archidux Austriæ, Maximiliani II. Imperatoris filius, anno 1577. rubrum Biretum, Galerumque a Gregorio XIII. Pontifice illi transmissum acceperit: *Laudavit*, inquit, Gregorius Albertum in Senatu, & per Comitem Anibalem Populum patritium Bononiensem, Cardinali S. Sixti conjunctum, & ab intimo ipsius Pontificis cubiculo, Alberto pileum, & galerum purpureum peculiari benignitate misit; Regina vero Hispaniarum Rosam auream Pontificia consecratione nobilem. Pervenit Madritum Populus Quadragesima pene exeunte, Nicolao Ormanetto Episcopo Patavino, Apostolico Internuncio adhuc superstite, qui cum direxit, in Regioque Sacello extra Madritum Albertum tonsens Clericali milizie adscripsit, & rubeo bireto coram Rege, Reginaque honestavit: traditio tamen galeri, Regis voluntate in diem Pentecostes rej.cta est. Tunc in celeberrimo S. Laurentii Templo apud Monachos Hieronymianos Ormanettus Sacrum solenni ritu celebravit, & galerum rubrum, amplissima dignitatis insigne, Rege, & Regio sanguine spectante, Alberti capiti imposuit, & hic jurejurando, ut receptum est more, se obstrinxit: Die sequenti, Internuncius idem solenne Sacrum peregit, sedensque, Regina, quæ sola ad Aram ascenderat, Pontificum aurea Rose donum, Rege, Regisque presentibus, tradidit, & illa religiose accepit. Namque Principibus Regiæ stirpis tum rubeum Biretum, tum Galerum consueverunt Romani Pontifices transmittere; etsi quandoque alios etiam hac honoris prerogativa affecerint, uti Gregorius XIII. anno 1583. Rodericum de Castro, virum nobilissimum, de quo Ciacconius: *Philippus Hispaniarum Rex ab ipso Pontifice jampridem petierat, ut galerum dignitatis insigne Roderico absenti mitteret; at hoc Gregorius non nisi post multos menses adduci poruit; non enim impedimentum agnoscebat, quod Rodericum ne Romam proficisceretur, retardaret.* Et Pius IV. anno 1561. Stanislaus Hosio pileum & galerum Viennam usque transmisit, quæ ille accepit insignia ab Archiepiscopo Strigoniensi. Cæterum Alberto non Rex ipse, sed Apocrisarius Pontificius contulit Cardinalatus insignia. At Serenissimum Infantem Ludovicum Borbonium Philippi V. Hispaniarum Regis, & Elisabethæ Farnesæ filium, a Clémente XII. an. 1735. in Cardinalium Ordinem adscitum, ablegato in Hispaniam Joanne Constantio Caracciolo e Principibus Sancti Boni, viro nobilissimo, atque ornatissimo, tunc Pontificis a cubiculo, postea Cameræ Apostolicæ Clerico, nunc vero Cardinale amplissimo, qui rubeum Biretum deferret, Rex ipse donavit insignibus collatæ Ecclesiasticæ dignitatis. Ea vero cæremonia, nulla solenni pompa, & in Oratorio privato Regis, die 11. Martii, annis 1736. peracta est, quod ruri, in loco Regis deliciis addito, quem *Pardo* nuncupant, Rex, & Regia familia recreationis causa commoraretur. Ablegato tamen Pontificio Madriti degenti, hospitium, mensa, vehicula a Rege magnificentissime suppeditata, cui ille Pontificias exhibuerat litteras, quas stans Rex accepit. Stata ad cæremoniam agendam die, Pontificius Ablegatus rubrum Biretum in argentea concha positum super mensam prope Altare Capellæ Regis collocavit, tum ædes Cardinalis primum, deinde Regis ædes adiit, ut Regem, Regiosque Principes, una cum Hispaniæ Magnatibus, Oratoribus Principum, Aulicisque Capellam adeuntes associaret. Serenissimus Cardinalis Infans, quod ea die occurreret quarta Dominica Quadragesimæ, quæ dicitur *Latare*, non rosaceas, sed rubeas

vestes induit. In Capella ob angustiam loci, Aulici, Oratores, Magnatesque nullo servato ordine consistere; Ablegatus Pontificius Altari proximus adhæsit; Rex, Regina, Cardinalis, Regique Principes prope Altare in cornu Epistolæ, Sacrum a Patriarcha Indorum submissa voce celebratum audivere. Sacro peracto, Ablegatus Pontificius primum exhibuit Regi litteras Pontificias, simulque cum paucis est allocutus, cui Rex paucis etiam respondit, gratum erga Romanum Pontificem animum, filialemque observantiam contestatus. Tum a Josepho Patigno, qui Regis erat a summis imperii negotiis, lectæ sunt Pontificiæ litteræ, iisque lectis, Ablegatus Pontificius rubrum Biretum Regi porrexit, quod is surgens accepit, ac capiti Serenissimi Filii imposuit. Quo facto, universi Regem ad ædes suas deduxere. Nul- lum tunc quidem a Serenissimo Cardinali præstitum juramentum, ut moris est, a Cardinalibus recens promotis emittendum; quod illud in rubei Galeri ab Antonio Altovito delati traditione, ei esset perfol- vendum. Verum non Regiis tantum Principibus in Cardinalium albo relatis, sed & Apocrisariis in Hispania Pontificiis, aliisque ex nomi- natione Regia Cardinalatu auctis, rubra insignia Reges contulere. Ita anno 1747. cum a sanctæ memoriæ Pontifice BENEDICTO XIV. Cardina- lium Collegio adscriptus est, petente Rege, Alvarus Mendoza Pa- triarcha Indorum; ablegatusque in Hispaniam Gregorius Salvati nobilissimus adolescens, qui dignitatis insignia deferret. Nam die 16. Julii, in Hieronymianorum Ecclesia (siquidem in rurali Palatio *del Buon Ritiro* Rex diversabatur) Regi sedenti in Solio Pontificias lit- teras in argenteo bacili supra mensam prope Altare positas Ablega- tus Pontificius (qui locum, scamnulumque a cornu Evangelii inter Altare, & Solium Regium obtinebat) brevi latina oratione exhi- buit; quas ubi Receptor Regii Sacelli legit, rubrum Biretum pariter in argenteo bacili positum supra eandem mensam prope Altare in cornu Epistolæ præbuit Regi; simulque ad hujus Solium Patriarcha e loco suo inter Altare nempe & Pontificium Ablegatum (ubi scamnu- lum cum tapete, quod Patriarchatu emineret, occupabat) accessit; ejus capiti surgens Rex Cardinalitium insigne imposuit, eundemque amplexu excepit. Quo facto, Cardinalis in Sacrario purpureas vestes induit, rediensque ad Ecclesiam, ut Liturgiæ celebrationi adesset, confedit e regione Solii Regii in sede serici villosi, substrato ejus pedibus tapeto cum pulvinari, uti Cardinalibus locus conceditur in Capella Regis Hispaniæ. Die hanc cæremoniam præcedenti, in Ora- torio suo domestico, præsentibus Apocrisario, & Ablegato Pontificiis consuetum sacramentum a Cardinalibus dandum, exolverat.

XI. Progredimur ad Aulam Regum Lusitaniæ, ubi etiam Cardinales recens promoti donantur a Rege ornamentis suæ amplissimæ dignita- tis. Ita anno 1707. die 6. Januarii Michael Angelus Conti Apocri- sarius in Lusitania Pontificius, a Clemente XI. Pontifice Cardinalatu auctus, donatus est a Joanne V. Rege in Palatino Oratorio Bireto rubro, uti narrat Antonius Cajetanus Sousa Teatinus tom. 8. lib. 7. cap. 6. pag. 28. Historiæ Regum Lusitaniæ: Is idem pag. 132. accurate describit, quo ritu ab eodem Joanne V. religiosissimo Lusitaniæ Re- ge accepit anno 1712. Cardinalatus insignia Nunus da Cunha de Ataide, Episcopus Targensis, Magnus Regis Capellanus, & supremus in Lusitania Fidei Vindex, his verbis: *Na promocaõn, que o Papa Clemente XI. fez neste mesmo anno de 1712. foy por nomina del Rey*
crea-

creado Cardeal Nuno da Cunha de Atride, Bispo de Targa, do Conselho de Estado, Ministro do Despacho, Capellão mor, e Inquisidor Geral destes Reynos, em quem concorrião além de tão grandes lugares, sangue illustre, virtudes, e letras, que o fizeraõ benemerito da particular honra, com que el Rey o favorecia, e que elle nunca desmereceo. Chegou a noticia a Lisboa por hum Expresso a 15. de Julho do referido anno, e foy recebida com universal applauso da Corte. Tanto, que o Cardeal recebeu o aviso de Roma, passou a vender as graças a el Rey, e a Rainha, que estavaõ de residencia em Pedroucos na Quinta do Duque de Cadaval. Trouxelhe o Barrete Monsenhor Marcullini, Camereiro privado do Papa, e no dia 8. de Outubro em hum Sabbado determinou el Rey de lhe fazer a honra de lhe por com a sua Real mão o Barrete; e assim no referido dia, as onze horas da manhã, foy Cardeal ao Paço em publico com hum luzido estado, composto ainda das vestes Episcopaes roxas, como andava, levando com figo na ladeira ao Prelado, que lhe trouxera o Barrete, sendo acompanhado de todos os Grandes, e Fidalgos da Corte, entrando no pateo da Capella, por ordem, que tiveraõ, o foraõ receber o Conde de Redondo Thomé de Sousa, Vedor da Casa del Rey, e Dom Philippe de Sousa, Capitão da Guarda Alemã, com a mesma guarda, que se poz em duas alas para elle passar: e sendo conduzido a huma sala do Paço da parte do Forte, estava nella hum Altar ricamente ornado, e da parte da Epistola hum bafete coberto com hum pano, e sobre elle hum bandeira dourada, em que estava o Barrete, que naquella lugar puzera o Guarda de Tapeçaria João de Leiros, coberto com hum tafetá encarnado: estava hum almofada de tela para el Rey, e outra hum pouco distante de veludo para o Cardeal, Sabio el Rey para ouvir Missa, e o Prelado l'he offerceo en huma salva a Bulla do Papa, que el Rey tomou, e tornado-a a por na salva, a mandou ler pelo Prelado, que lida; a tornou a offercer a el Rey, o qual lhe ordenou a desso ao Cardeal. Acabada a Missa tomou o Mestre das Ceremonias a salva, em que estava o Barrete, e dando-a a Monsenhor Marcullini, apresentou a el Rey o Carrete: que romando-o, o poz na cabeça do Cardeal. Acabada la cerimonia da imposição do Barrete, foy o Cardeal conduzido até hum casa, onde estava sobre hum bafete hum bandeira de prata, na qual estavaõ as Vestes Cardinalicias, e hum cadeira de veludo franada de ouro. Nesta casa, que se deputou para o Cardeal depor as vestiduras roxa, e tomar a purpura, nao entraraõ mais, que os seus criados. Depois passou a audiencia del Rey acompanhado dos dous Condutores. Os Grandes estavaõ cobertos no lugar, que lhe tocava, e os Officiaes da Casa Real, no que lhe pertencia, Entrou o Cardeal, e a primeira venia, que fez, riuu el Rey o chapéo; e o mesmo fez a segunda, e quando o Cardeal chegou, deu el Rey tres passos: o Cardeal com hum profundo respeito lhe fez hum reuerencia, e logo Reposteiro trouxe hum cadeira de espaldas, e de veludo, e quando el Rey o mandou sentar, lhe chegou a cadeira o Porteiro da Camera Antonio Rebello da Fonseca; e depois de se cobrir, mandou por o Barrete ao Cardeal, e coberto, rendeo a el Rey as graças por tão repetidas honras, com que a sua innata benignidade o favorecia, e honrava, attendendo a elle ser em tudo feitura da su Real grandexa, a que el Rey respondeo com palavras de estimacão, e levantando-se, affastou a cadeira o Porteiro da Camera, e a levou o Reposteiro.

poiteiro, e o Cardeal foy acompanhando a et Rey detraz atd a sua Camera: e passou logo a audiencia da Rainha, que estava assentada, e quando chegou quasi a porta da estrada, se levantou, dando tres passos, e mandando-o assentar na cadeira, que chegou o Perteiro da sua Camera, o mandou cobrir, e depois do Cardeal expressar a sua grande obrigacao, se despedio, e como era Capellado mor, foy a Capella Real, acompanhado dos Conductores, e de muitos Senhores, a fazer oracao. Ex his habes caeremoniam illam in Capella Palatina peractam, Cardinalem a nonnullis Aulicis Officialibus exceptum, instructum in acie militem, nobilem sedem Cardinali concessam, lectas ab Aبلغato Pontificis litteras, Sacrum celebratum, Biretum a Rege Cardinali impositum, denique a Rege, & Regina magnis honoribus exceptum, sedisse ante Regem capite operto.

XII. Narrat Ciacconius in vitis Romanorum Pontificum, & Cardinalium, Joannem Aragonum Ferdinandum Neapolitani Regis, & Isabellæ Claromontis filium, a Sixto IV. anno 1477. in Cardinalium Ordinem cooptatum, in Neapolitana Ecclesia princeps, die Epiphaniæ, purpureum galerum a Francisco Scannaforicio delatum accepisse. Atque id præter morem, & ex privilegio illi indultum indicat Cardinalis Papiensis, his verbis: *Creatus jam dum is Cardinalis, ac tribus post mensibus solemniter apud nos publicatus; pileus etiam contra veterum Patrum consuetudinem missus.* Meminit ejusdem rei Summontius lib. 5. Hist. Neapol. scribens: *Il Pontefice Sisto IV. avendo nelli 10. di Dicembre creato Cardinale Giovanni d' Aragona figliuolo del Re, tosto gli mandò il Cappello rosso sino a Napoli per Francesco Scannaforicio Commissario della Sede Apostolica, il quale nel giorno dell' Epifania del 1478. con molta cerimonia nella Chiesa Cattedrale ce lo consegnò, nel qual atto celebrò la Messa solenne Giovan Paolo Vassallo Vescovo d' Aversa.* Cardinalitia siquidem insignia ad absentes transmissa, in Ecclesia, & solemniter pompa recipiebantur, cujusmodi plura exempla apud Ciacconium occurrunt. Cæterum extincta, hoc ipso sæculo decimoquinto, quo Paulus II. Cardinalibus addiderat purpurei pilei ornamentum, nostrorum Principum successione, jam nulli ex hac Aula, & ex hoc Regno occurrunt, quibus Neapolitani Reges purpureum pileum imposuerunt. Primus fortasse nostris hinc temporibus eo titulo contigit honestari spectatissimus genere, dignitate, ac virtute Neapolitani Regni Dynasta, Dominicus Ursinus Dux Gravinensium, Papæ Benedicti XIII. pronepos, Regis a cubiculo aurea clave donatus, Eques Torquatus Regalis Ordinis S. Januarii; quem Serenissimus Rex CAROLUS BORBONIUS exornavit insignibus collatæ ei a BENEDICTO XIV. Pontifice Optimo Maximo Cardinalitatis dignitatis. Ad eam rem Pontifex purpureum Biretum Neapolim deferendum, ut moris est, Philippo Pirellio Neapolitano, intimo suo Cubiculario commisit; quem adhuc adolescentem ob ejus in utroque Jure peritiam, in Collegium Advocatorum Aulæ Consistorialis ex duodecim etiam diversarum Italiæ regionum doctis viris conflatum adlocaverat, ut qui sedem in eo confessu Neapolitanis olim ab immortalis memorie Pontifice Innocentio XII. additam, & ipsius munificentia eisdem vindicatum, firmatamque, meritissime occuparet; datis in hanc rem hujusmodi litteris ad Patres conscriptos Neapolitanæ Civitatis. *Dilectis filiis Nobilibus Viris Electis Civitatis Neapolitanæ. BENEDICTUS*

PP. XIV. Dilecti Filii Nobiles viri salutem, &c. Per magni semper fecimus inclitum vestram Civitatem; egregiaque perpetuo apud Nos fuit opinio pietatis, atque observantiae, quibus Nobilitas Vestra Pontificem Maximum, Romanamque Sedem debito cultu prosequitur, veram inesse sibi Religionem, hoc etiam documento palam ostendunt. Quae Nobis cum ante oculos observarentur, vix dum ascendere in hanc supremam Ecclesiae Cathedram, Dei manifesto numine, iussi fuimus, vicem Vobis reddere benevolentiae nostrae, ubicumque res ira ferat, profecto constituimus. Quocirca Dilectum Filium Philippum Mariam Pirellum in illustre Advocatorum Consistorialium Collegium nominatione Vestra cooptari mandavimus, gratumque Nobis accidit, ei primum post longas difficultates locum redditum fuisse, Vestris Civibus in eodem Collegio assignatum. Illum siquidem novimus conspicua clarum nobilitate, virtute, bonisque literis instructum, & modo sedulam exhibet Nobis operam, studiumque suum inter Nostros intimos Cubicularios honorifice adscriptus. Vestro igitur non minus merito, quam benignitati nostrae referre debetis quicquid gestum a Nobis fuit pro restituendo uni ex Civibus vestris Consistorialis Advocacionis decore; persolutum idcirco Nobis obsequentiis literis officium ab ea parte libenter inspeximus, qua Vestram erga Nos voluntatem plenam singularis obsequii, religiosaeque venerationis officiosissime comprobavit. Et Nos quidem Apostolicam invicem Benedictionem Nobilitatibus Vestris, Dilecti Filii Nobiles Viri, peramanter impertimur. Datum Romae, &c. cat. Die 4. Februarii 1742. Quibus sane literis, tum clementissimi Pontificis erga Neapolitanos munificentia, tum Neapolitanorum erga Pontificem observantia, deque Sede Apostolica praelara merita insigniter comprobantur.

XIII. Hunc itaque, (postea variis in Aula Romana muneribus, tum Cardinalatu auctum, atque hoc ipso anno vivis ereptum), ablegavit Pontifex ut sacrum insigne deferret, Gravinensium Duci conferendum: isque die 10. Novembris, anno 1743. Neapolim adiit, facto antea ad extremam Pausilippi oram periculo suae valetudinis, quindecim fere dierum spatio, quod grassante in Sicilia, & Calabria lue, publicae incolumitati ita expediret. Tum praestito in Capella Archiepiscopalis Palatii a praefato Cardinali, consueto juramento a Cardinalibus cum primum inaugurantur emittendo; indicta est a Rege dies 17. Decembris ad agendam caeremoniam: qua die, Pontificius Ablegatus, simulque Cardinalis, insigni pompa ad Aedes Regias pervenire; & ille quidem a Receptore Oratorum ductus, Regem stantem, detectum capite, ense cinctum, stipulatamque Aulae Magnatibus adiit, delegationis suae causam aperuit, Pontificias haec litteras exhibuit: *Carissimo in Christo Filio nostro CAROLO utriusque Siciliae, & Hierusalem Regi Illustri. BENEDICTUS PP. XIV. Carissime in Christo Fili noster salutem &c. Observatur Nobis perpetuo ante oculos eximia Majestatis tuae in Deum pietas, religiosa in hanc supremam Sedem observantia: Utraque vero Nos vehementer extimulat non modo ad reddendam tibi singularis paternae caritatis vicem, sed ad eam ubicumque commoda ferat occasio, in cui memoriam redigendam, ut de gratissimo animo nostro tibi penitus persualum sit. Cum igitur per dilectum Filium Philippum Mariam Pirellum intimum Familiarem nostrum Illustri Cardinali Ursino mittamus purpureum Biretum, orna-*
men.

mentum acceptæ dudum amplissima dignitatis, ei mandavimus, ut præsens Majestatem tuam humili obsequio veneretur, de nostro flagrantissimo erga te animo, studio, voluntate, certiores facias. Quicquid eidem Ablegato Regia benignitatis commodare tibi placuerit, argumento nobis erit, te favere virtuti, quæ in illo non mediocris inest, & qua plurimam a nobis benevolentiam sibi conciliavit. Apostolicam interim Benedictionem, Carissime in Christo Fili noster, Majestati tuæ amantissime impertimur. Datum Romæ die 23. Septembris 1743. Salutato Rege, Pontificius Ablegatus, Serenissimæ Reginæ Matronis Aulicis stipatæ, ducente illum pariter Oratorum Receptore, idem præstitit officium, obsequiumque; porrectis Pontificiis literis hujuscemodi: *Carissima in Christo Filia Nostra, Maria Amalia utriusque Sicilia, & Hierusalem Reginæ Illustri. BENEDICTUS PP. XIV. Carissima in Christo Filia nostra salutem &c. Incredibile nobis gaudium offert eximia Majestatis tuæ virtus, & in hanc Sanctissimam Sedem reverentia, de qua plurimum celebraris. Hinc enim vero augefcis quotidie magis paternus amor erga te noster, addictissimæque voluntas, quam palam tibi facere vehementer cupimus. Modo saltem ipsam intelliges commemorari a dilecto Filio Philippo Maria Pirellio intimo nostro familiari, qui a nobis dimissus ad Cardinalem Ursinum cum purpureo Bireto indice acceptæ amplissima dignitatis, præcipuum mandatum habuit adeundæ Majestatis tuæ, ac renunciandi, Nos sollicito studio nuncupare assidua vota pro tua cumulatissima felicitate, quam scimus in bonum veræ Fidei te adhibituram. Ut Ablegatum nostrum generis nobilitate, & splendide virtutis ornamento Nobis præcipue gratum, perhumaniter Regia benignitate prosequaris, obsecramus te esse volumus, eademque tua benignitas, id ita fore sperare facit. Interea Majestati tuæ, Carissima in Christo Filia nostra, Apostolicam Benedictionem amantissime impertimur. Datum Romæ &c. die 23. Septembris 1743. Scriperat quoque in eandem rem Pontifex Josepho Joachino de Monteallegre, Duci de Salas, qui Regis erat a summis imperii negotiis, litteras hæc: Dilecto Filio Nobili Viro Duci de Salas utriusque Sicilia Regis Secretario Status. BENEDICTUS PP. XIV. Dilecte Fili Nobilis vir salutem &c. Cum isthuc iter a Nobis aggrediatur Philippus Maria Pirellius purpureum Biretum suæ indicium dignitatis allaturus Dilecto Filio nostro Cardinali Ursino, officiose te convenire jussimus, ac renuntiare singularem nostram erga te benevolentiam respondentem vicissim eximia tuæ in Apostolicam Sedem, ac nos ipsos venerationi, qua celebriorem reddis tuam pietatem, ac religionem. Propensæ voluntatis nostræ si facere experimentum, librum tibi erit, compertes veræ dixisse Ablegatum nostrum. Huic autem intimo nostro Cubiculario, & singulis, morum, virtutum decore non leviter apud Nos commendato si plurimum commodaveris benignitatis tuæ, magnam inibis a Nobis gratiam, cujus pignus Apostolicam Benedictionem tibi, Dilecte Fili, Nobilis vir, peramanter impertimur. Datum Romæ &c. die 23. Septembris 1743.*

XIV. His peractis, Ablegatus Pontificius violaceo vestimento, quo Cubicularii Pontificii utuntur, cappam rubeam superinduit, Regiamque Capellam in interioribus Regiis Aedibus positam petit: neque enim in publica Ecclesia Palatina, sed in interiori Sacello Regis, neque publice, sed privatim cæremonia peracta est. Eo loci Rex,

Regina, Magnates Aulæ, Cardinalis, Magnusque Capellanus se contulere; dumque Sacrum submissa voce ab Aulico Capellano agebatur, Regiis sedibus proximus a sinistra parte adhaesit Cardinalis Ursinus, & ipse donatus fede, scabelloque cum pulvinari, & tapete ad genua flectenda: hunc prope aderat Pontificius Ablegatus, & hunc excipiebant Oratores Principum, & Aulæ Magnates. Absoluto Sacro, Serenissima Regina sedem alibi positam prope Sacelli fores a cornu Evangelii adit, seditque: tum Ablegatus Pontificius acceptis litteris Pontificiis, quas *Traditionis* vocant, ducente illum Magno Aulæ Magistro Soranorum Duce, stetit ante Regem, eundemque his verbis disertissime est allocutus: *Illustrem Cardinem Ursinum Gravinensium antea Ducem, ornamentum acceptæ dudum amplissimæ dignitatis, Rex Serenissime, tua e manu habes hic expectantem; qui & ipsam dignitatem ultro tue erga se benevolentia acceptam potissimum referre debet. Pontificiæ hæc litteræ sunt, quibus mihi, BENEDICTI XIV. P. M. Optimi, & clementissimi Principis Cubiculario Intimo, & pro Neapolitana natione Sacri Consistorii Advocato, Biretum illud purpureum deferri mandatum est. Gratulandum est tibi, Rex invictissime, quod hoc splendidissimæ Romanæ Purpuree indice Tibi contingat Alumnatum tuum insignire, Tuique in obsequiis nutritum, juvenem Nobilissimum, qui excitari primum cæpit ad gloriam sub Te Principe; in quo ex majoribus Patreque Rege, Hispana pietas, religioque, Gallicum robur, & fortitudo; ex Matre Clarissima, Italica omnis vetusta virtus ad immortalitatem Nominis cumulantur. Adhæc lectæ sunt Pontificiæ litteræ a Josepho Joachimo de Montallegre Regis a secretis imperii negotiis, sedentibus Rege, & Cardinali capite operto, iisque lectis, exhibitum Regi fuit a Pontificio Ablegato purpureum Biretum, & a Rege stante Cardinalis capiti impositum; quod is statim capite suo amovit, acceptoque pileolo a Pontificio Ablegato, Regi pro collato beneficio gratias quamplurimas egit. Summa vero fuit Regia erga Pontificium Ablegatum de Sede Apostolica, deque Patria optime meritum munificentia; summa quoque Regis erga Pontificem observantia, cui hæc litteras rescripsit: Mui S. Padre. D. Phelipe Maria Pirelli Camerero intimo de V. Santid. y su Ablegado para traer la Berreta al Cardenal Orsini me ha presentado el Breve, con que en esta ocasion meha favorecido V. S. para recomendarme la persona del mismo Pirelli: he recibido con el respeto, y veneracion que profeso a la S. Sede, y a la sagrada Persona de V. B. este nuevo testimonio de su paternal asecto, en prueva de lo qual he manifestado al mismo Ablegado la gran distincion, que hago de todo lo que me viene de mano de V. S. la gratitud que me han merecido las benemeritas circunstancias de un Sujeto tam accepto a V. B. y tam parcial a mi Persona, y a los intereses de su Patria; y con mucho gusto me he asunido la ocasion de dar al Card. Orsini la Berreta, con que le ha decorado V. B. assi por la particular estimacion, que hago de un tam digno, y buen Vassallo mio, como por el asecto, que ha sabido merecerme en los muchos annos, que ha estado en mi inmediato Servicio; y effectivamente executé la funcion el dia 17 de este mes, de que habrà individualmente informado a V. S. el referido Ablegado, y aun podrâ serle restigo fiel de los sinceros sentimientos que conservo a V. B. ansioso de merecer semper la continuacion de su paternal amor, y su Apostolica Benediccion,*

tion, que imploro devotamente, rogando a N. S. guarde la Santa Persona de V. B. al prospero, y feliz regimento de su universal Iglesia, Napol. a 30. de Diciembre 1743. Ablegatum Rex Serenissimus donavit insigni gemma, & annua pensione e Sacerdotiis Regii juris percipienda; eundemque, die 14. Januarii ab Oratorum Receptore ad ejus presentiam ductum, eodemque modo exceptum, benignissime dimisit. At antea se Beneventum contulerat, ubi die 5. Januarii, in Cathedrali Ecclesia, Sacrum solemni ritu faciente Dominico Mansredo Episcopo Bojanensi, purpureum insigne præbuerat Francisco Lando Placentino illius Ecclesie Archiepiscopo.



C A P U T XIV.

DE REGUM FUNERE.

Ordo Regii funeris in Aula Imperatorum Germanorum . II. Quo olim ritu sepelirentur Reges Gallie . III. Ordo Regii funeris in Aula Regum Gallie . IV. Quas partes in hac re habeat Magnus Elector-moffynarius . V. Ordo Regii funeris in Aula Regum Hispanie . VI. Et in Aula Regum Lusitanie . VII. De eadem re apud Lusitanos . VIII. De Regiis funeribus in Anglia, Suecia, Polonia, Moscovia, Borussia . IX. De Regum exequiis in Sicilia . X. Et in Neapolitano Regno . XI. Imperantibus Austriacis . XII. Et regnante CAROLO BORBONIO .

Postremo loco, funera Regum a nobis tractanda sunt, quod ea ad Cleri Palatini ministerium, sacrasque Aulae caeremonias spectare compertum sit. Quo ritu olim Ethnicis Romanis Imperatoribus fuerit parentatum, fuse describit Franciscus Modius tom. 1. Pandectarum triumphalium, neque id ad nostrum pertinet institutum. Apud Christianos vero illud ex antiquissimo more receptum fuit, ut quemadmodum Episcopi, Presbyteri, alique Clerici congruis suis Ordinibus ornamentis sepeliebantur; ita etiam Imperatores imperialibus insignibus ornati, Reges regalibus, Milites militaribus terræ mandarentur. De Constantini funere hæc habet Eusebius in illius vita lib. 4. cap. 66. *Post hæc milites sublatum e lecto corpus in arca aurea deposuerunt, eamque purpurea obrectam veste Constantinopolim deportarunt, atque in præcipuo imperialis Palatii cubiculo sublimem collocaverunt. Dehinc aurea super candelabra luminibus undique accensis, admirabile spectaculum intruentibus præbatur, & quale in nullo umquam mortalium ab ipso orbis conditu visum in terris fuerat. Quippe in medio conclavi regalis Palatii funus Imperatoris in arca aurea sublime jacens regiis insignibus, purpura scilicet, & diademate exornatum multi circumdantes, noctu atque interdum vigiles custodiebant. Imperiali quoque ornatu sepultum Honorium Imperatorem colligit Martene lib. 3. de antiq. Eccl. rit. cap. 12. ex epistola Bullingeri ad Vadianum inter Philologicas a Goldasto editas, ubi illius Imperatoris, & duarum ejus conjugum cadavera in subterranea Vaticana Ecclesia inventa anno 1543. dicuntur palliis aureis involuta, ipsæque calvarie aureis diadematis cinctæ. Caroli Magni cadaver ita in sepulcro compositum exhibet Monachus Engolismensis in ejus vita cap. 24. *Corpus ejus aromatizatum est, & in sede aurea sedens positum est, in curvatura sepulcri; ense aureo accinctus, Evangelium aureum tenens in manibus, & genibus, reclinatis humeris in cathedra, & capite honeste erecto, ligato aurea catena ad diadema. Et in diademate lignum Crucis positum est. Et repleverunt sepulcrum ejus aromatibus, pigmentis, & balsamo, & musco, & thesauris multis in**

att-

auro. Vestitum est corpus ejus vestimentis Imperialibus, & sudario sub diademate facies ejus aperta est, cilicium ad carnem ejus positum est, quod secreto semper induebat, & super vestimentis Imperialibus pera peregrinalis aurea posita est, quam Romani portare solitus erat. Sceptrum aureum, & scutum aureum, quod Leo Papa consecraverat, ante eum posita sunt dependentia, & clausum, & sigillatum est sepulcrum ejus. Quod vero de Constantini cadavere memorat Eusebius, illud nempe in sublimi lecto in conclavi quodam Regii Palatii positum, donec funus efferretur, ac interea noctu, diuque aliquos ibi excubasse; id usitatissimum fuit apud Veteres, qui mortua corpora aliquandiu jacere sinebant insepulta, ne, si quis forte vitalis spiritus adhuc superesset, per festinatam humationem penitus extingueretur. Hac de causa, nonnullis post obitum diebus mortui sepeliebantur, & interea ditiores in lectis, tenuis autem fortunæ homines in arcis seu loculis in vestibulo ædium ad januam ipsam collocari solebant: Judæi vero non arcis utebantur, sed vestibus sepulcralibus; quibus cadavera involvebant. Christiani itaque juxta hunc receptissimum morem vel septimo, vel quarto, vel tertio ab obitu die mortuos suos sepulturæ mandarunt, ac interea in loculis in interiori ædium parte, vel etiam in Ecclesiâ eos collocabant, vigilesque custodiebant. Atque id quidem privatis quoque hominibus vita functis commune fuit. Illud tamen Imperatoribus, ac Regibus privilegii loco concedebatur, quod nempe, cum interdictum esset cæteris sepelire intra Civitates, & Ecclesias, ipsi in atrio, sive porticu, & exterioribus ædificiis Ecclesiæ tumulabantur; & nonnisi post sextum sæculum, primo Episcopi, Abbates, dignioresque Clerici, vel laici, tum universi intra Civitates, & Ecclesias tumulari cœperunt. Nunc vero temporis, uti colligitur ex monumentis editis a Dumontio, & Rosuetio in Cæremoniali Imperii lib. 2. cap. 5. cadavera Imperatorum tribus diebus in aula quadam Imperialis Palatii, sublimi, & splendido in lecto collocata jacent, & ea prope ponuntur insignia Imperialia, Corona, & sceptrum, tum quoque Coronæ Regnorum Hungariæ, & Bohemiæ; Cubicularii, & Capellani Aulici funebrem lectum undique circumstant; tum pluribus in aula excitatis Aris, Sacerdotes Sacra faciunt, vespertinis vero horis Cantores Imperialis Capellæ Psalmum *Miserere* modis musicis decantant. Deinde Regio cadavere in arca incluso, superimpositis arcæ Regiis insignibus, funus ducitur, præcedentibus Cœnobitis, Magistratibus, Aulicis, equitibus Torquatis Velleris aurei, Canonici Cathedralis Ecclesiæ, Episcopis; Cubicularii arcam efferunt, eamque sequuntur primi quatuor Aulæ Magnates, nempe Magnus Præfectus Regii stabuli, Magnus Marecallus, Magnus Aulæ Magister, & Magnus Cosmeta; hos excipiunt Imperiales Principes. Ubi ad Cappuccinorum Ecclesiam, quæ tumlandis Imperatoribus addicta est, funus pervenit; Magnus Cosmeta, referata arca, Regium cadaver Cappuccinorum Præsuli ostendit, simulque ei clavem unam tradit, alteram ipse sibi vindicat in Aula Imperiali servandam. Hoc fere ordine, Leopoldo Imperatori, anno 1705. & Josepho itidem Imperatori, anno 1711. & Eleonoræ Maddalenæ Imperatrici anno 1720. parentatum fuit; & quidem Leopoldi deducendo funeri interfuere Joseph Imperator filius, Torque ornatus Velleris aurei, Imperatrix ejus conjux, & defuncti Imperatoris filix; quemadmodum etiam funus Josephi Imperatoris secuta sunt Imperiales sœminæ (nam Carolus frater, successorque Vien-

na aberat) denique in agendis exequiis Eleonoræ Imperatricis , Imperator , & Augustæ scemina interfuere . Hujus vero cadaver Matronæ Aulicæ in arca collocarunt , quam deinde Cubicularii detulerunt ; & a Parocho Aulico sacrum pro defunctis ministerium in Aula exhibitum ; in Ecclesia vero ab Antistite Viennensi . Quandoque nulla pompa Imperiales Principes tumulantur ; uti anno 1716 Leopoldus Archidux Caroli VI. Imperatoris filius , quem ab Educatrice in arca inclusum , & a Magno Aulæ Magistro , & Magno Colmeta advectum curru , sequentibus Parocho , & Capellanis Aulicis in altero curru , sepulture mandarunt .

II. Dolet Peiratus lib. 2. de Orat. Reg. Gall. cap. 67. a veteribus Scriptoribus omisum , quo præcipue ritu , Regibus Galliæ olim iusta perfolverentur . Illud tamen a Veteribus traditum notat , successores nempe Reges adesse solitos funeri suorum prædecessorum ; & ita factum legitur in exequiis Philippi Augusti , Philippi I. S. Ludovici , & aliorum . Imo Childebertus , & Clotarius I. deduxere Clotildis Reginæ eorum matris cadaver ad Parisiensem usque Ecclesiam S. Genovefæ : & quatuor Clotarii filii paterno cadaveri in Sueffionensi Ecclesia S. Medardi tumulando idem obsequium præstiterunt . Desiit deinde mos ille , invaluitque , ut successores Reges prædecessorum corpora aspergant aqua benedicta , Magno Eleemosynario aspersorium præbente ; itemque Principes Regiæ stirpis , accepto a Feciali aspersorio . Illud quoque e veterum monumentis colligitur a Martene , Reges Francorum Regiis ornatos insignibus sepulture traditos fuisse . Ita enim legitur in antiquo ordine sepeliendi Reges Francorum : *Premierement , convient avoir une litiere portee par certains Officiers Royaux , & doit entre en la dite litiere une fortune ou forme en semblance du Roy couché en lit , en grands draps ; la forme toute vestue en forme de homme comme Roy . C'est a sçavoir vestu d'un pourpoint , tunique , & dalmatique de drap d'or fleurs de lys fourré d'hermines fermé dessus l'espaule d'un bouton des perles , tenant en sa main dextre un grand sceptre , & en la main sinistre un main de justice avecques anneaux es dites mains , en sa teste une couronne , les sandales , charffes semblables aus dits vestemens , avec soliers de mesme , convert la dite litiere de drap d'or , pendant de trouer coste de la dite litiere vers la teste du dit Roy a deux orilliers de velours vermeil a quatre bouppes de perle chuchun au pied de la dite litiere deux lampiers d'or pleins de cire ardans continuellement jusqu'à apres la sepulture , une croix , un benoitier , & deux ascensiers d'or ; & pour couvrir la dite litiere , un ciel de drap d'or a quatre lances ; & apres la sepulture du dit Roy , est couverte la place d'un drap d'azur a fleur de lys a une croix blanche de velours .* Quod de simulacro Regiis insignibus componendo , ne putridum cadaver in conspectum omnium efferatur , hic indigitatur ; id quoque legitur tom. 1. Pandectarum triumphalium Francisci Modii , & apud Tilletium , a quibus describitur Ordo funeris Regum Galliæ olim usitatus .

III. Hodiernum vero morem exhibent Dumontius , & Rosuetius in Cereemoniali Galliæ lib. 2. cap. 7. in exequiis Ludovici XIII. & Ludovici XIV. observatum . Itaque Ludovico XIII. e vivis sublato , in San-Germanensi Palatio die 14. Maii , 1643. Episcopus Metensis Primus Eleemosynarius (qui morienti Sacramenta Ecclesiæ contulerat) oculos clausit juxta antiquissimum omnium fere gentium morem

rem oculos claudendi, & ora obturandi simul atque quis decessisset; ac tum ceteri Eleemosynarii, Primus quoque Cubicularius, & Dux militum custodum corporis Regis, in eodem consistere cubiculo, ubi Rex obierat, & ubi Regium cadaver domesticis indutum vestibus jacuit, donec sequenti die, praesentibus Principe Regis stirpis, Magnate Regni, & Primo Cubiculario evisceratum unguentis condiretur: cujus intestina ab Eleemosynario, & Cubiculario ad Ecclesiam delata sunt. Tum Regium cadaver balsamo conditum, nullisque Regiis insignibus exornatum, in aula quadam Regii Palatii super sublimem, nobilemque funebrem lectum, ligneis cancellis cinctum, ac sub umbella collocarunt. Porro intra ligneum septum, a dextra lecti parte tribus insidebant sedibus Episcopus Primus Eleemosynarius, duoque alii Antistites Rocchetto & Mantelletta induti; hos excipiebant Eleemosynarii scamnis insidentes; tum Cœnobitæ, qui preces recitabant: a sinistra vero lecti parte confidebant sedibus Primus Cubicularius, Dux militum custodum corporis Regis, Magnusque ceremoniarum Magister; quos sequebantur in scamnis assidentes alii Officiales Aulici, & Cœnobitæ. Nam statis horis, alii aliis succedentes Cœnobitæ continuas preces effundebant. Extremam lecti partem quatuor Feciales occupabant: & in anteriori cubiculo Milites custodes Regii corporis adstabant. In eadem aula, ubi sex dierum spatio, Regium cadaver jacuit, constructis tribus Altaribus, plurima sacrificia pro expiatione animæ oblata sunt, singulisque diebus, Sacrum modis musicis a Palatinis Cantoribus decantatum. Et quidem Metensi Episcopo principem sedem concedere alii Episcopi detrectaverant, quod illi tamquam Primo Eleemosynario sedendum esset ante ceteros Eleemosynarios, atque adeo post Episcopos locum obtinere. Verum quod Metensis Antistes, vices tunc temporis ageret Magni Eleemosynarii, seu Antistitis Aulici, decreto Regis, Stola indutus primam obtinuit inter Episcopos sedem. Septimo ab obitu die, funus deductum est ad celebrem S. Dionysii Ecclesiam, ubi Galliarum Reges tumulantur; atque is fuit ordo funeris, cui imminebant Primus Cubicularius, & Primus Eleemosynarius. Præibant Milites, Adolefcentes Aulici, Cubicularii, equites omnes; tum curru vehebantur nonnulli Eleemosynarii Regii sacris ornati vestibus, quos sequebantur in alio curru Metensis Antistes Pontificalibus indutus ornamentis, Primus Cubicularius, & Confessarius. Post hos incedebant Feciales, & ceremoniarum Praefecti, tum Regium cadaver arca inclusum, superimpositis Regiis insignibus, curru advectum, atque famulitio, & milite stipatum. Clerus cujuslibet Oppidi, vel Pagi venienti funeri occurrebat, deductumque in Ecclesiam consuets precibus colebat: ita quoque Clerici Sandionysianæ Ecclesiae, ad cujus Ecclesiae fores Metensis Antistes cadaver, quod Ludovici XIII. Regis esse testabatur, Monachis illius Monasterii tradidit. Die 20. Maii, in Ecclesia S. Dionysii defuncto Regi solemni ritu iusta perfoluta sunt, praesentibus Aulicis Officialibus, ac pluribus Episcopis, qui illuc convenerant, itque omnes, absoluto Sacro, Regium cadaver aqua benedicta adpersere. Episcopus Metensis Primus Eleemosynarius, dum Liturgia agebatur, sedit tunc prope Regium cadaver, & juxta illum ceteri Eleemosynarii scamno insidentes, tum ceremoniarum Praefecti. Prope Aram vero assidebant a dextra parte Primus Cubicularius Regis, ceterique Magnates Aulici; ex altera vero parte Episcopi. In funere Ludovici XIV. res eodem fere modo

modo se habuit. Regium quippe cadaver octo dierum spatio in aula Regii Palatii omnium oculis expositum, assistentibus Magno Eleemosynario, Episcopis, Proceribus Aulicis, & Cœnobitis noctu diuque preces effundentibus, nono die e Versaliensi Palatio ad S. Dionysii Ecclesiam feretro clausum, positus super feretrum Regis insignibus, opertum stragulo, cuius oras quatuor Eleemosynarii equites gestabant, curru vectum, Milite, Aulicis, Eleemosynariis, Magno Eleemosynario, Confessario, Parocho Versaliensi funus comitantibus adsportarunt. Ibi Magnus Eleemosynarius Rem Divinam solemniter fecit; cui intersuere Episcopi plures, Principes Regiæ stirpis, Aulici Proceres, Oratores Principum, & Magistratus: atque ad Offertorium, tum Dux Aurelianensis primus e Principibus Regiæ stirpis, tum cæteri hujus Ordinis Principes Oblationes exhibuere; Episcopus vero Carnotensis funebrem orationem habuit. Tandem ubi a Militibus custodibus Regii corporis tumultu inlatum fuit; Magnus Aulæ Magister, cæterique Præfetti Domus Regiæ, fractis, projectisque in ipsum tumultum baculis, qui officii sui insignia sunt, Regem e vivis excessisse Magnus Aulæ Magister primum, tum Feccialis semel, iterum, atque tertio conclamavit, his verbis: *Le Roi est mort priens tous pour le repos de son ame*, brevique interjecta prece, rursum Feccialis proclamavit: *Vive le Roi Louis XV.* quod universi acclamationibus excepere. At in Regiarum seminarum exequiis, Matronæ quoque Aulicæ funus comitantur; uti in fuere Mariæ Teresiæ Austriacæ Ludovici XIV. conjugis, anno 1683. In iis vero exequiis sacro functus est ministerio Episcopus Aurelianensis Primus Eleemosynarius; quemadmodum in exequiis Mariæ Victoriæ Bavaræ Serenissimi Delphini conjugis, anno 1690. Episcopus Metensis; & in exequiis Mariæ Adolaidæ Sabaudæ anno 1712. Episcopus Silvanectensis, uterque tunc temporis Primus Eleemosynarius.

IV. Unde patet, Magnum Eleemosynarium, aut eo absente Primum Eleemosynarium in Regiis funeribus sacra moderari. Et hinc ubi Regium funus deducitur, primum præcæteris Episcopis occupat locum, proximior nempè Regio cadaveri, uti etiam legitur apud Franciscum Modium loco citato. Idipsum his verbis, exemplique tradit Peiratus lib. 1. cap. 21. de Orat. Reg. Gall. *Le mesme du Tillet est aussi mal fondé, quand il soutient que l'Evesque de Paris, comme Curé du Roy, aux enterremens des Roys, leve le corps, s'il y est, mesmes hors son Diocese, d'autant que cela ne peut estre avec raison, pourceque les Dioceses sont limitez, & un Evesque ne peut legitiment entreprendre sur un autre, cela est defendu par les saints Canons, son autorité est bornée de l'estendue de son Diocese; & bien que le Roy estant decede dans Paris, l'Evesque de Paris a l'enterrement de Sa Majesté ait marché quelques fois le dernier des Evesques, si ne paut-on pas inferer de là qu'il soit Curé du Roy, & qu'en cette qualité il puisse, ny doive tenir ce rang, mesme hors son Diocese; cet honneur luy est deserté a l'absence du grand Aumonier, qui est l'Evesque de la Cour comme a l'Evesque du lieu ou le Roy est decédé, & d'ou l'enterrement part avec cérémonie, de mesme qu'un autre Evesque le pourroit pretendre en son Diocese, comme Evesque du lieu, a l'absence dudit grand Aumonier de France, & non comme Curé du Roy: Neantmoins a l'enterrement du Roy Henry le Grand, feu Monseigneur le Cardinal du Person ne pouvant, a cause de son indi-*

spo-

posuim, assister a ses obseques, commit en sa place Messire Francois Miron Evêque d'Angers, qui marcha le dernier des Evêques. Ainsi l'Advocat Rouillard remarque que le grand Aumosnier a coutume de marcher aux ceremonies des obseques du Roy, ioignant, & devant l'effigie: Or combien qu'aux pompes funebres d'Henri II. l'Evêque de Paris accompagna le grand Aumosnier, disant qu'il estoit l'Evêque du Roy aussi bien que luy, puis qu'il estoit Evêque de la capitale du Royaume, & qu'on gardoit pour la plupart en l'Oratoire du Roy l'usage de Paris, Or eu esgard a ses remonstrances, pour ce coupla, luy fut permis d'estre proche du grand Aumosnier: si est-ce qu'à l'enterrement du Roy Francois I. le lieu luy fut refusé: de sorte que pour éviter a desordre, force fut à l'Evêque de Paris de se retirer, selon son rang avec les autres Prelats assistans au convoi, sur ce qu'il luy fut remontré, que le Roy ny sa Cour ne reconnoissoit d'autre Evêque propre, & special que le grand Aumosnier, & que sa Chapelle avoit un usage propre, different en beaucoup de choses de celui de Paris. L'Oraison ou harangue de l'Evêque de Paris, faite au Prieur de S. Denys, Or aux Religieux, à l'enterrement du Roy Henry II. l'an 1559. lors qu'ils receurent le corps, & l'effigie du Roy decedé, à la Croix qui panche pres saint Denys, le tesmoigne evidemment, ou il luy certifie, comme Evêque de Paris, (ce sont les mesmes termes) que le corps du feu Roy gisant en ce cercueil a rendu son esprit à Dieu en son Diocese, comme Prince Fidele, avec l'administration de tous les saints Sacrements. En quoy il faut noter, que ce certificat est donné par l'Evêque de Paris, comme par l'Evêque au Diocese duquel le Roy est mort Or non comme par le Cure du Roy. Ex quibus colligitur, in exequiis Regum Galliar, Episcopo Parisensi tamquam Episcopo loci, Magno autem Eleemofynario tamquam Episcopo perforari, partes fuisse concessas. Cæterum ex monumentis à Dumontio, & Rosuetio editis constat, Parochum quoque Versaliensem Stola indutum Regia funera comitari usque ad sepulturæ locum. Itaque his præcipue ritibus Regum Galliar parentalia celebrantur: nempe Regium cadaver diebus aliquot in aula jacet sublimi in lecto: ante omnium oculos positum; adiunt Eleemofynarii, Aulici, Feciales, & Milites, tum Sacrificia, precesque continuo a Cœnobitis aguntur; deinde loculo inclusum, & superpositis Regiis insignibus, tectum stragula à quatuor Eleemofynariis sustulsa, magno comitatu Aulicorum, & Eleemofynariorum, carpento ducitur ad Ecclesiam S. Dionysii: occurrunt supplicatione ordinata ad portam Civitatis Clerici, tumque Milites custodes corporis Regii feretrum humeris suis esserunt usque ad Ecclesiam: ad hujus fores Magnus Eleemofynarius Regium tradit cadaver Præfati S. Dionysiani Monasterii, testatus Regem in Ecclesiæ communione defunctum, atque in ea Ecclesia humani voluisse; tandem in Ecclesia sit Res Divina Pontificali apparatu ab eodem Magno Eleemofynario.

V. Hispani Regibus suis hoc ritu juxta perfolvunt. Statim ac Rex e vita decessit, Castellæ Præses, Magnus Aulæ Magister, Primusque Cubicularius hæredem, successorumque imperii adeunt, & an Testamento proferendo assentiat, explorant: eo consentiente, in ædibus defuncti Regis coram Regio cadavere, suprema ejus voluntas ab uno e Secretariis Regiis e scripto recitatur: Tum in aula quadam Palatii funebrem lectum excitant, ibi Regium cadaver sub umbella collocant;

circumstant undique Milites; Cœnobitæ Matutinas, Vespertinasque pro defunctis preces recitant; Sacra quoque faciunt Presbyteri in Altarihus ibidem extructis; Rem Divinam Pontificali apparatu agit Antistites, & prope Aram principem a cornu Evangelii sedem occupat Magnus Aulæ Magister, ibidem Hispani Magnates in scamno assident; altero Altaris lateri Magnus Capellanus, cæterique Capellani Aulici, ille in sede, hi in scamno confidentes, adhærent. Cum vero tumultandum est Regium corpus, atque ad celebrem S. Laurentii Ecclesiam Escorialensem asportandum, illud feretro includunt, tradita feretri clave Magno Aulæ Magistro, feretrumque Magnates, & Præfecti Domus Regiæ efferunt ad definitum usque Palatii locum, ibi illud Cubiculariis gestandum tradunt, sequuntur funus Capellani Aulici, Rex hæres imperii, Regique Principes. Tum Cubicularii feretrum in lecticam inserviunt, ad ædes suas redeunt Principes Regii, funus hoc ordine progreditur: Officiales Aulæ, quos Alcaldos vocant, Cubicularii, Præfecti equorum, Capellani Palatini, præcedente Cruce, Duces Prætorianorum militum, Præfecti Regiæ Domus, Magnates Hispaniæ, universi equis vel mulis insidentes; sequitur Regium feretrum lectica vectum, stipatumque milite, & Aulicis adolescentulis; deinde a dextra parte equitat Magnus Aulæ Magister, a sinistra Magnus Capellanus: claudunt agmen Milites Prætoriani. Ad Ecclesiæ ostium obviam occurrunt Monachi, feretrumque e lectica sublatum Cubicularii media in Ecclesia super funebre pegma collocant, peractoque sacro ministerio, Magnates, & Domus Regiæ Præfecti feretrum ad sepulturam deferunt, coque resecrato, Magnus Aulæ Magister Regium cadaver exhibet Præsuli Monasterii, isque traditi, acceptique Regii cadaveris tabulas præbet Magno Aulæ Magistro. In exequiis tamen Reginarum, Prima Aulæ Matrona atratis induta vestibus, mulæ insidens, feretro proxima, funus prosequitur. In exequiis alicujus Regii Infantis, hujus cadaver ab Educatrice loculo includitur, & in Capella Palatina collocatur; quum vero tumultu inferendum est, tunc Edmætrix feretrum Magno Aulæ Magistro, & Antistiti tradit, acceptis ab eis hujus rei tabulis: Magnates tamen Hispaniæ funus Infantis minime comitantur. Quandoque defuncti Regis corpus in Capella Palatina jacet omnium conspectui datum: uti Caroli II. Regis, vita functi die 1. Novembris, anno 1700. cadaver tribus diebus jacuisse, atque prope funebrem lectum stetisse nonnullos nobiles viros in manu habentes Regia insignia, referunt Dumontius, & Rossetius. Porro mos est Aulæ Hispaniæ, ut defunctorum Regum anniversarii dies utplurimum in Cœnobio S. Hieronymi celebrentur: quibus tum Rex sub Regiis Cortinis, tum Magnates, Oratores Principum, Consiliarii Regii, Episcopi, Capellani Aulici suis in scamnis intersunt; & ad Missæ Offertorium Rex Catholicus a Magno Aulæ Magistro, cæterisque Domus Regiæ Præfectis associatus accedit ad Altare, acceptumque a Magno Capellano in argentea concha aureum nummum offert Antistiti Sacra facienti. Quin etiam illorum Principum funera, qui Hispani Regibus cognationis nexu conjuncti sunt, ibi solemnî ritu celebrari consueverunt.

VI. Celebris, & antiqua est apud Lusitanos cæremonia, qua defuncti Regis scuta franguntur. Hanc memorat Coneftaggius lib. 2. de conjunctione Regni Castellæ, & Portugalliæ, agens de Sebastiani Regis in Africano prælio cæde, & funere in Lusitania peractò, his verbis;

bis: Ea de causa ventum fuit ad visus, quos illa gens in Rege lugendo, & scutis ejus frangendis adhibere consuevit: id in hunc modum. Ea Curia Cameralium Lisybonæ civis quidam panno nigro indutus, & equo ejusdem coloris panno lecto insidens egrediebatur, manu gestans vexillum magnum, & nigrum, ac in humerum ita reclinatum, ut pars ejus solum attingeret. Hunc sequebantur tres senes pedites, pulla veste amicti, singulique manu elevata ferebant scutum, nullo alio nisi atro colore insigne. His iterum aliquot cives ex numero eorundem Magistratum, & nonnulli inferioris ordinis cum ingenti turba sequebantur. Ubi autem per primarias urbis Lisybonæ plateas transierunt, perveneruntque ad gradus Templi Cathedralis, quod est vicinum illi loco, unde exierant: illi, qui scuta gestant aliquot gradus descendunt; & unus ex ipsis, scuto sublato, alta voce clamat. Cives Lisybonenses deserte Regem vestrum Sebastianum, qui mortuus est: his dictis, & turba clamoribus lachrymas miscente, scutum, quod fragile est, gradibus, quibus insistit, illisum confringit. Deinde progrediuntur, & ubi ad plateam novam, quam vocant, perventum est, conscendens gradibus parvi Templi, quod sacra Virgini de Olivera dicatum est, alter ex numero scuta gestantium, eadem, quæ prior, verba pronuntiat, scutumque ad eundem modum frangit. Idem faciunt in gradibus Nofocomii: ac si omnibus tribus scutis ita, ut dictum est, fractis, redeunt, unde egressi fuerant. Eandem cæremoniam peractam in funere Petri II. Regis Lusitanæ, anno 1706. e vita sublato, narrat Antonius Cajetanus Sousa Teatinus. lib. 7. Historiæ Regum Lusitanorum. Refert is hunc funeris ordinem; Regium nempe cadaver Franciscanorum Tunica amictum (quod pietatis causa Rex se Tertiaris Franciscanis adscripsisset). tum superindutum vestimento Equestris Ordinis Christi, cui tamquam Supremus Moderator imminabat, ense cinctum, in eodem jacuisse lecto, in quo decesserat, assistentibus Confessario, & Magnatibus Aulicis; altera vero die, evisceratum, conditumque unguentis, feretro impositum, straguloque nobilissimo a Præfecto stratorum (*Reposteiro mor*) lectum, & in sublimi lecto collocatum, prope positum in argentea concha Regiis insignibus Corona nempe, & Sceptro; Magnum Capellanum Pontificali apparatu Rem Divinam fecisse, Magnates Regni a dextra parte, Aulicos a sinistra, stantes, detecto capite adstitisse; & ad illius fores confedisse in ligneo scamnulo Magnum Osiarium Domus Regiæ (*Porteiro mor*) Principem successorem imperii, cæteroique Regios Principes aqua benedicta feretrum adpersisse, præbente eis adpersorium Magno Capellano; tum a Magnatibus, qui in supremo Principis Consilio sententiam dicunt, feretrum delatum, sequentibus illud Regiis Principibus atratis, atque in lecticam inlatum, lectumque pretiosissimo operimento a Stratorum Præfecto, Regiis Principibus ad ædes suas reversis, funus ad Ecclesiam S. Vincentii, ubi humandum erat, processisse. Et quidem a Palatio Regio usque ad S. Vincentii Ecclesiam a dextra, lævaque iunctis instructos fuisse in acie milites; Cœnobitas quoque, Clericosque cum cereis accensis hinc inde in eodem itinere constitutos; Magnates a dextra parte, Aulicos a sinistra, Capellanos Aulicos, Magnum Aulæ Magistrum medium inter duos supremos Consiliarios Regios, proximumque feretro, prævisse; prope feretrum Magnum Regii stabuli Præfectum, circum vero incessisse Aulicos Cubicularios ceteros accensos manibus gestantes; post feretrum, Ducem militum curo-

stodum corporis Regii, Currum lugubri apparatu ornatum, militesque. Ubi ad Ecclesiam ventum est, Sodales cujusdam Religiosæ Confratriæ sub invocatione Divinæ Misericordiæ Regium feretrum unctionica sublatum in Ecclesiam intulisse; & a Magno Capellano Pontificalibus insignibus induto, cæterisque Capellanis Aulicis preces pro expiandis defunctis effulas, tum a Clericis illius Ecclesiæ, tandem a Sodalibus Confratriæ jam dictæ; deinde in sublimi pægmate funebri collocatum; postisque super feretrum Cruce, & Evangelio, iisque tactis, jurasse Magnum Aulæ Magistrum ibi Regium contineri corpus, traditis feretri clavibus Antistiti Monasterii, his verbis: *Juro aos santos Evangelhos, que neste caiaon esta o corpo do muito Alto, e muito Poderoso Rey D. Pedro Segundo, meu Senhor; porque eu o vi metter nelle e Vossa Paternidade dare conta do dito corpo, ou de seus ossos, a seus successores, para o que lhe entrego as chaves deste caiaon.* & Secretarium Regis rei gestæ tabulas a Regiis Consiliariis subgnatas conscripisse. Elapsis deinde octo diebus ab obitu Regis, narrat idem clarissimus Auctor, Senatores, Magistratus, Curatores Regionum proveniunt convenisse, ut antiquam illarum partium cærentoniam frangendi scuta peragerent: & primo ex ædibus Senatorii progressum esse civem quemdam ex illorum numero, quos vocant *Procuradores da Cidade*, atratum, equo insidentem, lugubre ferentem vexillum ad terram usque demissum; hunc secutos esse alios cives pullis indutos vestibus; nigras virgas in manibus habentes, tresque Magistratus, quorum singuli nigrum scutum gestabant; denique Senatores incesse, & quidem pedites omnes; funebrem hanc pompam ad præcipua quædam Civitatis loca accessisse; ibique in sublimi tabolato ad id extructo, & lugubribus adornato, singulos ex illis tribus Magistratibus scutum, quod manu gerebat, confregisse, & projecisse, his prolatis alta voce verbis: *Choray Nobres, choray Povo, que morreo a vosso Rey D. Pedro II. de Portugal*: & postquam tertio conclamatum esset funus, omnes adiisse Ecclesiam ad agendum Sacrum pro expiatione defuncti Regis.

¶ VII. Narratur & ab eodem Auctore, quo ritu, Mariæ Soffiæ de Neoburgo Petri II. Regis conjugis, anno 1699. iusta fuerint perloluta; eam nempe Franciscana veste ab Aulicis Matronis indutam, inclusamque loculo, assistentibus Aulicis Matronis, in sublimi lecto positam, & a Præfecto Stratorum lodice tectam, a Principibus Regiis aqua benedicta adpersam, Magno Capellano, aliisque Episcopis sacrafacientibus: tum a Proceribus feretrum delatum, stipatumque Cubiculariis accensos cereos gestantibus, funus prosequentibus Regiis Principibus detecto capite, atque in lectica collocatum: deinde recedentibus Principibus Regiis deductum ad sepulturam, hoc ordine, ut primo quidem præcellerint Magnates a dextra, & Officiales Aulici a sinistra; tum Capellani Palatini cum superpelliceis, cereisque accensis; Magnus Aulæ Magister proximus lecticæ, qua feretrum vehebatur stipatum Cubiculariis cereos accensos gestantibus; denique funus sequebantur supremus Regii stabuli Præfectus, Dux militum corporis Regii, Currus funebri, Militesque Prætoriani. In Ecclesiam S. Vincentii, ubi humandum erat, Sodales jam dictæ Religiosæ Confratriæ Regium eadaver exceperunt; Magnus Capellanus primum cum cæteris Capellanis Aulicis preces pro defunctis effudit, tum Clerici illius Ecclesiæ, tandem illius Confratriæ Sodales, seretroque superimposita erat Corona: denique ritu jam dicto, traditum est Antistiti Monasterii Regium

cadaver a Magno Aula Præfecto . Fuerunt quoque hinc inde in itinere instructi Milites , Cœnobitæ , Clericique . In humanis Regiis Infantibus idem fere ordo servatur in Aula Lusitana . Nam Joannem Infantem , Petri II. Regis filium tenellæ etatis , anno 1688. e vivis sublatum , arcule inclusum , in sublimi lecto deposuerunt , prope collocarunt Principatus insigne , Magnus Capellanus sacrum egit ministerium , Rege , Regiis Principibus præsentibus , Proceres Aulici in lætica posuerunt , iique , cum Capellanis Palatinis , & Cubiculariis feretrum circumstantibus , cereosque accensos gestantibus , magna pompa ad Ecclesiam deduxerunt . Atque hi sunt apud Lusitanos ritus præcipui agendi funeris Regii . Constat vero plurimis exemplis ex laudata Historia Regum Lusitanorum , morienti Regi Magnum Capellanum Sacramenta ministrare , mortuoque Rege , eundem sacro fungi ministerio , tum in Aula , tum in Ecclesia . Ita in funere Joannis IV. Regis , anno 1656. Emmanuel da Cunha Episcopus Helvarum ; & Ludovicæ Reginæ ejus conjugis , anno 1666. Franciscus de Sottomayor Episcopus Targensis ; atque Mariæ Franciscæ Sabaudæ , Petri II. Regis uxoris , anno 1683. Archiepiscopus Ulyssiponensis , Magnus & ipse Capellanus ; tum in funere Mariæ Sofiæ de Neoburgo , ejusdem Regis conjugis , anno 1699. Cardinalis Sousa , Magnus quoque Capellanus ; denique in funere Petri II. Regis , anno 1706. Nunus de Cunha de Ataide , extrema Sacramenta , solemne Sacrificium , sacras pro defunctis cæremonias administrarunt .

VIII. Quo rita olim Anglorum Reges sepelirentur colligitur ex Matthæo Parisio ad annum 1183. ubi de Henrici junioris funere ait : *Corpus in lineis vestibus , quas habuit in consecratione sacro chrismate delibatas regaliter involutum apud Rotomagum delatum est , & in Ecclesia Cathedrali prope majus Altare cum honore tanto Principi congruo tumulatur .* Et de Henrico II. ad annum 1188. *Dum portarentur , inquit , ad sepeliendum , Regio indutus apparatus , Coronam in capite habens auream , & chirotechas in manibus , calceamenta auro texta , anulum magnum in digito , & in manu sceptrum , accinctusque gladio , discooperto vultu jacebat : Nunc vero temporis Regia insignia prope feretrum , quod in Palatio aliquamdiu jacet in conspectu omnium collocantur ; cum vero funus ducitur ad Westmonasteriensem Ecclesiam , ubi in Sacello Henrici VII. Regum cadavera tumulantur , eadem insignia a quibusdam Proceribus præferuntur .* In humatione Regis , Supremi Officiales Regni virgas dignitatis suæ insignia frangunt , abiiciuntque , ut illam innuant , defuncto Rege , defuisse ; & a Feciali alta voce conclamatur , Regem e vivis decessisse . Hæc quidem in exequiis Mariæ Reginæ anno 1695. & Guillelmi III. anno 1702. peracta referunt in Cæremoniali Angliæ Dumontius , & Rosuetius . Pariter in Suecorum Regum funere , præcedunt Senatores Regni deferentes Regia insignia ; feretrum vero curru advectum ducitur ad Ecclesiam sub umbella a Magnatibus Aulæ , vel Regni delata , sequentibus funus Principibus Regiæ stirpis ; quemadmodum Carolo XII. Regi parentatum fuisse Holmiæ anno 1719. iidem Auctores referunt . In Polonia defuncto Regi iusta persolvenda sunt , die præcedenti Coronationem successoris Regis . Magnates omnes Poloniæ , & Lituaniæ , Delegati Provinciarum , seu Palatinatum , & Rex ipse , qui defuncto successit , pedites , & atrati funus prosequuntur ; Patres conscripti Polonorum , seu Senatores manibus gestant Regia insignia , Coronam ,

Sce-

Sceptrum, Globum, Ensem; feretrum efferunt Ecclesiastici Proceres; in Ecclesia Duces belli, seu Marefcalli militaria confringunt sceptrum, fractaque in tumulum projiciunt; quo etiam projiciunt ceteri Officiales Regni suæ dignitatis insignia, & confracta defuncti Regis sigilla. Moschorum Principes splendidissima pompa funebri terre mandantur. Namque in deducendo funere præcedunt Cives, Aulicique longo ordine, tum plures belli Duces gestantes Provinciarum, & Regnorum omnium Moscho imperio subsectorum vexilla; eorumdem Regnorum, & Provinciarum insignia a totidem equis delata; sequuntur Cantores, Monachi, Clerici, Præsules, Episcopi; tum feretrum stipatum milite, curru advectum, sub umbella, cujus fulcimenta Primoribus Aulæ & Militiæ commissa sunt; Imperialia ornamenta, Coronam, Sceptrum, Ensem, Globum, Coronas itidem aliorum Regnorum, & Equestrum Ordinum insignia, totidem belli Duces, vel Aulici Magnates deferunt; Regii Principes, Imperialia femina, Matronæ Aulicæ, cunctique Ordines, pedites funus comitantur. Atque hoc fere ordine Petri Alexiovitſii Moschorum Imperatoris funus anno 1725. processit. Denique in agendis exequiis Borussorum Principum, eandem fere esse funebrem pompam colligitur ex monumentis editis a Dumontio, & Rosuetio in Cæremionali Borussia, cap. 3. ubi funera describuntur Willelmi Marchionis Brandeburgi anno 1688. & Friderici I. Borussia Principis anno 1713. & Sofiæ Carlottæ Principis Borussia anno 1705. e vivis sublata. In horum Principum exequiis delata fuere vexilla omnium Provinciarum, quæ illorum imperio subiecta sunt; tum etiam Electoralia, Brandenburgica, atque Borussia stigmata, & insignia, nempe Ensis, Sceptrum, Corona, Sigillum; insignia quoque Ordinum Equestrum, quibus defunctus Princeps fuerat adscriptus; feretrum curru invehctum sub umbella a primis belli Ducibus, vel Proceribus Aulæ delata; Principes omnes Regiæ familiæ feretrum sequuti sunt; tandem in Ecclesia decantatis quibusdam Hymnis, habita quoque funebri oratione, eadem pompa tumulo inlata sunt. Jam vero ex his omnibus constat, receptissimum esse morem in Regiis funeribus, ut ornamenta Regalia præferantur funeri, illudque consanguinei Principes comitentur.

IX. Haud satis compertum est, quo olim ritu nostris Sicilia Regibus parentaretur; neque enim veteres nostrarum rerum Scriptores Regia funera describere. Illud tamen ex Hugone Falcando colligitur, cadavera nempe defunctorum Regum aliquandiu in Aula jacuisse omnium conspectui exhibita, funus conclamatum, cui deducendo, nedum Proceres, sed & Episcopos Regni interfuisse, denique Cives omnes in morte Regis atratas vestes induisse. Narrat enim in Historia rerum Sicularum, Guillelmi I. mortem primo occultatam, ne multitudinem ad seditionem concitaret, interea vero parata fuisse omnia ad successoris Regis coronationem, subditque: *Quod ubi paucis diebus peractum est, primum in Palatio, more lugubri, funere conclamato, repente totius luctus subsequutus est Civitatis. Moxque Proceres cum Episcopis & Magnatibus Curie de loco, ubi sepulcrum fuerat, in Capellam corpus Regium transfulerunt. Universi quoque cives nigris induti vestibus usque in diem tertium in eodem habitu permanserunt. Per totum autem hoc triduum mulieres, nobilesque matronæ, maxime Saracena, quibus ex morte Regis dolor non fictus obvenerat, saccis operæ, passis crinibus, & die nocturne turmatim incedentes, ancillarum præeunte mul-*

situdine, totam civitatem ululari complebant, ad pulsata tympana cantu flebili respondentes. Quod de femineo ululatu in lugendo Rege memorat Falcandus, id Saracenorum de more erat. Hinc Saraceni, qui cadaver FridERICI Imperatoris in Apulia mortui adportandum in Siciliam comitabantur, lamentis, gemitu, ululatu, quæcumque in itinere adibant oppida complebant. Ita narrat oculatus testis, qui Bituntini degebat Mathæus Spinellus Juvenacensis in suis Diariis a Muratorio editis tom. 7. Script. Ital. Transit hac, inquit, corpus Imperatoris, quod ferebatur Tarentum; & ego egressus sum, ut viderem. Gestabatur autem in lectica holoserica rubro operata, circumducentis Saracenis peditibus, ordinaria corporis Regis custodia, & sex cohortibus equitum armatorum: qui omnes cum locum aliquem ingrediebantur, plangentes inclamabant mortui nomen: sequebantur autem eos Barones aliquos vestiti lugubribus, & Syndici Oppidorum. Notatu dignum est, quod indicat Falcandus, olim nempe in nostrorum Regum funere, cives universos triduo atratos prodiiisse: Universi quoque cives nigris induti vestibus usque in diem tertium in eodem habitu permanserunt. Id quoque apud Græcos in more fuit; siquidem, uti narrat Codinus lib. de Offic. Aul. Const. cap. 11. & 21. in luctu Aula Constantinopolitana, nedum Proceres Imperii, sed & universi pullas induciant vestes, Imperator vero albas. Præterea ex Falcando constat, exequias Guillelmi I. Regis in Capella Palatina peractas esse; quamvis deinde illius cadaver Margarita conjux ad Montisfregalis Ecclesiam ab ipso Rege excitatam transferri, ibique humari curaverit. In eadem Capella Palatina, anniversarii dies defunctorum Sicilia Regum celebrabantur, uti colligitur ex Henrici Imperatoris, dato anno 1195. diplomate apud Pirrum tom. 2. Sicilia Sacra, quo rata habet privilegia omnia illi Ecclesie concessa; jubetque, ut Rogerii, & utriusque Willelmi Regis anniversarii dies emortuales ibi colerentur. Quod igitur in Capella Palatina defunctorum Principum exequiæ, & anniversarii dies celebrarentur, hinc ibi dies emortuales Principum tabulis consignabantur: easque, in quibus dies depositionis Regum, & Reginarum descripti sunt, ex antiquis quibusdam Codicibus erutas edidit Amatus lib. 13. cap. 7. de principe Templo Panormitano. Cæterum in Metropolitana Ecclesia Panormitana Siculi Reges tumulabantur, & ibi quoque defunctis Regibus funera, & sacra anniversaria celebrata sunt; traditque Fazellus lib. 8. dec. 1. cap. 1. Henricus VI. quotannis Rogerio, & aliis Sicilia Regibus solemnes exequias celebrabat, & Imperator Fridericus II. filius, ejus vestigia sectatus, eisdem tria per singulos annos anniversaria perpetuo celebranda, & decreto dum viveret, & testamento moriturus sancivit. Addit Amatus, funebres hæc solemnitates temporum injuria omittas, deinde restitutas, ad hunc usque diem agi; imo etiam extinctis alibi Sicilia Regibus, solemnibus ritu, presentibus Præfule, Prorege, Senatu, iusta perfolvi.

X. Neapolitanorum Regum funera aliquot ab obitu diebus peracta, Regium corpus primo in Aula splendidissime collocatum, tum ad sepulturam a cunctis Ordinibus ductum, indicant Diaria Neapolitana Ducis Montisleonis edita a Muratorio tom. 21. Script. Ital. ubi de funere Regine Mariæ conjugis Ladislai Neapolitani Regis, & fororis Jani Regis Cypri legitur: *Alli 4. de Settembre morì la Regina Maria dopo esser stata due anni col Re. Alli 7. ne foro fatte l'esequio*

*al Castiello novo honoratamente, e con due pallii de oro, uno a la letto, e l' altro sopra lo corpo; e fu sussa Napole, e tutti Clerici, e tutti l' Ordini, Vescovi, Archievescovi, Abbati, e fo sepolta a S. Domenico. La causa de sua morte dicono, che furono i rimedi de fare figli. Quibus verbis indigitatur, in Capella Palatina Arcis novæ, ubi Regium erat domicilium, collocato cadavere in sublimi pegmate funebri sub umbella, præsentibus cunctis Ordinibus parentalia celebrata fuisse; tum funus ad sepulturam ductum. Quo vero ritu Regium cadaver ad tumulum efferebatur, indicant Annales Raimi a Muratorio editi tom. 23. Script. Ital. ubi de funere Isabellæ Claromontiz Ferdinandi I. Neapolitani Regis conjugis dicitur: *Foro vestiti de nigro quattro uomini per Seggio, li quali portaro lo Pallio con altri Signori dello Reame; e fu portata a S. Pietro Martire, e andò vestita con abito di S. Domenico con una Corona in testa e una palma d' oro alla mano sinistra, e una bacchetta alla mano destra, e foro date torcie a tutti Gentiluomini d' una libra, e all' altri di mezza libra. Lo Pallio fu de panno d' oro, e la coltra del letto di panno d' oro, li quali foro donati alla Chiesa di S. Pietro Martire; e furono all' esequie tutte le Religioni, e tutti li Presi. Igitur Regium cadaver Regalibus ornatum insignibus sub baldacchino a Nobilibus, & Primoribus Neapolitanis delato, præunte longo Clericorum, & Monachorum cereos accensos gestantium ordine, ad Ecclesiam, ubi humanandum erat, deducebatur. Et quidem quam splendidissima pompa Neapolitanis Regibus funebre officium perolveretur, testatur Pontanus lib. de Magnific. cap. 25. scribens: *Ferdinandus Rem Neapolitanorum non Isabellæ solum uxoris, aut Helionoræ filie, atque Hyppolitæ nuptus funera singulari pompa edidit; verum et Francisco, et Blanchæ Mediolanensium Ducibus, Hyppolitæ ipsius parentibus, ac Joanni Aragonie Regi patruo, Mathie Hungarie Regi genero, Friderico quoque Imperatori, qui diversis ac languis in locis et vita migravit, exequias, rara quadam magnificentia, splendoreque perfolvit. In hunc autem ipsum Ferdinandum Alphonsus filius difficile explicatu est, quam fuerit etiam effusus, cum supra decem et septem aureorum millia in illius funus effuderis. Quod innuit Pontanus de sumptuosissimis exequiis Ferdinando Regi perfolutis, illud diserte constat ex epistola quadam Tristani Caraccioli de funere Ferdinandi Regis. Ibi refert ille, die 31. Januarii (obierat Ferdinandus die 25. Januarii, anno 1494.) Regis corpus solemnissima, ac pene incredibili pompa fuisse ad S. Dominici Ecclesiam deductum, illud comitantibus Clero universo, Magistratibus, Nobilibus, & populo; Alphonsum filium iis exequiis adfuisse; & pedestrem incessisse facie cooperta, mediumque inter Archiepiscopos Neapolitanum, & Cosentinum Pontificalibus amictos ornamentis, albisque Mitris redimitos; in Ecclesia S. Dominici recitatam fuisse inter sacra funebrem orationem de illius laudibus a Francisco Puccio Florentino insigni Oratore. Hæc ex Tristani epistola refert Chioccarellus agens de Alexandro Carafa Archiepiscopo Neapolitano. Inde vero illud emergit in Aula quoque Neapolitanorum Regum usitatum, ut successores Reges prædecessorum funera prosequerentur. Quod olim solemne fuisse Francorum Regibus jam diximus; etsi nunc temporis desierit mos ille, atque in illius antiqui moris loco, successores Reges, omnesque Principes Regiæ stirpis Regium cadaver adspargant aqua benedicta. At in Aula Regum Hispaniæ, &***

Lusitaniæ, nedum Rex hæres imperii, cæterique Regiæ familiæ Principes sacram aquam in Regium cadaver effundunt, sed & funus comitantur ab aula, ubi sublimi in lecto jacuerat, usque ad Palatii atrium, ubi in lectica, qua vehendum est ad Ecclesiam, collocatur. Sed & in Regio funere apud Germanos, Moschos, Polonos, Suecos, Borussos, uti jam dictum est, & uti constat ex monumentis editis a Dumontio, & Rossuetio, Rex ipse, qui in imperio succedit, tum Regii Principes, & Regales feminæ, pedestri itinere feretrum ad sepulturam ductum sequuntur. Cæterum mos hic vetustissima habet initia; siquidem certum est, olim a consanguineis, amicisque ex receptissimo more defunctos ad sepulturam delatos fuisse.

XI. Imperantibus deinde Austriacis, quo tempore Proreges Neapolitanum Regnum administrabant, magnis quoque solemnibus, Regibus in Hispania defunctis iusta perolvebantur. Nam Prorex, Patres conscripti Neapolitanæ Civitates, septem supremi Proceres Regni, Dynastæ, Nobiles viri, Magistratus, Clerici, Cœnobitæ, longo ordine, atrati omnes, peditesque ad Ecclesiam accedebant; ibique excitato sublimi pegmate funebri, solemne Sacrum agebatur. Regia insignia, Corona nempe, Sceptrum, Ensis, Globus, Vellus aureum deferiebantur a supremis septem Proceribus Regni, tum in Ecclesia super pegma collocabantur. At in funere Philippi II. Hispaniæ Regis, anno 1598. quod Regni Prorex Henricus Gusmanius Comes Olivarensium ex accepto in prælio vulnere a pedestri itinere faciendo prohiberetur, invaluit, ut non jam pedites universi Ordines, sed equites incederent ad Regum exequias agendas. Quamobrem ordinata funebri equitatione, jam nec Clerici, nec Cœnobitæ huic cæremoniæ interfuerunt. Omnium tamen splendidissima pompa sub Prorege Cardinali Aragonio, anno 1665. Philippo IV. Hispaniæ Regi parentatum fuit. Nam in Capella Palatina lugubribus insigniter adornata, primo magnis solemnibus, præsentè Prorege, celebratum est novendiale sacrum: tum indicta consueta funebri equitatione, deferentibus Regiis insignibus nonnullis & septem Proceribus Regni, quæ deinde pegmati nobilissimo media in Ecclesia extructo superimposita sunt, Prorex, cunctique Ordines in Ecclesia S. Claræ, sacris pro defunctorum expiatione Officiis, Reique Divinæ a Gregorio Carafa Archiepiscopo Salernitano, assistentibus aliis Episcopis, peractæ, interfuerunt. Fusc hanc pompam funebrem describunt Marcianus, & Parrinus in Theatro Proregum Neapolitanorum.

XII. Tandem commemoranda sunt suprema officia, quæ Serenissimæ Neapolitanæ Principes Maria Josepha Antonia, & Maria Elisabetha, CAROLI BORBONII, & MARIÆ AMALIÆ Clementissimorum Regum filiæ, in tenella ætate vis ereptæ, superisque additæ, tumulatae fuerunt. Illarum prima, paucis supra duos menses diebus nata, supremum obiit die 3. Aprilis, anno 1742. quo die, Regiis induta vestibus, sublimi in lecto jacuit ante omnium oculos in cubiculo quodam Palatii Regii candidis holofericis splendide exornato, adstante milite Regii corporis custode, magnaque circa lectum ardente luminum copia. Ubi vero prima incepit noctis vigilia, exanime Principis corpusculum feretro inclusum, traditis Magno Capellano, & Præfecto Domus Regiæ clavibus, quatuor Domus Regiæ Præfecti usque ad definitum Palatii locum, tum totidem equorum Magistri (*Cavallerixxi di Campo*) ad atrium usque Palatii Regii, ubi curru vehemendum erat,

erat, detulerunt: præbantque hastati milites, famuli Aulici accensas faces gestantes, Capellani Palatini psallentes, Parochus Aulicus, Magnus Capellanus; sexque Aulici adolescentes cum cereis accensis Regio cadaveri adharebant. Tum ab Aedibus Regis ad Ecclesiam Monialium S. Clarae, ubi Infantis cadaver humandum erat, funis hoc ordine processit. Præibat eques Magistratus ille, qui in negotiis militum jus dicit, (*Auditore Generale dell' esercito*) suis stipatus ministris pariter equitantibus; sequebatur miles hastatus; famuli Aulici præferbant accensas faces; Infantis cadaver nobilissimo Regio curru sex equis ducto vehebatur, & una simul eodem vehebantur curru Parochus Aulicus Crucem in manu habens, Magnusque Capellanus sacris induti vestibus; sex Aulici adolescentes cum cereis accensis a dextra lævaque currus pedites incedebant; turma militum custodum corporis Regis, alique tres Regii currus, quorum singulis alligati erant sex equi, & quibus Aulici nonnulli vehebantur, claudebant agmen. Porro a Regis Aedibus usque ad Ecclesiam instructi fuere in acie milites a dextra, lævaque itineris; & in atrio ejusdem Ecclesiae Helvetii milites Prætoriani in acie pariter constitere. Venienti funeri ad Ecclesiam fores occurrerunt Franciscani Cœnobitæ, qui in ea Monialium Ecclesia ministrant sacra; ibi Infantis cadaver e curru sublatum super mensulam strato subtus tapete collocatum est; deinde ordinata supplicatione præeuntibus Cœnobitis, Capellanis Palatinis, Parochus Aulico, Magno Capellano, Præfecto Domus Regiæ, feretrum effertibus quatuor Aulicis equorum Magistris in Ecclesiam illatum, atque super nobilissimum pegma media in Ecclesia constructum, cereorum magna copia onustum, collocatum. Quo facto, preces, sacraque cœremoniæ subsecutæ sunt, quas in parvulorum exequiis indicit Ecclesia. Nocte tota, flagrantibus undique cereis, apertis Ecclesiæ foribus, Capellani Aulici, & milites custodes Regii corporis circa feretrum excubant; hastati milites ad Ecclesiæ limina vigilas egerunt. Sequenti die, ex Ordinibus Mendicantium Cœnobitæ quamplurimi psalmodum cantu, cereisque accensis, Regio cadaveri obsequium præstitere. Deinde ministrantibus Capellanis Palatinis, Res Divina modis musicis, solemnique ritu peracta est; cui intersuerunt ii, qui Regis sunt a supremo Consilio, quique sunt a secretis imperii negotiis, Proceres Aulici, belli Duces, Patres conscripti Neapolitanæ Civitatis purpureo Vestimento induti, Dynastæ, Patritii, Magistratus, universi festivis, splendidisque vestibus amicti. Denique feretrum a pegmate sublatum iidem Aulici equorum Magistris ad Sacellum, ubi tumulo mandandum erat, adportarunt. Ibi, traditis a Magno Capellano, & Præfecto Domus Regiæ clavibus, reposita est arcula, qua Principis cadaver includebatur, illudque exhibitum, traditumque Procuratori Monialium, qui harum nomine custodiendum accepit. Aderant Proceres Aulici, Neapolitani Patres conscripti, Præsides Magistratuum Neapolitani Regni, & Marchio Cajetanus Brancionius Regis a secretis in negotiis ecclesiasticis, Regalisque Ordinis S. Januarii Secretarius, qui rem gestam Regique significandam scripto tradidit. Atque hoc ordine, cui Præfectus Domus Regiæ, & Magnus Capellanus imminebant, Serenissima infantula Maria Josepha Antonia in tumulum illata est. Rursum paucos post annos nempe 1749. die 5. Martii ereptam dolumus Regno, Regiisque Parentibus Mariam Elisabetham Serenissimam, dulcissimamque Principem, quæ die 30. Aprilis, anno

1743. venerat in vitam , Quam in ædibus Regiis , ipsa obitus die ³⁰⁹
nobili in lecto jacentem , adstante Educatrice Regiæ prolis , & milite
custode corporis Regii , adveniente noctis initio , loculo inclusam , &
in curru ; quo Magnus Capellanus vehebatur , collocatam , eodem or-
dine funeris ex hastato milite , famulatio , Aulicis adolescentulis , mi-
litibus custodibus Regii corporis , cohortibus quoque Prætorianis He-
vetiis , Italicisque conflati ; duplici constituta in itinere militum acie,
ab Ædibus Regiis usque ad Ecclesiam S. Claræ Monialium , sepeliend-
dam adsportarunt . Ibi in funebri pegmate magnificis operibus adorna-
to positam , Clerici Aulici , militesque custodes corporis Regii , &
Prætoriani , nocte tota custodierunt , usquedum sequenti die , sacris
rebus de more peractis , præsentibus Palatinis Proceribus , Aulicis Ma-
tronis , Patribus conscriptis Neapolitanis , Magistratibus , festiva vesti-
menta induentibus ; postquam Magnus Capellanus , aperta arcula , in-
clusum Principis cadaver Præfuli Monasterii exhibuisset , & tradidisset ,
tumulata est in ædícula ejusdem Sacelli , ubi cadavera jacent germana-
rum Principum , quæ ad superes advolarunt .





CAPELLANI MAJORES REGNI NEAPOLITANI.

I. **JOANNES DE MASNELIJS** Protocapellanus Caroli I. Andegavenfis occurrit anno 1269. in Regiis Regestis, uti testis est tom. 4. Chioccarellus. Hujus non semel meminit Pirrus in Chronologia Regum Siciliae, in notitia Panormitanæ Ecclesiæ, & in notitia Palatinæ Capellæ S. Petri. Fuit enim Masnelius, Caroli Regis Consiliarius, Magnæ Regiæ Curiæ rationum Magister, Cantor Capellæ Palatinæ S. Petri, Archidiaconus, ac tandem Archiepiscopus Panormitanus.

II. **PRÆPOSITUS MAGISTER GUILLELMUS** anno 1274. legitur in Archivo Curiæ Capellani Majoris hoc officium gessisse. Is videtur fuisse M. Guillelmus de Godonio vel Godesio Gallus e Provincia Provincie, qui cum esset Ducis Calabriae Cancellarius, & Administer, & sanctioris conclavis Consiliarius, a Bonifacio VIII. anno 1297. evectus est ad Archiepiscopalem Sedem Salernitanam, uti narrat Ughellius.

III. **PETRUS DE FERRARIJS** anno 1295. regnante Carolo II. Andegavenfi memoratur Magister Regalis Capellæ in laudato Archivo. Fortasse idem ipse est Petrus Episcopus Litterensis doctus, & probus vir, Consiliarius Caroli II. & Cancellarius Regni & anno 1300. Neapolitani Studii Moderator, cujus meminit Ughellius.

IV. **PETRUS DE BOLONNESIO** Canonicus Beluacensis, Magister Capellæ Caroli II. Siciliae Regis, electus Episcopus Aversanus, & confirmatus a Clemente V. anno 1309. tum Patriarcha Constantinopolitanus, & abdicato titulo Episcopali, factus est Ecclesiæ Aversanæ Commendatarius per cessionem Leonardi Cardinalis Albanensis. Obiit anno 1324. uti refert Ughellius. Fortasse is fuit ille Petrus Capellanus Caroli II. Andegavenfis, qui anno 1300. una cum Joanne de Monteforti Comite Squillacii, ac Montiscaveosi, Regni Siciliae Magno Camerario, & Bartholomæo de Capua Regni Logotheta interfuit, cum a Philippo Minutolo Archiepiscopo Neapolitano, auctoritate Bonifacii VIII. Romani Pontificis, dissoluta sunt sponsalia jam inita inter Eleonoram Regis filiam, atque Philippum Tuziacum; eo nomine, quod illa esset natu minor, cum iis sponsalibus fidem præstitit. De qua re Summontius in Hist. Neap. & Chioccarellus in Ep. Neapolitanis.

V. **MAGISTRUM GUILLELMUM EBRANNI** anno 1305. sub Carolo II. hoc functum munere exhibent Acta Archivi Curiae Capellani Majoris.

VI. **CHRISTOPHORUS DE TOLOMEIS** Ordinis Prædicatorum, Senensis, pluribus in suo Ordine perfunctus muneribus, anno 1313. fit Roberti Regis Neapolitani Penitentiarius, familiaris, & Major Capellanus, ut ex Roberti litteris in Dominicano Archivo Senensi testatur Ugurgerius par. 1. tit. 7. de pompis Senensibus, & ex eo Fontana in Theatro Dominicano. Fuit etiam Episcopus Sebaftenus. At a Lombardello in vita B. Bonaventuræ Tolomei dicitur Episcopus Savonensis in Liguria; & a Lopez in Historia S. Dominici Episcopus Monopolitanus; cujus tamen non meminit Ughellius.

VII. **MAGISTER JOANNES DE EXARCELLIS** Religiosus vir legitur Ma-

Magister Regalis Capellæ sub Roberto Rege anno 1313. in regesto ejuldem Regis, uti testatur citato loco Chioccarellus.

VIII. PETRUS DE MORETH Regalis Capellæ Magister, regnante Roberto, annis 1334. usque ad annum 1340. ut ex eodem Regesto constat. Eodem munereungebatur anno 1344. Nam in quadam Charta, quam exhibet Wadingus in Annalibus Fratrum Minorum ad annum 1344. qua Sancia Regina Roberti Regis Coniux, Clarissis nomen datura, plura statuit, circa suorum bonorum administrationem, legitur Petrus Eleemosynarius, & Magister Capellæ ipsius Reginæ. Dicuntur enim hæc acta esse, *in præsentia ipsius Excellentie Reginalis, ac Domini Petri Eleemosynarii, Reginalis Capellæ Magistris; Magistris Nicolai de Alifia Secretarii Reginalis, & Magnæ Reginalis Curie Magistris Rationalis; Abbatis Perrotti Marchisani de Salerno Clerici Capellæ Reginalis, & aliorum.* Idemque Petrus subscribit, ut testis: *Petrus Eleemosynarius Reginalis, & Magister Capellæ præmissi interfui, & subscripsi.*

IX. EPISCOPUS MARSICANUS in Regesto Joannæ I. Reginæ anno 1333. reperitur Magister Regalis Capellæ. Et apud Ughellium quidam Petrus circa hæc tempora legitur eam Ecclesiam administrasse. Fortasse is idem est ac Petrus de Moreth, de quo mox diximus, Maricano Sacerdotio deinde auctus.

X. LANDULPHUM DE REGINA Canonicum Neapolitanum anno 1334. Roberto Rege imperante, hoc officium gessisse, indicat Archivum Curie Capellani Majoris.

XI. JOANNES DE GALLINARIO Ordinis Minorum, regnante Joanna I. Regina, agebat Magistrum Regalis Capellæ circa annum 1334. uti ex Regio Regesto colligitur: qui a Clemente VI. circa annum 1350. factus est Episcopus Gravinensis. Is idem a Wadingo in Annalibus Minorum dicitur Reginæ Confessarius; ab eadem Legatus constitutus ad pacem cum Friderico III. Siciliæ Rege componendam; qui ad eandem rem delegavit Fr. Ubertinum de Corleone Episcopum Liparentem, Majorem suum Capellanum. Hujus pacis condiciones fuere, ut Fridericus diceretur Rex Trinacriæ; Joanna vero Regina Siciliæ; utque ille nuberet Antonie de Baucio Andriensium Ducis filię, & Joannæ confanguineæ; utque singulis annis quoddam pecuniæ summam Reginæ perolveret.

XII. ANDREAS DE VALLE REGIA Ordinis Minorum anno 1344. creatur Magister Regalis Capellæ a Regina Joanna I. cujus in hanc rem litteras ex Archivo Neapolitano desumptas exhibent tom. 4. Chioccarellus, & Wadingus in Annalibus Minorum. Auctum deinde Episcopatu Larinensi, & anno 1365. obiisse scribit Ughellius. Laudatur a Toppio in Bibliotheca Neapolitana, & a Joanne Andrea Tria Episcopo Larinensi, postea Archiepiscopo Tyri, in notitiis Larinensis Ecclesiæ, quas Romæ edidit.

XIII. MAGISTER MATTHÆUS DE ACQUAPUTIDA Ordinis Minorum legitur Magister Regiæ Capellæ, & Confessarius Joannæ I. in Regesto ad annum 1345. Eodem anno, Telesinus Episcopus ungitur, uti tradit Ughellius; quo eodem teste, obiit anno 1348. Et Wadingus in Annalibus Minorum ad annum Christi 1343. scribit, Matthæum Telesinum Episcopum, fuisse Confessarium, & Consiliarium Sancie Reginæ, & ante assumptionem ad Episcopatum, egisse Regii Sacelli Magistrum. Refert etiam privilegium a Joanna I. die 9. Feb-

bruæ.

bruarii anno 1347. Fratri Matthæo Episcopo Telefino concessum, in quo is nominatur Confessor, & Consiliarius Reginæ.

XIV. EPISCOPUM MARSICANUM anno 1348. præfuisse Regiæ Capellæ indicat Archivum hujus Officii. Ea ætate Marsicanam administravit Ecclesiam quidam *Fr. Petrus*, cujus Ordinem, & patriam se ignorare Ughellius fatetur. At hunc Petrum Episcopum Marsicentem Ordini Prædicatorum adscribit Fontana in *Theat. Dom. par. 1. tit. 367.*

XV. UBERTINUS DE CORLEONE seu de Coriolano Ordinis Minorum, Episcopus Paëstensis, & Liparenfis, & Magister Regalis Capellæ, Ladislao regnante. Extant tom. 4. Chioccarelli, hujus Regis litteræ datæ Galetæ anno 1393. die 18. Junii, Fratri Francisco de Arpino Confessori, Capellano, & Oratori suo, ex Ordine Minorum, quibus eum declarat Vicarium, Locumtenentem, & Substitutum Ubertini Paëstensis, & Lipariensis Episcopi, Magistri Regalis Capellæ & Consilarii sui, absentis ab Aula, cum plena potestate, in iis, quæ spectant ad ipsam Capellam, & cum omnibus prærogativis, quibus fruere ipse Episcopus, si præsens esset. Hujus Ubertini crebra occurrit mentio apud Wadingum in *Annalibus Minorum*, & Pirrum in *Sicilia Sacra*. Is enim fuit Friderici III. Siciliæ Regis præceptor, & Magister Capellanus; cumque anno 1372. inter ipsum Fridericum, & Joannam Reginam Neapolitanorum pax inita fuerit, hujus pacis procurandæ, ac conciliandæ ex parte Friderici auctor fuit. Multæ in hanc rem conscriptæ litteræ, in quibus, uti testatur Wadingus, maxime commendatur Ubertini in proponendis negotiis prudentia, & in peragendis diligentia. Hinc illum Gregorius XI. suum declaravit Capellanum, & familiarem, & Episcopum Coriocensem. Ab eodem Pontifice anno 1372. facultas illi concessa est administrandi Friderico Trinacriæ Regi, cujus agebat Magistrum Capellanum, Sacramenta omnia, & Aulicis suis, quin facultatem expeteret a quovis alio: cujus Pontificiæ concessionis diploma exhibet Wadingus ad calcem tom. 8. *Annalium*. Translatus deinde ad Ecclesiam Paëstensem, & Liparensem; cum anno 1385. occupaverit Liparim insulam Ladislao Rex Neapolitanorum, huic adhæsit, a quo donatus est muere Magistri suæ Regalis Capellæ. Exinde Martini Regis, qui Friderico III. successerat, ductæ Maria ejus filia, iram in se concitavit, prohibitusque a gerendo Episcopatu Paëstensi, quem Rex concessit anno 1392. Joanni de Aragonia filio Vinciguerræ de Aragonia, Magni Cancellarii Siciliæ. Ubertinus tamen adhuc Paëstensis, & Liparenfis Episcopus dicitur anno 1392. De eo Pirrus in notitiis illarum Ecclesiarum.

XVI. ABBAS GENTILIS DE SANCTO ANGELO DE FASANELLA Magister Regalis Capellæ sub Joanna II. circa annum 1422. Huic Joanna Regina litteras dedit eo anno, ut ad Rem Divinam faciendam in Regali Capella octo adessent Capellani, quibus alendis constituit annuos proventus centum uncias argenti & Beneficiis Regii juris percipiendos, distribuendosque auctoritate Magistri Regalis Capellæ; cui viginti uncias, singulis vero Capellanis uncias deceni voluit singulis annis erogandas. Exhibet hæc litteras tom. 4. MSS. Chioccarellus.

XVII. JOANNEM INCIUM Majoricensem ex Ordine Prædicatorum, Confessarium, & Majorem Capellanum Alphonfi Regis, & anno 1423. Episcopum Syracusanum, deinde translatum ad Episcopatum Majoricensem memorat Pirrus in *Episcopis Syracusanis*. Is idem Episcopus

Ma-

Majoricensis, Confessarius Alphonfi Regis adfuit ei morienti, uti scribit Summontius in Historia Neapolitana. 313

XVIII. DOMINICUS KARACH seu DE EXARCHIS de Aragonia, Major Capellanus Alphonfi Regis, & Magister Regalis Capellæ anno 1445. uti constat ex litteris datis hoc anno ab Alphonso, die 20. Junii, quas e Regis Tabulariis protulit citato loco Chioccarellus. Hunc patria fuisse Barcinonensem, professione vero Monachum Cisterciensem, tum anno 1450. Episcopum Pactensem, & anno sequenti Pontificem Agrigentinum, scribit Pirrus in hujus Ecclesiæ notitia. Anno 1452. adhuc fungebatur Majoris Capellani officio: siquidem in quibusdam Alphonfi Regis litteris eo anno datis, & a Chioccarello relatis, ut Nicolaum de Rainaldo Diocesis Vicanensis in Regios adscriberet Capellanos, legitur in earum calce: *Visa per Dominicum Capellanum Majorem*. Hunc eundem anno 1465. Oratorem egisse apud Joannem Siciliæ ultra Pharum Regem pro rebus Siculis componendis, & obiisse Romæ anno 1471. Pirrus testatur.

XIX. URUSUS LEO DE LEONE Arianensis, Major Capellanus Alphonfi Regis, & patris Antistes. De eo ita scribunt Fabius Barberius, & Ugheilius in Episcopis Arianensibus: *Hic Præsul, qui fuit Patritius Ariani, jam satis dilectus ab Alphonso Neapolis Rege ob ingentem ejus eruditionem, fidelitatem, atque in agendo eximiam peritiam. Idcirco antequam patria Episcopus cooptaretur, non solum fuit Major Capellanus ipsius Regis, sed etiam peritus Orator, atque ita aliquot annis in Curia versatus est, quamvis meritis pro se suisque posteris quedam privilegia, & quidem non minoris momenti ab eo obtinere. Fuerat etiam Canonicus, & Thesaurarius Ecclesiæ Arianensis circa annum 1448. tum Episcopus circa annum 1449. obiitque circa annum 1470.*

XX. JOANNES GERALDINUS nobilis Amerinus, Pontificii Juris peritissimus, post diuturnam in Romana Curia moram, ubi Abbreviatoris munus exercuit, Alphonfi Regis, & Ducis Calabriae egit Majorem Capellanum, & anno 1467. Episcopum Catacensem; cui Ecclesiæ præfuit usque ad annum 1485. quo e vivis decessit. Is etiam Oratorem egit Alphonfi Regis apud Romanum Pontificem. Ex eadem familia prodiit Alexander Geraldinus Episcopus Ultrariensis, Major Capellanus Ferdinandi Catholici Hispaniæ Regis, rerum gerendarum peritissimus, sanctis legationibus, ac muneribus, editisque libris clarissimus, cujus vitam scripsit Onofrius Geraldinus.

XXI. PETRUS BRUSCA sive BRUNA Hispanus, Episcopus Averfanus, Major Capellanus Ferdinandi I. Neapolitani Regis, circa annum 1473. Hoc enim anno, die 3. Decembris, Rex Ferdinandus litteris suis graviter monuit Umbriaticensem Episcopum, ut nisi vellet Regis iram in se provocare, abstineret a serenda sententia in causa Caroli Pycitæ Regii Capellani, quinimo hujus causam fineret ab Episcopo Averfano Majore Capellano discuti, ac definiri. Idem Rex scripsit Averfano Antistiti Capellano Majori, ut ne Capellanus quidam Regius, cui nomen Matthæus de Lauro,olvere cogeretur decimas suorum Beneficiorum, a quibus solvendis, tamquam Capellanus Regius, erat immunis. Extant hæ litteræ apud Chioccarellum. Hunc Ugheilius in Episcopis Averfanis scribit donatum Episcopatu anno 1467. & obiisse anno 1474.

XXII. JULIANUS MYRTUS FRANGIPANUS Cajacensis civis, & Ant-

tistes, a Ferdinando I. Rege, apud quem plurimum valebat gratia, & existimatione, preficitur Neapolitano Gymnasio, inter Regios adscribitur Consiliarios, ac Majoris Capellani munere exornatur in locum defuncti Episcopi Aversani. Præfuit Cajacensi Ecclesiæ annis novem, & Rege favente translatus est ad Tropejensem Ecclesiæ anno 1480. Mortuo Ferdinando Rege, una cum quibusdam Aula Proceribus, & Joanne Brocharto Magistro cæremoniarum Pontificiarum moderatus est totum ordinem Coronationis Alphonsi II. Regis, nuptiasque conciliavit inter Sanciam Regis filiam, & Joffredum Borgia Alexandri VI. confanguineum, uti dictum fuit, cum de Coronatione, & Nuptiis Regum egimus. Tropeæ obiit anno 1500. sepultus in Cathedrali: cujus cenotaphium ex ædibus Myrtanorum Galatinæ civitatis, ita refert Ughellius; *Julianus Myrtus Episcopus Tropejensis, olim Cajacensis, Inviolatissimi, & Serenissimi D. Ferdinandi de Aragonia Sicilia Regis Major Capellanus, & Consiliarius, ac Almi Studii Neapolitani Gubernator. Anno Domini MCCCCLXXXII. Julianum laudant Ughellius, Ammiratus, & Zazzera de familia Myrta Frangipana.*

XXIII. JOANNES DE MEDIOLANO Monachus Olivetanus dicitur Major Capellanus Alphonsi II. Neapolitani Regis a Joanne Brocharto Magistro cæremoniarum in suis Diariis MSS. ubi narrat Coronationem Alphonsi II. anno 1494. Ibi enim hi nominantur, qui Regi in Solio adhærere, eundemque de Solio ad Altare comitari debebant; *D. Julianus Episcopus, qui Regi super thalamo genuflexo a sinistris Regis erat genuflexus, & Frater Joannes de Mediolano, Ordinis Montis Oliveri, Capellanus Major a dextris Regis erit, ut supra genuflexus, & ambo de Missali Regi servient.* Cum duo in hisce Diariis occurrant Majores Capellani Alphonsi II. Regis, nempe Julianus Episcopus Tropejensis, & Joannes hic Monachus Olivetanus, dicendum est, hunc vel absente ab Aula Tropejensi Præfule, vel cum Alphonsus Dux erat Calabriae gessisse officium Capellani Majoris. Illius tamen expresse non meminit Lancellottus in Historia Olivetana, etsi innuat Alphonsum duos ex Olivetanorum Ordine sibi a sacris rebus habuisse, quorum unum nominat Fratrem Michaellem Volaterranum ejus Confessarium. Quam vero fuerit Alphonsus II. Olivetanis Monachis addictus, idem tradit Lancellottus. Hiuc Isabellam Friderici Aragonii Regno dejecti conjugem, magna oppressam calamitate, grato animo; subministrata pecunia adjuvarunt.

XXIV. JOANNEM CASTRIOTUM nobilissimæ familiz ex patre Bernardo Castrioto Comite Galatonis, & Copertini natum, agisse Majorem Capellanum Ferdinandi II. Neapolitani Regis circa annum 1496. scribit Pirrus in notitia Ecclesiæ Mazariensis. Is idem, uti refert Pirrus, cum esset annorum decem & octo, constitutus est Administrator Mazariensis Ecclesiæ, obtinuitque a Pontifice, ut Episcopalia munia ab aliquo Antistite ab eo nominando in illa Ecclesia exercerentur, donec ipse ad vigesimum septimum ætatis annum perveniret. At anno 1503. se abdicavit Episcopatu. Porro Ferdinandus II. regnare coepit anno 1495. cum Alphonsus II. ejus parens, Caroli VIII. Galliarum Regis armis, & sudditorum odio territus, imperio sponte cessit, quod anno uno administraverat. Tum Ferdinando II. immatura morte perempto successit anno 1496. Fridericus patruus, Princeps Altavæ, qui ad annum usque 1503. imperium armis exagitatum tenuit. Quare Castriotus anno 1495. & sequenti, Majorem egit Capellanum.

XXV.

XXV. EPISCOPUS TRIVENTINUS, regnante Friderico Aragonio, anno 1500. Majoris Capellani dignitatem inducat, uti colligitur ex Archivo ejusdem Curie. Ea ætate Triventinam administrabat Ecclesiam Thomas Carala, quem judicio gravem, & Aulæ ingenio accommodatum, Ferdinando Regi charum, & ejus favore Triventinam conscendisse sedem, & a Sixto IV. immunitatem, exemptionemque suæ Ecclesiæ obtinuisse scribit Ughellius. Sed anno eodem vivis ereptus est.

XXVI. JOANNES MARIA PUDERICUS, Neapolitanus, claris ortus natalibus, ab Innocentio VIII. anno 1491. fit Archiepiscopus Nazarenus, & a Ferdinando Catholico Hispanorum, & Neapolitanorum Rege fit Major Capellanus circa annum 1505. Præfuit Ecclesiæ Nazarenæ decem ac novem annis, translatusque ad Ecclesiam Tarentinam, hanc per annos plures administravit, obiitque Neapoli anno 1535. sepultus in Divi Laurentii, cum hac inscriptione: *Joanni Mariae Puderico Tarentinorum Pontifici, ac intimo Regum Consiliario, de patria, suæque familia optime merito, Paulus Pudericus patruo benemerenti pusillum gratitudinis munus posuit. A. D. MDXXXV.* De eo Lellus agens de Pudericorum familia.

XXVII. ANTONIUM JACCONIAM Licensem, Ugentinorum Antistitem, deinde Puteolanum, obiisse munus Capellani Majoris circa annum 1514. indicant Archivum Curie, & epitaphium in Cathedrali Puteolana illius sepulcro insculptum: *Antonius Jacconia Licienfis, Episcop. Puteol. Majorque Reginalis Capellanus LXX. an. cum omni integritate vixit, suam Pontificiam dignitatem XX. an. officiose gessit, vitæ munere defunctus MDXIV. Christi. Anno vero III. Sanctissims Papæ Leonis conditur: tamen hic sibi tumulum, ubi suos insignes virtutum titulos etiam post funera servat. Omnes hic in Christo legentes valete, & pro eo semper Jesum orate.* Is quidem eo officio functus est; cum Joanna Aragonia Ferdinandi Catholici filia, & hæres, Philippo Austriaco nupta, salutata est Neapolitanorum Regina. Et hinc fortasse in epitaphio dicitur *Major Reginalis Capellanus.*

XXVIII. JOANNES RUFFUS DE THEODOLIS Forolivienfis, Archiepiscopus Cosentinus, & Major Capellanus anno 1510. Carolo V. imperante, Prorege Carolo de Lanoja. Hunc a Julio II. Pontifice creatum Bertinorii Episcopum, deinde anno 1511. translatum ad Ecclesiam Cosentinam, in locum Francisci Borgiæ, quem Cardinalatu, & Episcopatu dejecerat, scribit Ughellius in Episcopis Cosentinis. A Leone X. Nuncius Apostolicus in Hispaniam missus, Caroli V. Imperatoris gratiam sibi conciliavit, a quo auctus est dignitate Majoris Capellani, & Episcopatu Gadicensi, quem tamen dimisit in favorem Hieronymi fratris filii. Adriano VI. dum Cardinalis erat familiariter usus est, illique postea ad supremum Pontificatum evecto, in gravissimis expediendis negotiis egregiam operam præstitit. Demum Romanæ Ecclesiæ Thesaurarius generalis vivis excessit Romæ anno 1528. sub Clemente VII. jacetque in Ecclesia S. Mariæ de Populo.

XXIX. CAROLUS DE ARAGONIA Hispanus subrogatus est Archiepiscopo Cosentino, ac Majorem egit Capellanum anno 1528. Carolo V. regnante, Prorege Philippo de Chalon Arausicanorum Principe.

XXX. THOMAS CARACCIOLUS genere, & virtute clarissimus, Episcopus Triventinus, Major Capellanus anno 1531. imperante Carolo V. & Prorege Petro de Toletto Villefranchæ Marchione. Is Carolum V. Imperatorem Neapolim adeuntem tamquam Major Capellanus ad-

ſperſit aqua benediſta in Eccleſia Cathedrali Neapolitana, & apud eundem, dum Neapoli degeret, perfunctus eſt ſacro miniſterio. Is idem primum jecit lapidem in erectione Eccleſiæ S. Jacobi gentis Hiſpanæ, uti ſcribit Engenius in Neapoli ſacra. Anno 1536. translatus ad Capuanum Archiepiſcopatum. Obiit anno 1546. ac tumulatus eſt in Eccleſia S. Catharinæ de Formello Ordinis Prædicatorum, ut idem reſert Engenius.

XXXI. JOANNES FONSECA Hiſpanus ſucceſſit Archiepiſcopo Capuano in Capellani Majoris munere, anno 1537. eodemque anno ex nominatione Caroli V. Imperatoris a Paulo III. præſicitur Eccleſiæ Stabienſi, ſeu Caſtrimaris. Interfuit Concilio Tridentino, obiitque anno 1562.

XXXII. BERNARDINUS DE FIGUEROA Granatenſis, Archiepiſcopus Nazarenus anno 1553. hoc ſungebatur officio, Philippo II. regnante. Translatus anno 1572. ad Eccleſiam Brundufinam, præſuit huic Eccleſiæ annis quatuordecim.

XXXIII. ANTONIUS LAURO nobili familia Amantheæ oriundus, Epicoſpus Stabienſis, ſeu Caſtrimaris, præſuit Sacello Regio uſque ad annum 1577. quo Neapoli vivis exceſſit, ſepultus in Eccleſia S. Mariæ Gratiarum, cum hoc epitaphio: *D. O. M. Antonius Laureus nobili familia Amanthea oriundus, Stabienſium Epicoſpus, Regii Sacelli Antifiteſ, Publici Gymnaſii Præſectus, Neapolitani Collegii primarius, vetere juris prudentia, conſilii magnitudine, ſpectata in rebus maximis fide. Philippo Regi a Conſiliis, & Patriæ æque charus. Hic ſitus eſt. Vix An. LXXIX. obiit An. MDLXXVII. Bartholomæus, Jacobus Laurei Patruo B. M. cum lechrymis PP.*

XXXIV. VINCENTIUS SPINELLI ex præclaro genere natus, Oppidenſis Antifiteſ, Majoris Capellani officium adminiſtravit uſque ad annum 1580. quo mortem ſubiit, imperante Philippo II. & Prorege Mondejarenſium Marchione. Abdicaverat tamen ſe Oppidenſi Sacerdotio ab anno 1561. Jacet in Eccleſia S. Petri de Majella in gentilitio Sacello, hac inſcriptione ab Engenio relata: *Vincentio Spinello J. V. D. Marini F. Oppiden Epicoſpo, Fabricæ S. Petri de Urbe Generali Commiſſario, in Regno Neapolitano Regio Capellano Majori, vir in tuenda integritate conſtanti, atque in rebus agendis ſolerti, qui majora ſtudiis mereri, quam adipiſci, quique jam ſexagenarius mortem obiit anno 1580. Jacobus Spinellus Fratri amantiſſimo memoriam P.*

XXXV. FABIVS PULVERINVS Epicoſpus Iſclanus ab anno 1580. quo Spinellus ſupremum obiit, per duos ſere annos, hoc officio functus eſt. Hunc autem vivis ereptum anno 1590. ſcribit Ughellius.

XXXVI. GABRIEL SANCHEZ DE LUNA Alphonſi Grottulenſium Marchionis, Regii æarii ſupremi Præſecti, Regique Conſiliarii filius, Protonotariatu Apoſtolico, & Abbatia S. Joannis Majoris a Clemente VIII. donatus, & a Philippo II. Rege pluribus Beneficiis Regii juris auctus, nempe S. Nicolai de Pergoneto, S. Nicolai de Bucciano, S. Catharinæ de Celano, S. Philippi de Lauria, Majorem egit Capellannum ab anno 1581. uſque ad annum 1611. Hunc plurimum commendat Lellus agens de familia Sanchez, atque illum a Philippo III. ob egregie navatam operam in ſuo exequendo munere, adſcitum fuiſſe in Collaterales Conſiliarios Status, quem gradum Clericis conferre, antea minime erat conſuetum, ita ut primus ille fuerit e Clericorum Ordine, qui eam occupaverit dignitatem.

XXXVII.

XXXVII. CAROLUS CATALANUS Patritius Averfanus, Antonii Regii Confiliarii filius, Episcopus Cotroneus, præfuit Sacello Regio anno 1611. & supremo fato functus est Neapoli anno 1622. jacetque in D. Joseph Ecclesia.

XXXVIII. JOANNEM DE MATTUDE Hispanum, huic præfectum officio anno 1616. sub Philippo III. indicat Archivum Curiz.

XXXIX. JOANNES EPISCOPUS UXENTINUS ex eodem Archivo se prodit in eodem munere, anno 1619. Is vero fuit Fr. Joannes Bravo de Lugana Hispanus, Ordinis Eremitarum S. Augustini, Provinciæ Baticæ, qui deinde anno 1627. se abdicavit Episcopatu, ac Matriti obiit post annos septem.

XL. ALVARUS DE TOLEDO Hispanus hanc provinciam administravit circa annum 1620. qua ætate, Regnum Neapolitanum moderabatur Antonius Alvarus de Toledo Dux Albanorum, nomine Philippi III. Hispaniæ Regis.

XLI. PAULUS CAJATIA Patritius Capuanus J. V. D. & in Neapolitano Gymnasio Pontificii juris interpres, Major Capellanus anno 1624. & Episcopus Arianensis. Præfuit huic Ecclesiæ annis tribus supra viginti, deque ea optime meritus, obiit anno 1647. tumulatus in Ecclesia S. Mariæ Novæ Neapoli, cum hac inscriptione: *D. O. M. Paulo Cajatia Patritio Capuano, Arianæ Episcopo, Regii olim Sacelli Majori Capellano, qui juris Canonici interpres, & vindex, sapientiæ gloria nobilitatem auxit, e Galterio Cajatia deductam, qui Capuam in Rempublicam Friderico Barbarossa sacrorum societate interdicto instituit, signavitque diplomata manu sua, & laureata. Paulus Cajatia acpos funebre hoc amoris monumentum an. Dom. MDCCXLVII. M. P.*

XLII. JOANNES SALAMANCA Hispanus, regnante Philippo IV. & sub Proregibus Parafanio de Ribera Duce Alcalensium, Emanuele Zunica Comite Montisregii eo munereungebatur, ab anno 1631.

XLIII. CAROLUS MARANTA Venusinus, vir doctissimus, causarum in Foro Neapolitano Patronus, Consultor Apostolicæ Nunciaturæ, Episcopus Juvenacensis, deinde Tropejensis ab anno 1637. officium gessit Capellani Majoris. Opus edidit pluribus distinctum tomis, cui titulus: *Controversiarum juris utriusque Responsionum in Foro causarum Ecclesiastico præsertim discussarum, & ad pias causas.* Scripsit quoque librum: *Medulla Decreti alphabeticis distincta litteris, in qua quicquid in Decreto continetur, per propositiones distinctas producur.* Scripsit etiam: *Apologeticum Tractatum pro juribus Ecclesiæ.* Carolus laudant Ughellius, & in Bibliotheca Neapolitana Toppius. Obiit anno 1666.

VLIV. JOANNES CESPEDES Hispanus, Capellanus Honorarius Aulæ Hispanæ, successor datus est Marantæ in eodem Capellani Majoris officio, quo perfunctus videtur usque ad annum 1676.

XLV. HIERONYMO LA MARRA nobili Neapolitano, collatum deinde est Aulicum Sacerdotium, cui præfuit usque ad annum 1693. Carolo II. imperante.

XLVI. DIDACUS VINCENTIUS VIDANIA Hispanus, e Consilii Colateralis Regentium numero, diu hoc idem administravit officium sub Carolo II. Philippo V. Hispaniæ Regibus, & Carolo VI. Imperatore, usque ad annum 1732. quo centenarius major vivis excessit.

XLVII. CÆLESTINUS GALIANUS, Foggiz natus, Monachus Congregationis S. Petri Cælestini Ordinis S. Benedicti, vir doctissimus, suc-

cessor datus est Vidanio, simulque Archiepiscopatu Tarentino auctus a Imperatore Carolo VI. Prorege Comite de Harach. Romæ in Monasterio S. Eusebii Theologiam, & in Archigymnasio Sapientiæ Historiam Ecclesiasticam magna cum laude docuerat; ibique plurimum doctorum virorum, & Cardinalium familiaritate usus, præsertim Alvari Cianfuegos Oratoris Caroli VI. Imperatoris, cui suam operam præstitit pro restituenda Sicula Morfarchia. Illum tamquam rerum Mathematicarum peritissimum Clemens XI. Bononiam misit, ut exploraret, sententiamque diceret, quibus modis aquæ stativæ in agro Bononienfi, quæ magnam incolis perniciem inferunt, perennes fierent, ac in Padi alveum effluerent. Dum sui Ordinis supremam præfecturam gereret, jubente Carolo VI. Imperatore vocatur anno 1731. ad Aulicum Præsulatum, & ad Tarentinam Ecclesiam regendam: qua tamen se abdicavit, donatus titulo Archiepiscopalis Ecclesiæ Thessalonicensis. Regnante deinde CAROLO BORBONIO mittitur Romam anno 1740. ut una cum Cardinale Trojano Acquaviva, Regis apud Pontificem Ministro, ageret de ineundo Concordato inter Sacerdotium, & Imperium. Sed & ab eodem Pontifice antiqua jura Majoris Capellani Neapolitani Regni confirmari, ac nova insuper addi, edita ad hanc rem Bulla mox exhibenda, curavit, obtinuitque Galianus. Quoniam vero novis Concordatis statutum fuerat, ut in quibusdam negotiis mixti fori, neque soli Judices Ecclesiastici, neque soli laici jus redderent; sed Magistratus quidam immineret ex Ministris Ecclesiasticis a Romano Pontifice, laicisque a Rege designatis, unde Tribunal mixtum nuncupatur, cui presset Antistes mutuo consensu Papæ, Regisque, eligendus; hinc primus Præfès datus est Galianus huic Magistratui. Dum vero is Romæ ageret, interim in Aula Neapolitana vicario nomine munus Capellani Majoris administrarunt Dominicus Rossi ex Episcopo Catacensi, Melfhiensis, postea Archiepiscopus Panormitanus, & Nicolaus Rosa Episcopus Puteolanus, Antistites ornatissimi. In bello ad Velitras gesto, Regem, & castra sequutus est, ut sacrum ministerium in Aula, & castris moderaretur. Obiit die 23. Junii anno 1753. ætatis suæ septuagesimo secundo, sepultus in Cœlestinorum Ecclesia sub titulo Dominicæ Ascensionis.

XLVIII. NICOLAUS ROSA ex Marchionibus Villarosæ natus anno 1693. Canonicus Metropolitanæ Ecclesiæ Neapolitanæ, ab Imperatore Carolo VI. nominatus ad Episcopatum Puteolanum anno 1733. datus est a CAROLO BORBONIO Rege, successor Galiano, cujus ab Aula absentis non semel egerat vices. Addita quoque ei est Tribunalis mixti præfectura. De Puteolana Ecclesia, quam insigni suppellestile, & aliis auxit beneficiis, deque Aulico Sacerdotio, publici Gymnasii regimine, & aliis muneribus, quibus sanctissime fungitur, optime meritus, vivit Præsul religiosissimus.



SANCTISSIMI IN CHRISTO PATRIS
B E N E D I C T I XIV.

P O N T I F I C I S M A X I M I

C O N S T I T U T I O

*SUPER JURISDICTIONE ET FACULTATIBUS
CAPELLANI MAJORIS REGNI
NEAPOLITANI.*

B E N E D I C T U S E P I S C O P U S
S E R V U S S E R V O R U M D E I

Ad perpetuam rei memoriam.

Convenit providæ Apostolicæ Sedis benignitati facilem se, & liberalem ostendere in gratiis, & favoribus elargiendis Christianis Principibus, qui ex præclaris majorum suorum meritis, & suarum virtutum ornamentis, pietate erga Deum, devotione, & obsequio erga hanc Sanctam Sedem in conspectu omnium splendere noscuntur, piisque eorum votis libenter annuere, quæ ad Dei gloriam, & quietem, ac tranquillitatem sacrorum ministrorum procurandam conducunt, eorum præsertim, qui sacro suarum Capellarum servitio adscripti in Regiis Aulis versantur, ut Christi fidelibus ibidem commorantibus, vel interservientibus, Sacrosanctæ Ecclesiæ Sacramenta administrent, eosque verbo, & exemplo ad pietatem, & religionem instruant, atque informant.

Sane dilectus Filius noster Trojanus tituli S. Cæciliæ S. Romanæ Ecclesiæ Presbyter Cardinalis de Acquaviva nuncupatus pro parte carissimi in Christo Filii nostri Caroli Siciliæ, & Hierusalem cum tota terra citra Pharum Regis Illustris, & Hispaniarum Infantis Nobis nuper exposuit, quod a tempore, cujus memoria non existat, ad Capellæ Regiæ Capellanum Majorem in toto Regno Neapolitano pro tempore existentem non solum cura spiritualis Regiæ familiæ, consanguineorum, affinium, ac omnium personarum in Curia, seu Aula Neapoli existente commorantium, ipsamque Curiam frequentium pertinet; sed & in quibusvis Civitatibus, Oppidis, & locis in quibus Rex pro tempore existens, Regiæque familia residere contigerit continue, vel ad tempus, curam animarum familiæ Regiæ, omniumque, & singularum personarum tam ex propriis Regnis, & Dominiis originem habentium, quam extraneorum cujuscumque status, gradus, ordinis, & conditionis, & præminentie existentium, tam Ecclesiastico-

ficorum, quam sæcularium, (Archiepiscopis & Episcopis exceptis,) & insuper omnium militum, & Officialium, aliarumque personarum cujuscunque ordinis & gradus in castris, arcibus, fortalitiis, exercitiis, nec non trimibus, navibus, ratibus, aliisque hujusmodi maritimis lignis Regio famulatus inservientium & militantium, exercere, earumque Rector in spiritualibus nuncupari, easque corrigere, & visitare, ac in eisdem omnimodam jurisdictionem ordinariam, omnia & singula alia; quæ Archiepiscopi & Episcopi, ac alii locorum Ordinarii in Dioecesebus suis de jure vel consuetudine, aut alias quomolibet facere, & exercere consueverunt, idem Capellanus in prænominatas personas non solum in Regia Capella, & palatio, sed in omnibus aliis supranominatis ac designatis locis exercere, vel per se, vel per alios Ministros, & Capellanos a se deputatos solet.

Cum autem ex hujusmodi facultatum usu, & exercitio plura dubia, questiones, & dissidia inter Archiepiscopos, & Episcopos Regni Neapolitani, & prædictum Capellanum Majorem exorta fuerint, quæ adhuc vigent, & graviora in diem non sine fidelium scandalo timeri possunt, nomine prædicti Caroli Regis pro eximia sua pietate hujusmodi malo congrua adhibere remedia cupientis supplicavit, ut omnes & singulas facultates, jura, & prærogativas in quacunque personas, & in quibuscunque locis, Capellano Majori totius Regni Neapolitani pro tempore existenti ex antiqua & immemorabili consuetudine, vel etiam ex indulto, & privilegio Sedis Apostolicæ, vel alia quacunque ratione competentes, nostræ confirmationis robore communire, easque nominatim, & expresse designare, earum terminos, & limites præscribere, & definire, & quatenus opus sit, de novo rursus concedere, & elargiri dignaremur, atque alias salubriter providere ad tollendas omnes controversias, & dissensiones abolendas, prout in Domino conspiciamus expedire.

Nos, qui de præmissis omnibus sufficienter instructi sumus, supplicationibus prædicti Caroli Regis humiliter Nobis a prædicto Cardinali de Acquaviva porrectis inclinati, & laudabili ejus desiderio, & commendabili pro pace, & concordia inter sacros ministros retinenda, fovendaque studio satisfacere volentes, eumque gratis, & favoribus prosequi singularibus cupientes, etiam omnium disputationum, & juriorum causas prorsus eliminare, ac periculis, quæ exinde fidelium animabus imminere possunt, opportune occurrere; & præterea dirigentes considerationis nostræ intuitum ad personam Venerabilis Fratris nostri Cœlestini Archiepiscopi Thessalonicensis moderni Capellani Majoris in toto Regno Neapolitano, ejusque successorum, quos a provida dicti Caroli Regis, & Hispaniarum Infantis, suorumque in prædicto Regno successorum vigilantia, & prudentia ei non abimiles electum iri minime dubitamus, in ejus, eorumque probitare, zeloque Divini cultus, & in rebus Ecclesiasticis peritia ac scientia, recte ac prudenter hujusmodi facultatibus, Indultis, Privilegiis, Gratiis, & Concessionibus ad decorem domus Dei, & animarum salutem usus esse, minimeque in subversionem Ecclesiasticæ disciplinæ, & perturbationem Episcopalis jurisdictionis abusuros, certo confidimus, & in Domino obsecramus. Propterea abrogatis in futurum, & penitus submotis quibuscunque, quæ contra & præter præsentium tenorem hætenus quomodolibet observata, vel prætensa fuerant, ex certa scientia, & matura deliberatione nostra, deque Apostolicæ potestatis plenitu-

nitadine, adhibito etiam nonnullorum Venerabilium Fratrum nostrorum Sanctæ Ecclesiæ Cardinalium consilio, tenore præsentium volumus, & decernimus.

I. Ut Regia Capella in Regali Palatio Neapoli existens omnia & singula jura, & prærogativas, excepto tamen jure asyli, quibus publicæ Ecclesiæ fruuntur, habeat, ac potiat, in eaque liceat Divina Officia, horaque Canonicas ad Breviarii, ac Missalis Romani regulam, & formam, Romanumque morem, & usum recitare, & Missas per unam horam ante auroram, & unam post meridiem celebrare, seu recitari, & celebrari facere; in eaque Sacram Eucharistiam in Sacra Custodia, seu Tabernaculo decenter, & cum debito honore, & veneratione retinere; illamque pro gratiarum actione, vel ad Divinam opem implorandam, vel pro alia quacumque necessaria causa, & in Festo Corporis Christi, & per totam ejus octavam publicè fidelium venerationi exponere, & in uno ejusdem octavæ die circum eandem Capellam processionaliter deferre; in quinta autem, & sexta Feria majoris hebdomadæ Sacrum Domini Nostri Corpus, in Sacra Custodia, seu urna reponere, & pro religioso Ecclesiæ more monumentum, sepulturamque ejusdem Christi Domini, luminibus adhibitis, repræsentare. Præterea non solum in eadem Regia Capella, sed in omnibus Capellis Castrorum, seu Fortalitiorum Sacra Olea, & tempore navigationis Oleum extremæ Unctionis in Regiis triremibus, & navibus bellicis congruo honore, & reverentia servare, & custodire.

II. Insuper ut dictus Carolus Rex, ejusque in Regno Neapolitano Successores facultatem habeant nominandi, & eligendi Sacerdotem Sæcularem, vel Regularem ab Episcopo suo approbatum, & in Romanæ Ecclesiæ communione viventem, qui munere Capellani Majoris in toto Regno Neapolitano fungi, & pro majore officii sui decore, habitu, seu veste Prælatitia, quam in Romana Curia Prælati, sive Regulares, sive Sæculares gestare solent, pro sua conditione ac statu uti, absque tamen gestatione Crucis in pectore more Episcoporum, nisi sit in eadem Episcopali dignitate constitutus, possit; & insuper ab omni ordinaria jurisdictione exemptus, dumtaxat Nobis & Sedis Apostolicæ immediate subiectus existat. Tum etiam ut eidem Carolo Regi, ejusque in Regno successoribus, vel eorum Proregibus, vel per seipso, vel per dictum Capellanum Majorem alios inferiores Capellanos, & Scholares eligere, & deputare liceat pro servitio tam Regiæ Capellæ, quam pro indigentia Hospitalium, Militum, & Classiariorum, Regiorum castrorum, seu arcium, exercituum, triremium, navium, aliorumque hujusmodi Lignorum maritimarum actu, & revera Regi inservientium, dummodo tamen personæ eligendæ se de nullo crimine inquisitos esse, testimoniales literas suorum respectivè Ordinariorum, ac Superiorum exhibeant. Hujusmodi vero omnes Clerici, & Sacerdotes Regio servitio adscripti, eo durante, a Locorum Ordinariorum jurisdictione prorsus exempti, solum præfato Capellano Majori subiecti sint, quemadmodum per præsentem exemptos, & respectivè subiectos esse declaramus. Itaque idem Caparianus Major omnes, & singulas controversias, lites & causas tam civiles, quam criminales, seu mixtas, atque etiam beneficiales, exceptis tamen causis hæresis, tum omnes causas excipimus a Sacris Canonibus, & Apostolicis Constitutionibus Summo Pontifici privative reservatas, contra dictos Capellanos, Clericos, & Scholares dictæ Capellæ in ea actu ser-

vientes, nec non in dictis Castris, Arcibus, seu Fortalitiis, aliisque locis constitutos Clericos, & Capellanos ibidem & actu inservientes, extra tamen Romanam Curiam, motas, vel movendas, tam in prima, quam in secunda, & tertia instantia audire, cognoscere, sineque debito, omni appellatione remota, pro justitia terminare possit; ita tamen ut a dicto Carolo Rege, ejusque in Regno successoribus loco Ordinarii Assessoris alii novi Consultores tam in secunda, quam in tertia instantia, singuli in singulis, eo modo, qui nunc servari solet, nisi gravitas causæ plures in qualibet instantia eligendos exigit, destinentur: & quicumque locorum Ordinarii, aut alii Judices nec eidem Majori Capellano inhibere, nec in prædictos inferiores Capellanos, Clericos & Scholares in eadem Capella actu servientes, ac alios in eisdem Fortalitiis constitutos, & constituendos, & ibi residentes, & actu inservientes Capellanos, & Clericos, tanquam ab illorum jurisdictione prorsus exemptos, & totaliter liberatos, & dicto Capellano Majori dumtaxat immediate subiectos, ullam penitus superioritatem, dominium, & jurisdictionem prædictis respectibus exercere, aut se de illis quomodolibet intromittere valeant; sed prædicti Capellani, Scholares, & aliæ personæ Ecclesiasticæ ejusdem Capellæ, & Fortalitiorum, exercituum, tirremium, & locorum hujusmodi coram eodem Capellano Majori, seu ab eo Subdelegato Judice dumtaxat in omnibus causis tam motis, quam movendis extra Romanam Curiam de justitia respondere teneantur.

III. Ad hoc vero, ut præfatorum exemptorum numerus in immensum, & plus, quam oportet, non augeatur, & nimium præjudicium inseratur jurisdictioni Ordinariorum, eidem Capellano Majori vigore suarum facultatum non liceat alios Clericos, & Capellanos designare, & deputare, nisi eos, qui actuali servitio Ecclesiarum, Exercituum, Regiarumque navium necessarii sunt; qui in Castris, seu Fortalitiis totius Regni ejusque pertinentiis duo, aut tres in unoquoque Castro, seu Fortalitio esse debeant. In Exercitibus autem, Tirremibus, Navibus, aliisque Lignis maritimis, quæ Regi actu inserviunt, itemque in Hospitalibus militum, & Classiariorum illi solum, qui non modo actu inserviunt, sed etiam stipendia a Rege percipiunt. In Capella autem Regia, & in Castris, seu Fortalitiis in Civitate Neapolitana existentibus solum Capellani, Scholares, & Clerici, qui actu serviunt; ita tamen, ut Scholarium numerus actu Regiæ Capellæ inservientium ultra decem, & Ecclesiæ Parochiali S. Sebastiani ultra quatuor non egrediatur; omnium autem aliorum Capellanorum, & Clericorum, comprehensis etiam Capellanis honorariis, numerum nonaginta, ita ut omnes Capellani, Scholares, & Clerici Regiæ Capellæ servitio addicti, Castrorum, seu Fortalitiorum Urbis Neapolitanæ, ejusque adjacentium, connumeratis etiam Capellanis honorariis, centum numerum non excedant; præter quem numerum si eidem Carolo Regi, ejusque Successoribus aliis addere necessarium visum fuerit, id speciali dumtaxat ipsius Regis rescripto fiat, in cujus pietate, eorumque Successorum certam fiduciam habemus, si opus fuerit, seligendos fore probos Ecclesiasticos viros, literas testimoniales suorum respectivè Ordinariorum, ut præfertur, habentes, qui morum probitate aliis adificationi, esse possint, & eo tantum numero, qui ad Divinum cultum promovendum, & ad inserviendum Regiæ devotioni, & pietati necessarii omnino, & conveniens reputabitur; & ulterius

cujuslibet additorum nota Curia Archiepiscopali eam requirenti per Capellanum Majorem statim, ac sine ulla mora, & dilatione tradatur.

IV. Præterea volumus, & constituimus, quod ad eundem Capellanum Majorem pro tempore existentem pertineat directio, & superintendencia circa celebrationem Divinorum Officiorum, aliarumque Ecclesiasticarum functionum, quæ in eadem Regia Capella peragi consueverunt, & tam in ipsa, quam in Ecclesia Sancti Sebastiani, sita in Arce, seu Castronovo, etiam si Episcopali dignitate non sit insignitus, mitra, anulo, & baculo pastoralis, ac aliis Pontificalibus insigniis hujusmodi uti, nec non solemnem benedictionem post missarum, vesperarum, matutinorum, & aliorum Divinorum Officiorum solemniam super populum tum interessentem impertiri, & ducentorum dierum, si præsens Rex aut Regina fuerit, si autem Prorex, centum dierum, de injunctis sibi, aut quomodolibet debitis poenitentis indulgentiam, & remissionem ab omnibus fidelibus ibi præsentibus vere contritis & confessis consequendam auctoritate Apostolica concedere, & publicare possit: In aliis vero Ecclesiis, nisi coram Rege, aut Regina, aut Prorege, & dummodo Episcopus loci in eadem Ecclesia præsens non adsit, qui per se ipsum ea peragere desideret, ac velit, & insuper in Cathedralibus, & Metropolitanis, nisi ab Ordinario licentia obtenta, Pontificalia exercere nequeat.

V. Liceat autem eidem Capellano in quibuscumque Collegiatis, Parochialibus, & aliis inferioribus Ecclesiis Sæcularibus, & quorumvis Ordinum Regularibus, etiam Monialium in eodem Regno constitutis, non autem in Ecclesiis Cathedralibus, seu Metropolitanis, nisi de expressa suorum Ordinariorum licentia, ad quas eundem Regem, vel Reginam, aut Proregem pro tempore existentem devotionis, aut alia ex causa declinare contigerit, per se, aut alios Capellanos cum Scholaribus, & Capellæ prædictæ Ministris Divina Officia, & Missas tam privatas, quam solemnes celebrare, aut celebrari facere.

VI. Quotiescumque vero in eadem Regia Capella, & Ecclesia Parochiali Sancti Sebastiani, in aliis autem Ecclesiis cum Rex, aut Regina, aut Prorex præsentis aderunt, & Episcopus Loci in eadem Ecclesia præsens non reperiatur, verbum Dei annunciare opus fuerit, in ejus arbitrio sit, quemcumque velit, & idoneum censuerit, Evangelii Concionatorem accersire sive Sæcularem, sive Regularem, dummodo is ab hujusmodi prædicationis officio, si Sæcularis sit, a suo Ordinario, & ab Episcopo Loci, si vero Regularis, a suo Superiore Regulari suspensus, & interdictus non fuerit; sed in Ecclesiis, & Capellis ejus jurisdictioni subjectis, in quibus Rex aut Regina præsentis non aderunt, idem Capellanus Major Concionatorem eligat, qui tamen alias per Episcopum, si Sæcularis fuerit, si vero Regularis, etiam per ejus Superiorem Regularem ad verbum Dei prædicandum approbatus sit, ac licentiam, vel benedictionem juxta Concilii Tridentini decreta ab ipso Ordinario obtinere teneatur.

VII. Si vero Capellanus Major sit in Episcopali, seu Archiepiscopali Dignitate constitutus; prædictis Scholaribus Regiæ Capellæ, & Ecclesiæ Parochialis Sancti Sebastiani dumtaxat conferre primam tonsuram, ac deinceps ad omnes Ordines minores, atque etiam ad Ordines majores, seu Sacros juxta Sacrorum Canonum præscripta, & Apostolicarum Constitutionum regulas promovere; sin minus, datis

litteris testimonialibus super eorum ætate, vita, & moribus, titulo ordinationis, & idoneitate scientiæ eos remittere ad proprios Ordinarios ab ipsis promovendos: Si autem non sint Episcopi, aut ordinationes non habeant, a quocumque alio Episcopo in Regno Neapolitano existente, dummodo non sit Episcopus Titularis, & prænominati Scholares habeant omnes, & singulas qualitates Clericis promovendis in Regno Neapolitano præscriptas in novissimis Concordatis inter Sedem Apostolicam, & dictum Carolum Regem, & insuper in suprascripta Regia Capella, aut Ecclesia Parochiali Sancti Sebastiani per triennium continuum actu inservierint: præterea per se, aut alios a se deputatos ejusdem Regiæ Capellæ Capellanos, Scholares, & Clericos, qui propter violentam manuum injectionem in alios Clericos, citra tamen membrorum mutilationem, aut enormem læsionem, sententiam excommunicationis incurrerint, & hujusmodi sententia ligati Missas, & alia Divina Officia, non tamen in contemptum clavium, celebrando, irregularitatem aliquam contraxerint, ab eadem sententia excommunicationis, injuncta eis pro modo culpæ aliqua poenitentia salutari in forma Ecclesiæ consueta, absolvere, & super irregularitate prædicta dispensare, omnemque inhabilitatis, & infamiæ maculam, sive notam per eos propterea contractam abolere libere, ac licite possit, & valeat, & respective possint & valeant.

VIII. Insuper ut idem Capellanus Major pro tempore existens Regum, Reginarum, ac Filiorum, & singulorum utriusque sexus ipsorum Familiarium, ubicumque Rex, aut Regia Curia, seu Aula fuerit, etiam ruri recreationis causa, qui eis actu inservientes sint, & eorum impensis, uti familiares continui commensales, viventes, & aliorum omnium, qui in Regio Palatio, & viridario, & in navali, seu interiori portus parte, vulgo *Darsena*, & in Castris, seu Fortalitiis clausis Neapolitanæ Civitatis, ejusque adjacentis, nempe in Castro Novo, in Castro Ovi, & in Castris S. Herami, Bajæ, & Hisciaz, & in omnibus aliis locis supra nominatis ejusdem Capellani jurisdictioni subiectis morantur, & degunt, donec, & quousque in iisdem locis commorentur, animarum curam gerat æque, ac si eorum Rector, & proprius Parochus existeret, & per se, vel alium, seu alios Presbyteros Sæculares, vel quorumvis Ordinum Regulares de Superiorum suorum licentia, prævio tamen examine ab eodem Capellano Majori approbandos, & salva Regi, & Regiæ facultate eligendi sibi proprium Confessarium arbitrio suo ex Presbyteris ab eodem Capellano Majori approbatis, suprascriptorum omnium confessiones audire, eisque Sacramenta administrare etiam in mortis articulo; & tempore interdicti eorum corpora Ecclesiasticæ tradere sepulturæ, dummodo ipsi causam interdicto non dederint, neque per eos steterit, quo minus interdicto pareatur.

IX. Matrimonii etiam celebrandis, factis tamen prius denunciationibus, seu proclamationibus a Concilio Tridentino requisitis, si uterque contrahens in locis præsignatis habitent, & morentur; Si vero mulier ibi domicilium non habuerit, denunciations, seu proclamationes pro parte mulieris fiant, & matrimonium celebretur in Parochiali Ecclesia, intra cujus fines ipsa mulier commoratur; si autem aliqui ex prædictis Exteri fuerint, capta prius per loci Ordinarium informatione, ac ab eodem decreto gratis obtento, quod inter eos licite matrimonium celebrari valeat, similiter idem Capellanus Major, vel

vel alius, seu alii ab eo deputandi, nulla alterius Parochi licentia requisita, solemniter interesse; insuper filios infantes in iisdem locis natos, necnon Judæos, seu Turcas, sufficienter tamen prius catechizatos, quos in eorundem Regum præsentia ex quavis causa baptizari oportuerit, aut prædicti Reges tenere, seu suscipere voluerint, baptizare; ita tamen, ut baptizatorum, Parentumque, ac Compatrium, & Commatrum, necnon Matrimonio simul junctorum nomina describantur in libro, quem idem Capellanus Major, vel quisque Capellanus curatus in singulis prædictis locis habere, & penes se retinere debeat, ex quo ad omnem Ordinarium locorum, & partium requisitionem fides, seu attestations in forma solita tradantur.

X. Capellanos, & Presbyteros juxta numerum, ac modum supra stabilitum, ad audiendas Confessiones pro militaribus copiis tam Regis propriis, quam auxiliaribus, tam in Regno utriusque Siciliæ, quam extra, ubicumque ab eis interfaciendum, vel morandum esse contigerit, tum etiam pro servitio triremium, & Regiarum navium, & personarum in eis existentium deputatos, prævio examine, cæterisque servari solitis, approbare, & omnia Parochialia Sacramenta existentibus militibus in actuali itinere, & expeditione contra hostes, per eisdem administrari facere. Si autem milites in stationibus sint, præstati Capellani exhibere teneantur literas patentes ejusdem Capellani Majoris super eorum approbatione locorum Ordinariis, seu eorum Vicariis Generalibus, si præsentibus adsint; si vero absentes, Parochiis, in quorum Parochiis castra, seu stationes militum prædictorum posite sunt, a quibus licentia parochialia munera peragendi impertiri, & nullatenus, iisdem literis inspectis, denegari possit: Matrimonia autem coram Parocho loci cum interventu Capellani militum celebrentur, & quoad alia omnia Sacramenta, & functiones parochiales pergantur a Parochiis locorum, dummodo vocati interesse non reculent; Si autem adesse noluerit, liceat Capellano militum easdem functiones obire cum dimidia parte emolumentorum, quæ de jure integra ad Parochum loci spectarent; eademque omnia pro militibus stationariis præscripta, quoad milites in castris, seu Fortalitiis Regni non clausis existentes, & proprium Parochum non habentes, omnino servantur.

XI. Eisdem autem milites, ac Officiales, tempore tamen actualis expeditionis dumtaxat belli actu existentis contra hostes, a crimine hæresis, apostasie a fide, vel per se, vel per alios absolvere, ea tamen lege & conditione, ut hujusmodi facultas in Italia, ejusque Insulis adjacentibus, quoad eos dumtaxat locum habere debeat, qui nati sunt in locis, ubi hæresis impune grassatur, nec umquam errores judicialiter abjuraverint, vel Sanctæ Romanæ Ecclesiæ reconciliati fuerint.

XII. Omnibus insuper personis utriusque sexus in militaribus copiis existentibus, dum actualis expeditio contra hostes habetur, tam quadragesimalibus, quam aliis anni temporibus, & diebus, quibus usus carni, ovorum, casei, butyri, & aliorum lacticiniorum est prohibitus, eisdem ovis, caseo, butyro, & aliis lacticiniis, atque etiam carnibus, excepta tamen quoad carnes hebdomada Sancta, & omnibus diebus Veneris, & Sabbati totius anni, & servata forma jejunii, quatenus pro locorum, temporum, & personarum conditione fieri potest, præscripta in nostris literis novissime editis sub datum Romæ die xxx. Maji MDCCXLI. utendi, & vescendi licentiam impendere.

XIII. Insuper triremibus, & navibus pro Regis usu ac servitio-

no-

noviter constructis, tum etiam vexillis, aliisque rebus hujusmodi ad militiam spectantibus benedictionem in forma Ecclesiæ solita impartiri.

XIV. Et demum omnibus supranominatis personis utriusque sexus ejusdem Capellani Majoris curæ in spiritualibus commissis, ab observatione diei festi, si aliquod urgens opus in supradesignatis locis, nempe in Regia Aula, & Palatio, in Castris clausis Civitatis Neapolitanæ, in Navali, seu interiori Portus parte, vulgo *Darsena*, in hospitalibus claustrorum, & militum, aliisque hujusmodi facere necesse fuerit, dispensationem, cum obligatione tamen audiendi Missam, & aliquod aliud pium opus, quoad tempus, & occupatio, & personarum conditio sinet, obeundi, concedere: Illos insuper per se vel per alios Ecclesiasticos Viros, probos, & prudentes visitare, & corrigere, atque in eosdem omnimodam jurisdictionem ordinariam, atque omnia alia, quæ pro bona animarum curæ directione Archiepiscopi, & Episcopi, ac alii locorum Ordinarii in suis respective Diocæsis facere consueverunt, iis dumtaxat exceptis, quæ ad exercitum Ordinis Episcopalis pertinent, quæ in Regia Aula tantum, ubi Rex, & Regina, seu Prorex totius Regni moratur, & in Ecclesia Parochiali Sancti Sebastiani ab eo, si sit Episcopus, peragi posse volumus, & constituimus, libere facere, & exercere; iidemque omnibus, & singulis a quibuscumque eorum peccatis, criminibus, excessibus, & delictis quantumvis gravibus, & enormibus, etiam Episcopis, & locorum Ordinariis reservatis, de quibus ore confessi, & corde contriti fuerint, salutari pœnitentia pro modo, & gravitate culpæ imposita, debitam absolutionem vel per se, vel per alios impendere, & elargiri libere, ac licite possit, & valeat, auctoritate Apostolica, scientia, & potestate prædicta concedimus, & indulgemus.

XV. Decernentes præsentis literas, & in eis contenta quæcumque nullo umquam tempore de subreptionis, aut obreptionis, aut nullitatis vitio, seu intentionis nostræ, vel alio quovis etiam quantumvis magno & inexcogitato, & substantiali defectu, etiam ex eo quod super præmissis solemnitates, & alia quævis servanda, & adimplenda servata & adimpleta minime fuerint, aut ex alio quolibet capite a jure, vel facto, aut statuto, vel consuetudine aliqua resultante, aut quocumque alio colore, vel causa etiam tali, quæ ad effectum validitatis prædictorum specialiter exprimenda foret, notari, impugnari, aut in jus, vel in controversiam revocari, aut ad terminos juris reduci, vel adversus illas restitutionis in integrum, apertionis oris, aut aliud quodcumque juris, gratiæ, & justitiæ remedium impetrari non posse; sed illas semper, & perpetuo validas, & efficaces existere, suoque plenarios, & integros effectus sortiri ac perpetuo observari: Sicque, & non aliter per quoscumque Judices quavis auctoritate fungentes, etiam Sanctæ Romanæ Ecclesiæ Cardinales, & causarum Palatii Apostolici Auditores, sublata eis, & eorum cuilibet quavis aliter judicandi, interpretandi, & definiendi facultate, & auctoritate, ubique, & in quacumque instantia, interpretari, judicari, & definiari debere, irritum quoque, & inane quidquid secus super his a quocumque quavis auctoritate scienter, vel ignoranter contigerit attentari. Non obstantibus quibuscumque Apostolicis, necnon in Provincialibus, vel Generalibus Conciliis editis constitutionibus, & ordinationibus, necnon quibuscumque Ecclesiarum, & Monasteriorum, & Ordinum quorum-


rumlibet, atque etiam dictæ Ecclesiæ Neapolitanæ, juramento, confirmatione Apostolica, vel quavis firmitate alia roboratis, statutis, consuetudinibus, Privilegiis quoque & indultis, & literis Apostolicis contra præmissa quomodolibet editis, concessis, confirmatis, & innovatis; quibus omnibus, & singulis, etiam si pro illorum sufficienti derogatione de illis, eorumque totis tenoribus specialis mentio, seu quævis alia expressio habenda, aut aliqua alia singularis forma ad hoc servanda foret, illorum omnium, & singulorum tenores perinde, ac si de verbo ad verbum, nil penitus omisso, & forma in illis tradita observata, præsentibus inserti foret, pro plene & sufficienter expressis, ac insertis habentes, illis alias in suo robore permansuris, hac vice dumtaxat harum serie ad effectum præmissorum scientia, & potestatis plenitudine similibus derogamus, & ad plenum derogatum esse volumus, & declaramus, cæterisque contrariis quibuscumque. Volumus denique, mandamus, & decernimus, quod tam ipse Capellanus Major, quam alii supradicti de cætero, nullis aliis, præter quam supra expressis facultatibus, privilegiis, gratiis, & indultis, & quoad personas, res, loca & casus supra expressos dumtaxat respective uti valeant, nec etiam aliam ipse Capellanus Major, quam supra expressam jurisdictionem, & superioritatem in Ecclesiis, & Capellis, ac personis hujusmodi habere, exercere, vel vindicare, aut prætere, etiam vigore extensionis, seu comprehensionis, seu etiam rationis Majoritatis, aut sub pretextu cujuscumque privilegii, aut indulti præsertim Leonis X. aut quorumcumque aliorum Prædecessorum nostrorum, seu Regaliæ, aut possessionis etiam immemorabilis, & tituli ex ea resultantis, scientia, patientia, & tolerantia quorumcumque Superiorum, & Ordinariorum, etiam Sedis Apostolicæ, roboratæ, nequaquam possit. Nos enim quascumque alias facultates, exemptiones, privilegia, gratias, & indulta per quoscumque Romanos Pontifices, & præsertim Leonem prædictum, Prædecessores nostros, ac Sedem Apostolicam Capellæ Regiæ Capellano Majori, aliisque superscriptis personis hæcenus concessa, literasque Apostolicas etiam in forma Brevis, aut sub plumbo, aut alias quomodolibet, & quibuscumque clausulis, & conditionibus desuper expeditas, motu proprio, scientia, & potestatis plenitudine paribus perpetuo revocamus, annullamus, cassamus, & abolimus, ac revocata, annullata, cassa, & abolita esse declaramus, & quamcumque quasi possessionem etiam immemorabilem, & centenariam & ultra improbamus; ita ut nunquam in iudicio, aut extra allegari, aut ad effectum aliquem eis suffragari possint: Salvis tamen omnibus iuribus, prærogativis, privilegiis, & facultatibus in Scholares, Lectores, aliasque personas Regiæ Universitatis Studiorum Neapoli existentis, tum etiam quoad causas, & personas, Rectores, seu Possessores nonnullorum Beneficiorum, & Ecclesiarum, vel iisdem Ecclesiis inservientes, quæ ad nominationem, seu præsentationem, aut jus patronatus Regium spectant, ab immemorabili tempore eidem Capellano Majori, ut asseritur, competentibus, quæ per præsentem neque approbare, neque eis ullatenus derogare intendimus.

Cæterum quia difficile foret, præsentem nostras literas ad singula loca, ubi fortasse opus erit, deferri, volumus, ut earum exemplis etiam impressis, manu tamen publici Notarii subscriptis, & prædicti Capellani Majoris sigillo munitis eadem prorsus fides adhibeatur, quæ præsentibus adhiberetur, si forent exhibitæ, vel ostensæ. Nulli ergo

omnino hominum liceat hanc paginam nostre concessionis, privilegii, indulti, decreti, mandati, declarationis, derogationis, & voluntatis infringere, vel ei ausu temerario contraire: si quis autem hoc attentare præsumperit, indignationem Omnipotentis Dei, & Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem anno Incarnationis Dominicæ millesimo septingentesimo quadagesimo primo pridie nonas Julii, Pontificatus nostri anno primo.

P. Cardinalis Aldrovandus Prodat. = Pro D. Cardinali Passioneo. = Cajetanus Amatus. = Vise de Curia. = Loco † Plumbi. = N. Antonellus. = J. B. Eugenius.





MOTUS PROPRIUS
SANCTISSIMI IN CHRISTO PATRIS
BENEDICTI PAPÆ XIV.

*SUPER NONNULLIS ALIIS FACULTATIBUS CAPELLANI MAJORIS
REGNI NEAPOLITANI.*

BENEDICTUS PP. XIV.

NEAPOLITANA.

MOtu proprio &c. Cum alias per nostras literas sub plumbo, datas Romæ apud S. Mariam Majorem pridie nonas Julii, Pontificatus nostri anno primo, ad supplicationem carissimi in CHRISTO Filii nostri CAROLI Siciliæ, & Jerusalem cum tota Terra citra Phærum Regis Illustris, & Hispaniarum Infantis, varias & diversas facultates Venerabili Fratri nostro Cœlestino Archiepiscopo Thessalonicensi moderno Capellano Majori, ejusque successoribus concesserimus, inter cæteras, ut Capellanos, & Presbyteros, juxta numerum, ac modum in iisdem literis stabilitum, ad audiendas confessiones pro militaribus copiis tam Regis propriis, quam auxiliariis, tam in Regno utriusque Siciliæ, quam extra, ubicumque ab eis iter faciendum, vel morandum esse contingeret, prævio examine, cæterisque servari solitis, approbare; & omnia parochialia Sacramenta existentibus militibus in actuali itinere, & expeditione contra hostes per eosdem administrari facere; necnon eosdem milites ac officiales tempore actualis expeditionis a crimine hæresis, apostasie a fide vel per se, vel per alios absolvere: omnibus insuper personis utriusque sexus in militaribus copiis existentibus, tam quadragesimalibus, quam aliis anni temporibus & diebus, quibus efus carniæ, ovorum, casei, butyri, & aliorum lacticiniorum est prohibitus, eisdem ovis, caseo, butyro, & aliis lacticiniis, atque etiam carnibus, exceptis tamen quibuldam diebus, & servata forma jejunii a Nobis præscripta, utendi, & vescendi licentiam impendere: iisdemque omnibus, & singulis dispensationem ab observatione diei festi, si aliquod opus faciendum necessario fuerit, concedere: & præterea a quibuscunque eorum peccatis, criminibus, excessibus, & delictis, quantumvis gravibus & enormibus, etiam Episcopis & locorum Ordinariis reservatis, de quibus ore confessi, & corde contriti fuerint, salutari poenitentia pro modo & qualitate culpæ imposita, debitam absolutionem vel per se, vel per alios impendere, & elargiri libere ac licite possit & valeat, prout latius in præfatis literis nostris continetur; quarum tenores hic pro sufficienter insertis, & expressis haberi volumus. Cum autem postea a præfato Archiepiscopo Thessalonicensi Nobis expositum fuerit, ad opportu-

T t nam

nam Sacramentorum administrationem, & procurandam animarum salutem pro militibus in actuali expeditione contra hostes existentibus, nonnullis aliis facultatibus, per se vel per alios ecclesiasticos viros exercendis, omnino indigere; Nos animarum saluti, quantum in Domino possumus, consulere cupientes, motu simili &c. eidem Venerabili Fratri nostro Cœlestino Archiepiscopo, ejusque successoribus in dicto Regno utriusque Siciliæ Capellanis Majoribus pro tempore concedimus & impartimur infra-scriptas etiam facultates, ad nostrum, & Sedis Apostolicæ beneplacitum duraturas, per se, vel per alium seu alios Sacerdotes probos & idoneos, & juxta formam in præfatis literis nostris præscriptam approbatos, ab eodem Capellano Majori subdelegandos, pro militaribus tamen copiis, tam propriis dicti Regis, quam auxiliariis, in actuali expeditione contra hostes existentibus dumtaxat, non autem in hibernis, aut prædiis commorantibus, exercendas; Videlicet absolvendi omnes & singulas personas in iisdem copiis militaribus existentes a quibuscunque eorum peccatis & delictis, quantumvis gravibus & enormibus, non solum Episcopis & locorum Ordinariis, sed etiam Nobis & eidem Sedi Apostolicæ specialiter reservatis, & reservari solitis: commutandi, relaxandi, dispensandi, & absolvendi respective, prout & in quantum Episcopis & locorum Ordinariis juxta Sacros Canones, & Concilii Tridentini decreta id facere licet & permittitur, quoad vota, juramenta, irregularitates, & censuras Ecclesiasticas, nempe excommunicationes, suspensiones, & interdicta; necnon quoad omissionem omnium, seu aliquarum ex denunciationibus, quæ Matrimonii personarum, ad prædictas copias pertinentium, & cum illis commorantium, contrahendis præmitti deberent; concedendi quibuscunque utriusque sexus CHRISTI fidelibus, ad præfatas copias pertinentibus, in articulo mortis, saltem contritis, si confiteri non poterunt, necnon in Nativitate Domini nostri JESU CHRISTI, Paschatis Resurrectionis, & Assumptionis B. Virginis festis diebus, vere pœnitentibus & confessis, ac Sacra Communione receptis plenariam omnium suorum peccatorum indulgentiam & remissionem: singulis autem diebus Dominicis, & aliis festivis de præcepto relaxandi iis, qui ejus concionibus intervenerint, decem annos de injunctis illis, seu alias quomodolibet debitis pœnitentiis in forma Ecclesiæ consueta: celebrandi Missam una hora ante auroram, & alia post meridiem, & si cogat necessitas, etiam extra Ecclesiam in quocunque loco decenti, etiam sub dio, & sub terra, & gravissima omnino urgente necessitate, etiam bis in die, si tamen in priori missa ablationem non sumpserit, ac jejunos fuerit; necnon super Altari portatili, & non integro, seu aliqua in parte fracto, aut laeso, & sine Sanctorum Reliquiis; ac demum, si aliter celebrari non possit, & absit periculum sacrilegii, scandali, & irreverentiæ, etiam præsentibus hæreticis, aliisque excommunicatis: benedicendi quæcunque vasa, tabernacula, vestimenta, paramenta, & ornamenta ecclesiastica, aliaque ad Divinum cultum pro servitio earundem copiarum dumtaxat necessaria, & pertinentia: exceptis tamen iis, in quibus sacra unctio adhibenda erit: reconciliandi Ecclesias, Capellas, & Cometeria, ac Oratoria quomodolibet polluta, in illis partibus, in quibus ipsæ copię confederint, si ad locorum Ordinarios commodus non pateat accessus, aqua tamen prius per aliquem Catholicum Antistitem, ut moris est, benedicta, imo etiam, magna urgente necessitate, ut Mis-


ſæ Dominicis, & aliis feſtivis diebus celebrari poſſint, illa etiam a memorato Antifſtite non benediſta. Demum celebrandi Miſſam de Requiem in quocunque altari, etiam portatili, ſi aliter celebrari non poſſit, & per ejus applicationem liberandi animam alicujus ex pie defunctis dictarum copiarum, ſecundum celebrantis intentionem, a Purgatorii poenis per modum ſuffragii. Cæterum cum facultates prædictæ ad animarum ſalutem admodum pertineant, præſentes, & deſuper conficiendas literas nullo unquam tempore de ſubreptionis, vel obreptionis vitio, aut intentionis noſtræ, vel quoquam alio defectu notari, vel impugnari poſſe, ſed eas validas & efficaces fore & eſſe, ſuoſque plenarios & integros effectus ſortiri & obtinere debere, Apoſtolica auctoritate decernimus. Non obſtantibus quibuſvis Apoſtolicis, etiam in univerſalibus, provincialibus, & ſynodalibus Conciliis editis, vel edendis, generalibus, vel ſpecialibus conſtitutionibus & ordinationibus, privilegiis quoque indultis & literis Apoſtolicis, quibuſvis ſuperioribus, & perſonis in genere, vel in ſpecie, etiam motu pari &c. conceſſis, approbatis, & innovatis: quibus omnibus & ſingulis, hac vice dumtaxat, ſpecialiter, & expreſſe derogamus, cæteriſque contrariis quibuſcunque, cum clauſulis opportunis.

Fiat. Motu Propria P.

Et cum abſolutione a cenſuris ad effectum &c. & quod aliæ diſti Capellani Majoris conceſſiones & facultates habeantur pro expreſſis, ſeu in toto, vel parte exprimi poſſint in literis, & de conceſſione & impartitione hujusmodi, aliſque præmiſſis, ut ſupra latiffime extenſis, & quod præmiſſorum omnium, & ſingulorum aliorumque neceſſariorum major, & verior ſp. & expoſitio fieri poſſit in literis per viam de Curia, ut vocant, ſi videbitur, expediendis, aut ſola præſentis ſchedulæ Motus proprii Noſtri ſignatura ſufficiat, & ubique fidem faciat in judicio, & extra illud, regula quacunque contraria non obſtante. Datum Romæ apud S. Mariam Majorem iv. Idus Novembris, anno ſecundo.

Fiat P.

S. V. Motu proprio concedit Capellano Majori in toto Regno Neapolitano, ejusque ſucceſſoribus facultates, ad V. S. & Sedis Apoſtolice beneplacitum duraturas, pro militaribus copiis in actuali expeditione contra hoſtes exiſtentibus dumtaxat, celebrandi in caſu neceſſitatis in quibuſvis locis; benedicendi paramenta, & alia neceſſaria ad Divinum cultum; reconciliandi Eccleſias, & Oratoria quomodolibet polluta; abſolvendi a peccatis, etiam Summo Pontifici, & Sedi Apoſtolicæ reſervatis; commutandi, relaxandi, diſpenſandi, & abſolvendi reſpective quoad vota, juramenta, irregularitates, & cenſuras; celebrandi Miſſam de Requiem in quocunque altari, & per ejus applicationem liberandi animam alicujus pii defuncti a Purgatorii poenis; concedendi plenarias peccatorum indulgentias diverſis feſtis diebus, & præſertim in articulo mortis, omnibus utriuſque ſexus = N. Antonellus Abbreviator de Curia.



BREVE BENEDICTI XIV. AD CAROLUM EMANUELEM
REGEM SARDINIÆ.

BENEDICTUS PAPA XIV.

Charissime in Christo Fili noster Salutem, & Apostolicam
Benedictionem.

Plis Catholicorum Regum votis, per quæ Divinus cultus angere,
& Ministrorum Ecclesiasticorum, præsertim Capellarum Regiarum
servitio adscriptorum Status ad Dei gloriam tranquillè, & rectè, di-
rigi, & gubernari valeat, libenter annuimus, & aliàs disposuimus,
prout conspicimus in Domino salubriter expedire. Itaque supplicationi-
bus Majestatis Tuæ nomine nobis humiliter porreclis inclinati eidem
Majestati Tuæ, ut Magnus Eleemosynarius, sive Capellanus Major
Capellæ Tuæ in Episcopali dignitate constitutus, in quibusvis Civi-
tibus, Oppidis, & locis, in quibus Majestatem Tuam prædictam,
Tuamque Regiam Curiam pro tempore residere contigerit continuò, vel
ad tempus, curam animarum Familiæ Tuæ; omniumque, & singula-
rum, tam ex tuis Regno, & Dominiis originem habentium, quàm
extraneorum Curialium, & dictam Curiam sequentium, cujuscumque
status, gradus, ordinis, & conditionis, ac præminentie existentium,
tam Ecclesiasticorum, quàm Sæcularium (Archiepiscopis, & Episcopis ex-
ceptis) exercere, earumque Rector nuncupari, easque corrigere, & vi-
sitare, ac in easdem omnimodam jurisdictionem ordinariam, omnia-
que, & singula alia, quæ Archiepiscopi, & Episcopi, ac alii locorum
Ordinarii in Diocesibus suis de jure, vel consuetudine, aut aliàs quo-
modolibet facere, & exercere consueverunt, ac per se, vel alios Mi-
nistros suam jurisdictionem ordinariam exercere, necnon Ministros, &
Officiales necessarios ad exercendam Apostolica auctoritate hujusmodi
omnimodam jurisdictionem, tam Curie Palatii, quàm uti Index Ca-
pellæ hujusmodi, & aliorum prædictorum, qui ab eo, & ejus mandato
nominati exerceant eorum officia, & jurisdictionem suam tam in causis
familiarium, Capellanorum servientium Oratorii, Capellæ Cantorum,
& Ministrorum etiam Laicorum ejusdem Capellæ, quàm aliarum per-
sonarum quaruncumque nationum Tibi servientium, ac Personarum
Regalium, & Regiæ Proles, in illos tantum, qui verè sunt Curiales,
necnon Capellanorum in ruralibus domibus, seu Palatiis tuis existen-
tium nominare, necnon per se, aut Ministros suos Confessores Regu-
lares, de licentia suorum Superiorum, aut seculares pro cura anima-
rum dicti Palatii, & Curie etiam nominare, ac Capellanos, & Cle-
ricos servientes Tibi, & Domui Regali in dicta Capella, & Orato-
rio, ad celebrandum Missas, & Confectiones audiendas, ac verbum Dei
predicandum examinare, seu examinari facere, & eis id faciendi li-
centiam, & facultatem dare, ac etiam Predicatores Regulares, aut
seculares in dicta Curia, vel extra eam ad predicandum verbum Dei
in dicta Capella Regia, & Domo, ubi Tu, & tua Curia erit, ita ut
nullus Ordinarius loci, in quo dicta Curia, seu Tu, aut domus tua
erit,

eris, siue eundo, siue stando, siue etiam recreationis causa, predicationem verbi Dei impedire possit, convocare. Insuper predictus Eleemosynarius, seu Capellanus Major, Cantores, & Scholares in dicta Capella pro tempore existentes propter injectionem manuum violentarum inter se ipsos, aut etiam in Clericos de dicta Capella non existentes, citra tamen membrorum mutilationem, aut enormem lesionem, excommunicationis sententiam incurrentes, ab eadem sententia, praevis satisfactione, & injunctis injungendis absolvere, ac cum ipsis super irregularitate, si quam hujusmodi sententiis ligari, Missas, & alia Divina Officia, non tamen in contemptum Clavium celebrando, aut illis se immiscendo contraxerint, dispensare, omnemque innuitatis, & infamiae maculam, siue notam per eos propterea contractam abolere, ac Infantes, & Turcas, ac Saracenos, qui in praesentia tua ex quavis causa pro tempore baptizabantur, baptizare, ac Tibi, & tuis Filiis, reliquisque in Domo tua pro tempore servientibus, & residentibus, aut quacumque de causa, & qualitercumque in Regio tuo Palatio, ac in aedibus eidem Palatio annexis, & pro Familia, & Curialium predictorum habitatione designatis, commorantibus, aliisque dictae Curiae Curialibus, inter quos habeantur quicumque Tui Sanguinis Principes, etiam legitimati, ipsorumque soboles, & familiares, siue servientes, & quos pro tempore alienigenas in Regio Tuo Palatio, aut ipsorum Principum hospites haberi contigerit; Item Equites Torquati Supremi Ordinis Beatissimae Virginis Annuntiatae, necnon Militum Copiae, quae Tuae, Tuaeque Regiae Familiae custodia perpetuo sunt addictae quocumque nomine censeantur, & cum iis etiam Curiales illi, qui vel senio, vel alia iusta de causa de Regio tuo servitio excusantur, & generaliter eorum omnium Curialium, & hospitum Familiae, atque servientes, qui in Regio tuo Palatio, vel Principum Tuae Familiae commorantur, Penitentiae, & Eucharistiae, ac alia Sacramenta etiam in Festo Resurrectionis Domini Nostri Jesu Christi, absque alienius licentia ministrare, seu ministrari facere, necnon idem Eleemosynarius, seu Capellanus Major, Te, & omnes Curiales, & quoscumque alios Curiam sequentes Tuam, ab omnibus delictis, excessibus, & criminibus, etiam casibus Episcopalibus, injunctis injungendis absolvere, & Interdicti tempore Ecclesiastica sepultura tradere, quodque pro se, & alios Capellanus predictis in quacumque Ecclesia, etiam Ordinum Fratrum Minorum, ad quam Te pro tempore declinare contigerit, dummodo in ea ipsi Capellani, & Cantores Divina Officia celebrent, & content, oblationes etiam de manu Tua, Tuorumque Filiorum, seu Familiarum procedant, prout in dicta Capella Regia recipere, necnon quacumque Murmurum, quae in praesentia tua contrahuntur, solennizare, ac predictus Eleemosynarius, seu Capellanus Major in Episcopali dignitate constitutus tantum, ut praemittitur, omnibus, & singulis interessentibus Missarum solenniis, & verbi Dei predicationi in Tua praesentia verè penitentibus, & confessis ducentos dies de injunctis eis penitentis misericorditer in Domino in forma Ecclesiae consueta relaxare, utque omnium, & singulorum Christianissimorum in Curia Tua ubicumque residebis, continuo, vel ad tempus pro tempore commorantium, & aliorum quorumque ad ipsas Regias Ecclesias, seu Capellas accedentium per se, vel alium, seu alios per eum ad id deputandos a suo, si Curiales non fuerint, Ordinario approbatos, Sacramentales Confessiones audire, eosque a peccatis absolvere, injunctis eisdem pro commissis.

missis pœnitentia saluari, & aliis injungendis, necnon tam ipse, quàm ab eo deputatus Presbyter secularis, vel cujusvis ordinis de suorum Superiorum licentia; & Regularis pariter a suo, si non fuerit Curialis, Ordinario approbatus, omnium, & singulorum in Hospitali Tue Curie existentium, aut aliter in ipso Tuo Palatio ægrotantium Confessiones similiter audire, eisque Sacramenta Ecclesiastica ministrare, & in mortis articulo omnium peccatorum suorum absolutionem injungendis pariter injungendis impendere, ac Parochialem Ecclesiam viciniorem Palatio, ubi Te pro tempore morari contigerit, & si fuerint due Parochiales Ecclesiæ aequè vicinæ dicto Palatio, alteram, quam maluerit eligere, aut si qui Curiales in Palatio non degant, Parochialem Ecclesiam illorum habitationi viciniorem, in eaque tam Eleemosynarius, seu Capellanus Major, quàm persona ab eo ad animarum curam deputanda liberè ingredi, & exinde Sacramenta prædicta accipere, & sibi subditis ministrare, ac ad infirmos Tue Curie deferre, & Monitiones Matrimoniales suorum subditorum juxta decreta Concilii Tridentini publicari facere, eosque Matrimonio, sine tamen præjudicio Jurium Parochialium, conjungere. Præterea si eidem Eleemosynario, seu Capellano Majori videbitur, considerata decencia, & necessitate, Sanctissimum Eucharistiæ Sacramentum, & extreme Unctionis in Capella Regia, ut ad Infirmos, & Infirmas in dicto Palatio existentes commodius deferatur, & multis incommodis, quæ aliis nasci possent, obvietur, reponere liberè, & licitè, & absque ullo conscientie scrupulo, aut Censurarum Ecclesiasticarum incurso valeat, licentiam, & facultatem auctoritate Apostolica tenore præsentium concedimus, & indulgemus. Ad hæc, quicumque locorum Diœcesani, & alii Ordinarii Judices in Majorem, & Capellanos, Cantores, & Scholares prædictos actu inservientes, & consueta stipendia percipientes, quos ab illis prorsus, & omnino eximimus, & totaliter liberamus, & quoad Majorem Sedi Apostolica immediatè, quò verò ad alios Capellanos, Cantores, & Scholares hujusmodi dicto Eleemosynario, seu Capellano Majori subesse decernimus, penitus, nullam superioritatem, dominium, & jurisdictionem exercere, nec se de illis quomodolibet intromittere valeant, sed præfati Capellani, Cantores, & Scholares coram ipso Eleemosynario, seu Capellano Majori, sive Legatis, aut Delegatis dicte Sedis dumtaxat teneantur de justitia respondere. Insuper ut Capellani, Cantores, & Scholares servientes præfati a quocumque, quem maluerint Catholico Antistite gratiam, & communionem Apostolicæ Sedis habente Ordines sacros statutis ad id à jure temporibus, servatè tamen formâ Constitutionis sel. rec. Innocentii Papæ XII. Prædecessoris nostri quoad litteras dimissoriales, quæ incipit: Speculatores &c. successivè accipere, dictique Capellani etiam Religiosi, seu Regulares, Missas, horas Canonicas, & Divina Officia etiam Te absente, juxta tamen ritum Romanæ Curie etiam in dicta Capella, & in dicta Capella tantum, tam alii Capellani, Cantores, & Scholares dicere, recitare, & cauere, easdemque horas Canonicas ex causa tamen, & infra diei terminum, ac privatim, non autem in ipsa Capella anticipare, & postponere, ac in Festo Sanctissimi Corporis Christi, & per ejus Octavam Sanctissimum Eucharistiæ Sacramentum in eadem Capella, debitis tamen cum honore, & reverentia tenere, ac in quinta, & sexta Majoris hebdomadæ Feriis idem Sanctissimum Eucharistiæ Sacramentum in dicta Capella, in Sacrario, seu Urna reponere, & ad morem Patriæ

Monumentum, seu Tumulum nuncupatum cum luminariis facere, & tenere, necnon coram Te Missas etiam antequam luceſcat dies, circa tamen diurnam lucem, & per unam horam poſt meridiem celebrare, quodque perſona loco Eleemoſynarii, ſeu Capellani Majoris, ut infra deputanda, nec non triginta ex Capellanis prædictis, non tamen Præbendis Theologales, & Pœnitentiales obtinentes, fructus, redditus, & proventus quorumcumque Beneficiorum ſuorum Eccleſiaſticorum, etiamſi Canoniciatus, & Præbendæ, Dignitates, Perſonatus, adminiſtrationes, vel Officia fuerint, cum ea integritate, diſtributionibus quotidianis exceptis, percipere poſſint, cum qua illos perciperent, ſi in eiſdem Eccleſiis perſonaliter reſiderent, nec ad reſidendum interim in eiſdem teneantur auctoritate, & tenore ſimilibus etiam concedimus. Insuper, ut Chriſtiſideles Curiales Tui de licentia ipſius Eleemoſynarii, ſeu Capellani Majoris duntaxat quemcumque idoneum Presbyterum ſecularem, vel cuiusvis Ordinis Regularem approbarum ab Ordinario, ſi Curialis non fuerit, in ſuum poſſint eligere Confeſſarium, qui eorum Conſiſtionibus diligenter auditis, eos a peccatis ſolvere, & pro communis pœnitentiam ſalutarem, & alia injungenda injungere, & Sacramenta prædicta etiam in die feſto Reſurrectionis Dominica miniſtrare poſſit, utque Capellani, Cantores, & alie Eccleſiaſticae perſonæ deputandæ ad informationes faciendas ſuper puritate Sanguinis admittendorum in Capella huiusmodi, Teſtes per cenſuras Eccleſiaſticas compellere poſſint juxta ſuorum Canonum diſpoſitionem, auctoritate, & tenore prædictis pariter indulgemus; uſque hæc omnia, & ſingula moderno, & pro tempore exiſtenti dictæ Capellæ Capellano Majori, ſeu Eleemoſynario quandiu, & quoties in dicta Curia perſonaliter reſederit, & eo ab eadem Curia abſente, ſeu in illa non reſidente, aut viam univerſæ carnis ingreſſo perſonæ in Presbyteratus ordine conſtitutæ per Te toties, quoties Tibi viſum fuerit, nominandæ, & per ſuum Ordinarium approbandæ, quam Nos ex nunc, prout ex tunc, poſtquam per Te nominata, & a ſuo Ordinario approbata fuerit, deputamus, & approbamus, qua durante abſentia dicti Eleemoſynarii, ſeu Capellani Majoris a Curia prædicta, aut quandiu illi datus ſit ſucceſſor, in quibuſvis Civitatibus, Oppidis, & locis, in quibus Te, Tuamque Curiam Regiam pro tempore reſidere contigerit, omniaque, & ſingula alia, quæ Archiepiſcopi, & Episcopis, ac alii locorum Ordinarii in Dioceſibus ſuis de jure, vel conſuetudine, aut aliâ quomodolibet ſacero, & exercere conſueverunt (citrà tamen exercitium Pontificalium, ac Ordinum, & Beneficiorum collationem) exercere libere, & licite, adeoque, ſi oportuerit Subditis ſuis etiam intra vacationis annum litteras diſpoſitoriales pari modo concedere, ac ipſe Capellanus Major, ſicut præmiſſum eſt, concedere poſſet, quodque omnibus, & ſingulis gratiis, favoribus, præeminentiiſ, & indulgiis, quibus dictus Eleemoſynarius, ſeu Capellanus Major, dum in tua Curia reſidet, ratione ſui Officii gaudet, fruſtur, & utitur, ac gaudere, frui, & uti quomodolibet poſeſt, gaudere, frui, & uti poſſit, & valeat pariformiter, & æquè principaliter, ac Tibi perſonam huiusmodi nominandi, & eligendi plenam, & omnimodam facultatem Apoſtolica auctoritate tenore præſentium concedimus, & indulgemus. Declarantes, juſ ſuæ, & ſepulturæ quorumcumque Curialium apud Curiam ubicunque decedentium (Archiepiſcopis, & Episcopis in propria reſidentia decedentibus exceptis) ipſi quoque Capellano Majori, ejuſque Vicario præ cæteris omni-

bus,

bus, & unice competere, prout etiam quorumcumque in ipso Regio Palatio, & ei adnexis adibus prædictis decedentium: Hoc insuper addito, ut si quandoque evenerit, Majestatem Tuam ab Urbe solita sedis, abesse, nullo tempore intercidat, sed continuò exerceri debeat eadem jurisdictio erga Regiam Tuam Familiam, personasque prædictas omnes, quæ ibi permanferint, idemque servetur etiam in Ecclesiis ruralibus Regiis, ubi Vice-Parochi perpetuò resident ergà Curiales illos, qui etiam post Majestatis Tue discessum ibi morantur, & utrobique eadem per biennium vigeat jurisdictio, ab ipso tuo obitu, quæm Deus longè avertat, & ultra si Sedem Apostolicam vacare quoque contigerit, quo Realis successor commodius sibi, suæque Familia, & Curia consulere possit. Præsentes quoque literas de subreptionis vitio, aut intentionis nostræ, vel quopiam alio defectu notari, impugnari, vel invalidari nullatenus posse, sed illas validas, & efficaces existere, & fore, suosque plenarios, & integros effectus sortiri, & obtinere debere, sicque, & non aliter per quoscumque iudices quavis auctoritate fungentes, etiam Causarum Palatii Apostolici Auditores, & Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi, & interpretandi facultate, & auctoritate judicari, & definituri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, decernimus. Quocirca Venerabilibus Fratribus Archiepiscopo Taurinensi, & Episcopo Vercellensi, ac dilecto Filio pro tempore existenti in Ducatu Sabaudia, & Principatu Pedemontis, nostro & Apostolicæ Sedis Nuncio per præsentes committimus, & mandamus, quatenus ipsi, vel duo, aut unus eorum per se, vel alium, seu alios, quoties pro parte Majestatis Tue, seu alicujus ex Capellanis, vel Cantoribus, & Scholaribus prædictis fuerint requisiti, solemniter publicantes, Tibique, & illis in præmissis efficacis defensionis præsidio assistentes, faciant auctoritate nostra Majestatem Tuam, ac Capellanos, & Cautores, ac Scholares prædictos, præmissorum omnium, & singulorum effectum pacifice frui, & gaudere, non permittentes Majestatem Tuam, aut illos indebite molestari. Contradictores quoslibet, & rebelles per censuras, & penas Ecclesiasticas, aliæque opportuna juris, & facti remedia, appellatione postposita composcendo, invocato etiam ad hoc, si opus fuerit, auxilio brachii secularis non obstantibus rec. mem. Bonifacii Papæ VIII. Prædecessoris itidem Nostri, qua cavetur, ne quis extra suam Civitatem, & Diocesim, nisi in certis tunc expressis casibus, & in illis ultra unam Diëtam a fine sua Diæcesis ad iudicium evocetur, & de duabus Diëtis in Concilio generali editis, dummodo ultra tres Diëtas aliquis auctoritate præsentium in iudicium non trahatur, ac aliis Constitutionibus, & Ordinationibus Apostolicis, necnon quibusvis statutis, & consuetudinibus, etiam juramento, confirmatione Apostolica, vel quavis firmitate alia roboratis, privilegiis quoque, Indultis, & litteris Apostolicis per quoscumque Romanos Pontifices, etiam Prædecessores nostros, & Nos, ac dictam Sedem, etiam per viam generalis legis, ac Statuti perpetui, ac motu proprio, & ex certa scientia, deque Apostolica potestate potestudine, etiam cum quibusvis, annullativis, cassativis, restitutivis, preservativis, exceptivis, declarativis, mentis attestativis, ac derogatoriis derogatoriis, aliisque efficacioribus, & insolitis clausulis quomodolibet, etiam pluries concessis, confirmatis, & innovatis; Quibus omnibus, & singulis, etiamsi pro sufficienti de-

337
rogatione, de illis, eorumque totis tenoribus specialis, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut exquisita forma servanda foret, & in eis caveatur expresse, quod illis nullatenus derogari possit, illorum omnium, & singulorum prædictorum tenores præsentibus pro sufficienter expressis, & ad verbum insertis, necnon modos, & formas ad id servandas pro individuo servatis habentes, hac vice dumtaxat, illis aliàs in suo robore permansuris, harum serie specialiter, & expresse derogamus ceterisque contrariis quibuscumque. Volumus autem, quod præsentium litterarum transumptis, seu exemplis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem prorsus fides adhibeatur ubique in judicio, & extra illud, quæ præsentibus adhiberetur, si forent exhibitæ, vel ostensæ. Dat. Romæ apud Sanctam Mariam Majorem sub annulo Piscatoris die xj. Augusti 1745. Pontificatus nostri anno quinto, subscript.

I N D E X

P A R A G R A P H O R U M

C A P U T. I.

DE CAPELLA PALATINA Pag. 1

- An Principes Ethnici* ibid.
 II. *Et an Judei habuerint domicilia Oratoria* 2
 III. *Hæc quam antiqua & usitata apud Christianos in Oriente* ibid.
 IV. *Et in Occidente* 3
 V. *De Oratorio Palatino Imperatorum Orientis* 4
 VI. *Et Imperatricum* 5
 VII. *Et Regum Francorum primæ stirpis* 6
 VIII. *Capellæ vocabulum unde ductum* 7
 IX. *De Capella Regum Gallie* 8
 X. *Hispaniæ* 10
 XI. *Angliæ* 11
 XII. *Lusitanie* 13
 XIII. *Ducum Brigantinorum* 14
 XIV. *Ducum Sabaudie* 15
 XV. *De Capella Palatina Panormitana sub Normannis* 16
 XVI. *Suevis* 18
 XVII. *Aragoniis & Austriacis Sicilia Regibus* 20
 XVIII. *De Capella Palatina Neapolitana, regnantibus Andegavensibus* 21
 XIX. *Aragoniis* 22
 XX. *Et Austriacis Neapolitanis Regibus* 24

C A P U T II.

DE CLERO PALATINO 27

- I. *Capellani unde dicti* ibid.
 II. *De Clero Imperatorum Orientis* 28
 III. *De Clero Palatino Regum Francorum primæ stirpis* 29

- IV. *Et secundæ stirpis* 30
 V. *Et tertie stirpis* 32
 VI. *De Capellanis seu Eleemosynariis Regum Gallie* 33
 VII. *De Capellanis Regum Hispaniæ* 34
 VIII. *De Clero Palatino Normannorum Sicilia Regum* 36
 IX. *Et Suevorum* 38
 X. *Et Aragonum* 39
 XI. *Et Austriacorum* 40
 XII. *De Clero Palatino Regum Neapolitanorum Andegavensium* 41
 XIII. *Cui plures docti viri adjungebantur* 42
 XIV. *De numero & stipendio Capellanorum sub Andegavensibus* 43
 XV. *De eodem Clero, regnantibus Aragoniis* 44
 XVI. *Et sub Austriacis* 46
 XVII. *De eorum numero, & officio* 47
 XVIII. *De Confessario Regis* 48
 XIX. *De Eleemosynario* 50
 XX. *De Concionatore Aulico* 52

C A P U T III.

DE MAGNO CAPELLANO

- I. *De Protopapa Palatii Imperatorum Orientis* 54
 II. *De Archicapellano Imperatorum Occidentis* 55
 III. *De Abbate Oratorii Palatini Regum Francorum primæ stirpis* ibid.
 IV. *De Archicapellano Regum Francorum secundæ stirpis* 57
 V. *Archicapellanus Episcopos præcedebat* 58
 VI. *Quodnam fuerit ejus ministerium* ibid.
 VII. *De*

VII. De Magno Eleemosynario Fran-	legiorum	339
cia sub Regibus tertia stir-	II. in Regno Neapolitano	83
pis	III. De privilegiis ad Capellas	84
VIII. Quanam sint ejus munia in	Capellanos Regios pertinenti-	86
Aula Regum Gallia	bis	86
IX. Et quanam ejus partes in sa-	IV. De bisce privilegiis in An-	86
cro ministerio	glia	86
X. Da Magno Eleemosynario Re-	V. Et in Aula Regum Gallia	87
gina	VI. De iisdem in Gallia	88
XI. De Magno Capellano Regum	VII. Præsertim de Cleri Palatini	
Hispania	exemptione a residentia legi-	
ibid.	bis	89
XII. Et Regum Lusitania	VIII. De privilegiis Magni Elec-	
XIII. Et aliorum Principum	mosynarii Francia	90
ibid.	IX. Vetera jura Capellani Majoris,	
XIV. De Magno Eleemosynario Re-	et Capellanorum Regum Hi-	
gum Sardinia, Ducumque Sa-	spania a Leone X. confirma-	
baudia	ta	91
XV. Magnus Capellanus Aulicus	X. Tum ab aliis Romanis Pontifi-	
debet ex Episcoporum Ordine	cibus aucta, et renovata	92
esse	XI. Ea Paulus V. innovavit, au-	
XVI. Potest etiam Cardinalatus bo-	xit, ac perpetua esse declara-	
nore frui	vit	93
XVII. De Magno Capellano sub	XII. Privilegia Capellani Majoris Re-	
Normannis Sicilia Regibus	gum Lusitania	95
XVIII. Et quodnam fuerit ejus of-	XIII. Et ejus Cleri Palatini	96
ficium	XIV. Privilegia Magni Eleemosy-	
XIX. De eodem, regnantibus Sve-	narii Regum Sardinia a Be-	
vis	nedicto XIV. concessa	97
XX. Et Aragoniis	XV. Dubia, et Declarationes ejus-	
XXI. Deque ejus tunc temporis mi-	dem Pontificis circa hæc pri-	
nisterio	villegia	98
XXII. De eodem, imperantibus Au-	XVI. Alia iridem Dubia, et De-	
striacis	clarationes alia	100
XXIII. De Magistro Regalis Ca-	XVII. Album exemptionum in Au-	
pelle sub Andegavensibus Nea-	la Regum Sardinia	101
polis Regibus	XVIII. Antiqua jura Cleri Palatini	
XXIV. Quæ fuerint illius munia	nostrorum Principum quoad e-	
XXV. De Capellano Majore, re-	emptionem a legibus residen-	
gnantibus Aragoniis	tia	102
XXVI. Is ex Episcoporum numero	XIX. Et a solvendis decimis	103
erat	XX. Antiqua jura Majoris Capel-	
XXVII. De Capellano Majore sub	lani Regni Neapolitani	104
Austriaca gentis imperio	XXI. Quæ consuetudine potissimum	
XXVIII. De variis hujusce digni-	innitebantur	ibid.
tatis titulis	XXII. Quod vero iis sæpè relucta-	
	batur, ea confirmavit, auxit-	
	que Benedictus XIV.	105

C A P U T IV.

DE PRIVILEGIIS CAPELLÆ REGIÆ,
CLERI PALATINI, ET
MAGNI CAPELLANI

I. De origine, et progressu privi-

CAPUT V.

DE FACULTATIBUS CAPELLANI
MAJORIS REGNI NEAPOLITANI

- I. Regum nostrorum plura sunt in Ecclesiam merita 106
- II Omnia Divina Officia celebrari possunt in Capella Regis, Sacramenta, & Sacramentalia asservari 109
- III. Regibus fas est cuilibet Presbytero officium, jurisdictionemque Capellani Majoris committere 110
- IV. Que loca complectitur hujus jurisdictionis ibid.
- V. Et quas personas 111
- VI. Ea jurisdictionis est ordinaria 112
- VII. Ad ipsum spectat Clericos, Capellanosque constituere pro Sacro Aula ministerio, Arcium, & Exercitus ibid.
- VIII. De horum numero ibid.
- IX. Deque horum exemptione ab Ordinariorum jurisdictione 114
- X. Concionatores Aulici a Capellano Majore facultatem, & benedictionem accipere debent ib.
- XI. Clerici & Scholares Regie Capelle & Ecclesia S. Sebastiani possunt ab eo ad sacros Ordinis promoveri ibid.
- XII. Presbyteri ad audiendas Confessiones sacramentales in Aula, Arcibus, & Exercitu ab eodem habent facultatem & approbationem 115
- XIII. Horum tamen auctoritas, extendi nequit ad alia loca aliaque personas ibid.
- XIV. Bene vero Aulici, Militesque possunt Sacramenta suscipere a Presbyteris ab Episcopo Diocesano approbatis 116
- XV. Aulicis, & Militibus Sacramenta omnia administrare potest Capellanus Major, vel per se, vel per alios ibid.
- XVI. Eodem permittitur tum opera servilia, diebus festis; tum

carnea cibaria, diebus jejuniis 117XVII. De facultatibus Capellani Majoris quoad milites in statione ibid.XVIII. Et quoad eosdem dum sunt in expeditione 118XIX. Alia quedam privilegia addita recensentur 119XX. Quam ampla sit Capellani Majoris auctoritas ibid.

CAPUT VI.

DE ALIIS PRIVILEGIIS CAPELLANI
MAJORIS REGNI NEAPOLITANI

- Capellanus Major est supremus Rector Gymnasii Neapolitani 121
- II. Rem litterariam ordinat 122
- III. Jurisdictionem habet in Professores, Auditoresque ibid.
- IV. Nulli sine ejus testimonialibus litteris possunt consequi Doctoris gradum 123
- V. Nec ulli publice docere, neque libri edi possunt sine illius auctoritate 124
- VI. Sententiam dicit an Romanis Scripturis sit concedendum Regium Exequatur ibid.
- VII. Quo ordine negotium hoc absolvatur 126
- VIII. Imminet Beneficiis seu Ecclesiis omnibus Regii juris ibid.
- IX. Quaestiones de Patronatu Regio, vel Feudali examinat & definit 127
- X. Jus reddit in Causis ad hac Beneficia spectantibus 128
- XI. Curam habet vacantium Ecclesiarum Regii juris, idoneosque Rectores proponit Regi ibid.
- XII. Speciali modo praestit nonnullis Ecclesiis Regiis 129
- XIII. Piarum Confratiarum Regulas approbat, & quaestiones ad illas spectantes decernit ibid.
- XIV. In negotiis Ecclesiasticis ad Regem delatis suam sententiam dicit 130
- XV. De Consultore ejus Curia 131
- XIV. De

XIV. De Appellatione ab hujus Curia decretis 132

C A P U T VII.

DE LITURGIA PALATINA

De Liturgia in Oratorio Palatino Imperatorum Orientis 134

II. Ordo Divinorum Officiorum 136

III. Et celebranda Liturgia 137

IV. Et celebranda Magna Hebdomada 139

V. Et curandi strumas in Capella Regis Christianissimi ibid.

VI. Ordo agendi Divina Officia in Capella Regis Catholici 140

VII. Et Sacrum solenne celebrandi 141

VIII. Ritus, qui ibi observantur in Magna Hebdomada 142

IX. Ac in aliis quibusdam festis 143

X. Ordo Sacrarum rerum in Capella Regis Lusitaniae ibid.

XI. Et Sacrum solemniter faciendi 145

XII. Quonam ritu alii festi dies inibi colerentur 145

XIII. Ordo Liturgia in Aula Lusitana, qui nunc temporis obtinet 146

XIV. Et de festis diebus, qui ibi celebrantur ibid.

XV. Ordo Liturgia in Capella Regis Sardiniae 147

XVI. Normanni Siciliae Reges quam fuerint Divinis Officiis additi 148

XVII. De ritu acclamationum Regi, deque Collecta pro Rege in Liturgia 150

XVIII. De Sacris solemnibus sub aliis Siciliae Regibus 151

XIX. De permisso agendi opera servilia in nonnullis diebus festis 152

XX. Ordo sollemnis Liturgia in Sicilia, praesente Praelege 154

XX. Neapolitani Reges Andegavenses, quam studuerint celebrandis Officiis Divinis ibid.

XXII. Ibidem Reges ex Aragonia

familia

341
XXIII. Quo ritu ageretur sollemnis Liturgia in Capella Palatina, regnantibus Aragoniis 157

XXIV. Et quinam fuerit ordo sedendi, ac decantandi sollemniter Vesperas 159

XXV. Rursus is Ordo explicatur. ibid.

XXVI. Proregum tempore, quinam mores vigerint 160

XXVII. Ritus, qui modo observantur in Capella Palatina 161

XXVIII. De Regia mensa in magnis sollemnibus 163

XXIX. De benedictione Regiae mensae 164

XXX. Caeremoniae olim usitatae in mensa Regum Neapolitanorum 164

C A P U T VIII.

DE CORONATIONE REGUM.

Ordo coronandi Imperatores Orientis

II. De triplici coronatione Imperatorum Occidentis 168

III. Ordo hujus Coronationis 169

IV. Et Imperatricis 170

V. De Coronatione Regum Galliae 172

VI. Ritus hujus sacrae caeremoniae 173

VII. Ritus coronandi Galliae Regum 175

VIII. De proclamatione Regum Hispaniae 176

IX. Et Regum Lusitaniae 177

X. Ordo coronandi Reges Poloniae 178

XI. Angliae 179

XII. Sueciae 181

XIII. Daniae 182

XIV. Borussiae ibid.

XV. Et Imperatorem Moschorum 183

XVI. De Coronatione Regum Siciliae 185

XVII. De eorum Regio titulo 186

XVIII. Rursus de eorum benedictione 187

XIX. De Coronatione Regum Neapolitanorum 188

XX. De eadem, regnantibus Andegavensibus

<i>gavensibus</i>	189
XXI. <i>Quæ fuerint Regia insignia Regum Neapolitanorum</i>	190
XXII. <i>De usu Dalmaticæ, & lectione Evangelii in Missa</i>	191
XXIII. <i>De Coronatione Alphonsi II. Neapolitani Regis</i>	193
XXIV. <i>Ordo hujus Coronationis</i>	194
XXV. <i>De proclamatione Regum qui successere</i>	195
XXVI. <i>Ordo Coronationis Caroli Borbonii Regis utriusque Sicilia</i>	ibid.

CAPITULUM IX.

DE BAPTISMO REGUM.

In Palatiis Principum Baptismus solemniter administrari potest	198
II. Ordo administrandi solemniter Baptismi in Aula Imperatorum Germanorum	200
III. <i>De usu miscendi aquam Jordanis Fonti Baptismali</i>	201
IV. Ordo solemniter Baptismi in Aula Regum Galliarum	201
V. <i>De usu Ceræ & Chrismalis in Baptismo</i>	203
VI. Ritus, quo Rex Christianissimus aliquem suscipit e sacro fonte	204
VII. Ordo solemniter Baptismi in Aula Regum Hispaniarum	ibid.
VIII. <i>Et in Aula Regum Lusitaniarum</i>	205
IX. Ritus Aulae Lusitanæ offerendi Deo natum infantem cum aliis ceremoniis	206
X. <i>De Baptismo in Aula Regum Siciliae</i>	208
XI. <i>De festis in Regum natalibus</i>	209
XII. Ordo solemniter Baptismi in Aula Neapolitana, regnante Carolo Borbonio	210
XIII. <i>De titulo, quo donabantur primogeniti nostrorum Regum sub Normannis</i>	211
XIV. <i>Et sub Suevis, aliisque Siciliae Regibus</i>	212

XV. <i>De eodem titulo sub Andegavensibus Neapolitanis Regibus</i>	213
XVI. <i>Et sub Aragoniis, Austriaciisque Regibus</i>	214

CAPUT X.

DE NUPTIIS REGUM.

Regum Conjugia celebrari solent in Capella Palatina	215
II. Ordo benedicendi Nuptias in Aula Imperatorum Germanorum	216
III. <i>Et in Aula Regum Galliarum</i>	217
IV. <i>Vel si matrimonia fuerint alibi per Procuratorem celebrata</i>	218
V. <i>Expenduntur nonnulli ritus nuptiales Aulae Gallicanae</i>	219
VI. <i>De Conjugiis in Aula Regum Hispaniarum</i>	220
VII. <i>Et in Aula Regum Lusitaniarum</i>	222
VIII. <i>De iisdem in Aula Regum Neapolitanorum</i>	223
IX. Ordo celebrandi Nuptias, regnantibus Aragoniis	224
X. Rursus is Ordo describitur sub iisdem Regibus	225
XI. <i>Et ritus benedictionis Nuptiarum in solemniori Liturgia</i>	226
XII. <i>De felicissimis Conjugis Caroli Borbonii, & Mariae Amalie de Saxonia: Ferdinandi IV. & Mariae Carolinae Austriacæ Regum utriusque Siciliae</i>	228

CAPUT XI.

DE RITU CONFERENDI ORDINES EQUESTRES.

Ritus inaugurandi Equites Velleris aurci in Hispania	230
II. <i>Et agendi festum diem S. Andree Apostoli tutelaris Ordinis</i>	231
III. <i>De Ordine Equestri sub patrocinio SS. Conceptionis nuper a Carolo Borbonio Hispaniarum Rege</i>	232

<i>ge instituto</i>	232
IV. Ritus cooprandi Equites in hunc Ordinem	234
V. Ritus creandi Equites Spiritus Sancti in Gallia	236
VI. Et ejus sollemnia celebrandi	237
VII. De Ordine Equestri Periscelidis in Anglia	238
VIII. Et Aquile Nigra in Borussia	239
IX. Ritus armandi Milites olim apud Neapolitanos Reges usuratus	ibid.
X. Societas Equestres olim a Neapolitanis Regibus conscriptæ	241
XI. Statuta Equestris Ordinis Spiritus Sancti, Ludovico Tarentino Neapolitanorum Rege auctore	242
XII. Equites huic Societati adscripti	243
XIII. Ritus creandi Socios dell' Armellino sub Aragoniis Neapolitanis Regibus	ibid.
XIV. Ritus inaugurandi septem Supremos Proceres Neapolitani Regni	247
XV. De Regali Ordine S. Januarii instituto a Carolo Borbonio	249
XVI. Ordo creandi Equites S. Januarii	251
XVII. Et Officiales ejusdem Societatis	252
XVIII. Et agendi festum diem S. Januarii	253
XIX. De Ordine Constantiniano	254
XX. Ritus hujusmodi Equites iniciandi	255

C A P U T XII.

DE RITU PRÆSTANDI SACRAMENTA.

<i>De juramentis, quæ olim Episcopi in Gallia præstabant</i>	258
II. Ritus hujus cæremonie describitur	259
III. De quibusdam aliis sacramentis, quæ in Aula Regum Gallie præstantur	260
IV. Ritus jurandi a Gallie Regibus	

<i>bus iniis fœdera</i>	343
V. De præstando hominio, & juranda fidelitate Principi Asturicensium in Hispania	261
VI. Ordo hujus cæremonie narratur	263
VII. De sacramento edendo a Clericis Aula Hispanæ	264
VIII. Et quo Reges Hispaniæ se obligant fœderibus custodiendis	265
IX. Ritus jurandæ fidelitatis Regi Lusitanie	266
X. Et Regi Sardinie	267
XI. De hujusmodi sacramentis in Sicilia	268
XII. Ritus ea edendi	269
XIII. De iisdem in Neapolitano Regno	270
XIV. Ordo jurandæ fidelitatis Carolo Borbonio Regi	272
XV. De ritu, quo olim Barones fidelitatem Regi jurabant	273
XVI. Formula hodierna hujus juramenti	274

C A P U T VIII.

DE SACRIS QUIBUSDAM ALIIS CÆREMONIIS PALATINIS.

<i>De Rosa aurea a Romano Pontifice benedicta</i>	276
II. Ritus, quo ea Summis Principibus datur	277
III. De Ense & Pileo pariter a Romano Pontifice benedictis	279
IV. His donati fuere nonnulli Neapolitani Principes stirpis Aragoniæ	279
V. Ordo hujus cæremonie describitur	281
VI. De eadem rursus	283
VII. De Cardinalatus insignibus	ibid.
VIII. De usu mistendi ad absentes Cardinalatus insignia	284
IX. Ordo hujus cæremonie in Gallia	285
X. Et in Hispania	ibid.
XI. Et in Lusitania	187
XII. Et in Aula Neapolitana regnante Carolo Borbonio	289
	XIII.

- XIII. *Referuntur Pontificis de hac
re Litteræ* 290
 XIV. *Et ipsa cæremonia enarra-
tur* 291

C A P U T XIV.

DE REGUM FUNERE.

- Ordo Regii funeris in Aula Impe-
ratorum Germanorum* 294
 II. *Quo olim ritu sepelirentur Re-
ges Gallie* 296
 III. *Ordo Regii funeris in Aula
Regum Gallie* ibid.
 IV. *Quas partes in hac re habeat*

- Magnus Eleemosynarius* 298
 V. *Ordo Regii funeris in Aula Re-
gum Hispanie* 299
 VI. *Et in Aula Regum Lusita-
nie* 300
 VII. *De eadem re apud Lusita-
nos* 302
 VIII. *De Regiis funeribus in An-
glia, Svecia, Polonia, Mosco-
via, Borussia* 303
 IX. *De Regum exequiis in Sici-
lia* 304
 X. *Et in Neapolitano Regno* 305
 XI. *Imperantibus Austriacis* 307
 XII. *Et regnante Carolo Borbo-
nio* ibid.

